


Luda yã takada kũ

Bisã yão



Portions of the Holy Bible in the Busa language of Nigeria

Luda yá takada kũ Bisá yáo

Portions of the Holy Bible in the Busa language of Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 11 Nov 2022 from source files dated 9 Oct 2020
8631d380-7d17-5581-abf9-174814e8ccc3

Contents

MATIU	1
MAAKU	39
LUKU	62
YUHANA	102
ZĪRINĶ	129
ROMUDENĶ	163
1 KĶRINTIDENĶ	180
2 KĶRINTIDENĶ	195
GALATIANĶ	205
EFESUDENĶ	211
FILIPIDENĶ	216
KĶLĶSEDENĶ	220
1 TESALONIKADENĶ	224
2 TESALONIKADENĶ	227
1 TIMĶTI	229
2 TIMĶTI	234
TITU	237
FILIMĶ	239
EBERUNĶ	240
YAMISI	252
1 PITA	256
2 PITA	261
1 YUHANA	264
2 YUHANA	268
3 YUHANA	269
Yudu	270
ZIA YĀ	272
ZABURA	292

MATIU

Baaru nna kū Matiu kēē
 Yesu Kirisi inaa 1:1-2:23
 Yahaya Da'itēkeri waazikēnaa 3:1-3:12
 Yesu da'itēkēnaa 3:13-4:11
 Yesu yādannēna Galili 4:12-18:35
 Zaa Galili ari Yurusalēmu 19:1-20:34
 Yesu kunna Yurusalēmu 21:1-26:13
 Yesu gana kū a vunaa 26:14-28:20

Yesu Kirisi buri bozire
(Luk 3:23-38)

- ¹ Ibrahī kū Daudao buri Yesu Kirisi boziren dí:
² Ibrahī Isaaku ì,
 Isaaku Yakubu ì,
 Yakubu Yuda ì kū a v̄ninō kū a dakūnanō,
³ Yuda Pērezi kū Zerao ì kū a nō Tamao,
 Pērezi Ezerōnu ì,
 Ezerōnu Ramu ì,
⁴ Ramu Aminadabu ì,
 Aminadabu Nasō ì,
 Nasō Salamō ì,
⁵ Salamō Bōaza ì kū a nō Rahabuo.
 Bōaza Ōbedi ì kū a nō Rutuo,
 Ōbedi Yesē ì,
⁶ akū Yesē kīna Dauda ì.
- Akū Dauda Sulemanu ì kū Uria nanō, ⁷ Sulemanu Reoboamu ì,
 Reoboamu Abia ì,
 Abia Asa ì,
⁸ Asa Yosafata ì,
 Yosafata Yehoramu ì,
 Yehoramu Uzia ì,
⁹ Uzia Yotamu ì,
 Yotamu Aza ì,
 Aza Ezekaya ì,
¹⁰ Ezekaya Manase ì,
 Manase Amō ì,
 Amō Yosia ì,
¹¹ Yosia Yoyakini ì kū a dakūnanō gōrō kū ò gbēnō kūkū ò tà kūrwo
 Babilōnu.
- ¹² Tana kū gbēnō Babilōnu gberan Yoyakini Sealatieli ì,
 Sealatieli Zerubabēli ì,
¹³ Zerubabēli Abiudu ì,
 Abiudu Eliakimu ì,
 Eliakimu Azō ì,
¹⁴ Azō Zadōki ì,
 Zadōki Akimu ì,
 Akimu Eliudu ì,
¹⁵ Eliudu Eleaza ì,
 Eleaza Matā ì,

Matā Yakubu ì,
 16 Yakubu Mariama zā Yusufu ì,
 akū Mariama Yesu kū òdi pinε Arumasihu ì.

17 Zaa Ibrahī gɔɔa ari à gèε pé Daudaa, de kū a néo kun gēro donsarimeε. Zaa Dauda gɔɔa ari gɔɔ kū ò tà kū gbēnɔ Babilɔnu, de kū a néo kun gēro donsarimeε. Zaa tana kū gbēnɔ Babilɔnu ari à gèε pé Arumasihua, de kū a néo kun gēro donsarimeε.

Yesu Kirisi inaa
(Luk 2:1-7)

18 Deran ò Yesu Kirisi ì nàndí: A da Mariama kun Yusufu nɔkpamma ũmε. Ari àgɔ gé zā ke, à nò sí kú Luda Nini gbánao. 19 A gɔkpamma Yusufu bi gbē manameε, à ye à wé'i daaro, akū à zèo kú áni bo a yān asiri gūn. 20 Gɔɔ kú àtɛn laasun lé yā piia, Dikiri malaika bò à sùu nana gūn à pìne: Dauda buri Yusufu, òsun bídi ke n nɔkpamma Mariama sena yā musuro, zaakū nò kú à sinaa bò Luda Nini kīnaame. 21 Ani né i gɔgbē ũ, ìni tó kpáne Yesu, zaakū ani a gbēnɔ bo ñ durunnanɔ gūn. 22 Abirekū kè pínki, de yā kú Dikiri dà annabii gāi ke, à pì:

23 Nɔkpare lési mé ani nò sí

à né i gɔgbē ũ,

oni tó kpáne Imanueli.

Tó pìi pì, Luda kú kūoo.

24 Kú Yusufu vù, à kè lākū Dikiri malaika ditene nà, à a nɔ pìi sè. 25 Ama adi a dɔ nɔgbē ũro ari à gèε à négɔgbē pìi ì. Akū à tó kpáne Yesu.

2

Susuneyádřinɔ suna Yesu gwa

1 Ò Yesu ì Betilihamu Yudea busun kína Herɔdu gɔɔa. Akū susuneyádřinɔ bò ifáboki kpa, ò sù Yurusalemu, 2 ò gbēnɔ là ò pì: Né kú ò ì Yudanɔ kína ũ kú máa? O a susune è ifáboki kpa, akū o su kútene. 3 Kú kína Herɔdu yā pìi mà, à bídi kè kú Yurusalemudenɔ ñ pínki. 4 À Yuda sa'orikínɔ kú lundayádannerinɔ kākara ñ pínki, akū à ñ lá gu kú oni Arumasihu in. 5 Ò wèa ò pì: Betilihamumeε zaa Yudea busun. Zaakū lākū annabii kè nàndí:

6 Betilihamu kú à kú Yudanɔ busun,

ñ kīana Yuda wētɛnɔiro fá.

Zaakū n gūnn kína ni bon,

kū ani do ma gbē Isarailanɔne are.

7 Akū Herɔdu susuneyádřinɔ sisi asiri gūn, à susune pì bogɔɔ sãnsãn gbèkaríma. 8 Akū à ñ gbare Betilihamu à pì: À gé à né pì baaru gbekagbeka kú laakariio. Tó a a è, à su à omene, makū se, mani gé kútene.

9 Kú ò kína yā mà, akū ò dà zén. Akū susune kú ò è ifáboki kpa yā pìi dònne are dɔ ari à gèε à zè né pì kúkila. 10 Kú ò susune pìi è, ñ pɔ kè nna manamana. 11 Ò gè kpén, ò né pìi è kú a da Mariamao, akū ò kùte ò donyī kène. Akū ò ñ aruzeke àkpatinɔ wèwè, ò a gbà wura kú turaretitio kú lí'ɔ gbī nnanna. 12 Luda òñne nana gūn kú òsun bote Herɔdu kīnaaro, akū ò tà ñ busun kú zé pãndeo.

Gena kú Yesuo Misila

¹³ N̄ tanaa gbera Dikiri malaikaa bò à sù Yusufua nana gūn à pì: N̄ fute n̄ né pì sé kù a dao, n̄ bàa lé n̄ gé kúnwo Misila, ìnig̃ó kú gwe ari mà su mà yā onne d̃o, zaakū Her̃odu ni né pì wete à deme.

¹⁴ Akū Yusufua fute gwāani, à né pì sé kù a dao, à g̃e kúnwo Misila. ¹⁵ À kú gwe ari Her̃odu g̃e à g̃ao. Abirekū k̃e, de yā kú Dikirii ò annabii g̃ai ke yāime, à pì:

Ma a né gb̃e Misila.

Né̃g̃ōgb̃ēn̄o d̃ed̃enaa

¹⁶ Kū Her̃odu è susuneyād̃ōrin̄o ònd̃o k̃eare, akū a p̄o f̃ē manamana. À susun̄e boḡo taka d̃ō yā kú à gb̃eka susuneyād̃ōrii p̄in̄o yāi, akū à gb̃ēn̄o z̄i ò né̃g̃ōgb̃ē kū ò kà w̃e pla ke kū ò k̃ain̄o d̃ede Betilihamu kū a burano p̄inki. ¹⁷ Yā kú annabi Ilimia òo k̃e sà, à pì:

¹⁸ Ò wiki gb̃āna mà Rama,

òten s̄o d̄o, òten wiki pé.

Rahila teni a n̄ēn̄o s̄o d̄o,

à g̃i ò a n̄ēse kp̄atei,

zaakū ò kun doro.

Suna kū Misilao

¹⁹ Kū Her̃odu g̃a, akū Dikiri malaika bò à sù Yusufua Misila nana gūn ²⁰ à pì: N̄ fute n̄ né pì sé kù a dao, n̄ tá kúnwo Isarailan̄o b̄usun, zaakū gb̃ē kū òten wete ò né pì den̄o g̃aga.

²¹ Akū à fute à né pì sé kù a dao, à tà kúnwo Isarailan̄o b̄usun. ²² Kū à mà Ak̄elau mé àten kí ble Yudea a de Her̃odu g̃ēne ũ, vutena gwe v̄ina a k̄u. Luda yā òne nana gūn, akū à tà Galili b̄usun, ²³ à g̃e à v̄ute w̃ete kū òdi p̄i Nazera gūn. Len yā kú annabin̄o òo p̄apa, kū ò p̄i: Oni a sísi Nazera gb̃ē.

3

Yahaya Da'itekeri waazikenaa

(Maa 1:1-8, Luk 3:1-18, Yuh 1:19-28)

¹ Abire gbera Yahaya Da'itekerii sù Yudea gb̄arannan, àten waazi ke ² à pì: À n̄ēse lite, kpata kú à bò Luda k̄inaa kà k̄ani. ³ A yān annabi Isaya ò yā à pì:

À baarukparii k̄oto ma d̄o gb̄arannan,

àten pi à z̄e keke Dikirine,

à z̄e térereno porone s̄usu.

⁴ Yahaya òig̃ó p̄okasa kū ò t̄a kú lakumi k̄aon̄o dana, àdi bára asa d̄o a pi. Kwa kú z̄ó'iom̄e a p̄oble ũ. ⁵ Òdig̃ó b̄ote Yurusalemu kú Yudea b̄usu gu s̄inda p̄inkio kú Yoda d̄ōr̄oio òg̃ó su a k̄inaa. ⁶ Òdi n̄ durunnano o gupuraa, akū àdi n̄ da'ite ke Yodan.

⁷ Kū Yahaya è Farisin̄o kú Sadusin̄o ten su a k̄inaa dasi ò da'ite ke, akū à p̄inne: Bisāsiri pitikon̄o! Dí mé à lé dàawa à bàa sí p̄of̃e kú Luda ni kipaṃman̄e? ⁸ À n̄eselitena yā ke, onig̃ó d̄ō kú a lite. ⁹ Kū Ibrah̄i de á dizi ũ, àsung̃ó da kú abirekū mé ani á boro. Maten oáre, Luda ni f̄ō à gb̃ē d̄ino ke Ibrah̄i burin̄o ũ. ¹⁰ Kp̄ása ditena l̄inoi k̄e. Luda ni lí kú àdi né mana iro z̄ō à zu té gūn. ¹¹ Mateni á da'ite ke á n̄eselitena s̄eeta ũme, ama gb̃eke ni su ma gbera a gb̃āna demala, mádi ká mà a kyate s̄etenero. Àkū mé ani á da'ite ke kú Luda Ninio kú téo. ¹² À gbaka k̄una a òi éseg̃ēkia. Tó à f̄a, ani a p̄oblewe ká a d̄ōn, ani a s̄ako ká té kú àdi garo gūn.

Yesu da'itekēnaa
(*Maa 1:9-11, Luk 3:21-22*)

¹³ Akū Yesu bò Galili būsun, à sù Yahaya kīnaa Yodai de à a da'ite ke.
¹⁴ Yahaya ye à gí à pì: Makū kū má de ò ma da'ite ken n su ma kīnaa yá?
¹⁵ Akū Yesu wèa à pì: Àgō de le gĩa, zaakū à kō sì kōoo le yā sīnda pínki kēna a zéa yāi. Akū à wè. ¹⁶ Kū Yesu da'ite kè, à bikù gǝṅ. Zī birea ludambe wèkōa, akū à è Luda Nini ten su lán potēne bà à diawa. ¹⁷ Akū ò kōtoo mà bona ludambe à pì: Ma né mèn do légelege yenyīden dí, kū ma pō nnaa manamana.

4

Yesu yōgwanāa
(*Maa 1:12-13, Luk 4:1-13*)

¹ Akū Luda Nini gèe kū Yesuo gbárannan de Ibilisi a yō à gwa. ² Yesu lé yì fānantē kū gwāanio ari gōrō bupla. Kū nà teni a de, ³ akū gbèkēkerii pì nài à pì: Tó Luda Néme n ũ, ò pi gbè dīno li burodi ũ. ⁴ Yesu wèa à pì: À kú Luda yān ò pì: Póblen bisāsiri nigō kúo adoro, sé yā kú Luda ten o pínki.

⁵ Akū Ibilisi a sè à gèeo Luda wēten, à a zè Luda kpé mīsōntea ⁶ à pì: Tó Luda Néme n ũ, ò gbare n zīdai la, zaakū à kēna Luda yān ò pì: Anì n yā o a malaikanōne.

Oni n sé n ōi de òsun gè sī gbèearo yāi.

⁷ Yesu wèa à pì: Ò kè dō ò pì, òsun Dikiri n Luda lé ò gwaro.

⁸ Akū Ibilisi a sè à gèeo dō kpi lei manamana musu, à andunia kpatano mōne pínki kú n aruzekeno ⁹ à pì: Mani n gba adino pínki, tó n kute n donyī kemene. ¹⁰ Akū Yesu pīne: Ñ gomala Setan! Zaakū ò kè Luda yān ò pì: Ñ donyī ke Dikiri n Ludane ògō doi ado.

¹¹ Akū Ibilisi a tò gwe sà, akū malaikanō sù ò kpai.

Yesu nana a zāa zaa Galili
(*Maa 1:14-15, Luk 4:14-15*)

¹² Kū Yesu mà ò Yahaya kù ò dà kpésiran, akū à tà Galili. ¹³ Adi vute Nazera doro, à gèe à vute sèbee sare Kapenam, Zebuluni burino kú Nafatali burino būsun, ¹⁴ de yā kú annabi Isaya ò ke yāi à pì:

¹⁵ Zebuluni burino kú Nafatali burino būsū, zaa ísira kpa ari Yoda bara,

Galili būsū kú buri pāndenō kun pì,

¹⁶ n gbē kú ò kú gusira gūnnō gupura zōkō è, gu dō būsū kú à kú ga léi pì denōne sà.

¹⁷ Zaa gōrō kua Yesu nà waazikenāa à pì: À nèse lite, kpata kú à bò Luda kīnaa kà kāni.

Yesu ìba káakunō sisinaa
(*Maa 1:16-20, Luk 5:1-11*)

¹⁸ Kū Yesu ten do Galili sèbee, à gbēnōn plano è, vīni kú dakūnao, Simō kú òdi pi Pita kú a dakūna Anduruo. Òten táaru kpá sèbee pìn, zaakū sōrōkōnōme. ¹⁹ Akū Yesu pīne: À mō à témai, mani á ke gbēweterino ũ.

20 Zaa gwe g̃ɔ̃nɔ ò n̄ táarunɔ tòn, ò bò ò t̃èi. 21 Kū à g̃èe arɛ, à gb̃ɛnɔn pla p̃àndɛnɔ è, ṽini kū dakūnao dɔ, Zebedi né Yamisi kū a dakūna Yuhanao. Ò kú gó'ite gūn kū n̄ de Zebedio, òteni n̄ táarunɔ keke. Yesu n̄ sísi, 22 akū ò n̄ de tò gó gūn gwe g̃ɔ̃nɔ, ò bò ò t̃èi.

Yesu yádannɛnaa
(Luk 6:17-19)

23 Yesu dig̃ɔ̃ kure Galili b̃usun, àdi yā dañe n̄ aduakekpɛnɔ gūn, àdi kpata kū à bò Luda kīnaa baaru kpá, àdi gb̃ɛnɔ k̃ɛk̃ɔa kū gyā buri s̃inda p̃ínki. 24 A t̃s dà Siria b̃usula p̃ínki, akū òdig̃ɔ̃ sunɛ kū gb̃ɛ kū òten gyā buri s̃inda p̃ínki kū wāwāo kɛnɔ kū t̃anadɛnɔ kū létɛlɛtegyádɛnɔ kū ɛrɛnɔ, akū àdi n̄ werek̃ɔa. 25 Ò bò Galili kū W̃ɛtɛmɛnkuri b̃usuuo kū Yurusalemuo kū Yudeao kū Yoda barao dasidasi ò t̃èi.

5

Arubarikadenɔmɛ Yesu ìbanɔ ũ
(Luk 6:20-23)

1 Kū Yesu pari p̃inɔ è, à didi s̃is̃iia. Kū à ṽute, a ìbanɔ sù a kīnaa, 2 akū à nà yádannɛnaa à p̃i:

3 Arubarikadenɔmɛ gb̃ɛ kū ò n̄ kīana d̃ɔ̃nɔ ũ, zaakū kpata kū à bò Luda kīnaa de n̄ p̃ó ũ.

4 Arubarikadenɔmɛ p̃ɔsiradɛnɔ ũ, zaakū Luda ni n̄ laakari kpátɛñɛ.

5 Arubarikadenɔmɛ z̃idabusarinɔ ũ, zaakū m̃ók̃ɔ̃nɔ mé onig̃ɔ̃ andunia ṽi.

6 Arubarikadenɔmɛ yāzede nidɛrinɔ ũ, zaakū m̃ók̃ɔ̃nɔ mé oni k̃ā.

7 Arubarikadenɔmɛ w̃ɛndad̃ɔ̃nnɛrinɔ ũ, zaakū Luda ni n̄ w̃ɛnda d̃ɔ̃.

8 Arubarikadenɔmɛ ñɛspuradɛnɔ ũ, zaakū m̃ók̃ɔ̃nɔ mé oni w̃é si Ludale.

9 Arubarikadenɔmɛ ìbɛrɛmidɛrinɔ ũ, zaakū oni n̄ sísi Luda ñɛnɔ.

10 Arubarikadenɔmɛ gb̃ɛ kū òdi wari d̃ɔ̃r̃ma n̄ yāmanakɛna yāinɔ ũ, zaakū kpata kū à bò Luda kīnaa de n̄ p̃ó ũ.

11 Arubarikadenɔmɛ á ũ, tó ò á s̃s̃ɔ̃, tó ò wari d̃àáwa, tó ò yā ṽani s̃inda p̃ínki diáwa ma yāi.

12 À p̃ɔ̃nna ke à yāa dɔ, zaakū á láada z̃ók̃ɔ̃ ludambɛ. Len ò wari d̃ò annabi kū ò kú á ãnɔa lɛ.

Yesu ìbanɔmɛ wisi ũ kū gupurao
(Maa 9:50, Luk 14:34-35)

13 Ák̃ɔ̃nɔ mé á wisi ũ andunianɛ. Tó wisi i nna tà, deran oni kɛ nà à g̃ɔ̃ wisi ũ d̃ɔ̃ɔ? À àre ke ṽi doro, séde ò k̃óte gb̃ɛnɔ t̃áa oa.

14 Ák̃ɔ̃nɔ mé á gupura ũ andunianɛ. W̃ɛte kū ò k̃àte s̃is̃i musu di f̃ɔ̃ àg̃ɔ̃ utenaro. 15 Òdi fitila na ò gbaka kútɛaro. Òdi a di a dib̃ɔ̃ musumɛ, de à gu pu gb̃ɛ kū ò kú ɔ̃nnɔnɛ. 16 À gu pu gb̃ɛnɔnɛ lɛ, de ò á yāmanakɛnanɔ e ò á De kū à kú musu t̃s kpá.

Musa doka b̃ók̃ɔ̃tɛnaa

¹⁷ Àsungõ da ma su Musa doka kũ annabinõ yãñõ gboronlo. Mádi su gbororo, ma su de mà papame. ¹⁸ Yápuran maten oáre, ludambe kũ zĩteo ni gẽte, ama doka pi wãnzãn fitinle ke a pó kete ke ni gẽtero, yã sında pínki ni ke. ¹⁹ Abire yãí tó gbẽ gi yã kũ ò dìte pìnõ dokei, bee a kũ à kĩańyĩ, tó àdi da gbẽnõne ò ke le, ade nigõ kĩańyĩ kpata kũ à bò Luda kĩnaa gbẽnõ téme. Tó gbẽ kũna, tó àdi dańne le sõ, ade nigõ zõkõ kpata kũ à bò Luda kĩnaa gbẽnõ té. ²⁰ Maten oáre, tó á yãmanakena de ludayádannerinõ kũ Farisinõ pólaro, áni gẽ kpata kũ à bò Luda kĩnaa gũnlo.

Pɔfɛnaa

²¹ A mà ò pi yádenõne òsun gbẽ dero. Gbẽ kũ à gbẽ dèe, oni yákpate ke kãao. ²² Makũ sõ, maten oáre, gbẽ kũ à pɔ fẽ a gbẽdakei kà ò yákpate ke kãao. Gbẽ kũ à a gbẽdake sõsõ kà ò gé kãao gbãnadeno kĩnaa. Gbẽ kũ à pi a gbẽdakenẽ misaride sõ kà à gẽ tén gyãwãnn. ²³ Tó n su ò Luda gba pó a gbagbakia, tó n dɔn gwe kũ n gbẽdake n yã kũna, ²⁴ ò n gba tó sa'oki are gwe, ò gé ò kúte ke n adenẽ gĩa, gbasa ò su ò sa o sà. ²⁵ Tó n ibere ten gé kũnwo yákpatekerikia, ò ke likalika ò ke kãao nna zaa zén, de àsun n kpá yákpatekeriario yãí. Tó ndi ke lero, yákpatekeri pi ni n kpá dogariia, dogari ni n da kpésiran. ²⁶ Yápuran maten onne, òni bo gwero ari ò gé fina boo pínki. Bee kòbò ni gõ ténnyĩro.

Zinakanaa

²⁷ A mà ò pi, àsun zina kero. ²⁸ Makũ sõ, maten oáre, tó gbẽ nɔgbẽ gwà kũ laasun pãndeo, ade zina kè kãaon gwe kò. ²⁹ Tó n ɔpla wé dì tó ò fu, ò a bo ò zukũna. N kurana n mɛgu kei mana de ò n mɛgu sında pínki zu ténla. ³⁰ Tó n ɔpla dì tó ò fu, ò zõ ò zukũna. N kurana n mɛgu kei mana de n mɛgu sında pínki tana ténla.

Yigidena

(Mat 19:9, Maa 10:11-12, Luk 16:18)

³¹ Ò pi dɔ, tó gbẽ ten gí a nanɔi, à yigidetakada kpáa. ³² Makũ sõ, maten oáre, gbẽ kũ à gi a nanɔi, tó adi ke à gõpose kènlo, a zã pi mé àdi tó à gõ zinakeri ù. Gbẽ kũ à nɔ kũ ò giĩ sè sõ, à zina kèn gwe.

Ladanaa

³³ A mà ò pi yádenõne dɔ, ò yã kũ ò si kũ Dikirio papa, òsun fuaro. ³⁴ Makũ sõ, maten oáre, àsun la da sero. Àsun la da kũ ludambeoro, zaakũ Luda kiblegbaame, ³⁵ ke andunia, zaakũ Luda tintimmmẽ, ke Yurusalemu, zaakũ Kina zõkõ wẽteme. ³⁶ Nsun la da kũ n mĩoro, zaakũ òni fõ ò n mikã mèn do pura kũ ke ò a sira kũro. ³⁷ Àgõ pi ee ke oi. Yã kũ à de abirekũla bò yã vãni gũmmẽ.

Fĩnabonaa

(Luk 6:29-30)

³⁸ A mà ò pi, ò wé fina bo kũ wéo, saka kũ sakaao. ³⁹ Makũ sõ, maten oáre, àsun fina bo gbẽ kũ à vãni kèárearo. Tó gbẽ n sãn kè n ɔpla gasuua, ò a do dõne dɔ. ⁴⁰ Tó gbẽ ye à n uta lokomma yákpate ke kũnwo, ò n uta zõkõ tóne dɔ. ⁴¹ Tó gbẽ gã nãmma ò aso séare kiloo do, ò géone kiloo pla. ⁴² Tó gbẽ pó wé kemma, ò kpáa. Nsun gbẽ kũ à ye à pɔ sákamma tẽro.

Yena ibereei

(Luk 6:27-28, 32-36)

⁴³ A mà ò pì, àgõ ye á gbēdakei, à zā á iberegu. ⁴⁴ Makū s̄s, maten oáre, àgõ ye á iberenoi, à adua ke gbē kū òdi wé t̄áawanone, ⁴⁵ de à ḡs á De kū à kú musu n̄n̄o ū yāpura. Zaakū àdi ifantē bo gbē vāninone kū gbē manano n̄ pinki, àdi legū ma taarisaridenone kū taaridenō n̄ pinki. ⁴⁶ Tó gbē kū ò yeáinon á yeñyī, áni láada ke le Luda k̄naa yá? Bee be'oḡosirino di ke leroo? ⁴⁷ Tó á gbēnon adì f̄o kpákparúma r̄tēne, bó á deo gbē pāndenolaa? Bee kifirino di ke leroo? ⁴⁸ Abire yāi àgõ kun papana, lán á De kū à kú musu kun papana nà.

6

Gbadanaa

¹ À laakari ke á donyīyākena gupuraa. Àsun ke bisāsiri wé yāiro. Tó áten ke le, áni láada le á De kū à kú musu k̄naaro. ² Tó nten gba da takasidenone, ñsun a kpákpa ke lán manafikidenō bàro. Òdi ke aduakεkpeno gūn kū gānuleano de gbēno n̄ tó nna sí yāime. Yāpura maten oáre, ò n̄ láada lèn gwe kò! ³ M̄ok̄n, tó nten gba da takasidenone, ñsun tó n̄ ɔze d̄s lán n̄ ɔpla ten ke n̄aro. ⁴ Ñ tó n̄ gbadana ke asiriyā ū, n̄ De kū à asiriyā d̄s ni a f̄ina bonne.

Aduakēnaa (Luk 11:2-4)

⁵ Tó áten adua ke, àsunḡo de lán manafikidenō bàro. Òdiḡo ye ò adua ke zena aduakεkpen kū zérankpak̄oano de gbēno n̄ e yāi. Yāpura maten oáre, ò n̄ láada lèn gwe kò! ⁶ M̄ok̄n, tó nten adua ke, n̄ gē n̄ kpé gūn, n̄ gbà tata, n̄ wé ke n̄ De kū à kú gwe asiri gūnwa, n̄ De kū à asiriyā d̄s ni sí kūnwo. ⁷ Tó áten adua ke, àsun yā b̄ote dasi lán kifirino bàro. Òdiḡo da n̄ yāb̄otena dasi gūn Luda ni sí kūnwo. ⁸ Àsunḡo de lán n̄ bàro, zaakū á De p̄o kū á a ni v̄i d̄s ari àḡo gé gbekaa. ⁹ Àḡo adua ke lán dí bà:

Ó De kū à kú musu,

ñ tó òḡo d̄s kū n̄ tó adona,

¹⁰ Ñ tó kpata kū à b̄o n̄ k̄naa bo gupuraa,

ò n̄ p̄oyenyīna ke andunia gūn,

lákū òdi ke zaa musu nà.

¹¹ Ñ ó gba ú kū óni ble gbāra.

¹² Ñ ó taarino kēwá,

lákū odi kē gbē kū ò taari kēwērenone nà.

¹³ Ñsun tó ò fu ȳogwanaaaro,

ñ ó sí a v̄ania.

¹⁴ Tó á gbēno taari kēñne, á De kū à kú musu ni á p̄o kēáre se. ¹⁵ Tó adi gbēno taarino kēñne s̄ro, á De ni á taarino kēáre.

Léyīnaa

¹⁶ Tó á léyīna s̄s, àsun ān sisi lán manafikidenō bàro. Òdi n̄ ān yākate de gbēno ḡo d̄s kū ò léyīna yāi. Yāpura maten oáre, ò n̄ láada lèn gwe kò! ¹⁷ M̄ok̄n, tó n̄ léyīna, n̄ ān pípi, n̄ n̄isi māmamma, ¹⁸ de gbēno sún d̄s n̄ léyīnaro, sé n̄ De kū à kú asiri gūn baasiro. N̄ De kū à asiriyā d̄s ni a f̄ina bonne.

Aruzεke yā (Luk 11:33-36, 12:33-34, 16:13)

¹⁹ Àsun aruzekε kakaraáí andunia gūn laro, gu kū kòkòno dì pò yakan, pòno dì dàa kpán akūsò kpānino dì gu f̄ ò pòno s̄eten. ²⁰ À á aruzekε kakara ludambe, gu kū kòkòno dì pò yakanlo, pòno dì dàa kpánlo akūsò kpānino dì gu f̄ ò pòno s̄etenlo. ²¹ Zaakū gu kū n aruzekε kún, gwen n laakaríi òḡò kún se.

²² Wéme mè fitila ù. Tó n wé aafia, n mè pínki niḡò gupura ù. ²³ Tó n wé manaro s̄ò, n mè pínki niḡò gusira ù. Tó gupura kū ñ kūna de gusira ù, gusira pì z̄òk̄ò. ²⁴ Gb̄eke dì f̄ ò z̄ò ble dikiri mèn planero, zaakū ani z̄à gb̄e don àḡò ye gb̄e doi, kes̄ò ani na gb̄e doa à gb̄e do gya bo. Áni f̄ ò àḡò z̄ò ble Ludane kū òḡò leelero.

Ludanaanikēnaa
(Luk 12:22-31)

²⁵ Abire yāi maten oáre, àsun á wèndi damu ke à pi bón óni ble ke bón óni miro. Àsun mè damu ke à pi bón óni daro. Wèndi de pòblelaroo? Mè de pòkasalaroo? ²⁶ À gwa bānoa. Òdi pò t̄oro, òdi pò k̄ero, òdi pò ká d̄ò gūnlo, ama á De kū à kú musu dì pòble kpáíma. Á bèere v̄i manamana de bānlaroo? ²⁷ Á té, dí mé ani f̄ ò a wèndi gb̄ana kara, bee ḡoro do, a damukenaa gūnn?

²⁸ Bóyāin adì pòkasa damu kee? À lāvuno gwa s̄èn lākū ò de nà. Òdi z̄i kero, òdi buu tāro, ²⁹ ama maten oáre, bee Sulemanu kū a aruzekεo, adi uta da a mana kà ñ ke ūro. ³⁰ S̄èla kū à kun gb̄ara ani té kū zia, lākū Luda dì pò nai le nà, ák̄òno ludanaanikīanadeno, oní á pò o do yá? ³¹ Abire yāi àsun pòke damu ke à pi bón óni ble ke bón óni mi ke bón óni daro. ³² Kifirinon pò p̄ino pínki yā dì doñne are. Zaakū á De kū à kú musu d̄ò kū pò p̄ino k̄ò s̄i k̄áo, ³³ à tó kpata kū à bò a kīnaa kū a yāzedeo doáre are ḡia, ani á pò p̄ino karaáre pínki. ³⁴ Abire yāi àsun zia damu kero, zaakū zia a z̄ida yā d̄ò. Goro s̄inda pínki yā'ummanaa m̄ò.

7

K̄ò taari'ēnaa
(Luk 6:37-38, 41-42)

¹ Àsun gb̄e taari ero, Luda ni á taari e sero. ² Zaakū lākū ndi gb̄e taari e nà, len Luda ni n taari e le. Zaka kū n ȳoñne ani ȳonne. ³ Bóyāi nten s̄èburu kū à da n gb̄edake wén ei, akūsò nten límukutu kū à da n wén yā daroo? ⁴ Kū límukutu da n wén, à kè dera ñni pi n gb̄edakene à tó ñ s̄èburu kū à da a wén bonεε? ⁵ Manafikide! Ñ límukutu kū à da n wén bo ḡia, gbasaa ñ gu e swáswa de ñ le ñ s̄èburu kū à da n gb̄edake wén bonε.

⁶ Àsun Luda pò kpá kifirinoro,
de òsun era ò á kari kero yāi.

Àsun á gb̄e bèeredeno zu aledenoro,
de òsun t̄aa o'ooaro yāi.

Wékenaa
(Luk 11:9-13)

⁷ À wé ke, Luda ni kpááwa. À wete, áni le. À gbà lé, Luda ni wéáre. ⁸ Zaakū gb̄e kū à wé k̄èn òdi kpáa, gb̄e kū à wete s̄ò àdi le, gb̄e kū à gb̄aa l̄èn oní w̄ene. ⁹ Á té, dí mé ani gb̄e kpá a néa, tó à burodi wé k̄éaa? ¹⁰ Tó à kpò wé

kèa sɔ̄, ani ml̄ɛ̀ sɛ̀ à kpáa yá? ¹¹ Bee kũ á vānikεo, á pɔ́ mana kpána á n̄n̄ɔa d̄s. Oni á De kũ à kú musu pɔ́ mana kpána gb̄ɛ̀ kũ ò wé k̄ɛ̄n̄ɔa pɔ́ o d̄ɔ́ yá?

¹² À ke gb̄ɛ̄n̄ɔne lákũ á ye ò keárɛ̀ nà. Musa doka kũ annabinɔ́ yānɔ́ m̄in gwe.

Zéle kpakoto

(Luk 13:24)

¹³ À zéle kpakoto sɛ̀. Zé kũ a lé yàasa akũ à m̄ɛporoki v̄i di gé kũn̄wo kakatɛnaa gũmmɛ̀. Abirekũn̄ pari ten sɛ̀. ¹⁴ Zé kũ àdi gé kũn̄wo w̄ɛ̀ndii gũn̄ lé kpakoto à nakɔ́ana, akũs̄ gb̄ɛ̀ kũ ò lè ò s̄ɛ̄n̄ɔn dasiro.

Gb̄ɛ̀ d̄sna a yākenaaa

(Luk 6:43-44, 13:25-27)

¹⁵ À laakari ke annabi ékɛ̄n̄ɔi. Òdi su á k̄inaa kũ s̄á bárao dana, ama lɛwanna n̄àderin̄ɔme ní ũ. ¹⁶ Áni ní d̄s ní yākenaaa. Òdi geepi bo lè líaro. Òdi kaka e babare láaro. ¹⁷ Lí mana di né nna i, lí vāni di né gina i. ¹⁸ Lí mana di f̄s̄ à né ginaa ìro, lí vāni di f̄s̄ à né nna ìro. ¹⁹ Òdi lí kũ àdi né mana iro z̄s̄ ò zu té gũmmɛ̀. ²⁰ Lɛme áni ní d̄s ní yākenaaa le.

²¹ Adi ke gb̄ɛ̀ kũ àdiḡs̄ ma sísi Dikiri, Dikiri, mé ani ḡɛ̀ kpata kũ à bò Luda k̄inaa gũnlo, sɛ̀ gb̄ɛ̀ kũ àdi ma De kũ à kú musu p̄yenyĩna keɛ. ²² Yākpatekegɔ̄ɔ̄ z̄i pari ni pimɛnɛ̀: Dikiri, Dikiri, o Luda yā ón̄ne kũ n t̄sɔ́ bi! O t̄anan̄ gòm̄ma kũ n t̄sɔ́ bi! O daboyān̄ k̄ɛ̀ dasi kũ n t̄sɔ́ bi! ²³ Mani pīn̄ne s̄usu: Má á d̄s̄ zikiro. À gomala yāvānikerin̄ɔ!

Kp̄ɛbori gb̄ɛ̄n̄ɔn planɔ́

(Luk 6:47-49)

²⁴ Abire yāi gb̄ɛ̀ kũ à ma yā d̄in̄ɔ mà, akũ à z̄i k̄ɛ̀a de lán gb̄ɛ̀ laakaride kũ à a kp̄ɛ̀ bò gb̄ɛ̀ɛa bàme. ²⁵ Kũ legũ mà, í dàgula, ìa kàka à s̄u kp̄ɛ̀ pīia, akũ adi létero, kũ ò a ɛ̀ p̄ɛ̀te gb̄ɛ̀ɛa yāi. ²⁶ Gb̄ɛ̀ kũ à ma yā d̄in̄ɔ mà, akũ adi z̄i kearo de lán m̄isaride kũ à a kp̄ɛ̀ bò b̄usu'at̄ɛ̀a bàme. ²⁷ Kũ legũ mà, í dàgula, ìa kàka à s̄u kp̄ɛ̀ pīia, akũ à gb̄òro à l̄ɛ̀te gb̄irim.

Yesu ikoo

²⁸ Kũ Yesu yā biren̄ɔ ò à làka, a yādannɛnaa bò pari sarɛ̀, ²⁹ zaakũ adi yā dān̄ne lán ludayādannerin̄ɔ bàro, à dān̄ne kũ ikooɛ̀.

8

Kusu werekɔ́anaa

(Maa 1:40-45, Luk 5:12-16)

¹ Kũ Yesu kipa s̄s̄s̄ia, pari téi. ² Akũ kusu ke s̄u à k̄ute a are à pī: Dikiri, tó ní yei, ìni f̄s̄ ò ma werekɔ́a swáswa. ³ Yesu ɔ̀ bò à n̄aa à pī: Má yei. Ìn̄ ḡs̄ swáswa. Zaa gwe ḡon̄ɔ a kusu làka. ⁴ Akũ Yesu p̄inɛ̀: Ìnsun o gb̄ɛ̀ke maro. Ìn̄ gé ò n z̄ida m̄ɔ sa'oriine, ò sa'op̄ɔ kũ Musa dite kpá n werekɔ́ana s̄ɛ̀da ũ gb̄ɛ̄n̄ɔne.

Sozanɔ́ gb̄ɛ̀ z̄sk̄ɔ z̄ikeri werekɔ́anaa

(Luk 7:1-10)

⁵ Kũ Yesu ten ḡɛ̀ Kapɛnamu, akũ Romu sozanɔ́ gb̄ɛ̀ z̄sk̄ɔ s̄u a k̄inaa, a wé k̄ɛ̀a ⁶ à pī: Dikiri, ma z̄ikeri wútɛna be, à k̄on̄ɔ kũ, mè ten ũa manamana. ⁷ Akũ Yesu p̄inɛ̀: Mani gé mà a werekɔ́a. ⁸ Akũ gb̄ɛ̀ z̄sk̄ɔ pī p̄inɛ̀: Dikiri, mádi ká ò gé ma bearo. Ìn̄ yā o dé, ma z̄ikeri ni werekɔ́a. ⁹ Zaakũ makũ se, ò iko v̄i ma musume, akũ má iko v̄i sozanɔ́a. Mad̄i o ní gb̄ɛ̀ done à gé, àdi

gé. Madì o a pāndenε à mós, àdi su. Madì o ma zīkeriine à adikū ke, akū àdi ke.

¹⁰ Kū Yesu yā pii mà, à bò a sare, akū à pì gbē kū ò ténɔne: Yāpuran maten oāre, mádi le gbēke ma náani kè le Isarailanɔ téro. ¹¹ Maten oāre, gbēnɔ ni bo ifāboki kpa kū ifālete kpao dasidasi oni su pó ble kū Ibrahīo kū Isaakuo kū Yakubuo kpata kū à bò Luda kīnaa gūn. ¹² Gbē kū ò de yā ògō kú kpataa pìi gūnnɔ sō, oni n̄ zu bàai gusira gūmmε. Gwen oni sɔ dɔn ò ɔ di n̄ mīia. ¹³ Akū Yesu pì sozanɔ gbē zōkō pìine: N̄ tá be. À kenne lākū n̄ ma náani kè nà. Akū a zīkerii pì gbāna kù gɔɔ kùà gōnɔ.

Yesu gyārenɔ werekōana dasidasi

(Maa 1:29-34, Luk 4:38-41)

¹⁴ Yesu gēε Pita bea, akū à è a nanɔ da wútena, àten mēwāna ke. ¹⁵ Kū à ɔ nà a ɔa, akū a mē yīda kù, akū à fùte à póble kēne.

¹⁶ Kū okosi kè, akū ò sùnε kū tānadenɔ dasidasi, akū à tāna pìnɔ gòmma kū yā'onaa, à gyārenɔ wèrekōa n̄ pínki. ¹⁷ Len yā kū annabi Isaya òo kè le à pì:

À ó gbānasarike sè,

à ó gyānɔ kēwá.

Gbē kū ò ye ò té Yesuino

(Luk 9:57-62)

¹⁸ Kū Yesu è pari kākaraai, akū à pì a ibanɔne: Ò bikū sèbeε bara. ¹⁹ Akū ludayādanneri ke sù à pì Yesunε: Danneri, gu kū nten gén sīnda pínki manigō tényi. ²⁰ Yesu pìne: Gbēgbonnɔ n̄ tò vī, bānɔn n̄ sà vī, Bisāsiri Né sō à ãmpaki vīro.

²¹ Akū iba pānde pìne: Dikiri, n̄ tó ari ma de kpágui gā. ²² Akū Yesu pìne: N̄ témai. N̄ tó gēnɔ n̄ gēnɔ vī.

Yesu zàgā'ia zēnaa

(Maa 4:35-41, Luk 8:22-25)

²³ Yesu gē gó'ite gūn, akū a ibanɔ tēi ò dà zén. ²⁴ Kānto zàgā'ia gbāna kàka sèbela, í ten vīvī àten kàka n̄ gón. Yesu ten i o, ²⁵ akū a ibanɔ nài, ò a vù ò pì: Dikiri, n̄ ó sura ba, óten kakateme. ²⁶ Akū à pìine: Ludanaanikīanadenɔ! À kè dera á vīna vī leε? Akū à fùte à gī ãne kū ío, akū gu kè kítikiti. ²⁷ Yā pii bò gbē pìnɔ sare ò pì: Gbē kpate taka burin dí? Bee ãa kū ío di a yā mame.

Tānanɔ gbarεna alēdenɔa

(Maa 5:1-20, Luk 8:26-39)

²⁸ Kū Yesu bikū bara dire Gadara būsun, tānade gbēnɔn pla kenɔ bò miranɔ té, ò sù ò dàale. Ò pāsī manamana, gbēke di fō à bote gwero. ²⁹ Ò wiki lè ò pì: Bón ó vī kō ɔi, Luda Né? N su wé tawá la ari a gɔɔ gō kán yá? ³⁰ Alēde kpàsa zōkō kú kúnwo zà dire, òten pó ble. ³¹ Akū tāna pìnɔ kúte kè Yesunε ò pì: Tó n pèwá, n̄ ó gbarε alēde kpàsa dire gūn. ³² Akū Yesu pìine: À gé. Akū ò gòmma ò gē alēdenɔ gūn. Akū alēde kpàsaa pìi wì kù bàao pínki, ò sòro sīsigororoa, ò sī sēben, akū ò gāga í gūn gwe. ³³ Akū alēdedārinɔ bàa lè ò gē wēte gūn, ò yā pìnɔ bàbañne kū yā kù à tānadenɔ lēeo pínki. ³⁴ Akū wētedenɔ bōte ò gēε da Yesule n̄ pínki. Kū ò a è, ò kúte kēne kù à boñne n̄ būsun.

9

K̀nɔde werekɔanaa
(Maa 2:1-12, Luk 5:17-26)

¹ Yesu g̀g̀ gó gūn, à ̀era à s̀b̀e bik̀ à k̀a a b̀e ẁt̀eɛa. ² Ak̀ gb̀ekenɔ m̀ǹe k̀u k̀nɔde ẁt̀ena gỳares̀b̀on. K̀u Yesu è ò a náani v̄i, ak̀ à p̀i k̀nɔde p̀ine: Ma gb̀, ñ laakari kp̀t̀e! N durunnanɔ k̀emma. ³ Ludaỳdanneri kenɔ k̀u gwe, ak̀ ò ò ñ ǹes̀e gūn ò p̀i: Gb̀ bire ten d̀ke k̀u Ludaome. ⁴ Yesu ñ laasun d̀s̀, ak̀ à ñ lá à p̀i: B̀ỳai átèn laasun v̄ni lé á ǹes̀e gūnn? ⁵ Tó ma p̀i, a durunnanɔ k̀eà, ke tó ma p̀i à fute à t́a o, a kpate mé à aragaa? ⁶ Ma ò le de ag̀ d̀s̀ k̀u Bis̀siri Né durunnanɔ k̀emmana iko v̄i z̀t̀e lame. Ak̀ à p̀i k̀nɔde p̀ine: Ñ fute ñ n ẁt̀ebɔ sé ñ tá b̀e. ⁷ Ak̀ à fute à tà b̀e. ⁸ K̀u pari è le, v̄ina ñ k̀u, ò Luda k̀u à iko bire taka kp̀a bis̀sirinɔa t́s̀ b̀o.

Matiu sisinaa
(Maa 2:13-17, Luk 5:27-32)

⁹ Yesu b̀o gwe, átèn g̀t̀e, ak̀ à gb̀ k̀u òdi pi Matiu è vutena a b̀e'g̀s̀ikpen. À p̀ine: Ñ m̀s̀ ñ t́mai. Ak̀ à fute à t̀ei. ¹⁰ K̀u Yesu ten p̀s̀ ble a b̀e, b̀e'g̀s̀irinɔ k̀u kifirinɔn k̀u gwe dasi, òten p̀s̀ ble ḱao k̀u à ìbanɔ lele. ¹¹ K̀u Farisinɔ è le, ak̀ ò a ìbanɔ là ò p̀i: B̀ỳai á dikiri ten p̀s̀ ble k̀u b̀e'g̀s̀irinɔ k̀u kifirinɔo? ¹² K̀u Yesu ỳa p̀i mà à p̀i: Gb̀ k̀u à aafia v̄i bàka k̀u k̀u likita ỳaoro, sé gỳare. ¹³ À gé à laasun lé ỳa k̀u à k̀ena Luda ỳan bire m̀ia ò p̀i: K̀s̀ ẁendagwanaan má yei, adi ke sa'onnaanlo. Mádi su gb̀ mananɔ sísiro, sé kifirinɔ.

Léȳinaa
(Maa 2:18-22, Luk 5:33-39)

¹⁴ Ak̀ Yahaya Da'it̀ekeri ìbanɔ s̀u ò Yesu là ò p̀i: À k̀e dera ók̀nɔ k̀u Farisinɔ òdi lé ỳi, ak̀ n ìbanɔ di ỳi s̀roo? ¹⁵ Ak̀ Yesu ỳa l̀ek̀a'ne à p̀i: Ǹs̀eri gb̀nɔ ni p̀sira ke g̀rɔ k̀u à k̀u k̀u'wo ǹs̀e gūn ỳa? Oi, ama a g̀rɔ ni su k̀u oni ǹs̀erii p̀i bo ñ t́e, gbasa ò lé ỳi s̀a. ¹⁶ Gb̀ke di uta z̀i nambata na k̀u p̀le dufuoro, zaak̀ a dufu ni s̀k̀un à k̀k̀re, uta z̀i f̄na ni kara. ¹⁷ Òdi s̀eẁe dufu ká t̀uru z̀i gūnlo. Tó ò k̀e le, t̀uru ni p̀t̀ame, ẁe p̀i ni k̀t̀e, t̀uru ni w̄iwi. Oi, òdi s̀eẁe dufu ká t̀uru dufu g̀mme, onig̀s̀ mana ñ p̀inki.

Nénɔkp̄are vuna k̀u ǹgb̀ k̀u à ɔ̀ nà Yesu utaaɔ
(Maa 5:21-43, Luk 8:40-56)

¹⁸ G̀rɔ k̀u Yesu ten ỳa birenɔ o'ne, gb̀nade ke s̀u à k̀t̀e a are à p̀i: Ma ǹnɔgb̀ g̀a tera dí. Ñ m̀s̀ ñ ɔ̀ naa, anig̀s̀ k̀u ẁendiio. ¹⁹ Ak̀ Yesu fute à t̀ei k̀u à ìbanɔ.

²⁰ Ǹnɔgb̀ ke k̀u gwe, aru di b̀t̀e à k̀a ẁe kuri aẁepla. À s̀u à ɔ̀ nà Yesu uta léa a kp̄e kpa. ²¹ Zaak̀ à p̀i: Bee tó ma ɔ̀ nà a utaa dé, mani werek̀a. ²² Yesu lit̄e à a è, ak̀ à p̀i: Ñ n laakari kp̀t̀e, ǹnɔgb̀! Ma náani k̀u n k̀e mé à n werek̀a. Gwe g̀nɔ ǹnɔgb̀ pi ẁerek̀a.

²³ K̀u Yesu k̀a gb̀nade pi b̀e, à è òten kute pé, pari k̀ini d̀o. ²⁴ Ak̀ Yesu p̀i: Á á z̀ida gá. Né p̀i dí garo, átèn i ome. Ak̀ òten a lalandi ke. ²⁵ K̀u ò p̀e gb̀nɔa ò b̀t̀e bàai, ak̀ Yesu g̀g̀ kp̀n, à né p̀i k̀u a ɔ̀a, ak̀ à fute. ²⁶ Ak̀ ỳa p̀i baaruu dà b̀usuu pila p̀inki.

V̄inanɔ werekɔanaa

²⁷ K̀u Yesu b̀o gwe, v̄ina gb̀nɔn planɔn t́i k̀u wikio òten pi: Ñ ó ẁenda gwa, Dauda buri! ²⁸ K̀u Yesu k̀a b̀e, v̄ina p̀inɔ nài, ak̀ à ñ lá à p̀i: Á ma náani

vĩ kũ mani f5 mà yã pi keáre yá? Ò wèa ò pi: Leme, Dikiri. ²⁹ Akũ à ɔ nà ñ wéa à pi: Àgõ deáre lákũ a ma náani kè nà. ³⁰ Akũ ñ wé gu è. Yesu kpàkènyĩ à pi: Àsun o gbèke maro. ³¹ Bee kũ abireo ò gèe ò a baaruu dàgula bùsunu pìn pínki.

Nénenatenade werekšanaa

³² Gɔɔ kũ vñanɔ ten bote, ò sù Yesune kũ tãnade kũ a néne natenaao. ³³ Kũ Yesu tãna pìi gò, akũ à yã ò. Yã pìi bò pari sare ò pi: Òdi yã bire taka e Isarailanɔ bùsun yãro. ³⁴ Akũ Farisinɔ pi: Àdi tãna gořma kũ tãnanɔ kina gbãnaome.

Yesu wëndadãna gbēnɔne

³⁵ Yesu gèe wētenɔa kũ lakutunɔ pínki, à yã dàinne ñ aduakεkpenɔ gũn, à kpata kũ à bò Luda kinaa baaru nna kpáinne, à gyãrenɔ wèrekša ñ pínki kũ gbãnasaridenɔ ñ pínki. ³⁶ Kũ à pari è, akũ ò kènne wēnda, zaakũ ò kũ bídin, ò likara lán sã kũ ò dàri vironɔ bà. ³⁷ Akũ Yesu pi à ibanɔne: Pókēna zókō, ama zikerinɔn dasiro. ³⁸ À wé ke Buradea de à zikerinɔ gbarε ò a póno kē.

10

Yesu zĩri gbēnɔn kuri awεεplanɔ ditenaa

(Maa 3:13-19, Luk 6:12-16)

¹ Yesu a iba gbēnɔn kuri awεεplanɔ sìsi, akũ à ñ gba iko ò tãnanɔ gořma, ò gyãrenɔ werekša kũ gbãnasaridenɔ ñ pínki. ² Zĩri gbēnɔn kuri awεεpla pìnɔ tónɔn dí: Gbē káaku Simɔ kũ òdi pìnε Pita kũ a dakũna Anduruo, Zebedi né Yamisi kũ a dakũna Yuhanao, ³ Filipi, Batɔɔmiu, Tomasi, be'ogɔsiri Matiu, Alafeu né Yamisi, Tadeu, ⁴ Simɔ Kokaride kũ Yudasi Isikariɔti kũ à bò a kpεo.

Yesu zĩrinɔ zĩnaa

(Maa 6:7-13, Luk 9:1-6)

⁵ Kũ Yesu ten gbēnɔn kuri awεεpla pìnɔ zĩ, à pìinne: Àsun gé buri pãndenɔ kinaaro. Àsun gē Samaria wētenɔ gũnlo. ⁶ À gé Isaraila kũ ò sãte lán sã bànɔ kinaa. ⁷ À gé àgõ waazi ke àgõ géo à pi: Kpata kũ à bò Luda kinaa kà kãni! ⁸ À gyãrenɔ werekša, à gènɔ vu bona gan, à kusunɔ werekša swáswa, à tãnanɔ gořma. Lákũ a lè pókekpanaa sari nà, à keĩne pókesinaa sari. ⁹ Àsun ɔgɔ da á bókɔnlo. ¹⁰ Àsun bókɔlokona séro ke uta plade ke kyate ke gòo, zaakũ zĩkerii kà à a póbile le. ¹¹ Wēte kũ áni kán sinda pínki ke lakutu, à gbē mana wete à kipaa, àgõ kú gwe ari à gé gēo zéla. ¹² Tó a gē onn, à fɔ nna kpámma. ¹³ Tó ondenɔ kà, á fɔ nna ni gõinne. Tó odi ká sɔro, á fɔ nna ni era à sukpaáwa. ¹⁴ Gu kũ odi gbãnake kpáái ke odi sã kpá á yãiro, à bo on ke lakutu pìi gũn à lukutē warawara á gbãna. ¹⁵ Yãpuran maten oáre, yãkpatekεgɔɔ zĩ wētãmma kũ Sɔɔmu kũ Gɔmɔradenɔ ni le nigõ sãna de wēte pi denɔ pòla.

Yã kũ ani Yesu ibanɔ le onnena

(Maa 13:9-13, Luk 21:12-17)

¹⁶ Mateni á zĩ lán sãno bà lewannanɔ téme. Àgõ laakari vĩ lán mlènɔ bà, àgõ de yãkerisaridenɔ ù lán potēnenɔ bà. ¹⁷ A laakari ke bisásirinɔi, zaakũ oni á kũkũ ò á na yãkpatekerinɔne ñ ɔi, oni á gbēgbē ñ aduakεkpenɔ gũn. ¹⁸ Oni gé kááo bùsu gbē zókōnɔ kũ kinanɔ kinaa ma yãi. Ánigõ deĩne

ma sèedadenɔ ũ kũ buri pãndenɔ. ¹⁹ Tó ò á kpámma, àsun yã kũ áni o damu kero ke yã kũ áni límma. Zĩ kũa Luda mé ani yã kũ áni o da á lén. ²⁰ Adi ke ákõnɔ mé áni yã oro, á De Nini mé ani yã da á lén.

²¹ Vĩni kũ dakũnanɔ ni kõ kpámma ò de. Denɔ ni bo n̄ n̄n̄nɔ kpe. N̄n̄nɔ ni bo n̄ denɔ kũ n̄ danɔ kpe ò n̄ de. ²² Gb̄e s̄inda p̄inki ni z̄áágu ma yã, ama gb̄e kũ à zena gb̄ana ari a gɔɔ léa ni surabana le. ²³ Tó òten wé t̄ááwa w̄ete ken, à bàa lé à tá a pãnden. Yãpuran maten oáre, áni gé Isarailanɔ b̄usu w̄etenɔ ḡun à láka p̄inkiro, Bisāsiri Né ni ḡinake à su. ²⁴ Ibaa òḡõ de a dannerilaro. Z̄irii òḡõ de a dikirilaro. ²⁵ Tó iba a yãdanneri lenaa lè ke tó z̄iri a dikiri lenaa lè, abirekũ mò le. Tó ò tó kpà òn bedene Belezebubu, tó kũ a v̄ani de abirekũlan oni kpá a òndenɔne.

Zena kũ Yesuo gb̄enɔ are
(Luk 12:2-9)

²⁶ Àsun v̄ina keñnero. Póke kun utena kũ ani bo gupuraaro. Asiriyã ke kun kũ oni gí òsiro. ²⁷ À yã kũ maten oáre gusiran o gupuraa. À yã kũ áten ma á sã ḡun kpàkpa ke ḡanulea. ²⁸ Gb̄e kũ òdi mè kakate, ama òdi f̄õ ò nini d̄eronɔ, àsun v̄ina keñnero. À v̄ina ke Ludane, kũ ani f̄õ à nini kũ mèeo kakate té ḡun p̄inki. ²⁹ Òdi b̄antoro m̄en pla yía k̄obɔ donloo? Ama n̄ ke di léte z̄ite á De yãd̄naa sariro. ³⁰ Bee á mik̄anɔ, à a lé d̄õ. ³¹ Abire yã àsun v̄ina kero. Á b̄ere de b̄antoro dasinola.

³² Gb̄e kũ à zè kũmao gb̄enɔ are, mani ze k̄aao ma De kũ à kú musu are. ³³ Gb̄e kũ à ledi kp̄amai gb̄enɔ are s̄õ, mani ledi kp̄ái ma De kũ à kú musu are.

K̄ek̄k̄ana Yesu yã
(Luk 12:51-53, 14:26-27)

³⁴ Àsunḡõ da ma su de gb̄enɔ ḡõ nna kũ k̄õ andunia ḡunnlo. Mádi su de gb̄enɔ ḡõ nna kũ k̄õ yáinlo, sé futena kũ k̄õ. ³⁵ Ma sume, de ḡõgb̄e bo a de kpe, n̄gb̄e bo a da kpe, n̄z̄are bo a z̄ã da kpe. ³⁶ Gb̄e bedenɔ ni ḡõ a ib̄erenɔ ũ. ³⁷ Gb̄e kũ à ye a de ke a dai demala dí ká àḡõ de ma iba ũro. Gb̄e kũ à ye a n̄éḡõgb̄e ke a n̄gb̄ei demala dí ká àḡõ de ma iba ũro. ³⁸ Gb̄e kũ adi a lígb̄andurukpana sé àḡõ téomairo, ade dí ká àḡõ de ma iba ũro. ³⁹ Gb̄e kũ à a w̄endi kũna, ade ni kurai. Gb̄e kũ à ḡi a w̄endiii ma yã s̄õ, ade niḡõ w̄endi v̄i.

Láada yã

⁴⁰ Gb̄e kũ à á sí ma sim̄e. Gb̄e kũ à ma si s̄õ, ade gb̄e kũ à ma z̄i sim̄e. ⁴¹ Gb̄e kũ à annabii s̄i a annabike yã ni annabi láada le. Gb̄e kũ à gb̄e mana s̄i a manake yã ni gb̄e mana láada le. ⁴² Bee í ȳidan, gb̄e kũ à né d̄inɔ doke gb̄a ma ìbake yã, yãpuran maten oáre, ade ni kura a láadairo.

11

Yahaya Da'itek̄eri z̄irinɔ
(Luk 7:18-35)

¹ Kũ Yesu yã bireno dà a iba gb̄enɔn kuri aw̄eεplanɔne à láka, à bò gwe, à ḡeε waazi ke n̄ w̄etenɔ ḡun, áten yã dañne.

² Zaa kp̄ésiran Yahaya Kirisi yákenanɔ mà, akũ à a iba kenɔ z̄i ³ ò a la, àkũ mé à gb̄e kũ ani su ũ yá, ke òḡõ wé d̄õ gb̄e pãndeime? ⁴ Akũ Yesu w̄em̄ma à pi: Á gé yã kũ áten ma áten e gb̄a Yahayane à pi, ⁵ v̄inanɔ ten gu e, εrenɔ

ten táa o, kusunɔ ten werekɔa, sátonɔ ten yá ma, gènɔ ten vu, takasidenɔ ten baaru nna waazi ma. ⁶ Arubarikademe gbɛ kú àdi fu ma yáaro ũ.

⁷ Kú Yaaya zիրinɔ tà, Yesu Yahaya yá ò parine à pi: Bón a ge gwa gbáranan? Kápa kú ía ten yīgán yá? ⁸ Bón a ge gwa sàa? Gbɛ kú à pókasa zāne danan yá? Pókasamanadarinɔ digɔ kú kínabeame. ⁹ Bón a ge gwa sàa? Annabiin yá? Leme! Maten oáre, à de annabila se. ¹⁰ Zaakú Yahayan ò a yá kè Luda yān ò pi: Mani ma zիրi gbare n á de à zé kekenne.

¹¹ Yápuran maten oáre, nɔgbɛ né'inaa gūn gbɛke dí bo à kà Yahaya Da'itekəri ũro. Bee kú abireo gbɛ kú à de gbɛ kpade ũ kpata kú à bò Luda kīnaa gūn deala. ¹² Zaa gɔɔ kú Yahaya Da'itekərii nà waazikenaaa ari suna gbàa, òten kɔde ke ò gɛ kpataa pìn, akú kùgbānadeno ten gēn. ¹³ Musa kú annabinɔ pínki gīnake ò a yá ò ari à gèe pé Yahayaa. ¹⁴ Tó áni f5 à sí, Yahaya pì mé à Iliasu kú ò pì ani su ũ. ¹⁵ Gbɛ kú à sá vī à yá pì ma.

¹⁶ Bón mani gbāragbēnɔ lekɔaoo? Ò de lán né kú ò kú ete gūnnɔ bà òten lé zukɔi ¹⁷ òten pi:

O kutee pèáre, ádi ũ wāro,
o wēnda lēe siáre, ádi ɔɔ dɔro.

¹⁸ Zaakú Yahaya sù, adi burodi sóro, adi wɛ miro, akú ò pi tānademe. ¹⁹ Kú Bisásiri Né sù, ádi pó ble, ádi í mi, akú ò pi: Guturu wēmiriime, be'ogɔsirinɔ kú kifirinɔ gbēname! Ama òdi ɔndɔ d5 a yākenaaame.

Yesu zukakana wēte kenɔ denɔ
(Luk 10:13-15)

²⁰ Akú Yesu fūte à zuka kà wēte kú à a daboyā paride kēnnɔ gbēnɔ, kú odi n nēse litero yāi à pi: ²¹ Waiyoo Kɔrazidenɔ! Waiyoo Betesaidadenɔ! Tó ma daboyā kú ma kè á ténɔ kè Taya kú Sidɔo yā, de wētepideno pókasanɔ dàdañla, ò vūte tuburaa à gūi kè nēselitena sèeda ũ. ²² Maten oáre, yākpatekegɔɔ zī á wétāmmaa nigɔ de Tayadenɔ kú Sidɔdenɔ póla. ²³ Ákɔnɔ Kapenamudenɔ s5 áni gbā à z5 Ludaan yá? Oni ɔ z5ái ari gyāwānn. Zaakú tó ò daboyā kú ma kèárenɔ kè Sɔɔomu yā, de à kun ari kú a gbārao. ²⁴ Maten oáre, yākpatekegɔɔ zī á wétāmmaa nigɔ de Sɔɔomudenɔ póla.

Kámmabona Yesu kīnaa
(Luk 10:21-22)

²⁵ Zī kúa Yesu pi: Baa, musu kú zíteo Dikiri, ma n sáabu kè, kú n yā bireno ùte yād5rinɔne kú ɔnd5rinɔ, akú n boo kyód5risarinɔne. ²⁶ Leme, Baa, zaakú n pɔyenyīnaame. ²⁷ Ma De pó sīnda pínki nāmenne ma ɔī. Gbɛke Luda Né d5ro, tó adi ke De Luda baasiro. Gbɛke De Luda d5ro, tó adi ke a Né kú gbɛ kú Né pi ye à a mɔñnenɔ baasiro.

²⁸ À mós ma kīnaa ákɔnɔ kú á aso sena a kpasanɔ pínki, mani á gba zé à kámma bo. ²⁹ À ma gbāngo sé à yā dada ma kīnaa, á laakari ni kpáte, zaakú má buse akūs5 ma nēse yīda. ³⁰ Ma gbāngo sena zī'uro, ma aso tikisiro.

12

Kámmabogɔɔyá
(Maa 2:23-3:6, Luk 6:1-11)

¹ Gɔɔ birea Yesu ten pā buranɔla kámmabogɔɔ zī. Nà teni a ìbanɔ de, akú ò póblewe wòro, òten só. ² Kú Farisinɔ è le, akú ò pìne: Ñ n ìbanɔ gwa, òten yá kú òdi ke kámmabogɔɔ zīro ke. ³ Akú Yesu pīñne: Adi kyó ke a è lákú

Dauda kè nà kù a gbě̀nɔ ɔ̄ɔ̄ kù nà tɛni n̄ deroo? ⁴ À gè̀ Luda ɔ̄n̄, àp̄ii kù a gbě̀nɔ burodi kù ò kàte Ludanɛ sò, burodi kù ò a sona zé v̄iro, sé sa'orinɔ. ⁵ Kù sa'ori kù ò kù Luda ɔ̄n̄ kámmaboḡɔ̄ z̄inɔ d̄i ɔ̄ɔ̄ p̄i yá daro, akùs̄ adi kè̀nɛ taari ũro, ádi a kyó ke a è Luda yánloo? ⁶ Maten oáre: Pó kù à z̄ók̄ de Luda ɔ̄nla kù la. ⁷ Tó á yá dík̄ina m̄i d̄s̄, kù k̄ów̄endagwanaan má yei, adi ke sa'onaanlo, de ádi taarisaridenɔ taari lero. ⁸ Zaakù Bisásiri Né mé à iko v̄i kámmaboḡɔ̄ɔ̄.

⁹ Kù Yesu bò gwe, akù à gè̀ n̄ aduakɛkpɛn. ¹⁰ Ḡs̄gb̄e ke kù gwe, a ɔ̄ do íbana. Gb̄ekenɔ ten zé wete ò yá dí Yesua, akù ò a là ò p̄i: Gb̄e werek̄ɔana kámmaboḡɔ̄ z̄i zé v̄i yá? ¹¹ Akù à wè̀m̄ma à p̄i: Tó á gb̄eke sá v̄i à zu w̄ɛn kámmaboḡɔ̄ z̄i, à ḡi ḡé à boii? ¹² Bisásiri de sála zà. Abire yá i yámanakɛna kámmaboḡɔ̄ z̄i zé v̄i. ¹³ Akù Yesu p̄i ḡs̄gb̄e p̄iine: N̄ n̄ ɔ̄ p̄i poro. Kù à pòro, akù à kè a gb̄èn swáswa lán a do bà. ¹⁴ Akù Farisinɔ b̄òte ò ḡe ò yá ḡs̄ḡs̄ deran ò ke nà ò Yesu dɛ.

Z̄ikeri kù Luda s̄ɛɛ

¹⁵ Yesu d̄s̄, akù à gò gwe. Pari bò ò t̄ei, akù à n̄ gyàrenɔ wè̀rek̄ɔa n̄ p̄inki, ¹⁶ à ḡin̄ne ò ò gb̄e kù á de a ũ. ¹⁷ Len Luda yá kù annabi Isaya òò kè le, à p̄i: ¹⁸ Ma z̄ikeri kù ma s̄ɛn dí, ma yenȳide kù a yá d̄i kámagu.

Mani ma Nini di a musu,
ani yáze de da burinɔɛ.

¹⁹ Ani lékpak̄ɔa kero, ani patam̄maro,
gb̄eke ni a zuka ma d̄o batunlo.

²⁰ Ani kàpa kù à kpana zén éro,
ani fitila w̄é'ipakɛna dero,
ari à tó yáze de z̄i ble.

²¹ Buri s̄inda p̄inki t̄amaa niḡs̄ d̄ɔa.

T̄anagona gb̄ɛnɔ

(Maa 3:20-30, Luk 11:14-23)

²² Akù ò sù Yesunɛ kù t̄anade v̄ina kù a néne natenaao. Yesu a wè̀rek̄ɔa, àten yá o sà, àten gu e. ²³ Akù yá p̄i bò gb̄ɛnɔ sare n̄ p̄inki ò p̄i: Dauda buri p̄in̄ díroo? ²⁴ Kù Farisinɔ mà, akù ò p̄i: Gb̄e dík̄ina n̄i f̄s̄ à t̄ana goim̄maro sé kù t̄ananɔ k̄ina Belezebubu gb̄ánao. ²⁵ Yesu n̄ laasun d̄s̄, akù à p̄i: Kpata kù a gb̄ɛnɔ ibereɛ s̄e kù k̄s̄o ni kakate. W̄ɛte ke ɔ̄n kù a gb̄ɛnɔ ibereɛ s̄e kù k̄s̄o ni ḡs̄ bezi ũme. ²⁶ Tó Setan t̄eni a z̄ida go gb̄ɛnɔ, à ibereɛ s̄e kù a z̄idaon gwe. A kpata ni ḡi ke derameɛ? ²⁷ Tó Belezebubu gb̄anan mad̄iḡs̄ t̄ananɔ goom̄ma s̄s̄, á gb̄ɛnɔ d̄i n̄ go kù dí gb̄ánaomeɛ? Len á z̄ida gb̄ɛnɔ á éke bò le. ²⁸ Tó Luda Nini gb̄anan maten t̄ana goom̄ma, àḡs̄ d̄s̄ kù k̄ina kù Luda k̄a sù à á len gwe.

²⁹ Deran gb̄e ni ke nà à ḡe ḡs̄sa gb̄ána kpén à a p̄óno s̄éteɛ? Séto à a ȳi ḡia, gbasa à a kpé wara. ³⁰ Gb̄e kù à de ma gb̄e ũro bi ma ibereɛme. Gb̄e kù àten p̄ó kakara kùmaoro ten f̄ák̄ame. ³¹ Abire yá i maten oáre, Luda ni gb̄ɛnɔ durunn̄anɔ k̄ém̄ma kù a t̄ó v̄ani kù òdi sísinɔ p̄inki, ama ani gb̄e kù à a Nini t̄ó v̄ani si k̄ero. ³² Tó gb̄e Bisásiri Né t̄ó v̄ani bò, Luda ni k̄ea, ama tó gb̄e Luda Nini t̄ó v̄ani bò, ani ade k̄e andunia tera dík̄ina ḡunlo ke a kù àten su.

Gb̄e d̄s̄na a yákenaaa
(Luk 6:43-45)

³³ Tó lí mana, a né nigõ maname. Tó lí vāni sõ, a né nigõ vānime. Zaakū línen òdi lí dõa. ³⁴ Bisāsiri pitikonõ! Kū á vāni, à kè dera áni fõ à yā mana oo? Zaakū yā kū à swèè pàn lé di o. ³⁵ Gbè mana di a mana bo a mana kū à katena a gūmmme. Gbè vāni sõ àdi a vāni bo a vāni kū à katena a gūmmme. ³⁶ Maten oáre, yākpatekegõrõ zĩ gbènõ ni n fayasariyā kū ò ò baba Ludane pínki. ³⁷ Zaakū yā kū n ò mé ani yā nna kpámma kesõ à yā danla.

Sèedagbekana Yesua

(Maa 8:11-12, Luk 11:29-32)

³⁸ Akū ludayādannerinõ kū Farisi kenõ pì Yesune: Danneri, ó ye ò sèeda ke ke ò e. ³⁹ Akū Yesu wèrĩma à pì: Gbāragbè vāni ludanaanikerisarinõ mé òdi sèeda gbekama, ama mani sèeda ke keñnero, sé annabi Inusa pó. ⁴⁰ Lákū Inusa kè kpò gbèntè gberè gūn nà fānantè kū gwāanio ari gõrõ aakõ, len Bisāsiri Né ni ke le zĩten fānantè aakõ gwāani aakõ. ⁴¹ Yākpatekegõrõ zĩ Ninevadenõ ni fute ò yā da gbāragbènlõ, zaakū kū ò Inusa waazi mà, ò n nèsee lite, akū gbè kū à zõkõ de Inusala kú la. ⁴² Yākpatekegõrõ zĩ gènmidõki kpa saraunia ni fute à yā da gbāragbènlõ, zaakū à bõ zaa andunia léa à sù Sulemanu òndõyā ma, akū gbè kū à de Sulemanula kú la sà.

Tāna erana a be zĩa

(Luk 11:24-26)

⁴³ Tó ò tāna gò gbèa, àdigõ likara zõ gukorin àgõ vuteki wete. Tó adi lero, ⁴⁴ akū àdi pi: Mani era mà tá ma be zĩame. Tó à kà gwe, àdi le à da pā, à warana swáswa zéazea. ⁴⁵ Akū àdi gé à à tāna kú n pāsĩ dealanõ sète mèn suppla à su kúńwo òdi gè ò vuten. Leme ade gwena kpede vāni dīgõ de a káakupõla. Gó dokõnõ pì mé ani gbāragbè vāninõ bikū sõ.

Yesu danenõ

(Maa 3:31-35, Luk 8:19-21)

⁴⁶ Kū Yesu ten yā o gbènonè, akū a da kū a dakūnanõ kà, ò zè bàai, ò ye ò yā o káao. ⁴⁷ Akū ò pine: N da kū n dakūnanõ zena bàai, ò ye ò yā o kūnwo. ⁴⁸ Akū à wèa à pì: Dín ma da ũu? Dín ma dakūnanõ ũu? ⁴⁹ Akū à ò dõ a ibanõa à pì: Ma da kū ma dakūnanõn dí. ⁵⁰ Zaakū gbè kū àdi ma De kū à kú musu poyenyĩna ken ma dakūna kū ma dāreo kū ma dao ũ.

13

Yālekõana kú pówefariio

(Maa 4:1-20, Luk 8:4-15)

¹ Gõrõ dokõnõ pì zĩ Yesu bõ be à gèè à vùte sèbe léa. ² Ò kàkarai dasidasi, akū à gèè à vùte gó'iten, gbènõ gò sīsĩa n pínki. ³ Akū à yā lèkõañne dasi à pì: Búbari ke mé à bõ à gèè pówè fā. ⁴ Lákū àten fā nà, akū a kenõ lète zé gūn, bānõ sù ò blè. ⁵ A kenõ lète gbè sàraa musu, gu kū à bũsu vĩ zõkõro, akū ò bõte gõnõ, kū bũsuu gègete gwero yāi. ⁶ Kū ifántè fùte, akū ò té kù ò gàga, kū ò zĩni vĩro yāi. ⁷ A kenõ lète lèe gūn, akū lèe fùte à nàkaramma. ⁸ A kenõ sõ ò lète zĩte mana gūn, ò fùte ò né ì, a kenõ wé basõõõro, a kenõ baaakõkõ, a kenõ baraakurikuri. ⁹ Gbè kū à sã vĩ, à yā pì ma.

¹⁰ Akū Yesu ibanõ nài, ò a là ò pì: Bóyāi nten yā oñne kū yālekõanaao? ¹¹ Akū à wèrĩma à pì: Luda á gbá zé à kpata kū à bõ a kĩnaa asirinõ dõ, ama adi n gba zéro. ¹² Zaakū gbè kū à pó vĩn Luda ni karane ari àgõ dasi. Gbè kū à pòke vĩro sõ, bee a fiti kū à vĩn Luda ni síame. ¹³ Abire yāin maten

yā oñne kù yálekōanaao, de ò gu gwa pòke'ena sari, òdi sã kpá yãmana sari, a d̄r̄o d̄ōna sari.

14 Luda yā kù annabi Isaya òo k̄r̄ma à pì:

oniḡō sã kpá yākemana sari,
oniḡō gu gwa pòke'ena sari.

15 Ò n̄se v̄iro de òsun ònd̄ō k̄uro yāi,

ń sã gb̄ana de òsun yā maro yāi,

ń w̄e kukurena de òsun gu ero yāi,

zaakū ò ye ò are òma mà ń gba aafiaro.

16 Arubarikaden̄me á ũ kù á w̄e ten gu e akūs̄ á sã ten yā ma. 17 Yāpuraan maten oáre, annabin̄o kù gb̄e manan̄on kun yā dasi, ò ye ò pò kù áten eno e, odi ero, ò ye ò yā kù áten man̄o ma, odi maro.

18 À pów̄efari yā mì d̄ō sà. 19 Tó gb̄e kpata kù à bò Luda k̄inaa yā mà akū adi d̄oro, Setan dì su à pò kù ò t̄ō a sw̄̄e gūn pì síame. Pów̄e kù à l̄ete z̄e gūn miin gwe. 20 Pów̄e kù à l̄ete gb̄e s̄araaa s̄ō, abirekūme gb̄e kù à yā mà à s̄i ḡōn̄o kù p̄on̄nao ũ. 21 Zaakū à z̄ini v̄iro, àdi ke ḡoro plaro. Tó yā'ummana a l̄e ke tó ò w̄e t̄aa yā pì yāi, àdi fume ḡōn̄o. 22 Pów̄e kù à l̄ete l̄e gūn de lán gb̄e kù à yā mà à s̄i bà, ama andunia yā damuk̄ena kù yena aruzek̄eiiio dì nakaraa, akū àdi ḡō àree sari. 23 Pów̄e kù à l̄ete z̄ite mana gūn de lán gb̄e kù à yā p̄i mà à a d̄r̄o d̄ō bà. Àdi ke karana pò ũ, ń ken̄o bas̄os̄oro, ken̄o baaak̄ō, ken̄o baraakurikuri.

Yalekōana kù f̄n̄o

24 Yesu yā p̄ande l̄ek̄ōañne à pì: Lákū kpata kù à bò Luda k̄inaa de n̄an dí: Gb̄eke ése mana t̄ō a bura. 25 Ḡoro kù òten i o, akū a ibere s̄u à f̄n̄o w̄e f̄a ése p̄in, akū à ḡe z̄éla. 26 Kù ése n̄o s̄i, áten pia, akū f̄n̄o p̄i bò gupuraa. 27 Akū burade z̄ikerin̄o s̄u ò p̄ine: Dikiri, pów̄e manan n̄ t̄ō n buranloo? F̄n̄o ḡe à bò máa? 28 Akū à p̄inne: Iber̄e mé à abirekū k̄e. Akū z̄ikerin̄o p̄ine: N̄ ye ò gé wotowoton yá? 29 Akū à pì: Oi! Tó áten wotowoto, áni woto kù éseome. 30 À tó ò fute l̄ele ari pók̄eḡoro. Mani o pók̄er̄in̄one ò f̄n̄o p̄i k̄e ḡia, ò a bàka ȳi té pò ũ, gbas̄a ò ése k̄e ò ká ma d̄ōn.

Yalekōana kù musadi w̄e

(Maa 4:30-32, Luk 13:18-19)

31 Yesu yā p̄ande l̄ek̄ōañne à pì: Kpata kù à bò Luda k̄inaa de lán musadi w̄e kù gb̄e s̄e à t̄ō a buraa bàme. 32 A w̄e kete de pów̄enola p̄inki, ama tó à f̄ute, àdi ke z̄ōk̄ō de dò pónola p̄inki. Àdi lí ke ari b̄an̄o dì su ò didi a ḡan̄o.

Yalekōana kù l̄uben̄e

(Luk 13:20-21)

33 Yesu yā p̄ande l̄ek̄ōañne à pì: Kpata kù à bò Luda k̄inaa de lán l̄ubene kù n̄ogb̄e s̄e à kà flawa zaka lé aak̄ō gūn à yàkate p̄inki bà.

Pò kù à tó Yesu yā l̄ek̄ōañne

(Maa 4:33-34)

34 Yesu yā biren̄o ò gb̄en̄one kù yálekōanaao. Adi yāke oñne yálekōanaa sariro, 35 de yā kù annabii ò ke yāi, zaakū à pì: Mani lé w̄e mà yálekōana oñne, mani yā kù à utena zaa anduniakatena ḡoro oñne.

F̄n̄o yā b̄ok̄tenaa

³⁶ Akū Yesu gbēno tò gwe à tà be. A ibanò nài ò pì: Ì bura fñno yā bokote kewere. ³⁷ Akū à piñne: Pówemanatōri bi Bisāsiri Némē. ³⁸ Bura bi anduniamē. Pówe mana bi kpata kù à bò Luda kīnaa gbēno. Fñno bi Setan gbēno. ³⁹ Iberē kù à ñ tō bi Ibilisimē. Pókēna bi andunialakagoro. Pókērino bi malaikanome. ⁴⁰ Lákū òdi fñno kē ò ká tén nà, len ani ke le andunialakagoro. ⁴¹ Bisāsiri Né ni a malaikanò gbare ò gbēkerino kù yāvānikerino bote a kpata gbēno té ñ pínki, ⁴² ò ñ ká té pāsī gūn. Gwen oni ò ò ò di ñ mīa. ⁴³ Akū gbē manano nigō té ke lán ifāntē bà kpata kù à bò ñ De kīnaa gūn. Gbē kù à sã vī à yā pì ma.

Yalekōana kù aruzekēo

⁴⁴ Kpata kù à bò Luda kīnaa de lán aruzekē kù à utena zīte gūn bāmē. Kù gbēke bōa, à kēke à ùte, akū ponna gūnn à tà à pó kù à vīno yīa pínki, akū à zīte pīi lù.

Yalekōana kù gbē bèere deo

⁴⁵ Lákū kpata kù à bò Luda kīnaa de nàn dí do. Lagatari mé àten òso manano wete. ⁴⁶ Kù à òso ogode lè, akū à tà à pó kù à vīno yīa pínki, akū à òsoo pīi lùo.

Yalekōana kù táaru

⁴⁷ Lákū kpata kù à bò Luda kīnaa de nàn dí do. Ò táaru kpà sèben, à kpò buri sīnda pínki kù. ⁴⁸ Kù à pà, ò gāte ò bikùo bara, akū ò vùte ò a manano plèple ò ká tānkon, ò a vānino kòte. ⁴⁹ Len anigō de le andunialakagoro. Malaikanò ni su gbē vānino sète ò ñ bo gbē manano té, ⁵⁰ oni ñ ká té pāsī gūn. Gwen oni ò ò ò di ñ mīa. ⁵¹ Akū Yesu ñ lá à pì: A yā birenò mīi dō sà pínki yá? Ò wèa ò pì: Ee! ⁵² Akū à piñne: Tó yādanneri kpata kù à bò Luda kīnaa yā dàda, anigō de lán bede kù àdi pó dufu kù a zīo bo a laasii gūn bāmē.

Nazeradenò gina Yesui

(Maa 6:1-6, Luk 4:16-30)

⁵³ Kù Yesu yā birenò lèkōañne à làka, à bò gwe, ⁵⁴ à gèe a be wēten, akū èe yā daañne ñ aduakēkpen. A yā bò ñ sare ò pì: Mákpan gōgbē pì òndō kù daboyā birenò lènn? ⁵⁵ Lí'ari nén díroo? A da tón Mariamaroo? A dakūnanon Yamisi kù Yusufuo kù Simo kù Yudao ūroo? ⁵⁶ A dārenò kù kūoo laroo? A yā birenò lè māmē pínkii? ⁵⁷ Akū ò gīi. Yesu piñne: Annabii digō bèere sariro, sé a be wēten kù a onnwo. ⁵⁸ Adi daboyā ke gwe dasiro, kù òteni a náani kero yāi.

14

Yahaya Da'itekeri ganaa

(Maa 6:14-29, Luk 9:7-9)

¹ Goro kúa būsuu pì kīna Herodu Yesu baaruu mà. ² Akū à pì a ibanone: Gbē pì bi Yahaya Da'itekeriime. À vù bona gan. Abire yāin à gbāna lè àten daboyāno ke. ³ Zaakū Herodu Yahaya kù yā, à mòò kàa, à a dà kpésiran a vīni Filipi nana Herodia yāi. ⁴ Zaakū Yahaya digō pine: N Herodia kūna no ū zé vīro. ⁵ Herodu ye à a de, ama àten vīna ke gbēno, zaakū ò a annabike sī.

⁶ Herodu igoro làa kōkō zī Herodia nēnokpare ū wà gbē kù ò sù gwenone, akū à kè Herodune nna manamana. ⁷ Akū à lé sè à pì: Ma la dà kù mani n gba pó kù n a wé kèma pínki. ⁸ Akū a da yā kàkanē à pì: Ì ma gba Yahaya

Da'itekerrii m̀ì dana tìree gũn la tera. ⁹ Akũ kina pɔ̀ yàka, ama kũ à la dà nibɔ̀nɔ̀ wára yáin à pì ò kpáa. ¹⁰ Akũ à gbē zì ò Yahaya m̀ì z̀ kpésiran. ¹¹ Kũ ò sù kũ a miio dana tìree gũn, ò kpà né piia, akũ à g̀eero a danɛ. ¹² Akũ Yahaya ibanɔ̀ sù ò a g̀e sè ò v̀, akũ ò g̀e ò ò Yesune.

Yesu p̀blekpana g̀gbē gbēnɔ̀n d̀bu sɔ̀ronɔ̀
(Maa 6:30-44, Luk 9:10-17, Yuh 6:1-15)

¹³ Kũ Yesu yā p̀i mà, akũ a g̀e gó'ite gũn, àten gé gusare de àg̀ kú ado. Kũ gbēnɔ̀ mà, ò b̀ wēte kũ wēteo dasi ò p̀etei g̀e. ¹⁴ Kũ Yesu b̀ gó gũn, à gbēnɔ̀ è dasidasi, akũ ò k̀ne wēnda, akũ à n̄ gyārenɔ̀ gbà aafia. ¹⁵ Kũ ɔ̀kɔ̀si k̀, a ibanɔ̀ nài ò p̀i: Gu díkina bi s̀enteprɔ̀tume, akũs̀ gu ten si. N̄ gbēnɔ̀ gbare ò tá lakutunɔ̀ gũn, ò p̀ble wete ò lú. ¹⁶ Akũ Yesu wèr̀mma à p̀i: Adi ke tilasi ò táro. À p̀ kpámma ò ble. ¹⁷ Akũ ò p̀ine: Burodi m̀en sɔ̀ro kũ kp̀ m̀en plaon ó v̀ la. ¹⁸ Yesu p̀inne: À m̀omenɛ la. ¹⁹ À ò gbē p̀inɔ̀ne ò vute s̀eɛa, akũ à burodi m̀en sɔ̀ro kũ kp̀ m̀en pla p̀io s̀, à a wé s̀e musu, à arubarikaa dan. Akũ à burodii p̀i lilik̀re à kpà a ibanɔ̀, ò kp̀atete gbēnɔ̀ne. ²⁰ Ò p̀ blè ò k̀ n̄ p̀inki. Akũ ò a kp̄ara kũ ò g̀nɔ̀ s̀ete t̀nko m̀en kuri awɛɛpla pà. ²¹ G̀gbē kũ ò p̀ blè ò k̀ gbēnɔ̀n d̀bu sɔ̀ro taka, nɔ̀gbēnɔ̀ kũ n̄nɔ̀ baasi.

Yesu táa'ona s̀bela
(Maa 6:45-56, Yuh 6:16-25)

²² Yesu gā nà a ibanɔ̀ g̀nɔ̀ ò gē gó'iten, ò done are gena s̀beɛ bara dire ari àg̀ pari gbare. ²³ N̄ gbarɛnaa gbera, à didi s̀s̀i musu à adua ke ado. Gu ten si, à kú gwe ado. ²⁴ Gó'ite p̀i kà zà kũ í léao, akũ í teni góro p̀i ỳpaỳpa kũ zàga'ia kàkaỳi ỳi. ²⁵ Gudɔ̀ Yesu g̀e n̄ kinaa, àten táa o íla. ²⁶ Kũ ò a è àten táa o íla, akũ sẁe k̀ngu ò p̀i: Gyāwāndeme! Ò wiki lè kũ v̀inao, ²⁷ akũ Yesu p̀inne g̀nɔ̀: À á laakari kp̀ate, makũme! Àsun tó v̀ina á kũro. ²⁸ Akũ Pita p̀ine: Dikiri, tó m̀k̀mme, n̄ tó mà táa o íla mà su n̄ kinaa. ²⁹ Akũ Yesu p̀i: N̄ m̀! Akũ Pita b̀ gó gũn, àten táa o íla, àten gé a kinaa. ³⁰ Kũ à è ía ten kàka, akũ v̀ina a kũ. Àten vl̀, akũ à wiki lè à p̀i: Dikiri, n̄ ma sura ba. ³¹ Gwe g̀nɔ̀ Yesu ɔ̀ b̀ à a kũ, akũ à p̀ine: Ludanaanik̀anade! B̀yāi n̄ sikaa k̀e? ³² Kũ ò g̀e gó gũn, ía z̀. ³³ Akũ gbē kũ ò kú gó gũnɔ̀ donỳ k̀ne ò p̀i: Luda Néme n̄ ũ yāpura.

Yesu gyārenɔ̀ werek̀ana zaa Genesareti

³⁴ Kũ ò bik̀ bara, ò kà Genesareti b̀sun. ³⁵ Gwedenɔ̀ Yesu d̀, akũ ò a baaruu dàgula b̀suu p̀n gu s̀inda p̀inki, akũ ò m̀ne kũ gyārenɔ̀ n̄ p̀inki. ³⁶ Ò wé k̀a de ò ɔ̀ na bee a uta léa. Akũ gbē kũ ò ɔ̀ n̄anɔ̀ wèrek̀a n̄ p̀inki.

15

Futeokaraya
(Maa 7:1-13)

¹ Farisinɔ̀ kũ ludayādanneri kenɔ̀ b̀ Yurusalemu ò sù Yesu kinaa, akũ ò a là ò p̀i: ² B̀yāi n̄ ibanɔ̀ dig̀ ò dizinɔ̀ futeokarayā kũnaroo? Òdi ɔ̀ p̀ipi gbasa ò p̀ blero. ³ Akũ Yesu wèr̀mma à p̀i: B̀yāin adì pā kpà Luda yāditenanɔ̀ de àg̀ a futeokarayā kũnaa? ⁴ Zaakũ Luda p̀i, à á de kũ á dao b̀ere d̀. À p̀i d̀, gbē kũ à a de ke a da kpe b̀, ò ade de. ⁵ Ák̀nɔ̀ s̀ adì pi, tó gbē p̀i a de ke a danɛ, p̀ kũ á v̀ à n̄ kpe tao g̀ Luda p̀ ũ, ⁶ àton a de kpe taoro. Lemɛ adì

Luda yā ke pā le, de àgõ á futeokarayā kūna yāi. ⁷ Á manafikidenõ! Isaya annabikeyā ò á yā musu swáswa à pì:

⁸ Buri bire dì bèere limene kū léome, ñ swè òmaro.

⁹ Òdigõ donyī kemene pāme, bisāsiri yāzekpaten òdi dañne.

*Yā kū àdi tó ò gõ gbasī
(Maa 7:14-23)*

¹⁰ Akū Yesu pari sisiai à pì: Á sã kpá à yā ma. ¹¹ Adi ke pò kù àdi gē lén mé àdi tó gbē gõ gbasīro. Yā kū àdi bo lén mé àdi tó gbē gõ gbasī. ¹² Akū a ibanõ nài ò pì: Ñ dõ kù Farisino yā pìi mà à ñ zõ ñ swèearoo? ¹³ Yesu wèrúma à pì: Pó kù ma De kù à kú musu dí tōro oni wuteme. ¹⁴ Á ñ tó gwe. Vīna don'aredenome! Tó vīnaa gò kūna vīnaanē, ñ pla ñ pínki ni zu wèemme. ¹⁵ Pita pìne: Ñ yā pì bokotewere. ¹⁶ Akū Yesu pì: Á laasun kpé yīda se yá? ¹⁷ Á dõ kù pò kù à gē lén dì tá gberen gbasa a bo mē gūnloo? ¹⁸ Yā kū àdi bo lén sõ àdi bo swèe gūmme. Akū mé àdi tó gbē gõ gbasī. ¹⁹ Zaakū zaa swèe gūnn laasun vāni dì bon: Gbēdenaa, zinakenaa, pāpākenaa, kpāni'onaa, éketona kū gbēsōsōnaao. ²⁰ Yā birenõ mé àdi tó gbē gõ gbasī. Póblena òpipisari dì tó gbē gõ gbasīro.

*Nõgbē zītõ wékēnaa
(Maa 7:24-30)*

²¹ Akū Yesu bò gwe, à gèe Taya kū Sidõo bùsun. ²² Kanaa nõgbē ke kù bùsuu pìn, à sù à wiki lèa à pì: Dikiri, Dauda Buri, ñ ma wēnda gwa. Tāna ten wé tā ma nénokparea manamana. ²³ Akū Yesu dí wearo. A ibanõ nài, ò wé kèa ò pì: Ñ pé nõgbē pīia, zaakū àdigõ téwái kù wikiome. ²⁴ Yesu wèrúma à pì: Isarailanõ sātēna lán sānõ bàme. Ñ kīnaan Luda ma zīn ado. ²⁵ Akū nõgbē pīi sù à donyī kènē à pì: Dikiri, ñ kpámai. ²⁶ Yesu pìne: Á mana ò néno pòble sé ò zu gbēdanõnero. ²⁷ Akū nõgbē pīi pì: Yāpuramē Dikiri! Ama bee gbēdanõ dì pòble bùru kù ò lète ñ dikiri teburuu zītenõ sése. ²⁸ Akū Yesu wèa à pì: Nõgbē, ñ ma náani vī zōkõ. Á kenne lākū ñ yei nà. Akū a nénokpare pīi aafiaa lè gōrõ birea gōnõ.

Yesu gyārenõ werekōanaa

²⁹ Yesu bò gwe à gèe àten do Galili sèbēei, akū à bikù à vùte sīsīia. ³⁰ Ò sùnē kù erenõ kù vīnanõ kù kōndenõ kù sātõ kpáturukunõ kù gyāre pāndenõ dasidasi. Ò ñ kátē a are, akū à ñ wérékōa. ³¹ Kù gbēnõ è sātõ kpáturukunõ ten yā o, kōndenõ ten gõ swáswa, erenõ ten taa o, vīnanõ ten gu e, yā pīi bò ñ sare, akū ò Isarailanõ Luda sáabu kpá.

*Yesu pòblekpana gbēnõn dúbu siikōna
(Maa 8:1-10)*

³² Yesu a ibanõ sisiai à pīine: Gbē dínõ kēmene wēnda, zaakū ò gīnake ò kù kūmao gōrõ aakõ, akū ò pòke vī ò blero. Má ye mà ñ gbare kù nàaoro, de gu sún línma zénlo yāi. ³³ Akū a ibanõ a là ò pì: Mákpan óni pòble len sèntepōrōtu la, à pari dí taka kāa? ³⁴ Akū Yesu ñ lá à pì: Burodi mèn ūgban á vīi? Ò pì: Mèn supplamē kù kpò kete kenõ. ³⁵ Akū à pì pari vute zīte. ³⁶ Akū à burodi mèn suppla pìnõ sè kù kpōnõ, à sáabu kè, akū à lìlikōre à kpà a ibanõa, ò kpà gbēnõa. ³⁷ Gbē sīnda pínki pò blè ò kà. Ò a kpara kù à

g̃n̄n̄ s̄t̄e ari t̄n̄ko m̄n suppla p̄a. ³⁸ G̃g̃b̄ē k̄ū ò p̄s̄ bl̄n̄n̄ k̄à gb̄ēn̄n̄ d̄úbu siik̄s̄, n̄gb̄ēn̄n̄ k̄ū n̄n̄n̄ baasi. ³⁹ K̄ū Yesu gb̄ēn̄n̄ gb̄àre, ak̄ū à ḡē ḡó'ite ḡūn, à ḡē Magad̄ā b̄usun.

16

Farisin̄o manafiki

(*Maa 8:11-21, Luk 12:54-56*)

¹ Farisin̄o k̄ū Sadusin̄o s̄ù Yesu k̄īnaa de ò a ȳs̄ ò gwa, ak̄ū ò a gb̄eka à s̄èda ke k̄ēn̄e k̄ū Luda gb̄ānao ò e. ² Ak̄ū Yesu w̄ēn̄ma à p̄i: Tó if̄ānt̄ē ḡē kp̄én̄ adì p̄i, ludambe ni k̄ēk̄ōa, zaak̄ū à t̄ēra k̄ū. ³ Tó k̄onk̄ome adì p̄i, leḡū ni ma gb̄āra, zaak̄ū ludambe de t̄ēē ḡēn̄eḡēn̄e. Á ludambe w̄ē d̄ōk̄ōn̄e, ama ádi f̄ō à ḡōr̄o d̄ik̄īna s̄èda d̄ōro. ⁴ Gb̄āragb̄ē v̄āni ludanaanik̄erisar̄in̄o mé òdi s̄èdaa gb̄ekama, ama mani s̄èda ke k̄ēn̄ero, sé Inusa p̄s̄. Ak̄ū à n̄ tó gwe à tà.

⁵ K̄ū a ìban̄o bik̄ū bara gwe, burodi z̄āna ȳā s̄āngu. ⁶ Ak̄ū Yesu p̄īn̄e: Àḡō á z̄īda k̄ūna d̄ō! À laakari ke Farisin̄o k̄ū Sadusin̄o l̄ūben̄eēi. ⁷ Ak̄ū òt̄en̄ pik̄ōn̄e: K̄ū òdi burodi séro ȳāin̄ à ò le. ⁸ Yesu d̄ōm̄ma, ak̄ū à n̄ lá à p̄i: Ludanaanik̄īanad̄en̄o, b̄óȳāin̄ át̄en̄ pik̄ōn̄e k̄ū á burodi v̄īro ȳāimeē? ⁹ Ari tera adì d̄ōroo? Burodi m̄n̄ s̄ōro k̄ū ma kp̄à gb̄ēn̄n̄ d̄úbu s̄ōron̄o ȳā dí d̄ōáguroo? Á s̄t̄e t̄n̄ko m̄n̄ ūgbameē? ¹⁰ Burodi m̄n̄ suppla k̄ū ma kp̄à gb̄ēn̄n̄ d̄úbu siik̄ōn̄o s̄ō, a s̄t̄e t̄n̄ko m̄n̄ ūgbameē? ¹¹ B̄óȳāin̄ adì d̄ō k̄ū burodi ȳān̄ mádi oár̄eroro? À laakari ke Farisin̄o k̄ū Sadusin̄o l̄ūben̄eēi! ¹² Ak̄ū ò d̄ō s̄à adì ke l̄ūben̄ēn̄ àt̄en̄ oñ̄e ò laakari keiro, Farisin̄o k̄ū Sadusin̄o ȳadann̄enaame.

Pita Yesu Arumasihuk̄ena onaa

(*Maa 8:27-33, Luk 9:18-22*)

¹³ K̄ū Yesu k̄à Sizaria Filipi b̄usun, ak̄ū à a ìban̄o là à p̄i: D̄ín gb̄ēn̄o ten̄ pi Bis̄āsiri Né de a ūu? ¹⁴ Ò w̄ēa ò p̄i: Gb̄ēken̄o òdi pi Yahaya Da'it̄ek̄er̄iime, gb̄ēken̄o òdi pi Iliasu, gb̄ēken̄o òdi pi d̄ō Ilimia ke annabi ȳān̄o dokeme n̄ ū. ¹⁵ Yesu p̄i: Ák̄ōn̄o s̄ō, d̄ín adì pi má de a ūu? ¹⁶ Sim̄o Pita w̄ēa à p̄i: Arumasihume n̄ ū, Luda W̄ēnd̄ide Né. ¹⁷ Ak̄ū Yesu p̄īn̄e: Arubarikademe n̄ ū, Inusa né Sim̄o! Zaak̄ū adì ke bis̄āsiri mé à ȳā bire d̄ān̄ero, ma De k̄ū à k̄ú musume. ¹⁸ Mat̄en̄ on̄ne: Pitame n̄ ū, gb̄ēsi p̄īn̄ mani ma s̄ōsi k̄átea, gȳāw̄ān̄ gb̄āna ni z̄ī blearo. ¹⁹ Mani kpata k̄ū à b̄ò Luda k̄īnaa m̄n̄ēn̄o kp̄amma. P̄s̄ k̄ū n̄ ȳī z̄īte ȳīna musu. P̄s̄ k̄ū n̄ p̄òro z̄īte porona musu. ²⁰ Ak̄ū Yesu a ìban̄o s̄ā f̄īn̄e de òsun o gb̄ēkene k̄ū Arumasihun̄ a ūro.

Yesu a ga k̄ū a vunaao ȳā'onaa

(*Maa 8:31-38, Luk 9:22-26*)

²¹ Zaa ḡōr̄o k̄ūa Yesu teni a Yurusalemu gena b̄ok̄ote a ìban̄one à p̄i, séde à w̄ēt̄amma le manamana gb̄ē z̄ōk̄ōn̄o k̄ū sa'orik̄in̄o k̄ū ludaȳadann̄er̄in̄o oī, oni a de, a ḡōr̄o aak̄ōde z̄ī áni vu. ²² Ak̄ū Pita ḡē k̄āao kpado, àt̄en̄ ḡīne à p̄i: Kai Dikiri! Abirek̄ū ni n̄ lero! ²³ Ak̄ū Yesu lit̄e à p̄i Pitane: Ñ gomene gwe Setan! Ñ ye ñ z̄ē z̄ōmeneme. N̄ laasun bi Luda p̄ón̄lo, bis̄āsiri p̄ōme.

²⁴ Ak̄ū Yesu p̄i a ìban̄one: Tó gb̄ē ye à ke ma ìba ū, séde à ḡí a z̄īda w̄ēnd̄iīi, à a lígb̄āndurukpana sé à téomai. ²⁵ Gb̄ē k̄ū à ye àḡō a w̄ēnd̄i k̄ūna ni kurai. Gb̄ē k̄ū à ḡi a w̄ēnd̄iīi ma ȳāi s̄ō, ade mé aniḡō w̄ēnd̄i v̄ī. ²⁶ Tó gb̄ē ḡō à andunia v̄ī p̄ínki, tó à k̄ūra a w̄ēnd̄iīi, b̄ó àreen ani lee? B̄ón̄ gb̄ē ni le à a

wèndi lilin keoo? ²⁷ Zaakū Bisāsiri Né ni era à su a De gakuri gūn kū a malaikanɔ, ani fina bo baadini a yákenaaa.

²⁸ Yápuran maten oáre, gbēkenɔ kú gu dín oni garo ari ò Bisāsiri Né e, àten su kína ũ.

17

Yesu linaa

(Maa 8:34-9:13, Luk 9:23-36)

¹ Gɔɔɔ suddo gbera Yesu Pita kú Yamisio kú a dakūna Yuhanao sète à gèe kúñwo kpi leia ntène. ² Akū à li n wára. A an ten té ke lán ifantē bà, a pɔkasanɔ gò pú táitai lán legūpinaa bà. ³ Akū Musa kú Iliasuo bò ò sùmma, òten yā o kú Yesuo. ⁴ Akū Pita pì Yesune: Dikiri, à mana kú ó kú la. Tó n yei, mani kuta do mèn aakɔ, n pɔ mèn do, Musa pɔ mèn do, Iliasu pɔ mèn do. ⁵ Gɔɔɔ kú àten yā o, ludambe luku tékenaa dàñla, akū ò kòtoo mà a gūn à pì: Àkūme ma Né mèn do légelege yenyide ũ, a yā di kámagu. À a yā ma. ⁶ Kū a ibaa pìnɔ kòtoo pì mà, vīna n kú manamana, ò wùte n gbera. ⁷ Akū Yesu nànyĩ, à ɔ nàmma à pì: À fute, àsun vīna kero. ⁸ Kū ò wé sè musu, odi gbēke ero, sé Yesu ado.

⁹ Kū òten kipa kpi pìia, Yesu ditéine à pì: Àsun wégupu kú a è yā o gbēke maro ari Bisāsiri Né vu bona gan. ¹⁰ Akū a ibanɔ a là ò pì: Býyain ludayádannerinɔ di pì Iliasu mé ani su káakuu? ¹¹ Akū à wèmma à pì: Iliasu ni su yápurame, ani yā sīnda pínki keke a gbèn. ¹² Ama maten oáre, Iliasu sù kò, akū odi a dōro, akū ò n poyeinaa kène. Len ò wé tā Bisāsiri Néa le do. ¹³ Akū a ibanɔ dō kú Yahaya Da'itekeri à téa.

Yesu négōgbē tanade werekšanaa

(Maa 9:14-29, Luk 9:37-42)

¹⁴ Kū ò kà pari gūn, gōgbē ke sù à kùte Yesune ¹⁵ à pì: Dikiri, n ma né wènda gwa, zaakū gasindadem. Àdi wari ke manamana, àdigō léte tén ke ín baala'i. ¹⁶ Ma su kāao n ibanɔne, odi fɔ ò a wèrekšaro. ¹⁷ Akū Yesu pì: Gbāragbē yakana ludanaanikerisarinɔ! Manigō kú kááo ari bɔremee? Manigō mena kááo ari bɔremee? À mɔmene kú né pìio la. ¹⁸ Yesu gi tãnane, akū à gò né pìia, à wèrekša gwe gōnɔ.

¹⁹ Abire gbera Yesu ibanɔ nài ntène, ò a là ò pì: À kè dera ódi fɔ o pé tãna pìia à bòroo? ²⁰ À wèmma à pì: Kū á Luda náani vī zškōro yaim. Yápuran maten oáre: Tó á Luda náani vī fiti lán efɔ wé bà, áni o kpi díkīnane à go la à gé zāa, ani ke le. Yáke ni á furo. ²¹ Tãna dí taka di sí boro, sé kú aduakenaao kú léyīnaao.

Yesu era à a ga kú a vunaao yá'onaa

(Maa 9:30-32, Luk 9:43-45)

²² Gɔɔɔ kú à kú kú a ibanɔ lele Galili, à pírne: Oni Bisāsiri Né nañne ní ɔĩ, ²³ oni a de, a gɔɔɔ aakōde zĩ ani vu. Akū n pɔ yàka manamana.

Luda ɔn ɔgɔ fīnabonaa

²⁴ Kū ò kà Kapenam, Luda ɔn ɔgɔsirinɔ sù ò Pita là ò pì: Á dannerii di Luda ɔn ɔgɔ kpároo? ²⁵ Pita wèmma à pì: Àdi kpá. Kú Pita ten gē be, Yesu gīnake à pìne gōnɔ: Simɔ, dínɔn andunia dí kínano di be'ogɔ ke ete'ogɔ símmaa? N nénɔn yá ke gbē pāndenɔme? N yā pìi è deraa? ²⁶ Pita pì: Gbē pāndenɔme. Yesu pìne: Tó lem, ní néno bàka kunlo. ²⁷ Ama de ó yā sún

ũm̄maro yāi, ñ gé ñ daburu da sèbɛɛ gũn. Kpò kũ ñni kũ káaku, ñ a lé wɛ, ñni ɔɔ le a gũn. Ñ abirekũ sé ñ kpám̄ma, makũ kũ m̄ɔkɔnwo pó ũ.

18

Tena Yesu lán né bà

(Maa 9:33-48, Luk 9:46-48, 15:3-7)

¹ Zĩ kũa Yesu ìbanɔ sù ò a là ò pì: Dí mé à deñla kpata kũ à bò Luda kĩnaa gbɛnɔ tɛɛ? ² Akũ Yesu né fiti ke sisi à a zè ñ arɛ ³ à pì: Yápuran maten oáre, tó ádi nɛsɛ litɛ a gɔ lán né fiti bàro, áni gɛ kpata kũ à bò Luda kĩnaa gũnlo. ⁴ Gbɛ kũ à a zĩda bùsa à gɔ lán né fiti díkĩna bà, ade mé à deñla kpata kũ à bò Luda kĩnaa gbɛnɔ gũn. ⁵ Gbɛ kũ à né bire taka sì ma ìbake yāi, makũmɛ à ma si.

Ya kũ àdi tó ò sate

⁶ Tó gbɛ tò né kũ à ma náani vĩ díkĩnanɔ do sàte, anigɔ sàna adene ò wísilɔgbɛ gbɛntɛ do a wakalɛ ò a zu sèbɛ lòkoton. ⁷ Waiyoo andunia, kũ yā kũ àdi tó ò sate kú a gũn yāi. Séde yā kũ àdi tó ò sate gɔ kun, ama waiyoo gbɛ kũ sātɛna yā pìi bò a kĩnaa. ⁸ Tó n ɔ ke n gbá mé àdi tó ñ sate, ñ zɔ ñ zukũna. À sànnanɛ ñ gɛ wèndii gũn kũ ɔ kusuo ke ɛɛ ũ de n gɔ ɔ mèn pla ke gbá mèn pla vīla ò n zu tɛ kũ àdi garo gũn. ⁹ Tó n wé mé àdi tó ñ sate, ñ bo ñ zukũna. À sànnanɛ ñ gɛ wèndii gũn kũ wé doo de n gɔ wé mèn pla vīla ò n zu tɛ gũn gyāwānn.

Yalɛkɔana kũ sã sātɛnaao

¹⁰⁻¹¹ À laakari ke dɔkɛna kũ né díkĩnanɔ dooi, zaakũ maten oáre, ñ malaikanɔn kú musu, ò kú kɔ wén kũ ma De kũ à kú gweo baala'i. ¹² Áten da deramɛɛ? Tó gbɛ sã vī mèn basɔɔro, tó a do sate, ani a mèn basɔɔro donsari tó sīsigerɛɛi gwe, à gé à a sã kũ à sate pì weteroo? ¹³ Yápuran maten oáre, tó à bòa, a pɔ nigɔ nnaa de a mèn basɔɔro donsari kũ odi sātɛronɔla. ¹⁴ Len á De kũ à kú musu ye né díno doke sate sɔro le.

Sùrukɛna kũ kɔo

¹⁵ Tó n gbɛdake taari kè, ñ gé ñ a le ndo, ñ yā pì bonɛ gupuraa. Tó à n yā mà, n n gbɛ pìi milɛ blè. ¹⁶ Tó adi n yā ma sɔro, ñ gbɛ mèn doke gbɛnɔn pla sé ñ namma, de à yā pì sí sèedade gbɛnɔn pla ke aakɔ musu. ¹⁷ Tó à gĩ ñ yā mai, ñ yā pì ò sɔsi gbɛnɔnɛ. Tó à gĩ à sɔsi gbɛ pìnɔ yā mai do, ñ a dite kifiri ke gbɛ zĩtɔ ũ.

¹⁸ Yápuran maten oáre, pó kũ a yì zĩte yĩna musu, pó kũ a pòro zĩte porona musu. ¹⁹ Maten oáre do, tó á gbɛnɔn planɔ lé kè dokɔnɔ zĩte la, yā kũ a a wé kè ma De kũ à kú musua pínki, ani keáre. ²⁰ Zaakũ gu kũ gbɛnɔn pla ke gbɛnɔn aakɔnɔ kɔ kàkaran kũ ma tɔo, má kú ñ tɛ.

²¹ Abire gbera Pita sù à Yesu là à pì: Díkiri, gɛn ũgban mà sùru ke kũ ma gbɛ kũ àdigɔ taari kemɛnɛoo? Gɛn supplan yá? ²² Yesu wèa à pì: Maten onne, adi ke gɛn supplanlo, gɛn suppla leu baaakɔ akurimɛ.

²³ Abire yāi kpata kũ à bò Luda kĩnaa de lán dí bà. Kĩna ke mé à ye à a ɔɔo yā gɔgɔ kũ à ìbanɔ. ²⁴ Kũ à nà ɔɔo pì yāa, akũ ò sùnɛ kũ gbɛ kũ à a fina sɛna m̄l̄iɔ wàa kuriio. ²⁵ Kũ à ɔɔo vī à fĩnaa pì boro, akũ a díkiri pì ò a yia kũ a nanɔ kũ a nɛnɔ kũ pó kũ à vīnɔ pínki gbasa ò a kè. ²⁶ Akũ ìbaa pìi wùte a díkiri arɛ, à kúte kènɛ à pì: Ñ mena ke kũmao, mani n fĩna bonne pínki. ²⁷ Akũ a díkiri a wènda gwà a a gbàre, à fĩnaa pìi tònɛ. ²⁸ Kũ ìbaa pìi bò dé, à

dàkare kù a ìba dake kù a fīna d̄a andurufu ɔ̄ɔ mèn bas̄ɔroo. Akù à a kù, àtèn ɔ̄ t̄s̄ a kòtooa à pì: Ñ ma fīna bomene. ²⁹ A gb̄edake pìi wùte a are, à kùte kènne à pì: Ñ menamene, mani n fīna bonne. ³⁰ Ama adi wero. À tò ò a dà kp̄ésiran ari à a fīna bone. ³¹ Kù a ìba kparan̄o è le, ñ p̄o yàka manamana, akù ò ḡe ò yā kù à k̄e pìi gb̄à ñ dikiriine pínki. ³² Akù dikiri pì a sisi à pì: Ìba pāsī! Ma n fīnaa tònne pínki, kù n kùte k̄emenē yāi. ³³ Lākù ma sùruu k̄e kùnwo nà, de n sùru k̄e kù n gb̄edakeo le se. ³⁴ A dikiri pì p̄o f̄è, à tò ò a dà kp̄ésiran, òḡs̄ wé t̄aa ari à gé à fīnaa pì boo pínki. ³⁵ Akù Yesu era à pì: Tó á baadi di sùru ke kù a gb̄edakeo kù n̄es̄eero mèn doro, len ma De kù à kù musu ni keáre le se.

19

Yigidena yā

(Maa 10:1-12)

¹ Kù Yesu yā biren̄o ò à làka, à bò Galili, à ḡe Yudea bùsu kpado Yoda bara. ² Pari t̄ei, akù à ñ gyān̄o w̄erek̄s̄ar̄ma gwe. ³ Farisi ken̄o sù ò a ȳ ò gwa, akù ò a là ò pì: Ḡogb̄e zé vī à yìgi de yā s̄inda pínki yāin yá? ⁴ À w̄er̄ma à pì: Kù Luda ñ ké ḡogb̄e kù n̄ogb̄e ù zaa káaku, ádi a kyó ke a màroo? ⁵ Luda pì, abire yāin ḡogb̄e ni a de kù a dao tó, ò nak̄s̄a kù a nan̄o, ñ gb̄en̄on pla ni ḡs̄ mè do ù. ⁶ Ò kun pla doro, sé do. Abire yāi gb̄e kù Luda ñ n̄ák̄s̄an̄o, bis̄s̄iri s̄un ñ k̄ek̄s̄aro. ⁷ Akù Farisin̄o a là ò pì: B̄óyāi Musa d̄ite ḡogb̄e yìgidetakada kp̄a a nan̄o à a gbar̄eoo? ⁸ Yesu w̄er̄ma à pì: Á s̄agb̄ana yāin Musa á gb̄a zé à á n̄on̄o gbar̄e, ama à de le zaa káakuro. ⁹ Maten oáre, gb̄e kù à yìgii d̄e kù a nan̄o, tó adi ke à ḡs̄pose k̄enlo, tó à n̄o p̄ande s̄e, ade zina k̄en gwe.

¹⁰ Akù a ìban̄o p̄ine: Tó len ḡogb̄e yā de le kù a nan̄o, à mana ò n̄o séro. ¹¹ Akù Yesu p̄inne: Adi ke ḡogb̄e s̄inda pínki mé ani yā pì f̄s̄o, sé gb̄e kù Luda ñ gb̄a a z̄en̄o. ¹² Zaakù gb̄eken̄o di n̄o séro, kù ò ñ í le yāi, gb̄eken̄o d̄iḡs̄ kun le kù ò ñ f̄ere k̄e yāi, gb̄eken̄o ñ z̄ida kù le kpata kù à bò Luda k̄inaa yāi. Gb̄e kù ani yā pì f̄s̄ à f̄s̄.

Arubarikadana n̄en̄gu

(Maa 10:13-16, Luk 18:15-17)

¹³ Òdi su Yesune kù n̄en̄o de à ɔ̄ nar̄ma à adua keíne, akù a ìban̄o ḡinne. ¹⁴ Akù Yesu pì: À tó n̄en̄o m̄o ma k̄inaa. Àsun ḡín̄ero, zaakù ñ takan̄o p̄ome kpata kù à bò Luda k̄inaa ù. ¹⁵ Kù à ɔ̄ n̄anar̄ma, akù à bò gwe.

Aruzekede

(Maa 10:17-31, Luk 18:18-30)

¹⁶ Akù ḡogb̄e ke sù Yesu k̄inaa, à a là à pì: Danneri, b̄o manan mani ke mà w̄endii kù àdi lákaro lee? ¹⁷ À w̄e à pì: À k̄e dera n̄teni ma la manak̄ena yāii? Luda ado mé à mana. Tó ñ ye ñ ḡe w̄endii p̄i ḡun, ñḡs̄ a yāditenan̄o k̄una. ¹⁸ Akù à a là à pì: A kpatem̄e? Akù Yesu pì: Ñsun gb̄e d̄ero, ñsun zina kero, ñsun kp̄ani oro, ñsun yā di n gb̄edakearo, ¹⁹ ñḡs̄ b̄eere lí n de kù n daoone, ñḡs̄ ye n gb̄edakei lán n z̄ida w̄endii bà. ²⁰ Kefenna p̄i p̄ine: Má yā biren̄o k̄una pínki. A kpate mé à ḡs̄mene d̄o? ²¹ Yesu p̄ine: Tó ñ ye ñḡs̄ papana, ñ gé ñ n p̄ón̄o yia pínki, ñ a ɔ̄ɔ kp̄a takasiden̄o, ñ m̄o ñ t̄emai, ñiḡs̄ aruzek̄e v̄i ludambe. ²² Kù kefenna p̄i yā p̄i mà, à tà kù p̄osirao, kù à aruzeken̄o v̄i dasi yāi.

²³ Akū Yesu pì a ibanɔne: Yāpuran maten oáre, à zī'ū aruzekedene à gē kpata kū à bò Luda kīnaa gūn. ²⁴ Maten oáre dɔ, lakumi gēna pɔɔwɛɛn araga de aruzekede gēna kpata kū à bò Luda kīnaa gūnla. ²⁵ Kū a ibanɔ yā pìi mà, akū à bò n sàre manamana ò pì: Tó lemɛ, dí mé ani fɔ à surabana lee? ²⁶ Akū Yesu n gwá tíii, à piinne: Bisāsiri ni fɔro. Luda kīnaa bee pɔ sīnda pínki dì sí ke.

²⁷ Akū Pita wèa à pì: O pɔ sīnda pínki tò o tenyī. Bó mé ani gɔwɛɛ sàa? ²⁸ Yesu piinne: Yāpuran maten oáre: Tó Bisāsiri Né vùte a kiblegba gakuridea andunia dufu gūn, ákɔnɔ kū á tɛmainɔ áni vute kiblegba mèn kuri awɛɛplanɔa, àgɔ yā gɔgɔ Isaraila buri mèn kuri awɛɛplanɔne. ²⁹ Gbē kū à a be ke a vīninɔ tò ke a dakūnanɔ ke a de ke a da ke a nɛnɔ ke a buranɔ ma yāi, ade ni era à abire taka le leu basɔɔro, akūsɔ ani wèndi kū àdi lákaro le. ³⁰ Ama gbē káakunɔ nigɔ gbē kpɛdenɔ ũ dasi, gbē kpɛdenɔ nigɔ gbē káakunɔ ũ dasi.

20

Yalɛkɔana kū zamalingakerinɔ

¹ Lákū kpata kū à bò Luda kīnaa de nàn dí: Ōmbede ke mé à bò kɔnkɔkɔnkɔ, à gèe zamalingakerinɔ wete ò zī keare a bura. ² N̄ yā kɔ sè à fīna boñne andurufu ɔgɔ mèn dodo. Akū à n gbāre a bura. ³ À bò dɔ m̀ kēndo, akū à gbē pāndenɔ lè ete gūn katena pā. ⁴ À piinne: Ákɔnɔ sɔ, à gé à zī ke ma bura, mani fīna boáre a zéa. ⁵ Akū ò gèe. À era à bò dɔ ifāntɛ midangura, akū à era à bò ifāntɛ ura kipana, à ò gbē pāndenɔne le dɔ. ⁶ Kū à bò ɔkɔsi, à gbē pāndenɔ lè katena, akū à n lá à pì: Bóyāi á katena la pā zaa kɔnkɔ? ⁷ Ò wèa ò pì: Kū òdi zī dawerero yāime. À piinne: À gé à zī ke ma bura se. ⁸ Ifāntɛ gēna kpénn burade pìi pì a zamalingakerinɔ gbē zɔkɔɔne: N̄ zamalingakerinɔ sisi n̄ fīna boñne. N̄ naa gbē kpɛdenɔa ari à gé m̀ de gbē káakunɔa. ⁹ Akū ɔkɔsidenɔ sù, ò andurufu ɔgɔ lè mèn dodo. ¹⁰ Kū gbē káakunɔ sù, òten da n̄ ɔgɔ nigɔ de gbē kpɛdenɔ pílame, akū andurufu ɔgɔ mèn don ò lè n̄ pínki. ¹¹ Kū ò n̄ ɔgɔ s̀, akū ò lɛfɔtɔ kà bede pìii ¹² ò pì: Awa don gbē kpɛdenɔ zī kè, akū n̄ n̄ ké sára kū ókɔnɔ kū o zī zɔkɔ kè ifāntɛ gbāna gūnwoo yá? ¹³ Akū à wè n̄ gbē do pìia à pì: Ma gbē, mádi n̄ blero. O kɔ yā mà andurufu ɔgɔ mèn do musunloo? ¹⁴ N̄ n̄ pɔ sí n̄ tá. Má ye mà kpá gbē kpɛde díkīnaa lán n̄ pɔ bàme. ¹⁵ Má zé vī mà ke kū ma ɔgɔ lákū má yei nàroo? Nten wé boboi kū má gbēke vī yāin yá? ¹⁶ Len gbē kpɛdenɔ nigɔ gbē káakunɔ ũ le, gbē káakunɔ nigɔ gbē kpɛdenɔ ũ.

Yesu era à a ga kū a vunaao yá'onaa

(Maa 10:32-34, Luk 18:31-34)

¹⁷ Gɔɔ kū Yesu ten gé Yurusalemu, à a iba gbēnɔn kuri awɛɛplanɔ sète n̄dona, à yā ònne zén à pì: ¹⁸ Òten gé Yurusalemu. Gwen oni Bisāsiri Né kpá sa'orikinɔa kū ludayādannerinɔ, oni yā daala à ga, ¹⁹ oni a kpá buri pānde gbēnɔa. Oni a fobo, oni a gbē kū flāao, oni a pá lía ò a de, a gɔɔ aakɔde zī ani vu.

Yamisi kū Yuhanao wékenaa

(Maa 10:35-45)

²⁰ Akū Zebedi nɛnɔ da sù Yesu kīnaa kū a nɛnɔ. À ye à wé kea, akū à kùtene. ²¹ Akū à a là à pì: Bón n̄ yeii? À wèa à pì: N̄ tó ma né gbēnɔn pla díno vute kūnwɔ n̄ kpatan, gbē do n̄ oplai, gbē do ɔzei. ²² Akū Yesu pì né

pìnɔnɛ: Á yā kū átɛni a wé kema d̄s̄ro. Toko'i kū mani mi, áni f̄s̄ à mi yá? Ò wèa ò pì: Óni f̄s̄. ²³ Yesu p̄ìnɛ: Toko'i kū mani mi, áni mi fá, ama vutena ma ɔplai ke ma ɔzei bi ma yānlo. Gbē kū ma De kèkèñnɛno pómɛ. ²⁴ Kū a ìba gbēnɔn kuri kparanɔ yā p̄i mà, ñ pɔ f̄è v̄ini kū dakūnao p̄i. ²⁵ Akū Yesu ñ kákara à p̄ìnɛ: Á d̄s̄ kū buri pānde k̄inanɔ di gbāna ble ñ gbēnɔa, gbānadenɔ s̄s̄ òdi iko m̄óñnɛ, ²⁶ ama à de le á k̄inaaro. Á té gbē kū à ye à ḡs̄ gbē z̄ōk̄s̄ ũ, sé ade ke á z̄iri ũ. ²⁷ Lɛmɛ dɔ gbē kū à ye à ḡs̄ gbē káaku ũ, sé ade ke á z̄ ũ. ²⁸ Zaakū Bisāsiri Né dí su de ò z̄i k̄enɛro, à sù de à z̄i k̄éñnɛmɛ, à a z̄ida wèndi kpá de à gbēnɔ bo dasi yāi.

V̄ina barakerinɔ werek̄s̄anaa
(Maa 10:46-52, Luk 18:35-43)

²⁹ Gɔɔ kū òten bo Yeriko, pari té Yesui. ³⁰ V̄ina gbēnɔn planɔ vutena zé léa, ò mà Yesu mé àten ḡète, akū òten lé gbāna zu ò pi: Dikiri, Dauda Buri, ñ ó wènda gwa! ³¹ Ó giñnɛ ò pì ò ȳite, akū ò lé gbāna zunaa kàra òten pi: Dikiri, Dauda Buri, ñ ó wènda gwa! ³² Akū Yesu zè à ñ sísi, à ñ lá à pi: Bón á ye mà kéáree? ³³ Ò wèa ò pì: Dikiri, ó ye ó wé gu emɛ. ³⁴ Yesu ñ wènda gwà, à ɔ nà ñ wéa. Gwe ḡonɔ ñ wé gu è, akū ò tèi.

21

Gbānakekpana Yesui Yurusalemu

(Maa 11:1-26, Luk 19:28-48, Yuh 12:12-22)

¹ Kū ò kà k̄ani kū Yurusalemuo, ò kà Betefage lakutu kū à kú Kùkpe s̄is̄igereei, akū Yesu a ìba z̄i gbēnɔn pla ² à p̄ìnɛ: Á gé lakutu kū à káte á are dire gūn. Tó a gē ḡonɔ, áni zaaki e kū a néo bàdɔna gwe. À poro à suomɛne. ³ Tó ò á lá ò pì, à kè deraa, à pi Dikiri mé à yei, ani era à suo tera. ⁴ À kè le de yā kū annabii ò ke yāime à pi:

⁵ À o Zaiṣdenɔnɛ

ñ k̄ina mé àten su ñ k̄inaa.

À buse à di zaakine b̄orɔ kpe.

⁶ Ìbaa p̄inɔ ḡè ò kè lán Yesu òñnɛ nà. ⁷ Ò sù kū zaaki p̄io kū a néo, ò ñ utanɔ kpàtɛñma, akū Yesu dia. ⁸ Gbēnɔ teni ñ utanɔ kpátɛ zén dasidasi, gbēkenɔ ten lá z̄s̄, òten kpátɛ zén dɔ. ⁹ Gbē kū ò té arenɔ kū gbē kū ò té kpɛnɔ ten wiki lé òten pi:

Ñ gbāna ke, Dauda buri!

Arubarikaden gbē kū àten su kū Dikiri t̄so ũ!

Ò gbānake kpái ari ludambe.

¹⁰ Kū Yesu ḡè Yurusalemu, w̄ete lòko, gbē s̄inda p̄inki ten pi: Dín gbē bire ũu? ¹¹ Pari pi: Annabi Yesumɛ. À bò Nazera, Galili b̄usun.

Yesu kunna Luda ɔnn

(Maa 11:15-19, Luk 19:45-48, Yuh 2:13-22)

¹² Yesu ḡè Luda ɔnn, à pè lagayarinɔ kū lagalurinɔa à ñ bóte ñ p̄inki. A ɔḡolilinkerinɔ teburunɔ kū pot̄ɛnyarinɔ gbànɔ ȳipa à k̄òt̄éñnɛ. ¹³ À p̄ìnɛ: Ò kè Luda yān, ma kpé niḡs̄ de aduak̄ekpe ũ, akū a kè gbēblerinɔ tò ũ.

¹⁴ V̄inanɔ kū ɛrenɔ sù a k̄inaa Luda ɔnn gwe, akū à ñ wérek̄s̄a. ¹⁵ Kū sa'orikinɔ kū ludayādannerinɔ yābonsare kū àten kenɔ è, akūs̄ ò mà néno ten wiki d̄sa Luda ɔnn òten pi, ñ gbāna ke, Dauda Buri, akū ñ pɔ f̄è. ¹⁶ Ò

pìne: N mà lákū òten o nà yá? Yesu wèmma à pì: Leme! Kū Luda dà né fítinone kū nékpāntēno ò a sáabu kpá, ádi a kyó ke a màroo? ¹⁷ Akū à bò wēte pìn à n tón, à gèe à i Betani.

Yesu kaka lí kanaa
(Maa 11:12-14, 20-24)

¹⁸ Kū gu dō kōnkōkōnkō, à èra àten su wēten, akū nà teni a de. ¹⁹ À kaka lí è zé léa, akū à nài adi pòke learo, sé a lánō. Akū à pì lí pìine: Ìni né i ziki dorō. Gwe gōno lí pìi kori kè à gà. ²⁰ Kū a ìbanō è, akū à bò n sàre ò pì: À kè dera kaka lí pìi kori kè le gōngōgōno? ²¹ Yesu wèmma à pì: Yāpuran maten oáre, tó á Luda náani vī sikaa sari, adi ke kaka lí pì yān áni ke adoro. Tó a ò kpi díne à fute à a zīda sé à zu sēben, ani ke le. ²² Tó á Luda náani vī, yā kū a a wé kèa aduakēnaa gūn pínki, áni le.

Yesu gbekana a ikooi
(Maa 11:27-33, Luk 20:1-8)

²³ Yesu gè Luda onn, àten yā dañne. Akū sa'orikino kū gbē zōkōno sù ò a là ò pì: Iko kpaten nten yā dínō keoo? Dí mé à n gba ikoo pì? ²⁴ Akū Yesu wèmma à pì: Makū sō, yā mèn don mani gbekaáwa. Tó a òmēne, mani iko kū maten yā dínō keo oáre. ²⁵ Dí ikoon Yahaya gbēno da'ite kèoo? À bò Luda kīnaa yāa, ke bisāsiri kīnaame? Akū ò yā gōgō ò pì: Tó o pì Luda kīnaame, ani ó la, bōyāin ódi Yahaya yā síroo. ²⁶ Tó o pì bisāsiri kīnaame sō, ó gbēno vīna vī, zaakū gbē sīnda pínki Yahaya annabike si. ²⁷ Akū ò wè Yesua ò pì: Ó dōro. Akū Yesu pìinne: Èhē makū se, mani iko kū maten yā dínō keo oáre.

Négōgbē gbēnon planō

²⁸ Akū Yesu pì: Gbēke négōgbēno vī gbēnon pla. Akū à pì Worunc: Ìn gè ò zī ke bura gbāra. ²⁹ Woru pì: Mani géro. Akū à a nèsee lite zā à gèe. ³⁰ Mare pii gèe à pì Sabine le dō. Sabi pì: Tō. Akū adi géro. ³¹ A è deraa? Gbēnon pla pino gūn, n dí mé à a de poyeinaa kèe? Ó pì: Worume. Akū Yesu pìinne: Yāpuran maten oáre, be'ogōsirino kū karuano ni gē kpata kū à bò Luda kīnaa gūn á ā. ³² Zaakū Yahaya sù, à zé sūsu mōáre, ádi a yā síro. Be'ogōsirino kū karuano mé ò a yā si. Bee kū abirekū enaao ádi á nèse lite zā a a yā síro.

Geepi líkpe arukerino
(Maa 12:1-12, Luk 20:9-18)

³³ À yā pānde ma dō. Burade ke mé à kun, à geepi líkpe bà à karaa likai, à wèe yō a gūn geepi'ifēki ū à búdákpāgbaa dō. Akū à bú pìi nà arukerino ò n ōi, akū à fute kū táo. ³⁴ Kū geepizōgōno kà, akū à a zìrino zì arukerii pinoa, de ò a geepi né sí. ³⁵ Akū arukerii pino a zìrino kùkù, ò n gbē do gbē, ò n gbē do dè, ò n gbē do pāpa kū gbèe ò a dè. ³⁶ Akū à èra à zìri pāndeno zìrīma, n dasi de gbē káakunola, akū ò kèñne le dō. ³⁷ Kpekpe à a né zìrīma à pì: Oni ma né yā da. ³⁸ Kū arukerii pino né pìi è, ò pìkōne: Túbiberiin dí. À tó ò a de, a túbi ni gō ó pō ū. ³⁹ Akū ò a kù ò bò káao bura gūn, ò a dè. ⁴⁰ Tò! Tó burade pìi sù, bōn ani ke arukerii pinoone? ⁴¹ Ò wèa ò pì: Ani gbē pāsī pino dede pāsīpāsī, ani bura pì na arukeri pānde kū oni a baka kpáa a gōwanone n ōi. ⁴² Akū Yesu pìinne: Ádi Luda yā dí kyó keoo? Gbè kū kpéborino pā kpài mé à gō kpé kusuru gbè mīde ū.

Dikiri mé à abirekū kè
akū à kèwèrè yābonsare ũ.

43-44 Abire yāi maten oáre: Luda ni á bo kpata kú à bò a kīnaa gūn, ani gbē kú oni a baka kpáano kán.

45 Kū sa'orikinɔ kú Farisinɔ Yesu yālekšanaa pìnɔ mà, ò dš kú n yān àten o. 46 Akū ò zé wète ò a kú, ama ò vīna kè parine, kú ò a dìte annabi ũ yāi.

22

Nɔse pɔnnakenaa

(Luk 14:15-24)

¹ Yesu èra à yā lèkšānne à pi: ² Lákū kpata kú à bò Luda kīnaa de nàn dí dɔ. Kína ke mé àten nɔse pɔnna ke a néne, ³ akū à a zīrinɔ zī ò o gbē kú à n sīsī ò mós pɔ blenɔne ò mós, ama ò ye ò suro. ⁴ Akū à èra à zīri pāndenɔ zī à pīnne: À gé à o gbē kú ma n sīsīnɔne ma sorumii mà, ma zūsano kú pókāde mēkpanano dē ma kēke kò. Ò mós nɔsepoblekia. ⁵ Akū odi laakari dɔ yā pīiaro, n baadi gèe a bókote kè. Gbēkeno gèe n bura, gbēkeno gèe laga tá. ⁶ Gbē kparano zīrii pìnɔ kùkū, ò wé'i dām̄ma, ò n dede. ⁷ Akū kína pì pò fē, à a sozano gbàre, ò gèe ò gbēderii pìnɔ dède, akū ò té sš n wētea. ⁸ Akū kína pì pì a zīrinɔne: Nɔsepoble mà, ama gbē kú ma n sīsīnɔ dí kš síoro. ⁹ À gé zérankpakšano gūn, à gbē kú a lè sīnda pínki sīsī nɔsepoblea. ¹⁰ Akū zīrii pìnɔ fūte ò gèe zéno gūn, ò gbē kú ò n léno kākara, gbē vāninɔ kú gbē manano n pínki. Len nɔse pɔnnakerinɔ gu pà le.

¹¹ Kū kína pìi gè à pɔnnakerii pìnɔ gwa, à gšgbē ke è gwe, à nɔse pɔnna uta danaro, ¹² akū à pīne: Ma gbē, à kè dera n gē la nɔse pɔnna uta danaa sarii? Akū à yītēna kítikiti. ¹³ Akū kína pì a dogarinɔne: À a ɔno yī kú a gbánɔ, à a zu bàai gusiran. Gwen oni ɔɔ dɔn ò ɔ di n mīia. ¹⁴ Zaakū gbē kú Luda n sīsīnɔn dasi, ama gbē kú à n sēnɔn dasiro.

Be'ogɔkpana Sizaa yā

(Maa 12:13-17, Luk 20:20-26)

¹⁵ Abire gberan Farisinɔ bò ò gèe ò yā gšgš lákū oni ke nà ò Yesu kú a yā'onaa gūn. ¹⁶ Akū ò n ibano zīa kú Herɔdu gbēno ò pi: Danneri, ó dš kú gbē yāpurademe n ũ. Ndì Luda zé dañne sūsu, ndì gbē wé gwaro, ndì gbē gwena gwaro. ¹⁷ Lákū n è nà n owere. À zé vī ò be'ogɔ kpá Sizaa yā, ke à zé vīro? ¹⁸ Yesu n nèse vāni dšm̄ma, akū à pi: Manafikidenɔ! Bóyāi átēni ma yš à gwaa? ¹⁹ À ɔgo kú òdi be'ogɔ kpáo mɔmēne. Akū ò ɔgo pì do kpaa. ²⁰ Akū à n lā à pi: Dí mì wānzān dí kú a tšoo? ²¹ Ò wèa ò pi: Siza pómē. Akū à pīnne: Èhē à pɔ kú à de Siza pɔ ũ kpá Sizaa, á pɔ kú à de Luda pɔ ũ kpá Ludaa. ²² Kū ò yā pīi mà, à bò n sare, akū ò tà ò a tò gwe.

Gèno vuna yā

(Maa 12:18-27, Luk 20:27-40)

²³ Gɔɔ dokšnɔ pì zī Sadusi kú òdi pi gèno dì ga à vuronɔ sù Yesu kīnaa, akū ò a gbēka ò pi: ²⁴ Danneri, Musa òwèrē tó gšgbē gā né'isari, a dakūna a vīni gyaano sé de à né buri dato a vīnīne. ²⁵ Tš. Dedokšnɔdenɔn kú ó té yā gbēnɔn suppla. Woru nɔ sè, akū à gā à nɔ pīi tò né'isari, akū gyaano gš Sabine. ²⁶ À kè Sabine le dɔ kú Bibo ari à gèe pé n suppladea. ²⁷ N pínki gberan nɔ pīi gā se. ²⁸ Tš! Gèno vuna gɔɔ zī n gbēnɔn suppla pìnɔ té dí mé anigš nɔ pì vīi? Zaakū n pínki ò a dš nɔ ũ. ²⁹ Akū Yesu wēm̄ma à pi: A sātē á

Luda takada kù a gbānao dōnaa sari yāi. ³⁰ Tó gènò vù, ò nò séro, ò zā kero, onigò kun lán malaikanon kun nà ludambeme. ³¹ Gènò vuna yā musu ádi yā kù Luda óaré kyó keroo? À pì ³² akáame Ibrahī kù Isaakuo kù Yakubuo Luda ũ. Luda ò ke gènò Luda ũro, gbē bēnenò Ludame. ³³ Kù gbēnò yā pìi mà, a yādannenaà bò ñ sare.

Dokayā kù à deñla

(Maa 12:28-34, Luk 10:25-28)

³⁴ Kù Farisinò mà Yesu Sadusinò fù, ò kò kàkara. ³⁵ Akù ñ dokadōrinò do a yò à gwa, à a là à pì: ³⁶ Danneri, dokayā kpate mé à de a kparanòlaa? ³⁷ Yesu wèa à pì: Ñgò ye Dikiri n Ludai kù nèse mèn doo kù n ninio pínki kù n laasunnwo pínki. ³⁸ Dokayā kù à bèere vī de a kparanòlan gwe. ³⁹ A plade kù à bòkòon dí: Ñgò ye n gbēdakei lán n zīda wèndii bà. ⁴⁰ Musa doka pínki kù annabinò yáo lokona dokayā mèn pla dínòame.

Arumasihu buriyā

(Maa 12:35-37, Luk 20:41-44)

⁴¹ Lákù Farisinò kakarana nà, Yesu ñ lá à pì: ⁴² A è dera Arumasihu yā musuu? Dí burin a ũu? Ò wèa ò pì: Dauda burime. ⁴³ Akù Yesu pínne: À kè dera Luda Nini òdi Dauda, akù Dauda Arumasihu sisi Dikiri? À pì, ⁴⁴ Dikiri pì ma dikirine à vute a opla ari agò a iberenò kátene a gbá gbáru. ⁴⁵ Kù Dauda pínne Dikiri, à kè dera anigò de a buri ũ doo? ⁴⁶ Gbēke dí fò à wèaro. Zaa goro birea gbēke dí sù à yāke laa doro.

23

Ludayādannerinò kù Farisinò manafiki

(Maa 12:38-39, Luk 11:43, 46, 20:45-46)

¹ Abire gbera Yesu yā ò gbēnòne kù a ìbanò ² à pì: Ludayādannerinò kù Farisinò mé ò gò Musa gēne ũ. ³ Abire yāi à yā kù òdi oárenò ke pínki agò kùna. Ama àsun ñ yákèna kero, zaakù òdi yā kù òdi o kero. ⁴ Òdi aso tikisi yīyī ò di gbēnòne ñ gān akūsò bee onè do òdigò ye ò káiro. ⁵ Òdi ñ yā sīnda pínki ke de gbēnò ñ e yāime. Len òdi Luda yā ezèba gbēntē da le, òdi būsibusu gbāna da ñ pòkasanò. ⁶ Òdigò ye ò vute ponna pòble vuteki mananon kù aduakekpe vuteki manano. ⁷ Òdigò ye ògò fò kpákparúma etenò, ògò ñ sisi Rabi. ⁸ Àsun tó ò á sisi Rabio, zaakù á pínki vīninò kù dakūnanòme á ũ, á Danneri mèn dome. ⁹ Àsun gbēke sisi á de zīte laro, zaakù á De mèn dome, àkù mé à kù musu. ¹⁰ Àsun tó ò á sisi Arēdero, zaakù á Arēde mèn dome, àkù mé à Arumasihu ũ. ¹¹ Á zīrin gbē zòkò ũ á té. ¹² Gbē kù àdi a zīda kara, Luda ni a busa. Gbē kù àdi a zīda busa, Luda ni a kara.

Yesu kpákèna ludayādannerinò kù Farisinò

(Luk 11:37-42, 44, 52)

¹³ Waiyoo ákòno yādannerinò kù Farisinò! Manafikidenò! Adì kpata kù à bò Luda kīnaa zé tata gbēnòne. Adì gē a gūnlo, akūsò adì we gbē kù ò ye ò gē a gūnno gēn sero.

¹⁴ Waiyoo ákòno yādannerinò kù Farisinò! Manafikidenò! Adì adua gbāna ke de gbēnò á e yāi, akù adì gyaanonò kpé símma. Abire yāi á wétamma nigò pásì de gbē sīnda pínki pòla.

¹⁵ Waiyoo ákǎnǎo yádannerinǎo kǎ Farisinǎo! Manafikidenǎo! Adì kure zíte kǎ ísiraò ìba mèn do lena yái. Tó a a lè sǎ, adì a ke té pǎ ù deála leu pla.

¹⁶ Waiyoo ákǎnǎo vǎna don'arèdenǎo! Adì pi, tó ò pi ò si kǎ Luda kpéò, à yáke víro, ama tó ò pi ò si kǎ Luda kpé wuraaò, abirekǎ mé à yá ví. ¹⁷ Vǎna yǎnkǎnǎo! A kpate mé à zǎkǎo? Wuraan yá, ke Luda kpé kǎ àdi tó wura gǎ a pǎ ù? ¹⁸ Adì pi dǎ, tó ò la dà kǎ sa'okio, a yáke víro, ama tó ò la dà kǎ sa'obǎ kǎ à kǎ gweò, abirekǎ mé à yá ví. ¹⁹ Vǎnanǎo! A kpate mé à zǎkǎo? Sa'obǎn yá, ke sa'oki kǎ àdi tó sa'obǎ gǎ Luda pǎ ù? ²⁰ Gbǎ kǎ à la dà kǎ sa'okio la dà kǎ pǎ kǎ à kǎ gwenǎo pínkime dǎ. ²¹ Gbǎ kǎ à la dà kǎ Luda kpéò la dà kǎ Luda kǎ à kǎ a gǎnwome dǎ. ²² Gbǎ kǎ à la dà kǎ ludambǎo la dà kǎ Luda kíblegbaao kǎ Luda kǎ à vutènaaome.

²³ Waiyoo ákǎnǎo yádannerinǎo kǎ Farisinǎo! Manafikidenǎo! Adì tofenǎo tǎkǎtedo kǎ kpè'akáo kǎ dà láo kuride kpá Ludaa, akǎ adì dokayá tikisinǎo tón, yázede kǎ sùruuo kǎ náanio. Yá birenǎo mé à de ògǎ kǎna a kpára tonaa sari. ²⁴ Vǎna don'arèdenǎo! Adì mǎsǎo né bo á pǎminan, akǎ adì lakumi mǎo.

²⁵ Waiyoo ákǎnǎo yádannerinǎo kǎ Farisinǎo! Manafikidenǎo! Adì tokonǎo kpé gbási bo kǎ tanǎo, ama wákǎ kǎ zǎdakúnadǎnasario mé à á nèsee pà. ²⁶ Mǎkǎn Farisi vǎna! Ì gbási bo toko gǎnne gǎa, a kpé ni gǎ gbási sari.

²⁷ Waiyoo ákǎnǎo yádannerinǎo kǎ Farisinǎo! Manafikidenǎo! Á de lán mira kǎ ò gbǎ pura lǎanǎo bàme. Ì kpé mana wéne, ama gèwanǎo kǎ gbási pínkio mé à ñ gǎn pà. ²⁸ Leme ákǎnǎo se dǎ, á kunna mana gbǎnǎo wéne, ama manafiki kǎ yá vǎnio mé à á gǎn pà.

²⁹ Waiyoo ákǎnǎo yádannerinǎo kǎ Farisinǎo! Manafikidenǎo! Adì pǎ bo annabinǎo miranǎo, adì zǎ ble Luda gbǎnǎo pǎa ³⁰ adì pi: Tó ó kun yá ó dizinǎo gǎra, ó bàka nigǎ kǎ kǎnwo annabinǎo dedènaa gǎnlo. ³¹ Leme a si kǎ gbǎ kǎ ò annabinǎo dèdèno burinǎo á ù. ³² À ania ke, à á dizinǎo tàragaa ba à a mì de sà! ³³ Mlènǎo! Bisásiri pitikonǎo! Áni ke dera à bo té yá kǎ à danaála gǎnn? ³⁴ Abire yái manì annabinǎo kǎ òndǎrinǎo kǎ yádannerinǎo zǎawa. Áni ñ gbǎkenǎo dede, áni ñ gbǎkenǎo pá lía, áni ñ gbǎkenǎo gbǎ kǎ fláao á aduakekpenǎo gǎn, áni péfuma wéte kǎ wéteo. ³⁵ Leme Luda gbǎ kǎ ò ñ dèdenǎo yá ni wí á musu le, sena zaa gbǎ mana Habila denaaa ari à gèe pé Berekia né Zakari kǎ a a dè Luda kpé kǎ sa'okio daguraa. ³⁶ Yápuran maten oáre, yá birenǎo pínki ni wí gbǎragbǎnǎo musume.

Yurusalemu yá

(Luk 13:34-35)

³⁷ Yurusalemudenǎo, Yurusalemudenǎo! Adì annabinǎo dede, adì gbǎ kǎ Luda ñ zǎawanǎo papa kǎ gbǎeo à ñ dede. Madigǎ ye mà á kakaramai gǎn baaakǎ, lán ko ò di a dèmbere kǎ a nǎnǎo nà, ama ádi weiro. ³⁸ Luda ni á kpé tóáre bezí ùme sà. ³⁹ Maten oáre, áni ma e dorò ari à pi, arubarikaden gbǎ kǎ àten su kǎ Dikiri tǎo ù.

24

Yurusalemu yakana kǎ andunia lákagǎo sèedanǎo

(Maa 13:1-20, Luk 21:5-24)

¹ Yesu bò Luda ònn àten tǎ, akǎ à ìbanǎo nàai ò lézuki kène a kpénǎo. ² Akǎ Yesu píñne: A abirekǎ è pínki yá? Yápuran maten oáre, oni gbǎ ke tó dikǎro, oni gboro pínkime.

³ Gɔɔ kũ Yesu vutena Kùkpe s̄is̄iger̄ei, a ìbano sù a k̄inaa gusare, ò a là ò pì: Ñ owere, boren yā dínò ni kee? Bó mé aniḡo de n suna kũ andunialakagɔɔ sèeda ũu? ⁴ Yesu wemma à pì: À laakari ke, àsun tó ò á s̄atero. ⁵ Zaakũ oni su dasi kũ ma t̄oo, oniḡo pì Arumasihume ñ ũ, oni gb̄eno s̄ate dasi. ⁶ Áni z̄ino baaru ma kũ a òpio. Àsun bídi kero. Sé abirekũno ke, ama gɔɔ lakana kpé. ⁷ Buri kũ burio ni fute kũ k̄oo, leme d̄o b̄usu kũ b̄usuuo. Nà kũ z̄ite ȳḡaȳḡanaao niḡo kú gukenon. ⁸ Yā bireno p̄inki òw̄aw̄a naana ũ. ⁹ Abire gbera oni á kũkũ ò á kp̄ámma, ò wé tááwa ò á de, buri s̄inda p̄inki ni z̄áágu ma yái. ¹⁰ Gb̄eno ni fuma dasi, ò bo k̄o kpe, oni z̄ák̄on. ¹¹ Annabi ékeno ni su dasi ò gb̄eno s̄ate dasi. ¹² Yā v̄ani ni k̄o, gb̄eno yenyī ni busa dasi. ¹³ Gb̄e kũ à zena gb̄ana ari a gɔɔ léa mé ani surabana le. ¹⁴ Oni kpata kũ à b̄o Luda k̄inaa p̄i baaru kp̄a andunia gu s̄inda p̄inkia sèeda ũ buri s̄inda p̄inkine, gbasa p̄o p̄inki ni láka.

¹⁵ Tó a t̄e guyakari kũ annabi Danieli a yā òo è Luda onn, kyókeri ḡo d̄o, ¹⁶ gb̄e kũ ò kú Yudeano bàa sí ò mì pé kp̄in̄o. ¹⁷ Gb̄e kũ à kú a kpé musu sún kipa à ḡe kpé ḡun à p̄oke sé à booro. ¹⁸ Gb̄e kũ à kú bura sún era be à a uta séro. ¹⁹ Waiyoo ònsindareno kũ nérandeno gɔɔ birea. ²⁰ À adua ke de bàasinaa p̄i sún ke bunsire ke kammabogɔɔ z̄iro. ²¹ Zaakũ gɔɔ p̄i wétamma niḡo z̄ók̄o. Zaa gɔɔ kũ Luda andunia kè ari gb̄ara, a taka dí kero, akūs̄o ani ke zikiro. ²² Tó Luda dí gɔɔ p̄ino lagoro, de gb̄eke ni boro. Ama ani gɔɔ p̄ino lago a gb̄e kũ à ñ s̄eno yáime.

Bisāsiri Né sunaa

(*Maa 13:21-37, Luk 17:20-37, 21:25-33*)

²³ Gɔɔ birea tó gb̄eke pīare, à Arumasihu gwa la kes̄o à Arumasihu gwa z̄aa, àsun síro. ²⁴ Zaakũ Arumasihu ékeno kũ annabi ékeno ni su ò sèeda z̄ók̄ono kũ daboyāno ke, de ò gb̄e kũ Luda ñ s̄eno s̄ateo se, tó ani sí ke. ²⁵ À ma, ma ḡinake ma ōare zaa káaku k̄o. ²⁶ Tó ò pīare à gwa, à kú s̄en, àsun géro. Ke tó ò pīare à gwa, à kú kpéne ḡun, àsun síro. ²⁷ Zaakũ lákũ legũ d̄i pí à ludambe pura kũ zaa if̄aboki kpa ari a léte kpa nà, len Bisāsiri Né suna niḡo de le. ²⁸ Gu kũ ḡe kún, gwen yumburukun̄o ni k̄o kakaran.

²⁹ Gɔɔ p̄ino wétamma gbera ḡono if̄ant̄e ni sira kũ, m̄ovura ni í kero, susunen̄o ni wowo ludambe, gb̄ana kũ ò kú musun̄o ni dege. ³⁰ Bisāsiri Né sèeda gbasa à bo ludambe, buri kũ ò kú andunia ḡun̄o ni ñ z̄ida k̄ek̄e ñ p̄inki, oni Bisāsiri Né suna e ludambe lukun kũ gb̄anao kũ gakuri z̄ók̄oo. ³¹ Ani a malaikano z̄i kũ k̄ak̄aki'ũ gb̄anao, oni a gb̄e kũ à ñ s̄eno kakara andunia kusuru siik̄oa zaa ludambe lé díkũ kũ a lé direkũo.

³² À yā dada kaka lía. Tó a ḡano í kp̄akpa, àten lá b̄oto kú, á d̄o guw̄anagɔɔ kà k̄ani. ³³ Leme s̄o, tó a yā p̄ino è p̄inki le, àḡo d̄o kũ a sunaa kà k̄ani, à kú kpélelea. ³⁴ Yāpuran maten ōare, gɔɔ dí gb̄eno ni ḡetero ari yā p̄ino gé keo p̄inki. ³⁵ Musu kũ z̄iteo ni ḡete, ama ma yānon ḡetena v̄iro.

³⁶ Gb̄eke a gɔɔ ke a gɔɔ zaka d̄oro, bee malaika kũ ò kú musun̄o ke Luda Né, sé De Luda. ³⁷ Lákũ à de na Nuhu gɔɔ, len aniḡo de le se Bisāsiri Né sugɔɔa. ³⁸ Gɔɔ kũ í dí da andunialaro, òten p̄o ble òten í mi, òten no sé òten z̄a ke ari Nuhu ḡe à ḡe ḡo'ite ḡun. ³⁹ Odi d̄oro, akú í sù à ñ s̄ete ñ p̄inki. Len aniḡo de le se Bisāsiri Né sugɔɔa. ⁴⁰ Gɔɔ birea gb̄enon plan̄o niḡo kú bura, oni gb̄e do sé ò gb̄e do tón. ⁴¹ N̄ogb̄e gb̄enon plan̄o niḡo p̄o l̄o gb̄en, oni gb̄e do sé ò gb̄e do tón. ⁴² Abire yái á wé ḡo d̄o, zaakũ á d̄o gɔɔ kũ á Dikiri ni suro. ⁴³ Àḡo adik̄ina d̄o. Tó bede gɔɔ zaka kũ kp̄ani ni suawa d̄o

yā, de á wé g5 dɔ, ani tó à a kpé f5ro. ⁴⁴ Abire yāi ákɔnɔ sɔ, àg5 kú kú soruo, zaakú Bisásiri Né ni su gɔɔ zaka kú á wé dɔiroame.

Zikeri náanide laakaride
(Luk 12:41-48)

⁴⁵ Díme zikeri náanide laakaride kú a dikiri a zikerinɔ nàne a ɔĩ de à pɔble kpámma a gɔɔa úu? ⁴⁶ Arubarikaden zikeri kú a dikiri a lè àten ke le a sugɔɔa ú. ⁴⁷ Yápuran maten oáre, ani a aruzeke sɔnda pínki nanɛ a ɔĩme. ⁴⁸ Ama tó zikerii pì pásì, akú à pì a nèsee gūn a dikiri ten gì ke, ⁴⁹ akú à nà a zikeri dakenɔ gbēgbēnaaaa, àten pɔ ble àten í mi kú wēderinɔ, ⁵⁰ a dikiri ni su gɔɔ kú a wé dɔiroame, gɔɔ zaka kú à d5roa, ⁵¹ ani a z5z5k5re, à a baka da kú manafikidenɔ. Gwen oni ɔɔ dɔn ò ɔ di n̄ m̄ia.

25

Nɔkpare gbēnɔn kurinɔ

¹ Gɔɔ birea kpata kú à bò Luda kīnaa nig5 de lán nɔkpare gbēnɔn kuri kú ò n̄ fitilano sè ò bòo, òten gé da nɔserile bàme. ² N̄ gbēnɔn sɔɔronɔ bi yɔnkɔnɔme. N̄ gbēnɔn sɔɔronɔ sɔ laakaridenɔme. ³ A yɔnkɔnɔ n̄ fitilano sè n̄isi zànaa sari, ⁴ a laakaridenɔ sɔ ò n̄ fitilano sè kú n̄isi zànaao. ⁵ Nɔseri dí su likalikaro, akú í n̄ sé n̄ pínki, òten í o. ⁶ Lizāndo ò wiki lè: Nɔseri ten su! À fute à gé daale. ⁷ Akú nɔkpare pìnɔ vù n̄ pínki, ò n̄ fitilano kèke. ⁸ Akú yɔnkɔnɔ pì laakaridenɔne: À ó gba n̄isi fíti sàee! Ó fitila ten ga bi! ⁹ Akú laakaride pìnɔ wèmma ò pì: Ani mɔwá kááo pínkiro. À gé à á pɔ lú a ylarinɔ kīnaa. ¹⁰ Kú ò gèe lú, akú nɔserii kà. Gbē kú n̄ soru kènɔ gèe káao nɔse gūn, akú ò gbàa tàta. ¹¹ Kú à kè saa nɔkpare kpara pìnɔ sù, òten lé zu: Dikiri, Dikiri! N̄ ze wēwēre! ¹² Akú à wèmma à pì: Yápuran maten oáre, má á d5ro. ¹³ Abire yāi á wé g5 dɔ, zaakú á a gɔɔ ke a gɔɔ zaka d5ro.

ɔɔdakena zikerinɔne
(Luk 19:11-27)

¹⁴ Kpata kú à bò Luda kīnaa de lán gbē kú àten gé wētea ba, akú à a zikerinɔ sisi, à a aruzeke nánne n̄ ɔĩ. ¹⁵ À ɔɔda kè n̄ gbē done sɔnɔ sɔro, gbē plade sɔnɔ pla, gbē aakɔde sɔnɔ do, n̄ baadi gbāna lén, akú à gèe wētea. ¹⁶ Sɔnɔsɔrode gèe à laga tà kú ɔɔ p̄io gònɔ, akú à àree lè sɔnɔ sɔro. ¹⁷ Sɔnɔplade kè le dɔ, akú à àree lè sɔnɔ pla. ¹⁸ Sɔnɔdode sɔ à gèe à wèe yɔ, akú à a dikiri ɔɔ p̄i ùten. ¹⁹ Gɔɔ pla gbera zikerii pìnɔ dikirii sù, akú àteni a ɔɔ yā g5g5 kúnwo. ²⁰ Sɔnɔsɔrode sù kú sɔnɔ sɔro pānde kú à lèeo à pì: Dikiri, n̄ sɔnɔ sɔro kú n̄ kpàma gwa, à àree kàramene sɔnɔ sɔro dɔ. ²¹ Akú a dikirii pìnɔ: N̄ kè zikeri mana náanide! Lákú n̄ náani v̄i kú a fítio nà, mani a z5k5 nanne n̄ ɔĩ sà. N̄ gē ma pɔnnakenaa gūn. ²² Sɔnɔplade sù dɔ à pì: Dikiri, n̄ sɔnɔ pla kú n̄ kpàma gwa, à àree kàramene sɔnɔ pla dɔ. ²³ Akú a dikirii pìnɔ: N̄ kè zikeri mana náanide! Lákú n̄ náani v̄i kú a fítio nà, mani a z5k5 nanne n̄ ɔĩ sà. N̄ gē ma pɔnnakenaa gūn. ²⁴ Akú sɔnɔdode sù sà à pì: Dikiri, má d5 kú n̄ yānɔn zì'ú. Ndì pɔ kē gu kú ndi tɔnlo. Ndì pɔ kakara gu kú ndi gbēnlo. ²⁵ Akú vīna ma kú, ma ge ma n̄ ɔɔ ùte wèen. N̄ pón dí. ²⁶ Akú a dikirii pìnɔ: Zikeri vāni ma'ade! N̄ d5 kú madì pɔ kē gu kú mádi tɔnlo, madì pɔ kakara gu kú mádi gbēnloo? ²⁷ À mana yā n̄ ɔɔda kèo gbēkene, de tó ma su, mà a pɔ sí kú a ío. ²⁸ À sɔnɔ do pì sía à kpá sɔnɔsɔrodea. ²⁹ Zaakú gbē kú à pɔ v̄in

Yudasi bona Yesu kpe

(Maa 14:10-11, Luk 22:3-6)

¹⁴ Abire gbera gbēnɔn kuri awεεplanɔ do kũ òdi pine Yudasi Isikarioti gèe sa'orikinɔ kīnaa ¹⁵ à pì: Tó ma Yesu kpàáwa, bón á ye à kpámaa? Akũ ò andurufu ɔgɔ mèn baraakurii nàro ò kpàa. ¹⁶ Zaa gɔɔ birean àten zé wete à Yesu kpámma.

Vĩla pɔblenaa

(Maa 14:12-21, Luk 22:7-14, Yuh 13:21-38)

¹⁷ Burodi Futenasari dikpe gɔɔ káaku zĩ Yesu ibanɔ sù ò a là ò pì: Mán n̄ ye ò gé kekenne n̄ Vĩla pɔ blenn? ¹⁸ À wèmm̄a à pì: À gé wēten gɔgbē ke kīnaa à pine, Danneri pì a gɔɔ kà kāni. A bean áni Vĩla pɔ blen kũ a ibanɔ. ¹⁹ Yesu ibanɔ kè lākũ à dànn̄e nà, ò Vĩla pɔbleyá kèk̄e. ²⁰ Kũ ɔkɔsi kè, Yesu gengesekena teburuui kũ a gbēnɔn kuri awεεpla pìnɔ. ²¹ Gɔɔ kũ òten pɔ ble à pì: Yāpuran maten oáre, á gbē mèn do ni ma kpámma. ²² N̄ n̄es̄e yàka manamana, akũ òteni a la dodo: Asa makūmeroo, Dikiri? ²³ Yesu wèmm̄a à pì: Gbē kũ òten ɔ kakara ta gūn l̄e l̄e mé ani ma kpámma. ²⁴ Bisāsiri Né n̄i kpágui lākũ à kēna a yā musu nà, ama waiyoo gbē kũ ani Bisāsiri Né kpámma p̄i. Ani ke s̄ana adene tó odi a i yāro. ²⁵ Akũ Yudasi kũ ani a kpámma p̄i p̄i: Asa makūmeroo, Rabi? Yesu pine: Mɔkɔmm̄e n̄ ò gwe.

Dikiri pɔble

(Maa 14:22-26, Luk 22:14-20, 1Kɔ 11:23-25)

²⁶ Kũ òten pɔ ble, Yesu burodii s̄e, à arubarikaa dàn, akũ à lik̄ɔre à kpà a ibanɔ à pì: À sí à só, ma m̄en dí. ²⁷ Akũ à toko s̄e do à arubarikaa dàn, à kpámma à pì: À mi á pínki. ²⁸ Ma arun dí, Luda bàka kunna kũ gbē dasinɔ aru ũ, kũ ani b̄ɔtema n̄ durunnaɔ k̄emmana yāi. ²⁹ Maten oáre, zaa gbāra mani geepi'i dí mi doro ari kpata kũ à b̄o ma De kīnaa gé boo gupuraa, gbasa mà a dufu mi kááo sà. ³⁰ Kũ ò l̄e si, akũ ò b̄ɔte ò ḡe Kùkpe s̄is̄iger̄ēi.

Yesu gĩnake à d̄s̄ yā kũ Pita ni ke

(Maa 14:27-31, Luk 22:31-34, Yuh 13:36-38)

³¹ Akũ Yesu p̄inne: À pínki áni fuma gwāaniala, zaakũ ò k̄e Luda yān ò pì: Mani sādāri l̄e, s̄anɔ ni fāk̄ɔa. ³² Ama ma vunaa gbera mani doáre are gena Galili. ³³ Akũ Pita p̄inne: Bee tó ò f̄umma n̄ pínki, mani fumma zikiro. ³⁴ Akũ Yesu p̄inne: Yāpuran maten onne, gwāaniala ari ko ḡó gé lé zu, ñni ledi kpámai ḡen aak̄ɔ. ³⁵ Pita p̄inne: Bee tó mani sù mà ga k̄unwo, mani ledi kpányi zikiro. Akũ a ibanɔ ò l̄e se n̄ pínki.

Yesu aduak̄ena zaa Getesemani

(Maa 14:32-42, Luk 22:39-46)

³⁶ Akũ Yesu kũ a ibanɔ kà gu kũ òdi pi Getesemani, akũ à p̄inne: À vute la ari mà gé adua ke zà dire. ³⁷ À Pita kũ Zebedi né gbēnɔn planɔ s̄e à ḡe kũñwo. A p̄o sira kũ à n̄es̄eyɔkɔ si. ³⁸ Akũ à p̄inne: Ma p̄o sira kũ manamana ari ga léi. À ze la à it̄e ke k̄umao. ³⁹ Kũ à ḡe are fiti, akũ à k̄ute z̄ite à adua k̄e à pì: Baa, tó ani sí ke, n̄ tó toko'i d̄ik̄ina ḡet̄emala. Ama adi ke lākũ má yei nàro, séde lākũ n̄ yei nà. ⁴⁰ Akũ a èra à sù à a ibanɔ l̄e, òten i o. Akũ à pì Pitane: Len yá? Ádi f̄o a it̄e k̄e k̄umao bee awa doroo? ⁴¹ À it̄e ke aḡɔ adua ke de àsun fu ȳogwanaaaro yāi. Nini yei, ama m̄e buse. ⁴² À k̄em̄ma a ḡen plade, à adua k̄e à pì: Baa, tó toko d̄ik̄ina ni ḡet̄emala a í minaa sariro, n̄ tó n̄ p̄yenyina ke. ⁴³ Kũ à èra à sù à n̄ lé, òten i o do, zaakũ òten idekũ dede.

44 Akū à ñ tón dɔ, à gèè à wé kè a gèn aakɔde, à yā dokɔnɔ pìi ò dɔ. 45 Akū à èra à sù à ibanɔ kīnaa à pìinne: Áten i o, áten kámma bo ari teran yá? À gwa! Gɔɔ kà káni. Ò Bisásiri Né kpà durunnakerinɔa. 46 À fute ò tá. Gbē kū à ma nañne ñ ɔĩ ten su.

Yesu kūnaa

(Maa 14:43-50, Luk 22:47-53, Yuh 18:3-12)

47 Kū à kpé áten yā pì o, akū Yudasi, a iba gbēnɔn kuri awεεplanɔ doke sù kū pario, ò fēnedanɔ kūna kū gònɔ, ò bò sa'orikinɔ kū Yuda gbē zɔkɔnɔ kīnaa. 48 Bonkpede pì sɔ, à sèedaa óinne à pì: Gbē kū mani lé péa, àkūme gwe. À a kū. 49 Akū à mii dɔ Yesua gònɔ à pì: Fɔɔ, Rabi! Akū à lé péa. 50 Yesu pìne: Ma gbē, ñ n kena ke! Akū ò sù ò ɔ pète Yesua ò a kù. 51 Akū Yesu gbēnɔ do a fēneda wòto, à sa'oriki zɔkɔ žrii lèò à a sá gò. 52 Akū Yesu pìne: Ñ n fēneda sɔtɔ a plen. Zaakū gbē kū à zè kū fēnedao, fēneda mé ani a de. 53 Tó má ye ma De malaika žikarinɔ gbaremenε gònɔ de gá kuri awεεplanɔla, ñ dɔ mani fua mà a wé kean yá? 54 Tó ma kè le sɔ, deran yā kū ò kè Luda yān ò pì ani ke le ni kee? 55 Akū Yesu pì parine: Kpāni wédewen ma ũ kū a su à ma kū kū fēnedanɔ kū gònɔ yá? Madigɔ vute Luda ɔnn lákū gu digɔ dɔ nà madigɔ yā daáre, ádi ma kūro. 56 Ama yā pìi kè pínki, de yā kū annabinɔ kè Luda yān ke yāi. Akū a ibanɔ bàa lè ñ pínki ò a tòn.

Yuda gbānadenɔ yákpatekena kū Yesuo

(Maa 14:53-65, Luk 22:54-55, 63-71, Yuh 18:13-14, 19-24)

57 Gbē kū ò Yesu kūnɔ gèe káao sa'oriki zɔkɔ Kayafa bea. Lundayādannerinɔ kū gbē zɔkɔnɔ kakarana gwe. 58 Pita té a kpé zà dire ari sa'oriki zɔkɔ pìi bea. À gè ɔnn, à vùte kū dogarinɔ de à yā pìi mìdena e. 59 Sa'orikinɔ kū Yuda yákpatekerinɔ ñ pínki ten sèeda wete Yesua ò a de. 60 Bee kū gbēnɔ sù ò ékèyānɔ didia dasi, adi kero. Kpekpε gbēnɔn pla kenɔ sù 61 ò pì: Gbē pìi pì, áni fɔ à Luda kpé wí, áni era à bo gɔɔ aakɔ dagura sé! 62 Akū sa'oriki zɔkɔ fùte à zè à pì Yesune: Ñ yáke vī ñ weñmaroo? Yā kū òten didimma dí de deraa? 63 Yesu yíte kpēn, akū sa'oriki zɔkɔ pìi pìne: Ma nanne Luda Wēndidei, ñ owεε tó Luda Né Arumasihume n ũ. 64 Yesu wèa à pì: Len n ò le. Makū sɔ, maten óare, zaa gbāra áni Bisásiri Né e vutena Gbānasīndapinkide oplai, akūsɔ áni a suna e ludambe lukun. 65 Akū sa'oriki zɔkɔ pì a utanɔ gà à kè à pì: A dɔkè kū Ludao! À kè dera óten sèedade pānde kenɔ wete dɔɔ? A mà lákū à dɔkè kū Ludao nà. 66 Yā kpaten a zεo teraa? Akū ò wèa ò pì: A taari kà ò a de. 67 Akū ò l'é'i sù a ānnwa, ò a lèle kū okūo. Gbēkenɔ a sán kèke 68 ò pì: Arumasihu, ñ annabikeyā ò ñ gbē kū à n le owεε.

Pita ledikpana Yesui

(Maa 14:66-72, Luk 22:56-62, Yuh 18:15-18, 25-27)

69 Pita vutena ɔnn, akū zɔnɔkpare ke sù à pìne: Mɔkɔn sɔ ndigɔ kú lele kú Galili gbē Yesu pìiome. 70 Akū à ledi kpà ñ pínki wára à pì: Mádi yā kú nten ò dɔɔ dɔɔ. 71 Akū à fùte à gè gānun. Nɔgbē pānde a è, akū à pì gbē kū ò kú gwenɔne: Gbē díkina lele kú Yesu Nazeraome. 72 Pita èra à ledi kpà à la dà à pì: Má gbē pì dɔɔ. 73 Kū à kè saa fiti, gbē kū ò zena gwenɔ nà Pítai ò pì: Yāpurame, ñ gbē dome n ũ, zaakū ó n dɔ n yā'onaaame. 74 Akū à fùte à a zīda kà à la dà à pì: Má gbē pì dɔɔ. Zaa gwe gònɔn ko lé zù. 75 Akū yā

kū Yesu òo dō Pítagu kū à pì, ari ko gō gé lé zu, ani ledi kpáai gèn aakō. Akū Pita bō bàai à pōsira sō dō.

27

Yudasi ganaa

(Zīr 1:18-19)

¹ Kū gu dō kōnkōkōnkō sa'orikinō kū Yuda gbē zōkōnō n pínki yā gōgō Yesui de ò a de. ² Ò a yī, akū ò gēe ò a nà bùsu gbē zōkō Pilatine a sī.

³ Kū Yudasi kū à bō a kpe è yā dàala, à gō dínđōmēne gūn, akū à gēe andurufu ɔɔ mèn baraakurii pì era sa'orikinōne kū gbē zōkōnō ⁴ à pínne: Ma durunna kè, ma taarisaride kpà gai. Akū ò pìne: Ó bàka ūgbaa? N yān gwe. ⁵ Akū Yudasi ɔɔ pì zù Luda kpén, akū à tà à gēe à a zīda lòko. ⁶ Akū sa'orikinō ɔɔ pì sète ò pì: ɔɔ pì kana Luda kpé ɔɔdaki gūn zé vīro, zaakū gbēde'ɔɔmē. ⁷ Kū ò yā gōgō, akū ò orobori gbīdāki lù kū ɔɔ pìio nibōnō vīki ū. ⁸ Abire yāi ari kū a gbārao òdi pì zīte pīne Zīte Arude. ⁹ Akū yā kū annabi Ilimia òo kè à pì: Ó andurufu ɔɔ mèn baraakurii pì sète, ɔɔ kū Isarailanō zèò ò kpà a yā musu pì, ¹⁰ akū ò orobori gbīdāki lùo, lākū Dikiri dītemēne nà.

Pilati yākpatekena kū Yesuo

(Maa 15:2-5, Luk 23:3-5, Yuh 18:33-38)

¹¹ Yesu zēna bùsu gbē zōkō are. Akū gbē zōkō pì a là à pì: Mōkōn Yudanō kīna ū yā? Yesu wēa à pì: Len n ò le. ¹² Gōrō kū sa'orikinō kū gbē zōkōnō ten yā didia, adi yāke weñmaro. ¹³ Akū Pilati pìne: Ndi yā dasi kū òten didimma maroo? ¹⁴ Ama Yesu dí yāke o yā pìno doke musuro, akū yā pì bō bùsu gbē zōkō pìi sare manamana.

Yadana Yesula

(Maa 15:6-15, Luk 23:13-25, Yuh 18:39-19:16)

¹⁵ Vīnla dikpe zī pínki bùsu gbē zōkō pìi dī purusunano do kū gbēnōn yei gbareñne. ¹⁶ Gōrō kùā sō purusuna tōde kú gwe òdi pì Baraba. ¹⁷ Kū pari kākara, akū Pilati n lá à pì: Dín á ye mà gbareáree? Baraban yá, ke Yesu kū òdi pì Arumasihu? ¹⁸ Zaakū à dō kū nèsegōba vīna kū Yesuo yāin ò a kpàawa.

¹⁹ Gōrō kū Pilati vutena a gbìgbaaaa, a nanō gbē zīa à pì: N̄sun yāke ke gbē mana pìnero, zaakū nana kū ma ò a yā musu gīa gwāani wari dōma manamana.

²⁰ Sa'orikinō kū gbē zōkōnō nākara gbēnōa ò Baraba gbeka, ò pì ò Yesu de. ²¹ Akū bùsu gbē zōkō pìi n lá à pì: Gbēnōn pla pìno gūn, dín á ye mà gbareáree? Akū ò pì, Barabame. ²² Akū Pilati n lá à pì: Bón mani ke kū Yesu kū òdi pì Arumasihuoo? Gbē sīnda pínki pì: N̄ a pá lía. ²³ Akū à n lá à pì: Bó daan à kèe? Akū ò wiki lè ò kàra ò pì: N̄ a pá lía. ²⁴ Kū Pilati è ani f̄s à yāke kero, zuka ten kara, akū à í dà, à a ɔ pìpì gbēnō wára à pì: Ma ɔ bōte gbē pì gana yān. Á yāme. ²⁵ Akū gbē pìno pì: A de na yā wí ó musu kū ó nēnō. ²⁶ Akū à Baraba gbareñne, à pì ò Yesu gbē kū flāao ò a pá lía.

Sozanō Yesu fobonaa

(Maa 15:16-20, Yuh 19:2-3)

²⁷ Akū Pilati sozanō gē kū Yesuo bùsu gbē zōkō pì bea, akū ò n gā kākara pínki ò likai. ²⁸ Ò a pónō bōtea ò arukīmba tēra dāne, ²⁹ akū ò lè fūraa t̄a ò

kùne, ò leba nàne a ɔplan gò ũ. Akū òten kúte kutene, òteni a fobo òten pi: Fɔɔ, Yudanɔ kína! ³⁰ Ò lé'i sùà, ò leba pìi sè ò a lèò a mìia. ³¹ Kū ò a fobò ò làka, akū ò arukĩmba pìi gòala ò a zĩda pókasanɔ dāne, akū òten gé a pá lía.

Yesu pana lía

(*Maa 15:21-32, Luk 23:26-43, Yuh 19:17-27*)

³² Kū ò bòte òten gé, ò dākare kú Sireni gbē kú òdi pi Simɔɔ, akū ò gā nàa à Yesu lígbāndurukpana sé. ³³ Akū ò kà gu kú òdi pi Gɔgɔta kú à pì m̀tokoki. ³⁴ Akū ò sèwē kú ò yàkate kú ezee d̀ne à mi. Kū à í kè, akū à g̀ mii. ³⁵ Kū ò a pá lía, akū ò kàpaa kpà ò a pókasanɔ kpàatekōne. ³⁶ Akū ò vùte òteni a dākpa gwe. ³⁷ Ò yā kú ò d̀aa kè ò nà a mìla ò pì:
Yudanɔ kína Yesun dí.

³⁸ Akū ò kpāni wédewenɔ pà lía a sare gbēnɔn pla, gbē do a ɔplai, gbē do a ɔzei. ³⁹ Gbē kú òten gē zéla gweno teni n̄ m̀i ke dékūdekū, òteni a s̀s̀ ⁴⁰ ò pì: M̀kōn kú n̄ pì òni Luda kpé wí n̄ era n̄ bo gɔɔ aakō daguran gweroo? Tó m̀kōmmē Luda Né ũ, n̄ n̄ zĩda sura ba n̄ kipa lía. ⁴¹ Leme do sa'orikinɔ kú ludayādanerinɔ kú gbē zōkōnɔ teni a fobo le ò pì: ⁴² À gbē pāndenɔ sura bà, ama ani f̀ à a zĩda sura baro. Isarailanɔ ḱnanloo? À kipa lía tera, óni a náani ke. ⁴³ À Luda náani v̄. Tó Luda yei, à a bo sà, zaakū à pì akāame Luda Né ũ. ⁴⁴ Bee kpāni kú ò n̄ pá lía lēlenɔ teni a s̀s̀ le do.

Yesu ganaa

(*Maa 15:33-41, Luk 23:44-49, Yuh 19:28-30*)

⁴⁵ Kū ifantē kà midangura, akū gusira dà b̀susu pìla pínki ari fānantē mò aakō. ⁴⁶ Fānantē mò aakōn Yesu wiki lè gbānagbāna à pì: Eloi, Eloi, lema sabatani! Abirekū pì, ma Luda, ma Luda, à kè dera n̄ ma tonn? ⁴⁷ Kū gbē kú ò zena gwe kenɔ yā pìi mà, akū ò pì: Dake ten Iliasu sísi. ⁴⁸ Zaa gwe g̀nɔ n̄ gbē do bàa lè à gèe à sako sè à dà sèwē kpàkpāa gūn, à fífí lebaa, akū à d̀ Yesune à mi. ⁴⁹ Akū gbē kparanɔ pì: À ze ḡa ò gwa tó Iliasu ni su à a sura ba. ⁵⁰ Yesu era à wiki gbāna lè do, akū à a wèndii gbàre.

⁵¹ Akū Luda kpé lábure kèkōa pla bona musu suna zĩte. Zĩte yīgāyīgā, gbèno pàrapara, ⁵² miranɔ wèwē, akū Luda gbèno fùte bona gan dasi. ⁵³ Yesu vuna gan gbera ò bòte miran, ò gè Luda wèten, gbèno n̄ é dasi. ⁵⁴ Kū sozanɔ gbē zōkō kú a gbē kú òten Yesu dākpanɔ zĩte yīgāyīgānaa pìi è kú yā kú ò kènɔ pínki, v̄ina n̄ kú manamana ò pì: Yāpurame Luda Né n̄ gbē dí ũ. ⁵⁵ Nɔgbènɔn kú gwe dasi, òten gu gwa zà dire. Ò té Yesui bona Galilime, òdigō pòble kene. ⁵⁶ N̄ tén Mariama Magadalenì kun kú Mariamao Yamisì kú Yusufuo da kú Zebedi nènɔ dao.

Yesu v̄inaa

(*Maa 15:42-47, Luk 23:50-56, Yuh 19:38-42*)

⁵⁷ Kū ɔkosi kè, Arimatea gbē ɔgɔde kú òdi pine Yusufu sù. Yesu ibaame do. ⁵⁸ À gèe à Yesu gèe gbēka Pilatia, akū Pilati pì ò kpáa. ⁵⁹ Kū Yusufu gèe pìi sè, a táaru biza dufu fífí, ⁶⁰ à a dà a zĩda gbèwèe kú ò sò mira ũ gūn. Akū à gbè gbèntèe gbigiri kè à tà wèe pìle à tà. ⁶¹ Mariama Magadalenì kú Mariama pānde pìo vutena gwe, ò areɔna miraa.

⁶² Kū gɔɔ lite, kāmabogɔɔ zĩ kà, akū sa'orikinɔ kú Farisinɔ gèe Pilati k̄inaa lēle ⁶³ ò pì: Yā kú gbèkakerii pìi ò a bēne zĩ d̀ógu à pì, gɔɔ aakō gbera áni vu. ⁶⁴ N̄ tó ògō mira pì dākpa ari a gɔɔ aakōde zĩ. Tó lenlo, a òbanɔ ni

su ò a gè sé kpāni, oni o gbēnōne à fùte bona gan. Èke kpe bire nigō de a káakupōla. ⁶⁵ Akū Pilati pìinne: À sozanō sí à gé à mira pì dākpā lākū áni fō nà. ⁶⁶ Akū ò gèe ò sèedaa kè miragbēea, ò sozanō tò gwe ògō dākpā.

28

Yesu vunaa

(Maa 16:1-8, Luk 24:1-12, Yuh 20:1-10)

¹ Kámmabogōrō gbera azumanenna zī kōnkōkōnkō Mariama Magaleni kū Mariama pānde pìio bò ò gèe mira gwa. ² Akū zīte yìgāyīgā gbānagbāna, zaakū Dikiri malaika ke bò musu, à sù à gbēe pì gbigiri kè à gò mira léa, akū à vùtea. ³ A ān de lán legūpinaa bà, a uta de pú táitai lán buu bà. ⁴ Vīna gudākparino kù, òten lukaluka, akū ò gō sàii. ⁵ Akū malaika pìi pì nōgbē pìnōne: Àsun tó vīna á kūro. Má dō kū Yesu kū ò pà líaan áten wete. ⁶ À kú laro, à fùte lākū à ò nà. À mō à gu kū ò a wùten gwa, ⁷ á gé à o a ìbanōne likalika à fùte bona gan. Ani doñne are gena Galili. Gwen áni a en. Ma òáren gwe.

⁸ Akū ò bò miran likalika kū vīnao, ama n pō nna zōkō. Ò bàa lè òten gé a baaru kpá a ìbanōne. ⁹ Akū Yesu dàñle gōnō, à fō kpàmma. Kū ò nài, ò donyī kène, akū ò ò nà a gèsekpea. ¹⁰ Akū Yesu pìinne: Àsun tó vīna á kūro. À gé à o ma gbēnōne ò gé Galili. Gwen oni ma en.

Soza gudākparino yagbānnaa

¹¹ Kū nōgbēnō tà, akū soza gudākpari kenō gè wēte gūn, ò yā kū ò kēnō ò sa'orikinōne pínki. ¹² Akū sa'oriki pino gbē zōkōnō sisi, ò yā gōgō, akū ò ogo zōkō kpà sozaa pino gusare ¹³ ò pì: À pi a ìbanō mé ò sù gwāani, ò a gèe sé kpāni gōrō kū áten i o. ¹⁴ Tó būsū gbē zōkō yā pìi mà, óni kúte kéné, áni bo yáketen. ¹⁵ Sozanō ogo pìi sì, akū ò kè lākū ò dàñne nà. Akū yā pìi gō Yudanōne baaru ũ ari kú a gbārao.

Yesu zī nana a ìbanōne n cī

(Maa 16:9-20, Luk 24:36-53, Yuh 20:11-23, Zīr 1:6-8)

¹⁶ Yesu ìba gbēnōn kuri awēedonō gèe Galili kpi kū à a ki gōgōñne yā musu. ¹⁷ Kū ò a è, ò donyī kène, ama n gbēkenō ten sika ke. ¹⁸ Akū Yesu nànyī à pìinne: Luda musu kū zīteo iko pínki kpàma. ¹⁹ Abire yāi à gé à buri sīnda pínki ke ma ìbanō ũ, à n da'ite ke kú De Luda tóo kú a Né tóo kú a Nini tóo, ²⁰ à yā kū má dìteárenō dañne ògō kūna pínki. À ma, manigō kú kááo gōrō sīnda pínki ari andunia gé lākao.

MAAKU

Baaru nna kù Maaku kèè
 Yesu da'itekènaa 1:1-1:13
 Yesu yádannèna Galili 1:14-9:50
 Zaa Galili ari Yurusalemu 10:1-10:52
 Yesu kunna Yurusalemu 11:1-14:9
 Yesu gana kù a vunaao 14:10-16:20

Yahaya Da'itekeri waazikenaa
 (Mat 3:1-17, Luk 3:1-22, Yuh 1:19-28)

¹ Luda Né Yesu Kirisi baarun dí. ² À nàa lákù à kú annabi Isaya takada gūn nà à pì:

Mani ma z̄iri gbarɛ n ā

à zé kekènnɛ.

³ À baarukparii kòto ma dɔ gbárannan àtɛn pì:

À zé keke Dikirinɛ,

à zé kotinanɔ poronɛ súsu.

⁴ Len Yahaya Da'itekeri sù gbárannan le, àtɛn waazi ke gbɛ̀nɔnɛ à pì ò nè̀sɛ litɛ ò da'itɛ ke, Luda ni n̄ durunnanɔ kɛ̀n̄ma. ⁵ Yudea b̀sudenɔ kù Yurusalemudenɔ ḡɛ a k̄inaa n̄ p̄inki. Òdi n̄ durunnanɔ o gupuraa, akù àdi n̄ da'itɛ ke Yodai. ⁶ Yahaya diḡɔ pókasa kù ò t̄à kù lakumi k̄aonɔ dana, àdi bára asa dɔ a pi. Kwa kù z̄ó'ioomɛ a pób̄le ũ. ⁷ À waazi kè à pì: Gb̄ɛke ni su ma gbera a gb̄ana demala. M̄adi ká mà kúte mà a kyate bobonero, ⁸ m̄adi á da'itɛ ke kù íome, àkù mé ani á da'itɛ ke kù Luda Ninio.

Yesu da'itekèna
 (Mat 3:13-4:11, Luk 3:21-22)

⁹ Gɔrɔ b̄irea Yesu b̀ Nazera, Galili b̀sun, à sù, akù Yahaya a da'itɛ kè Yodai. ¹⁰ Kù Yesu bikù ḡɔnɔ, à è ludambɛ ten w̄k̄ɔa, Luda Nini ten suawa lán pot̄ɛnɛ bà. ¹¹ Akù à kòtoo mà bona ludambɛ à pì: M̄ok̄ɔmɛ ma né m̄èn dɔ légelege yenyĩde ũ, kù ma pɔ n̄nanna manamana.

Yesu ȳogwanaa
 (Mat 4:1-11, Luk 4:1-13)

¹² Akù Luda Nini a gb̄are gbárannan ḡɔnɔ, ¹³ akù à kú gwe kù ǹb̀b̄s̄ɛntɛnɔ ari gɔrɔ bupla, Setan teni a ȳ à gwa. Akù malaikanɔ sù ò kp̄ai.

Yesu ìba káakunɔ sisinaa
 (Mat 4:18-22, Luk 5:1-11)

¹⁴ Yahaya kùnaa gberan Yesu tà Galili, àtɛn baaru nna kù à b̀ò Luda k̄inaa kp̄á ¹⁵ à pì: A gɔrɔ kà, kpata kù à b̀ò Luda k̄inaa kà k̄ani. À nè̀sɛ litɛ à baaru nna pì sí.

¹⁶ Kù Yesu ten dɔ Galili sèb̄ɛi, à Simɔ kù a dakùna Anduruo è, òtɛn birigi kp̄á sèb̄ɛ p̄in, zaakù sɔrɔkɔnɔmɛ. ¹⁷ Akù Yesu p̄in̄nɛ: À m̄ó à t̄ɛmai, mani á ke gb̄ɛw̄ɛt̄ɛrinɔ ũ. ¹⁸ Zaa gwe ḡɔnɔ ò n̄ biriginɔ tòn ò b̀ò ò t̄èi. ¹⁹ Kù à ḡɛ arɛ fiti, à Zebedi né Yamisi è kù a dakùna Yuhanao. Ò kù gó'itɛ gūn, òtɛni n̄ biriginɔ keke. ²⁰ À n̄ sísi ḡɔnɔ, akù ò n̄ de Zebedi kù zamalingakerinɔ t̄ò gó gūn gwe ò b̀ò ò t̄èi.

Yesu tånade werekõana Kapenamumu
(Luk 4:31-37)

²¹ Ò gèe Kapenamumu. Kù kámmabogorò kà, Yesu gèe aduakekpen, àten yá dañne. ²² A yádannena bò ñ sare, zaakù àdi dañne kù ikoomè, adi ke lán ludayádannerino pò bànlo.

²³ Gorò birea gōgbē tånade ke kù aduakekpen gwe. À wiki lè à pì: ²⁴ Bón ó ví kō ñi, Yesu Nazera? N su ñ ó kakaten yá? Má dō gbē kù ñ de a ù, mōkōmmè Luda gbē kù à kù adona ù. ²⁵ Akù Yesu gì tana pìne à pì: Ñ yīte! Ñ go gbē pìia. ²⁶ Akù tana pì a yīgāyīgā à wiki gbāna lè, akù à gò. ²⁷ Bìdi gbēno kù ñ pínki, òten kō lala: Bó taka buri yān díi? Yádannena dufun yá? Àdi yá dañne kù ikooó fá! Bee kù tånano, tó à yá dìteñne, òdi a yá mame. ²⁸ Akù kánto a tó dà Galili būsula pínki.

Yesu gyārenō werekõana dasi
(Mat 8:14-17, Luk 4:38-41)

²⁹ Kù Yesu bò aduakekpen, akù à tà Simo kù Anduruo bea gōno kù Yamisio kù Yuhanao. ³⁰ Simo nana da wútena, mēwāna a kù, akù ò a yá ò Yesune gōno. ³¹ À gèe a kīnaa à a kù a o a a fùte. Akù a sikonnaa pìi wèrea ari à pòble kēñne.

³² Kù okosi kè, ifāntē ten gē kpén, ò sùne kù gyārenō kù tånadenō ñ pínki. ³³ Wētedenō kākara a kpé kpélelele ñ pínki. ³⁴ À gbēno kēkōa dasi kù gyā buri sīnda pínki, à tånano gò gbēnoa dasidasi. Àdi tånano gba zé ò yá oro, zaakù ò dō gbē kù à de a ù.

Yesu waazikena zaa Galili
(Luk 4:42-44)

³⁵ Kōnkōkōnkō Yesu fùte à bò à gèe sēn gusare, àten adua ke gwe. ³⁶ Akù Simo kù a gbēno pètei. ³⁷ Kù ò bò, ò pìne: Gbē sīnda pínki teni n gbeka. ³⁸ Akù à pìñne: Ò gé gu pāndea lakutu kù à kù ó sareno gūn, mani waazi ke gwe dō, zaakù abire yāin ma su. ³⁹ Leme àdigō kure Galili būsū gu sīnda pínkia le, àdigō waazi ke ñ aduakekpeno gūn àdigō tånano gogomma.

Kusude werekõanaa
(Mat 8:1-4, Luk 5:12-16)

⁴⁰ Akù kusude ke sù a kīnaa à kùte à wé kèa à pì: Tó ñ yei, ñni fō ñ ma werekōa swáswa. ⁴¹ À kè Yesune wēnda, akù à bō à kèa à pì: Má yei, ñ gō swáswa. ⁴² Zaa gwe gōno a kusu làka à gō swáswa. ⁴³ Akù Yesu a gbàre gōno à gine à pì: ⁴⁴ Ñsun o gbēke maro. Ñ gé ñ n zīda mo sa'oriine, ñ sa'opo kù Musa dìte kpá n werekōana sēda ù gbēnoe. ⁴⁵ Kù à bō, à gèe àten yá pì o'oinne. Yá pìi dàgula, akù Yesu dì fō à gē wēten gupuraa doro. Àdigō kù sēn gusareme, akù òdigō bo gu sīnda pínkia ògō su a kīnaa.

2

Gbē kōnkōkuna werekõanaa
(Mat 9:1-8, Luk 5:17-26)

¹ Gorò pla gbera Yesu era à tà Kapenamumu. Kù ò mà à kù be, ² akù ò kàkarai dasidasi, gēki kun doro bee kpélelele, àten Luda yá oñne. ³ Akù ò sùne kù gbē kōnkōkunaao, gbēnon siikō mé ò a sena. ⁴ Kù odi le ò nà kāao Yesuiro pari yāi, akù ò didi kāao kpé musu, ò kpé fō gu kù Yesu kunwa. Kù ò fō, akù ò gyāre pìi kipa kù a wútebo. ⁵ Kù Yesu è ò a náani ví, à pì gbē kōnkōkuna

piine: Ma gbě, n durunnano kemma. ⁶ Ludayadanneri ken vutena gwe oten o n nesee gun: ⁷ Bóyái gbě dí ten o lee? Àten dake kú Ludaome! Dí mé ani f̄ à durunnano kemma, tó adi ke Luda ado baasiroo? ⁸ Gwe ḡno Yesu d̄ a nesee gun laasun kú oten lé, akú à n lá à pì: Bóyái áten laasun bire taka lé á nesee gunn? ⁹ Tó ma pì gbě k̄nkunaa piine a durunnano k̄ea, ke tó ma pì à fute à a wútebo sé à táa o, a kpate mé à aragaa? ¹⁰ Ma ò le de aḡ d̄ kú Bisāsiri Né durunnano kemmana iko v̄i z̄ite lame. Akú à ò gbě k̄nkunaa piine à pì: ¹¹ Ma ònne ò fute ò n wútebo sé ò tá be. ¹² Akú à fute ḡno à a wútebo p̄i s̄ à b̄o gb̄no wára n̄ p̄inki. Yā p̄i b̄o n̄ sare, akú ò Luda tó b̄o ò pì: Ódi yā dí taka e yāro.

Yesu Levi sisinaa
(Mat 9:9-17, Luk 5:27-39)

¹³ Yesu era à b̄o à ḡe s̄ebe léa. Oten su a k̄naa dasidasi, akú àten yā dañne. ¹⁴ Ḡo kú àten ḡete, akú à Alafeu né Levi è vutena a be'oḡosikin. À pine: Ñ m̄ ò t̄mai. Akú à fute à t̄i.

¹⁵ Z̄ikea kú Yesu ten p̄o ble Levi p̄i bea, be'oḡosirino kú kifirino ten p̄o ble k̄ao dasi kú a ibano lee. Zaakú gbě bire takanon t̄i dasi. ¹⁶ Farisi kú òdi Luda yā dañnenon kú gwe. Kú ò è Yesu ten p̄o ble lee kú be'oḡosirino kú kifirino, akú ò a ibano là ò pì: Bóyáin àten p̄o ble lee kú be'oḡosirino kú kifirino? ¹⁷ Kú Yesu yā p̄i mà, à p̄inne: Gb̄e kú à aafia v̄i bàka kú kú likita yāoro, sé gyāre. Madi su gb̄e manano sisiro, sé kifirino.

Léyinaa
(Mat 9:14-17, Luk 5:33-39)

¹⁸ Yahaya Da'itek̄eri ibano kú Farisino ten lé ȳi, akú ò s̄u ò Yesu là ò pì: Yahaya ibano kú Farisi ibano di lé ȳi, akú n̄ ibano di ȳi sero bi? ¹⁹ Akú Yesu p̄inne: N̄seri gb̄eno ni lé ȳi ḡo kú à kú k̄uwo n̄ose gun yā? Oi! Ḡo kú n̄seri kú k̄uwo, oni lé ȳiro. ²⁰ A ḡo ni su kú oni n̄seri bo n̄ té. Ḡo birean oni lé ȳi s̄a. ²¹ Ódi p̄ole dufu nambata di uta z̄ilaro. Tó ò k̄e le, a dufu ni s̄okun̄ oni k̄ek̄sa, uta z̄i f̄na ni kara. ²² Ódi s̄ew̄e dufu ká t̄uru z̄i gunlo. Tó ò k̄e le, w̄e p̄i ni t̄uru p̄ut̄a, w̄e kú t̄uruo ni yaka n̄ p̄inki. Oi, òdi s̄ew̄e dufu ká t̄uru dufu gumme.

Kámmaboḡo yā
(Mat 12:1-21, Luk 6:1-11)

²³ Kámmaboḡo z̄i kea Yesu ten p̄a buranola. Lákú àten gé nà a ibano p̄oblewe w̄oro oten só. ²⁴ Akú Farisino pine: Ñ gwa! Bóyáin oten yā kú òdi ke kámmaboḡo z̄iro kee? ²⁵ Akú Yesu w̄er̄ma à pì: Àdi a kyó ke ziki a è lákú Dauda k̄e ḡo kú à p̄ii kú a gb̄eno ten takasi ke, kú nà teni n̄ deroo? ²⁶ Sa'oriki Abiata ḡo a à ḡe Luda onn, à burodi kú ò k̄ate Ludanee s̄o, kú gb̄eke a sona z̄e v̄iro, sé sa'orino, akú à kp̄a a gb̄eno. ²⁷ Yesu era à p̄inne d̄o: Luda kámmaboḡo dite bisāsiri aafia yāime. Adi ke kámmaboḡon à bisāsiri k̄eiro. ²⁸ Abire yāi Bisāsiri Né iko v̄i kámmaboḡo se.

3

¹ Yesu era à ḡe aduak̄ekpen. Ḡogb̄e ke kú gwe a o do ibana. ² Gb̄ekenon ten Yesu t̄aasi ká, tó ani a werek̄sa kámmaboḡo z̄i, de ò yā le ò dia. ³ Akú Yesu p̄i gb̄e kú a o ibanaa piine: Ñ fute ò ze z̄a gun. ⁴ Akú à n lá à pì: Kámmaboḡo z̄i à z̄e v̄i ò a mana ken yā, ke a v̄ani? Ò gb̄e m̄i sín yā, ke ò deme? Akú odi

yàke oro. ⁵ Yesu n gwá pofeò à likai, zaakū a pɔ yàka n sàgbàna yāi. Akū à pì gōgbē pìine: Ñ n ɔ pìi poro. Kū à pòro, akū a ɔ pìi kè a gbèn. ⁶ Akū Farisino bôte ò gèè ò yā gōgō kū kína Herodu gbēno gōno, deran oni ke nà ò Yesu de.

Dasi kōkakarana sèbe léa

⁷ Yesu kū a ìbanɔ n zīda gānne gwe ò gèè sèbe léa. Akū pari bò Galili ò tēi. ⁸ Gbēkenɔ bò Yudea ɔ kū Yurusalemuo kū Edomu būsuuo kū Yoda barao kū Tayao kū Sidšo ò sù a kīnaa dasidasi, kū ò yā kū àten kenɔ baaruu mà yāi. ⁹ Pari yāi Yesu ò a ìbanɔne ò gó'ite soru keare, de òsun nakaraawaro yāi. ¹⁰ Zaakū Yesu gbēno wèrekōa dasi yāi, akū gyārenɔ ten nakaraa dasi de ò le ò ɔ naa. ¹¹ Tānadeno sō, tó ò a wé è, òdi su ò wúte a areme, òdi wiki lé ò pi: Mōkōmme Luda Né ũ. ¹² Akū Yesu di gínne ò o gbē kū á de a ũ.

Yesu ziri gbēnon kuri aweeplanɔ ditēnaa

(Mat 10:1-4, Luk 6:12-16)

¹³ Kū Yesu didi kpia, à gbē kū à yeino sisiai, akū ò sù a kīnaa. ¹⁴ Akū à gbēnon kuri aweeplanɔ dite ògō kú káao, de ògō n zī waazi ke, ¹⁵ ògō iko vī ò tānanɔ gorŋma. À tó kpàñne zīrinɔ. ¹⁶ Ñ tón dí: Simɔ kū à tó kpàne Pita. ¹⁷ Zebedi né Yamisi kū a dakūna Yuhanao. À tó kpàñne Bōanege. Tó bire pì surapatammarinɔ. ¹⁸ Abire gbera Anduru, Filipi, Batɔlomi, Matiu, Tomasi, Alafeu né Yamisi, Tadeu, Simɔ Kokaride ¹⁹ kū Yudasi Isikarioti kū à bò a kpeo.

Tānagona gbēnoa

(Mat 12:22-32, Luk 11:14-23)

²⁰ Kū Yesu tà be, akū gbēno èra ò kàkara ɔ dasi, akū Yesu kū a ìbanɔ dí zé le ò pɔ blè sero. ²¹ Kū a bedenɔ yā pìi mà, ò dà zén ò a gbese, zaakū òten pì ìa kàame.

²² Ludayādanneri kū ò bò Yurusalemu ò sùnɔ pì: À Belezebubu vī, tānanɔ kína pì gbānan àdi tāna goorŋma. ²³ Akū Yesu n sisiai à yālekōana òñne à pì: Setan ni fō à a zīda gorŋma yá? ²⁴ Tó kpata gbēno ìberēe sè kú kōo, kpata pì ni gì ke yá? ²⁵ Tó be kèkōa leu pla, akū ìberē kú n dagura, be pì ni gì ke yá? ²⁶ Tó Setan ìberēe sè kú a zīda gbēno ò kèkōa, ani gì kero, ani mì demē. ²⁷ Gbēke ni fō à gē gōsa gbāna kpén à a pónɔ sétero, séto à a yī gīa, gbasa à a kpé wara.

²⁸ Yāpuran maten oáre, Luda ni gbēno durunnano kēmŋma kū a tó vāni kú òdi sísino pínki, ²⁹ ama tó gbē Luda Nini tó vāni sisi, ani kēaro, zaakū ade durunna kú àdi sí kēmŋmaro kēmē. ³⁰ Yesu ò le kú ò pì à tāna vī yāime.

Yesu danenɔ

(Mat 12:46-50, Luk 8:19-21)

³¹ Kū a da kū a dakūnanɔ kà, ò zè bàai, akū ò gbē zì ò a sísi. ³² Gbēnon vutena ò likai dasi, akū ò pìne: Ñ gwa! N da kú n dakūnanɔ ze bàai òteni n gbeka. ³³ Akū à wēmŋma à pì: Dín ma da kú ma dakūnanɔ ũu? ³⁴ Akū à gbē kú ò vutenaainɔ gwà à pì: Ma da kú ma dakūnanɔn dí. ³⁵ Gbē kú àdi Luda pɔyenyīna kemē ma dakūna kú ma dāreo kú ma dao ũ.

4

Yālekōana kú pōwefariio

(Mat 13:1-23, Luk 8:4-15)

¹ Yesu era àten yá dañne sèbèe sare. Ò kàkarai dasidasi, akū à gè à vùte gó'iten íla, gbēnɔ gò katena sīsī bara sèbe léa ní pínki. ² À yá dañne kū yālekšananɔ dasi. Lákū àten dañne nà à pì: ³ À sá kpá! Búbari ke mé à kun à bò à gèe pówè fā. ⁴ Lákū àten fā nà, akū a kenɔ lète zé gūn, bānɔ sù ò blè. ⁵ A kenɔ lète gbè sàraa musu, gu kū à bùsu vī dasiro, akū ò bùte gòñɔ, kū bùsuu gègete gwero yāi. ⁶ Kū ifántē fùte, akū ò té kū ò gàga, kū ò zīni vīro yāi. ⁷ A kenɔ lète lènɔ gūn, akū lèe fùte à nàkaramma odi né iro. ⁸ A kenɔ sō ò lète zīte mana gūn. Ò bùte ò fùte ò né ì, a kenɔ karanaa kè baraakurikuri, kenɔ baaakòkò, kenɔ basɔsɔro. ⁹ Akū Yesu pì: Gbē kū à sā vī à yā pì ma.

¹⁰ Kū Yesu gòrñe gwe à kú ado, akū a gbēnɔn kuri awèeplano kū gbē kū ò kúino sù ò yá pìno m̀i gbèkaa. ¹¹ Akū à pìñne: Luda kpata kū à bò a kīnaa asiri kpááwa àgò dō, ama madì yā sīnda pínki o gbē kparanone kū yālekšananome,

¹² de ògō gwagwa pòke'ena sari,
ògō sá kpákpa a d̀ro dōnaa sari,
de òsun are d̀o Ludaa,
à ní durunnao kēím̄maro yāi.

¹³ Akū Yesu ní lá à pì: Á yá pì d̀roo? Deran áni yālekšana ke d̀o? ¹⁴ À ma! Búbari p̄i Luda yān àten fā. ¹⁵ Gbēkenɔ de lán zé gūn pówè bà, gu kū ò Luda yā fān. Tó ò mà, akū Setan dì su à Luda yā kū ò fā ní té pì símma gòñɔ. ¹⁶ Gbēkenɔ de lán pówè kū à lète gbè sàraa musu bà. Tó ò Luda yā mà, òdi sí gòñɔ kū p̄nnao. ¹⁷ Zaakū ò zīni vīro, òdi ke g̀ro plaro. Tó yá ùmma ná lé ke tó ò wé tām̄ma yā pì yāi, òdi fume gòñɔ. ¹⁸ Gbēkenɔ de lán pówè kū à lète lènɔ gūn bà. Ò Luda yā mà, ¹⁹ ama andunia yā damukena kū yena aruzek̄eiio kū p̄o kparano nidenao dì nakaramma, akū yā p̄i dì gō àree sari. ²⁰ Gbēkenɔ de lán pówè kū ò lète zīte manaano bà. Òdi Luda yā ma ò sí, akū òdi ke karana p̄o ù, ní kenɔ baraakurikuri, kenɔ baaakòkò, kenɔ basɔsɔro.

Yālekšana kū fitilao
(Luk 8:16-18)

²¹ Yesu pìñne: Òdi fitila na ò gbaka kútea ke ò dite gádo gbáru yá? fitiladibɔo musun òdi dinloo? ²² Asiri ke kun kū oni gí boaiiro. Pòke kun utena kū ani bo gupuraaro. ²³ Gbē kū à sā vī à yā pì ma.

²⁴ À pìñne d̀o: À laakari ke yā kū áten maa. Zaka kū adì ỳoónnen Luda ni ỳoáre ani era à karaáre d̀o. ²⁵ Gbē kū à p̄o vī Luda ni karane. Gbē kū à pòke vīro sō, bee a fitinna kū à vī Luda ni sía.

Yālekšana kū pówebutenaao

²⁶ À pì d̀o: Kpata kū à bò Luda kīnaa de lán pówè kū gbē fā bura bà. ²⁷ Gwāani kū fānant̄eo bee tó àten i o ke à bēne, pówè p̄i dì bute à zòkò kū, gbē p̄i dìgō dō lákū àdi ke nàro. ²⁸ Zīte mé àdi pòblewe i a zīda. Àdi kà pá gīa gbasa à nò sí, a gberan àdi pia. ²⁹ Tó à mà, akū òdi kē kū kōmao, zaakū a kēg̀ro mé à kà.

Yālekšana kū musadi wéo
(Mat 13:31-32, 34, Luk 13:18-19)

³⁰ À pì d̀o: Bón kpata kū à bò Luda kīnaa bòkšaoo? Bón óni le ò lekšaoo? ³¹ À de lán musadi wé bà, kū a wé kete de pówè kū òdi t̄nola pínki, ³² ama tó ò t̄s̄, àdi bute à zòkò kū de d̀o p̄nola pínki. Àdi òne gègetenɔ ke ari bānɔ dì su ò didi a lá uran.

³³ Yesu Luda yā òñne dasi kù yálekōana bire takanō n̄ mana lén. ³⁴ Adì yáke oñne yálekōanaa sariro. Tó à kù kù a ìbanō òtēne, akù àdi yā sinda pínki bókoteñne.

Yesu zàga'ia zēnaa
(Mat 8:23-27, Luk 8:22-25)

³⁵ Kù ɔkosi ten ke, à pì a ìbanōne: Ò bikū bara. ³⁶ Lákū Yesu kù gó gūn nà, akù ò gè káao lēle ò dà zén le ò pari tò gwe. Gó pāndenō gèe kúnwo. ³⁷ Akù zàga'ia gbāna fùte. Í ten gó yīpayīpa àten ká a gūn ari à ye à pa. ³⁸ Yesu kù gó kpe kpa, àten i o a mì di mibókɔɔa. Akù a ìbanō a vù ò pine: Danneri! Kù óten kákate, n̄di bídi keroo? ³⁹ Akù à fùte à pàta ìaa à pì íne: N̄ yíte! N̄ ze tēne! Akù ìa kpàte, gu yì kítikiti. ⁴⁰ Akù à n̄ lá à pì: À kè dera á sika vī lēe? Ase á ma náani vīro ari tera yá? ⁴¹ Akù ò gō bídi gūn òten kō lala ò pì: Dín gbē dí ũ sée? Bee ìa kù ío dì a yā mame.

5

Tānanō gbarēna alēdenō
(Mat 8:28-34, Luk 8:26-39)

¹ Ò kà Gadara b̄usun sèbēe bara. ² Kù Yesu bò gó gūn gōnō, t̄nade ke bò gēvīkia à sù à dàale. ³ Àdigō kù gbēwee kù à de mira ũnō gūn. Bee mōkakōanaa dì f̄ à a yì doro. ⁴ Zaakù òdi a yì kù mōkakōanaaome òdi a da lín baala'ì, ama àdi mō pìnō kēkē àdi lí pìnō gborogboro. Gbēke dì a gbāna f̄ro. ⁵ Gwāani kù f̄anantēo pínki àdigō kure gēvīkin kù s̄s̄igerēnō, àdigō wiki lé àdigō a z̄ida líli kù gbēeo.

⁶ Kù à Yesu è z̄aa, akù à bàa lè à sù à kùte a arē. ⁷⁻⁸ Kù Yesu pì t̄ana pì goa, akù à wiki gbāna lè à pì: Yesu, Luda Musude Né, b̄ón ó vī kō ɔi? Ma nanne Ludai, òsun wé t̄amaro. ⁹ Akù Yesu a là à pì: N̄ tón deraa? Akù à wèa à pì: Ma tón Dasi, zaakù ó dasi. ¹⁰ Akù ò kùte kè Yesune manamana ò pì àsun pémma b̄usuu p̄i gūnlo.

¹¹ Alēde kp̄asa z̄kō kù gwe, òten p̄ ble s̄s̄igerēei. ¹² Akù t̄ana pìnō wé kè Yesua ò pì: N̄ ó gbare alēdenō té ò dir̄ma. ¹³ Yesu n̄ gbá zé, akù t̄ana pìnō gòà ò dì alēde pìnōa. Akù alēde kp̄asa kù à kà wàa kuri taka pìnō bò kù bàao ò sòro s̄s̄igerēei ò s̄i sèben, akù ò ḡaga gwe. ¹⁴ Akù alēdēd̄arinō bàa lè ò gèe yā pì bàbañne wēte gūn kù buranō. Akù gbēnō b̄òte ò gèe yā kù à kèe pì gwa. ¹⁵ Kù ò sù Yesu k̄inaa, ò gōgbē kù t̄ana kù a gūn dasi yā p̄i è vutena gwe, à uta dana à b̄ann p̄i wèrea, akù v̄ina n̄ kù. ¹⁶ Gbē kù ò yā p̄i è kù wéonō yā kù à t̄nade p̄i lèe òñne kù alēdenō yāo. ¹⁷ Akù ò kùte kè Yesune kù à boñne n̄ b̄usun.

¹⁸ Kù Yesu ten gē gó'iten, gōgbē kù à t̄ananō vī yā p̄i wé kèa de à le à tá k̄aao. ¹⁹ Yesu dí wero à pine: N̄ tá n̄ bea n̄ gbēnō k̄inaa, n̄ yā kù Dikiri kēne oñne pínki, dera à n̄ wēnda bò nà. ²⁰ Akù gōgbē p̄i t̄a, àten yā kù Yesu kēne kp̄akpa ke Wētēmenkuri b̄usun, akù yā p̄i bò gbē sinda pínki sare.

Yairu né vuna kù nōgbē kù à ɔ nà Yesu utaaao
(Mat 9:18-26, Luk 8:40-56)

²¹ Yesu èra à bikù sèbēe bara kù góo, akù pari kàkarai sèbe léa. ²² Aduakekpe gbē z̄kō kù òdi pine Yairu sù gwe. Kù à Yesu è, à wùte a kùaa a gbá sare, ²³ akù à kùte kēne manamana à pì: Ma n̄nōgbē kù ga léi.

Ñ mós ñ ɔ naa de à gbāna kũ àg̃ó kú wèndiio. ²⁴ Akũ Yesu dà zén k̄āao. Pari téi òten nakaraa.

²⁵ Nɔgbē ke kú gwe aru di bɔtea à kà wē kuri awεεpla. ²⁶ Ezedenɔ à kè takaside ũ manamana, à a ɔgɔ dè pínki. Adi aafia lero, àdi kεke àg̃ó karamε. ²⁷ Kũ à Yesu baaruu mà, akũ à nà Yesu pari gũn kpε kpa. Akũ à ɔ nà a utaa, ²⁸ zaakũ à pì: Bee tó ma ɔ nà a utaa dé, mani werek̄sa. ²⁹ Akũ a arubɔtenaa pìi zè g̃ɔnɔ. À d̄s̄ a m̄εe gũn a werek̄sa kũ a gyā pìio. ³⁰ Zaa gwe g̃ɔnɔ Yesu d̄s̄ a m̄εe gũn gbāna ke bò a gũn, akũ à lite pari gũn à pì: Dí mé à ɔ nà ma utaaa? ³¹ Akũ a ìbanɔ pìne: N è lākũ gbēnɔ ten nakaramma nà, akũ n pì dí mé à ɔ nàmma yá? ³² Akũ Yesu gbēnɔ gwà à likai de à gbē kũ à yā pìi kè e. ³³ Vīna nɔgbē pìi kũ àten lukaluka, zaakũ à d̄s̄ yā kũ à a lè a m̄εe gũn, akũ à sù à wùte a k̄uaa a gbá sare à a yāpura òne pínki. ³⁴ Akũ Yesu pìne: Nɔgbē, ma náani kũ n kè mé à n werek̄sa. Ñ tá be aafia, n gyā pìi k̄mman gwe.

³⁵ Kũ Yesu kpé àten yā o, ò bò aduakekpε gbē z̄k̄ɔ pìi bea ò sù ò òne: N né pìi kè sari, ñsun wari dɔ danneriia doro. ³⁶ Yesu dí s̄ā kpá n̄ yāiro, ben à pìi gbē z̄k̄ɔ pìine: Ñsun tó swè kēnguro, ñ ma náani ke dé. ³⁷ Adi we gbēke gé zearero, sé Pita kũ Yamisio kũ Yamisi dakūna Yuhanao. ³⁸ Kũ ò kà gbē z̄k̄ɔ pìi bea, Yesu è òten ɔɔ dɔ òten wiki gbāna lé òten n̄ z̄ida kēkē manamana. ³⁹ Kũ à gè kpén, à n̄ lá à pì: Bóyāi átēni á z̄ida kēkē àten ɔɔ dɔɔ? Né pì dí garo, àten i omε. ⁴⁰ Kũ òteni a lalandi ke, akũ à pèr̄nma ò bòte bàai n̄ pínki. Sé né pì de kũ a dao kũ a ìba kũ ò kú k̄aaonɔ, mók̄nɔmε à n̄ sé à gè kũn̄wo gu kũ né pìi kunwa. ⁴¹ Akũ à né pìi ɔ kũ à pìne: Talita kum! Yā pìi pì, n̄nɔkpare, ñ futε. ⁴² Zaa gwe g̃ɔnɔ né pìi fùte à t̄aa ò. Né pìi s̄s̄ à kà wē kuri awεεpla. Yā pìi bò n̄ sare manamana. ⁴³ Akũ Yesu gīinne s̄āns̄ān òsun o gbēke maro. Akũ à pìi ò p̄oble kp̄aa à ble.

6

Nazeradenɔ gina Yesu

(Mat 13:53-58, Luk 4:16-30)

¹ Yesu bò gwe à gèe a be wēten, a ìbanɔn téi. ² Kũ k̄ammabogɔɔ kà, akũ àten yā dañne aduakekpen. Akũ pari kũ ò a yā mànɔ bídi kè ò pì: M̄akpan g̃ɔgbē pìi yā d̄inɔ lènn? Ɔnd̄ɔ kpaten ò kp̄aa, akũ àten daboyā dí takanɔ keε? ³ Akūme lí'ari ũroo? Mariama n̄nloo? Yamisi kũ Yusufuo kũ Yudao kũ Simɔnɔ v̄in̄in gweroo? A d̄ārenɔ mé ò kú k̄oo laroo? Akũ ò gīi. ⁴ Akũ Yesu p̄inne: Annabii dig̃ɔ bèereε sariro, sé a be wēten kũ a danenɔ k̄inaao kũ a ɔnnwo baasiro. ⁵ Yesu dí f̄s̄ à daboyā ke kè gwero, sé gyāre kũ à ɔ n̄ár̄mma à n̄ werek̄sa kenɔ baasiro. ⁶ Kũ odi a náani kero, n̄ yā bò a sare manamana.

Yesu z̄irinɔ z̄inaa

(Mat 10:5-15, Luk 9:1-6)

Akũ à gèe lakutu kũ lakutuo, àten yā dañne. ⁷ Akũ à a ìba gbēnɔn kuri awεεplanɔ sisiai, akũ à n̄ z̄i gbēnɔn plapla, à n̄ gbá iko ò t̄ānanɔ gor̄mma. ⁸ À p̄inne: Àsun p̄oke sé à géoro, z̄ana ke b̄k̄olokona ke ɔgɔ, sé gòo. ⁹ À kyate kpá, ama àsun uta da m̄èn plaro. ¹⁰ Be kũ a kipan, àg̃ó kú gwe ari à gé boo wēte pìi gũn. ¹¹ Gu kũ odi gbānake kp̄aái ke odi s̄ā kpá á yāiro, tó àten tá, à lukutē warawara à gbānɔa n̄ tona kũ Ludao s̄ēda ũ. ¹² Akũ ò dà zén ò n̄s̄elitena waazi kè gbēnɔne ¹³ ò t̄ānanɔ gor̄mma dasi, ò n̄isi màma gyārenɔa dasi ò n̄ werek̄sa.

Yahaya Da'itekeri ganaa

(Mat 14:1-12, Luk 9:7-9)

14 Kí Herɔdu yā pìno mà, zaakū Yesu tó kà gu sinda pínkia. Gbēkeno ten pi Yahaya Da'itekeri mé à fùte bona gan, abire yāin à gbāna lè àten daboyāno ke. 15 Gbēkeno pi Iliasume, gbēkeno pi annabiime lán annabi yāno doke bà. 16 Kū Herɔdu mà à pì: Yahaya kū ma a mi zò mé à vù bona gan.

17-18 Zaakū Herɔdu dokɔno pì mé à a vīni Filipi no Herɔdia sia à sè. Kū Yahaya digō one a vīni no sinaa manaro, akū Herɔdu tò ò Yahaya kù ò mò kàa ò a dà kpésiran. 19 Herɔdia sō à Yahaya pētē kūname à ye à a de, ama adi zé lero, 20 zaakū Herɔdu dō kù Yahaya bi Luda gbē súsume, akū àdi vīna kene àdi tó ò wari dɔaro. Tó à gēe à a yā ma, laasun di gēmmē. Bee kū abireo àdigō ye a fāaibonaai.

21 Herɔdia zé è Herɔdu ina goro kókō zī. Herɔdu gbānadeno kū soza gbē zōkɔno kū Galili gbē bèeredeno kākara pòblekia. 22 Akū Herɔdia nénokpare gē à ū wā. À kè Herɔdune nna kū a nibɔno n pínki, akū kína pì né piine: Pó kù n yei n a wé kema, mani n gba. 23 Akū à era à pine: Ma la dānne pó kù n a wé kema pínki, mani n gbame, bee ma kpata kpaate. 24 Akū nénokpare pì bò à gēe à a da là à pì: Bón mani wé keaa? Akū a da pine, Yahaya Da'itekerii mi. 25 Gwe gōno à era à sù likalika à gēe à ò kínane: Má yei n ma gba Yahaya Da'itekerii mi dana tiree gūn la tera.

26 Akū kína po yāka manamana, ama kū à la dà nibɔno wára yāin adi fō à gi doro. 27 Akū kína pì a dogari ke zì gōno, à pine à gé à a mi zō à móo. Akū à gēe à a mi zò kpésiran 28 à dà tiree gūn à sù à kpà né piia, akū à kpà a daa. 29 Kū Yahaya ibanɔ yā pii mà, akū ò sù ò a gēe sè ò vī.

Pòblekpana gbēnon dúbu sɔronɔa

(Mat 14:13-21, Luk 10:9-17, Yuh 6:1-15)

30 Yesu zìrii pìno sù a kīnaa, akū ò yā kū ò kèno kū yā kū ò dānneɔ òne pínki. 31 Òten gé òten su, akū Yesu kū a zìrinɔ dí zé le ò pó blè sero pari yāi. Akū à piinne: À mó ò gé gusare ó tēne ò kamma bo fiti. 32 Akū ò dà zén gó'ite gūn òten gé gusare ntēne. 33 Kū gbēno n genaà è, ò n dō, akū ò bò wēte kū wēteo dasi ò bàa lè gēse ò kà gwe n ā. 34 Kū Yesu bò gó gūn, à gbēno è dasidasi, akū ò kène wēnda, zaakū ò de lán sã kū ò dāri vironɔ bàme. Akū àten yā dañne manamana.

35 Kū ifantē būsà, akū a ibanɔ nài ò pì: Gu dí bi sèntepɔɔtumē, akūsō gu ten si. 36 N gbēno gbare ò tá bura kū lakutu kū ò kú káninɔa, ò pó wete ò lú ò ble. 37 Akū Yesu wēm̄ma à pì: À pó kpám̄ma ò ble. Akū ò pine: N ye ò gé burodi lú andurufu ɔgo wàa do ò kpám̄ma ò blen yá? 38 Akū Yesu n lá à pì: Burodi mèn ūgban á vīi? À gé gwa. Kū ò kà, ò pì: Burodi kun mèn sɔoro kū kpòno mèn pla.

39 Akū à piinne: À gbēno vutevute sèla bòtɔa gāagāa. 40 Akū ò vutevute gā kū gāao, gā kenɔ gbēnon basɔoro, gā kenɔ gbēnon bupla akuri. 41 Akū Yesu burodi mèn sɔoro kū kpòno mèn pla piio sè à wé sè musu à arubarikaa dān. Akū à burodii pìi è'ε à kpà a ibanɔa, ò kpàatete gbēnone. Akū à kpò mèn pla pìno kpàateteñne n pínki. 42 Ò pó blè ò kà n pínki. 43 Akū ò burodi kpàra kū kpò kpàra kū à gōno sète tānko mèn kuri awēepla pà. 44 Gōgbē kū ò pó blèno kà gbēnon dúbu sɔoro.

Yesu táa'ona sèbela
(Mat 14:22-36, Yuh 6:16-21)

⁴⁵ Yesu gā nà a ìbanɔa gɔ̀nɔ̀ ò gɛ́ gó'iten, de ò done are gena Betesaida ari àgɔ́ pari gbare. ⁴⁶ Kū à lé zámma, akū à didi kpi musu à gèe adua ke. ⁴⁷ Kū ɔ̀kɔ̀si kè gó'ite kú sèbɛɛ dagura, Yesu sɔ́ à kú í bara ado. ⁴⁸ Akū à è gófina ten wari dómma, kú ïa gbāna ten kákañyí yāi. Gudɔ̀naao à gèe n kīnaa àten taa o íla, akū à kè deran á ye à gɛ̀temma bà. ⁴⁹ Kū ò a è àten taa o íla, òten da gyāwāndeme, akū ò wiki lè. ⁵⁰ Zaakū ò a è n pínki, akū swèè kèngu. Akū Yesu pìinne gɔ̀nɔ̀: À á laakari kpáte, makūme. Àsun tó vīna á kūro. ⁵¹ Kū à gè gó gūn, akū ïa zè, akū yā pìi bò n sare manamana, ⁵² zaakū n wé dí kè burodi yāaro kú laasun kīarúma yāi.

Yesu gyārenɔ̀ werekɔ̀ana zaa Genesareti
(Mat 14:34-36)

⁵³ Kū ò bikū bara, ò kà Genesareti, akū ò n gó bàa dò gwe. ⁵⁴ Kū ò bòte gó gūn, ò Yesu dɔ́ gɔ̀nɔ̀, ⁵⁵ akū ò bàa lè ò gèe būsuu pì lakutu pínkin, ò gyārenɔ̀ sète kú wútebɔ̀nɔ̀, gu kú ò mà à kunwa pínki òdigɔ́ su kúnwo a kīnaa. ⁵⁶ Gu kú à gèen pínki, lakutunɔ̀ ke wètenɔ̀ ke buranɔ̀, òdigɔ́ sunɛ kú gyārenɔ̀ ari ò n káte etenɔ̀n, akū òdi wé kea de ò ɔ̀ na bee a uta léa. Akū gbè kú ò ɔ̀ nàanɔ̀ wèrekɔ̀a n pínki.

7

Futeokarayā
(Mat 15:1-9)

¹ Farisinɔ̀ kú ludayādanneri kú ò bò Yurusalemu kenɔ̀ sù Yesu kīnaa, ² akū ò è a ìba kenɔ̀ ten pɔ́ ble ɔ̀pipinaa sari. ³ Zaakū Farisinɔ̀ kú Yudanɔ̀ n pínki n dizinɔ̀ futeokarayā kūname, òdi pɔ́ ble ɔ̀pipina a zéa sariro. ⁴ Tó ò bò eten ò sù, òdi pɔ́ ble zú'onaa sariro. Ò futeokarayā pāndenɔ̀ kūna dasi. Lemɛ òdi tokonɔ̀ kú lonɔ̀ kú butanɔ̀ pípi le. ⁵ Akū Farisinɔ̀ kú ludayādannerii pìnɔ̀ Yesu là ò pì: Bóyāi n ìbanɔ̀ òdigɔ́ ó dizinɔ̀ futeokarayā kūnaroo? Òdi pɔ́ ble ɔ̀pipinaa sari. ⁶ Yesu wèmma à pì: Isaya annabikɛyā ò á manafikidenɔ̀ yā musu swáswa lākū à kè Luda yān nà à pì:

Buri bire di bèere limene kú léome,
n swè kúmaro.

⁷ Òdigɔ́ donyí kemene pāme,
bisāsiri yāzekpaten òdi dañne.

⁸ A pā kpá Luda yādannenaai, akū á bisāsiri futeokarayā kūna. ⁹ Akū à pìinne dɔ̀: A pā Luda yāne de à le àgɔ́ á futeokarayā kūna manan yá?

¹⁰ Musa pì, àgɔ́ á de kú á dao bèere dɔ́. A pì dɔ̀, gbè kú à a de ke a da kpe bò, ò ade de. ¹¹ Akɔ̀nɔ̀ sɔ́, adì pì tó gbè pì a de ke a danɛ, pɔ́ kú á vī à n kpe tao bi Kɔ̀ɔ̀bāme, ¹² à zé vī à a de kú a dao kpe tao dorɔ. Kɔ̀ɔ̀bāme pɔ́ kú òdi kpá Ludaa ũ. ¹³ Lemɛ adì Luda yā ke pā le á futeokarayā kú adì dañne yāi. Yā bire takanɔ̀n adì ke dasi.

Yā kú àdi tó ògɔ́ gbāsī
(Mat 15:10-20)

¹⁴ Akū Yesu èra à pari sisiai à pì: À sá kpá à ma yā ma á pínki. ¹⁵ Póke kun kú àdi gè gbè gūn kú àdi a gbà léro. Pɔ́ kú àdi bo gbè gūn mé àdi tó àgɔ́ gbāsī. ¹⁶ Gbè kú à sá vī, à yā pì ma. ¹⁷ Kū à pari tò gwe à tà be, akū a ìbanɔ̀ a là yā pìi mīii. ¹⁸ À pìinne: Á laasun kpé yīda se yá? Kū póke kun

kū àdi gē gbē gūn à tó àgō gbāsīro, á dōroo? ¹⁹ Pó pìi dì gē a swèè gūnlo, sé a gberen, gbasà à bo mèn. Len Yesu pòble sīnda pínki kè blena pò ũ le tēè sari. ²⁰ Akū à pì: Yā kū àdi bo gbē gūn mé àdi tó àgō gbāsī. ²¹ Zaakū zaa bisāsiri swèè gūn laasun vāni dì bon: Pāpākenaa, kpāni'onaa, gbēdenaa, zinakenaa, ²² wākūu, nēsevāni, manafiki, wé'isariyā, sānkara, gbēsōsōnaa, karambaani kū mīsariyāo. ²³ Yā vāni pìnò dì bo swèè gūn pínki, àkū mé àdi tó gbē gō gbāsī.

*Nɔgbē zītɔ Yesu náanikenaa
(Mat 15:21-28)*

²⁴ Yesu bò gwe à gèe Taya būsun, akū à kipa be kea. À ye ò a dōro, ama adi le à a zīda ùtero. ²⁵ Nɔgbē kū a nénokpare tāna vī Yesu baaruu mà, akū à sù à wùte a are gōnò. ²⁶ Nɔgbē pì sō Giriki gbēme ò a ì Siria Fenisia būsun. À wé kè Yesua de à tāna goare a néa. ²⁷ Akū Yesu pìne: Ñ tó ò pòble kpá nénɔa gīa, zaakū à mana ò nénò pòble sé ò zu gbēdanɔero. ²⁸ Akū nɔgbē pìi wèa à pì: Dikiri, bee gbēda kū òdi wùteńyīnò dì nénò pòble bŭru sése. ²⁹ Yesu pìne: Kū n yāwenama mana yāi, ñ tá, n né tāna gòa. ³⁰ Kū à kà be, à a né lé wùtena pèea, tāna pìi gòa.

Sato werekšanaa

³¹ Akū Yesu fùte Taya būsun à gèe Sidō, akū à bòte kū Wētemenkuri būsuo ari à gèe à kà Galili sèbeei. ³² Akū ò sùne kū sato bebekariio, ò wé kèa de à ɔ naa. ³³ Yesu bò pari gūn kū sato pìio à a ɔnetere pèpe a sán. Kū à lé'i sù, akū à ɔ nà sato pì nénea. ³⁴ À wé sè musu à wesa kākara à bò, akū à pìne: Efata. Yā pìi pì ñ wē. ³⁵ Zaa gwe gōnò gōgbē pì sā wè a néne fùte, akū à yā ò swáswa. ³⁶ Yesu pìíne òsun o gbēke maro, ama lākū àten gííne nà, lemè òteni a kpàkpa keííne le. ³⁷ Yā pìi bò ñ sare manamana à gè onala, akū ò pì: A yā sīnda pínki kenaa ògō maname. Àdi tó bee sátonɔ yā ma, akū àdi tó bebekarínɔ yā o.

8

*Pòblekpana gbēnɔn dúbu siikɔna
(Mat 15:32-39)*

¹ Gɔɔ kŭnɔ gūn ɔ gbēnɔ kàkarai dasi. Ò pòble vī ò blero, akū Yesu a ìbanɔ sisiai à pìíne: ² Gbē díno kèmene wēnda, zaakū ò gīnake ò kú kúmao gɔɔ aakō, akū ò pòke vī kú ò blero. ³ Tó ma ñ gbáre ò tá be kú nàao, gu ní lírŭma zé gūn, zaakū ñ gbēkenɔ boki zà. ⁴ Akū a ìbanɔ a là ò pì: Mákpan óni pòble len sèntepɔɔtu la kú ani gbē pìnò káa? ⁵ Akū Yesu ñ lá à pì: Burodi mèn ũgban á vīi? Ò pì: Mèn supplame. ⁶ Akū à pì pari vute zíte. Akū à burodi mèn suppla pìnò sè à sáabu kè, ben à è'e à kpà a ìbanɔ ò kpaatete parine, akū ò kpàateteííne. ⁷ Ò kpò fítinnanɔ vī fítí ɔ. Kū à arubarikaa dàn, à pìíne ò era ò abirekū kpaateteííne ɔ. ⁸ Akū ò blè ò kà, akū ò a kpara kú ò gōnò sète tánkò mèn suppla. ⁹ Gbē pìnò kà káni dúbu siikō. Kū Yesu ñ gbáre, ¹⁰ akū à gè gó'ite gūn kú a ìbanɔ, ò gèe Dalamanuta būsun.

*Farisinɔ sèedagbekanaa
(Mat 16:1-12)*

¹¹ Akū Farisinò sù òten lékpakōa kpá káao òten lí kpátea, òten wete à sèeda ke keííne kú Luda gbánao. ¹² Akū à wesa bò à pì: Bóyāi gbāragbēnɔ

dì sèeda gbekamaa? Yāpuran maten oáre, mani sèeda ke keñnero. ¹³ Akū à ñ tó gwe à èra à gè gó'ite gūn à tà bara.

¹⁴ A ìbano sà̀n ò burodi zàna sé. Burodi mèn do mé à gò́ñne gó gūn. ¹⁵ Akū Yesu lé dàímma à pì: Àgõ á zīda kūna dõ. À laakari ke Farisinõ kù Herõdu gbēno lùbenēei. ¹⁶ Akū òten pikõne: Kū ó burodi vīro yā mé à tò à ò le. ¹⁷ Yesu dõímma, akū à ñ lá à pì: Bóyái áten pi kù á burodi vīro yáii? Ari tera á wé dí kē à dõroo? Á laasun vīroo? ¹⁸ Á wé vī à gu eoroo? Á sã vī à yā maoroo? Yáke di dõáguroo? ¹⁹ Kū ma burodi mèn soro è'e ma kpà gbēnon dúbu soroona, a a kpàra sète tãnko mèn ũgbamē? Ò wèa ò pì: Mèn kuri awēplamē. ²⁰ Akū à èra à ñ lá à pì: Kū ma burodi mèn suppla è'e ma kpà gbēnon dúbu siikõna, a a kusu sète sù mèn ũgbaa? Ò wèa ò pì: Mèn suppla. ²¹ Akū à pínne: Ari tera á dõroo?

Betesaida vīna wéwēnaa

²² Kū ò kà Betesaida, akū ò sùne kù vīnaao ò wé kèa à ɔ naa. ²³ Akū à vīnaa pì kù a ɔa à bò kãao wēte kpe. À lé'i kà a wéa à ɔ nàa, akū à a là à pì: Nteni gu e yá? ²⁴ Akū gõgbē pì a wé sè musu à pì: Maten gbēno e lán línõ bà òten táa o. ²⁵ Akū Yesu èra à ɔ nà a wéa dõ. Kū gõgbē pì wé kè biribiri, akū a wé wè àten pó sīnda pínki e sà swáswa. ²⁶ Akū Yesu a gbàre à tá be à pì: Ñsun bõte lakutu gūnlo.

Pita Yesu Arumasihukena onaa
(Mat 16:13-23, Luk 9:18-22)

²⁷ Kū Yesu ten gé kù a ìbano Sizaria Filipi lakutunõ gūn, akū à a ìbano là zé gūn à pì: Dín gbēno di pi má de a ũu? ²⁸ Ò wèa ò pì: Gbēkenõ di pi Yahaya Da'itekeriime, gbēkenõ di pi Iliasu, gbēkenõ di pi dõ annabi yāno dokemē n ũ. ²⁹ Akū à ñ lá à pì: Ákõnõ sõ, dín adì pi má de a ũu? Pita wèa à pì: Arumasihumē n ũ. ³⁰ Akū Yesu ñ sã fíñne de òsun yā pì o gbēke maro.

Yesu a ga kù a vunaao yá'onaa
(Mat 16:21-28, Luk 9:22-27)

³¹ Akū à nà yádannēnaaa à pì: Séde Bisāsiri Né wétamma le manamana, gbē zõkõnõ kù sa'orikínõ kù ludayádannerinõ ni gii, oni a de, a goro aakõde zī ani fute. ³² À yā pìi òñne swáswa, akū Pita gèe kãao kpado, àten gíne. ³³ Kū Yesu lite à a ìbano gwà, akū à pàta Pítã à pì: Ñ gomene gwe Setan! N laasun bi Luda pónlo, bisāsiri pómē.

³⁴ Abire gbera Yesu pari sisiai kù a ìbano à pínne: Tó gbē ye à ke ma ìba ũ, séde à gí a zīda wèndiii à a lígbāndurukpana sé à téomai. ³⁵ Gbē kù à ye àgõ a wèndi kūna ni kurai. Gbē kù à gí a wèndiii ma yáii kù ma baaru yāo sõ, ade nigõ wèndi vī. ³⁶ Tó gbē gò andunia vī pínki, tó à kùra a wèndiii, bó àreen à vīi? ³⁷ Bón bisāsiri ni le à a wèndi lilin keoo? ³⁸ Tó gbē makū kù ma yāno wé'i dè gbāragbē durunnade ludanaanikerisarino té, Bisāsiri Né ni ade wé'i de goro kù ani su a De gakuri gūn kù a malaikanõ.

9

¹ Akū à pínne: Yāpuran maten oáre, gbēkenõ kú la kù oni garo ari ò kína kù Luda kà e, àten su kù gbānao.

Yesu linaa
(Mat 16:24-17:13, Luk 9:23-36)

² Goro suddo gbera Yesu Pita kũ Yamisio kũ Yuhanao sè à didi kũnwo kpi leia ntēne. Akũ à li n wára, ³ a pòkasan ten té ke púu táitai. Gbēke kũ andunia gũn kũ ani f̄s̄ à a pura kũ lero. ⁴ Akũ Iliasu kũ Musao bò ò sùmma, òten yā o kũ Yesuo. ⁵ Akũ Pita pì Yesune: Danneri, à mana kũ ó kú la. Ò kuta do mèn aakō, n pò mèn do, Musa pò mèn do, Iliasu pò mèn do. ⁶ À d̄s̄ yā kũ àten oro, zaakũ vīna n̄ kũ manamana. ⁷ Ludambe luku kipa à dàña, akũ ò kòtoo mà a gũn à pì: Àkũme ma Né mèn do légelege yenyīde ũ. À a yā ma. ⁸ Kānto kũ ò gu gwàgwa, odi gbēke e doro, sé Yesu ado.

⁹ Kũ òten kipa kpi p̄ia, akũ Yesu p̄inne òsun yā kũ ò èe pì o gbēke maro ari Bisāsiri Né vuna gan. ¹⁰ Ò yā pì kũna, ama òten kō lala òten pì: Vuna gan yā bire de deramee? ¹¹ Akũ ò a là ò pì: Bó yā mé à tò ludayādannerino dì pi Iliasu mé ani su káaku? ¹² À wēm̄ma à pì: Iliasu ni su káaku yāpurame, ani yā s̄inda p̄inki keke a gbèn, ama à kè dera ò kè Luda yān ò pì, Bisāsiri Né ni wētām̄ma le manamana ari ò ḡii? ¹³ Ama maten oáre Iliasu sù kò, akũ ò kèn̄e n̄ poyeinaaame, lākũ ò a yā ò Luda yān nà.

Yesu négōgbē t̄anade werekōanaa

(Mat 17:14-21, Luk 9:37-42)

¹⁴ Kũ ò sù n̄ gbē kparano k̄inaa, ò è pari likańyī, ludayādannerino ten lékpakōa ke kũnwo. ¹⁵ Kũ pari Yesu è, a yā bò n̄ sare, akũ ò bàa lè ò ḡeè ò f̄o kp̄aa ḡōn̄ n̄ p̄inki. ¹⁶ Akũ à a iban̄o là à pì: Bó lékpakōan àten ke kũnwo lee? ¹⁷ Akũ gōgbē ke wèa z̄aa gũn à pì: Danneri, ma sunne kũ ma néome, t̄ana mé à a néne n̄ate. ¹⁸ Tó à didia, àdi a p̄ate z̄ite, àdigō lé'ifuta b̄ote, àdigō saka só, àdi gbāgbā s̄ororo. Ma pì n̄ iban̄one ò pé t̄ana p̄ia à bo, akũ ò f̄ua. ¹⁹ Akũ Yesu p̄inne: Gbāragbē ludanaanikerisarin̄o! Manigō kú k̄áo ari b̄oremee? Manigō mena k̄áo ari b̄oremee? À mómene kũ né p̄iio la.

²⁰ Kũ ò s̄une k̄áo, kũ t̄ana pì Yesu è ḡōn̄, akũ à né p̄ii ȳiḡaȳiḡa à a p̄ate z̄ite bèn. Akũ àten gbigiri ke àten lé'ifuta b̄ote. ²¹ Yesu né pì de là à pì: Zaa b̄oreme à kúo lee? A wèa à pì: Zaa a né fiti z̄ime. ²² Àdigō a zu té kũ ío gũn baala'i, àdigō ye à a de. Tó ìni f̄s̄ n̄ p̄oke ke n̄ ó wēnda gwa, n̄ kp̄awái. ²³ Yesu p̄ine: N pì, tó mani f̄s̄ yá? Bee pò s̄inda p̄inki dì sí ke gbē kũ à ma náani v̄ine. ²⁴ Akũ né pì de wiki lè ḡōn̄ à pì: Má n̄ náani v̄i. N̄ n̄ náani kũ àten k̄iama karamene. ²⁵ Kũ Yesu è z̄a ten nakaram̄ma, à ḡi t̄ana p̄ine à pì: T̄ana s̄ato kp̄aturuku, ma ònne n̄ go né p̄ia. N̄sun gē a gũn doro. ²⁶ Akũ t̄ana pì wiki lè à a ȳiḡa p̄as̄ip̄as̄i, akũ à gò. Né p̄ii gò wút̄ena lán ḡeè bà ari gbē daside pì à ḡame. ²⁷ Akũ Yesu a k̄u a ōa à a f̄ute à zè.

²⁸ Kũ Yesu ḡeè onn, akũ a iban̄o a gbēka gusare ò pì: À kè dera ódi f̄s̄ ò pé t̄ana p̄ia à boroo? ²⁹ Akũ à wēm̄ma à pì: Adi taka dì sí boro, sé kũ aduakenaao.

Yesu era à a ga kũ a vunaao ya'onaa

(Mat 17:22-23, Luk 43-45)

³⁰ Kũ ò bò gwe, akũ ò p̄a Galiline. Yesu ye ògō a kúki d̄oro, ³¹ zaakũ àten yā da a iban̄one. À p̄inne: Oni Bisāsiri Né na gbēn̄one n̄ ōi ò a de, a goro aakōde z̄i ani fute. ³² Odi a yā p̄ii d̄oro d̄oro, akũ v̄ina n̄ kũ ò yā pì gbekaa.

T̄ena Yesui lán né fiti bà

(Mat 18:1-9, Luk 9:46-50)

³³ Akũ ò k̄a Kapenam̄u. Goro kũ à kú be, à a iban̄o là à pì: Bó lékpakōan àten ke zé gũnn? ³⁴ Akũ ò ȳitena, zaakũ òten lékpakōa ke zé gũn deñla yā

musume. ³⁵ Akū à vùte à gbēnɔn kuri awεεpla pìno sisiai à pì: Tó gbē ye à ke gbē káaku ũ, ade gō gbē kpede ũ, àgō gbē sīnda pínkine zīri ũ. ³⁶ À né fíti sè à a zè n arε, akū à a sè à a kpà a kùla à pìinne: ³⁷ Gbē kū à né dínɔ do si ma ìbake yāi, makūme à si. Gbē kū à ma si sō, makūme à si madoro, gbē kū à ma zīn à si.

Gbē kū adi ibεε kpá kùoro bi ó gbēme
(Luk 9:49-50)

³⁸ Akū Yuhana pìne: Danneri, o gbēke è, àten tānanɔ goríma kū n tóo, akū o gine, zaakū ó gbēnlo. ³⁹ Akū Yesu pì: Àsun gínεro, zaakū gbēke ni fō à daboyá ke kū ma tóo à era à ma tó vāni sí doro. ⁴⁰ Gbē kū adi ibεε kpá kùoro bi ó baakpeme. ⁴¹ Yāpuran maten oáre, gbē kū à á gba ímina kū á kun Kirisi pō ũ yāi, ade ni kura a láadairo.

⁴² Tó gbē tò né kū ò ma náani vī dínɔ doke sàte, anigō sàna adene ò wísilgbē zōkō do a wakale ò a zu sèβεε gūn. ⁴³⁻⁴⁴ Tó n ɔ mé àdi tó ò fu, ò zō ò zukūna. À sànanne ò gē wēndii gūn kū ɔ kusuo de n gō kū ɔ mèn plaola ò gē té kū àdi garo gūn gyāwān. ⁴⁵⁻⁴⁶ Tó n gbá mé àdi tó ò sàte, ò zō ò zukūna. À sànanne ò gē wēndii gūn εre ũ de n gō kū gbá mèn plaola ò n zu tén. ⁴⁷ Tó n wé mé àdi tó ò fu, ò bo. À sànanne ò gē kpata kū à bò Luda kīnaa gūn kū wé doo de n gō kū wé mèn plaola ò n zu tén, ⁴⁸ gu kū n kòkòbirii di lákaro, té pì di garo.

⁴⁹ Té ni mè ũ gbē sīnda pínkia lákū òdi pō keke kū wisio nà. ⁵⁰ Wisi bi pō maname, ama tó a nna tà, deran oni ke nà à gō wisi ũ doo? À tó wisi gō kú á gūn, áni gō nna kū kōo.

10

Yìgidena yā
(Mat 19:1-12)

¹ Akū Yesu bò gwe à gèe Yudea bùsun ari Yoda bara. Pari èra ò kàkarai gwe, akū à yā dàinne lákū àdi ke nà. ² Farisi kenɔ sù ò a yō ò gwa, akū ò a là ò pì: Gōgbē zé vī à yìgi de yá? ³ À wēm̄ma à pì: Musa dàáre deraa? ⁴ Ò pì: Musa gōgbē gbà zé à yìgidetakada kē à a nanɔ gbarεo. ⁵ Akū Yesu pìinne: Á sāgbāna yā mé à tò Musa doka birekū dàáre. ⁶ Zaa káaku kū Luda andunia kè, à gōgbē kè kū nɔgbēome. ⁷ Abire yāi gōgbē ni a de kū a dao tó, ò nakōa kū a nanɔ, ⁸ n gbēnɔn pla oni gō mè do ũ. Ò kun pla doro, sé do. ⁹ A yā mé à tò gbē kū Luda n nakōanɔ, bisāsiri sún n kēkōaro. ¹⁰ Kū Yesu tà be, a ìbanɔ a là yā pì mīii. ¹¹ Akū à pìinne: Gbē kū à yìgii dè kū a nanɔ à nɔ pānde sè, ade zina kè a nɔ káakune. ¹² Nɔgbē kū à yìgii dè kū a zāo à gō pānde sè sō, à zina kēen gwe.

Yesu arubarikadana nēnɔn
(Mat 19:13-15, Luk 18:15-17)

¹³ Òten su Yesune kū nēnɔ de à ɔ naríma, akū a ìbanɔ gínne. ¹⁴ Kū Yesu è le, à pō fē à pìinne: À tó nēnɔ mós ma kīnaa, àsun gínεro, zaakū kpata kū à bò Luda kīnaa mé à n takanɔ pō ũ. ¹⁵ Yāpuran maten oáre, gbē kū adi kpata kū à bò Luda kīnaa sí lán né fíti bàro ni gēnlo. ¹⁶ Akū à nēnɔ sè à n kpákpa a kùla, à ɔ nànaríma à arubarikaa dàngu.

Aruzekede
(Mat 19:16-30, Luk 18:18-30)

17 Kū Yesu dà zén àten gé, akū gōgbē ke bàa lè à sù à kùte a arɛ à a là à pì: Danneri mana, deran mani ke nà mà wèndi kù àdi láraro lee? 18 Akū Yesu pìne: À kè dera n pì má manaa? Gbēke manaro, sé Luda ado. 19 N̄ dokano dō: N̄sun gbē dero, n̄sun zina kero, n̄sun kpāni oro, n̄sun yā di n gbēdakearo, n̄sun gbē blero, n̄gō bēere lí n de kù n daoone. 20 Akū à pì: Danneri, zaa ma né fiti gɔɔan má yā bireno kùna pínki. 21 Akū Yesu a gwà kù yenyī wéó à pìne: Yā mèn do mé à gōnne. N̄ gé n̄ pó kù n̄ vīno yía pínki n̄ a ɔɔo kpá takasidenɔa, n̄ mós n̄ témai, ñigō aruzekε vī ludambe. 22 Akū gōgbē pì ãnn sisi yā pì yāi, à tà kù p̄sirao kù à aruzekεno vī zōkō yāi. 23 Akū Yesu a ìbanɔ gwàgwa à pìne: À zī'ù manamana aruzekεdene à gē kpata kù à bò Luda kīnaa gūn. 24 A yā p̄i bò a ìbanɔ sare, akū Yesu èra à p̄inne: Gbēno, à zī'ù gbēne manamana à gē kpata kù à bò Luda kīnaa gūn! 25 Lakumi gēna p̄ɔw̄een araga de aruzekede gēna kpata kù à bò Luda kīnaa gūnla. 26 Akū yā p̄i bò a ìbanɔ sare manamana, ò pikōne: Dí mé ani f̄s à surabana lee? 27 Yesu n̄ gwà à pì: Bisāsiri ni f̄ro, sé Luda. Luda kīnaa bee pó s̄inda pínki d̄i sí ke.

28 Akū Pita pìne: O bee pó s̄inda pínki tò o tenyī. 29 Yesu pì: Yāpuran maten oáre, gbē kù à a be tò ke a v̄ininɔ ke a dakūnanɔ ke a da ke a de ke a néno ke a bura ma yāi kù ma baarukpannena yāo, 30 ade ni era à benɔ kù v̄ininɔ kù dakūnanɔ kù danɔ kù néno kù buranɔ e leu basɔro andunia dí gūn, ama kù wétammaome, ani wèndi kù àdi láraro le andunia kù àten su gūn. 31 Gbē káakunɔ nigō gbē kp̄denɔ ũ dasi, gbē kp̄denɔ nigō gbē káakunɔ ũ.

*Yesu era à a ga kù a vunaao yá'onaa
(Mat 20:17-19, Luk 18:31-34)*

32 Ò èra ò dà zén òten gé Yurusalemu. Yesu do a ìbanɔne arɛ, akū yā p̄i bò n̄ sare, vīna gbē kù ò té a kp̄eno kù. Akū Yesu a gbēnon̄ kuri awεεplanɔ s̄ete n̄ dona, à era à yā kù oni keare ònne do 33 à pì: À ma! Óten gé Yurusalemume. Oni Bisāsiri Né kpá sa'orikinɔ kù ludayádannerinɔa, oni yā daala à ga, oni a kpá kifirinɔa. 34 Oni a lalandi ke oni lé'i káa oni a gbē kù fl̄aao oni a de, a gɔɔo aakōde zī ani fute.

*Yamisi kù Yuhanao wékenaa
(Mat 20:20-28)*

35 Akū Zebedi néno Yamisi kù Yuhanao nà Yesui ò pìne: Danneri, ó ye n̄ yā kù óten wé kemma kewere. 36 Akū à n̄ lá à pì: Bón á ye mà keáree? 37 Ò wèa ò pì: N̄ tó ò vute kúnwo n kpata gūn, gbē do n ɔplai gbē do ɔzei. 38 Yesu p̄inne: Á yā kù áteni a wé kema d̄ro. Toko'i kù mani mi, áni f̄s à mi yá? Wétamma kù mani gēn áni f̄s à gē a gūn yá? 39 Ò wèa ò pì: Óni f̄s. Akū Yesu p̄inne: Toko'i kù mani mi áni mi, wétamma kù mani gēn áni gēn, 40 ama vutena ma ɔplai ke ma ɔzei bi ma yānlo. Gbē kù Luda kèkér̄nenɔ p̄ome.

41 Kù a ìba gbēnon̄ kuri kparanɔ yā p̄i mà, n̄ p̄o f̄e Yamisi kù Yuhanaooi. 42 Akū Yesu n̄ kákara à p̄inne: Á dō kù gbē kù òteni n̄ gwa buri pānde kīnanɔ ũno d̄i gbāna ble n̄ gbēnoa, gbānadeno s̄ō òdi iko m̄óne, 43 ama à de le á kīnaaro. Á té gbē kù à ye à gō gbē zōkō ũ, sé ade ke á z̄iri ũ. 44 Leme do gbē kù à ye à gō gbē káaku ũ, sé ade ke á s̄inda pínki zō ũ. 45 Zaakū Bisāsiri Né dí su de ò zī kenero, à sù de à zī k̄énneme à a z̄ida wèndi kpá de à gbēno bo dasi yāi.

Batimeu wéwēnaa
(*Mat 20:29-34, Luk 18:35-43*)

46 Ò kà Yeriko. Kū Yesu ten bo gwe kū a ìbano kū pario, vīna Timeu né Batimeu vutena zé léa, àten bara ke. 47 Kū à mà ò pì Yesu Nazera mé àten gēte, akū à nà lé gbāna zunaa à pì: Yesu, Dauda Buri, ò ma wēnda gwa! 48 Akū pari ten gīne òten pì à yīte. Akū a lé gbāna zunaa kàra àten pì: Dauda Buri, ò ma wēnda gwa. 49 Yesu zè à pì: À a sísi. Akū ò vīnaa pì sísi ò pīne: Ò laakari kpáte ò fute. Àteni n sísi. 50 Akū vīnaa pì a uta bò à vī à fūte à sù Yesu kīnaa. 51 Akū Yesu a là à pì: Bón n ye mà kennē? Vīnaa pì wèa à pì: Rabi, má ye ma wé gu eme. 52 Akū Yesu pīne: Ò gé, ma náani kū n kè mé à n werekōa. Zaa gwe gōno a wé gu è, akū à dà káao zén.

11

Gbanakekpana Yesui Yurusalemu
(*Mat 21:1-11, Luk 19:28-40, Yuh 12:12-19*)

1 Kū ò kà káni kū Yurusalemuo, ò kà Betefage kū Betani kū à kú Kùkpe sīsigerēiio, akū Yesu a ìbano zì gbēnon pla 2 à pīnne: À gé lakutu kū à káte á are dire gūn. Tó a gē gōno, áni zaakine bōro e bādona gwe, gbēke dí dia zikiro. À poro à suo. 3 Tó ò á lá ò pì, bón áten ke gwe, à pì Dikiri mé à yei, ani era à suo tera. 4 Akū ò gēe ò zaaki è bādona kpélele bàai. Kū òten poro, 5 akū gbē kū ò ze gweno n lá ò pì: Bón áten ke kū zaaki pīo kū áten poroo? 6 ò wēm̄ma lākū Yesu ònne nà, akū ò n tó ò táo. 7 Ò sù kū zaaki pīo Yesune, ò n utano kpàtea, akū Yesu dia. 8 Gbēno teni n utano kpáte zé gūn dasi, gbēkeno ten lánō zō sèn òten kpáte dō. 9 Gbē kū ò té areno kū gbē kū ò té kpeno ten wiki lé òten pì:

Ò gbāna ke!

Arubarikaden gbē kū àten su kū Dikiri tóo ū.

10 Luda arubarika da ó dizi Dauda kpata kū àten bo gupuraan.

Ò gbānake kpái ari ludambe.

11 Kū Yesu kà Yurusalemu, à gē Luda onn, akū à pó sīnda pínki gwà à likai. Kū ifantē ten gē kpén yāi, akū à bò à gēe Betani kū a ìba gbēnon kuri awēplano.

Yesu láaribona kaka lía kū a kunna Luda onnwo
(*Mat 21:12-22, Luk 19:45-48, Yuh 2:13-22*)

12 Kū gu dō, ò bò Betani, akū nà ten Yesu de. 13 À kaka lí è zà dire a lá kū. Akū à gēe gwa ke tó à né vī. Kū à kà gwe, adi póke lero, sé a lánō, zaakū kaka goro dí ká kōro. 14 Akū à pì lí pīne: Gbēke ni n né ble ziki doro. A ìbano yā pì mà.

15 Kū ò kà Yurusalemu, Yesu gē Luda onn, akū à pè eteblerino kū lagatarino à n bōte. À ogolilinkerino teburuno kū potēnyarino gbāno yīpa à kōteñne. 16 Adi we gbēke a aso sè à gētēo Luda onno. 17 Akū à yā dà gbēnone à pì: Ò kē Luda yān ò pì: Ma kpé nigō de aduakēkpe ū buri sīnda pínkinē, akū a kē gbēblerino tò ū. 18 Sa'orikinō kū ludayādannerino yā pì mà, akū òten zé wete ò a de. Òten vīna kene, zaakū a yādannēnaa bò gbē sīnda pínki sare. 19 Kū okosi kē, akū Yesu kū a ìbano bōte wēte pì gūn.

20 Kū gu dō, òten gēte, akū ò kaka lí pì è à kori kē kū a zīnio. 21 Akū à yā dō Pitan, akū à pì Yesune: Rabi, ò kaka lí kū n láari bòa gwa, à kori kù. 22 Yesu

wèmma à bè: Àg̃s Luda náani vī. ²³ Yāpuran maten oáre, tó gb̃è ò kpi díne à fute à a zīda sé à zu s̃èben, tó ádi sika ke a ñes̃ee gūnlo, tó à náani vī k̃ū yā k̃ū à òo p̃i ni ke, ani keneme. ²⁴ Abire yāi maten oáre, tó áten adua ke, yā k̃ū a a w̃é k̃è p̃ínki, à dite à g̃ínake a l̃è k̃ò, áni le s̃. ²⁵ Tó a fute áten adua ke, tó á ñes̃e vāni k̃ūna k̃ū gb̃ēkeo, à k̃ēne, de á De k̃ū à k̃ú musu á durunnanõ k̃éáre do. ²⁶ Tó ádi gb̃ēnõ k̃ē s̃ro, á De k̃ū à k̃ú musu ni á durunnanõ k̃éáre sero.

Yesu gb̃ekana a ikooi

(Mat 21:23-27, Luk 20:1-8)

²⁷ Akū ò kà Yurusalemu. Lákū Yesu ten kure Luda oñn nà, sa'orikiñõ k̃ū ludayādanneriñõ k̃ū gb̃ē z̃ōk̃ōnõ s̃u ²⁸ ò a la ò pi: Iko kpaten ñten yā dínõ keoo? Dí mé à n gba yā pi kena ikoo? ²⁹ Akū Yesu wèmma à pi: Yā m̃en don mani gb̃ekaáwa. Á wema, mani iko k̃ū maten yā dínõ keo oáre. ³⁰ Á omene. Yahaya gb̃ēnõ da'itek̃ena a b̃ò Luda k̃īnaan yā, ke bisāsiri k̃īnaame? ³¹ Akū ò yā g̃ōg̃ō ò pi: Tó o pi Luda k̃īnaame, ani ó lá b̃óyāin ódi Yahaya yā síroo? ³² Tó o pi bisāsiri k̃īnaame s̃, t̃! Ó gb̃ēnõ vīna vī, zaakū gb̃ē s̃inda p̃ínki Yahaya annabike si. ³³ Akū ò w̃é Yesua ò pi: Ó d̃ro. Akū Yesu p̃ínne: Éh̃ē mak̃ū se, mani iko k̃ū maten yā dínõ keo oáre.

12

Geepi líkpe arukerinõ

(Mat 21:33-46, Luk 20:9-18)

¹ Akū Yesu f̃ute áten yālek̃ōãnne à pi: Gb̃ēke mé à geepi líkpe bà à karaa likai, à w̃es̃e ỹò geepi'if̃ēki ũ à búdākp̃āgbaa k̃è, akū à bú p̃i nà arukerinõne ñ c̃i, akū à f̃ute k̃ū táo. ² Kū geepiz̃ōg̃ōnõ kà, akū à a z̃ir̃ii z̃i aruker̃ii p̃inõa de à a geepi né sí. ³ Akū aruker̃ii p̃inõ a k̃ū ò a gb̃è, ò a gb̃àre okori. ⁴ Akū à èra à z̃iri p̃ānde z̃i do. Akū ò gb̃ē bire l̃è a m̃ia ò w̃é'i d̃aa. ⁵ A èra à gb̃ē p̃ānde z̃i do, akū ò gb̃ē bire d̃è. Len à gb̃ē p̃āndeñõ z̃i le dasi, ò ñ gb̃ēkeñõ gb̃è ò ñ gb̃ēkeñõ d̃è. ⁶ Á ñég̃ōgb̃ē m̃en do yenỹide mé à g̃ōne s̃a, akū à a z̃i z̃ā à pi: Oni ma né yā da. ⁷ Akū aruker̃ii p̃inõ pik̃ōne: Túbiblĩriime dí. Á tó ò a de, a túb̃i ni g̃ō ó p̃ó ũ. ⁸ Akū ò a k̃ū ò a d̃è, akū ò a g̃èe s̃è ò b̃òo bura g̃ūn. ⁹ T̃! B̃ón burade p̃i ni kee? Ani su à aruker̃ii p̃inõ dede à bura p̃i na gb̃ē p̃āndeñõne ñ c̃i. ¹⁰ Ádi Luda yā dí kyó keeroo?

Gb̃è k̃ū kp̃éboriñõ p̃ā kp̃ài

mé à g̃ō kp̃é kusuru gb̃è m̃ide ũ.

¹¹ Dikiri mé à abirek̃ū k̃è, akū à k̃ew̃ere yābonsare ũ.

¹² Akū ò z̃é w̃ete ò a k̃ū, zaakū ò d̃ō k̃ū ñ yāin à yālek̃ōanaa p̃i ò, ama ò vīna k̃è parine, akū ò a tò gwe ò tà.

B̃e'og̃ōkpana Sizaa yā

(Mat 22:15-22, Luk 20:20-26)

¹³ Akū ò Farisi keñõ k̃ū Her̃õdu gb̃ēnõ z̃i Yesu k̃īnaa k̃ū ōnd̃ō, de ò a k̃ū a yā'onaa g̃ūn. ¹⁴ Kū ò kà, akū ò p̃inne: Danneri, ó d̃ō k̃ū gb̃ē yāpurademe ñ ũ. Nd̃i gb̃ē w̃é gwaro, nd̃i gb̃ē gwena gwaro, nd̃i Luda z̃é dãnne s̃usu. Á z̃é vī ò b̃usu'og̃ō kp̃á Sizaa yā, ke à z̃é ṽiro? Ò kp̃aan yā, ke òsun kp̃áaro? ¹⁵ Yesu ñ manafikike d̃ōr̃ma, akū à p̃inne: B̃óyāin áteni ñ lé áten gwaa? Á mó k̃ōn og̃ō p̃i doo mà gwa. ¹⁶ Kū ò kp̃aa, akū à p̃inne: Dí m̃i wānz̃ān dí k̃ū a t̃soo?

Ò wèa ò pì: Siza pómɛ. ¹⁷ Akū Yesu pìnnɛ: À pó kú à de Siza pó ũ kpá Sizaa, à pó kú à de Luda pó ũ kpá Ludaa. A yā bò ñ sare.

Gènɔ vuna yā

(Mat 22:23-33, Luk 20:27-40)

¹⁸ Akū Sadusí kú òdi pì gènɔ dì vuronɔ sù Yesu kīnaa, ò a gbèka ò pì: ¹⁹ Danneri, Musa òwɛɛ a takada gūn à pì, tó gbɛ gā à a nanɔ tòn né'isari, a dakūna gyaanɔ pì sé, de à né buri dato a vīnɛ. ²⁰ Tò! Dedokɔnɔnɔn kun gbɛnɔn suppla. Woru nɔ sè, akū à gā né'isari. ²¹ Akū Sabi nɔ pì sè dɔ, akū à gā à nɔ pì tò né'isari. Akū Bio kè lɛ dɔ ²² ari à gèɛ à pè ñ suppladea. Ní pínki ò gā né'isari. Ní pínki gberan nɔ pì gā se. ²³ Gènɔ vuna gɔɔ zī ñ dí mé anigɔ nɔ pì vīi? Zaakū ñ gbɛnɔn suppla ñ pínki ò a dɔ nɔ ũmɛ. ²⁴ Akū Yesu wèmma à pì: Á Luda yā kú a gbānao dñasari yāin a sātɛroo? ²⁵ Tó gènɔ fùtɛ, oni nɔ séro, oni zā kero, onigɔ kun lán malaikanɔn kun nà ludambɛmɛ. ²⁶ Gèvuna yā musu, ádi Musa takada kyó keroo? Gu kú à lèkara yā òn Luda pìne akāamɛ Ibrahī kú Isaakuo kú Yakubuo Luda ũ. ²⁷ Luda dì kɛ gènɔ Luda ũro, gbɛ bɛnɛnɔ Ludamɛ a ũ. A sātɛ à kè zɔkɔ.

Dokayā kú à deñla

(Mat 22:34-40, Luk 10:25-28)

²⁸ Ludayādanneri ke kú gwe, à lékpakɔa kú òtɛn ke mà. Kú à è Yesu yā wèmma manamana, akū à nài à a là à pì: Dokayā kpate mé à de a kparanɔla pínkii? ²⁹ Yesu wèa à pì: Yā kú à deñlan dí: Isarailanɔ à sā kpá. Dikiri ó Ludamɛ Dikiri ũ ado. ³⁰ Ngɔ ye Dikiri n Ludai kú nèɛ mèn doo kú n ninio pínki kú n laasunnwo pínki n gbāna lén. ³¹ A pladen dí: Ngɔ ye n gbɛdakei lán n zīda wèndii bà. Dokayā ke de abirenɔlaro. ³² Akū ludayādannerii pì pìne: Yā manamɛ, danneri. N yāpura ò, n pì Luda mèn dome, a pānde kunlo, sé àpii. ³³ Yena Ludai kú nèɛ mèn doo kú n laasunnwo pínki n gbāna lén kú yena n gbɛdakei lán n zīda wèndi bàao de sa'opɔ kú òdi ká tén à té kúla kú sa'ona buri sīnda pínkio. ³⁴ Kú Yesu è à yā wèawa kú laakarīi, à pìne: Gēna kpata kú bò Luda kīnaa gūn zā kūnworɔ. Zaa gɔɔ birea gbɛke dí sù a yāke laa doro.

Arumasihu buri yā

(Mat 22:41-46, Luk 20:41-44)

³⁵ Yesu èra àtɛn yā dañne Luda ɔnn, akū à gbɛnɔ là à pì: À kè dera ludayādannerinɔ dì pì Dauda burin Arumasihu ũu? ³⁶ Kú Luda Nini dīdi Daudaa, à pì: Dikiri pì ma dikirine à vute a ɔplai ari àgɔ a ibɛrɛnɔ kátɛnɛ a gbá gbáru. ³⁷ Lákū Dauda pìne Dikiri ũ, à kè dera anigɔ de a buri ũ dɔɔ?

Ludayādannerinɔ kú Farisinɔ manafiki

(Mat 23:1-36, Luk 20:45-47)

Akū pari teni a yā ma kú pɔnnao. ³⁸ A yādannɛnaa gūn à pì: À laakari kɛ ludayādannerinɔi. Òdigɔ ye kurenaai kú uta zɔkɔnɔ dana, de ògɔ fɔ kpákparímma etɛnɔa. ³⁹ Òdigɔ wɛtɛ ò vute aduakekpɛ vuteki mananɔ gūn kú dikpɛ vuteki mananɔ. ⁴⁰ Òdi adua gbāna ke de gbɛnɔ ñ e yāi, akū òdi gyaanɔnɔ kpé sírma. Ní wétamma nigɔ pásípásī de gbɛ sīnda pínki póla.

*Gyaanɔ takaside gba
(Luk 21:1-4)*

⁴¹ Akū Yesu vùte Luda ɔnn ɔɔɔɔɔɔɔɔ are, àten gbēnɔ gwa lākū òten ɔɔɔ dan nà. ɔɔɔɔɔɔɔɔ ten ɔɔɔ zōkō dan. ⁴² Akū Yesu takaside sù à kɔbɔ pla dàn, adi ká sisiro. ⁴³ Akū Yesu a ìbanɔ kàkara à pìnnɛ: Yāpuran maten oāre, gyaanɔ takaside dí ɔɔɔ dà ɔɔɔɔɔɔɔɔ gūn de gbē sīnda pínkila. ⁴⁴ Zaakū n ɔɔɔ dasi gūnn ò bòn ò kàn n ɔɔɔ pínki. Nɔgbē dí sɔ, a takasike gūnn pɔ kū à vī à pɔ bleon à dàn pínki.

13

*Yurusalemu yakana kū andunialakagɔɔ sèedanɔ
(Mat 24:1-22, Luk 21:5-24)*

¹ Lākū Yesu ten bo Luda ɔnn nà, a ìbanɔ doke pìnnɛ: Danneri, n gwa lākū ò kpé mana dí takanɔ bò nà kū gbē mana dí takanɔ. ² Akū Yesu pìnnɛ: N kpé zōkō dínɔ è pínki yá? Gbē ke kú gu dí kú oni tó dikōaro, oni gboro pínkime.

³ Yesu vutena Kùkpe sīsigerēei areɔkōana kū Luda ɔnnwo, akū Pita kū Yamisio kū Yuhanao kū Anduruo a gbēka gusare ò pì: ⁴ N owere, bɔren yā dínɔ ni kee? Bó mé anigō de a pínki kegɔɔ sèeda ũu? ⁵ Akū Yesu pìnnɛ: À laakari ke, àsun tó ò á sātero. ⁶ Oni su dasi kū ma tóo, onigō pì Arumasihume n ũ oni gbēnɔ sāte dasi. ⁷ Tó a zīnɔ baaru ma kū a òpìio, àsun bídi kero. Sé abirekūnɔ ke, ama andunia lakana kpé. ⁸ Buri kū burio ni futekōi, leme dɔ būsú kū būsúuo. Zīte yīgāyīgāna nigō kú gukenɔn kū nāao. Yā dínɔme nɔwāwā naana ũ.

⁹ À laakari ke. Oni á kūkū ò á na yākpatekerinɔne n ɔi, oni á gbēgbē aduakekpenɔ gūn. Oni á ze būsú gbē zōkōnɔ kū kīnanɔ are ma yāi, de àgō deñne ma sèedadenɔ ũ. ¹⁰ Sé ò ma baaru nna waazi ke buri pínki ma gīa. ¹¹ Tó ò gēe kāáo yākpatekēkia, àsun gīnake à bídi ke yā kū áni oaro. Yā kū Luda dàáre á lén gɔɔ kūa à o, zaakū ákōnɔ mé áni yā oro, Luda Ninime. ¹² Vīni kū dakūnanɔ ni kō kpámma ò de. Denɔ ni bo n nénɔ kpé. Nénɔ ni bo n denɔ kū n danɔ kpé ò n de. ¹³ Gbē sīnda pínki ni zāágu ma yāi, ama gbē kū à zena gbāna ari a gɔɔ léa ni surabana le.

¹⁴ Tó a tēe guyakari è gu kū à de àgō kunlo, kyókeri gō dō, gbē kū ò kú Yudeanɔ bàa sí ò mì pé kpínɔa. ¹⁵ Gbē kū à kú a kpé musu sún kipa à gē kpé gūn à pōke sé à booro. ¹⁶ Gbē kū à kú bura sún era be à a uta séro. ¹⁷ Waiyoo nòsindarenɔ kū nérandenɔ gɔɔ birea. ¹⁸ À adua ke de yā pì sún ke bunsire gɔɔɔ, ¹⁹ zaakū wétámma nigō kun gɔɔ pínɔa. Zaa gɔɔ kū Luda andunia kè ari gbāra a taka dí kero, ani sō ke zikiro. ²⁰ Tó Dikiri dí gɔɔ pínɔ lagoro, de gbēke ni boro. Ama à gɔɔ pínɔ làgo a gbē kū à n sēnɔ yāime.

*Bisāsiri Né sunaa
(Mat 24:23-44, Luk 21:25-38)*

²¹ Gɔɔ birea tó gbēke piāre, à Arumasihu gwa la kesō à Arumasihu gwa zà dire, àsun síro. ²² Zaakū Arumasihu ékenɔ kū annabi ékenɔ ni su ò sèedanɔ kú daboyānɔ ke, de ò gbē kū Luda n sēnɔ sāteo, tó ani sí ke. ²³ À laakari ke. Ma gīnake ma yā pínki òāre zaa káaku kò.

²⁴ Gɔɔ pínɔ wétámmanaa gbera ifāntē ni sira kū, mɔvura ni í kero, ²⁵ susunenɔ ni woro ludambē, gbāna kū ò kú musunɔ ni yīgā, ²⁶ gbasa ò Bisāsiri Né suna e ludambē lukun kū gbāna zōkōo kū gakurio. ²⁷ Ani a

malaikanɔ zĩ andunia kusuru siikɔ gũn, de ò gbẽ kũ Luda n sɛnɔ kakara zaa andunia lé díkũ kũ a lé direkũo.

²⁸ Á yã dada kaka lía. Tó a ɔnenɔ í kpàkpa àten lá b̀̀to kú, á d̄s kũ guwãnagorɔ kà kãni. ²⁹ Lɛmɛ s̄s, tó a è yã p̄nɔ ten ke, àḡs d̄s kũ a sunaa kà kãni, à kú kpéleleá. ³⁰ Yãpuran maten oáre gorɔ dí gb̄nɔ ni ḡetero ari yã p̄nɔ gé keo p̄nki. ³¹ Musu kũ zĩteo ni ḡete, ama ma yãnon ḡetena v̄ro. ³² Gb̄ke a gorɔ ke a gorɔ zaka d̄ro, bee malaika kũ ò kú musunɔ ke Luda Né, sé De Luda.

³³ Á laakari ke, á wé ḡs d̄o, zaakũ á d̄s gorɔ kũ ani suro. ³⁴ A de lán gbẽ kũ àten gé w̄etea bà. Á a be tò a zĩkerinɔne baadi kũ a z̄io, akũ à p̄i a gudãkpãriine á wé ḡs d̄o. ³⁵ Ák̄nɔ s̄s, á d̄s gorɔ kũ bede ni suro, ɔk̄sin yá, lizãndon yá, kolezuon yá, ke gud̄o. A yã mé à tò á wé ḡs d̄o, ³⁶ de àsun su kãnto à á le àten i oro yãi. ³⁷ Yã kũ maten oáre maten o gbẽ s̄inda p̄nkineme, à wé ḡs d̄o.

14

Lékpakúsuna Yesui

(Mat 26:1-5, Luk 22:1-2, Yuh 11:45-53)

¹ V̄nla dikpe kũ Burodi Futenasari dikpeo ḡs gorɔ pla, akũ sa'orikinɔ kũ ludayãdannerinɔ ten zé wete kũ ɔnd̄so ò Yesu kũ ò de. ² Zaakũ ò p̄i: Òsun ke dikpe z̄iro, de gb̄nɔ s̄un zuka káro yãi.

Nísi gb̄i nna kuna Yesu m̄ia

(Mat 26:6-13, Yoh 12:1-8)

³ Gorɔ kũ Yesu kú Betani, Simɔ kusu bea, àten pó ble gengesekena, akũ nɔgbẽ ke nài a lo fitinna kũ nísi gb̄i nna buri mana ɔḡode kú a gũn kũna. Akũ à lo p̄i wakaa è, à nísi p̄i kũ Yesu m̄ia. ⁴ Gb̄kenɔ kú gwe, n̄ p̄o f̄ute ò p̄i: Bóme nísi p̄i laalasekena ũu? ⁵ Oni f̄s ò yía de andurufu waa do kpé basɔrola ò a ɔḡo kpá takasidenɔa. Akũ ò léf̄to kpá nɔgbẽ p̄ii. ⁶ Akũ Yesu p̄i: Á a tó gwe. Bó yã mé à tò àten wari d̄aa? Á zĩ mana k̄emeneme. ⁷ Takasidenɔ niḡs kú kãáo gorɔ s̄inda p̄nki, gorɔ kũ á yei, áni f̄s à keĩne. Makũ s̄s maniḡs kú kãáo gorɔ s̄inda p̄nkiro. ⁸ Á kè a gbãna lémm̄e, à ḡinake à nísi kú ma m̄eaa de à ma ḡe keome. ⁹ Yãpuran maten oáre, gu kũ òteni ma baaru nna waazi ken andunia gũn p̄nki, oniḡs yã kũ nɔgbẽ p̄i kè o a d̄ngu yãi.

Yudasi bona Yesu kpe

(Mat 26:14-16, Luk 22:3-6)

¹⁰ Abire gbera gb̄enon kuri awɛɛplanɔ do kũ òdi pine Yudasi Isikariɔti ḡe sa'orikinɔ k̄naa de à Yesu kpám̄ma. ¹¹ Kũ ò a yã mà, akũ n̄ p̄o kè nna, akũ ò lé s̄ene kũ oni ɔḡo kpáa. Akũ àten zé wete à Yesu kpám̄ma.

V̄nla p̄oble kekɛnaa

(Mat 26:17-25, Luk 22:7-14, 21-23, Yuh 13:21-30)

¹² Burodi Futenasari dikpegorɔ kãaku zĩ kũ òdi V̄nla s̄ane b̀̀ro kũtu kpá, Yesu ibanɔ a là ò pine: Mán n̄ ye ò gé kekɛne n̄ V̄nla pó blenn? ¹³ Yesu gb̄enon pla zĩ a ibanɔ té à piinne: Á gé w̄ete gũn. Ḡogbẽ ke ni daále à í sena kũ loo. Á téi ¹⁴ ari ɔn kũ ani ḡen. Á o ɔn p̄i bedene, danneri p̄i mán a kipaki kunn, gu kũ áni V̄nla pó blen kũ a ibanɔ? ¹⁵ Ani kpé musu z̄ok̄s kũ ò k̄eke m̄áre. Á p̄obleyã kekewere gwe. ¹⁶ Yesu ibaa p̄nɔ dà z̄en, ò ḡe w̄ete p̄i gũn, akũ ò lè lákũ à òr̄ne nà. Akũ ò V̄nla p̄obleyã k̄eke gwe.

17 Kū ɔkɔsi kè, akū Yesu gèe gwe kū a gbēnɔn kuri awɛɛpla pìnɔ. 18 Kū ò gɛngesekɛna òten pɔ ble, akū à pì: Yápuran maten oáre, á gbē mèn do kū òten pɔ ble lɛlɛ ni ma kpámma. 19 N̄ n̄esɛe yàka, akū òteni a la dodo: Asa makūroo? 20 Akū à pìnnɛ: Á gbēnɔn kuri awɛɛplanɔ do kū òten pɔ ble ta gūn lɛlɛmɛ. 21 Bisásiri Né ni kpágui lákū a kɛna a yā musu nà, ama waiyoo gbē kū ani Bisásiri Né kpámma pìi. Ani ke sàna adene tó odi a i yāro.

Dikiri pɔble

(Mat 26:26-30, Luk 22:14-20, 1Kɔ 11:23-25)

22 Kū òten pɔ ble, Yesu burodii sè à arubarikaa dàn, akū à likɔre à kpà a ibanɔa à pì: Á sí, ma mèn dí. 23 Akū à toko sè à arubarikaa dàn à kpámma, akū ò m̄ ní pínki. 24 Akū à pìnnɛ: Ma arun yè, Luda bàka kunna kū gbē dasinɔ aru ũ kū ani bɔtema. 25 Yápuran maten oáre, mani geepi'i mi gĩa dororo ari kpata kū à bò Luda kīnaa gé boo gupuraa, gbasaa mà a dufu mi sà. 26 Kū ò lèe sì, akū ò bòte ò gèe Kùkpe s̄s̄igereɛi.

Yesu gīnake à d̄s̄ yā kū Pita ni ke

(Mat 26:31-35, Luk 22:31-34, Yuh 13:36-38)

27 Akū Yesu pìnnɛ: Á pínki áni fuma, zaakū ò kè Luda yān ò pì: Mani sādāri lé, sānɔ ni fākɔa. 28 Ama ma vunaa gbera mani doáre are gena Galili. 29 Akū Pita pìnnɛ: Bee tó ò fū ní pínki, mani furo. 30 Akū Yesu pìnnɛ: Yápuran maten onne, gwāaniala ari ko ḡ gé lé zu gèn pla, ĩni ledi kpámai gèn aakɔ. 31 Akū Pita pì māmam: Bee tó mani sù mà ga kúnwo, mani ledi kpányi zikiro. Akū ò ò lɛ se ní pínki.

Yesu aduakɛna zaa Getesemani

(Mat 26:36-46, Luk 22:39-46)

32 Ò kà gu kū òdi pì Getesemani, akū Yesu pì a ibanɔne: À vute la ari mà gé adua ke. 33 À Pita kū Yamisio kū Yuhanao sè à gèe kúnwo. Pɔsira a kù a n̄eseyɔkɔ si. 34 Akū à pìnnɛ: Ma pɔ sira kù manamana ari ga léi. À ze la à ibēne ke. 35 Kū à gèe are f̄iti, akū à kùte z̄ite à adua kè tó ani sí ke, gɔrɔ zakaa pì gēteala. 36 À pì: Baa, ma De, pɔ s̄inda pínki d̄i sí kenne. N̄ toko'i dí síma, ama adi ke yā kū má yeinlo, sé kù ní yeii. 37 Akū à èra à sù à a ibanɔ lè, òten i o. Akū à pì Pitane: Simɔ, nteni i on yá? N̄di f̄ɔ n̄ ibēne kè bee awa doroo? 38 À ibēne ke àḡ adua ke de àsun fu ȳogwanaaaro yāi. Nini yei, ama m̄e buse. 39 À èra à gèe adua ke, akū à yā dokɔnɔ pìi ò do. 40 Kū à èra à sù à ní lé, òten i o, zaakū òten idekū d̄ede. Ò d̄s̄ deran oni yā onɛ n̄aro. 41 A suna gèn aakɔdeo à pìnnɛ: Áten i o áten kámma bo ari teran yá? À mò lɛ. Gɔrɔ kà sà. À gwa, ò Bisásiri Né kpà durunnakerinɔa. 42 À fute ò gé. Gbē kū à ma kpámma pì ten su fá.

Yesu kūnaa

(Mat 26:47-56, Luk 22:47-53, Yuh 18:3-12)

43 Kū à kpé àten yā pì o, akū Yudasi à iba gbēnɔn kuri awɛɛplanɔ doke sù kū pario, ò f̄enedanɔ kùkūna kū gònɔ. Ò bò sa'orikinɔ kū ludayādannerinɔ kū gbē z̄ɔkɔnɔ kīnaa. 44 Bonkpede pì s̄ɔ à s̄eedaa ònnɛ à pì: Gbē kū mani lé péa, àkūn dí. À a kù gbāna à tá k̄aa. 45 Akū à m̄i p̄e Yesua ḡn̄ɔ à pìnnɛ: Rabi! Akū à lé p̄ea. 46 Akū ò p̄ete Yesua ò a kù ḡinḡin. 47 Akū gbē kū ò zena gwɛnɔ doke a f̄eneda wòto à sa'oriki z̄iri ke l̄è ò a s̄á gò. 48 Akū Yesu pìnnɛ: Kpāni w̄edewen ma ũ kū a su à ma kù kù f̄enedanɔ kù gònɔ yá? 49 Madiḡɔ

kú kááo Luda ɔnn lákú gu ðìgṣ̄ dɔ̀ nà, madìgṣ̄ yā daáre, ádi ma kúro. Ama sé yā kú ò kè Luda yān papa. ⁵⁰ Akú a ìbanɔ̀ bàa lè ñ pínki ò a tòn.

⁵¹ Kefenna ke téi à p̄ske danaro, bizatarun à kùala. Kú ò a kù, ⁵² akú à bò ñ ɔ̀ à a biza tòñne gwe à bàa si à tà punsi.

Yuda gbanadenɔ̀ yápatɛkena kú Yesuo

(Mat 26:57-68, Luk 22:54-55, 63-71, Yuh 18:13-14, 19-24)

⁵³ Akú ò gèe kú Yesuo sa'oriki z̄k̄ṣ̄ bea. Sa'orikinɔ̀ kú gbē z̄k̄ṣ̄nɔ̀ kú ludayádannerinɔ̀ kàkara gwe ñ pínki. ⁵⁴ Pita té a kpe zà dire ari à gèe à gè sa'oriki z̄k̄ṣ̄ be ɔnn. À vùte gwe àten té kpákpa kú dogarinɔ̀ lèele. ⁵⁵ Sa'orikinɔ̀ kú Yuda yákpatekerinɔ̀ ñ pínki ten sèeda wete Yesui ò a de, akú odi a lero. ⁵⁶ Ò ékeyā didia dasi, ama ñ yāke dí k̄ṣ̄ séro. ⁵⁷ Akú gbēkenɔ̀ fùte ò ékeyā didia ò pì: ⁵⁸ O mà à pì áni Luda kpé kú bisāsiri bò wí áni a pānde bo ḡɔ̀ aak̄ṣ̄ dagura kú bisāsiri dí boro. ⁵⁹ Bee kú abireo ñ yā dí k̄ṣ̄ séro. ⁶⁰ Akú sa'oriki z̄k̄ṣ̄ fùte à zè ñ are à Yesu gbèka: Ní yāke vī ñ weñmaroo? Yā kú òten didimma dí de deraa? ⁶¹ Yesu yīte kpēn adi yāke wearo, akú sa'oriki z̄k̄ṣ̄ p̄i era à a gbèka: M̄k̄ṣ̄n Arumasihu, Luda arubarikade Né ũ yá? ⁶² Akú Yesu pì: Makūme a ũ. Áni Bisāsiri Né e vutena Gbānasīndapinkide ɔplai, akūs̄ áni a suna e ludambe lukun. ⁶³ Akú sa'oriki z̄k̄ṣ̄ p̄i a utanɔ̀ gā à kè à pì: À kè dera òten sèedade pānde kenɔ̀ wete dɔ̀? ⁶⁴ A mà lákú à d̄kè kú Ludao nà. Yā kpaten a zeo teraa? Akú ò yā dàala ñ pínki ò pì ò a de. ⁶⁵ Akú gbēkenɔ̀ fùte ò lé'i kàa. Akú ò p̄ yīne a ānwa, òteni a léle kú okūo òten pinɛ: N̄ annabikeyā ò ñ gbē kú à n le o. Akú dogarinɔ̀ a kú ò a s̄an kèke.

Pita ledikpana Yesui

(Mat 26:69-75, Luk 22:56-62, Yuh 18:15-18, 25-27)

⁶⁶ Pita kú ɔnn zīte, akú sa'oriki z̄k̄ṣ̄ z̄nɔ̀kp̄arenɔ̀ doke sù gwe. ⁶⁷ Kú à Pita è àten té kpákpa, akú à wé dia à p̄inɛ: M̄k̄ṣ̄n s̄s̄ ndiḡṣ̄ kú lèele kú Yesu Nazerao. ⁶⁸ Akú à ledi kpà à pì: Má a d̄s̄ro, mádi yā kú nteni o d̄s̄ro d̄s̄ro. Akú à fùte à gè gānun. ⁶⁹ Kú z̄nɔ̀kp̄are p̄i a è gwe dɔ̀, akú à ò gbē kú ò zena gwenɔ̀ne à pì: N̄ gbē mèn don dí. ⁷⁰ Akú Pita ledi kpà dɔ̀. Kú à kè saa f̄iti, gbē kú ò zena gwenɔ̀ p̄i Pitane: Yāpurame ñ gbē dome n ũ, zaakú Galili gbēme n ũ. ⁷¹ Akú Pita fùte à a zīda kà à la dà à pì: Má gbē kú áteni a yā o p̄i d̄s̄ro. ⁷² Zaa gwe ḡṣ̄nɔ̀ ko lé gèn plade zù, akú yā kú Yesu òo d̄ Pitane, kú à p̄i, ari ko ḡṣ̄ gé lé zu gèn pla, ani ledi kp̄ai gèn aak̄ṣ̄. Akú à nà ɔ̀d̄ɔ̀naaa.

15

Pilati yákpatekena kú Yesuo

(Mat 27:1-2, 11-14, Luk 23:1-5, Yuh 18:28-38)

¹ Kú gu d̄ṣ̄ ḡṣ̄nɔ̀ sa'orikinɔ̀ kú gbē z̄k̄ṣ̄nɔ̀ kú ludayádannerinɔ̀ kú gbanadenɔ̀ ñ pínki yā ḡṣ̄ḡṣ̄, akú ò Yesu yī ò gèe ò a nà Pilatine a ɔ̀. ² Akú Pilati a là à pì: M̄k̄ṣ̄mme Yudanɔ̀ kina ũ yá? Yesu wèa à pì: Len n ò le. ³ Sa'orikinɔ̀ ten yā didia, ⁴ akú Pilati a là dɔ̀: Īni yāke oroo? Yā kú òten didimma ma fá! ⁵ Ama Yesu dí yāke weñmaro, akú yā p̄i bò Pilati sare.

Yādana Yesula

(Mat 27:15-26, Luk 23:13-25, Yuh 18:39-19:16)

⁶ Vīnla dikpe zī òdi purusunanɔ̀ doke kú gbēnɔ̀ a wé kè gbareñne. ⁷ Ḡɔ̀ kua s̄s̄ gbēke kú kpésiran òdi p̄i Baraba. À kú kú gbē gaavude kú ò gbē

dènɔ. ⁸ Akū pari nà Pilatii ò wé kèa à ke lákū àdi keńne nà. ⁹ Akū Pilati n lá à pì: Á ye mà Yudanɔ kína gbareáren yá? ¹⁰ Zaakū à dɔ kú nèsɛgɔba kú sa'orikinɔn vī kú Yesuo yáin ò a kpàawa. ¹¹ Akū sa'orikinɔ gbènɔ laakarīi fùte, de ò o Pilatine à Baraba gbareńne. ¹² Akū Pilati n lá à pì: Bón á ye mà ke kú gbē kú adì pì Yudanɔ kinao teraa? ¹³ Akū ò wiki lè ò pì: N a pá lía! ¹⁴ Akū Pilati pìńne: À kè deraa? Bó daan à kèe? Akū ò wiki lè ò kàra ò pì: N a pá lía! ¹⁵ Pilati ye à gbènɔ ponna wete, akū à Baraba gbareńne. À Yesu kpà sozanɔ ò a gbē flàao ò a pá lía.

Yesu fobona

(Mat 27:27-31, Yuh 19:2-3)

¹⁶ Akū sozaa pìnɔ gèe káao búsú gbē zɔkɔ pì be ɔnn, akū ò n gá kàkara pínki. ¹⁷ Ò arukĩmba tēra dàne, akū ò lè fūraa tà ò kùne. ¹⁸ Akū òten fɔ kpáa ò pì: Fɔɔ Yudanɔ kína! ¹⁹ Òteni a lé kú gòoo a mìa òten lé'i káa òten kúte n koso a òten mì natene. ²⁰ Kú ò a fobò ò làka, akū ò arukĩmba tēra pìi gòala ò a zīda pókasa dàne. Akū ò bò káao òten gé a pá lía.

Yesu pana lía

(Mat 27:32-44, Luk 23:26-43, Yuh 19:17-27)

²¹ Kú òten gé, Sireni gbē kú ò pine Simɔ bò lakutu kea àten su wēte gūn, akū ò gā nàa à Yesu lígbāndurukpana sé. Àkúme Alesanda kú Rufuo de ū. ²² Akū ò gèe kú Yesuo gu kú òdi pì Gɔgɔta kú à pì mitokoki. ²³ Akū ò sèwē kú ò yàkate kú ezee dònne, ama adi miro. ²⁴ Kú ò a pá lía, akū ò a pókasanɔ kpàate ò kàte, akū ò kàpaa kpà lákū n baadi ni sé nà. ²⁵ Ò a pá lía mò kēndome. ²⁶ Ò yā kú ò diaa kē ò nà lía a mìla ò pì:

Yudanɔ kína.

²⁷ Ò kpāni wédewenɔ pà lía a sare gwe dɔ gbēnɔn pla, gbē do a ɔplai gbē do a ɔzei. ²⁸ Len yā kú ò kè Luda yān pàpa le kú ò pì: Ò a kàkara kú dàkerino.

²⁹ Gbē kú òten gē zéla gwenɔ teni n mì ke dékūdekū, òteni a sɔsɔ ò pì: Èhē! Mɔkɔn kú n pì ìni Luda kpé wí n era n bo gɔɔ aakɔ daguran gweroo? ³⁰ N n zīda mì sí n kipa lía! ³¹ Lemé dɔ sa'orikinɔ kú ludayādannerino teni a fobo le ò pì: À gbē pādenɔ mì si, ama ani fɔ à a zīda mì sīro. ³² Tó Arumasihu, Isarailanɔ kína kipa lía tera ò e, óni a náani ke. Akū gbē kú ò n pá lía leelenɔ teni a sɔsɔ dɔ.

Yesu ganaa

(Mat 27:45-46, Luk 23:44-49, Yuh 19:28-30)

³³ Kú ifāntē kà midangura, akū gusira dà búsuu pila pínki ari fānantē mò aakɔ. ³⁴ Fānantē mò aakɔn Yesu wiki lè gbānagbāna à pì: Eloi, Eloi, lēma sabatani! Abirekū pì: Ma Luda, ma Luda, à kè dera n ma tonn? ³⁵ Kú gbē kú ò zena gwe kenɔ yā pìi mà, akū ò pì: À ma, àten Iliasu sísi. ³⁶ Akū gbēke bàa lè à gèe à sako sè à dà sèwē kpàkpāa gūn, à fīfī lebaa, akū à dɔ Yesune à mi. Akū à pì: À ze gīa ò gwa, tó Iliasu ni su à a kipa. ³⁷ Yesu wiki gbāna lè à wèndii tà. ³⁸ Akū Luda kpé lábure kèkɔa pla bona musu suna zíte. ³⁹ Kú sozanɔ gbē zɔkɔ kú à ze Yesu are gwe è lákū à gà nà, akū à pì: Yāpurame Luda Nén gbē dí ū. ⁴⁰ Nɔgbē kenɔ kú gwe dɔ òten gu gwa zà dire. N tén Mariama Magadaleni kun kú Mariamao Yamisi Fiti kú Yusufuo da kú Salomeo. ⁴¹ Gɔɔ kú Yesu kú Galili, mɔkɔnɔ mé òdigɔ téi ògɔ kpái. Nɔgbē pādenɔn kú gwe dɔ dasi kú ò gèe káao Yurusalemu lele.

Yesu vīnaa
(*Mat 27:57-61, Luk 23:50-56, Yuh 19:38-42*)

⁴² Azuma zī ɔkɔsi. Kū òɔten kámmbogɔɔɔ soru ke, ⁴³ Yusufu Arimatea gbē sù. Gbē tódeme Yuda gbānadeno té. Àkū sō àten kpata kū à bò Luda kīnaa dā. À kùgbāna kè à gèe Pilati kīnaa à Yesu gèe gbèkaa. ⁴⁴ Kū Pilati mà Yesu gīnake à gà kò, à bò a sare. Akū à sozano gbē zōkō sisi à a là tó Yesu gà kò. ⁴⁵ Kū Pilati gbē zōkō yā pìi mà, akū à Yusufu gbà zé à gèe pìi sé. ⁴⁶ Akū Yusufu gèe à táaru biza lù, akū à gèe à a gèe kipa lía à biza pìi fīfia. À a dà gbèwèe kū ò sò mira ũ gūn, akū à gbè gbèntē gbigiri kè à tàta wèe pìi. ⁴⁷ Mariama Magadaleni kū Mariama Yusufu dao è gu kū ò Yesu gèe pìi wùten.

16

Yesu vunaa
(*Mat 28:1-10, Luk 24:1-12, Yuh 20:1-10*)

¹ Kámmbogɔɔɔ lakanaao ɔkɔsi Mariama Magadaleni kū Mariama Yamisi dao kū Salomeo nísi gbī nna lù, de ò gé ò kú Yesu mèea yāi. ² Azumanenna zī kɔnkɔkɔnkɔ ò bò òten gé mira pìi kīnaa. ³ Ò kō là zén ò pìi: Dí mé ani gbèe kù gbigiri ke à gowere mira léa sōo? ⁴ Zaakū gbèe pìi zōkō manamana. Kū ò wé sè ò gwà, akū ò è ò gbèe pìi gbigiri kè ò gò mira pìi léa. ⁵ Kū ò gè mira pìi gūn, akū ò kefenna ke è vutena ɔplai à utagyaba pura dana. Akū ò kè gìri. ⁶ À pìinne: Àsun ke gìriro, Yesu Nazera kū ò pà lían àten weteroo? À vù, à kú laro. À gu kū ò a wùten gwa, ⁷ áni gé à o a ìbanone kū Pitao kū àten doñne are gena Galili. Gwen oni a en lákú à òrñe nà. ⁸ Òten lukaluka, yā pìi bò ñ sare, akū ò bò miran ò bàa lè. Odi yáke o gbèkenero kū vīna ñ kū yāi.

Yesu bo à suna a ìbanone
(*Mat 28:16-20, Luk 24:36-53, Yuh 20:11-23*)

⁹ Kū Yesu fùte azumanenna zī kɔnkɔkɔnkɔ, à a zīda mò Mariama Magadaleni káaku. Nɔgbē pìi gūnn Yesu pè tana mèn supplanɔa. ¹⁰ Akū nɔgbē pìi gèe à ò gbē kū ò kú káao yānɔne. Ñ nèsee yakana òten sò do. ¹¹ Kū ò mà kú Yesu kú kú wèndiio ari nɔgbē pìi à è kú wéo, odi síro.

¹² Abire gbera ɔɔɔ kū ñ gbēnɔn planɔn té zé gūn òten gé wète gūn, à bò à sùmma lán gbē pānde bà. ¹³ Kū ò èra ò sù, ò ò gbē kparanɔne, ama odi ñ yā síro. ¹⁴ Kū à kè saa à bò à sù a ìba gbēnɔn kuri awèdonɔne kú òten pò ble. Akū à kpàkènyī ñ sàgbāna yāi, zaakū odi a náani kero akūsò odi gbē kū ò a è à vùnò yā síro. ¹⁵ Akū à pìinne: À gé andunia gu sīnda pínkia à ma baaru nna kpá gbēnɔne ñ pínki. ¹⁶ Gbē kū à si akū à da'ite kè mé ani surabana le. Gbē kū adi sí sōro, yā ni bo adene vāni. ¹⁷ Gbē kū ò baaru pìi sìnò yākenanɔn dí: Oni tānanɔ goñma kū ma tóo, oni yáke buri o. ¹⁸ Oni mlè sé kú ɔo. Bee tó ò sewe mì, pòke ni ñ lero. Oni ɔ na gyārenɔa ò gbāna kū.

Tana kū Yesuo ludambe
(*Luk 24:50-53, Zīr 1:9-11*)

¹⁹ Kū Dikiri Yesu yā òrñe à làka, akū Luda a sè à tà káao musu, akū à vùte Luda ɔplai. ²⁰ Akū à ìbaa pìnɔ gèe ò waazi kè gu sīnda pínkia. Dikiri zī kè kúñwo à a yā zīni pète kú daboyá kū ò téino.

LUKU

Baaru nna kū Luku kēē
 Yesu Kirisi inaa 1:1-2:52
 Yahaya Da'itekeri waazikenaa 3:1-3:20
 Yesu da'itekenaa 3:21-4:13
 Yesu yādannena Galili 4:14-9:50
 Zaa Galili ari Yurusalemu 9:51-19:27
 Yesu kunna Yurusalemu 19:28-22:46
 Yesu gana kū a vunaa 22:47-24:53

¹ Gbēnɔ kpà dasi, de ò yā kū à kè ó té baba takada gūn zéazea, ² lākū gbē kū ò de yā pii sēedadēnɔ ũ kū a baarukparinɔ òwεre nà zaa káaku. ³ Tera sà makū s̄s, lākū ma wé pè yā pinɔi nà dodo zaa a naana, ma è à mana mà kēnne zéazea, ma gbē bēere de Tioflu, ⁴ de ò yā kū ò dānne sānsān d̄s.

Malaika gīnake à Yahaya Da'itekeri ina yā'onaa

⁵ Yudea bùsu kína Herɔdu gɔɔ sa'ori ke kun, a tón Zakari. À kú Abia sa'orinɔ gāa gūmme. A nanɔ tón Elizabeti. Haruna burime d̄o. ⁶ N̄ pla n̄ pínki mana Ludan̄e. Òdiḡs kun taari sari, ò Dikiri doka kū yā kū à ditenɔ kūna. ⁷ Ama ò né v̄iro, zaakū Elizabeti bi param̄e, akū n̄ gbēnɔn pla n̄ pínki zī kū.

⁸ Gɔɔ kū sa'onaa kà n̄ gāaa, Zakari mé àten sa'ona Ludaa zī ke. ⁹ Lākū sa'orii pinɔ d̄i ke nà, ò kàpaa kpà, akū kàpa Zakari kù de à gé turaretiti kpata Dikiri kpén. ¹⁰ Turaretitikpatana gɔɔ pari kàkara kpélele a n̄ pínki, òten adua ke. ¹¹ Akū Dikiri malaikaa bò a s̄ua, à zè turaretitikpataki ɔplai. ¹² Kū Zakari a è, à kè ḡiri, v̄ina a kù. ¹³ Akū malaikaa p̄i pin̄e: N̄sun tó v̄ina n̄ k̄uro Zakari. Luda n̄ wéke s̄i, n̄ nanɔ Elizabeti ni né i ḡs̄gbē ũ, n̄ tó kpáne Yahaya. ¹⁴ N̄ p̄o ni ke nna, n̄ yāa d̄o, gbēnɔ ni p̄onna ke a ina yā musu dasi, ¹⁵ zaakū aniḡs̄ de Dikirin̄e gbē z̄s̄k̄s̄ ũm̄e. An̄i w̄e ke í gbāna ke miro, Luda Nini niḡs̄ kúa zaa a da gberem̄e. ¹⁶ An̄i tó Isarailanɔ ar̄e d̄o Dikiri n̄ Ludaa dasi, ¹⁷ an̄i do Dikirin̄e ar̄e kū Luda Nini gbāna kū Iliasu v̄i yāo. An̄i tó denɔ lé ke do kū n̄ n̄nɔ, an̄i tó s̄ayāmarisaridenɔ gbē mananɔ ɔnd̄s̄ sé. An̄i tó gbēnɔ ḡs̄ kú soru gūn Dikirin̄e.

¹⁸ Akū Zakari p̄i malaikaa pin̄e: Deran mani yā p̄i yāpura d̄s̄o? Zaakū mare zīkūnaan ma ũ, akū ma nanɔ zī kū d̄o. ¹⁹ Akū malaikaa p̄i w̄e à p̄i: Makūm̄e Gibirilu ũ, madiḡs̄ zena Luda ar̄e. Àkū mé à ma zī mà yā p̄i onne, mà baaru nna p̄i kpánne. ²⁰ N̄ ma, n̄ néne ni nate, ĩni f̄s̄ ò yā oro ari yā p̄i gé keo, kū n̄di ma yā kū an̄i ke a gɔɔa síro yāi. ²¹ Gɔɔ kua s̄s̄ òten Zakari dā. A gikenaa Luda kpén bò n̄ sare. ²² Kū à bò, adi f̄s̄ à yā ò kũn̄woro, akū ò d̄s̄ kū à wégupu è Luda kpén. Lākū a néne n̄ate nà, akū àten yā oñne kū ɔo. ²³ Kū Zakari sa'ogɔɔ p̄apa, akū à tà b̄e. ²⁴ Abire gb̄era a nanɔ Elizabeti n̄ò s̄i, akū à a zīda ùte ari m̄o s̄ɔɔro à p̄i: ²⁵ Dikiri yā dí k̄emene, à ma w̄enda gwà, à ma bo wé'iyān.

Malaika gīnake à Yesu ina yā'onaa

²⁶ A m̄o suddode gūn Luda malaika Gibirilu zī Galili lakutu kū òdi p̄i Nazera gūn. ²⁷ À ḡèe n̄okpare būnu kū a tón Mariama k̄inaa. À ḡs̄k̄pamma v̄i Dauda buri ũ. A tón Yusufu. ²⁸ Kū malaikaa p̄i ḡè a k̄inaa, à pin̄e: F̄ɔɔ

arubarikade! Dikiri kú kúnwo. ²⁹ Mariama bídi kè manamana yā p̄ia, à laasun lè à p̄i: F̄o b̄ire mì de deraa? ³⁰ Akū malaikaa p̄i p̄ine:

Mariama, ñsun tó v̄ina n k̄uro,
zaakū Luda gb̄eke k̄ennē.

³¹ Ñ ma! Ñni nò sí ñ né i ḡōgb̄ē ũ,
ñ t̄s kp̄ane Yesu.

³² Aniḡō de gb̄ē z̄ōk̄ō ũ,
oni a s̄isi Luda Musude Né.

Dikiri Luda ni a ká
a dizi Dauda kpatan,

³³ aniḡō kí ble Yakubu burin̄o ḡo s̄inda p̄inki,
a kíblena niḡō lakana v̄iro.

³⁴ Akū Mariama p̄i malaikaa p̄ine: Mádi ḡōgb̄ē d̄s zikiro, abirekū ni sí ke deraa? ³⁵ Malaikaa w̄ea à p̄i:

Luda Nini ni summa,
Luda Musude gb̄ana ni danla.

Abire yāi né kú ñni i p̄i kunna niḡō adona,
oni a s̄isi Luda Né.

³⁶ N dane Elizabeti néḡōgb̄ē n̄òsina se a z̄ikūnaa ḡun. N̄ogb̄ē kú ò dìte para ũ p̄i kú kú n̄ò m̄o suddoo tera. ³⁷ Zaakū Luda k̄inaan p̄o s̄inda p̄inki ò sí

k̄en. ³⁸ Akū Mariama p̄i: Dikiri z̄òbleriin ma ũ. À kemene lákū n ò nà. Akū malaikaa p̄i tà à a t̄on.

Mariama gena Elizabeti k̄inaa

³⁹ Ḡo k̄ua Mariama f̄ute à ḡe lakutu kú à kú Yudea b̄usu gus̄is̄iden ḡon̄o.

⁴⁰ À ḡe Zakari bea, akū à f̄o kp̄a Elizabetia. ⁴¹ Kū Elizabeti Mariama f̄o p̄i mà, a né v̄l a gb̄ere ḡun, akū Luda Nini s̄u Elizabetia, ⁴² à wiki gb̄ana lè à p̄i: Arubarikademe n ũ de n̄ogb̄ē s̄inda p̄inkila. Arubarikaden né kú

à kú n gber̄en ũ d̄o. ⁴³ B̄on ma ũ, kú ma Dikiri da s̄u ma gwaa? ⁴⁴ Ḡo kú ma n f̄okpammanaa mà dé, né kú à kú ma gber̄en v̄l kú p̄onnaome.

⁴⁵ Arubarikademe n ũ, m̄ok̄on kú n yā kú Dikiri ònne s̄i, kú ani ke.

Mariama Dikiri t̄s sena lei

⁴⁶ Akū Mariama p̄i:

Maten Dikiri t̄s sé lei ma sw̄ēe ḡun,

⁴⁷ ma p̄o ten ke nna

Luda ma Surabariia,

⁴⁸ zaakū à ma yā dà,

makū a z̄òbleri kú mádi ká p̄oke ũro.

Zaa tera ari ḡo s̄inda p̄inki oni pimene arubarikademe,

⁴⁹ zaakū Luda gb̄anade yā z̄ōk̄ō k̄emene.

A t̄s kú adona.

⁵⁰ Àdi w̄enda d̄s gb̄ē kú òdi a v̄ina k̄en̄ne

ari ñ buria.

⁵¹ À a ḡaa p̄oro, à a gb̄ana m̄òñne,

à z̄idabirino f̄āk̄ōa kú ñ laasunn̄o.

⁵² À gb̄anaden̄o b̄o kpatan,

à talakan̄o s̄e lei.

⁵³ À p̄o manan̄o kp̄a n̄aderin̄o ò kà,

ama à ōḡoden̄o gb̄are okori.

⁵⁴ À kp̄a a z̄òbleri Isarailan̄o,

ń yā dí sāaguro.

⁵⁵ À wēnda d̄ Ibrahim̄ne k̄u a buri p̄in̄o

lákū à ò ó dizin̄one nà.

⁵⁶ Mariama v̄ute k̄u Elizabetio lán m̄o aak̄o bà, akū à èra b̄e.

Yahaya Da'itekeri inaa

⁵⁷ Elizabeti né'iḡōr̄o kà, akū à né ì ḡōgb̄ē ũ. ⁵⁸ Kū a f̄arandiden̄o k̄u a danen̄o mà lákū Dikiri a wēnda gwà nà, ò p̄onna k̄e k̄āao. ⁵⁹ A ḡōr̄o s̄oraak̄ode z̄i ò sù t̄s̄ z̄s̄ né pīine, de ò a de Zakari t̄s̄ kp̄áne, ⁶⁰ akū a da p̄i: Oi! Oni a sísi Yahayame. ⁶¹ Ò p̄ine: Gb̄eke kú n danen̄o té k̄u à t̄s̄ bire v̄iro. ⁶² Akū ò yā ò a den̄e k̄u o, de ò d̄s̄ deran à ye ò t̄s̄ kp̄áne nà. ⁶³ Zakari anlo gb̄eka, akū à k̄ēa: A t̄s̄n̄ Yahaya. Yā p̄i b̄ò ń s̄are ń p̄inki. ⁶⁴ Gwe ḡōn̄o a néne s̄e lei, à lé b̄ò àten yā o, àten Luda s̄áabu kp̄á. ⁶⁵ Akū v̄ina ń f̄arandiden̄o k̄u ń p̄inki, akū Yudea b̄usu gus̄is̄ide gb̄ēn̄o ten yā p̄i ò ń p̄inki. ⁶⁶ Akū gb̄ē k̄u ò yā p̄i màn̄o k̄una ń n̄es̄e ḡun̄ ò p̄i: B̄ón̄ né p̄i niḡō de a ũ ziaa? Zaakū Dikiri o k̄ua.

Zakari annabik̄eyā'onaa

⁶⁷ Luda Nini sù a de Zakaria, akū à annabik̄eyā ò à p̄i:

⁶⁸ Ò Dikiri Isarailan̄o Luda s̄áabu kp̄á!

À sù à a gb̄ēn̄o b̄ò.

⁶⁹ À Surabari gb̄ānade b̄ow̄ere

a z̄òbleri Dauda buri té,

⁷⁰ lákū à ò a annabin̄o ḡāi nà zaa ḡik̄ena.

⁷¹ Ò p̄i ani ó sí ó ib̄eren̄o,

ani ó bo gb̄ē k̄u ò z̄āógu p̄in̄o ōi.

⁷² Leme à ó dizin̄o wēnda gwà le,

a bàka kunna k̄ūn̄wo yā dí sāaguro.

⁷³ À la dà ó dizi Ibrahim̄ne

⁷⁴ à p̄i ani ó bo ó ib̄eren̄o ōi,

áni ó gba z̄é ò doare v̄ina sari,

⁷⁵ de ó kunna ḡōne adona gb̄ē manan̄o ũ

ari ó w̄ēndi lén.

⁷⁶ M̄ok̄ōn̄ s̄o ma né,

oni n̄ sísi Luda Musude annabii,

zaakū m̄ok̄ōn̄ mé ïni do Dikirin̄e are ñ z̄é kek̄ene.

⁷⁷ ïni t̄o a gb̄ēn̄o d̄s̄ lákū ani ń sura ba nà,

lákū ani ń durun̄nan̄o k̄ēm̄ma nà.

⁷⁸ Zaakū ó Luda s̄uru v̄i,

bonaa musu ani su ó gwa lán gud̄naa bà,

⁷⁹ de à gu pu gb̄ē k̄u ò kú gusira ḡūnn̄one

k̄u gb̄ē k̄u ò kú ga léin̄o,

de à ó gb̄á da aafia z̄én̄.

⁸⁰ Né p̄i z̄s̄k̄ k̄u, à ḡō k̄āgb̄ānade ũ. A kú gb̄árannan̄ ari ḡōr̄o k̄u à b̄ò

Isarailan̄one gupuraa.

2

Yesu Kirisi inaa

(Mat 1:18-25)

¹ Ḡōr̄o k̄ua Siza Oḡosutu b̄ò k̄u yāo, à p̄i ò a b̄usu gb̄ēn̄o n̄aro ń p̄inki.

² Naron̄a k̄áaku k̄u ò k̄ēn̄ gwe ḡōr̄o k̄u Kiriniu de Siria b̄usu gb̄ē z̄s̄k̄ ũ.

³ Gb̄ē s̄inda p̄inki ḡe a b̄e w̄ēten, de ò a t̄s̄ da takadan. ⁴ Yusufu s̄o, à b̄ò

Nazera, Galili b̀usun, à g̀e Dauda be lakutu Betilihamu, Yudea b̀usun, k̀u à de Dauda buri ũ yai. ⁵ À g̀e de ò a t̀s da takadan gwe k̀u a nɔkɔpamma Mariama k̀u à ǹsinaao, ⁶ ak̀u gɔɔ k̀u ò k̀u gwe, a ǹ'igɔɔ kà, ⁷ ak̀u à a ǹe dauduu ì. À biza fifia, à a ẁte p̀kãdenɔ p̀bbleɔn, k̀u odi gu le nibɔnɔ kipakiaro yai.

⁸ Sãdãrinɔn k̀u b̀usu dokɔnɔ p̀i g̀n, òten i s̀ente, òteni ǹ sãnɔ dãkpã gwãani. ⁹ Ak̀u Dikiri malaikaa b̀ò à s̀mma, Dikiri gakuri gupura k̀u à likaŋyĩ, ak̀u v̄ina ǹ k̀u manamana. ¹⁰ Malaikaa p̀i ònne: Ásun t̀o v̄ina á k̀uro, zaak̀u ma su mà baaru nna kpááreme, gb̄e s̄inda p̀inki p̀o ni ke nna manamana. ¹¹ Ò Surabarii iáre Dauda ẁeten gwãaniala, àk̀ume Arumasihu ũ Dikiri ũ. ¹² Sèeda k̀u ani t̀o à a d̀n dí: Áni ǹkpãnt̄e e ẁutena p̀kãdenɔ p̀bbleɔn g̀n, biza fifia. ¹³ Kãnto ludambe gb̄enɔn k̀u lele k̀u malaika p̀io dasidasi, òten Luda sáabu kpá ò p̀i:

¹⁴ Ò Luda t̀s sé lei zaa musu,
gb̄e k̀u ǹ yã k̀ene nnanɔ aafia le z̄ite.

¹⁵ K̀u malaikaa p̀inɔ g̀nla ò tà ludambe, ak̀u sãdãrinɔ òk̄ne ò p̀i: Ò gé Betilihamu, de ò yã k̀u à k̀e p̀i e, yã k̀u Dikiri t̀o o d̄. ¹⁶ Ak̀u ò f̀ute ò g̀e likalika, ò b̀ò Mariama k̀u Yusufuooa k̀u ǹkpãnt̄e p̀io ẁutena p̀kãdenɔ p̀bbleɔn g̀n. ¹⁷ K̀u ò a è, ò yã k̀u ò ònne ǹe p̀i musu ò. ¹⁸ Ak̀u yã k̀u sãdãrinɔ òo p̀i b̀ò gb̄e k̀u ò mànɔ sare ǹ p̀inki. ¹⁹ Mariama yã p̀i k̀una a ǹese g̀n p̀inki, àten laasun léa. ²⁰ Sãdãrinɔ era ò tà, òten Luda t̀s bo, òteni a sáabu kpá yã k̀u ò mà ak̀u ò è yai, zaak̀u à k̀e lãk̀u ò ònne nã.

T̀kpana Yesune

²¹ A gɔɔ sɔraak̄de z̄i ǹe t̀zɔgɔɔ kà, ak̀u ò t̀s kpàne Yesu, t̀s k̀u malaikaa ò zaade odi a ǹ síro.

Yesu m̀na Dikirine

²² K̀u ǹ gb̄abogɔɔ kà, ò a s̀e ò g̀e à m̀o Dikirine Yurusalemu lãk̀u Musa doka ò nã. ²³ Zaak̀u à k̀u Dikiri doka takadan ò p̀i, ò daudunɔ kpá Dikiria. ²⁴ Ò sa'opɔ k̀u ò dite Dikiri doka takadan kpá, ò p̀i pot̄ene m̀en pla ke lukulukune b̀ro m̀en pla.

²⁵ Gb̄eke k̀u Yurusalemu, a t̀n Simeɔ. Gb̄e maname, à Luda v̄ina v̄i, à wé d̀o Isarailanɔ surabanaai. Luda Nini k̀ua, ²⁶ ak̀u à p̀ine ani ga Dikiri gb̄e k̀u òdi pi Arumasihu enaa sariro. ²⁷ Luda Nini d̀one are, ak̀u à g̀e Luda onn. K̀u Mariama k̀u Yusufuo s̀u k̀u ǹ ǹe Yesuo yã k̀u ò dite doka takadan k̄ena yai, ²⁸ ak̀u Simeɔ a s̀i a ɔĩ, à Luda sáabu kpá ò p̀i:

²⁹ Ǹ mak̀u n z̀bleri gbare aafiaa g̀n sà
lãk̀u n òmene nã Dikiri,

³⁰ zaak̀u ma wé k̀e pla k̀u Surabari k̀u n diteo,

³¹ k̀u n a yã k̀e buri s̄inda p̀inki wára.

³² Aniḡs de gupura ũ de à gupura k̀u buri pãndenone,
à n gb̄e Isarailanɔ t̀s bo.

³³ Yã k̀u à ò ǹe p̀i musu b̀ò a de k̀u a daoo sare. ³⁴⁻³⁵ Simeɔ sa mana ònne,
ak̀u à ò ǹe p̀i da Mariamane à p̀i:

Àk̀u mé aniḡs de sèeda k̀u Isarailanɔ ni g̀i ũ,

p̀osira ni n swè z̄s lán f̄eneda bà.

Isaraila kenɔ ni kakate ǹ kenɔ ni bo aafia a gai,
ǹ ǹese g̀n yã ni bo gupuraa.

³⁶ Nɔgbē annabi ke kú gwe, a tón Ana, Fanueli né, Asa burime. Nɔgbē pì zī kù yúkuyuku. À zā kè kù a g̃ɔkɔpammao wè supplame, ³⁷ akù à g̃ɔ gyaano ũ ari wè basiik̃ awɛɛsiik̃. Àdi bo Luda ɔnnlo, àdig̃ do Ludai fānantē kù gwāanio kù léyīnao kù aduakenaao. ³⁸ Zī birea g̃ɔno à nànyī, à Luda sáabu kpà, àten né pì yā o gbē kù n wé dɔ Yurusalemu bonaainɔne n pínki.

Era tana Nazera

³⁹ Kù Yusufu kù Mariamao kè lākù à kù Dikiri doka takadan nà pínki ò làka, ò era ò tà n be wētea Nazera, Galili būsun. ⁴⁰ Né pì fùte à gbāna kù. ɔnd̃ m̃a, àdig̃ kù kù Luda arubarikaao.

Yesu gena Luda ɔnn a néfitikegɔɔɔ

⁴¹ Wè kù wèeo Yesu de kù a dao dì gé Vīnla dikpe ke Yurusalemume. ⁴² Kù Yesu kà wè kuri awɛɛpla, ò era ò gèe dikpe ke lākù òdi ke nà. ⁴³ Kù dikpe làka, òten tá, akù n né Yesu g̃ɔ Yurusalemu, ò a yā d̃ɔro. ⁴⁴ Ọten da à kù n gbēno téme. Kù ò taa ò gɔɔ do, akù òteni a wete n daneno kù n gbē d̃ɔnañ té. ⁴⁵ Kù odi a ero, ò era ò gèe a wete Yurusalemu. ⁴⁶ A gɔɔ aak̃de zī ò a è Luda ɔnn vutena yādannerino té, àten s̃a kpá n yāa, àten yā lalar̃ma. ⁴⁷ A yā d̃ɔna kù a yāwemmanaao bò gbē kù òteni a yā mañ sare n pínki. ⁴⁸ Kù a de kù a dao a è, à b̃ò n sare, akù a da p̃ine: B̃yāi n kèwɛɛ l̃e? N de kù mak̃o, ó bídi kè n wetena yāi. ⁴⁹ À wèmma à pì: À kè dera át̃eni n wetee? Á d̃ɔ kù à kù mà a De bok̃ote kenloo? ⁵⁰ Ama odi yā kù à ònne p̃i d̃ɔro d̃ɔro.

⁵¹ Yesu era à tà kúnwo Nazera, à n yā mà. A da yā p̃ino kùna a ñese g̃un pínki. ⁵² Yesu z̃k̃ kù, a ɔnd̃ kàra, à nna kù Ludao kù bisāsirino.

3

Yahaya Da'itekeri waazikenaa

(*Mat 3:1-17, Maa 1:1-11, Yuh 1:19-28*)

¹ Siza Tiberia kíblena wè g̃ero de g̃un P̃ontiu Pilati mé à Yudea b̃usu gbē z̃k̃ ũ, Her̃du ten kí ble Galili, a ṽni Filipi ten kí ble Iturea b̃usun kù Tarak̃niti b̃usuu, Lisania s̃s̃ àten kí ble Abilene b̃usun. ² Anasa kù Kayafaome sa'orikino ũ. G̃ɔro kùda Luda yā ò Zakari né Yahayane gbárannan. ³ Akù à fùte àten kure Yoda bara dire kù bara laooi pínki, àten waazi ke gbēno. À ònne ò n ñese lite ò da'ite ke, Luda ni n durunnano k̃m̃ma. ⁴ Lākù à kù annabi Isaya takada g̃un nà à pì:

À baarukparii k̃oto ma d̃o gbárannan,

àten pi à zé keke Dikirine,

à zé térereno porone súsu.

⁵ Guvute pínki ni tata,

kpino kù s̃s̃ino ni date pínki.

Zé kotinano ni poro súsu,

zé wókūwokūno ni kpákūsū,

⁶ gbē s̃inda pínki ni e lākù Luda dì n sura ba nà.

⁷ Gbēno dig̃ su a k̃inaa dasi ò da'ite ke, akù àdi ònne: Bisāsiri pitikoñ! De mé à lé dàáwa à bàa sí p̃of̃e kù Luda ni kipaṃmanee? ⁸ À ñeselitena yā ke, onig̃ d̃ɔ kù a lite. Kù Ibrahim̃ de á dizi ũ, àsung̃ da kù abirek̃ú mé ani á boro. Maten oáre, Luda ni f̃s̃ à gbè díno ke Ibrahim̃ burino ũ. ⁹ Kpása ditena líno k̃. Lí kù àdi né mana iro, Luda ni z̃s̃ à zu té g̃un.

10 Gbēnɔ a là ò pì: Tó lɛmɛ, óni kɛ deraa? 11 À wèrɛmma à pì: Gbē kù à uta vī mèn pla, à a do kpá gbē kù à vīroa. Gbē kù à pòble vī, à kɛ lɛ dɔ. 12 Bɛ'ɔgɔsirinɔ sù da'itɛ kɛ, akū ò a là ò pì: Danneri, óni kɛ deraa? 13 À wèrɛmma à pì: Ásun bɛ'ɔgɔ sírɛmma de lákū ò dítɛ nàlaro. 14 Sozanɔ a là: Ókɔnɔ sɔ, óni kɛ deraa? À òrɛnɛ: Ásun gbāna mɔ gbēnɔnɛ à n blero. À zɛ kù fīna kù òdi boárɛo.

15 Gbēnɔ wédɔina tɛn kara. Baadi pínki tɛn laasun lé a nɛsɛɛ gūn Yahaya yāa, tó àkūmɛ Arumasihu ũ. 16 Yahaya òrɛnɛ n pínki à pì: Madi á da'itɛ kɛ kù íomɛ. Ama gbēke ni su a gbāna demala, mádi ká mà a kyate bobonero. Àkū mé ani á da'itɛ kɛ kù Luda Ninio kù téo. 17 À gbaka kùna kù ani pò fáo. Ani pòblewɛ ká a dɔn, ani a sàko ká té kù àdi garo gūn. 18 Yahaya baaru nna kpannɛnaa gūn, à nàkarańma kù yā pāndenɔo dasi. 19 Akū à yā kpàkɛ kína Herɔdui a vīni nanɔ Herɔdia yā musu kù yā vāni pānde kù à kɛnɔ pínki, 20 akū Herɔdu ɛra à yā vāni kè dɔ, à Yahaya dà kpésiran.

Yesu da'itekɛnaa

(Mat 3:13-17, Maa 1:9-11)

21 Kù Yahaya tɛn gbēnɔ da'itɛ kɛ n pínki, à Yesu da'itɛ kè se. Gɔrɔ kù Yesu tɛn adua kɛ, ludambɛ wèkɔa, 22 akū Luda Nini sùà à de lán potɛnɛ bà. Akū à kòto ke mà bona ludambɛ à pì: Mɔkɔn ma Né mèn do légelege yenyíde ũ, kù ma pɔ nnamma manamana.

Yesu buri bozirɛ

(Mat 1:1-17)

23 Gɔrɔ kù Yesu nà a zīa, à kà wè baraaakuri taka. Òtɛn da Yusufu né'inaamɛ.

Yusufu sɔ Eli néme,

24 Eli sɔ Matata néme,

Matata sɔ Levi néme,

Levi sɔ Meleki néme,

Meleki sɔ Yanai néme,

25 Yanai sɔ Yusufu néme,

Yusufu sɔ Matatia néme,

Matatia sɔ Amɔsi néme,

Amɔsi sɔ Naumu néme,

Naumu sɔ Eseli néme,

Eseli sɔ Nagai néme,

26 Nagai sɔ Maata néme,

Maata sɔ Matatia néme,

Matatia sɔ Sɛmɛi néme,

Sɛmɛi sɔ Yoseki néme,

Yoseki sɔ Yoda néme,

Yoda sɔ Yoanana néme,

27 Yoanana sɔ Resa néme,

Resa sɔ Zerubabeli néme,

Zerubabeli sɔ Sealatieli néme,

Sealatieli sɔ Neri néme,

Neri sɔ Meleki néme,

28 Meleki sɔ Adi néme,

Adi sɔ Kosamu néme,

Kosamu sɔ Elɛmadamu néme,

Elɛmadamu sɔ Ɛɛ néme,

Ɛɛ sɔ Yɔsua néme,

29 Yɔsua sɔ̃ Eliɛza néme,
 Eliɛza sɔ̃ Yorimu néme,
 Yorimu sɔ̃ Matata néme,
 Matata sɔ̃ Levi néme,
 Levi sɔ̃ Simɛɔ néme,
 30 Simɛɔ sɔ̃ Yuda néme,
 Yuda sɔ̃ Yusufu néme,
 Yusufu sɔ̃ Yonamu néme,
 Yonamu sɔ̃ Eliakimu néme,
 Eliakimu sɔ̃ Meleá néme,
 31 Meleá sɔ̃ Mena néme,
 Mena sɔ̃ Matata néme,
 Matata sɔ̃ Natá néme,
 Natá sɔ̃ Dauda néme,
 Dauda sɔ̃ Yese néme,
 32 Yese sɔ̃ Ɔbedi néme,
 Ɔbedi sɔ̃ Bɔaza néme,
 Bɔaza sɔ̃ Salamɔ néme,
 Salamɔ sɔ̃ Nasɔ néme,
 Nasɔ sɔ̃ Aminadabu néme,
 33 Aminadabu sɔ̃ Ramu néme,
 Ramu sɔ̃ Ezerɔnu néme,
 Ezerɔnu sɔ̃ Perɛzi néme,
 Perɛzi sɔ̃ Yuda néme,
 Yuda sɔ̃ Yakubu néme,
 34 Yakubu sɔ̃ Isaaku néme,
 Isaaku sɔ̃ Ibrahĩ néme,
 Ibrahĩ sɔ̃ Tera néme,
 Tera sɔ̃ Nao néme,
 Nao sɔ̃ Serugu néme,
 35 Serugu sɔ̃ Rɛu néme,
 Rɛu sɔ̃ Pelegi néme,
 Pelegi sɔ̃ Eberu néme,
 Eberu sɔ̃ Sela néme,
 Sela sɔ̃ Kaina néme,
 36 Kaina sɔ̃ Apasada néme,
 Apasada sɔ̃ Semu néme,
 Semu sɔ̃ Nuhu néme,
 Nuhu sɔ̃ Lamɛki néme,
 Lamɛki sɔ̃ Metusela néme,
 37 Metusela sɔ̃ Enɔku néme,
 Enɔku sɔ̃ Yarɛdi néme,
 Yarɛdi sɔ̃ Malalɛli néme,
 Malalɛli sɔ̃ Kenana néme,
 Kenana sɔ̃ Enɔsu néme,
 38 Enɔsu sɔ̃ Seti néme,
 Seti sɔ̃ Adamu néme,
 Adamu sɔ̃ Luda néme.

4

Yesu yɔgwanaa

(Mat 4:1-11, Maa 1:12-13)

¹ Yesu bò Yoda àten su kù Luda Ninio pɛkɛrena, akù Nini pìi gèe kãao gbárannan. ² Ibilisi a yɔ̃ à gwà gwe ari gɔɔ bupla. Gɔɔ kùà adi póke blero.

Kū gɔɔ bupla pìi pàpa, nà teni a de. ³ Akū Ibilisi pìne: Tó Luda Nème n ũ, ñ pi gbè dí li burodi ũ. ⁴ Yesu wèa à pì: À kú Luda yān ò pì: Póblen bisāsiri diḡ kúo adoro.

⁵ Akū Ibilisi gèe káao musu, akū à andunia kpatanɔ m̀ne pínki a zeki gbèn g̀nɔ ⁶ à pì: Mani n gba abirenɔ iko pínki kú a gakurio, zaakū à kú ma oĩme, gbè kú má yei mani kpáa. ⁷ Tó n kute ma are dé, ani ḡ n pó ũme pínki.

⁸ Yesu wèa à pì: Ò kè ò pì, ñ donyĩ ke Dikiri n Ludane ñḡ doi ado.

⁹ Akū Ibilisi gèe káao Yurusalemu, à a zè Luda kpé mis̄ntea à pì: Tó Luda Nème n ũ, ñ ɔ gbarɛ n zĩdai la, ¹⁰ zaakū ò kè Luda yān ò pì: Ani n yā o a malaikanɔne ò n dākpā.

¹¹ Ò pì dɔ:

Oni n sé n ɔĩ, de ñsun gè sí gbèearo yāi.

¹² Yesu wèa à pì: Ò pì, ñsun Dikiri n Luda lé ñ gwaro.

¹³ Kū Ibilisi Yesu yò à gwà kú yā pínkiò à làka, akū à a tòn ari zĩkea dɔ.

*Yesu nana a zīia Galili
(Mat 4:12-17, Maa 1:14-15)*

¹⁴ Yesu èra à tà Galili kú Luda Nini gbānao, akū a tó dà bùsuu pila pínki.

¹⁵ Àdi yā dañne n aduakekpenɔ gūn, baadi pínki di a sáabu kpá.

*Nazeradenɔ gina Yesui
(Mat 13:53-58, Maa 6:1-6)*

¹⁶ Akū à gèe Nazera, gu kú à né blèn. Kámmabogɔɔ zĩ à gèe aduakekpen lākú àdi ke nà. À fùte à zè de à kyó ke, ¹⁷ akū ò annabi Isaya takada kpáa. Kú à pòro, à bò gu kú ò yā dí kēnwa ò pì:

¹⁸ Dikiri Nini kúma,

à ma dite mà baaru nna kpá takasidenɔne,

à ma zĩ mà ḡnzĩdane kpàkpa ke

gbè kú ò n zĩda vironɔne,

mà wéwēnaa kpàkpa ke vīnanɔne,

mà gbè kú ò yīnanɔ poro,

¹⁹ mà Dikiri gbèkekennegɔɔ kpàkpa ke.

²⁰ Akū à takada pii kòko à kpá kpanyĩriia, à vùte. Gbè kú ò kú kpé ḡnnɔ wé fia n pínki. ²¹ Akū à nà yā'onnenaanaa à pì: Luda yā dí pàpa gbāra lākú áten ma nà. ²² Yā mana kú à da a lén bò n sare n pínki, òteni a tó nna sí ò pì: Yusufu nén díroo?

²³ Akū à pìinne: Má d̄s s̄ans̄an kú áni yáasi dí zumene. Tó m̄ok̄omme likita ũ, ñ n zĩda were. Áni omene mà yā kú a mà ma kè zaa Kapenamú ke ma be wēte gūn la dɔ. ²⁴ Yāpuran maten oáre, annabii diḡ bèere vī a be wēte gūnlo. ²⁵ Maten oáre yāpura, kú ludambe zé tà Iliasu gɔɔ, gyaanɔnɔn dasi. Legū dí maro ari wè aak̄ kú m̄o suddoo, akū nà z̄ok̄ɔ gè Isarailanɔ bùsun pínki, ²⁶ ama Luda dí Iliasu zĩ n gbèkearo, sé gyaanɔ kú à kú Zarefa, Sid̄s sare. ²⁷ Annabi Elisa gɔɔ s̄o, Isarailanɔ bùsun kusunɔn dimme, ama adi n gbèke werek̄aro, sé Siria bùsu gbè Naama.

²⁸ Kū gbè kú ò kú aduakekpe ḡnnɔ yā pìi mà, n pɔ f̄e manamana n pínki.

²⁹ Akū ò bò kú Yesuo wēte kpe, ò gèe káao s̄is̄i kú n wēte kátea mis̄ntea, de ò ɔ s̄is̄i à léte à sín yāi. ³⁰ Akū à bò n té à tà.

*Yesu tánade werek̄ana Kapenamú
(Mat 8:14-17, Maa 1:21-39)*

³¹ Yesu tà Kapenamu, Galili bùsun, akū àten yā daíne kámmabogɔɔ zĩ. ³² A yādannena bò n sare, zaakū a yā iko vī. ³³ Gōgbē tãnade ke kú aduakekpen gwe, akū à wiki gbāna lè à pì: ³⁴ É'e! Bón ó vī kō ɔ̄ii, Yesu Nazera? N su n ó kakaten yá? Má dō gbē kū n de a ũ, mōkōmme Luda gbē kū à kú adona ũ. ³⁵ Akū Yesu gĩ tãna piine à pì: N̄ yīte! N̄ go gōgbē piia. Akū tãna pì gōgbē pìi pãte gbēno té, à gòda, adi a kīnaro. ³⁶ Gbēno bídi kè n pínki, òten kō lala: Bó taka buri yān gwee? Àdi yā dite tãnanone kú iko gbānao, akū òdi gomma. ³⁷ Akū a tō dà bùsuu pila pínki.

Gyārenɔ werekōana dasidasi

(Mat 8:14-17, Maa 1:29-34)

³⁸ Kū à bō aduakekpen, akū à tà Simɔ bea. Simɔ nanɔ da ten mēwāna ke manamana, akū ò a yā òne. ³⁹ Yesu zèala à gĩ mēwāna piine, akū a mēe kè sãna. Zaa gwe gōno à fũte à pòble kēíne.

⁴⁰ Kū ifántē gē kpén, gbē kū ò gyāre vīno sù kūnwo Yesune, akū à ɔ nana n̄ baadia, à n̄ werekōa kū n̄ gyā buri sīnda pínki. ⁴¹ Tãnanɔ sō òten bo gbēno gūn kú wikio dasi ò pì: Mōkōmme Luda Né ũ. Ama àdi gííne ò yā o, kú ò a dō Arumasihu ũ yāi.

Yesu waazikēna Galili

(Maa 1:35-39)

⁴² Gukékōana Yesu bō wēte gūn, à gēe gusare, akū gbēno teni a wete. Kū ò bōa, ò ye à n̄ tóro. ⁴³ Akū à piinne: Sé mà kpata kú à bō Luda Kīnaa baaru kpá wēte kparanone dō, zaakū abire yāin Luda ma zĩ. ⁴⁴ Akū à gēe àten waazi ke Yudea bùsu aduakekpeno gūn.

5

Yesu ìba káakunɔ sisinaa

(Mat 4:18-22, Maa 1:16-20)

¹ Zīkea Yesu zena Genesareti sèbeɛ bara, akū gbēno kàkarai dasi de ò Luda yā ma yāi, òten nakaraa. ² Akū à gó'ite è katena bara mèn pla, sɔɔkɔno bōten òteni n̄ táarunɔ pípi. ³ Akū à gē gó pino do gūn kú à de Simɔ pò ũ, à wé kèa à a yīpa fiti, à go baraa fiti. Akū à wũte gó pìi gūn, à yā dà gbēnone.

⁴ Kū à yā ò à làka, akū à pì Simone: N̄ gé kú góo í lòkoto kpa, à birigi fā á kpò kú. ⁵ Simɔ wèa à pì: Danneri, o zĩ kè ari gu gēe à dōo, ódi pòke kuro, ama lákū n ò nà, mani fā. ⁶ Kū ò kè le, ò kpò kàkara yōnkoyōnkò ari n̄ biriginɔ ye ò kēkē. ⁷ Akū ò ɔ kè yáku n̄ gbēdake kú ò kú gó pì do gūnnone, ò su ò kpányī. Kū ò sù, ò kpò kà gó mèn pla pino pà ari ò ye ò kpáte. ⁸ Kū Simɔ Pita è le, à kũte Yesu gbá sare à pì: N̄ go ma sare Dikiri, zaakū durunnakerin ma ũ. ⁹ Simɔ bídi kè kú gbē kú ò kú leeleno n̄ pínki kpò dasi kú ò kũu pì yāi. ¹⁰ Leme dō Yamisi kú Yuhanao, Zebedi né kú ò de kō gbēnna ũ kú Simɔ bídi kè se. Akū Yesu pì Simone: N̄sun tó vīna n kũro. Zaa gbāra bisāsirin ìnigō wete. ¹¹ Kū ò kà kú n̄ góo bara, akū ò pò sīnda pínki tòn ò tèi.

Kusu werekōanaa

(Mat 8:1-4, Maa 1:40-45)

¹² Zīkea Yesu kú wēte ke gūn, akū gōgbē kú kusu dàala sù. Kū à Yesu è, à wũte a kùaa, à wé kèa à pì: Dikiri, tó n̄ yei, ìni fō n̄ ma werekōa swáswa. ¹³ Akū Yesu ɔ bō à nàa à pì: Má yei, n̄ gō swáswa. Zaa gwe gōno a kusu làka.

14 Akū Yesu pìne: Ñsun o gbēke maro. Ñ gé ñ n zīda mɔ sa'oriine, ñ sa'opɔ kū Musa dīte kpá n werekɔana sèeda ũ gbēnɔne.

15 Yesu baaruu dàgula de yāla. Gbēnɔ digɔ kakara dasi ò a yā ma, de à ñ werekɔa kū ñ gyānɔ dɔ. 16 Akū Yesu digɔ bo ñ té àgɔ gé adua ke gusare.

Kɔnde werekɔanaa
(Mat 9:1-8, Maa 2:1-12)

17 Zīkea Yesu ten yā dañne. Farisi kenɔ kū ludayādanneri kenɔ vutena gwe. Ò bò Galili kū Yudea wētenɔ gūn pínki kū Yurusalemuo. Luda gbāna kú kāao, akū àten gyārenɔ werekɔa. 18 Akū gbēkenɔ sù, ò kɔnde sena kū wútebɔɔ, òten zé wete ò gē kāao ò a dīte Yesu are. 19 Kū odi gēki ero pari yāi, akū ò didi kāao kpé musu, ò kpé fɔ, akū ò a kipa kū a wútebɔɔ zàa gūn Yesu are. 20 Kū Yesu è ò a náani vī, à pì: Ma gbē, n durunnanɔ kèmma. 21 Ludayādannerinɔ kū Farisi pìnɔ ò ñ nèsɛe gūn: Dín gbē kū àten dɔke kū Ludao dí ũu? Dí mé ani fɔ à durunna kēm̄ma, tó adi ke Luda ado baasiroo? 22 Yesu ñ laasun dɔ, akū à ñ lá à pì: Bóyāi áten laasun bire taka lé á nèsɛe gūnn? 23 Tó ma pì a durunnanɔ kèa, ke tó ma pì à fute à táa o, a kpaté mé à aragaa? 24 Ma ò le de àgɔ dɔ kú Bisásiri Né durunnakēm̄mana iko vī zīte lame. Akū à pì kɔnde pìne: Ma ònne, ñ fute ñ n wútebɔ sé ñ tá be. 25 Gwe gɔnɔ à fute à zè ñ wára, à a wútebɔɔ pì sè à tà be, àten Luda sáabu kpá. 26 Gbē sīnda pínki lé àte, akū ò Luda tó bò. Vīna gūn ò pì: O daboyā è gbāra.

Levi sisinaa
(Mat 9:9-13, Maa 2:13-17)

27 Abire gbera Yesu bò, akū à be'ogɔsiri kū òdi pinɛ Levi è vutena a be'ogɔsikin. À pìne: Ñ mɔ ñ témai. 28 Akū à fute, à pɔ sīnda pínki tòn à tēi.

29 Akū à pɔble zɔkɔ kè a bea à Yesu sisia, be'ogɔsirinɔ kū gbē pāndenɔ ten pɔble kúnwo dasi. 30 Akū Farisinɔ kū ñ ludayādannerinɔ yáketé kà a ìbanɔi ò pì: Bóyāi áten pɔble, áten í mi kú be'ogɔsirinɔ kú kifirinɔoo? 31 Akū Yesu wèr̄ma à pì: Gbē kú à aafia vī bàka kú kú likita yāoro, sé gyāre. 32 Mádi su gbē mananɔ sísí ò ñ nèsɛe litero, sé kifirinɔ.

Léyīna yā
(Mat 9:14-17, Maa 2:18-22)

33 Akū ò pìne: Yahaya ìbanɔ digɔ lé yī, ògɔ adua ke baala'i. Lemɛ kú Farisi ìbanɔ dɔ. Ama n gbēnɔ digɔ pɔble òdigɔ í mi. 34 Akū Yesu wèr̄ma à pì: Áni fɔ à pi nɔseri gbēnɔ lé yī gɔrɔ kú à kú kúnwo yá? 35 A gɔrɔ ni su kú oni nɔserii pì bo ñ té. Zī pìian oni lé yī sà. 36 Yesu yā lèkɔañne dɔ à pì: Gbēke dì uta dufu li ò dì a zīlaro. Tó ò kè le, uta dufu ni yakamɛ, a zī ni kɔ sé kú uta dufu nambataoro. 37 Òdi sèwē dufu ká tūru zī gūnlo. Tó ò kè le, wē dufu pì ni tūru pūtámɛ, ani kóte, tūru ni yaka. 38 Oi, òdi sèwē dufu ká tūru dufu gūmmɛ. 39 Gbē kú à kɔ dɔ kú wē zī minaa ò a dufu sáabu kpáro, àdi pi a zī mé à nna.

6

Kámmabogɔrɔ yā
(Mat 12:1-14, Maa 2:23-3:6)

1 Kámmabogɔrɔ zī kea Yesu ten pā buranɔla, akū a ìbanɔ pɔblewe wòro ò sùkà ñ on, òten só. 2 Akū Farisi kenɔ pìinne: Bóyāi áten yā kú à de òdi ke kámmabogɔrɔ zīro kee? 3 Yesu wèr̄ma à pì: Ádi a kyó ke a è lākū Dauda kú

a gbēnɔ kè nà ɔɔɔ kũ nà teni n̄ deroo? ⁴ À gè Luda ɔnn, à burodi kũ ò kàte Ludanɛ sè à sò, à kpà a gbēnɔa, burodi kũ gbēke a sona zé vīro, sé sa'orinɔ. ⁵ Akũ Yesu piinne: Bisāsiri Né mé à iko vī kámmabogɔɔa.

⁶ Kámmabogɔɔa pānde zī dɔ Yesu gè aduakekpen, àten yā dañne. Gōgbē ke kú gwe, a ɔpla ibana. ⁷ Ludayādannerinɔ kũ Farisinɔ ten Yesu tàasi ká, tó ani a werekōa kámmabogɔɔa zī, de ò yā le ò dia. ⁸ À n̄ laasun d̄s̄, akũ à pì gbē kũ a ɔ ibanaa piine: Ñ fute n̄ ze zàa gūn. Kũ à fute à zè gwe, ⁹ akũ Yesu piinne: Mateni á lámɛ. À zé vī ò yā mana ke kámmabogɔɔa zī yá, ke a vāni? Ò gbē mì sín yá, ke ò a demɛ? ¹⁰ Yesu n̄ gwá à líkañyī, akũ à pì gōgbē piine: Ñ n̄ ɔ pìi poro. Kũ à pòro, akũ a ɔ kè a gbèn. ¹¹ Farisinɔ pɔ fē manamana, akũ ò lé kpàkūsū Yesui, deran oni kene nà.

Zìri gbēnɔn kuri awɛɛplanɔ ditenaa
(Mat 10:1-4, Maa 3:13-19)

¹² ɔɔɔ birea Yesu bò à gèe adua ke s̄s̄igereɛi, akũ à wé kè Ludaa gwāani ari gu gèe dɔo. ¹³ Kũ gu dɔ, akũ à a ìbanɔ s̄s̄iai, à gbēnɔn kuri awɛɛplanɔ bò n̄ té, à n̄ díte z̄irinɔ ũ. ¹⁴ Gbē pìnɔ tón dí: Simɔ kũ à tó kpàne Pita, a dakūna Anduru, Yamisi, Yuhana, Filipi, Batɔɔmiu, ¹⁵ Matiu, Tomasi, Alafeu né Yamisi, Simɔ kũ òdi pine Kokaride, ¹⁶ Yamisi né Yudasi kũ Yudasi Isikariotĩ kũ à ḡs̄ bonkpɛde ũo.

Yesu yadannɛna Galili
(Mat 4:23-25)

¹⁷ Yesu kipa kúnwo, à zè gusaraa, gu kũ a ìba kparanɔ kũ gbē pario kún. Ò bò Yurusalemu kũ Yudea bùsuuo pínki kũ ísirale wēte kũ ò kú Taya kũ Sid̄o sareno. ¹⁸ Ò sù a yā ma, de à n̄ werekōa kũ n̄ gyāno dɔ. Gbē kũ tāna ten wari d̄m̄manɔ aafiaa lè dɔ. ¹⁹ Gbē s̄inda pínki ten wete à ɔ naa, zaakũ gbāna ten bo a gūn, àten gbē s̄inda pínki werekōame.

Arubarikadenɔme Yesu ìbanɔ ũ
(Mat 5:1-12)

²⁰ Akũ à wé sè à a ìbanɔ gwà à pì: Arubarikadenɔme ák̄nɔ takasidenɔ ũ, zaakũ kpata kũ à bò Luda kīnaa de á pó ũ. ²¹ Arubarikadenɔme ák̄nɔ kũ nà teni á de teranɔ ũ, zaakũ áni ká. Arubarikadenɔme ák̄nɔ kũ áten ɔɔ dɔ teranɔ ũ, zaakũ áni yáa dɔ. ²² Arubarikadenɔme á ũ, tó ò z̄áagu, tó ò giái, tó ò á s̄s̄s̄, tó ò á tó vāni sisi Bisāsiri Né yāi. ²³ ɔɔɔ kũ yā birenɔ á lé, à ponna ke à vīvī kũ ponnao, zaakũ á láada z̄k̄s̄ ludambe. Len n̄ dizinɔ kè annabinɔne le.

²⁴ Waiyoo ák̄nɔ ɔɔdenɔ, a gīnake a á mēnnamanaa è kò. ²⁵ Waiyoo ák̄nɔ kũ á kána teranɔ, nà ni á de. Waiyoo ák̄nɔ kũ áten yáa dɔ teranɔ, áni wēnda ke à ɔɔ dɔ. ²⁶ Waiyoo ák̄nɔ, tó gbē s̄inda pínki teni á tó nna sí,

zaakū len n̄ dizinō kè annabi ékedenōne le.

Yena ibereei
(Mat 5:38-48)

²⁷ Maten o ákōnō kū áteni ma yā manōne, àgō ye á iberenoi, à a mana ke gbē kū ò zàágunōne. ²⁸ À sa mana o gbē kū òdi sa vāni oárenōne. À adua ke gbē kū òdi wari dōáwanōne. ²⁹ Tó gbē n sán kè n gasu doa, n̄ a do dōne dō. Tó gbē n uta zōkō sìmma, ñsun gíne kū n utaneoro. ³⁰ Tó gbē pō wé kèmma, n̄ kpáa. Tó gbē n pō sìmma, ñsun gbekaaro. ³¹ À ke gbēnōne lākū á ye ò kéáre nà. ³² Tó gbē kū ò yeáinōn á yeíyí, bō sáabun à víáree? Bee kifirinō digō ye gbē kū ò yeíyĩnoi se. ³³ Tó gbē kū òdi a mana kéárenōn adi a mana kéíne, bō sáabun à víáree? Bee kifirinō di ke le se. ³⁴ Tó gbē kū á wé dō à pō lemmanōn adi pō sākāíne, bō sáabun à víáree? Zaakū kifirinō di pō sākākōne, de ò le ò a gēne sí yāime. ³⁵ Àgō ye á iberenoi, à a mana kéíne. À pō sākāíne wédoisari, áni láada zōkō le, áni gō de Luda Musude nēnō ũ, zaakū àdi a mana ke guturunōne kū gbē vāninō. ³⁶ Àgō wēnda ví lākū á De wēnda ví nà.

Kō taari'ena
(Mat 7:1-6)

³⁷ Ásun gbē taari ero, Luda ni á taari e sero. Ásun yā vute gbēaro, Luda ni yā vuteáwaro. À sùru ke kū gbēnō, Luda ni sùru ke kááo. ³⁸ À gbē gba pō, Luda ni á gba. Ani zaka mana kū à gbēgbē à wē à pà yéree kááre á uta lén. Zaakū zaka kū ndi yōónne Luda ni yōonne se.

³⁹ Akū à yā lèkōáíne à pì: Vīna ni fō à gò kū vīnaane yá? N̄ pla n̄ pínki ni si wēenloo? ⁴⁰ Ìbaa digō de a dannerilaro. Gbē kū à yā dàda papana de lán a dannerii bàme. ⁴¹ Bóyái nten sèburu kū à da n gbēdake wén e, akūsō nídi lí kū à da n wén yā daroo? ⁴² Mòkōn kū nídi límukutu kū à da n wén ero, ñni ke dera n̄ o n gbēdakenē, à tó n̄ sèburu kū à da n wén bonēe? Manafikide! Ñ límukutu kū à da n wén bo gĩa, gbasa n̄ gu e swáswa, de n̄ le n̄ sèburu kū à kú n gbēdake wén bonē.

Gbē dōna a yākenaa
(Mat 7:16-20, 12:33-36)

⁴³ Lí mana di né vāni iro, lí vāni di né mana iro. ⁴⁴ Òdi lí sīnda pínki dō a néame. Òdi kaka bo lè líaro, òdi geepi le lèkaraaro. ⁴⁵ Gbē mana di a mana bo a mana kū à katena a gūmmē. Gbē vāni sō àdi a vāni bo a vāni kū à katena a gūmmē. Zaakū yā kū à kō swēe gūnn lé di o.

Kpébori gbēnōn planō
(Mat 7:24-27)

⁴⁶ Bó yā mé à tò adigō ma sísi Dikiri, Dikiri, akū adi yā kū ma ò keeroo? ⁴⁷ Gbē kū à sù ma kínaa, à ma yā mà akū à zī kèa, maní mōáre lākū ade de nà. ⁴⁸ À de lán ēbori kū à wēe yō zāzā, à ē pète gbēea bàme. Kū swa pà, í dàgula à kà kpé pìi, adi yīgāro, kū ò bō mana yāi. ⁴⁹ Gbē kū à ma yā mà akūsō adi zī kearo de lán ēbori kū à ē pète zíte pā wēeyōnaa sari bàme. Kū swa'í kài, akū à kòte bitim gōnō. Kpé pìi yakanaa kè zōkō.

7

Sozanō gbē zōkō zīkeri werekōanaa
(Mat 8:5-13)

¹ Kū Yesu yā bireno ò gbēnɔne pínki à làka, akū à gèe Kapenamú. ² Romu sozano gbē zókò ke kú gwe, à zíkèri vī à yei manamana, akū àten gyā ke à kà gana. ³ Kū gbē zókò pi Yesu baaruu mà, à Yuda gbē zókò zīa ò wé kea à su à a zíkèrii pìi mì sí. ⁴ Kū ò kà Yesu kīnaa, ò wé kèa gbāngbān ò pì: Gbē pìi kà ò kpái. ⁵ À ye ó burii, àkū mé à aduakεkpe d̀̀wεε. ⁶ Akū Yesu gèe kū̀nwo. Kū à kà kāni kū a beo, akū gbē zókò pì a gbēnnano zī ò yā dí one: Dikiri, òsun wari d̀̀o n zīdaaro, mádi ká kú ò gē ma bearo. ⁷ A yā mé à tò ma dìte kū mádi ká mà su n kīnaa ma zīdaro. Ñ yā o, ma zíkèri ni werekōa. ⁸ Zaakū makū se ò iko vīmame, má iko vī sozanoa. Madì o ò gbē done à gé, akū àdi gé. Madì o a pādenε à mó, akū àdi su. Madì o ma zíkèriine à adikū ke, àdi ke. ⁹ Kū Yesu yā pìi mà, à bò a sare. Akū à lite à pì gbē kú ò téainɔne: Maten oáre, mádi e gbēke ma náani kè le bee Isarailano téro. ¹⁰ Kū zīrii pino era ò sù, ò è zíkèrii pìi wèrekōa.

Gyaano né mèn do légelege vuna gan

¹¹ Abire gbera Yesu gèe wēte kū òdi pi Naini gūn. A ibano kū gbē pādeno gèe kāao dasidasi. ¹² Kū à kà kāni kū wēte pi bīnileo, à è ò gè sena òten boo. Gyaano né mèn do légelegeme. Wētepidenɔn kú kú nɔgbē pìio dasi. ¹³ Kū Dikiri a è, akū à kènε wēnda, à pìne: Ñsun óo d̀̀oro. ¹⁴ Akū à nà gèe pìii, à o nà à àkpatia. Kū gbē kú ò senano zè, akū à pì: Kefenna, ma ònne ò vu! ¹⁵ Akū gèe pìi vùte à nà y'onaaa. Akū Yesu a kpà a daa. ¹⁶ Vīna gbēno kú ò pínki, ò Luda sáabu kpà ò pì: O annabi zókò è ó té. Ò pì d̀̀o: Luda sù a gbēno gwa. ¹⁷ Akū Yesu baaruu dà Yudea b̀̀sula kú b̀̀su kú ò likaino pínki.

Yahaya Da'itekeri zīrinɔ
(Mat 11:1-19)

¹⁸ Yahaya ibano yā pino b̀̀bane pínki. Akū Yahaya ò gbēnɔn plano sisi, ¹⁹ à ò zī Dikiria, ò a la, àkūme gbē kú ani su ò yā, ke ògō wé d̀̀o gbē pāndeime? ²⁰ Kū gbē pino kà Yesu kīnaa, ò pìne: Yahaya Da'itekeri mé à ò zī ò n la, m̀̀kōmmε gbē kú ani su ò yā, ke ògō wé d̀̀o gbē pāndeime? ²¹ Zaa gwe g̀̀no Yesu gbēno wèrekōa dasi kú ò gyāno kú ò wāwāno kú ò tānano. À tò vīnano gu è dasi d̀̀o. ²² Akū à pì Yahaya zīrinɔne: À gé à yā kú a è, akūsō a m̀̀no gbāne. À one vīnano ten gu e, εrenɔ ten taa o, kusuno ten werekōa, sátono ten yā ma, g̀̀no ten vu, takasidenɔ ten baaru nna waazi ma. ²³ Arubarikaden gbē kú àdi fu ma yāaro ù.

²⁴ Kū Yahaya zīrinɔ tà, Yesu Yahaya yā ò parine à pì: Bón a gε gwa gbárannan? Kapa kú òa ten yīgān yá? ²⁵ Bón a gε gwa sàa? Gbē kú à pókasa zāre danan yá? Nnamari kú òdi pókasa mana danɔ digō kú kīnabeame. ²⁶ Bón a gε gwa sàa? Annabiin yá? Lemε! Maten oáre à de annabila se. ²⁷ Zaakū Yahayan ò a yā kè Luda yān ò pì:

Mani ma zīri gbare n ā
à zé kekenne.

²⁸ Maten oáre, nɔgbē né'inaa gūn gbēke dí ká Yahaya ūro. Bee kú abireo gbē kú à de gbē kpede ū kpata kú à bò Luda kīnaa gūn deala.

²⁹ Kū gbē sinda pínki a yā mà, ari kú be'og̀̀sirinɔ sé, ò yā nna kpà Ludaa, zaakū Yahaya ò da'ite kè. ³⁰ Farisinɔ kú ludayádannerinɔ sō, ò g̀̀i yā kú Luda dìte à keñei, akū odi we kú Yahaya ò da'ite kèro.

³¹ Yesu pì: Bón mani gbāragbēno kpākūsūoo? Bón ò b̀̀kōaoo? ³² Ò de lán né kú ò kú εte gūn, òten lé zukōino bà òten pi:

O úra pèáre, ádi ũ wāro.

O wēnda lèe siáre, ádi ɔ́o dɔro.

³³ Zaakū Yahaya Da'itekerii sù, adi burodi sóro, adi sèwē miro, akū a pì tãnademe. ³⁴ Bisásiri Né sù, àdi pó ble, àdi í mi, akū a pì: Guturu wēmiriime, be'ogɔsirinɔ kú durunnakerinɔ gbēnname. ³⁵ Ama òdi ɔ́ndɔ́ dɔ́ a yákenaaame.

Nísi gbī nna kuna Yesu gbáa

³⁶ Farisi ke Yesu sisi à su à pó ble káao. Yesu gèe a bea, akū àten pó ble gēngesekena. ³⁷ Nɔgbē dāvānide ke kú wēte pii gūn. Kū à mà Yesu ten pó ble Farisi pì bea, akū à gèe gwe kú kpáluba fitinnao kú nísi gbī nnao kú a gūn. ³⁸ À zè a kpe a gbá sare, àten ɔ́o dɔ. A wétè ten tɔ a gèsekpea, akū àten wara kú a mikāo, à lé pèpe a gbáa, akū à nísi gbī nna pìi kú. ³⁹ Kū Farisi kú à a sisi pii è le, akū à pì a swèe gūn: Tó gbē pì bi annabiime, de à nɔgbē kú àten ɔ́ naa dí taka dɔ́, kú dāvānideme. ⁴⁰ Akū Yesu pì Farisi piine: Simɔ, má yáke vī mà onne. Simɔ pì: N o, Danneri. ⁴¹ Yesu pì: ɔ́godakeri ke mé à kun, gbēnɔn planɔ a fīna kūna, gbē do andurufu ɔ́gɔ wāa pla kpé basɔro, gbē do sɔ́ ɔ́gɔ bupla akuri. ⁴² Kū ò póke vī ò fīna booro, akū à tònnè n̄ pla n̄ pínki. N̄ té, dí mé anigɔ yei de a dakelaa? ⁴³ Simɔ wèa à pì: Maten da gbē kú ò tōne kú ɔ́gɔ zɔ́kɔome. Yesu piine: N we mana. ⁴⁴ Akū Yesu are dò nɔgbē piia, à pì Simɔne: N nɔgbē pìi è yá? Kú ma gē n bea, ndi í kpáma ma gbá pipiro, akū nɔgbē pì ma gbá pipi kú a wétèo, à wàra kú a mikāo. ⁴⁵ Ndi lé pémaro. Nɔgbē pì sɔ́, zaa gɔro kú ma gē la, adi kámma bo kú lépena ma gbáaaoro. ⁴⁶ Ndi nísi má ma miaro. Nɔgbē pì sɔ́, à nísi gbīnnade kú ma gbánɔ. ⁴⁷ Abire yā mé à tò maten onne, à yemai manamana kú a durunna zɔ́kɔ́ kèa yáime. Gbē kú ò a kè kú a fitio sɔ́, yenyī fitinlen àdigɔ vī. ⁴⁸ Akū à pì nɔgbē piine: N durunnano kēnne. ⁴⁹ Akū gbē kú òten pó ble leelenɔ òkɔne ò pì: Dín gbē pì ũ, kú àten durunnano kēmīmaa? ⁵⁰ Akū Yesu pì nɔgbē piine: Ma náani kú n kè mé à n sura bà. N tá be aafia.

8

Nɔgbē kú ò té Yesuino

¹ Abire gbera Yesu kurè wēte kú wétèo, lakutu kú lakutuo, àten waazi ke, àten kpata kú à bò Luda kīnaa baaru nna kpáinne. A z̄iri gbēnɔn kuri awēplanɔ gèe káao ² kú nɔgbē kú à tãnanɔ bò n̄ gūn à n̄ wérékɔa kú n̄ gyāno. Mariama kú òdi piine dɔ Mariama Magadalení kú Yesu tãna mèn supplanɔ bòte a gūn kú n̄ té ³ kú Herɔdu begwari Kuza nanɔ Yoanao kú Suzanao kú nɔgbē pāndenɔ dasi. Òdigɔ Yesu kú a ibanɔ gwa kú pó kú ò vío.

Yálekšana kú pówefariio

(Mat 13:1-23, Maa 4:1-20)

⁴ Ò bò wēte kú wétèo ò kákara Yesui, akū à yā lèkɔaíne à pì: ⁵ Búbari ke mé à bò à gèe pówē fá. Lákū àten fá nà, a kenɔ lète zé gūn ò taa òa, akū bāno sù ò blè. ⁶ A kenɔ lète gbè sàraa musu. Kū ò bùte, akū ò gāga, kú odi motɔ lero yāi. ⁷ A kenɔ lète lēno gūn, akū lèe fùte kúñwo leele à nàkaramma. ⁸ A kenɔ sɔ́ à lète zīte mana gūn, akū ò bùte ò né í leu basɔro. Kū à ò le, à pùtā à pì: Gbē kú à sá vī à yā pì ma.

⁹ A ibanɔ a là yā pì bokotenaai. ¹⁰ Akū à pì: Luda á gbá zé à kpata kú à bò a kīnaa asirinɔ dɔ́, ama madí ò gbē kparanone kú yálekšanaaome, de

ò gu gwa pòke'ena sari, ò yā ma a dōrɔ dōnaa sari. ¹¹ Yā pì bɔkɔtenaan dí: Pówe pì bi Luda yāme. ¹² Zé gūn pónɔ de lán gbē kū òdi Luda yā manɔ bà, akū Ibilisi dì su à yā pì bo n̄ swèè gūn, de òsun Luda náani ke à n̄ sura baro yāi. ¹³ Gbè sàraa musu pónɔ de lán gbē kū òdi Luda yā ma ò sí kù pɔnnaonɔ bà, ama ò zīni vīro. Òdi Luda náani ke gɔrɔ pla, ama tó ò n̄ yō ò gwà, òdi fume. ¹⁴ Pówe kū ò lèè lènɔ gūnnɔ de lán gbē kū òdi Luda yā manɔ bà, ama andunia damukena kù aruzekè yāo kù pɔnnakenaao òdi nakaramma, òdi fō ò né i à màro. ¹⁵ Zite mana pónɔ de lán gbē kū òdi Luda yā ma kù nèsepuraò òdi sí kù nèsemanaonɔ bà, akū òdi mena fō ari ò gé karana keo.

Yalekōina kù fitilaaò

(Maa 4:21-25)

¹⁶ Òdi fitila na ò ta kútea ke ò dite gádo gbáruro. Òdi di a dibɔɔ musume, de gbē kū òten gēnɔ gupura e yāi. ¹⁷ Pòke kù utena kù oni gí boo gupurairo. Asiriyā ke kun kù oni ma ò gí o gupurairo. ¹⁸ Abire yāi à yā ma kù laakarriio. Gbē kū à pò vīn Luda ni karanè. Gbē kū à pòke vīro sō, bee pò kù àten da á vī Luda ni sía.

Yesu danenɔ

(Mat 12:46-50, Maa 3:31-35)

¹⁹ Yesu da kù a dakūnanɔ sù a kīnaa, akū odi le ò nàiro pari yāi. ²⁰ Akū ò pìnè: N da kù n dakūnanɔ kù bàai, ò ye n enaai. ²¹ Akū à wēm̄ma à pì: Gbē kū òdi Luda yā ma ò zī keanɔme ma da kù ma dakūnanɔ ũ.

Yesu zàga'ia zēnaa

(Mat 8:23-27, Maa 4:35-41)

²² Zīkea Yesu gē gó'ite gūn kù a ìbanɔ, akū à pìnne: Ò bikū sèbèe bara. Akū ò dà zén. ²³ Gɔrɔ kù òten gé, i Yesu sè. Akū zàga'ia fùte sèbela, í ten ká gó gūn, ò kù kari gūn. ²⁴ Akū a ìbanɔ nài ò a vù ò pì: Danneri! Danneri! Òten ká í té! Akū à fùte à gí ìane kù í kù àteni n̄ gó yīpayīpao, akū à zè, gu kè kítikiti. ²⁵ Akū à pìnne: Á ma náani vīroo? Akū yā pì bò n̄ sare, vīna n̄ kù, akū ò òkōne: Dín gbē dì ũ sée? Bee ìa kù ío, àdi yā diteñne, akū àdi a yā mame.

Tananɔ gbarena alēdenɔa

(Mat 8:28-34, Maa 5:1-20)

²⁶ Akū ò kà Gadara bùsun sèbèe bara, Galili bùsu ifáboki kpa. ²⁷ Kù Yesu bikù í bara, à dàkare kù wēte pì gōgbē kū à tana vīo. À gɔrɔ pla kè adi pókasa naawaro. Àdigō kù bero, sé miranɔ té. ²⁸⁻²⁹ Òdi a yī kù mòkakōanano, òdi a da lín a kūna yāi, ama àdi mòkakōanaa pìnɔ kēkēme, tana pì dì a si sèn. Kù à Yesu è, akū à wiki lè, à sù à kùte a are, akū à pùtā à pì: Yesu, Luda Musude Né, bón ó vī kō ɔi? N yā nna! N̄sun wé tamaro. À ò lè kù Yesu ò tana pásí pì bo a gūn yāime. ³⁰ Akū Yesu a là à pì: N tón deraa? Akū à wēala à pì: Ma tón Dasi. Zaakū tananɔn kù a gūn dasime. ³¹ Akū tana pìnɔ kùte kè Yesune manamana ò pì, àsun n̄ gbare ò si Zīngò wèè lòkotoo gūnlo.

³² Alēde kpàsa zōkō kù gwe, òten pò ble s̄s̄igereei. Akū tana pìnɔ wé kè Yesua à n̄ gba zé ò gē n̄ gūn. Yesu n̄ gbá zé, ³³ akū tananɔ gò gbē piia ò gè alēdenɔ gūn. Akū alēde kpàsaa pì wì kù bàao, ò sòro s̄s̄igereei ò s̄i sèben ò gāga gwe. ³⁴ Kù alēdēdarinɔ è lè, ò bàà lè ò gèè ò yā pì bàbafne wēte gūn kù buranɔ. ³⁵ Akū ò b̄te de ò yā kù à kèe pì gwa. Kù ò sù Yesu kīnaa, ò gbē kū tananɔ gòaa pì è vutena Yesu gbá sare kù pókasao dana, à kù a laakarriia.

Akū vīna n kū. ³⁶ Kū gbē kū ò yā pìi è kū wéonɔ òrñe deran ò tãnade pìi wèrèkōa nà, ³⁷ akū Gadara bùsu gbēnɔ pínki kúte kè Yesune à bo n bùsun, zaakū vīna n kū manamana. Akū à gè gó'ite gūn, àten tá. ³⁸ Gbē kū tãnanɔ gòaa pì kúte kène de à tá kãao, ama Yesu gine à pì: ³⁹ Ñ era n tá n bea, n yā kū Luda kènne oñne pínki. Akū à tà, à yā kū Yesu kèare kpàkpa kè wēte pìi gūn pínki.

Yairu né vuna kū nɔgbē kū à ɔ nà Yesu utaaao
(Mat 9:18-26, Maa 5:21-43)

⁴⁰ Kū Yesu èra à sù, akū gbēnɔ gbānake kpai, zaakū gbē sīnda pínki teni a dāme. ⁴¹ Akū gōgbē kū à de aduakekpe gbē zōkō ũ kū òdi pine Yairu sù à wùte a kúaa Yesu gbá sare, à kúte kène de à gé a bea, ⁴² kū a né mèn do légelege ten ga yāi. Né nɔgbē pìi kà wè kùri awεεpla. Kū Yesu ten gé, akū pari ten nakaraa.

⁴³ Nɔgbē ke kú gwe, aru di botèa à kà wè kùri awεεpla. Pó kū à vī pínki à dè ezedenɔ kīnaa, ama gbēke dí fō à a wèrèkōaro. ⁴⁴ Kū à nà Yesu kpe kpa, akū à ɔ nà a uta léa. Zaa gwe gōnɔ a arubotenaa zè. ⁴⁵ Akū Yesu pì: Dí mé à ɔ nàmaa? Akū n gbē sīnda pínki pì á a yā dōro. Akū Pita pì: Danneri, gbēnɔ likanyī òten nakaramma. ⁴⁶ Akū Yesu pì: Gbēke ɔ nàma, zaakū má dō kū gbāna bò ma mēe gūn. ⁴⁷ Kū nɔgbē pìi è ò a yā dō, akū à sù àten lukaluka, à wùte a kúaa a gbá sare, akū à yā kū à tò à ɔ nàaa ò gbē sīnda pínki wára kū lākū à aafiaa lè nà gōnɔ. ⁴⁸ Yesu pìne: Nɔgbē, ma náani kū n kè mé à n werekōa. Ñ tá be aafia.

⁴⁹ Kū Yesu kpé àten yā o, ò bò aduakekpe gbē zōkō pì bea, ò sù ò pìne: N né pìi kè sari, ñsun wari dō danneriia doru. ⁵⁰ Yesu yā pìi mà, akū à pì Yairune: Ñsun tó swè kēnguro. Ñ ma náani ke dé, ani werekōa. ⁵¹ Kū à kà a bea, adi we gbēke gè kãaoro, sé Pita kū Yuhanao kū Yamisio kū né pì de kū a dao. ⁵² Gbē kū ò kú gweno ten ɔɔ ò n pínki, òteni n zīda kéké. Akū Yesu pì: Ásun ɔɔ doro. Adi garo, àten i omé. ⁵³ Akū ò a lalandi kè, zaakū ò dō kū né pìi gà kò. ⁵⁴ Yesu a kù a ɔa, akū à pütá à pì: Né nɔkpare, n vu! ⁵⁵ Akū à wëndii sù, à fùte gōnɔ. Yesu pì ò pòble kpáa. ⁵⁶ Yā pìi bò né pì de kū a dao sare, akū Yesu òrñe òsun yā kū à kèe pì ò gbēke maro.

9

Yesu zìrinɔ zīnaa
(Mat 10:5-15, Maa 6:7-13)

¹ Yesu a ìba gbēnɔn kùri awεεplanɔ sisiai, akū à n gbá gbāna kū ikoo ò tãna buri sīnda pínki go ríma, ò gyānɔ werekōaríma. ² Akū à n zī ò kpata kū à bò Luda kīnaa yā waazi ke, ò gyārenɔ werekōa. ³ À pìñne: Ásun póke sé à géoro, gò ke bōkɔlokona ke zana ke ɔgɔ ke uta mèn pla. ⁴ Ɔn kū a kipan, àgɔ kú gwe ari à gé boo wēte pìi gūn. ⁵ Wēte kù odi gbānake kpáárenlo, à bon à lukutè warawara á gbāna n tona kū Luda sèda ũ. ⁶ Akū ò dà zén, ò kurè wēte kú wēteo, ò baaru nna kpàñne, ò gyānɔ werekōaríma gu sīnda pínki.

Herɔdu bídikena
(Mat 14:1-12, Maa 6:14-29)

⁷ Kū kina Herɔdu yā bireno mà pínki, akū à bídi kè, zaakū gbēkenɔ ten pì Yahaya Da'itekeri mé à fùte bona gan. ⁸ Gbēkenɔ pì Iliasu mé à bò à sùríma,

gbēkeno pi do annabi yāno doke mé à vù. ⁹ Herodu pi: Ma Yahaya mii z̄. Dín gbē kū ma a baaruu màa pi ù séé? Akū àten wete n̄ wé ke pla.

Yesu poblekpana gōgbē gbēnon dūbu soro

(Mat 14:13-21, Maa 6:30-44, Yuh 6:1-14)

¹⁰ Kū žirri pino sù, akū ò yā kū ò kēno gbà Yesune. Akū à n̄ séte ntēne à gēe kũwo wete kū òdi pi Betesaida. ¹¹ Kū pari d̄, akū ò p̄tai. À gbānake kpányi, à kpata kū à bò Luda kīnaa yā òrine, akū à gbē kū ò ye ò n̄ werekōano werekōa.

¹² Kū ifantē b̄usa, žiri gbēnon kuri awēplan̄o n̄ai ò pine: N̄ gbēno gbare ò gé kipaki kū pobleo wete lakutu kū bura kū ò kú k̄anino gūn, zaakū s̄ente p̄rotun ó kú la. ¹³ À piñne: Ákōno à p̄o kp̄amma ò ble. Akū ò pi: Burodi m̄en soro kū kp̄o m̄en plaó v̄i. Séde ò gé poble lú gbē d̄inone n̄ p̄inki. ¹⁴ Gōgbēnon kú gwe gbēnon dūbu soro taka. Akū à pi a ibanone: À tó ò vute ḡa kū ḡaao gbēnon bupla akurikuri. ¹⁵ Akū ò k̄e le, ò n̄ v̄utevute n̄ p̄inki. ¹⁶ Akū à burodi m̄en soro kū kp̄o m̄en pla p̄ino s̄e à a wé s̄e musu à arubarikaa d̄an. Akū à lilikōre à kp̄a a iban̄o, ò kp̄atete gbēnone. ¹⁷ Ò p̄o bl̄e ò k̄a n̄ p̄inki, akū ò a kusu kū ò ḡōno s̄ete t̄anko kuri awēpla p̄a.

Pita Yesu Arumasihukena onaa

(Mat 16:13-23, Maa 8:27-33)

¹⁸ Žikea kū Yesu ten adua ke ado, a iban̄o sù ò a l̄e, akū à n̄ lá à pi: Dín gbēno di pi má de a ūu? ¹⁹ Ò w̄eà ò pi: Gbēkeno di pi Yahaya Da'itekeriime, gbēkeno di pi Iliasu, gbēkeno di pi do annabi yāno doke mé à vù. ²⁰ Akū à n̄ lá à pi: Ákōno s̄s, d̄in adi pi má de a ūu? Pita w̄eà à pi: Luda gbē Arumasihume n̄ ū.

Yesu a ga kū a vunaao yá'onaa

(Mat 16:21-28, Maa 8:31-9:1)

²¹ Akū à giñne òsun yā pi o gbēke maro. ²² Akū à pi do: Séde Bisāsiri Né w̄et̄amma le manamana, gbē z̄skōno kū sa'orikino kū ludayādannerino ni ḡi, oni a de, a ḡoro aakōde z̄i ani vu.

²³ Akū à piñne n̄ p̄inki: Tó gbē ye à ke ma iba ū, séde à ḡi a z̄ida w̄endiii, àḡo a lígbāndurukpana sé l̄akū gu diḡo do n̄a àḡo téomai. ²⁴ Gbē kū à ye àḡo a w̄endi k̄una ni kurai. Gbē kū à ḡi a w̄endiii ma yāi s̄s, ade niḡo w̄endi v̄i. ²⁵ Tó gbē andunia l̄e p̄inki, à a z̄ida lilin k̄eò à k̄ura a w̄endiii, b̄o àreen ani lee? ²⁶ Tó gbē makū kū ma yāo w̄é'i k̄u, Bisāsiri Né ni ade w̄é'i k̄u ḡoro kū ani su a gakuri gūn kū a De gakurio kū a malaikan̄o gakurio. ²⁷ Yāpuran maten ōare, gbēkeno kú la kū oni garo ari ò k̄ina kū Luda k̄a e.

Yesu linaa

(Mat 17:1-8, Maa 9:2-8)

²⁸ Yā pi onaa gbera à k̄a azuma do taka bà, akū à Pita kū Yuhanao kū Yamisio s̄e à didi kũwo kpia de à adua ke. ²⁹ Kū àten adua ke, a ānn l̄ite a p̄okasano k̄e p̄uu táitai. ³⁰ K̄anto gbēnon plan̄o kú k̄aao, Musa kū Iliasuo, òten yā o kū Yesuo. ³¹ Ò b̄o ò s̄ua gakuri gūn, òten andunia kū ani tó zaa Yurusalemu yā o. ³² I Pita kū a gbēno s̄e. Kū ò vù, ò Yesu gakuri è kú gbēnon pla kú ò zena a sareno. ³³ Kū gbēnon pla p̄ino ten k̄ekōa kū Yesuo, Pita pine: Dikiri, à mana kū ó kú la. Ò kuta do m̄en aakō, n̄ p̄o m̄en do, Musa p̄o m̄en do, Iliasu p̄o m̄en do. À d̄s̄ yā kū àten oro. ³⁴ Kū àten o le, ludambe luku k̄ipa à d̄ánla. Kū ò kú a gūn, v̄ina n̄ kú, ³⁵ akū ò k̄otoo mà a gūn à pi:

Ma Né kú ma a sèn dí. À a yā ma. ³⁶ Kòtoo pì manaa gbera ò è Yesu mé à g̃ò gwe ado. A ìbaa pìnò n̄ lé kù, odi yā kù ò è o gbēke ma g̃o kùaro.

Né g̃gbē t̃nade werek̃anaa

(Mat 17:14-18, Maa 9:14-27)

³⁷ Kū gu d̃ò, ò k̃pa kpi p̃i musu, akū gb̃ēn̄ sù da Yesule dasi. ³⁸ Z̃aa gūn g̃gbē ke p̃t̃à à p̃i: Danneri, n yā nna! Ñ ma né gwa, zaakū ma né mèn do kú má ṽn̄ gwe. ³⁹ T̃ana di fut̃ea, akū àdi wiki lé k̃anto. Àdi a p̃t̃e àg̃ò bigiri keke àg̃ò lé'ifuta b̃ote, àdi wari d̃o àdi goa likalikaro. ⁴⁰ Ma wé kè n ìban̄a ò pé t̃ana p̃iia à bo, akū ò f̃ua. ⁴¹ Yesu p̃i: Gb̃aragbē yakana ludanaanikerisarin̄o! Manig̃ò kú k̃ááo ari b̃oree? Manig̃ò m̃ena k̃ááo ari b̃oree? Ñ m̃ó kú n né p̃iio la. ⁴² Ari né p̃i g̃ò gé nai, akū t̃ana p̃i a p̃t̃e, àten bigiri keke. Akū Yesu g̃i t̃ana p̃iine à né p̃i w̃erek̃o, akū à a kp̃a a dea. ⁴³ Luda gb̃ana z̃òk̃ò yā p̃i b̃ò n̄ sare n̄ pinki.

Yesu era à a ga yā'onaa

(Mat 17:22-23, Maa 9:30-32)

Gb̃ēn̄ lé w̃è Yesu ỹakenaa pinki, akū à p̃i a ìban̄e: ⁴⁴ Àg̃ò yā dík̃ina k̃una á n̄es̄e gūn. Oni Bis̃asiri Né na gb̃ēn̄e n̄ õi tera. ⁴⁵ Odi yā p̃i d̃òr̄o d̃òro, a m̃i utenañe, ò f̃ua, akū ṽina n̄ kú ò yā p̃i gb̃ekaa.

Denla yā

(Mat 18:1-5, Maa 9:33-37)

⁴⁶ Akū ò f̃ute kú lékpak̃o denak̃o la yā musu. ⁴⁷ Yesu laasun kú à kú n̄ n̄es̄e gūn d̃ò, akū à né f̃iti s̄è à a z̄è a sare, ⁴⁸ à p̃inne: Gb̃ē kú à né dí taka s̄i ma ìbake yāi, mak̃ume à ma si. Gb̃ē kú à ma si s̄ò, ade gb̃ē kú à ma z̄i s̄ime. Gb̃ē kú à a z̄ida d̃ite k̃iana á té mé à gb̃ē z̃òk̃ò ũ.

Gb̃ē kú adi ib̄ere sé k̃ááoro bi a gb̃ēndome

(Maa 9:38-40)

⁴⁹ Akū Yuhana p̃i: Danneri, o gb̃ēke è, àten t̃anan̄o gor̃ma kú n t̃so, akū o g̃ine, zaakū ó gb̃ēn̄lo. ⁵⁰ Akū Yesu p̃i: Ásun g̃inero, zaakū gb̃ē kú adi ib̄ere sé k̃ááoro bi á gb̃ēndome.

Samaria b̄usu lakutu gina Yesui

⁵¹ Kū Yesu tana ludambe g̃o k̃à k̃ani, à m̃i p̄e Yurusalemua. ⁵² Akū à gb̃ēn̄o gb̄are ò dòàre are, akū ò ḡe ò ḡè Samaria b̄usu lakutu ke gūn de ò soru ken̄e. ⁵³ Akū lakutude p̃in̄o g̃i a s̄i kú à m̃i p̄e Yurusalemua yāi. ⁵⁴ Kū a ìba ken̄o Yamisi kú Yuhanao è le, ò p̃i: Dikiri, n̄ ye ò pi té bo ludambe à su à n̄ kakaten yā? ⁵⁵ Akū Yesu lit̄e à kp̃ak̃ényi. ⁵⁶ Akū òten gé lakutu p̃andea.

T̄ena Yesui

(Mat 8:19-22)

⁵⁷ Kū ò té z̄én, g̃gbē ke su à p̃i Yesune: Gu kú n̄ten ḡén pinki, manig̃ò t̄enyi. ⁵⁸ Yesu p̃ine: Gb̃ēgbonn̄o n̄ tò v̄i, b̄an̄o n̄ sà v̄i. Bis̃asiri Né s̄ò à ìampaki v̄iro. ⁵⁹ Yesu p̃i gb̃ē p̃andene: Ñ m̃ó n̄ t̄emaì. Akū gb̃ē p̃i p̃i: Dikiri, n̄ tò ari ma de ḡe kp̃agui g̃ia. ⁶⁰ Yesu p̃ine: Ñ tò ḡen̄o n̄ ḡen̄o v̄i. M̃ok̃n̄ s̄ò, n̄ gé kpata kú à b̄ò Luda k̃inaa yā waazi ke. ⁶¹ Gb̃ē p̃ande p̃i d̃o: Manig̃ò t̄enyi Dikiri, ama n̄ tò má gé lé za ma beden̄a g̃ia. ⁶² Yesu p̃ine: Gb̃ē kú swakure na a õi, tò àten kp̄e gwa, ade dí k̃ò sé kú kpata kú à b̄ò Luda k̃inaaoro.

10

Gbēnɔn baaakɔ akuri awɛɛplanɔ zĩnaa
(Mat 11:20-27, 13:16-17)

¹ Abire gbera Dikiri gbēnɔn baaakɔ akuri awɛɛpla pāndenɔ dīte, akū à n̄ zĩ gbēnɔn plapla ò doáre are wēte kū gu kū á ye à gēnnɔ pínki. ² À pìñne: Pókēna zókɔ, ama a zĩkerinɔn dasiro. À wé ke Buradea de à zĩkerinɔn gbare ò a pókēke. ³ À da zén. Mateni á zĩlán sāne bōrɔnɔ bà lɛwannanɔ tème! ⁴ Ásun ɔgɔsɔnɔ séro ke bókɔlokona ke kyatenɔ. Ásun ze zén à fɔ kpá gbēkearo. ⁵ On kū a gēn pínki à pi gĩa Luda ɔn pì gba aafia. ⁶ Tó aafiade kú gwe, á fɔ aafiade ni gōne. Tó à kú gwe sōro, ani era à suáwame. ⁷ Àgō kú ɔn pìi gūn, à pómína ke póble kú ò kpááwa ble, zaakū zĩkerii kà à a láada le. Ásungō kipaki lilin kero. ⁸ Wēte kū a gēn akū ò á sí, à pókū ò suóare ble. ⁹ À wēte pì gyārenɔ werekɔa, à o gbēnɔne kpata kū à bō Luda kīnaa kà kāni kūñwo. ¹⁰ Tó a gē wēte gūn, tó odi á sí sōro, à bote gānulea à pi: ¹¹ Bee á wēte lukutē kū à kpà ó gbála se, o wàra á tona kū Ludaoo sèeda ũ. Àgō dō sānsān kū kpata kū à bō Luda kīnaa kà kāni. ¹² Maten oáre, yákpatekegɔrɔ zĩ wétamma kū sɔɔmudenɔ ni le nigō sàna de wētepidenɔ póla.

¹³ Waiyoo Kɔrazidenɔ! Waiyoo Betesaidadenɔ! Tó ma daboyá kú ma kè á ténɔ kè Taya kú Sidō yá, de wētepidenɔ uta kasanɔ dàda, ò vùte tuburaa à giì kè n̄selitena sèeda ũ. ¹⁴ Yákpateke-gɔrɔ zĩ á wétamma nigō de Tayadenɔ kú Sidōdenɔ póla. ¹⁵ Á Kapenamudenɔ sō, áni gbá à zō Ludaan yá? Oni ɔ sōái ari gyāwān.

¹⁶ Akū Yesu pì à ìbanɔne: Gbē kú à á yā mà ma yā màme. Gbē kú à giái gĩmaime. Gbē kú à gĩmai sō, ade gi gbē kú à ma zĩime.

¹⁷ Gbēnɔn baaakɔ akuri awɛɛpla pìnɔ gēe, akū ò era ò sù kú pɔnnao ò pì: Dikiri, bee tãnanɔ miì nàtewere n tó yāi. ¹⁸ Yesu pìñne: Ma Setan è à lète bona ludambe lán legūpinaa bà. ¹⁹ Ma á gbá zé à táa o mlènɔ kú fínɔ kú á ìbere gbāna pínkinɔa, pókē ni á kīnnao. ²⁰ Bee kú abireo ásun pɔnna ke kú mi kú tãnanɔ di nateáreoro. À pɔnna ke kú á tó kú takadan ludambe yāi.

²¹ Zĩ birea Luda Nini Yesu pɔ kè nna manamana à pì: Baa, musu kú zĩteo Dikiri, ma n sáabu kè, kú n yā bireno ùte yádōrinɔne kú òndōrinɔ n boo kyódōrisarinɔne. Leme, Baa, zaakū n poyenyĩnaame. ²² Ma De pók sīnda pínki nàmenɛ ma oĩ. Gbēke Luda Né dōro, tó adi ke De Luda baasiro. Gbēke De Luda dōro, tó adi ke a Né kú gbē kú Né pì yei à mōñnenɔ baasiro.

²³ Akū Yesu are dò à ìbanɔa ñtēne, à pìñne: Arubarikadenɔme á ũ pók kú áten e kú wéó yāi. ²⁴ Maten oáre, annabinɔ kú kīnanɔn kun yā dasi, ò ye ò pók kú áten enɔ e, odi ero, ò ye ò yā kú áten manɔ ma, odi maro.

Samaria b̄usu gbē mana

²⁵ Dokadōri ke fùte de à Yesu yō à gwa à pì: Danneri, deran mani ke nà mà wēndi kú àdi láraro lee? ²⁶ Yesu pìne: Deran ò kè doka takadan nàa? N a kyó kè n mà deramee? ²⁷ Gbē pìi wèa à pì: Ngō ye Dikiri n Ludai kú n̄sɛɛo mèn do kú n ninio pínki kú n laasunnwo pínki n gbāna lén, n swè gō kúa, abire gbera ngō ye n gbēdakei lán n zĩda wēndii bà. ²⁸ Yesu pìne: N we mana. Ngō ke le, ñnigō kun. ²⁹ Gbē pì ye à yā nna kpá a zĩdaa, akū à Yesu là à pì: Dín ma gbēdake ũu?

³⁰ Akū Yesu pìne: Gbēke mé à bō Yurusalemu àten gé Yeriko, akū kpāni kāsaranɔ zé zōne. Ò a pókasanɔ sia, ò a gbè búgubugu ari à kà gana. Akū ò

a tòn ò gè zéla. ³¹ À sù à lè sa'ori ke zé dokɔnɔ pìi sè. Kū à a è, akū à pàne à gète. ³² Leme dɔ kū Levi buri ke kà gu pìn, à a è, akū à pàne à gète. ³³ Ama Samaria bùsu gbèke té zé pìn. Kū à sù à a è, akū à kènne wènda. ³⁴ À nài, à eze màma gu kū à kinnanɔa kū nísio kū sèwèo, à pó yíyí. Akū à a sè à dì a zaaki kpe, à gèe káao nibɔnɔ kipakia, gu kū à a gwàn. ³⁵ Kū gu dè, akū à andurufu ɔɔ bò mèn pla à kpà kipakide pìia à pì: Ñ a gwamene. Tó n ɔɔ dè de adila a musu, mani fina bonne, tó ma su.

³⁶ Tò! Gbènɔn aakɔ pìnɔ té dín nten da gbè kū kpāninɔ dàale pì gbèdake ũu? ³⁷ Dokadōrii pìi wèa à pì: Gbè kū à a wènda dōme. Akū Yesu pìne: Ñ gé ñ ke le se.

Yesu kunna Maata kū Mariamao bea

³⁸ Gɔɔ kū Yesu kū à ìbanɔn té zén, ò kà wète gūn, akū nɔgbè kū òdi pine Maata Yesu sù a bea. ³⁹ À dakūna vī, òdi a sísi Mariama, à vùte Dikiri gbá sare, àteni a yā ma. ⁴⁰ Kīni zī kè Maataa dasi, akū à sù Yesu kīnaa à pì: Dikiri, kū ma dakūna ma to zī gūn mado, adi kenne yāke ũroo? Ñ one à kpámai. ⁴¹ Akū Dikiri wèa à pì: Maata, Maata, nten damu ke dasi, nten wari dɔ n zīdaa kū yānɔo dasi. ⁴² Yā mèn do mé à zé vī. Mariama baka mana sè, oni síaro.

11

Aduakɛnaa

(Mat 6:9-15, 7:7-11)

¹ Zīkea Yesu ten adua ke gukea. Kū à làka, a ìba ke pìne: Dikiri, ñ aduakɛnaa dadawere, lákū Yahaya dà a ìbanɔne nà. ² Akū à pìine: Tó áten adua ke, àgɔ pi:

Baa, ñ tó ògɔ dɔ kū n tó adona.

Ñ tó kpata kū à bò n kīnaa bo gupuraa.

³ Ñ ó gba pó kū ónigɔ ble lákū gu digɔ dɔ nà.

⁴ Ñ ó durunnano kēwá, zaakū odì kē gbè kū ò durunna kèwèrenɔne ní pínki.

Ñsun tó ò fu yɔgwananaaro.

⁵ Akū à pìine: Ò pì á gbèke mé à gbènaa vī, akū à gèe a kīnaa lizāndo à pìne: Ma su n kīnaame, ñ burodi sākāmene mèn aakɔ. ⁶ Nibɔɔ kípama tera dí, má póke vī mà kpáaro. ⁷ Akū a gbènaa pìi wèa zaa kpé gūn à pì: Ñsun wari dɔmaro, ma gbàa tà kò. Ma gē kpén kū ma nénɔ, mani fɔ mà fute mà póke kpámmaro. ⁸ Maten oáre, bee tó adi fute à kpàa gbènnake yāiro, ani fute à pó kū à yei kpáa, kū à zèi dāndān yāi. ⁹ Makū sɔ maten oáre, à wé ke, Luda ni kpááwa. À wete, áni le. À gbà lé, Luda ni wéáre. ¹⁰ Zaakū gbè kū à wé kèen òdi kpáa, gbè kū à wète sɔ àdi le, gbè kū à gbàa lèen oni wène. ¹¹ Ákɔnɔ kū á nénɔ vī, tó á né kpò wé kèáwa, á dí mé ani mlè sé à kpáaa? ¹² Ke tó à né konegbīni wé kèáwa, á dí mé ani fí sé à kpáaa? ¹³ Bee kū á vānikɛo á pɔ mana kpana á nénɔa dɔ. Oni á De kū à kú musu Nini kpana gbè kū ò wé kèanɔa pó o dɔ yá?

Tānagona gbènaa

(Mat 12:22-30, 43-45, Maa 3:20-27)

¹⁴ Yesu ten tāna sāto kpáturuku go gbèa. Kū tāna pìi gò, sāto pìi nà yā'onaaaa, akū yā pìi bò pari sare. ¹⁵ Akū ní gbèkeno pì: Àdi tāna gorūma

kū tãnanɔ kina Belezebubu gbãnaome. ¹⁶ Akū gbē pãndenɔ a ȳ̀ ò gwà, ò a gbèka à sèeda ke keñne kū Luda gbãnao. ¹⁷ Kū Yesu n̄ laasun d̄̀, akū à p̄̀inne: Kpata kū a gbēno ibereε sè kū k̄̀so ni kakate. On kū a gbēno ibereε sè kū k̄̀so ni ḡ̀ bezi ũme. ¹⁸ Tó Setan ibereε sè kū a gbēno, heran a kpata ni ḡ̀ keε? Ma ò le kū àten pi madì tãna goŋma kū Belezebubu gbãnao yãime. ¹⁹ Tó Belezebubu gbãnan madì tãna goŋma, á gbēno di goŋma kū dí gbãnaome? Leme á z̄̀da gbēno á éke bò le. ²⁰ Tó ma tãnagoŋmana bi Luda ɔgbεeme, àḡ̀ d̄̀s kū kina kū Luda kàa sù à á lén gwe. ²¹ Tó ḡ̀sa gbãna z̄̀kabɔno kũna àteni a on d̄̀akpão, a aruzekenɔ diḡ̀ aafiaame. ²² Ama tó gbē kū a gbãna deala sù à ḡ̀i à gbãna m̄̀ne, ani a ḡ̀kebo kū à a náani v̄̀no s̄̀te, ani a aruzeke kpaateteñne. ²³ Gbē kū à kú kũmaoro bò ma kpe. Gbē kū àdi p̄̀ kakara kũmaoro di f̄̀ak̄̀ame.

²⁴ Tó ò tãna gò gbēa, àdiḡ̀ likara z̄̀s gukorin àḡ̀ vuteki wete. Tó adi lero, akū àdi pi: Mani era mà tá ma be z̄̀ame. ²⁵ Tó à kà gwe, àdi le à warana swáswa z̄̀azea, ²⁶ akū àdi gé tãna kū n̄ p̄̀s̄̀i dealanɔ s̄̀te m̄̀n suppla à su kũnwo, òdi ḡ̀ ò vuten. Leme ade gwena kpekpe v̄̀ani diḡ̀ de a k̄̀akupla.

Arubarika ya

²⁷ Kū Yesu ten o le, nɔgbē ke p̄̀t̄̀a z̄̀a ḡ̀n à pi: Nɔgbē kū à ni à ȳ̀ kp̄̀mma arubarika v̄̀i. ²⁸ Akū Yesu pi: Oi! Arubarikadenɔn gbē kū ò Luda yã mà ò kũnanɔ ũ.

Sèeda gbekana Yesua (Mat 12:38-42)

²⁹ Kū pari ten kara, akū Yesu pi: Gb̄̀ragbēno zara. Òdi sèeda gbekama, ama mani sèeda ke keñnero, sé Inusa p̄̀. ³⁰ Lákū Inusa de sèeda ũ Ninevadenɔne nà, len Bisāsiri Né niḡ̀ de sèeda ũ gb̄̀ragbēno ne le. ³¹ Ȳ̀akpatekeḡ̀ro z̄̀i ḡ̀no mid̄̀ki kpa saraunia ni vu à yã dí gb̄̀ragbēnoa, zaakū à bò zaa andunia léa, à sù Sulemanu ɔnd̄̀yã ma, akū gbē kū à de Sulemanula kú la sà. ³² Ȳ̀akpatekeḡ̀ro z̄̀i Ninevadenɔ ni fute ò yã da gb̄̀ragbēno la, zaakū kū Ninevadenɔ Inusa waazi mà ò nèεεe lit̄̀e, akū gbē kū à z̄̀k̄̀ de Inusala kú la sà.

Wéme m̄̀ fitila ũ (Mat 5:15, 6:22-23)

³³ Òdi fitila na ò dite gukpado ke ò gbaka kútearo. Òdi di a dibɔ musume, de gbē kū òten ḡ̀no gupura e yãi. ³⁴ N wéme n m̄̀ fitila ũ. Tó n wé aafia, n m̄̀ p̄̀nki niḡ̀ gupura ũ. Tó n wé gbãnarò s̄̀, n m̄̀ p̄̀nki niḡ̀ gusira ũ. ³⁵ Abire yã mé à tò, n̄ laakari ke, de gupura kū nten da n̄ v̄̀i s̄̀nḡ̀ de gusira ũro. ³⁶ Tó n m̄̀ p̄̀nki gupura v̄̀i, a ke kú gusira ḡ̀nlo, aniḡ̀ gu pura kū swáswa lánd̄̀s fitila'i d̄̀mma bà.

Yesu ludayadannerinɔ kū Farisinɔ bobona n̄ dàn (Mat 23:1-36, Maa 12:38-40, Luk 20:45-47)

³⁷ Kū Dikiri yã ò à làka, akū Farisi ke a s̄̀si à m̄̀ à p̄̀ ble k̄̀ao, akū à ḡ̀ à v̄̀te. ³⁸ Kū Farisi p̄̀i è adi ɔ da in gbasà ò p̄̀ blero, à bò a sare. ³⁹ Akū Dikiri p̄̀ne: Ák̄̀no Farisinɔ adi gb̄̀s̄̀i bo tokonɔ kpe kū tanɔ, ama wākū kū yāv̄̀nikenaao mé à á nèεεe p̄̀. ⁴⁰ Ȳ̀onk̄̀no! Luda kū à p̄̀ kpe k̄̀ mé à a ḡ̀n k̄̀ seroo? ⁴¹ À p̄̀ kū à kú á tanɔ ḡ̀n d̄̀ w̄̀ndadenɔne, á ta p̄̀no ni ḡ̀ãre gb̄̀s̄̀i sari.

⁴² Waiyoo ák̄̀no Farisinɔ! Adi tofenɔ t̄̀k̄̀t̄̀edo kū kp̄̀'ak̄̀ao kū dò p̄̀no p̄̀nki kuride kp̄̀ Luda, akū adi p̄̀ kp̄̀ ȳ̀zedei kū yena Ludaiio. Yã

birenɔ mé à de àgɔ kùna pàkpana a kparanɔi sari. ⁴³ Waiyoo àkɔnɔ Farisinɔ! Adigɔ ye à vute aduakεkpe vuteki mananɔn, adigɔ ye ògɔ fɔ kpàkpaáwa etenɔn. ⁴⁴ Waiyoo àkɔnɔ! Á de lán mira kù òdigɔ taa oa a yádɔnaa sari bàme.

⁴⁵ Akù dokadɔri ke pìne: Danneri, tó n ò le, nteni ó sɔsɔme se. ⁴⁶ Yesu pì: Waiyoo àkɔnɔ dokadɔrinɔ sɔ! Adì gbɛnɔ da asosena zì'ùn, akù adì ɔ darɔma kù a sɛnaaoro, bee ɔneε. Waiyoo àkɔnɔ! ⁴⁷ Adì pɔ bo annabi kù á dizinɔ n dedenɔ miranɔa n yá dɔngu yá. ⁴⁸ Leme a sì kù a ze kù á dizinɔ yàkenanɔome. Ò annabinɔ dède, akù adì pɔ bo n miranɔa. ⁴⁹ Abire yá Luda wézε gùn à pì, áni annabinɔ kù zìrinɔ zìáwa. Áni n gbɛkenɔ dède, áni wé tã n gbɛkenɔa. ⁵⁰ Leme annabi kù ò n dède zaa andunia naanagɔrɔ ari gbáranɔ yá ni wí teradenɔ musu le, ⁵¹ sɛna zaa Habila dena ari à gɛε pé Zakari kù ò a dè sa'oki kù Luda kpéo daguraa. Ee, maten oáre, yá birenɔ pínki ni wí teradenɔ musume. ⁵² Waiyoo àkɔnɔ dokadɔrinɔ! A dɔnaa gbà m̀nne wòto. Ádi gɛ a gùnlo, akù a kpa gbɛ kù ò ye ò gɛ a gùnnone. ⁵³ Kù Yesu bò gwe, ludayádannerinɔ kù Farisinɔ nàkaraa gbāngbān, òten yá lalaa dasi, ⁵⁴ òteni a kpàkpa, de ò a kù yá kù àten o gùn.

12

Laakarikena Farisinɔ manafikii

(Mat 10:26-27)

¹ Gɔrɔ birea gbɛnɔ kàkarai, ò n lé dɔro, ari òten gèse pétepetekɔa, akù à yá ò a ìbanɔne gĩa à pì: À laakari ke Farisinɔ lùbenεei. Àkùme n manafiki ù. ² Pɔke kun utena kù ani bo gupuraaro. Asiriyá ke kun kù oni gí dɔiro. ³ Leme dɔ yá kù a ò gusiran, oni ma gupuraa, asiriyá kù a ò kɔ sán kpé tú, oni a kpàkpa ke gānu are.

Zena kù Yesuo gbɛnɔ are

(Mat 10:19-20, 28-33, 12:32)

⁴ Ma gbɛnnanɔ, maten oáre, gbɛ kù oni mè kakate a gbera oni fɔ ò yáke keáre doronɔ, àsun vīna keñnero. ⁵ Mani gbɛ kù à de à vīna kene oáre. À vīna ke Ludane kù à gbāna vī à á zu té gùn mèkaatenaa gbera. Ee, maten oáre, à vīna kene. ⁶ Òdi bāntoro m̀n sɔrɔ yía kɔbɔ plaroo? Ama bee n ke yá dì sá Ludanlo. ⁷ Bee á mìkànɔ, à a lé dɔ. Àsun vīna kero, á bèere de bāntoro dasinɔla.

⁸ Maten oáre, gbɛ kù à zè kùmao gbɛnɔ are, Bisāsiri Né ni ze káao Luda malaikanɔ are. ⁹ Gbɛ kù à ledi kpàmai gbɛnɔ are sɔ, mani ledi kpái Luda malaikanɔ are. ¹⁰ Tó gbɛ Bisāsiri Né vāni bò, Luda ni a kē. Ama tó gbɛ Luda Nini tó vāni sì, ani kēnero. ¹¹ Tó òten gé kááo yàkpatεkekia aduakεkpen ke kinanɔ kù gbānadennɔ are, àsun á zīda bona damu kero ke yá kù áni o, ¹² zaakù Luda Nini mé ani yá kù à de à o daáre zī birea.

Ɔgɔde

(Mat 6:19-34)

¹³ Zàa gùn gbɛke pì Yesune: Danneri, n o ma v̀ninε à ma baka kpáma ó túbì gùn. ¹⁴ Akù à wèa à pì: Ma gbɛ, dí mé à ma dite á yàkpatεkeri ke á yágɔgɔri ùu? ¹⁵ Akù à pì gbɛnɔne: Àgɔ á zīda kùna dɔ. À laakari ke pɔ sīnda pínki aniapāsikenaai, zaakù aruzεke bi bisāsiri ẁndinlo, bee tó à fɔ àgɔ didikɔa dia.

¹⁶ Akū à yā lèkṣaíne à pì: Ɔgṑde mé à kun a bura pṑble kène manamana, ¹⁷ akū à laasun lè à pì: Bón mani kee? Má pṑwekaki víro. ¹⁸ Akū à pì: Yā kū mani ken dí: Mani ma pṑkatekinṑ gboro, mani a zṑkṑnṑ bo, mani ma pṑwe kán pínki kū ma aruzekṑnṑ. ¹⁹ Mani pì ma zídane: Gbē, n gínake í pṑ mana ví zṑkṑ, kū ani ká kúnwo wè ùgbangbaa? N kámma bo, n pṑ ble, n í mi, n pṑnna ke. ²⁰ Akū Luda pine: Yṑnkṑ, gwáaniala mani n wèndi gbekamma. Soru kū n kè ni gṑ dí pṑ ùmee? ²¹ Leme gbē kū à aruzeke tṑkṑai, ama à de Ɔgṑde ù Ludanero yā de le.

Ludanaanikēnaa
(Mat 6:19-21, 25-34)

²² Akū à pì a ìbanṑne: Abire yāi maten oáre, àsun á wèndi damu à pi bón óni blero, àsun á mè damu ke à pi bón óni daro. ²³ Wèndi de pṑblela. Mè de pṑkasala. ²⁴ À káakāannanṑ gwa. Òdi pṑ tṑro, òdi pṑ kēro, ò dṑ ke gbàṑo víro, bee kū abireo Luda di n gwa. Á bèere ví manamana de bānṑla fá! ²⁵ Á té, dí mé ani fṑ à a wèndi gbāna kara, bee gṑṑ do, a damukenaa gūnn? ²⁶ Tó áni yā fíti dí fṑro, bṑyāi áten yā kparanṑ damu kee? ²⁷ À lāvunṑ gwa sèn lākū ò de nà. Òdi zī kero, òdi buu tāro, ama maten oáre bee Sulemanu kū a aruzekṑo, adi uta da a mana kà n ke ūro. ²⁸ Sēla kū à kun gbāra ani té kū zia, lākū Luda di pṑ nai le nà, oni ákṑnṑ ludanaanikānadṑnṑ pṑ ò dṑ yá? ²⁹ Ásun tó pṑ kū áni ble ke pṑ kū áni mi yā doáre arero. Ásun a damu kero. ³⁰ Andunia dí burinṑnṑ pṑ pínṑ pínki yā di dṑíne are, á De sṑ à dṑ kū pṑ pínṑ kṑ si kááo. ³¹ À tó kpata kū à bṑ a kīnaa yā doáre are, ani pṑ pínṑ karaáre. ³² Ma kpāsa fíti gbēnṑ, àsun vīna kero, zaakū á De pṑyenyīnaame à á kpá kpataa pín. ³³ À pṑ kū á vīnṑ yá, à takasidenṑ gba a Ɔgṑ. À Ɔgṑsṑnṑ kū àdi zī kūro zṑ, ludambe aruzeke kū àdi lākaro káki ū, kū kpāni di nairo, kṑkṑ sṑ àdi a yakaro. ³⁴ Zaakū gu kū á aruzeke kún, gwen á laakari nigṑ kun se.

Zīkeri náanide laakaride
(Mat 24:45-51)

³⁵ Àgṑ kú soru gūn, à tó á fitila gṑ nana. ³⁶ Àgṑ de lán gbē kū òteni n dikiri suna dā à su kū nṑse pṑnnakenaaò bà, de gṑṑ kū à sù à gbàa lè, oni zé wēne gṑnṑ. ³⁷ Arubarikadenṑnṑ zīkeri kū n dikiri ni n le bēne a sugṑṑanṑ ū. Yāpuran maten oáre, dikirii pì ni a pṑnṑ keke à yī, ani n vute, ani pṑble kakaraíne. ³⁸ Bee tó à sù lizāndo ke kṑnkṑkṑnṑ, tó à n lé le, arubarikadenṑme á ū. ³⁹ Àgṑ yā dí dṑ. Tó bede gṑṑ zaka kū kpāni ni suawa dṑ yā, de ani tó à a kpé fṑro. ⁴⁰ Ákṑnṑ sṑ, àgṑ kú kú soruo, zaakū Bisāsiri Né ni su gṑṑ zaka kū á wé dṑiro.

⁴¹ Pita pì: Dikiri, ó yāin n yā pì lèkṑa yá, ke gbē sīnda pínki yāime? ⁴² Dikiri pì: Dín begwari náanide laakaride kū a dikiri di a zīkerinṑ nane a Ƒ, à pṑble kpámma a gṑṑa ūu? ⁴³ Arubarikadenṑnṑ zīkeri kū a dikiri a lè, áten ke le a sugṑṑa ū. ⁴⁴ Yāpuran maten oáre, ani a aruzeke sīnda pínki nane a Ƒime. ⁴⁵ Ama tó zīkerii pì pì a nēsee gūn, a dikiri suna ten gí ke sṑ, akū à nà a zīkeri dakenṑ gbēgbēnaaa, gṑgbēnṑ kū nṑgbēnṑ, áten sánkara pṑ ble, áten wēde ke, ⁴⁶ a dikiri ni su gṑṑ kū a wé dṑiroame, gṑṑ zaka kū à dṑroa, ani a zṑzṑkṑre à a baka da kú kifirinṑ.

⁴⁷ Zīkeri kṑ à a dikiri pṑyenyīna dṑ, akū adi soru ke à a pṑyeinaa kèro, oni a gbē búgubugu. ⁴⁸ Zīkeri kū à a dikiri pṑyenyīna dṑro, akū à yā kū à de

ò a gbē kè s̄, oni a gbē fítimē. Gbē kū Luda a gbà z̄sk̄ Luda ni wetea z̄sk̄. Gbē kū Luda p̄ nàne a z̄i z̄sk̄, ani gbekaa deñla.

Kēkēkōana Yesu yāi

(Mat 10:34-36)

⁴⁹ Tēn ma su na anduniaa, mádi gii té p̄i ḡ k̄ se teraro. ⁵⁰ Má wētāmma v̄i k̄ mani gēn. Má kú laasun z̄sk̄ ḡn ari à gé lákao. ⁵¹ Áten da ma su de gbēn̄ ḡ nna k̄ k̄so andunia ḡnn yá? Oi! Maten oáre, kēkēkōana yāin ma su. ⁵² Zaa tera ɔn k̄ gbēn̄n s̄ɔron̄n kún, oni k̄ kpaatete. Gbēn̄n aak̄n̄ ni bo gbēn̄n plan̄ kpe, gbēn̄n plan̄ ni bo gbēn̄n aak̄n̄ kpe. ⁵³ De ni bo a néḡgbē kpe, néḡgbē ni bo a de kpe. Da ni bo a n̄n̄gbē kpe, n̄n̄gbē ni bo a da kpe. Zā da ni bo nozāre kpe, nozāre ni bo a zā da kpe.

Ḡɔɔ dík̄ina yáasi d̄s̄naa

(Mat 6:2-3)

⁵⁴ Yesu p̄i gbēn̄n̄: Tó a è legū ten sisi ifálete kpa, áni p̄i ḡn̄, legū ni ma, akū àdi ke le. ⁵⁵ Tó a è ìa ten bo ḡn̄mid̄k̄i kpa, áni p̄i, gu ni wā, akūs̄ àdi wā. ⁵⁶ Manafikiden̄! Á z̄ite k̄ musuo wé d̄sk̄i, akū à ḡɔɔ dí yáasi d̄s̄ro bi?

Gaafara weteanaa

(Mat 5:25-26)

⁵⁷ Bóyāi á yākēna a z̄éa d̄ á z̄idaaroo? ⁵⁸ Tó n ibere ten gé k̄nwo yākpatēkēkia, ñ kokari ke de à gaafara kenne zaa z̄én, de àsun n gáte à gé k̄nwo yākpatēkeri k̄naaro yāi. Tó ndi ke lero, yākpatēkerii p̄i ni n kpá dogariia, dogari ni n da kp̄siran. ⁵⁹ Maten onne, ñni bo gwero ari ñ gé fina boo p̄inki. Bee k̄ɔɔ ni ḡ t̄nȳro.

13

N̄selitena ke ga

¹ Ḡɔɔ birea gbēken̄ s̄u ò Galili gbē k̄ Pilati ñ d̄ede à ñ aru yàkate k̄ ñ sa'ob̄ aruon̄ yā ò Yesune. ² Akū Yesu p̄inne: Kū Galili gbē p̄in̄ ga de le, áten da ñ durunna de Galili gbē kparan̄ p̄olan yá? ³ Oi! Maten oáre, tó ádi n̄ese litero, á p̄inki ni ga lán ñ bàme. ⁴ Gbēn̄n baro plansari k̄ Siloamu kp̄didikōanaa gb̄oro à s̄im̄ma ò ḡagan̄ s̄, áten da ñ taari de gbē kpara k̄ ò kú Yurusalemun̄ p̄olan yá? ⁵ Oi! Maten oáre, tó ádi n̄ese litero, á p̄inki áni ga lán ñ bàme.

⁶ Akū à yā dí l̄k̄s̄āne à p̄i: Gbēke mé à kaka lí bà a swadakoo ḡn, akū à ḡe a né wete adi ero. ⁷ Akū à p̄i a z̄ikeriine: Ñ gwa, a w̄e aak̄den dí, k̄ madi su né wete kaka lí p̄ia mádi ero. Ñ a z̄, óni tó à gu sí p̄an yá? ⁸ Akū z̄ikerii p̄i p̄ine: Baa, ñ tó ari ziki d̄. Mani gu bi mà likai mà taaki káne. ⁹ Ani ḡ né ñ zikiro. Tó adi né iro sà, mani a z̄ mà ne.

N̄gbē k̄n̄de werekōanaa

¹⁰ Kámmaboḡɔɔ z̄i Yesu ten yā dañne aduakēkpen. ¹¹ N̄gbē ke kú gwe, t̄ana a k̄n̄ k̄ à kà w̄e baro plansari. Àdiḡ kokoname, àdi f̄s̄ à a z̄ida poro bee f̄tiro. ¹² Kū Yesu a è, akū à a sisi à p̄i: N̄gbē, n k̄n̄ke ḡomma. ¹³ Akū à ɔ n̄aa. Zaa gwe ḡn̄ à p̄oro, akū à Luda sáabu kpà.

¹⁴ Akū aduakēkpe gbē z̄sk̄ p̄ f̄, k̄ Yesu a w̄erekōa kámmaboḡɔɔ z̄i yāi, akū à f̄ute à p̄i gbēn̄n̄: Ḡɔɔ suddo mé à kun k̄ òdi z̄i ken. Áḡ su ò á werekōa ḡɔɔ abiren̄a, ama kámmaboḡɔɔ z̄i baasi. ¹⁵ Akū Dikiri w̄e à p̄i:

Manafikidenɔ! Kámmabogɔɔ zĩ á baadi dì a zù ke zaaki poro a bàdɔkia à gé í kpáaroo? ¹⁶ Ibrahī buri nɔgbē díkĩna sɔ, Setan a yì wè baro plansarime. A bàa pìi poronaa kámmabogɔɔ zĩ zé vīroo? ¹⁷ Kū à ò lɛ, akū wé'í a ibereɔ kù ñ pínki, ama gbēno pɔ kè nna daboyā kù àten kenɔa pínki.

Yalekšana kù musadi wéo
(Mat 13:31-32, Maa 4:30-32)

¹⁸ Akū Yesu pì: Bón kpata kù à bò Luda kĩnaa bòkɔaoo? Bón mani kpákūsūoo? ¹⁹ À de lán musadi wé bà, akū gbē sè à t̄ a karaa gūn. Kū à bùte, à kè lí ũ, akū bāno sù ò dìdi a gānoa.

Yalekšana kù lùbeneɛo
(Mat 13:33)

²⁰ Akū à pì dɔ: Bón mani kpata kù à bò Luda kĩnaa kpákūsūoo? ²¹ À de lán lùbene kù nɔgbē sè à kà flawa zaka lé aakɔ gūn, à yàkate pínki bà.

Zéle kpakoto
(Mat 7:13-14, 21-23)

²² Gɔɔ kù Yesu ten gé Yurusalemu, àten gē wēteno kù lakutunɔla, àten yā dañne, ²³ akū ò a là ò pì: Baa, ase gbē kù oni surabana lenon dasiroo? Akū Yesu pì gbēnoɛ: ²⁴ À kokari ke à gē zéle kpakoto gūn. Maten oáre, gbēno ni wete ò gēn dasi, ama oni f̄ro. ²⁵ Tó bede f̄ute à zé tàta à làka, tó a ḡ bàai, akū àten gbà lé, àten pì: Baa, ñ zé wēwēre, ani oáre, á á d̄s gukearo. ²⁶ Abire gbera tó a p̄ne à p̄ blè kááo, à í m̄i kááo, à yā dañne á be gānulea, ²⁷ ani oáre á á d̄s gukearo. À goala á yāvānikerino á pínki.

²⁸ Tó a Ibrahī kù Isaakuo kù Yakubuo kù annabinɔ è pínki kpata kù à bò Luda kĩnaa gūn, akū ò á zú bàai, gwen áni s̄o d̄on, à ɔ dì á m̄ia. ²⁹ Gbēno ni bo ifáboki kpa kù ifálete kpao kù gugbānduruo kù gēno midɔkio, oni su p̄ ble kpata kù à bò Luda kĩnaa gūn. ³⁰ Len gbē kp̄deno niḡ gbē káakuno ũ lɛ, gbē káakuno niḡ gbē kp̄deno ũ.

Yurusalemu ya
(Mat 23:37-39)

³¹ Gɔɔ birea ḡno Farisi kenɔ sù Yesu kĩnaa ò p̄ne: Ñ fute gu dín, zaakū Herɔdu ye à n dem̄e. ³² Akū à p̄inne: À gé o flē p̄ine, maten t̄anano goñma, maten gyāreno werek̄ɔa gbāra kù ziao, a gɔɔ aak̄ɔde zĩ s̄o mani ma zĩ papa. ³³ Bee kù abireo séto mà gé are gbāra kù ziao kù zianɔo, zaakū adi kù annabi ga gukearo, sé Yurusalemu. ³⁴ Yurusalemudenɔ, Yurusalemudenɔ! Adì annabinɔ dede, adì gbē kù Luda ñ zĩáwanɔ pápa kù gbēo, à ñ dede. Madiḡ ye mà á kakaramai ḡn baaak̄, lákū ko dì dem̄bere kú a n̄nɔla n̄ame, ama adì weiro. ³⁵ Luda ni á kpé toáre bez̄i ũme sà. Maten oáre, áni ma e doro ari à pi, arubarikaden gbē kù àten su kù Dikiri t̄so ũ.

14

Yesu kunna Farisi ke bea

¹ Kámmabogɔɔ ke zĩ Yesu ḡe p̄ ble Farisinɔ gbē z̄k̄ ke bea, akū gbē kù ò kú gweno teni a kpákpa. ² Kákagyākeri ke kú Yesu are gwe. ³ Akū Yesu dokad̄rino kù Farisinɔ là à pì: Òdi gbē werek̄ɔa kámmabogɔɔ zĩ yá ke òdi werek̄aro? ⁴ Akū ò ḡ ȳt̄ena kítikiti. Akū Yesu gyāre p̄i kù, à a werek̄ɔa à a gbàre. ⁵ Akū à ñ lá à pì: Tó á gbēke né ke zù v̄i à zù l̄ḡon kámmabogɔɔ zĩ, ani a bo ḡnoɔroo? ⁶ Odi f̄ ò w̄eoro.

⁷ Yesu è deran gbē kū ò n sísino ten vuteki mana kū nà, akū à yā lèkōaŋne à pi: ⁸ Tó ò n sisi nɔse póblea, òsun vute vuteki mana gūnlo. Tó ò gbē kū à zōkō denla sisi bi! ⁹ Tó á sísirii sù à pìnne: Ñ fute ò vuteki kpá gbē p̄ia, ñni fute ò gé vute kpe kpa kū wé'ioṃe. ¹⁰ Tó ò n sisi, ñgō vute kpe kpa, de tó n sísirii sù, ani pìnne: Ma gbēna, ñ fute ò su are la. Abirekū ni n ke bèere de ù gbē kū á kú lèlɛnɔ are. ¹¹ Gbē kū àdi a zīda karan Luda ni a busa. Gbē kū àdi a zīda busa sō, Luda ni a kara.

¹² Akū Yesu pì a sísirii pìnne: Tó nten gbēno sísí póble fānantē blenaaa ke ɔkosi pó, òsun n gbēnnano sísíro ke n v̄nino kū n dakūnanao ke n daneno ke n ɔgɔde dakeno. Tó n kè le, oni era ò n sísime se ò fina bonne. ¹³ Tó nten gbēno sísí póblea, ñ takasidenɔ sísí kū kòndeno kū ɛrenɔ kū v̄nanao, ¹⁴ arubarikadenome á ũ, zaakū ò pòke vī ò fina boonnɛro. Luda mé ani fina bonne gbē mananao vugɔra.

Yalékōana kū póble dasio

(Mat 22:1-14)

¹⁵ Kū gbē kū ò kú lèlɛnɔ doke yā p̄i mà, akū à pi Yesune: Arubarikaden gbē kū ani póble kū kpata kū à bō Luda kīnaa gbēno ũ. ¹⁶ Yesu p̄ine: Gbēke mé à ye à póble ke, akū à gbēno sísí dasidasi. ¹⁷ Póblegɔzì zì à a zīkerii zì à o gbē kū à n sísino ò su, ò pó sīnda pínki soru kè ò làka sà. ¹⁸ Akū ñ baadi ten wete ò n kē. Gbē káaku p̄ine: Ma bú lù, mani gé gwa. N yā nna, ñ ma kē. ¹⁹ Gbē pānde p̄i: Ma zù búbabono lù mèn kuri, mani gé n gwa. N yā nna, ñ ma kē. ²⁰ Gbē pānde p̄i: Ma nɔ sè dufume. A yā mé à tò mani le mà suro. ²¹ Akū zīkerii p̄i èra à tà, à n légbɛ ò a dikiriine. Akū bede p̄i pò fē, à pi a zīkeriine: Ñ gé wete gūn likalika gānuleano kū zédano, ñ takasidenɔ kū kòndeno kū v̄nanao kū ɛrenɔ kakara ñ su kúnwo la. ²² Abire gbera zīkerii p̄i sù à p̄ine: Dikiri, ma yā kū n òò kè, ama vuteki kpé kun. ²³ Akū dikirii p̄i p̄i zīkerii p̄ine: Ñ gé zénɔ gūn kū zé térérenɔ pínki, ñ gā na gbēno ò gē, de ma on pa. ²⁴ Maten oáre, gbē kū ma n sísí p̄ino ke ni lé zō ma póble p̄iario.

Gōna Yesu iba ũ

(Mat 10:37-38)

²⁵ Ò tē zén kū Yesuo dasidasi, akū à lite à p̄ine: ²⁶ Tó gbē sù ma kīnaa, akū à ye a dei demala ke a da ke a nanao ke a néno ke a v̄nino ke a dakūnanao ke a zīda, ani f̄i à ke ma iba ũro. ²⁷ Gbē kū adi a lígbāndurukpana sé àgō téomairo, ade ni f̄i à ke ma iba ũro. ²⁸ Tó á gbēke ye à kpédidikōana bo, ani vute ḡia à a ɔgɔ dɔdɔ à gwa, tó ani f̄i à zì pi keroo? ²⁹ Tó adi ke lero, akū à ē p̄ete, tó adi f̄i à a làkaro, gbē kū à è pínki ni a lalandi ke ³⁰ ò pi: Gbē dīkīna nà kpébonaaa à f̄ia à a mì de. ³¹ Ke tó kīna ke ye à gé zì ká kū kīna pānde, ani vute ḡia à a laasun lé à gwa, tó a soza gā kurino ni f̄i ò kù kpá soza gā baro kù òten sunoaro? ³² Tó à è áni f̄iro, ani z̄rino z̄i, de ò lédokōnkena yā gbekaa zaade adi ká k̄an̄iro. ³³ Leme dɔ, tó á gbēke dí ɔ gbarɛ pó kū à v̄no pínkiro, ani f̄i à ke ma iba ũro.

³⁴ Wisi bi póbname, ama tó a í nna tà, deran oni ke nà à gō nna dɔɔ? ³⁵ À mana z̄ite ke zùgbōkatekinero, òdi kótɛme. Gbē kū à s̄a v̄i à yā pi ma.

15

Pó s̄atenano

(Mat 18:12-14)

¹ Bè'og̃sirinɔ kũ durunnakerinɔ ten na Yesui de ò a yā ma ń pínki. ² Akũ Farisinɔ kũ ludayádannerinɔ yáketè kà ò pì: Gbē díkĩna dì durunnakerinɔ sí à pò ble kũńwo ɛɛɛ. ³ Akũ Yesu yā díkĩna lèk̃sańne à pì: ⁴ Ò pì à gbēke sã vī mèn basɔɔro, akũ a do sãte, àdi a basɔɔro donsari tó sèn à pète sã kũ à sãte p̃ii ari à gé leroo? ⁵ Tó à bòa, àdi a sé à da a gàn kũ p̃onnao ⁶ à táo be, à a gbēnnanɔ kũ a fárandidenɔ sísi à pińne: À p̃onna ke kũmao. Ma a sã kũ à sãte p̃ii lè. ⁷ Lemɛ dɔ maten oáre, oni p̃onna ke ludambe durunnakeri mèn do kũ à nèsee lite yā musu de gbē mana gbēnon basɔɔro donsari kũ ò nèselitena ni ṽironola.

⁸ Nɔgbē kũ à andurufu ɔɔwapu vī mèn kuri s̃s bi, tó a mèn do sãte, àdi fitila na à kpé wara, à wete busebuse ari à gé leroo? ⁹ Tó à bòa, àdi a gbēnnanɔ kũ a fárandidenɔ sísi à pińne: À p̃onna ke kũmao. Ma a andurufu ɔɔ kũ à sãte p̃ii lè. ¹⁰ Lemɛ dɔ maten oáre, Luda malaikanɔ dì p̃onna ke durunnakeri mèn do kũ à nèsee lite yā musu.

Né'og̃gbē kũ à sãte

¹¹ Yesu pì dɔ: Gbēke mé à kun à né'og̃gbēnɔ vī mèn pla. ¹² Akũ Sabi pì a dene: Baa, ń ma baka kũ manig̃ vī túbi g̃un kpáma. Akũ de pì a aruzekè kp̃aateteńne. ¹³ Adi ke g̃ro plaro, akũ Sabi a p̃onɔ nàk̃sa pínki, à tà b̃usu p̃anden z̃az̃a. Gwen à a aruzekè k̃akaten p̃ap̃akenaa g̃un. ¹⁴ Kũ à pò kũ à ṽinɔ dè pínki, akũ nà gb̃ana kà b̃usu p̃in, akũ à g̃ò kũ takasio. ¹⁵ À g̃e à nà b̃usu p̃i gbēkei zamalingakeri ũ, akũ gbē pì a gb̃are a bura à pòble kp̃a aledenɔa. ¹⁶ Àdig̃ ye à pò t̃eke kũ aledenɔ ten ble ble à k̃a, ama òdi pòke kp̃áaro. ¹⁷ Kũ à laakar̃ii s̃u à pì: Ma de zamalingakerinɔn pòble ṽi d̃inyĩ, akũ maten ga kũ nàao la. ¹⁸ Mani fute mà tá ma de k̃inaa, mani pine: Baa, ma durunna kè Ludanɛ kũ m̃ok̃nwo, ¹⁹ mádi ká ò ma sísi n né ũ doró. ń ma d̃ite n zamalingakerinɔ do ũ. ²⁰ Akũ à fute àten tá a de k̃inaa. Kũ à té z̃à àten su, a de pì a è, akũ à k̃ene w̃enda. À bàa s̃i à g̃e à k̃usia, à lé p̃ea. ²¹ Akũ né p̃ii pine: Baa, ma durunna kè Ludanɛ kũ m̃ok̃nwo, mádi ká ò ma sísi n né ũ doró. ²² Akũ de p̃ii pì a z̃ikerinɔne: À gé likalika, à uta z̃ok̃ mana kũ à de a kparanola sé à suo à dane, à t̃anka dane, à kyate kp̃áne. ²³ À z̃usanɛ b̃ro m̃ekpana kũ à de, ò só p̃onnakenaa g̃un, ²⁴ zaakũ ma né p̃ii g̃à à f̃uteme. À s̃ateme, akũ ma a lè. Akũ ò nà p̃onnakenaa.

²⁵ Woru s̃s à kpé bura. Kũ àten su à kà k̃ani kũ beo, akũ à bata ũ mà dɔ kũ k̃ok̃ k̃inio. ²⁶ Akũ à z̃ikerinɔ do sísi, à a là b̃on òten kee. ²⁷ Akũ à w̃ea à pì: N dak̃una mé à s̃u, akũ n de z̃usanɛ b̃ro m̃ekpana dè, kũ à a lè aafia ỹai. ²⁸ Akũ Woru p̃o f̃è, à g̃i g̃e ɔnnyĩ. Kũ a de b̃ò, à k̃ute k̃ene, ²⁹ akũ Woru p̃ii pì a dene: É!e! À kà w̃e ũgbangba kũ maten z̃i k̃enne, mádi g̃i n ỹai z̃ik̃iro, akũ bee bl̃ekof̃ini gokũ ńdi kp̃ama mà p̃onna keo kũ ma gbēnnanɔoro. ³⁰ Kũ n né kũ à n aruzekè k̃akate karuanɔne p̃ii s̃u, n z̃usanɛ b̃ro m̃ekpanaa d̃ene. ³¹ Akũ a de pine: Ma né, ń kũ kũmao g̃ro s̃inda pínki. Pò kũ má ṽi pínki n p̃ome. ³² À k̃s̃ s̃io ò pò ble kũ p̃onnaome, zaakũ n dak̃una p̃ii g̃à à f̃ute. À s̃ateme, akũ ò a lè.

16

Aruzekè náanisari

¹ Yesu pì a ibanɔne: ɔɔde ke mé à kun à begwarii d̃ite a z̃ikerinɔne. Akũ ò s̃u ò k̃ro m̃ot̃o k̃ene ò pì, àteni a aruzekè kakate. ² Akũ à a sísi à pine: Yā kũ

ma mà n musu de deramee? Ñ yā kū nten ke n begwanaa gūn babamene. Ìni g̃s̃ de ma begwari ũ doro. ³ Akū begwarii p̃i ò a sw̃e gūn: Ma dikiri teni ma bo zī gūn, mani ke deraa? Akū dí mani f̃s̃ mà s̃e waro, akū barakena demene wé'iyā ũ. ⁴ Má d̃s̃ yā kū mani ke de gb̃eño ma dite n̄ bea, tó à ma bo zīn. ⁵ Akū à a dikiri f̃inaden̄o sisi dodo, à gb̃e káaku là à p̃i: Ñ ma dikiri f̃ina kūna ũgbamee? ⁶ À p̃i: Nísi gáruwa lé bas̄orome. Akū begwarii p̃i p̃ine: N f̃ina takadan la. N vute n̄ k̃e bupla akuri likalika. ⁷ Akū à p̃i gb̃e p̃anden̄e: M̄ok̄n̄ s̄s̄, n̄ f̃ina ũgbamee? Akū à p̃i: Ése asasa bas̄orome. Akū begwarii p̃i p̃ine: N f̃ina takadan la, n̄ a k̃e basiik̄me. ⁸ Akū dikirii p̃i begwari náanisaride p̃i sáabu kp̄a w̃éw̃é k̄ū à k̃e yā musu. Zaakū andunia dík̄ina gb̃eño w̃é z̃ena de gupuraden̄ola n̄ k̄s̄ t̃ene yākenaa gūn.

⁹ Makū s̄s̄ maten oáre, à gb̃ennan̄o wete k̄ū andunia aruzek̄eño, de ḡōo k̄ū à lákaáwa, Luda ni gb̄anake kp̄áái be k̄ū àdi lákaro gūn. ¹⁰ Gb̃e k̄ū à náani v̄i k̄ū a f̃itio niḡs̄ náani v̄i k̄ū a z̄ók̄oome se. Gb̃e k̄ū à náani v̄i k̄ū a f̃itioro niḡs̄ náani v̄i k̄ū a z̄ók̄o sero. ¹¹ Tó adi ke á náani v̄i k̄ū andunia aruzek̄eoro, Luda ni á náani ke k̄ū a yápuradeo yá? ¹² Tó adi ke á náani v̄i k̄ū gb̃e p̄ande p̄on̄oro, Luda ni a z̄ida p̄o kp̄ááwa yá? ¹³ Z̄ikerii di f̃s̄ à z̄ò ble dikiri m̄en planero, zaakū ani z̄a gb̃e dogu àḡs̄ ye gb̃e doi, ke ani na gb̃e doa à gb̃e do gya bo. Áni f̃s̄ àḡs̄ z̄ò ble Ludane k̄ū ōḡo leelero.

Ɔḡode k̄ū Lazaruo

¹⁴ Farisin̄o ye ōḡi. K̄ū ò yā p̃i mà p̄ínki, akū òten lézuki ke Yesua. ¹⁵ Yesu p̃inne: Adi yā nna kp̄á a z̄idaa bis̄asirin̄o k̄inaame, ama Luda á sw̃e d̄s̄. Yā k̄ū à z̄ók̄s̄ bis̄asirin̄onen Luda di a gya bo.

Ɔḡode k̄ū Lazaruo

(Mat 5:31-32, 11:12-13, Maa 10:11-12)

¹⁶ Musa doka k̄ū annabin̄o takadan̄o kun ari Yahaya ḡōo. Zaa ḡōo k̄ū òten kpata k̄ū à b̄ò Luda k̄inaa baaru kp̄á, akū gb̃e s̄inda p̄ínki ten wete à g̃en k̄ū gb̄anao. ¹⁷ Ludambe k̄ū z̄iteo g̃etenaa araga de doka p̃i w̄anz̄an f̃iti gogonala. ¹⁸ Gb̃e k̄ū à g̃i a nani à n̄o p̄ande s̃e, ade zina k̄eme. Gb̃e k̄ū à n̄o k̄ū ò g̃ii s̃e s̄s̄, à zina k̄en gwe.

¹⁹ Ḡs̄gb̃e ōḡode ke kun àdi p̄ókasa mana ōḡoden̄o da, àdiḡs̄ p̄onna ke nnamanaa gūn ḡōo s̄inda p̄ínki. ²⁰ Barakeri k̄ū òdi pine Lazaru òiḡs̄ w̄utena a be ḡanu gūn, b̄on̄o d̄od̄o a m̄eaa. ²¹ Àdiḡs̄ p̄oble k̄ū àdi léte ōḡode p̃i teburu z̄ite blena ni de. Gb̃edan̄o mé òdiḡs̄ a b̄ò p̄in̄o s̄as̄. ²² Barakerii p̃i ḡa, akū malaikan̄o a s̃e ò tà k̄aao Ibrah̄i kuru. Ɔḡode p̃i ḡa se, akū ò a v̄i. ²³ Kunna w̃ét̄amma gūn gyāwān, k̄ū à w̃é s̃e musu, akū à Ibrah̄i è z̄à, Lazaru k̄ū a sare. ²⁴ Akū à lé z̄ui à p̃i: Baa Ibrah̄i, n̄ ma w̃enda gwa, n̄ Lazaru z̄i à a ɔne z̄s̄ ía, à m̄ó à t̄ōmene ma nénea, zaakū maten w̄aw̄a ma tévura dík̄ina gūmm̄e. ²⁵ Akū Ibrah̄i p̃i: Ma né, n̄ tó nnamana k̄ū à likanȳi n̄ w̃endiḡōo yā d̄ongu k̄ū takasi z̄ók̄s̄ k̄ū Lazaru k̄eoro. A laakari kpatena la s̄a, akū n̄ k̄ū w̄aw̄a gūn. ²⁶ Abire gbera w̃e l̄okoto k̄ū ò dagara. Tó gb̃e ye à bo la à gé á k̄inaa, ani f̄oro, gb̃eke ni f̄s̄ à bo gwe à su ó k̄inaa s̄oro. ²⁷ Akū ōḡode p̃i p̃i: N yā nna Baa, tó leme, n̄ a z̄i ma de bea, ²⁸ zaakū má dak̄unan̄o v̄i gb̃en̄on̄ s̄oro. À gé lé dāmma, de òsun se gu w̄aw̄ade dí gūnlo. ²⁹ Akū Ibrah̄i p̃i: Ò Musa k̄ū annabin̄o takadan̄o v̄i, ò n̄ yā ma. ³⁰ Akū ōḡode p̃i p̃i: Oi, Baa Ibrah̄i! Tó gb̃eke b̄ò gan à g̃e n̄ k̄inaa, oni n̄ n̄ese lite. ³¹ Akū Ibrah̄i p̃ine: Tó odi Musa k̄ū annabin̄o yā maro, bee tó gb̃eke b̄ò gan, oni a yā síro.

17

Ludanaanikɛnaa
(Mat 18:6-7, 21-22)

¹ Yesu pì a ìbanɔnɛ: Yā kū àdì tó gbɛ̃nɔ fu dīgɔ sariro, ama waiyoo gbɛ̃ kū ani bo a kīnaa. ² Anigɔ sãna adene ò wísilɔgbɛ zòkɔ dɔ a wakale, ò a zu sèbɛɛ gūn de à tó né dínɔ do fula. ³ Àgɔ kú kú laakariio. Tó n gbɛ̃ndo durunna kè, ò gé ò a le. Tó à a nèseɛ lite, ò sùru kenɛ. ⁴ Tó à durunna kènne gɔrɔ do gè̃n suppla, akū à èra à pìnne gè̃n suppla a nèseɛ lite, ò sùru kenɛ. ⁵ Dikiri žirinɔ pìnɛ: Ñ ó ludanaanikɛna karawɛɛ. ⁶ Dikiri pì: Bee tó á Luda náani vī fiti lán ɛfɔ wé bà, áni o síri lí dínɛ à a žida wo à gé pé sèbɛɛ gūn, ani á yā ma.

⁷ Tó á gbɛ̃ke zò vī, àten sè wa ke àten sãnɔ dā, tó à sù kū burao, a dikiri ni pìnɛ à su à pɔ ble gɔ̃nɔn yá? ⁸ Oi, ani pìnɛ à pɔble keare, à a uta lite, à suare kū pɔbleo kū pɔminaa, àpii ni gbasa à pɔ ble, à í mi. ⁹ Ōdi zò sáabu kpá, kū à yā kū ò dāneɛ kè yāin yá? ¹⁰ Leme ákɔnɔ se, tó a yā kū Luda dāare kè pínki, à pi: Zɔ̃nɔn ó ũ, ó žin o kè.

Kusu gbɛ̃nɔn kurinɔ werekšanaa

¹¹ Kū Yesu ten gé Yurusalemu, àten kure Samaria bùsu léa kū Galilio. ¹² Kū àten gē lakutu ken, akū gɔgbɛ̃ kusu gbɛ̃nɔn kurinɔ dāale. Ò zɛ dire, ¹³ ò lé zùì ò pì: Dikiri Yesu, ò ó wēnda gwa. ¹⁴ Kū à í é, akū à pìnne: À gé à á žida mɔ sa'orinɔnɛ. Kū òten gé, akū ò werekša. ¹⁵ Kū ò gbɛ̃ do è a werekša, akū à èra à sù, àten Luda sáabu kpá kū kòto gbānao. ¹⁶ À wùte a kùaa Yesu are à fɔ kpàa. Gbɛ̃ dí bi Samaria gbɛ̃me. ¹⁷ Akū Yesu pì: Gbɛ̃nɔn kurinɔ mé ò wèrekšaroo? Gbɛ̃nɔn kēndonɔn kú máa? ¹⁸ Ñ gbɛ̃ke dí era à sù Luda sáabu kpáro, sé gbɛ̃ žitɔ dí yá? ¹⁹ Akū Yesu pìnɛ: Ñ fute ò tá, ma náani kū n kè mé à n werekša.

Bisāsiri Né sunaa
(Mat 24:23-41)

²⁰ Farisinɔ Yesu là kpata kū à bò Luda kīnaa bona gupuraaì, akū à wéríma à pì: Kpata kū à bò Luda kīnaa dì bo gupuraa ò e kū wéoro. ²¹ Oni pì à gwa la ke à gwa direro. Kpata kū à bò Luda kīnaa pì kú á té lame.

²² Akū à pì a ìbanɔnɛ: A gɔrɔ ten su kū áni Bisāsiri Né sugɔrɔ pìnɔ doke ena ni de, áni ero. ²³ Oni piáre à kú dire ke à kú la, ama àsun géro, àsun tényīro. ²⁴ Lákū legūpinaa dì gupura kū ludambe lé gu dín kū a lé direkūo nà, len anigɔ de le Bisāsiri Né sugɔrɔa. ²⁵ Séto à wétamma è manamana gīa, gbāragbɛ̃nɔ ni gīi. ²⁶ Lákū à de nà Nuhu gɔrɔa, len anigɔ de le se Bisāsiri Né sugɔrɔa. ²⁷ Gbɛ̃nɔ ten pɔ ble, òten í mi, òten nɔ sé, òten zā ke ari Nuhu gèè à gè gó'ite gūn, akū í dà anduniala, ò gāga pínki. ²⁸ Leme dɔ Lutu gɔrɔa, òten pɔ ble, òten í mi, òten pɔ lú, òten pɔ yía, òten pɔ tš, òten kpé bobo. ²⁹ Gɔrɔ kū Lutu bò Sɔdɔmu, té kū ifántɛgbɔ̃nɔ kòte bona ludambe, akū ò gāga pínki. ³⁰ Len anigɔ de le gɔrɔ kū Bisāsiri Né ni bo gupuraa.

³¹ Gɔrɔ birea gbɛ̃ kū à kú a kpé musu sún kipa à gē kpé gūn à pónɔ sète à booro. Len dɔ gbɛ̃ kū à kpé bura sún era à pɔ sé bero. ³² À tó Lutu nanɔ yā dɔágu. ³³ Gbɛ̃ kū à ye àgɔ a wèndi kūna ni kurai. Gbɛ̃ kū à gī a wèndiii sɔ, ade nigɔ wèndi vī. ³⁴ Maten oáre, gwāani birea gbɛ̃nɔn planɔ nigɔ wùtɛna kɔ sare, oni gbɛ̃ do sé ò gbɛ̃ do tón. ³⁵ Nɔgbɛ̃ gbɛ̃nɔn planɔ nigɔ pɔ lɔbɔ gu dokɔnɔa, oni gbɛ̃ do sé ò gbɛ̃ do tón. ³⁶ Gɔgbɛ̃ gbɛ̃nɔn planɔ nigɔ kú bura,

Luda ni gbē do sé à gbē do tón. ³⁷ Akū ò a là ò pì: Dikiri, má kpaá? À wèrìmma à pì: Gu kù gè kún, gwen yumburukunò ni kò kakaran.

18

Gyaanò kù à zè yákpatekerila

¹ Yesu yá lèkòáñne de à mǎñne ògò adua ke Luda baala'i, òsun kpasaro. ² À pì: Yákpatekeri ke mé à kù wète kea, à Luda vīna vīro, àdi gbēke yá daro. ³ Gyaanò ke kù wète pìi gūn, àdigò su a kīnaa gèn baaakò àdi pì: Ñ ze kūmao ma ibere yá musu. ⁴ Adì wero ari gɔɔ pla. Abire gbera à pì a zīdane: Bee tó má Luda vīna vīro, akūsò madì gbēke yá daro, ⁵ lákù gyaanò pì ten wari òma nà, manì ze káao. Tó mádi ke lero, a zemalana lakanaa sari ni ma kpasame.

⁶ Akū Dikiri pì: À yákpatekeri vāni yá'ona ma. ⁷ Luda ni ze kù gbē kù à ñ sé òten wiki léa fānantè kù gwāaninòoro? Anì mēyīda ke kù weñmanaon yá? ⁸ Maten oáre, anì ze kúnwome gòno. Bee kù abireo tó Bisāsiri Né sù, anì a náanikeri e andunia gūn yá?

Farisi kù be'ogòsirii

⁹ Akū à èra à yá díkīna lèkòa gbē kù òdi ñ zīda dite mana ò ñ gya bonone. ¹⁰ Gbēnon pla kenò mé ò gèe adua ke Luda onn, gbē do bi Farisime, gbē do sò be'ogòsirii. ¹¹ Farisi pì zena, àten adua ke. À pì a swèe gūn: Luda, ma n sáabu kè kù má de lán gbē kparanò bàro, dibidibikerinò, náanisaridenò, zinakerinò ke lán be'ogòsirii dí bà. ¹² Madigò lé yí gɔɔ plapla azuma kù azumaa. Pó kù ma lè pínki madì a kuride bonne. ¹³ Be'ogòsirii pì sò ze dire, adì fò à wé sè à musu gwà sero. À a zīda kèkè à pì: Luda, ñ sùru ke kūmao, durunnakeriime ma ú. ¹⁴ Maten oáre, gògbè pìi tà a bea Luda yāsinakáao gūmme, adì ke Farisi pìinlo. Zaakù gbē kù àdi a zīda kara, Luda ni a busa. Gbē kù àdi a zīda busa sò, Luda ni a kara.

Arubarikadana nénogu

(Mat 19:13-15, Maa 10:13-16)

¹⁵ Òten su Yesu kù ñ né fitinò de à ò nañma. Kù a ìbanò è le, akū ò giñne. ¹⁶ Akū Yesu nénò sisi à pì: À tó nénò su ma kīnaa, àsun gínnero, zaakù ñ takanò pón kpata kù à bò Luda kīnaa ú. ¹⁷ Yāpuran maten oáre, gbē kù anì kpata kù à bò Luda kīnaa sí lán né fíti bàro ni gēnlo.

Aruzekede

(Mat 19:16-30, Maa 10:17-31)

¹⁸ Gbānade ke sù à Yesu là à pì: Danneri mana, deran manì ke mà wèndi kù àdi láraro lee? ¹⁹ Yesu pìne: À kè dera n pì, má manaa? Gbēke manaro, sé Luda ado. ²⁰ Ñ dokanò dō: Ñsun zina kero, ñsun gbē dero, ñsun kpāni oro, ñsun yá dí n gbēdakearo, ñgò bèere lí n de kù n daone. ²¹ Akū à pìne: Zaa ma né fíti gɔɔa má yá birenò kūna pínki. ²² Kù Yesu yá pìi mà, à pìne: Yá mèn do mé à gōñne. Ñ pò kù ñ vīno yía pínki, ñ a ogò kpá takasidenò, ñigò aruzeke vī ludambe. Abire gbera ñ mó ñ témai. ²³ Kù à yá pìi mà, a nēsese yàka, zaakù aruzekézòkòdeme. ²⁴ Kù Yesu a gwà, akū à pì: À zī'ú manamana aruzekedene à gē kpata kù à bò Luda kīnaa gūn. ²⁵ Lakumi gēna pɔɔween araga de aruzekede gēna kpata kù à bò Luda kīnaa gūnla. ²⁶ Akū gbē kù ò yá pìi màno pì: Tó lemme, dí mé anì fò à surabana lee? ²⁷ Yesu wèrìmma à pì: Yá kù bisāsiri fūa à ke, Luda kīnaa àdi sí ke.

28 Akū Pita pì: O beebɔ pínki tò o tenyĩ. 29 Akū Yesu pìnnɛ: Yāpuran maten oáre, gbē kū à a be tò ke a nanɔ ke a v̄n̄inɔ ke a dakūnanɔ ke a de ke a da ke a n̄enɔ kpata kū à bò Luda kīnaa yāi, 30 ade ni era à abire taka le de yāla dasidasi andunia dí gūn, ani w̄endi kū àdi lākaro le andunia kū àten su gūn.

Yesu era à a ga kū a vunaao yá'ona

(Mat 20:17-19, Maa 10:32-34)

31 Yesu a gb̄enɔn kuri aw̄eplanɔ kākaraai, akū à pìnnɛ: Óten gé Yurusalemu. Gwen yā kū annabinɔ k̄è Luda yān Bisāsiri Né musu ni papan pínki sà. 32 Oni a kpá buri pānde gb̄enɔa, oni a fobo, oni a s̄s̄s̄, oni lé'í sua, oni a gbē kū fl̄aao, oni a de, 33 a ḡorɔ aak̄ode zī ani fute. 34 Ama a ìbaa p̄inɔ dí a ke mì d̄oro, zaakū yā p̄ii mì utenañne, ò d̄s̄ yā kū àten oro.

V̄ina barakeri werek̄anaa

(Mat 20:29-34, Maa 10:46-52)

35 Kū Yesu kà k̄ani kū Yerikoo, v̄ina ke vutena zé léa, àten bara ke. 36 Kū à mà gb̄enɔ ten ḡete dasi, akū à n̄ lá à p̄i, b̄on òten kee. 37 Akū ò p̄ine, Yesu Nazera mé àten ḡete gwe. 38 Akū à lé z̄uì à p̄i: Yesu, Dauda buri, ñ ma w̄enda gwa. 39 Gbē kū ò té arenɔ ḡine ò p̄i à ȳite, akū a lé gbāna zunaa kàra àten p̄i: Dauda buri, ñ ma w̄enda gwa. 40 Yesu zè à p̄i ò mó k̄aao. Kū à s̄u, akū Yesu a là à p̄i: 41 B̄s̄ n̄ ye mà kenn̄e? À w̄eà à p̄i: Dikiri, má ye ma wé gu eme. 42 Akū Yesu p̄ine: Ñ gu e. Ma náani kū n k̄e mé à n werek̄oa. 43 Zaa gwe ḡonɔ a wé gu è, akū à t̄ei, àten Luda s̄aabu kpá. Kū gbē s̄inda p̄inki è le, akū ò Luda t̄ó bò.

19

Zakeusi

1 Kū Yesu kà Yeriko, àten ḡete a gūn. 2 Gb̄eke kú gwe a t̄on Zakeusi. Be'oḡosirinɔ gbē z̄ok̄ome, akūs̄ aruzekedeme. 3 Àten wete à e gbē kū Yesu de a ū, ama gbē kutuume, adi f̄s̄ à a èro pari yāi. 4 Akū à bàa lè à ḡe are à d̄idi s̄iri lía de à Yesu e, zaakū ani ḡete gwe kpame. 5 Kū Yesu kà gwe, akū à wé s̄e musu à p̄ine: Zakeusi, ñ kipa likalika. Séde mà kipa n bea gbāra. 6 Akū Zakeusi kipa likalika, à gb̄anake kp̄ai kū p̄onno. 7 Kū gb̄enɔ è le, akū òten yākete ká ò p̄i: À ḡe kipa durunnakeri bea. 8 Akū Zakeusi f̄ute à zè à p̄i Dikirine: Dikiri, mani ma aruzeke kpado kpaate takasiden̄ne. Tó ma gb̄eke bl̄e s̄s̄, mani era mà a ḡene kp̄aa leu siik̄ome. 9 Akū Yesu p̄ine: On dí denɔ surabanaa è gbāra. Zaakū gbē d̄ik̄ina se bi Ibrah̄i burime. 10 Bisāsiri Né s̄u de à gbē kū à s̄ate wete à a sura bame.

Oḡodak̄ena z̄ikerin̄ne

(Mat 25:14-30)

11 Ḡorɔ kū òteni a yā p̄i ma, akū à èra à yā kàrañne d̄s̄. Lākū à kà k̄ani kū Yurusalemuo nà, òten da kpata kū à bò Luda kīnaa ni bo gupuraa ḡ̄onome, akū à yā l̄ek̄añne 12 à p̄i: K̄ina buri ke mé àten gé kpata ble b̄usu z̄az̄an, ani era à su. 13 Akū à a z̄ikerinɔ s̄isi gb̄enɔn kuri, à andurufu oḡowapu kp̄a n̄ baadia m̄en bas̄os̄oro à p̄innɛ: Aḡs̄ laga táo ari màḡs̄ gu. 14 A b̄usudenɔ s̄s̄ ò z̄aagu, akū ò z̄irinɔ z̄i a kpe ò p̄i: Oni we gbē p̄i kí blew̄erero. 15 A suna kū kpatablenaaoḡera, à p̄i ò z̄ikeri kū a oḡo kp̄am̄ma p̄inɔ s̄isi, de à le à d̄s̄ lākū ò àree lè nà. 16 Gbē k̄aaku s̄u à p̄i: Dikiri, n̄ oḡo p̄ii àree k̄arameñe leu

kuri. ¹⁷ Akū à pìne: N kè zìkeri mana. Lákū n náani vī kū a fítio nà, ìnigō gbāna vī wēte mèn kurinᵒa. ¹⁸ Gbē plade sù à pì: Dikiri, n ᵒᵒ pìi àree kè leu sᵒᵒro. ¹⁹ Akū à pìne: Mᵒkᵒn sᵒ, ìnigō gbāna vī wēte mèn sᵒᵒronᵒa. ²⁰ Akū gbē pānde sù à pì: Dikiri, n ᵒᵒn la. Ma ùte kokona bizakasa gūn. ²¹ Má n vīna vī, zaakū n yānᵒn zī'ū. Ndì pᵒ kū ndi ditero sé, ndì pᵒ kū ndi t̄ro kē. ²² Akū à pìne: Zìkeri zara, n lé mé à n kari kè. N dᵒ kū ma yānᵒn zī'ū, madi pᵒ kū madi ditero sé, madi pᵒ kū madi t̄ro kē. ²³ Kū n dᵒ le, bᵒyāin ndi ᵒᵒda keᵒñneroo, de tó ma su, mà a pᵒ sí kū à àree? ²⁴ Akū à pì gbē kū ò kú gwenᵒne: À a ᵒᵒ pì sía à kpá gbē kū à àree lè leu kuriia. ²⁵ Akū ò pìne: Dikiri, à àre leu kuri kúna kò. ²⁶ Akū à wèr̄ma à pì: Maten oáre, gbē kū à pᵒ vīn Luda ni karane. Gbē kū à vīro sᵒ, bee pᵒ kū à vī Luda ni síame. ²⁷ Ma ìber̄e kū ò ye mà kí bleñneronᵒ sᵒ, à mᵒ kúñwo la à n dede ma are.

Gbanakᵒpana Yesui Yurusalemu

(Mat 21:1-17, Maa 11:1-19, Yuh 12:12-19)

²⁸ Kū Yesu yā pìi ò à làka, akū à dà zén, àten gé Yurusalemu. ²⁹ Kū à kà kani kú Betefageo kú Betanio, s̄s̄i kú òdi pi Kùkpe gerei, akū à a ìbaa z̄i gbēnᵒn pla ³⁰ à p̄inne: À gé lakutu kú à káte á are direkū gūn. Tó a gē, áni zaakine b̄ro e bàᵒna gwe, gbēke dí dia zikiro. À poro à suo. ³¹ Tó ò á lá ò pi, à kè daran àten poroo, à pi Dikiri mé à yei. ³² Akū z̄irinᵒ gèe, ò è lākū à òñne nà. ³³ Kū òten zaaki pi poro, akū a dikirinᵒ n lá ò pi: Dí mé à pì à zaaki p̄i poroo? ³⁴ Ò wèr̄ma ò pi: Dikiri mé à yei. ³⁵ Akū ò sù kú zaaki p̄io Yesune, ò n utano kpátea, akū ò Yesu dia. ³⁶ Lákū àten gé nà, gbēnᵒ teni n utano kpáte zén.

³⁷ Kū à kà kani kú gu kú zé p̄i m̄i p̄ete Kùkpe s̄s̄i guvutenwo, akū p̄onna gūn a ìba kú ò t̄einᵒ p̄inki nà Luda s̄aabukpanaaa kú koto gbānao daboyā kú ò ènᵒ musu p̄inki ³⁸ ò pi:

Arubarikaden kina kú àten su kú Dikiri t̄so ū.

Aafia kú ludambe!

Ò Luda tó kpá zaa musu!

³⁹ Farisi kú ò kú z̄aa gūn kenᵒ p̄ine: Danneri, n pata n ìbanᵒa. ⁴⁰ Akū à wèr̄ma à pì: Maten oáre, tó ò ȳte, gbēnᵒ mé oni wiki pì lé.

Yesu s̄ᵒᵒna Yurusalemudenᵒne

⁴¹ Kū à nà Yurusalemui, à gwà, akū à s̄ᵒ dᵒ a musu ⁴² à pì: Tó n yā kú ani sunne kú aafiaaoo dᵒ gbāra yā dé, de à ke nna. Tera sà à utenanneme. ⁴³ A ᵒᵒro ni su kú n ìber̄enᵒ ni su ò gbà leinᵒ dᵒ ò likanyī ò n kagura ke ⁴⁴ oni n gboro oni n gbēnᵒ ú ló z̄itea. Bee gbē ken oni tó didik̄aro, kú ndi ᵒᵒro kú Luda wé kpátenyī d̄ro yāi.

Yesu kunna Luda ᵒnn

(Mat 21:12-17, Maa 11:15-19, Yuh 2:13-22)

⁴⁵ Kū Yesu gè Luda ᵒnn, akū à pè lagayarinᵒa. ⁴⁶ À p̄inne: Ò kè Luda yān ò pi: Ma kpé nigᵒ de aduakekpe ūme, akū a lite gbēblerinᵒ tò ū.

⁴⁷ Lákū gu d̄igᵒ dᵒ nà Yesu d̄igᵒ yā dañne Luda ᵒnn. Akū sa'orikinᵒ kú ludayadannerinᵒ kú gbē z̄ᵒk̄onᵒ ten zé wete ò a de, ⁴⁸ ama odi a kena zé ero, kú gbē s̄inda p̄inki s̄a kpá òteni a yā ma yāi.

20

Yesu gbekana a ikooi

(Mat 21:23-27, Maa 11:27-33)

¹ Zíkèa Yesu tèn yā da gbēnɔnɛ Luda ɔnn, àtèn baaru nna kpáínnɛ, akū sa'orikinɔ kū ludayādannerinɔ kū gbē z̄sk̄ɔnɔ sù ² ò pìnɛ: Ñ owere, iko kpaten nten yā dínn keoo? Dí mé à n gba iko dí pìi? ³ Akū à wèr̄mma à pì: Makū se mani yā gbekaáwa. À omene, ⁴ Yahaya gbēnɔ da'itekènaa bò Luda kīnaan yáa, ke bisāsiri kīnaame? ⁵ Akū ò yā ḡḡḡ ò pì: Tó o pì Luda kīnaame, ani ó la, b̄yāin ódi Yahaya yā síroo? ⁶ Tó o pì bisāsiri kīnaame s̄s, gbē s̄inda pínki ni ó pápa kū gb̄èè ò ò d̄ede, zaakū ò Yahaya annabike si. ⁷ Akū ò wèa ò pì: Ó d̄s gu kū à b̄onlo. ⁸ Akū Yesu p̄ínne: Makū se mani iko kū maten yā dínn keo oáero.

Geepi líkpe arukerinɔ

(Mat 21:33-46, Maa 12:1-12)

⁹ Akū Yesu èra à yā l̄k̄s̄aínnɛ à pì: Gbēke mé à geepi líkpe bà, akū à nà arukerinɔnɛ n̄ ɔ̄ à f̄ute kū táo à ḡɔɔ pla k̄è gwe. ¹⁰ Kū geepiz̄ḡɔɔ kà, akū à a z̄iri ke z̄i arukerii p̄inɔa, de ò a geepi né pì kpáa, akū arukerii p̄inɔ a gb̄è, ò à gb̄are ɔkori. ¹¹ Akū à èra à z̄iri p̄ande z̄i d̄o, akū ò a gb̄è ò wé'i dàa ò a gb̄are ɔkori. ¹² Akū à èra a gb̄è aak̄ode z̄i d̄o, akū ò a k̄inna ò p̄èa. ¹³ Akū burade p̄i pì: Mani ke derame s̄aa? Mani ma néḡgb̄è mèn do yenyīde z̄ímma. Ke oni a yā da gw̄ee? ¹⁴ Kū arukerii p̄inɔ a è, ò p̄ik̄ɔnɛ: Túbiblerin dí, ò a de, a t̄ubi ni ḡɔw̄ere. ¹⁵ Akū ò bò k̄aao bura ḡūn, ò a d̄è.

T̄ò! B̄ón burade p̄i ni ke k̄ūnwoo? ¹⁶ Ani su à arukerii p̄inɔ d̄ede à bura p̄i na gb̄è p̄andenɔnɛ n̄ ɔ̄. Kū gb̄ènɔ yā p̄i mà ò pì: Òsun ero! ¹⁷ Akū Yesu n̄ gwá t̄ií à pì: Yā kū ò k̄è Luda yān d̄ík̄na de deraa?

Gb̄è kū kp̄éborinɔ p̄a kp̄ai

mé à ḡè kp̄é kusuru gb̄è m̄ide ū.

¹⁸ Gb̄è kū à l̄ète gb̄èè p̄iia ni w̄iwime.

Tó gb̄èè p̄i l̄ète à s̄i gb̄èa s̄s, ani a ú l̄óme.

B̄e'ɔḡkpana Sizaa yā

(Mat 22:15-22, Maa 12:13-17)

¹⁹ Ludayādannerinɔ kū sa'orikinɔ d̄s̄ kū n̄ yāin à yālek̄s̄anaa p̄i ò, akū ò z̄é w̄ète ò a kū ḡɔnɔ, ama ò v̄ina k̄è gb̄ènɔnɛ. ²⁰ Òteni a kpákpa, akū ò z̄ambade kū òteni n̄ z̄ida d̄ite gb̄è mana ūnɔ z̄ia, de ò le ò a kū a yā'onaa ḡūn, ò a kpá n̄ b̄usu gb̄ānadea à gb̄āna m̄onɛ. ²¹ Akū z̄ambade p̄inɔ a là ò pì: Danneri, ó d̄s̄ kū ndi yā ò n̄ yā daínnɛ a z̄éa, ndi gb̄è wé gwao, ndi Luda z̄é daínnɛ kū yāpurao. ²² À z̄é v̄i ò b̄e'ɔḡ kpá Sizaa yā ke òsun kpáaro? ²³ Yesu n̄ manafikike d̄s̄r̄ma, akū à p̄ínne: ²⁴ À ɔḡ p̄i do m̄omene mà gwa. Dí mì wānzān dí kū a t̄soo? Ò wèa ò pì: Siza p̄óme. ²⁵ Akū à p̄ínne: T̄ò, à p̄ó kū à de Siza p̄ó ū kpá Sizaa, à p̄ó kū à de Luda p̄ó ū kpá Ludaa. ²⁶ Akū ò f̄iia ò a kū a yā'onaa ḡūn gb̄ènɔ w̄ara. A yāwemmanaa bò n̄ sare, akū ò n̄ lé n̄ak̄sa.

Ḡènɔ vuna yā

(Mat 22:23-33, Maa 12:18-27)

²⁷ Akū Sadusi kū òdi pi ḡènɔ d̄i vuronɔ sù Yesu kīnaa, ò a gb̄èka ²⁸ ò pì: Danneri, Musa òw̄ere a takada ḡūn à pì: Tó gb̄è ḡà à a nanɔ tò né'isari, a dakūna gyaanɔ p̄i sé de à le à né buri dato a v̄inine. ²⁹ Lem̄e dedok̄ɔnɔn̄ kun gb̄ènɔn̄ suppla. Woru n̄ s̄è, akū à ḡà né'isari. ³⁰ Akū Sabi n̄ p̄i s̄è d̄o. ³¹ Sabi gbera Bi s̄è d̄o. Ò k̄è le n̄ gb̄ènɔn̄ suppla n̄ p̄ínki, ò ḡaga né'isari. ³² N̄ p̄ínki gberan n̄ p̄i ḡà se. ³³ T̄ò! Ḡènɔ vuna ḡɔɔ z̄i n̄ dí mé aniḡo n̄ p̄i

vii? Zaakū n gbēnɔn suppla n pínki ò a dš nɔ ũmɛ. ³⁴ Akū Yesu wèrɩma à pì: Andunia la gbēnɔ dī nɔ sé òdi zā ke, ³⁵ ama gbē kū Luda dīte kū ò kō sio ò bo gan ò andunia dufu lenɔ ni nɔ séro, oni zā kero. ³⁶ Onigō kun lán malaikanɔn kun nàme, oni ga doro. Onigō de Luda nénɔ ũmɛ, gàavunɔ ũ. ³⁷ Bee Musa à gènɔ vuna yā biriañne, gu kū à tariankpā yā òn à pì, Dikirime Ibrahim kū Isaakuo kū Yakubuo Luda ũ. ³⁸ Dikiri dī ke gènɔ Luda ũro, gbē bēnenɔ Ludame, zaakū gbē sīnda pínki bēne Ludane. ³⁹ Akū ludayādanneri kenɔ fùte ò yā ò ò pì: Danneri, n yā mana ò. ⁴⁰ Akū odi sù ò yāke làa doro.

Arumasihu buri yā

(Mat 22:41-46, Maa 12:35-37)

⁴¹ Yesu n lá à pì: À kè dera òdi pi Dauda burin Arumasihu ũu? ⁴² Zaakū Dauda pi Zabura takada gūn:

Dikiri pì ma dikirine à vute a òplai

⁴³ ari àgō a iberenɔ kenɛ tìntin ũ.

⁴⁴ Kū Dauda a sisi Dikiri, à kè dera anigō de a buri ũ dɔɔ?

Ludayādannerinɔ kū Farisinɔ manafiki

(Mat 23:1-36, Maa 12:38-40)

⁴⁵ Kū gbē sīnda pínki teni a yā ma, akū à pì a ibanɔne: ⁴⁶ À laakari ke ludayādannerinɔi. Òdigō ye ògō kure kū uta zōkōnɔo dana, de ògō fɔ kpákpañma etenɔa. Òdigō ye ò vute aduakεkpe vutεki mananɔn kū pɔnna pòble vutεki mananɔo. ⁴⁷ Òdi adua gbàna ke de gbēnɔ n é yāi, akū òdi gyaanɔnɔ kpé sírɩma. N wétāmmana nigō pāsī de gbē sīnda pínki pòla.

21

Gyaanɔ takaside gbadanaa

(Maa 12:41-44)

¹ Kū Yesu wé sè musu, akū à è ògɔdenɔ teni n gbano ká ògɔdaki gūn. ² Akū à gyaanɔ takaside ke è gwe, à kɔbɔ pla dàn. ³ Akū à pì: Yápuran maten oáre, gyaanɔ takaside pì ògɔ dàn de gbē sīnda pínkila. ⁴ Zaakū n ògɔ dasi gūnn ò bòn ò kàn n pínki. Nɔgbē pì sō, a takasike gūn pò kū à vī à pò bleon à dàn pínki.

Yurusalemu kakatena kū andunia lákagɔɔ sèedanɔ

(Mat 24:1-22, Maa 13:1-20)

⁵ Gbēkenɔ ten Luda òn yā o, ò pì ò a kpénɔ kèke mana kū gbè mananɔ kū pò kū ò Luda gbànɔ, akū Yesu pì: ⁶ Gɔɔke ni su, pò kū a è dínɔ, bee gbè ken oni tó dikōaro, oni gboro pínkime. ⁷ Akū ò a là ò pì: Danneri, bɔren yā dínɔ ni kee? Bó mé anigō de a kegɔɔ sèeda ũu? ⁸ Akū à wèrɩma à pì: À laakari ke, àsun tó ò á sátero, zaakū oni su dasi kū ma tóo, onigō pi Arumasihume n ũ, gɔɔ pì sō à kà káni. Àsun téñyīro. ⁹ Tó a zīnɔ baaruu mà ke futekōina yānɔ, àsun tó vīna á kūro. Sé abirekūnɔ ke káaku gīa, ama andunia ni láka gōnɔro. ¹⁰ Akū à pìñne: Buri kū burio ni futekōi, leme dɔ būsɩ kū būsɩuo. ¹¹ Zite yīgāyīgāna pāsīnɔ kū nāao kū gagagyānɔ nigō kú gukenɔa. Àlesi bēne vīna yānɔ ni bo ludambe.

¹² De yā pìnɔ kpé à su pínki oni á kūkū ò wé táawa. Oni á na aduakεkpedenɔne n òi, oni á ká kpésiran, oni gé kááo kínanɔ kū būsɩ gbē zōkōnɔ are ma tó yāi, ¹³ ánigō deñne ma sèedadenɔ ũ. ¹⁴ À á laakari kpáte, àsun káaku yā kú áni o damu kero, ¹⁵ zaakū makū mé mani yā daáre à lén,

mani á gba òndò, de á ibere ke sún gí a yáí ke à á éke boro. ¹⁶ Bee á de kú á dao kú á vīnīnò kú á dakūnanò kú á danenò kú á gbēnnanò ni á kpámma, ò á gbēkenò de. ¹⁷ Gbē sīnda pínki ni zāágu ma yáí, ¹⁸ ama bee á mīkà wēndi do ni zukūnaro. ¹⁹ Zēna gbāna gūn áni wēndi le.

²⁰ Tó a è zīkarīnò líka Yurusalemui, àgò dō kú a kakatenaa zà doró. ²¹ Gbē kú ò kú Yudeanò bàà sí ò mì pé kpīnò, gbē kú ò kú Yurusalemunò fākōa. Lakutudenò sún gē a gūnlo. ²² Zaakū gōrò pì bi wētāmmagōrōme, de yā kú ò kē Luda yān papa pínki yāí. ²³ Waiyoo nòsindarenò kú nérandenò gōrò bīrea, zaakū būsuu pì wari nigō zōkō, Luda pōfē ni kipa gbē pīnò. ²⁴ Oni n gbēkenò dede kú fēnēdao, oni n gbēkenò kūkū ò tá kūnwo būsū sīnda pínki gūn zīzōnò ū, buri pāndenò ni kiti pá Yurusalemu ari n gōrò papa.

Bisāsiri Né sunaa

(*Mat 24:29-35, Maa 13:24-31*)

²⁵ Sēedanò nigō kú ifāntēa kú mōvuraao kú susunenò, buri sīnda pínki nigō kú pōsiran andunia gūn. Onigō kú bīdi gūn ísira kīni kú a zuzunaaoyāí. ²⁶ Vīnakena yā kú àteni su anduniaaa yāí gīdi ni tó gbēnò gbāsī lé, zaakū pō kú ò kú ludambenò ni sāte n kúkia, ²⁷ gbasa wà Bisāsiri Né sunaa e ludambē lukun kú gbānao kú gakuri zōkō. ²⁸ Tó yā birenò nà kenaaa, à fute à ze, à á mì sé musu, zaakū á surabana mé à kà kāni.

²⁹ Yesu yā lēkōarīne à pì: À kaka lí gwa kú lí kparanò. ³⁰ Tó a è ò lá bōtō kù, adì dō á zīda kú guwānagōrò kà kāni. ³¹ Lemē sō, tó a è yā pīnò ten ke le, àgò dō kú kīna kú à bō Luda kīnaa sunaa kà kāni. ³² Yāpuran maten oāre, gōrò dí gbēnò ni gētero ari yā pīnò gé keo pínki. ³³ Musu kú zīteo ni gēte, ama ma yānōn gētēna vīro.

³⁴ À laakari ke. Ásun tó pāpākēna kú wēdekēnaao kú wēndi damukēnaao á laakari síáwaro, de a sugōrò sún á kú kānto lán tankute bāro yāí. ³⁵ Zaakū anī kúte gbē kú ò kú andunia gūnnoa gu sīnda pínki.

³⁶ Á itē ke, àgò adua ke baala'i, de à fō à piti yā kú àten sua pínki à ze Bisāsiri Né are. ³⁷ Lākū gu dīgō dō nà Yesu dīgō yā dañne Luda onn. Tó okōsi kē, àdi bo à gé i Kùkpe sīsigerēei. ³⁸ Kōnkōkōnkō gbē sīnda pínki dī fute à gé a yā ma Luda onn.

22

Lēkpakūsuna Yesu

(*Mat 26:1-5, Maa 14:1-2, Yuh 11:45-53*)

¹ Burodi Futenasari dikpe kú òdi pì Vīnla kà kāni. ² Sa'orikinò kú ludayādannerinò ten zé wete ò Yesu de, zaakū òten vīna ke gbēnōne.

Yudasi bona Yesu kpe

(*Mat 26:14-16, Maa 14:10-11*)

³ Akū Setan gē Yudasi kú òdi pīne Isikarioti gūn, gbēnōn kuri awēēplanò dokeme. ⁴ Akū Yudasi gēe à yā ò kú sa'orikinò kú Luda on dākpārī gbē zōkōnò lākū áni ke nà à Yesu kpámma. ⁵ N pō kē nna, akū ò lédokōnò kē ò gō kpāa. ⁶ À zèò, akū àten zé wete à Yesu kpámma gbēnò kpe.

Vīnla póblenaa

(*Mat 26:17-25, Maa 14:12-21, Yuh 13:21-30*)

⁷ Burodi Futenasari dikpe gōrò kà, gōrò kú òdi Vīnla sāne bōrō kùtu kpá. ⁸ Akū Yesu Pita kú Yuhanao zī à pì: À gé Vīnla póbleyā kekewere. ⁹ Akū ò a

là ò pì: N'ye ò keke mámeε? ¹⁰ Akū à wèrma à pì: Tó a ge wēte gūn, gōgbē ke ni daále à í sēna kū loo. À téi ari ɔn kū ani gēn. ¹¹ À ɔn pì bedenε, Danneri pì, mán kipaki kunn, gu kū áni Vīnla pó blen kū à ibanɔ? ¹² Ani kpé musu zōkō kū ò kēke mōáre. À póbleyá keke gwe.

¹³ Kū ò gēε, ò è lākū Yesu órñe nà, akū ò Vīnla póbleyá kēke gwe.

Dikiri poble

(Mat 26:26-30, Maa 14:22-26, 1Kɔ 11:23-25)

¹⁴ Kū a gɔɔ kà, Yesu sù à vùte gwe kū a žirino lēεε. ¹⁵ Akū à pìñne: Vīnla poble dí blena kááo ni teni ma de manamana ari mágō gé wari ke, ¹⁶ zaakū maten oáre, mani ble doró ari kpata kū à bò Luda kīnaa gé boo gupuraa, gbasá dikpe yāpura gé su. ¹⁷ Kū à toko sè, à Luda sáabu kpà, akū à pì: À sí à dɔdɔkōne, ¹⁸ zaakū maten oáre, mani geepe'i mi doró ari kpata kū à bò Luda kīnaa gé boo gupuraa. ¹⁹ Kū à burodii sè, akū à arubarikaa dàn à likōre à kpámma à pì: Ma mē kū má kpà á yāin dí, àgō abirekū ke ma yā dōnaágu yāi. ²⁰ Kū ò pó blè ò làka, à toko pìi sè lē dɔ à pì: Ma aru kū ani bɔteáren dí, Luda bàka konna kū gbēnɔ tera aru ũ. ²¹ Ma bonkpede ɔ kú kúmao ta gūn, ²² zaakū Bisāsiri Né ni kpágui lākū Luda ditene nāme. Waiyoo gbē kú ani a kpámma pìi. ²³ Akū ò nà kō lalanaa ò pì: Ó dí mé ani yā bire keε?

Yesu lédana a ibanɔ

²⁴ Akū lékpakōanaa fùte n té, kū ò ye ò dō n gbē kū à de a dakela. ²⁵ Akū Yesu pìñne: Buri pānde kīnanɔ di gbāna ble n gbēnɔa, gbānadeno sō òdi n zīda sísi yāmanakerino. ²⁶ Ama àsun ke lero. Séde gbē kū à zōkō á té gō de lán gbē kū à kīanaáí bà. Séde à don'arede gō de lán gbē kū àten zī keáre bà. ²⁷ Póbleri kú žirio, n dí mé à zōkō? Póbleriinloo? Makū sō má kú á té lán žirri bàme. ²⁸ Gbē kú ò zè kúmao ma warikēnaa gūnnɔn á ũ. ²⁹ Lākū ma De ma ka kpatan nà, len mani á ká kpatan lē se, ³⁰ áni pó ble kúmao ma kpatan, áni vute kíblegbaaa àgō yā gōgō Isaraila buri mēn kuri awēεplanone.

Yesu gñake à dō yá kú Pita ni ke

(Mat 26:31-35, Maa 14:27-31, Yuh 13:36-38)

³¹ Simɔ, Simɔ, n ma. Setan zé wēte à á fáfa lākū òdi poblewe fáfa nà. ³² Akū ma adua kēnne de ma náani kú n vī sún kīammaro. Tó n era n suma, n n gbēnɔ gba gbāna. ³³ Pita pìñne: Dikiri, ma sī ò ma da kpésiran mà ga kúnwo.

³⁴ Yesu pì: Pita, maten onne, ari ko gō gé lé zuo gbāra, ĩni ledi kpámai gēn aakō. ³⁵ Akū à n lá à pì: Kū ma á zī ɔgɔsōnɔ kú bōkolokonaao kú kyatenɔ sari, póke kīaáwa yá? Akū ò pì: Oi. ³⁶ Akū à pìñne: Tera sà gbē kú à ɔgɔsōnɔ vī, à sé. Leme dɔ kú bōkolokonaao. Gbē kú à fēneda vī sōro, à a uta yía à lú. ³⁷ Maten oáre, séto yā kú ò kē Luda yān ma musu papa kú ò pì: Ò a dite dokōnɔ kú taarikerino. Yā kú ò kē ma musu pì mé àten ke sà. ³⁸ Ó pì: Dikiri, fēneda mēn plan dí. Akū à pìñne: Abirekū mō.

Yesu aduakena zaa Kùkpe sīsigerēi

(Mat 26:36-46, Maa 14:32-42)

³⁹ Yesu bò à gēε Kùkpe sīsigerēi lākū àdi ke nà. A ibanɔn téi. ⁴⁰ Kū à kà gu kú àten gēn, à pìñne: À adua ke de ásun fu yōogwanaaaro. ⁴¹ Akū à kēmma à kà lākū òdi gbē zu à léte taka bà. Akū à kùte à adua kē ⁴² à pì: Baa, tó n ye, n toko'í síma, ama adi ke ma poyenyīnaanlo, séde n pó. ⁴³ Akū malaikaa

bò ludambɛ à sù à a gbà gbāna. ⁴⁴ Kunna wétamma gūn àtɛn adua kɛ kū kokario. Akū a ísimma tɛn tó zíte lán arutɔnaa bà. ⁴⁵ Kū à adua kɛ, à fùtɛ à èara à sù à a íbanɔ lè, òtɛn i o kū pɔsira. ⁴⁶ Akū à pínne: À kè dera àtɛn i oo? À fute à adua kɛ de ásun fu yɔgwanaaaro.

Yesu kúnaa

(*Mat 26:47-56, Maa 14:43-50, Yuh 18:3-11*)

⁴⁷ Kū à kpɛ àtɛn yā o, akū ò kà dasidasi. Gbɛ kū òdi pine Yudasi, a íba gbɛnɔn kuri awɛɛplanɔ doke mé à dònne arɛ. Kū à nài de à lé péa, ⁴⁸ akū Yesu pine: Yudasí, lépenaaan íni Bisásiri Né kpáoŋma yá? ⁴⁹ Kū gbɛ kū ò kú kú Yesuonɔ yá kú àtɛn su è ò pi: Dikiri, ò n léle kú fɛnedan yá? ⁵⁰ Akū n gbɛ do sa'oriki zɔkɔ zírri lè à a ɔpla sā gò. ⁵¹ Akū Yesu pi: À abirekū tó. Kū à ɔ nà a sáa, akū a sá èra à nán. ⁵² Akū à pi sa'orikinɔ kú Luda ɔn dákparinɔ kú gbɛ zɔkɔ kú ò sùinɔne: A sumai kú fɛnedanɔ kú gònɔ lákú kpáni wédewɛn ma ũ bà yá? ⁵³ Lákú gu dígɔ dɔ nà madígɔ kú kááo Luda ɔnn, akū ádi ɔ namaro. Ama gɔɔ dí de á pɔ ũme, gusira kúblena gɔɔme.

Pita ledikpana Yesu

(*Mat 26:57-58, 69-75, Maa 14:53-54, 66-72, Yuh 18:12-18, 25-27*)

⁵⁴ Kū ò Yesu kú ò sù káao, ò gbɛ káao sa'oriki zɔkɔ bea. Pita té n kpe zàzà. ⁵⁵ Kū ò té kà ɔn gura, ò kàtɛ ò líkai, akū Pita sù à sɔtɔ n té. ⁵⁶ Zɔnɔkpare ke a è, akū à wé dia à pi: Gbɛ dí kú káao sɔ bi. ⁵⁷ Akū à ledi kpai à pi: Nɔgbɛ, má a dɔro. ⁵⁸ Kū à kè saa fiti gbɛ pànde a è, akū à pi: Mɔkɔn se, n gbɛ dome n ũ. Akū Pita pi gɔgbɛ pine: Makúmero. ⁵⁹ Kū gɔɔ gbɛtɛ lán awa do bà, gbɛ pànde nàkarao à pi: Yápura gbɛ díkína kú káaoɛ, zaakú Galili gbɛme. ⁶⁰ Akū Pita pi: Má dɔ pɔ kú n téaro. Zaa gwe gònɔ kú àtɛn yā o, akū ko lé zù. ⁶¹ Dikiri lítɛ à wé pè Pitaa, akū yā kú à òo dɔ Pitagu kú à pi, ari ko gɔ gé lé zu gbāra, ani ledi kpáai gèn aakɔ. ⁶² Akū Pita bò bàai à pɔsira ɔ dɔ.

Yesu fobonaa

(*Mat 26:67-68, Maa 14:65*)

⁶³ Gbɛ kú òtɛn Yesu dákpanɔ a fobò ò a gbɛ. ⁶⁴ Ò pɔ yíne a ánnwa, akū òtɛni a lala ò pi: N̄ annabikɛyā o, dí mé à n lɛ? ⁶⁵ Dɔkena káao gūn ò yá dasi pàndenɔ òne dɔ.

Yuda gbánadenɔ yákpatekɛna kú Yesuo

(*Mat 26:59-66, Maa 14:55-64, Yuh 18:19-24*)

⁶⁶ Kū gu dɔ, Yuda gbɛ zɔkɔnɔ kɔ kàkara, sa'orikinɔ kú ludayádannerinɔ n pínki, akū ò Yesu sè ò gbɛo n yákpatekɛkia. ⁶⁷ Akū ò a là ò pi: Arumasihume n ũ yá? N̄ owɛɛ. À wɛrɛmma à pi: Tó ma óarɛ, áni síro. ⁶⁸ Tó ma yáke lááwa sɔ, áni wero. ⁶⁹ Zaa tera Bisásiri Né nigɔ vutena Luda Gbánade ɔplai. ⁷⁰ Akū gbɛ sínda pínki pi: Ase Luda Néme n ũ yá? Akū à wɛrɛmma à pi: Lákú a ò nà, makúme a ũ. ⁷¹ Akū ò pi: Ó bàka ũgba kú sèedadeo dɔɔ? O mà a lén kò.

23

Pilati yákpatekɛna kú Yesuo

(*Mat 27:1-2, Maa 15:1-5, Yuh 18:28-38*)

¹ Akū ò fute n pínki ò gbɛ káao Pilati kína. ² Òtɛn yā dia ò pi: O gbɛ dí lè àtɛn gude ke ó b̀sun, àdi gínne ò be'ogɔ kpá Sizaa, akū à a zída dítɛ Arumasihu ũ, kína ũ. ³ Akū Pilati a là à pi: Mɔkɔn Yudanɔ kína ũ yá? À wèa à pi: Len n ò lɛ. ⁴ Akū Pilati pi sa'orikinɔ kú pari kú ò kú gwenɔne:

Mádi taari e gōgbē piaro. ⁵ Akū ò nàkara káao ò pì: Àdìgō té ká gbēngu a yádannēnaa gūn Yudea būsun pínki. À nàa Galilimē ari à gèè à kào la sà.

⁶ Kū Pilati mà lē, akū à gbèka tó Galili gbēme a ũ. ⁷ Kū à dō kú à bò Herōdu būsunnē, akū Herōdu pì sō à kú Yurusalemu zī birea, akū à a gbàrea. ⁸ Kū Herōdu Yesu è, akū a pō kè nna manamana. À a baaruu mà, akū à ye n wé kē pla zaa gikena. À wé dō à Yesu daboyākēna e. ⁹ À yāno lālaa dasi, akū Yesu dí a ke wearo. ¹⁰ Sa'orikinō kú ludayādnnerinōn zēna gwe òten yā didia pāsīpāsī. ¹¹ Herōdu kú a sozanō Yesu gya bò ò a fobò ò uta wéde dāne, akū à èra à a gbàre Pilatia. ¹² Zī birea Herōdu kú Pilatio gō kō gbē ũ, zaakū ò ibereè sè kú kōo yā.

Yadana Yesula

(Mat 27:15-26, Maa 15:6-15, Yuh 18:39-19:16)

¹³ Pilati sa'orikinō kú gbānadeno kú gbē kparano kākara n pínki ¹⁴ à pīnne: A sumene kú gōgbē kú a pì guderimēeo. Ma a lāla á wára yā kú a didiano musu, mádi e à taari ke kero. ¹⁵ Len Herōdu dí ero lē se, zaakū à èra à a gbàrewáme. À gwa, adi yāke kē kú à kà mà a dero. ¹⁶⁻¹⁷ Mani tó ò wari dōa, gbasà mà a gbare. ¹⁸ Akū ò wiki lè n pínki lēlè ò pì: N gōgbē pì de! N Baraba gbarewēre! ¹⁹ Ó Baraba pì dà kpésiran yā bona gbānadeno kpe kú gbēdenaao yāime. ²⁰ Pilati ye à Yesu gbare, akū à gbēno laakarii gāte à sūawa. ²¹ Akū ò èra ò wiki lè ò pì: N a pá lía! N a pá lía! ²² A gēn aakōdeo Pilati pīnne: Bó dāan à kēè? Mádi taari kú à kà ò a de earo. Mani tó ò wari dōa, gbasà mà a gbare. ²³ Akū ò zēi òten gbēkaa kú wiki gbānao à a pá lía. Akū n zukakanaa tò ò yā blè. ²⁴ Akū Pilati dìte kú ò kē lākū ò gbēkaawa nà. ²⁵ Gōgbē kú ò dà kpésiran bona gbānadeno kpe kú gbēdenaao yāi kú ò gbēkaa pīn à gbàreñne, akū à Yesu kpà gai lākū ò yei nà.

Yesu pana lía

(Mat 27:32-44, Maa 15:21-32, Yuh 19:17-27)

²⁶ Kū òten gé káao, akū Sireni gbē Simō ten su kú burao, akū ò a kú ò lígbāndurukpanaa dīne àgō téo Yesui. ²⁷ Pari bò téi kú nōgbē kú òten sō dō òten wēnda keneno. ²⁸ Yesu lite à are dōmma à pì: Yurusalemu nōgbēno, àsun sō dō ma yāiro. À sō dō á zīda yāi kú á néno. ²⁹ Zaakū a goro ten su kú oni pì: Arubarikadenon para kú odi né iro, né dí n yō mirono ũ. ³⁰ Goro birea

oni pì kpino léte à sirnma,

oni o sīsino léte à dañla.

³¹ Lākū òten yā dí taka kē kú lí búsuo, lí kori pō nigō de deraa?

³² Òten gé kú dàkeri gbēnon pla kenō dō, de ò n dēde kú Yesuo lēlè. ³³ Kū ò kà gu kú òdi pì Mitokokia, akū ò a pà lía gwe kú dàkerii pìn, gbē do a oplaì, gbē do a zēi. ³⁴ Akū Yesu pì: Baa, n gaafara kēñne, zaakū ò dō pō kú òten kero. Akū ò kàpaa kpà ò a pōkasanō kpàatekōne. ³⁵ Gbēnon zēna gwe ò wé kà òteni a gwa, akū Yuda gbānadeno ten lēzuki kēa ò pì: A gbē pāndeno sura bà. Tó Arumasihu kú Luda dìteme a ũ, à a zīda sura bae! ³⁶ Sozanō teni a lalandi kē dō. Akū ò nài ò sēwē kpàkpāa dōne ³⁷ ò pì: Tó Yudanō kīname n ũ, n n zīda sura ba. ³⁸ Sēda ke na a mīi musu ò kēa:

Yudanō kīnan dí!

³⁹ Dàkeri kú ò lokona lía pīno dō dōkena yā òne à pì: Arumasihumē n ũroo? N n zīda sura ba kú ókōno lēlè. ⁴⁰ Akū a gbēndo pàtaa à pì: N Luda vīna vīroo? Yā dokōno mé à kúwá. ⁴¹ Ókōno, ó pō kú a zéame. Pō kú o tō mé à

bùtewá, ama gbē dí dí yā ke kero. ⁴² Akū a pì: Yesu, tó n su kpata ble, ò dɔ ma yān. ⁴³ Akū à wèa à pì: Yāpuran maten onne, gbāra ñigō kú kúmao aruzenna.

Yesu ganaa

(*Mat 27:45-56, Maa 15:33-41, Yuh 19:28-30*)

⁴⁴ Kū ifantē kà m̀dangura, akū gusira dà bùsuu pìla pínki ari fānantē mò aakō. ⁴⁵ Luda kpé lábure k̀k̀k̀re pla. ⁴⁶ Yesu wiki gbāna lè à pì: Baa, ma a ẁendii ǹanne n ɔĩ. Kū à ò lɛ, akū a ẁendii tà. ⁴⁷ Kū sozano gbē zōkō yā kū à k̀k̀e p̀i è, à Luda sáabu kpà à pì: Yāpurame gbē maname a ũ. ⁴⁸ Pari kū ò k̀k̀ara ò sù gu gwano, kū ò yā kū à k̀k̀n è, ò era ò tà òteni n zīda léle. ⁴⁹ Yesu gbē dōnno kū nɔgbē kū ò téi bona Galilino pínki zena zà òten gu gwa.

Yesu vīnaa

(*Mat 27:57-61, Maa 15:42-47, Yuh 19:38-42*)

⁵⁰ Gōgbē ke kun a tón Yusufu. Yuda gbānadeno dokeme. Gbē maname, akūsō à bèere vī. ⁵¹ Alé kú yā kū a gbēno zē kū a kennaoo p̀nlo. Yuda lakutu Arimatea gbēme, a wé dɔ kpata kū à bò Luda kīnaai. ⁵² À g̀e Pilati kīnaa à Yesu g̀e gbēkaa. ⁵³ Akū à g̀e p̀i k̀pa à táaru biza fīfia à dà gb̀eweē kū ò sò mira ũ g̀n, odi gb̀eke dan zikiro. ⁵⁴ Goro p̀i bi azuma zīme, kámmabogoro ten ká. ⁵⁵ Nɔgbē kū ò té Yesui bona Galilino té Yusufu p̀i kpe, ò mira p̀i è lākū à Yesu g̀e ẁute a g̀n nà. ⁵⁶ Akū ò tà ò g̀e nísì gbī nna kū eze kū adi tò g̀e vāro soru ke. Kámmabogoro zī ò kámma bò lākū Luda dìte nà.

24

Yesu vunaa

(*Mat 28:1-10, Maa 16:1-8, Yuh 20:1-10*)

¹ Azumanenna zī k̀ǹk̀k̀ǹk̀ nɔgbē p̀no bò ò g̀e mira p̀i kīnaa kū nísì gbī nna kū ò a soru k̀e. ² Ò lè ò gb̀e gò mira léa. ³ Kū ò g̀e, odi Dikiri Yesu g̀e ero. ⁴ Ò kú bídi g̀n, akū gōgbē gbēno pla kenɔ bò ò s̀r̀mma kū p̀kasa kū òten té kenɔ dana. ⁵ Vīna n kú ò n m̀i nàte, akū gōgbē p̀no p̀inne: À k̀e dera áten gbē bēne wete g̀no t́e? ⁶ À kú laro, à vù. À tó yā kū à òáre goro kū à kú Galili d̀águ ⁷ à p̀i, séto ò Bisāsiri Né kpá kifirino ò a pá lía, a goro aakōde zī ani vu. ⁸ Akū a yā p̀i d̀ngu. ⁹ Bona mira kīnaa, ò g̀e ò yā p̀i baaru kpà z̀ri gbēno kuri awēdonne kū gbē kparano. ¹⁰ Mariama Magadalenì kū Yoanao kū Yamisi da Mariamao kū nɔgbē kpara kū ò kú k̀ǹwonno mé ò yā p̀i ò z̀ri p̀ino. ¹¹ Akū nɔgbē p̀no yā p̀i k̀nne lán fāai yā bà, odi síro. ¹² Akū Pita f̀te à bàa sì à g̀e mira p̀i kīnaa. Kū à wé kpate mira p̀n, adi p̀ke ero, sé táaru bizano, akū à era à tà laasun g̀n, yā p̀i à kú gbāna.

Zaa Emausi zén

(*Maa 16:12-13*)

¹³ Goro dokno p̀i zī Yesu iba gbēno pla kenɔ ten gé lakutu kū òdi p̀i Emausi. À zā kū Yurusalemuo lán kiloo kuri awēedo bà. ¹⁴ Òten yā kū à k̀e pínki fāai bokone, ¹⁵ akū goro kū òteni a fāai bo òteni a laasun lé, Yesu n lé zén, akū òten táa o lēle. ¹⁶ Akū n wé sìsi odi a doro. ¹⁷ Akū à n lá à p̀i: Bó yān á té áten o kú kōoo? Akū ò zè n an sisina. ¹⁸ N gbē do kú òdi pine Keleopa wèa à p̀i: M̀k̀n nibome n ũ ndo Yurusalemu gwē, kú ndi yā kū à k̀e goro pla dia doro? ¹⁹ Akū à n lá à p̀i: Yā kpateme? Ò wèa ò p̀i: Yesu Nazera yāme. Annabi zōkome. Gbē sīnda pínki dō kū a yākena

kū a yā'onaao bò Luda kīnaame. ²⁰ Akū sa'orikinɔ kū ó gbānadenɔ dake kpàmma, de ò ga yākpate kene yāi, akū ò a pà lía ò a dè. ²¹ Ókɔnɔ sɔ, daken óten da ani Isarailanɔ mì sí. Abire gbera yā pì kɛna gɔɔ aakɔden gbāra. ²² Akū yā kū ó nɔgbɛ kenɔ òo bò ó sare. Kū ò gɛe a mira kīnaa kɔnkɔala káakukaaku, ²³ odi a gè lero. Ò sù ò pì malaikanɔ bò ò sùmma ò piñne à kú wèndiio. ²⁴ Akū ó gbɛkenɔ gɛe ò mira pì gwà, ò è lákū nɔgbɛ pìnɔ ónne nà, à kú gwero. ²⁵ Akū Yesu piñne: Laasunsaridenɔ, adì yā kū annabinɔ ò sí likalikaro. ²⁶ Luda dí dite Arumasihu wétamma le lán dí bà gbasà à gɛe a gakuri gūnloo? ²⁷ Naana zaa Musa takadaa ari à gɛe pé annabinɔ pɔa pínki, Yesu yā kū à kēna Luda yān a musu bɔkɔteñne pínki.

²⁸ Kū ò kà kani kū lakutu kū óten génwo, Yesu kè lákū áni gɛ zéla bà. ²⁹ Akū ò a kùkù ò pì: Ñ gɔ kúoo la. Ókɔsi kè, gu ten si. Akū à gɛe onn à gɔ kúñwo. ³⁰ Gɔɔ kū àten pɔ ble kúñwo, akū à burodii sè à arubarikaa dàn, akū à likɔre à kpàmma. ³¹ Akū ní wé kè ò a dɔ sà, akū ò kùrai. ³² Akū ò ókɔne: Kū àten yā owere zén àten Luda yā bɔkɔtewere, ó nèsee gūn ten puroo? ³³ Akū ò fùte gwe gɔnɔ ò era ò gɛe Yurusalemu. Ò a ziri gbɛnɔn kuri awɛdonɔ è kakarana gwe kū gbɛ kú ò nàmmannɔ ³⁴ óten pi: Dikiri vù yāpurame, à a zīda mò Simone. ³⁵ Akū gbɛnɔn pla pìnɔ zé gūn yā bàbañne kú deran ò a dɔ nà burodi likɔrenaa gūnwo.

Yesu bo à suna a ibanɔne

(Mat 28:16-20, Maa 16:14-18, Yuh 20:19-23, Zīr 1:6-8)

³⁶ Kū óten yā pì o le, kánto ò a è zena ní té, akū à piñne: Àgɔ kú kú aafiao! ³⁷ Akū swèe kèngu ò kè giri, óten da gyáwānden ò è. ³⁸ Akū à piñne: À kè dera á nèsee fùte? À kè dera á kú kú nèse plaoo? ³⁹ À ma onn kú ma gbánɔ gwa, kú makúme. À ɔ nama à gwa. Gyáwānde digɔ mè kú wáoo ví lákū á èma nàro. ⁴⁰ Kū à ò le, akū à a onn kú a gbánɔ mòñne. ⁴¹ Pɔnna gūn odi we káaoro, kú à bò ní sare yāi. Akū à ní lá à pi: Pɔble ke kun yá? ⁴² Akū ò kpò kpáteana kɔnɔ kpàa, ⁴³ akū à si à sò ní wára. ⁴⁴ Akū à piñne: Yā kú ma óare gɔɔ kú má kú kááo mé à kè. Ma pì séto yā kú ò ò ma musu Musa doka takadan kú annabinɔ takadao kú Zabura takadao papa pínki. ⁴⁵ Akū à ní nèsee wèñne de ò yā kú à kú takada pìnɔ gūn dɔrɔ dɔ. ⁴⁶ À piñne: Ò kè Luda yān ò pì Arumasihu ni wétamma e, a gɔɔ aakɔde zī aní fute bona gan, ⁴⁷ oni waazi ke buri sīnda pínkinɛ kú a tɔo naana zaa Yurusalemu, de ò nèse lite ní durunnannɔ kèmma. ⁴⁸ Ákɔnɔ yā pì sèedadennɔ ũ. ⁴⁹ Makú sɔ, mani gba kú ma De a lé sè kpázáare. Àgɔ kú wète gūn la ari gbāna bo ludambe à daála.

Tana kū Yesuo ludambe

(Maa 16:19-20, Zīr 1:9-11)

⁵⁰ Kū Yesu bò kúñwo wète kpe ari Betani sare, akū à a onn sè lei à arubarikaa dañgu. ⁵¹ Kū àten arubarika dañgu le, akū à kèmma, Luda a sè à tà káao a kīnaa. ⁵² Akū ò donyí kène ò era ò tà Yurusalemu kú pɔnna zɔkɔo. ⁵³ Ódigɔ kú Luda onn gɔɔ sīnda pínki ògɔ Luda sáabu kpá.

YUHANA

Baaru nna kū Yuhana kɛɛ
 Yahaya Da'itekɛri kū Yesu iba káakunɔ 1:1-1:51
 Yesu yádannɛnaa 2:1-12:50
 Yesu kunna Yurusalemu 13:1-17:26
 Yesu gana kū a vunaao 18:1-20:31
 Yesu boasuna a ibanɔa 21:1-21:35

Yesu Kirisi suna andunia gūn

¹Zaa káaku Yá kun, Yá pì kú kū Ludao, Yá pìime Luda ũ. ²À kú kū Ludao zaa káaku. ³Luda pɔ sɪnda pínki kè a gáime, pɔke kun kū à kè a sariro. ⁴A gūnn wèndi kún, akū wèndii pì de gupura ũ gbɛnɔnɛ. ⁵Gupura pì dì pu gusiran, akū gusira pì ni le à daalaro.

⁶Luda gbɛke zì a tón Yahaya. ⁷À sù gupura pì sèedade ũme, à gupura pì yá ò gbɛnɔnɛ, de baadi a náani ke a gáí. ⁸Àkūme gupura pì ũro, à sù gupura pì sèedade ũme. ⁹Gupura yápurade kū àdi gu pu gbɛ sɪnda pínkine mé àten su andunia gūn.

¹⁰Yá pì kú andunia gūn. Bee kū Luda andunia kè a gáí, andunia dí a dɔro. ¹¹À sù a bea, akū a gbɛnɔ dí a síro. ¹²Gbɛ kū ò zè káao ò a náani kènɔ sɔ, à n gbá zé ò gɔ̃ Luda nénɔ ũ. ¹³N inaa pì dí bo gbɛke aru gūnlo, adi bo mɛfutena ke gɔgbɛ pɔyeina kɪnaaro, Luda mé à n í.

¹⁴Yá pì gɔ̃ bisásiri ũ, à gɔrɔ pla kè kūoo, akū o a gakuri è, De Luda Né mèn do légelege gakurime, a gbɛke kū yápurao pekereana. ¹⁵Yahaya a sèedaa kè à pùtá à pì: Gbɛ kū ma a yá òon dí, ma pì gbɛ kū àten su ma gbera demala kū à kun ma á yáí. ¹⁶Gbɛke pekereanaa gūn à gbɛke kè ó baadine, akū o arubarikaa lè didikɔana. ¹⁷Luda a doka kpáwá Musa gáí, à gbɛke kū yápurao kèwɛre Yesu Kirisi gáime. ¹⁸Gbɛke dí wé si Ludale zikiro. Luda Né mèn do légelege kū à kú a De kuru pì mé à tò ò a dɔ.

Yahaya Da'itekɛri Yesu sèedakenaa (Mat 3:1-12, Maa 1:1-8, Luk 3:1-18)

¹⁹Yuda gbánade kū ò kú Yurusalemunɔ sa'ori kenɔ kū Levi buri kenɔ zì Yahayaa, akū ò a là ò pì: Díme n ũu? Yá kū à òrɛnen dí. ²⁰À òrɛne súsú, adi yáke uteńnero à pì: Arumasihun ma ũro. ²¹Akū ò a là ò pì: Díme n ũ sée? Iliasumen ũ yá? À wèmmá à pì: Oi! Akū ò era ò a là dɔ: Annabi zɔkɔɔme n ũ yá? À wèmmá à pì: Oi! ²²Akū ò pìne dɔ: Díme n ũ sɔɔ? N owɛre de ò gé ò o gbɛ kū ò ó zɪnɔnɛ. Deran nten o nà n zɪda yá musuu? ²³Akū à pì lákū annabi Isaya ò nà:

Gbɛ kū a kòto dɔ gbárannamme ma ũ,
 kū àten pì ò zé poro Dikirine.

²⁴Gbɛ kū ò n zɪ pìnɔ sɔ, ò bò Farisinɔ kɪnaame. ²⁵Akū ò a là ò pì: Zaakū Arumasihume n ũro ke Iliasu ke annabi zɔkɔɔ, bɔyáí nteni gbɛnɔ da'ite kee?

²⁶Yahaya wèmmá à pì: Madi gbɛnɔ da'ite ke, ama gbɛke kú á tɛ, á a dɔro.

²⁷Àkū mé ani su ma gbera, mádi ká mà a kyate bobonero. ²⁸Yá pìnɔ kè Betani kū à kú Yoda bara òremɛ, gu kū Yahaya ten gbɛnɔ da'ite ken.

Sane Bɔrɔ kū Luda kpàa

29 Kū gu dō, Yahaya Yesu è àten su a kīnaa, akū à pì: Sāne Bòrɔ kū Luda kpà à andunia durunna gon dí. 30 Gbē pì yān ma ò yā ma pì, gbē kū àten su ma gbera demala, kū à kun ma ā yāi. 31 Má a dō yāro, ama ma su, maten gbēno da'ite ke de Isarailano a dō yāime. 32 Yahaya a sèedaa kè à pì: Ma è Luda Nini bò ludambe lán potēne bà, à sù à z̄ša. 33 Mádi a dō yāro. Kū Luda ma zī gbēno da'ite ke, à pīmene gbē kū ma è a Nini sù à kīpaa, àkū mé ani gbēno da'ite ke kú Nini piio. 34 Ma abirekū è, akū ma a sèedaa kè kú àkūme Luda Né ũ.

Yesu iba káakuno

35 Kū gu dō, Yahaya èra à kú gwe dō kú a iba gbēnono plano. 36 Kū à Yesu è àten gēte, à pì: Sāne Bòrɔ kū Luda kpàan gwe! 37 Kū iba gbēnono pla pìno yā pìi mà, ò bò ò tè Yesui. 38 Yesu litè à è ò téai, akū à n lá à pì: Bón á yeii? Ò pìne: N be kú mámeε, Rabi? Tó pìi pì Danneri. 39 À wémma à pì: À mó à gwa. Akū ò gèe ò gu kú à kun è, akū ò gò káao zī birea. Okosi mò siik̄ taka bà.

40 Gbēnono pla kú ò Yahaya yā mà ò bò ò té Yesui pìno, n gbē do bi Simo Pita dakūna Andurume. 41 À gèe à a v̄ni Simo lè gīa, akū à pìne: O Arumasihu è. Tó pìin òdi pì dō Kirisi. 42 Akū à gèe káao Yesu pì kīnaa. Yesu a gwà tíii à pì: Yuhana né Simome n ũ. Oni pinnε sà Pitame. Tó pìi pì gbèe.

43 Kū gu dō, Yesu ye à tá Galili b̄usun, akū à dà Filipile à pìne: N témai. 44 Filipi pì bi Anduru kú Pitao be wēte Betesaida gbēme. 45 Akū Filipi gèe à Natanaeli lè à pì: Gbē kú Musa a yā ò a doka gūn, akūsō annabino a yā ò dō, o a lè. Yusufu né Yesume. Nazera gbēme. 46 Natanaeli pìne: Gbē mana ni bo Nazera yá? Filipi pìne: N mó n gwa. 47 Kú Yesu Natanaeli è àten su a kīnaa, à a yā ò à pì: Isaraila yāpuraden dí, a nèseε manafiki v̄iro. 48 Akū Natanaeli pìne: N ma dō mámeε? Akū Yesu wèa à pì: Ari Filipi gō gé n sisi, ma n e kaka lí gbáru. 49 Akū Natanaeli pìne: Rabi, Luda Néme n ũ, Isarailano kiname n ũ. 50 Yesu pìne: Kū ma ònne ma n e kaka lí gbáru, akū mé à tò n ma náani kè yá? Ini yā z̄skō e de adikīnala. 51 À èra à pìne dō: Yāpuraan maten oáre, ani ludambe e wēkōana, Luda malaikano nigō didi Bisāsiri Néa ògō kipaa.

2

Nosena zaa Kana

1 A goro aakōde zī òten no sé zaa Kana, Galili b̄usun. Yesu da kú gwe, 2 akū ò Yesu kú a ibanō sisi nosε kīnaa dō. 3 Kū sèwē kīa, Yesu da pìne: ò sèwē v̄i dorobì. 4 Akū Yesu wèa à pì: Bóyái n ma le abireoo? A goro dí kámene koro. 5 Akū a da pì zīkerinone: Lákū ani oáre nà, à ke le. 6 Gbè orozānono kú gwe mèn suddo Yudano gbābo'i kábōno ũ. A kenō dī í sí lita basiikōme, a kenō sō basuddo. 7 Akū Yesu pì zīkerinone: À í káka orozā dīno pa. Akū ò í káka à pà yérere. 8 Akū à piíne: À tó à géo kōkō'orino gbē zōkōone sa. Akū ò tò ò gèeone. 9 Kū gbē zōkōo pì í litena sèwē ũ pì lé kè, adi dō gu kú à bōnlo, ama zīkeri kú ò í pìi tōnon dō. Akū gbē zōkōo pì ebayao sisi 10 à pìne: Wē nnan òdi kpámma gīa. Goro kú wē ten díman òdi su kú a gebuo sà. Mōkōn sō, n wē nna tò kpekpe. 11 Yesu daboyā káakuden gwe, kú à kè zaa Kana, Galili b̄usun. À tó bò, akū a ibanō a náani kè. 12 Abire gbera Yesu gèe Kapenamū kú a dao kú a dakūnāno kú a ibanō, ama odi goro pla ke gwero.

Yesu kunna Luda onn

(Mat 21:12-13, Maa 11:15-17, Luk 19:45-46)

¹³ Kū Yudanɔ Vīnla dikpe kà káni, akū Yesu gèe Yurusalemu. ¹⁴ À è òten zùnɔ kū sánɔ kū lukulukunɔ yía Luda onn, ɔgolilinkerinon vutena gwe. ¹⁵ Akū à bàflāa tà à pèmma ò bote kū sánɔ kū zùnɔ pínki. À ɔgolilinkerii pìnɔ ɔɔ fâkɔa, à n teburunɔ yīpa à kòteíne. ¹⁶ Akū à pì lukulukuyarii pìnɔne: À pɔ pìnɔ sète à boo pínki. Àsun ma De on ke ete ūro. ¹⁷ Akū yā kū à kēna Luda yān dīkīna dɔ a ibanɔgu kū à pì: N on yā ma kū gbāna manamana. ¹⁸ Akū Yuda gbānadeno a là ò pì: Daboyā kpaten ĩni keweɛ de ò dɔ kū n yā bire kena iko vīi? ¹⁹ Yesu wèmma à pì: À Luda kpé dí wí, mani era mà fute ɔɔ aakɔ dagura. ²⁰ Akū gbānade pìnɔ pìne: Wè bupla awesuddon ò kpé pì bò, akū mɔkɔn ĩni fute ɔɔ aakɔ gūn yá? ²¹ Ama Luda kpé kū à a yā òo pìi, a mè yān àten o. ²² Kū Yesu vù bona gan, yā kū à òo pìi dɔ a ibanɔgu, akū ò yā kú à kēna Luda yān si kú yā kú Yesu òo pìio.

Yesu baadi nèse dɔ

²³ Kū Yesu kú Yurusalemu Vīnla dikpe zī ò a náani kè dasi, kú ò daboyā kú à kènɔ è yāi. ²⁴ Yesu dí n náani kero, zaakū à baadi nèse dɔme. ²⁵ Adi ke séto gbēke gbē yā ònero, zaakū à yā kú à kú baadi nèseɛ gūn dɔ.

3

Yesu kú Nikodemuo

¹ Farisi ke kun kú òdi pinɛ Nikodemu. Yuda gbānadeno dome. ² À sù Yesu kīnaa gwāani à pinɛ: Rabi, ó dɔ kú mɔkɔn danneri kú à bò Luda kīnaa ū, zaakū gbēke ni fɔ à daboyā kú ndi kenɔ kero, sé Luda kú kāao. ³ Akū Yesu pìne: Yāpuran maten onne, tó adi ke ò era ò gbē ì dɔ baasiro, ani fɔ àgɔ kpata kú à bò Luda kīnaa dɔro.

⁴ Akū Nikodemu Yesu là à pì: Oni gbē kú à zī kú i derameɛ? Ani era à gē a da nèseɛ gūn de à a i dɔn yá? ⁵ Akū Yesu wèa à pì: Yāpuran maten onne, tó adi ke ò gbē ì kú ío kú Luda Ninio baasiro, ani fɔ à gē kpata kú à bò Luda kīnaa gūnlo. ⁶ Bisāsiri né'ina bi mè yāme, Luda Niní né'ina bi nini yāme. ⁷ N̄sun tó yā kú ma ònne bo n sarero, séde ò era ò á i dɔ. ⁸ Īa dì káka gu kú à yein. Ndì a kīni ma, n̄ dɔ gu kú à bòn ke gu kú àten gēnlo. Len àdigɔ de le kú gbē kú Luda Niní a ìio.

⁹ Akū Nikodemu a là à pì: Yā bire ni sí ke yá? ¹⁰ Yesu wèa à pì: Mɔkɔn Isarailanɔ yādanneri ina akū n̄ abirekū dɔroo? ¹¹ Yāpuran maten onne, yā kú ò d̄n óten o. Yā kú o èe sèedaan óten kpá, akū àten gí ó yā síi. ¹² Lákū ma andunia yā òáre nà, akū a gí síi, tó ma ludambe yā òáre, áni sí yá? ¹³ Gbēke dí gé ludambe yāro, tó adi ke Bisāsiri Né kú à bò gwe baasiro. ¹⁴ Lákū Musa mlēe sè à dɔ musu gbārannan nà, len oni Bisāsiri Né sé ò dɔ musu le, ¹⁵ de gbē kú àteni a náani ke gɔ wèndi kú àdi láraro vī. ¹⁶ Zaakū Luda ye andunia à kè zókɔ, akū à a Né mèn do légelege kpà, de gbē kú àteni a náani ke sún garo, séde àgɔ wèndi kú àdi láraro vī. ¹⁷ Luda dí a Né zī andunia gūn de à yā vute anduniaa yāinlo, de à andunia sura ba a gāi yāime. ¹⁸ Yā ni vute a náanikeriiraro. Yā gīnake à vute a náanikerisaria kɔ, kú adi Luda Né mèn do légelege pì náani kero yāi. ¹⁹ Pɔ kú à tò yā vute gbēnɔaan dí: Gupura sù andunia gūn, akū gbēnɔ ye gusirai de gupura pìla, kú n̄ yākenanɔn vāni yāi. ²⁰ Zaakū yāvānikeri sīnda pínki dì zā gupuramme, àdi su gupura kīnaaro, de a yākenanɔ sún bo gupuranlo yāi. ²¹ Gbē kú àdi zī ke yāpuraa, àkū mé àdi su gupura kīnaa, de ògɔ dɔ kú kunna Luda gūnn à yā pìnɔ kèn.

Yahaya Da'itekeri Yesu sèedakenaa

²² Abire gbera Yesu gèe Yudea b̀sun k̀ a ibaǹ. À g̀r̀ pla k̀ k̀ǹwo gwe, àten gb̀ǹ da'ite ke. ²³ Yahaya ten gb̀ǹ da'ite ke se zaa Aiǹ, Salimu sare, zaak̀ í di gwe. Òdig̀ su a k̀naa, ak̀ àdi ñ da'ite ke. ²⁴ Zaak̀ odi Yahaya da kp̀siran k̀ro. ²⁵ G̀r̀ birea Yahaya ìba keǹ nà ledikpakenaana k̀ Yuda gb̀nade keo gb̀bona yà musu. ²⁶ Ak̀ ò nà Yahayai ò pì: Rabi, gb̀ k̀ à k̀ k̀ǹwo yà Yoda bara dire, k̀ n a yà òwèrè mé àten gb̀ǹ da'ite ke tera, baadi ten gé a k̀naa. ²⁷ Yahaya pínè: Gb̀ke di f̀ à p̀ke le à síro, tó adi ke Luda a gb̀ baasiro. ²⁸ Ák̀ǹ mé á ma s̀edadeǹ ù k̀ ma pì mak̀me Arumasihu ùro. Ma pi Luda ma z̀ mà done areme. ²⁹ Ǹseri mé à ǹ v̀. Ǹseri gb̀enna s̀ àdig̀ ze a sare àdi s̀ kp̀ a yài, ǹseri k̀otoo di a p̀ ke nna. Len s̀ ma p̀nna k̀ z̀k̀ le. ³⁰ Séde àpii g̀ kara mak̀ s̀ màg̀ lago.

Gb̀ k̀ à bò musu

³¹ Gb̀ k̀ à bò musu de gb̀ s̀nda p̀nkila. Gb̀ k̀ à bò z̀te bi andunia gb̀me, andunia ỳǹ àdi o. Gb̀ k̀ à bò ludambe s̀ de gb̀ s̀nda p̀nkila, ³² àdig̀ p̀ k̀ à è k̀ yà k̀ à màaoo s̀eda ke, ak̀ gb̀ke teni a ỳ síro. ³³ Gb̀ k̀ à a ỳ s̀ z̀o k̀ Luda bi ỳpurademe. ³⁴ Gb̀ k̀ Luda a z̀i pì di Luda ỳ o, zaak̀ Luda a Nini kp̀a papaname. ³⁵ De Luda ye a Néi, ak̀ à p̀ s̀nda p̀nki ǹne a ò. ³⁶ Gb̀ k̀ àten Né pì náani ke ẁndi k̀ àdi lákaro v̀. Gb̀ k̀ àten g̀ a ỳ mai ni ẁndii pì lero, Luda p̀fè kp̀ k̀ame.

4

Yesu k̀ Samaria ǹgb̀o

¹ Farisiǹ mà k̀ Yesu ten gb̀ǹ da'ite ke àten ìbaǹ le de Yahayala. ² Adi ke Yesu mé àdi ñ da'ite ke a z̀daro, a ìbaǹ mé òdi ke. ³ K̀ Yesu ỳ p̀i mà, à f̀te Yudea à èra àten tá Galili. ⁴ K̀ àten gé s̀, à k̀ à b̀te Samaria b̀sun. ⁵ Ak̀ à kà Samaria ẁte k̀ òdi pi Sika. A z̀ k̀ z̀te k̀ Yakubu kp̀ a né Yusufuaaoro. ⁶ Yakubu l̀g̀ k̀ gwe. Yesu t̀a ò à kp̀sa, ak̀ a v̀te l̀g̀ p̀i sare. If̀ntè kà midangura.

⁷ Samaria ǹgb̀ ke su í t̀, ak̀ Yesu p̀nè: Ñ ma gba í mà mi. ⁸ A ìbaǹ s̀, ò g̀e p̀ble lú ẁte g̀n. ⁹ Ak̀ ǹgb̀ p̀i p̀nè: Yudame n ù, Samaria ǹgb̀n ma ù, ak̀ nten í wé kemaa? Zaak̀ Yudaǹ k̀ Samariadeǹ ỳ di k̀ séro. ¹⁰ Ak̀ Yesu p̀nè: Tó ñ gba k̀ Luda di dañne d̀ k̀ gb̀ k̀ àten í wé kemmao, de m̀k̀mme Ìni wé kea à n gba í ẁndide. ¹¹ Ǹgb̀ p̀i p̀nè: Baa, ñ guga v̀ro. L̀g̀ dí s̀ a ẁe l̀koto. Ìni í ẁndide pì le máme? ¹² Ñ de ó dizi káaku Yakubula gwèe? Ák̀ mé à l̀g̀ p̀i t̀wèrè. Àpi a í mi k̀ a ǹǹ k̀ a p̀kadèn. ¹³ Ak̀ Yesu p̀nè: Gb̀ k̀ à í dík̀na mì, Ìmi ni era à a demè d̀. ¹⁴ Gb̀ k̀ ani í k̀ mani kp̀a mi s̀, Ìmi ni a de ziki doru. Zaak̀ í k̀ mani kp̀a ni g̀ a ǹsèe g̀n ís̀boki í k̀ ani b̀tene ẁndi k̀ àdi lákaro ùme. ¹⁵ Ak̀ ǹgb̀ p̀i p̀nè: Baa, ñ ma gba í p̀i, de Ìmi s̀n ma de mà su í t̀ la doru. ¹⁶ Yesu p̀nè: Ñ gé n z̀ sísi à su lèlè. ¹⁷ Ǹgb̀ p̀i wèa à p̀i: Má g̀ v̀ro. Ak̀ Yesu p̀nè: K̀ n p̀i, ñ g̀ v̀ro, n ỳ ò a zéame. ¹⁸ N z̀ k̀ leu s̀oro, ak̀ g̀gb̀ k̀ ñ k̀ k̀ao tera bi n z̀nlo. N ỳpura ò. ¹⁹ Ak̀ ǹgb̀ p̀i p̀nè: Baa, má d̀ s̀ k̀ annabiime n ù. ²⁰ Ó diziǹ donỳ k̀ Ludane kpi dí musu, ák̀ǹ s̀ adì pi Yurusalemu mé à gu k̀ ò donỳ kenne ù. ²¹ Yesu p̀nè: Ǹgb̀, ñ ma ỳ sí. G̀r̀ke ten su k̀ áni donỳ ke De Ludane kpi dí musu ke Yurusalemu doru. ²² Ák̀ǹ, adì donỳ ke Ludane, ama á a d̀ro, ók̀ǹ s̀, odi donỳ kene, ak̀s̀ ó a d̀, zaak̀ surabanaa di bo ók̀ǹ Yudaǹ k̀naame. ²³ G̀r̀ ten su

à kà kò, kù donyĩri yāpuradenɔ ni donyĩ ke De Ludane kù yāpurao kù a Nini gbānao. Gbē bire takanɔn De Luda ten wete ò donyĩ keare. ²⁴ Luda bi ninime, séde gbē kù òdi donyĩ kenɛnɔ donyĩ kenɛ kù yāpurao kù a Nini gbānao. ²⁵ Akū nɔgbē pìi pine: Má dɔ kù Arumasihu kù òdi pine Kirisi ni su. Tó à sù, ani yā sīnda pínki bókɔtewere. ²⁶ Akū Yesu pine: Makū kù maten yā onne, makūme a ũ.

²⁷ Gɔɔ birea Yesu ibanɔ sù, ò a lè àten yā o kù nɔgbēo. À bò ñ sare, ama ñ gbēke dí a la bón à yeiro ke bóyāi àten yā o kù nɔgbē pìi oro. ²⁸ Akū nɔgbē pìi a lo tò gwe, à gè wete gūn à pì gbēnɔne: ²⁹ À mɔ à gɔgbē ke gwa. À yā kù ma kènò òmene pínki. Ke Arumasihu pìime gwee? ³⁰ Akū ò bòte wete gūn òten gé Yesu kīnaa.

³¹ Gɔɔ birea sɔ Yesu ibanɔ pìne: Rabi, ñni pɔ bleroo? ³² Akū à pìinne: Má pɔble ke vī kù á dɔro. ³³ Akū à ibanɔ kɔ lāla ò pì: Gbēke sūne kù pɔbleon yá? ³⁴ Akū Yesu pìinne: Ma pɔblen gbē kù à ma zī pɔyenyīnakena ũ ari mà zī kù à dāmenɛ mì de. ³⁵ Ákɔnɔ adì pi mɔ siikɔ mé à gò kù pókēgɔɔ ni ká. Maten oáre, à wé sé à buranɔ gwa, zaakū pɔnɔ mà ò kà kēna. ³⁶ Pókēri teni a láada le kò, àten gbēnɔ kakara wēndi kù àdi lākaro pɔ ũ, de pótɔri kù pókēriiio pɔnna ke lele. ³⁷ Zaakū yā dīkīna bi yāpurame: Gbēke mé àdi pɔ tɔ, gbēke kē. ³⁸ Ma á zī pɔ kē gu kù ádi zī kenlo. Gbē pāndenɔ mé ò zī kē gwe, akū àteni ñ zī àre ble.

³⁹ Samaria gbē kù ò kú wete pìi gūnnɔ Yesu náani kē dasi yā kù nɔgbē pìi órɛne yāi, kù à pì à yā kù a kènò òare pínki. ⁴⁰ Abire yāi kù ò kà Yesu kīnaa, ò wé kēa à gɔ kūnwo, akū à kē kūnwo gɔɔ pla. ⁴¹ Kù Yesu yā órɛne, gbē pāndenɔ a náani kē dasidasi. ⁴² Akū ò pì nɔgbē pìine: Adì ke yā kù n òwere yāin o a náani kē adoro. O a yā mà ó zīdame, akū o dɔ sà kù andunia Surabariin a ũ yāpura.

Gbānade né werekɔanaa

⁴³ Kù à gɔɔ pla kē kūnwo, a gberan à tà Galili, ⁴⁴ zaakū à pì annabi dīgɔ bèere vī a zīda būsuno. ⁴⁵ Kù à kà Galili, Galilidenɔ gbānake kpai, zaakū ò gèe ò Vinla dikpe Yurusalemume, akū ò yā kù à kē dikpe pì zīnɔ è pínki. ⁴⁶ Akū Yesu èra à gèe Kana, gu kù à í litɛ sēwē ũ. Būsɔ gbānade ke kù gwe, a négɔgbē ten gyā ke zaa Kapenamɔ. ⁴⁷ Kù à mà Yesu bò Yudea à sù Galili, akū à gèe a kīnaa à wé kēa à gé a né werekɔa, zaakū a kù ga léi. ⁴⁸ Akū Yesu pìne: Tó adì ke a daboyānɔ kù yābonsarenɔ è baasiro, ani ma náani kero. ⁴⁹ Akū gbānade pìi pìne: Baa, ñ mɔ ari ma né kpé à ga. ⁵⁰ Yesu pìne: Ñ tá be. N né ni garo. Gɔgbē pìi yā kù Yesu ònɛe sɔ, akū à dà zén. ⁵¹ Gɔɔ kù à té zén, à dàkare kù a zīrinɔ, akū ò pìne a né kun. ⁵² Akū à ñ lá à pì: Gɔɔ kpate takan à kē sànaa? Akū ò pìne: Gīa fānantē mɔ do zakan mēwāna pìi kēa. ⁵³ Akū de pìi dɔ kù gɔɔ kù Yesu òare kù a né ni garon gwe. Akū ò a náani kē, àpii kù a bedenɔ ñ pínki. ⁵⁴ Sèeda plade kù Yesu kē bona Yudea suna Galilín gwe.

5

Gyāre werekɔana íkpakia

¹ Abire gbera Yudanɔ dikpe ke kà, akū Yesu èra à gèe Yurusalemu. ² Íkpaki kù gwe Sā Gēki sare, kù òdi pì Beteseda kù Eberu yāo. Íkpaki pì kāmaboki vī leu sɔɔro, ³ gyārenɔ dīgɔ wútenan dasidasi, vīnanɔ kù erenɔ kù gbē kù ñ mēgu fēfēnanɔ. ⁴⁻⁵ Gɔgbē ke kù gwe àten gyā ke à kà wè bupla

plansari. ⁶ Kū Yesu a è wútɛna gwe, à d̄s̄ kū àtɛn gyā ke a gii kè manamana, akū à pìne: N̄ ye ñḡo aafia yá? ⁷ Akū gyāre pìi wèa à pì: Mare, má gb̄eke vī à ma da í gūn gɔɔ kū à yīgāro. Tó maten gé ḡɛn, gb̄e pānde di ḡinake à ḡɛ ma āme. ⁸ Yesu pìne: N̄ futɛ ñ zɛ, ñ n pè sé ñ taa o. ⁹ Gwe ḡōnɔ ḡōgb̄e pìi aafiaa lè. À a pèe sè à taa ò. Gɔɔ pì bi kámmabogɔɔ zīme, ¹⁰ akū Yuda gbānadeno pì ḡōgb̄e kū à wèrɛkōa pìne: Kámmabogɔɔ zīn gbāra. À zé vī ñḡo ñ pè sɛnaro. ¹¹ À wèrɛmma à pì: Gb̄e kū à ma gba aafia mé à òmɛne mà a pè sé mà taa o. ¹² Akū ò a là ò pì: Dí mé à pìnne ñ n pè sé ñ taa oo? ¹³ Gb̄e kū à wèrɛkōaa pì d̄s̄ tó dínlo, zaakū Yesu ḡɛtɛ pari kū ò kú gweno tème. ¹⁴ Abire gbera Yesu a lè Luda onn, akū à pìne: N̄ ma, n aafiaa lè. N̄sun durunna ke doro, de yā kū à vāni de abirekūla sún n le doro yāi. ¹⁵ Akū ḡōgb̄e pìi ḡɛɛ à ò Yuda gbānadeno ke kū Yesu mé à tò a aafiaa lè.

¹⁶ Akū gbānade pìnɔ wé tà Yesua, kū àdi yā bire takano ke kámmabogɔɔ zī yāi. ¹⁷ Akū Yesu wèrɛmma à pì: Ma De diḡo zī ke kámmabonaa sarime, len maten ke le se. ¹⁸ Yā bire yāi gbānade pìnɔ ten Yesu wetɛ ò a de de káakula. Adi ke kū àdi kámmabogɔɔ zī yā daro ado yānlo, kū àdi pì Ludame a De ũ, àtɛn sára kpá kū Ludao yāime.

Luda Né ikoo

¹⁹ Yesu èra à wèrɛmma à pì: Yāpuran maten oáre, Luda Né di f̄s̄ à yāke ke kū a zīda gbānaoro, sé yā kū à è a De ten ke baasiro, zaakū yā kū a De di ke pínki, àkūme a Né pìi di ke se. ²⁰ Zaakū De Luda ye a Néi, àdi yā kū àdi ke pínki mɔne. Ani yā kū a zōkō de abirekūla mɔne, ani bo á sare. ²¹ Lákū De Luda di ḡɛnɔ vu à wèndi kpámma nà, len a Né di wèndi kpá gb̄e kū à yeinɔa le. ²² De Luda di yákpate ke kū gb̄ekeoro, à yákpatekena gbāna pínki kpà a Néa, ²³ de baadi bèere li a Néne, lákū òdi li De Ludane nà. Gb̄e kū àtɛn bèere li Luda Nénero, ade ten bèere li a De kū à a zīinero. ²⁴ Yāpuran maten oáre, gb̄e kū àtɛni ma yā ma, akūs̄ òtɛn gb̄e kū à ma zī náani ke, ade wèndi kū àdi lákaro vī. Yā ni vutearo, ade bò gan à ḡɛ wèndii gūmme. ²⁵ Yāpuran maten oáre, gɔɔke ten su à kà kò, kū ḡɛnɔ ni Luda Né kòto ma, ñ gb̄e kū ò màno ni vu. ²⁶ Lákū De Luda wèndikpammana gbāna vī nà, len à wèndikpammana gbāna kpà a Néa le d̄o. ²⁷ À yákpatekena gbāna kpàa d̄o, kū à de Bisāsiri Né ũ yāi. ²⁸ Àsun tó abirekū bo á sarero, zaakū gɔɔke ten su kú ḡɛ kú ò kú mira gūnno ni a kòto ma ²⁹ ò b̄ote ñ pínki. Yāmanakerino ni vu ò ḡɛ wèndii gūn, yāvānikerino s̄s̄ yāvutemmaanaa gūn. ³⁰ Madì f̄s̄ mà yāke ke kū ma zīda gbānaoro. Madì yákpate ke lákū à òmɛne nàme, madì yákpate ke a zéa, zaakū madì ma zīda poyeina wetero, sé gb̄e kū à ma zī pì p̄s̄.

Yesu iko sèedadeno

³¹ Tó má de ma zīda sèedade ũ, de ma yā náani vīro. ³² Sèedade pānde kun kū àdi ma yā o, má d̄s̄ kú ma yā kú àdi o náani vī. ³³ Bee ákōnɔ, a gb̄ɛnɔ zī Yahayaa, akū à yāpura oáre. ³⁴ Mádi mè kpá bisāsiri sèedakenaaaro, mateni abirekū oáre de à le à bo zia yāime. ³⁵ Yahaya de lán fitila kú à nana àtɛn gupura kú bà, akū a we à ponna kè a gupurai gɔɔ pla. ³⁶ Yā kú De Luda dāmenɛ mà kenɔ, kú maten ke pìnɔ deáre sèeda ũ, kú De Luda mé à ma zī. Ma sèedaa pì de Yahaya p̄ola. ³⁷ Ma De kú à ma zī ma yā ò d̄o. Ádi a kòto ma zikiro, ádi wé ke siikō kāaoro, ³⁸ a yā dí vuteki le á sw̄ɛ gūnlo, kú àtɛn gb̄e kú à a zī náani kero yāi. ³⁹ Adì mè kpá Luda yā kyókɛnaaa,

zaakū adīgō da gwen áni wèndi kū àdi lákaro len. Ma yān takada pì ten o sō, ⁴⁰ ama áten gí su ma kīnaai de à wèndii pìi le. ⁴¹ Maten sáabu wete bisásiri kīnaaro, ⁴² ama má á dō, má dō kū á ye Ludairo. ⁴³ Ma su kū ma De tóo, akū ádi ma síro. Tó gbē pānde sù kū a zīda tóo, áni a sí. ⁴⁴ Lákū adì sáabu wetekōa nà, ama adì sáabu wete Luda mèn do légelegea lero, áni ke dera à ma yā síi? ⁴⁵ Ásungō da makū mé mani gé kū á yāo ma De kīnaaro, Musa kū á wé dōi mé ani gé kū á yāo. ⁴⁶ Tó a Musa yā sì, de a ma yā sì se, zaakū ma yān à kē Luda yān. ⁴⁷ Kū ádi yā kū à kē Luda yānnō síro, áni ke dera à ma yā síi?

6

Póblekpana gōgbē gbēnōn dúbu sōoro
(Mat 14:13-21, Maa 6:30-44, Luk 9:10-17)

¹ Abire gbera Yesu bikū Galili sèbe kū òdi pì dō Tiberia bara. ² Gbēnō gō tēi dasidasi, kū ò a daboyānō è deran àten gyārenō werekōana yāi. ³ Akū Yesu dīdi à vùte sīsīi musu kū a ìbanō. ⁴ Yudanō Vīnla dikpē kà kāni. ⁵ Kū Yesu wé sè musu, à è gbēnō ten su a kīnaa dasidasi, akū à Filipi là à pì: Mákpan óni pòble lún de gbēnō blee? ⁶ À abirekū ò de à Filipi yō à gwa yāime, zaakū à dō lākū áni ke nà. ⁷ Akū Filipi wèa à pì: Andurufu ogo mèn wàa do burodii, bee tó ò è'è baadine fítifiti, ani móm̄maro. ⁸ A ìbanō do Anduru, Simō Pita dakūna pīne: ⁹ Néggōgbē ke kú la, à burodi araga vī mèn sōoro kū kpò fittinnanō mèn pla. Bón abirekū ni ke pari díkīnanōnē? ¹⁰ Yesu pì: À gbēnō vutevute. Sēla di gu pìn, akū ò vùtevute. Gōgbēnō kà gbēnōn dúbu sōoro taka. ¹¹ Yesu burodii pīnō sè à arubarikaa dān, akū à kpàatete gbē kū ò vutena a pīnōne lākū ò yei nà. Len à kpòò kpām̄ma le dō. ¹² Kū ò kà ó pínki, à pì a ìbanōne: À a kpara kū à gō sète pínki, de a ke sún ke pāro. ¹³ Akū ò burodi mèn sōoro kū ò sōo pì kpara kū ò gōnō sète tānko kuri awēēpla pà. ¹⁴ Kū ò daboyā kū Yesu kēē pīi è ò pì: Gbē pī bi annabi kū àten su andunia gūmmē yāpura. ¹⁵ Yesu dō kū ò ye ò su ò a kū ò a ká kīna ū kū gbānaome, akū à gōnne gwe à èra à dīdi sīsīi musu ado.

Yesu taa'ona sèbela
(Mat 14:22-27, Maa 6:45-52)

¹⁶ Kū oksi kē, a ìbanō gēe sèbeē bara. ¹⁷ Akū ò gē gó'ite gūn, òten bikū sèbeē pīi bara dire Kapenamū kpa. Gu gīnake à sì Yesu dí ká n kīnaa kōro. ¹⁸ Zāga'ia gbāna kākā, akū í ten fute. ¹⁹ Kū a ìbanō gó lī ò kà kiloo sōoro ke suddo taka bà, akū ò Yesu è àten taa o íla, àten na n góí, akū vīna n kú. ²⁰ Akū à pīnne: Makūmē, àsun tó vīna á kuro. ²¹ Ò wēne à gē gó gūn, akū gó pīi kà gu kū òten gén gōnō.

Gbēnō Yesu weteana

²² Kū gu dō pari kpé zena sèbeē bara dire. Ò dō kū gó'ite kú gwe yā mèn dome, Yesu sō adi gē gó pīi gūn kū a ìbanōro, ò tà n̄tēnēme. ²³ Kū à kē saa gó'ite pāndenō bō Tiberia, ò sù gu kū kāni kū gu kū ò burodii sōnwo, kū Dikiri sáabu kpà à làka. ²⁴ Kū pari pīi è àpii ke a ìbanōn kú gwe doro, ò gē gó pīnō gūn ò gēe a wete Kapenamū.

Yesumē pòble kū àdi n ká wèndiia ū

²⁵ Kū ò a è sèbeē bara gwe, ò pīne: Rabi, n ka la bōrēē? ²⁶ Yesu pīnne: Yāpuran maten oáre, áteni ma wete burodi kū a sò a ká yāime, adi ke

daboyá kú a ènò yáinlo. ²⁷ Àsun zī ke póbble kú àdi láka yáiro, sé póbble kú àdi n̄ ká wèndi kú àdi lákaroa. Bisásiri Né mé ani á gba póbble pìi, zaakū àpiin De Luda a sèedaa kèa.

²⁸ Akū ò a là ò pì: Deran óni ke nà ò yā kú Luda ye ò ke kee? ²⁹ Yesu wèrma à pì: Yā kú Luda ye à ken dí: À gbē kú à a zī náani ke. ³⁰ Ò pìne: Daboyá kpaten ìni kewee, de ò le ò n náani kee? Yā kpaten ìni kee? ³¹ Ó dizinò mana blè gbárannan lākū ò kè Luda yān nà ò pì: A póbble kú à bò musu kpámma ò blè. ³² Akū Yesu pìinne: Yāpuran maten oáre, adi ke Musa mé à póbble kú à bò musu kpááwaro. Ma De mé àdi póbble yāpurade kú à bò musu kpááwa. ³³ Póbble kú Luda kpà pìin gbē kú à bò musu àdi wèndi kpá anduniaa ũ.

³⁴ Ò pìne: Mare, ñgō póbble bire taka kpáwá goro sīnda pínki. ³⁵ Akū Yesu pìinne: Makūme póbble kú àdi n̄ ká wèndiia ũ. Nà ni gbē kú à sù ma kīnaa dero, ími ni ma náanikeri de zikiro. ³⁶ Bee kú abireo lākū ma oáre nà, bee kú a ma e, ádi ma náani keero. ³⁷ Gbē kú ma De kpàma ni su ma kīnaa, mani pé gbē kú à sù ma kīnaa zikiro. ³⁸ Adi ke ma zīda poyenyīna yāin ma bo musu ma suro, gbē kú à ma zī pómē. ³⁹ Pó kú gbē kú à ma zī pì yein dí: Māsun tó gbē kú à kpàmano ke sātero. À ye mà n̄ fute goro kpede zī. ⁴⁰ Zaakū pó kú ma De yein dí: Gbē kú à wé pè a Néa, akūsō àteni a náani ke gō wèndi kú àdi lākaro vī, má a vu goro kpede zī.

⁴¹ Akū Yuda gbānadenò zuka kài, kú à pì ákāame póbble kú à bò musu ũ yāi. ⁴² Ò pì: Gbē pì bi Yesu Yusufu nēnloo? Ó a de kú a dao dō bi! Akū àten pi a bo musume. ⁴³ Yesu pìinne: Àsun zuka káro. ⁴⁴ Gbēke ni fō à su ma kīnaaro, tó adi ke ma De kú à ma zī a sisi baasiro, mani a fute goro kpede zī. ⁴⁵ À kēna annabinò takada gūn ò pì: Luda mé ani yā da baadine. Gbē kú à De Luda yā mà, akūsō à a yā dà, àkū mé àdi su ma kīnaa. ⁴⁶ Adi ke gbēke De Luda è kú wéonlo. Gbē kú à bò a kīnaa mé à a è ado. ⁴⁷ Yāpuran maten oáre, ma náanikeri wèndi kú àdi lākaro vī. ⁴⁸ Makūme póbble kú àdi n̄ ká wèndiia ũ. ⁴⁹ Á dizinò mana blè gbárannan, bee kú abireo ò gāga. ⁵⁰ Póbble kú àdi bo musu sō, tó gbē blè, ani garo. ⁵¹ Makūme póbble wèndide kú à bò musu pì ũ. Tó gbē adi blè, anigō kun goro sīnda pínki. Póbble kú mani kpámame ma mèbaasi ũ, de andunia gō wèndi vī yāi.

⁵² Akū gbānade pìno ten lékpakōa ke kú kōo ò pì: Gbē pì ni fō à a mèbaasi kpáwá ò sòn yá? ⁵³ Akū Yesu pìinne: Yāpuran maten oáre, tó ádi Bisásiri Né mèbaasi só a a aru mīro, anigō wèndi vīro. ⁵⁴ Gbē kú àdi ma mèbaasi só à ma aru mi wèndi kú àdi lākaro vī. Makū mé mani a fute goro kpede zī. ⁵⁵ Zaakū ma mèbaasi bi póbble yāpurame, ma aru bi pómīna yāpurame. ⁵⁶ Gbē kú àdi ma mèbaasi só à ma aru mi kú ma gūn, makū sō má kú a gūn. ⁵⁷ Lākū De Luda Wèndide ma zī, akūsō má kun a yāi nà, len gbē kú àdi ma mèbaasi só nigō kun ma yāi ē. ⁵⁸ Póbble kú à bò musun gwe. À de lán póbble kú á dizinò blè ò gā bāro. Póbble bire blèri nigō kun goro sīnda pínkime. ⁵⁹ Yesu yā bireno ò goro kú àten yā dañe Kapenamu aduakekpeemme.

Yesu iba kenò borukpenaa

⁶⁰ Kú a ìbano yā pìi mà, n̄ gbē dasidenò pì: Yā gbāname, dí mé ani abirekū fō? ⁶¹ Yesu dō a swèe gūn kú a ìbano ten zuka ká yā pìi musu, akū à pìinne: Yā pì teni á fu yá? ⁶² Tó a è Bisásiri Né fute àten tá gu kú a kun yā sō bi? ⁶³ Luda Nini mé àdi wèndi kpámma, mèbaasi bi pōkenlo. Yā kú ma

òárenome Luda Nini kù àdi n ká wèndiia yā ũ. ⁶⁴ Ama á gbēkeno teni ma náani kero. Zaakū Yesu gbē kù òteni a náani keron dō zaa káaku kù gbē kù ani a kpámámao. ⁶⁵ Akū à pì dō: Abire yáin ma òáre, gbēke ni fō à su ma kīnaaro, sèto De Luda a gbà zé.

⁶⁶ Zaa goro birea a iba kenō bōru kpero dasidasi, òdi téi dorō. ⁶⁷ Akū Yesu a iba gbēnon kuri aweeplanō là à pi: Á ye à tá sen yá? ⁶⁸ Simo Pita wèa à pi: Dikiri, dí kīnaan óni génn? N wèndi kù àdi lákaro yā vī. ⁶⁹ O n náani kè, o dō kù Luda gbē kù à kú adoname n ũ. ⁷⁰ Yesu pìinne: Á gbēnon kuri aweepla dínon ma sèroo? Bee kù abireo á gbē mèn do bi ibilisiime. ⁷¹ Yudasi, Simo Isikarioti nén à téa. Ákūme gbēnon kuri aweepla pino doke kù ani a kpámáma ũ.

7

Yesu kù a dakūnanō

¹ Abire gbera Yesu gēe Galili wēte kù wēteo, zaakū à ye à kure Yudearo, kù Yuda gbānadeno teni a wete ò a de yāi. ² Yudanō Kutadōna dikpe kà kani, ³ akū a dakūnanō pìne: N fute la n gé Yudea, de n iba kù ò kú gweno yā kù nten kenō e se. ⁴ Tó gbē ye à tó bo, àdi a yāno ke utenaro. Lákū nten yā díno taka ke nà, n n zīda mō anduniane. ⁵ Bee a dakūna pino dí a náani kero. ⁶ Akū Yesu pìinne: A goro dí kámene kōro. Ákōno sō á zé vī goro sīnda pínki. ⁷ Andunia ni we à zāáguro, ama à zāmagu kù madì pi a yákēna vāni yāi. ⁸ À gé dikpekekia, maten géro, zaakū a goro dí kámene kōro. ⁹ Kù à yā pì ò, akū à gō Galili.

Yesu gēna Kutadōna dikpe

¹⁰ Kù a dakūna pino gēe dikpekekia, gbasa à gēe. Adi gé gbēno wárarō, à gēe asiri gūmmē. ¹¹ Yuda gbānadeno teni a wete dikpekekia ò pi: Àpi kú máa? ¹² Pari gūn òten yā o kpānikpāni a musu manamana. Gbēkeno pì: Gbē manamē. Gbēkeno pì: Oi, àten gbēno sātēmē. ¹³ Gbēke dí a yā o gupuraaro, kù òten vīna ke gbānade pìnonē yāi.

¹⁴ Kù dikpe kà a dagura, Yesu gēe Luda onn, àten yā dañne. ¹⁵ A yā bō gbānade pino sare ò pi: Gbē kù adi kyó kero mé à takada dō le yá? ¹⁶ Akū Yesu pìinne: Yā kù madì dañne bi ma zīda yānlo, gbē kù à ma zī yāme. ¹⁷ Gbē kù à ye à ze kù Luda poyenyīnakēnaao nigō dō tó ma yādannena de Luda pō ũ, kesō ma zīda yān maten o. ¹⁸ Gbē kù àdi a zīda yā o ten wete à tó bome. Gbē kù àdi wete à gbē kù à a zī tó bo náani vī, manafiki kú a gūnlo. ¹⁹ Musa dí doka daárerō? Á gbēke yā pì kūna sōro. Bóyāi àten wete à ma dee?

²⁰ Akū gbēno pìne: N tāna vīme. Dí mé àten wete à n dee? ²¹ Yesu pìinne: Daboyā mèn don ma kè, akū à bō á pínki sare. ²² Musa tōzōyā dàáre, akū adi tō zō kámmabogoro zī. Ase adi ke Musa kīnaan à nānlo, à bō á dizi káakunō kīnaame. ²³ Lákū òdi tō zō néne kámmabogoro zī nà de òsun bo Musa doka kpero yāi, à kè dera á pō fēnamai, kù ma gbē gbà aafia swáswa kámmabogoro zī? ²⁴ Àsun yā gwa lákū á wé ten e nàro. À yā gwa a zéa.

Kēkēkōana Yesu yāi

²⁵ Akū Yurusalemudenō pì: Gbē pì bi gbē kù òteni a wete ò a denloo? ²⁶ À gwa, àten yā o gupuraa, akū gbēke dí yā liaro. Gbānadeno a dō Arumasihu ũ yāpuran yá? ²⁷ Ó dō gu kù gbē dí bōn. Tó Arumasihu sù, onigō dō gu kù

à bònlo. ²⁸ Abire yāi gɔɔ kũ Yesu ten yā dañne Luda onn, à pùtā à pì: Á ma d̄s, akūs̄ á d̄s gu kũ ma bon. Ase mádi su kũ ma zīdaoro. Gbē kũ à ma zī bi yāpurademε, akū á a d̄sro. ²⁹ Má a d̄s, zaakū ma bo a kīnaame, àkū mé à ma zī.

³⁰ Akū òteni a wete ò a kũ, ama gbēke dí ɔ naaro, zaakū a gɔɔ dí papa k̄ro. ³¹ Zàa gūn ò Yesu náani kè dasi ò pì: Tó Arumasihu sù, ani daboyā ke dasi de a kũ gbē dí kèlan yá?

Dogarinɔ zīna ò Yesu kũ

³² Kū Farisinɔ mà òten yā o kpānikpāni zàa gūn a yā musu, akū sa'orikinɔ kũ Farisi pìnɔ dogarinɔ zī ò a kũ. ³³ Akū Yesu pì: Ma kunna kááo ḡs̄ f̄iti, mani gbasa mà tá gbē kũ à ma zī kīnaa. ³⁴ Áni ma wete à kuramai, zaakū áni f̄s̄ à gé gu kũ má kunlo.

³⁵ Akū gbānade pìnɔ ten k̄s̄ lala: Mán à ye à gén kũ óni kuraii? À ye à gé ó gbē kũ ò f̄ák̄sa Giriki b̄usunɔ gūn kīnaa de à yā da Giriki p̄inon̄en yá? ³⁶ Yā kũ à òo p̄i m̄i de derameε? Kū à p̄i óni a wete ò kuraai akūs̄ gu kũ á kun óni f̄s̄ ò gé gwero.

Í kũ àdi n̄ ká wèndiia

³⁷ Dikpe gɔɔ kp̄ede z̄sk̄s̄ zī Yesu f̄ute à pùtā à pì: Gbē kũ ími teni a de à m̄s̄ ma kīnaa à í mi, ³⁸ gbē kũ àteni ma náani ke s̄s̄, í kũ àdi n̄ ká wèndiia niḡs̄ bàa lé zaa a n̄es̄eε gūn lákū ò kè Luda yān nà. ³⁹ À yā dí ò Luda Nini kũ gbē kũ òteni a náani kenɔ ni sí yā musumε. Ò Luda Nini p̄i v̄i ḡiāro, kũ Yesu dí ḡinake à t̄s̄ bo k̄ro yāi.

Gbēnɔ k̄k̄k̄saana Yesu yāi

⁴⁰ Kū gbēnɔ yā p̄i mà, gbēkenɔ p̄i: Gbē díkīna bi annabii p̄iime yāpura. ⁴¹ Gbēkenɔ p̄i: Gbē díkīna bi Arumasihumε. Ama gbēkenɔ p̄i: Arumasihu ni bo Galili s̄s̄ yá? ⁴² Ò kè Luda yān ò p̄i, Arumasihu bi Dauda burimeε, ani bo Dauda be w̄ete Betilihamumε. ⁴³ Akū gbēnɔ k̄k̄k̄sa Yesu yāi. ⁴⁴ N̄ gbēkenɔ ye ò a kũ, ama gbēke dí ɔ naaro.

Yuda gbānadenɔ di Yesu náani kero

⁴⁵ Akū dogarinɔ èra ò tà sa'orikinɔa kũ Farisinɔ. Akū ò n̄ lá ò pì: B̄yāi ádi a kũ a su k̄aaroo? ⁴⁶ Dogari pìnɔ w̄ém̄ma ò pì: Gbēke dí yā o lán gbē díkīna bà zikiro. ⁴⁷ Akū Farisinɔ p̄inne: À á likara sen yá? ⁴⁸ Gbānade ke Farisi ke a náani kèn yá? ⁴⁹ Pari bire Luda yā d̄sro, Luda lé k̄r̄n̄emε. ⁵⁰ Nikodemu kũ à ḡeε Yesu kīnaa yā bi gbānade pìnɔ dokemε. À p̄inne: ⁵¹ Ó doka gūn ò p̄i, òsun yā da gbēla a yā manaa sariri ke yā kũ à kè d̄snaa sariri. ⁵² Ò p̄ine: Galili gb̄emε n̄ ū se yá? N̄ tàasi ká n̄ gwa. Íni e kũ annabi ke di bo Galiliro. ⁵³ Akū baadi tà a bea.

8

Nɔgbē kũ ò kũ zinakenaa gūn

¹ Yesu ḡeε Kùkpe s̄s̄is̄ger̄eεi. ² Kū gu d̄s̄n̄, à èra à ḡeε Luda onn. Gbē s̄inda p̄inki sù a kīnaa, akū à v̄ute àten yā dañne. ³ Akū ludayādannerinɔ kũ Farisinɔ sù a kīnaa kũ nɔgbē kũ ò kũ zinakenaa gūn, ò a zè zàa gūn ⁴ ò p̄i Yesunε: Danneri, ò nɔgbē díkīna kũ kũ ḡōposeo w̄edewε. ⁵ Ó doka gūn Musa d̄ite ò nɔgbē dí taka pápa kũ gb̄eεo ò a demε. N̄ è dera s̄s̄o? ⁶ Ò abirekū ò de ò a ȳs̄ ò gwa ò le ò yā daala yāime. Akū Yesu n̄ate àten ɔgb̄e k̄ z̄itea.

7 Kū ò kpé òteni a lala, akū à a miì sè lei à piñne: Á gbē kū adi durunna ke zikiro a pá kū gbèeo káaku. 8 Akū à èra à nàte àten ɔgbē kē zītea dɔ. 9 Kū ò mà le, akū ò fàkōa dodo sena zaa gbē zōkōnɔa. Akū ò Yesu tò ado kū nɔgbē pìio. 10 Akū à èra à a miì sè lei à pìne: Nɔgbē, ò tà máa? Odi yá danla doroo? 11 Nɔgbē pìi wèa à pì: Baa, í gbēke kú la doro. Akū Yesu pìne: Makū se, mani yá danlaro. Ñ gé. Zaa gbāra ñsun durunna ke doro.

Yesume gupura ũ anduniane

12 Akū Yesu yá ò gbēnɔne dɔ à pì: Makūme gupura ũ anduniane, gbē kū à témai nigō kú gusiran doro, gupura kū àdi í ká wèndiian ade nigō vī.

13 Akū Farisinɔ pìne: Ñ de n zīda sèedade ũ, n yá náani vīro. 14 Akū Yesu wèmma à pì: Bee tó mateni ma zīda yá o, ma yá náani vī, zaakū má dō gu kū ma bon kū gu kū maten tánwo. Ákōnɔ sō, á gu kū ma bon kū gu kū maten tánwo dōro. 15 Áteni ma taari e bisásirikemme. Mádi gbēke taari e sōro. 16 Tó ma gbē taari è sō, taari'ena pìi nigō náani vī, zaakū má kú madoro, ma De kū à ma zī kú kúmao. 17 Á kú á doka takadan ò pì, sèedade gbēnɔn planɔ yá mé à náani vī. 18 Makūme ma zīda sèedade ũ. Ma De kū à ma zī bi ma sèedademe dɔ.

19 Akū ò a là ò pì: N de kú máa? Yesu wèmma à pì: Á ma dōro, akūsó á ma De dōro. Tó a ma dō, de a ma De dō. 20 Yesu yá bire ò ɔgodakia, gɔrɔ kū àten yá dañne Luda ɔn gümmē. Odi a kūrō, zaakū a gɔrɔ dí papa kōro.

Áni fō à gé gu kū maten tánlo

21 Akū Yesu piñne dɔ: Maten tá, áni ma wete, ama áni ga á durunna gümmē. Áni fō à gé gu kū maten tánlo. 22 Akū gbānade pìno pì: À pì óni fō ò gé gu kū áten tánlo. Ani a zīda den yá? 23 Akū Yesu piñne: Zīte la gbēnɔn á ũ, musu gbēn ma ũ. Andunia díkīna gbēnɔn á ũ, andunia díkīna gbēn ma ũro. 24 Abire yáin ma piáre áni ga á durunna gümmē. Tó ádi sí kú makūme gbē kū má de a ũ ũro, áni ga á durunna gümmē.

25 Akū ò a là ò pì: Díme n ũu? Yesu wèmma à pì: Gbē kū ma òáre zaa káakun ma ũ. 26 Má yá vī dasi mà o á musu mà yá daoála. Gbē kū à ma zī bi yápurademe, yá kú ma mà a kīnaan madì o anduniane.

27 Odi dō kū De Ludan à téaro, 28 akū Yesu piñne: Tó a Bisásiri Né sè a dō musu, gbasa à dō kū makūme gbē kū má de a ũ ũ. Madì yáke ke kū ma zīdaoro, yá kú ma De dàmenen madì o. 29 Gbē kū à ma zī kú kúmao, adi ma tó madoro, zaakū madigō yá kú àdi káagu ke gɔrɔ sīnda pínki. 30 Gɔrɔ kū Yesu ten yá pìno o, ò a náani kē dasi.

Zīdadeno kū zònɔ

31 Akū Yesu pì Yuda gbānade kū ò a yá sìnɔne: Tó á ma yá kūna, áni gō de ma íbanɔ ũ yáपुरa. 32 Áni gō yáपुरa dō, yáपुरa pì ni tó à gō á zīda vī.

33 Akū ò pìne: Ibrahī burin ó ũ, ódi zò ble gbēkene zikiro. Akū nten pì óni gō ó zīda vī yá? 34 Yesu wèmma à pì: Yáपुरan maten oáre, gbē kū àdi durunna ke bi durunna zòme. 35 Zò kun ɔn gbē ũ gɔrɔ sīnda pínki, ɔn né mé à ɔn gbē ũ gɔrɔ sīnda pínki. 36 Tó Luda Né á bo zòbblenan, áni gō á zīda vī yáपुरa. 37 Má dō kū Ibrahī burin á ũ, ama áteni ma wete à ma de kū ma yá kú á nèsee gūnlo yá. 38 Yá kú ma è ma De kīnaan maten o, yá kú a mà á de kīnaan áten ke.

39 Akū ò pìne: Ibrahīme ó de ũ. Akū Yesu piñne: Tó Ibrahī nénɔn á ũ, de a Ibrahī dà sète. 40 Tera sà áten wete à ma de, makū kū ma yáपुरa kū

ma mà Luda kīnaa oáre. Ibrahī dí yā bire taka kero. ⁴¹ Áteni á de yákena keme. Akū ò pìne: Nò yìgisaride nénon ó ũro. De mèn don ó vī, àkūme Luda ũ. ⁴² Yesu pìñne: Tó á den Luda ũ, de á yemai, zaakū Luda kīnaan ma bon ma su. Mádi su kū ma zīdaoro, àkū mé à ma zī. ⁴³ À kè dera ádi ma yā dōro dōroo? Kū adì fō à ma yā dōro dōro yāime. ⁴⁴ Á de Ibilisi pón á ũ, a poyeinaan á ye à ke. Gbēderiin a ũ zaa káaku, àdi ze kū yāpuraoro, kū yāpura kú a nēsee gūnlo yāi. Tó à éke tò, a zīda dāan gwe, zaakū ékeden a ũ, éke mīime. ⁴⁵ Makū sō, madì yāpura o. Abire yāi adì ma yā síro. ⁴⁶ Á té, dí mé ani pi ma durunna kēe? Kū yāpuran maten o, à kè dera áteni ma yā síroo? ⁴⁷ Gbē kū à de Luda pò ũ dì yā kū Luda ten o mame. Á de Luda pò ũro, abire yāin adì we ma yāiro.

Yesu dena Ibrahīla

⁴⁸ Akū gbānade pìno pìne: Samaria gbēme n ũ! Ní tāna vīme! Ke yāpuranlo? ⁴⁹ Akū Yesu pì: Má tāna vīro. Madì bèere li ma Dene, ama adì ma kpe bo. ⁵⁰ Madì wete mà a zīda tó boro, gbēke mé àdi wete mēne, àkūme yāgōgōri ũ. ⁵¹ Yāpuran maten oáre, gbē kū àdi dō ma yāi ni ga zikiro.

⁵² Akū gbānade pìno pìne: Ó dō sà kū ní tāna vī. Ibrahī gà kū annabinò pínki, akū nten pi gbē kū àdi dō n yāi ni ga zikiro yá? ⁵³ Ní de ó dizi Ibrahī kū à gālan yá? Annabinò gāga dō. Dín nteni n zīda sé a ũu? ⁵⁴ Akū Yesu pì: Tó mateni ma zīda tó bome, abirekū bèere vīro. Ma De kū áten pi à de á Luda ũ, àkū mé àdi ma tó bo. ⁵⁵ Á a dōro, ama má a dō. Tó ma pì má a dōro, manigō de ékede ũ lán á bàme. Má a dō, akū má a yā kūna. ⁵⁶ Á dizi káaku Ibrahī ponna kè ma goro ena yā musu. À è, akū a pō kè nna.

⁵⁷ Akū gbānade pìno pìne: Ndi ká wè bupla akuri kōro, akū n Ibrahī è yá? ⁵⁸ Yesu pìñne: Yāpuran maten oáre, de odi Ibrahī i kōro, má kun. ⁵⁹ Akū ò gbèe sète de ò a pápao. Akū a a zīda ùte à bò Luda onn.

9

Gōgbē kū ò ì vīna ũ werekōanaa

¹ Kū Yesu ten kure, à gōgbē kū ò ì vīna ũ è. ² Akū a ibanò a là ò pì: Rabi, dí durunna yāin ò gbē pìi ì vīna ũu? A zīda pò yāin yá, ke a de kū a dao pómme? ³ Yesu wèmma à pì: Adì ke àpii ke a de kū a dao durunna yāinlo. De ò Luda yākena ea yāime. ⁴ Séde ò gbē kū à ma zī zī ke zaa gupuraa. Gusira ten su kū gbēke ni zī ke le à ke doro. ⁵ Goro kū má kú andunia gūn, má de gupura ũ anduniane.

⁶ Kū à ò le, à lé'i tò zīte, akū à yàkate à màma a wénna. ⁷ À pìne: Ní gé ò ãn pípi Siloamu í gūn. Tó pìi pì, í gbarena. Akū à gèe à ãnn pípi, akū à sù kū wéo wēna. ⁸ A fārandidenò kū gbē kū ò a dō barakeri ũno pì: Gbē kū àdigō bara ke vutena pìin gweroo? ⁹ Gbēkenò pì: Àkūme. Gbēkenò pì: Oi, ade bòkōaome. Gōgbē pìi pì: Makūme! ¹⁰ Akū ò a là ò pì: À kè dera n wé wèe? ¹¹ À wèmma à pì: Gbē kū òdi pìne Yesu mé à bùsuu yàkate à màma ma wéa, à pì mà gé ãn pípi Siloamu í gūn. Kū ma ge ma ãnn pípi, akū ma gu è. ¹² Akū ò a là ò pì: Àpi kú máa? À pì: Má dōro.

Farisinò yālalana gbē kū à de vīna ũ yāa

¹³ Akū ò gèe Farisinò kīnaa kū gbē kū à de vīna ũ yā pìo. ¹⁴ Akūsō kāmabogoro zīn Yesu bùsuu yàkate à a wé wèone. ¹⁵ Akū Farisinò a là dō:

Deran n kè nà n gu èe? À wèrma à pì: À bɔkɔɔ mà ma wéame. Kū ma pìpi, akū ma gu è. ¹⁶ Akū Farisi kenɔ pì: Gbɛ pì dí bo Luda kīnaanlo, zaakū àdi kámmabogɔɔ zī yā daro. Ní gbēkenɔ pì: Durunnakeri ni fɔ à daboyā bireno taka ke yá? Akū ò kèkèkɔsa. ¹⁷ Akū ò a là dɔ: Mɔkɔn sɔ, gbɛ kū à n wé wènnè, nteni a yā da deramee? À pì: Annabiime. ¹⁸ Bee kū abireo gbānadenɔ dí sí kū vīnaan a ũ gbasaa wé wèro, akū ò gèe ò a de kū a daoo sisi. ¹⁹ Ó ñ lá ò pì: Á nén dí yá? A a i vīna ũn yá? À kè dera àten gu e saa? ²⁰ Akū a de kū a dao wèrma ò pì: Ó dɔ kū ó némè. O a i vīna ũmè. ²¹ Ama lākū à kè nà àten gu e sà, ke gbɛ kū à a wé wènnè, ó dɔro. À a la gwe. Gbɛ ɔndɔnaame, ani fɔ à a zida yā o. ²² A de kū a dao ò le, kū òten vīna ke gbānadenɔne yāime. Zaakū ò zèo kū gbɛ kū à pì Yesu bi Arumasihume, ò aduakekpe zé zōne. ²³ Abire yāin a de kū a daoo pì, gbɛ ɔndɔnaame, ò a la.

²⁴ Gbɛ kū à de vīna ũ yā pì sīsina gènn plade gūnn ò pìne: Ní yāpura o Luda yāi. Ó dɔ kū gɔgbɛ pì bi durunnakeriime. ²⁵ Akū à pì: Tó durunnakeriime, má dɔro. Yā mèn don má dɔ. Vīnaan ma ũ yā, akū maten gu e sà. ²⁶ Akū ò a là ò pì: Bɔn à kènnèe? Deran à kè nà à n wé wènnèe? ²⁷ À wèrma à pì: Ma óare kò, ádi sá kpáro. Bó á ye à ma dɔɔ? Á ye à gɔ a ibanɔ ũ sen yá? ²⁸ Akū ò zuka kài ò pì: Mɔkɔmme ní de a iba ũ gwe! Ókɔnɔ sɔ Musa ibanɔn ó ũ. ²⁹ Ó dɔ kū Luda yā ò kū Musao. Àkū sɔ, ó dɔ gu kū à bònlo. ³⁰ Akū gɔgbɛ pì pìinne: À yābonsare ma gwe! À ma wé wèmene, akū á dɔ gu kū à bònlo yá? ³¹ Ó dɔ kū Luda di sá kpá durunnakerino yāiro, àdi sá kpá a yāmari kū òdi a pɔyenyīna kenɔ yāime. ³² Zaa lākū Luda andunia kàte nà, odi ma gbɛke gbɛ kū wà a i vīna ũ wé wènnè zikiro. ³³ Tó adi ke gbɛ pì bò Luda kīnaaro, ani fɔ à pòke kero. ³⁴ Akū ò pìne: Ò n i durunna gūn mámmamme, akū nten yā dawere yá? Akū ò pèa.

Ludadɔnasari bi vīnakūnaame

³⁵ Yesu mà kū ò pèa. Kū à a là, à a là à pì: Nten Bisásiri Né náani ke yá? ³⁶ Gɔgbɛ pìi wèa à pì: Mare, dín a ũ de mà le mà a náani kee? ³⁷ Yesu pìne: N a è, akū mé àten yā o kúnwo. ³⁸ Akū gɔgbɛ pìi pìne: Dikiri, mateni n náani ke. Akū à donyī kène. ³⁹ Akū Yesu pì: Gbèno kèkèkɔsana yāin ma su andunia gūn la, de wésiradenɔ wé kè, wékèrinɔ gɔ wésiradenɔ ũ.

⁴⁰ Farisi kenɔ kú gwe. Kū ò yā pìi mà, ò pìne: Ókɔnɔ, vīnanɔn ó ũ se yá? ⁴¹ Akū Yesu pìinne: Tó vīnanɔn á ũ, de á durunna víro. Ama kū àten pi á wé kèna yāi, á durunna kpé kú kááome.

10

Yalekšana kú sadariio

¹ Yāpuraan maten óare, gbɛ kū àdi gɛ sá karalenlo ama àdi vlɛ karala gu pānden, ade bi kpānime, kpāni wédeweme. ² Gbɛ kū àdi gɛ karalen sɔ, aden sādari ũ. ³ Kara dákpárii di zé wé adene, sánɔ sɔ ò a kòto dɔ. Àdi a sánɔ sisi ní baadi tɔa à bɔte kúnwo. ⁴ Tó à bɔte kúnwo, àdi doñne are òdigɔ téi kū ò a kòto dɔ yāi. ⁵ Òdi we ò té gbɛ pāndei. Òdi bàa léne kū ò gbɛ pānde kòto dɔro yāi. ⁶ Yesu yā pìi lèkɔañne, akū odi dɔ tó bó yān àten oñnero.

Yesu bi sādari maname

⁷ Abire yāi Yesu era à pìinne: Yāpuraan maten óare, makūme karale ũ sánɔne. ⁸ Gbɛ kū ò dòmene arenɔ bi kpāninome, kpāni wédewenome ní

pínki, akū sãno dí n̄ yã maro. ⁹ Makūme karale ũ. Gbē kū à gè ma gūn ni aafia le. Anigō gē àgō bo ani pòbleki le. ¹⁰ Kpāni'ona yāin kpāni di su àdi pò de àdi pò kakate. Ma sume, de gbēno gō wēndi vī ògō vī papana. ¹¹ Makūme sādāri mana ũ. Sādāri mana di gí a wēndiii a sãno yāi. ¹² Zamalinga bi sādāri mananlo. Kū sãno de a pò ũro yāi, tó à è lewanna ten su, àdi sãno tón à bàa léme, akū lewanna di sí sãno té à n̄ fákōa. ¹³ Gbē pi bàkaa diḡō kú kú sãnooro, kú à de zamalinga ũ yāi. ¹⁴ Makūme sādāri mana ũ. Má a sãno dō, ma sãno sō ò ma dō, ¹⁵ lákū De Luda ma dō akūsō má a dō nà. Maten gi ma wēndiii n̄ yāi. ¹⁶ Má sã pāndenō vī kú ò kú kara dí gūnlo. Séde mà su kúwo se. Oni ma kòto ma, kpàsa ni gō mèn do kú dāriio mèn do. De Luda yemai ¹⁷ kú maten gi ma wēndiii yāi, de mà era mà sí dō. ¹⁸ Gbēke ni ma wēndi símaro, mani gí kú ma zīdaome. Má a giina zé vī, má a sina zé vī dō. Yã kú ma De dītemenēnēn gwe.

¹⁹ Yã pi yāi Yuda gbānadenō kēkēkōa dō. ²⁰ N̄ té gbēno pi dasi: À tãna vīme, a m̄li litē. Bóyāin àten sã kpá a yāii? ²¹ N̄ gbēkenō pi: Tānade yā'onaan gwerō. Tãna ni f̄s à vīna wé wé yá?

Yesu a ludakena onnena

²² Luda kpé sakena dikpe kà zaa Yurusalemu. Bunsire gūmme, ²³ akū Yesu ten kure Luda onn, zaa gu kú òdi pi Sulemanu èdan. ²⁴ Akū Yuda gbānadenō likai, ò a là ò pi: Īni ó tó lokona ari b̄ore? Tó Arumasihume n ũ, n̄ owere swáswa. ²⁵ Akū Yesu wēm̄ma à pi: Ma òare, ádi síro. Yã kú maten ke kú ma De t̄soo pin̄on a sèeda ũ. ²⁶ Ák̄no s̄s ádi síro, kú á de ma sãno ũro yāime. ²⁷ Ma sãno di ma kòto ma. Má n̄ dō, akū òdiḡō témai. ²⁸ Madì wēndi kú àdi láraro kpám̄ma, oni ga zikiro. Gbēke ni f̄s à n̄ bo ma oīro. ²⁹ Ma De kú à n̄ kpáma de gbē s̄inda pínkila. Gbēke ni f̄s à n̄ bo a oīro. ³⁰ Makū kú ma Deo ó dok̄no me.

³¹ Gbānade pin̄o gbēe s̄ese dō de ò a pápao ò a de. ³² Akū Yesu piinne: Ma yã mana kú ma De dāmenenō k̄éare dasi. Yã mana kpate yāime á ye à ma pápa kú gb̄eoo? ³³ Akū gbānade pin̄o wèa ò pi: Ó ye ò n̄ pápa kú gb̄eoo yã mana kú n̄ k̄e yāinlo. Kú n̄ d̄ok̄e kú Ludao yāime. Bisásirime n ũ, akū n̄ n̄ zīda s̄e Luda ũ. ³⁴ Akū Yesu wēm̄ma à pi: Luda ò á doka takadan à pi Ludanome n̄ ũ. ³⁵ Luda dí gbē kú àten yã oñne pin̄o sísi ludanoro? A yã gogona vī s̄oro. ³⁶ Makū kú ma De ma dite adona à ma zī andunia gūn s̄o, kú ma pi Luda Nén ma ũ, b̄oyāi a pi ma d̄ok̄e kú Ludao? ³⁷ Tó mateni ma De yākēna kero, àsun ma yã síro. ³⁸ Tó maten ke s̄o, bee tó ádi ma yã síro, à ma náani ke ma yākenanō yāi, de àgō dō sãnsãn kú De Luda kú ma gūn, akū má kú a gūn s̄o. ³⁹ Akū ò èra òten zé wete ò a kú, akū à pitim̄ma.

⁴⁰ Akū à èra à gèe Yoda bara dire, gu kú Yahaya gbēno da'ite k̄en káaku. À ḡoro pla k̄e gwe, ⁴¹ akū ò sù a kīnaa dasidasi ò pi: Bee kú Yahaya dí daboyā ke kero, yã kú à ò gbē díkīna musu pínki bi yāpurame. ⁴² Akū wà a náani k̄e gwe dasi.

11

Lazaru ganaa

¹ Gbē kú òdi pine Lazaru ten gyã ke zaa Betani w̄ete kú Mariama kú a vīni Maatao kún. ² Mariamame n̄gbē kú à n̄isi gb̄innade kú Dikiri gbáa à gogo kú a mikāo ũ. ³ Akū Lazaru dāre pin̄o lēgbázā k̄e Yesune ò pi: Dikiri, n̄ gbēnna ten gyã ke. ⁴ Kú Yesu yã pi mà à pi: Gyã pi ni láka kú gaoro.

De Luda gakuri bo gupuraa yáime, de Luda Né s̄s̄ t̄s̄ bo a musu. ⁵ Yesu ye Maatai k̄u a dakūnao k̄u Lazaruo. ⁶ Kū à mà Lazaru ten gyā ke, akū à ḡs̄ gu k̄u à kun ḡia ḡoɔ pla. ⁷ Abire gberan à p̄i a ibanone: Ò era ò gé Yudea. ⁸ Akū a ibanone: Rabi, gbānadenon ye ò n pápa k̄u gb̄eεo adi gi kero, akū n̄ ye ò era ò gé gwe d̄o yá? ⁹ Yesu p̄i: Fānantē do bi awa kuri awεεplanloo? Gb̄e k̄u àten kure fānantē di ḡe síro, k̄u àten gu e andunia dík̄ina gupurai yāi. ¹⁰ Tó àten kure gwāani, àdi ḡe sí k̄u à gupura p̄i v̄iro yāi.

¹¹ Yā p̄i onaa gbera Yesu p̄inne: Ó gb̄enna Lazaru i òme. Mani gé mà a vu. ¹² Akū a ibanone: Dikiri, tó àten i ome, ani aafia le. ¹³ Lazaru ga yān Yesu ten onne, akū òten da i'onaame yāpura. ¹⁴ Akū Yesu ònne swáswa sà à p̄i: Lazaru ḡame. ¹⁵ Ma p̄o k̄e nna k̄u má kú gwero, de à le à ma náani ke yāi. Ò gé a k̄inaa. ¹⁶ Akū Tomasi k̄u òdi pine Sika p̄i a gb̄enone: Ò gé k̄u Dikirio ò ga ó p̄inki.

Yesume gb̄e k̄u àdi ḡenɔ vu à w̄endi kpámma ũ

¹⁷ Kū Yesu kà gwe, à sù à lè ò Lazaru v̄i à ḡinake à k̄e ḡoɔ siik̄s̄ k̄ò. ¹⁸ Betani kú k̄ani k̄u Yurusalemuo lán kiloo aak̄s̄ bà. ¹⁹ Yuda gbānadenon b̄o zaa gwe dasi ò sù Maata k̄u Mariamao k̄inaa, de ò s̄uru kpámne n̄ d̄aḡs̄ ga yā musu. ²⁰ Kū Maata mà Yesu ten su, à b̄ò à ḡeε daale, ama Mariama z̄e be. ²¹ Akū Maata p̄i Yesune: Dikiri, tó n̄ kú lame yā, de ma d̄aḡs̄ dí garo. ²² Bee tera má d̄s̄ kú yā kú n̄ gb̄eka Ludaa, ani kenne. ²³ Yesu p̄ine: N d̄aḡs̄ ni vu. ²⁴ Maata p̄ine: Má d̄s̄ kú ani vu z̄i kú ḡenɔ ni vu ḡoɔ kp̄ede z̄i. ²⁵ Yesu p̄ine: Makūme gb̄e k̄u àdi ḡenɔ vu à w̄endi kpámma ũ. Bee tó ma náanikerii ḡa, aniḡs̄ kp̄e kumme. ²⁶ Gb̄e k̄u à kun, akū àteni ma náani ke ni ga zikiro. N abirekū si yá? ²⁷ Maata p̄ine: Ee, Dikiri, ma si k̄u Arumasihume n̄ ũ, Luda Né k̄u ò p̄i ani su andunia ḡun.

Yesu w̄e'i k̄an

²⁸ Kū Maata ò le, akū à ḡeε à a dakūna Mariama sisi, akū à p̄ine asiri ḡun à p̄i: Danneri sù àteni n̄ gbeka. ²⁹ Kū Mariama yā p̄i mà, à f̄ute likalika àten gé a le. ³⁰ Yesu dí ḡinake à ḡe w̄ete ḡun k̄oro, à kp̄e kú gu k̄u Maata d̄aalen. ³¹ Gb̄anade p̄inon kú kp̄en k̄u Mariamao, òten s̄uru kp̄ane. Kū ò è à f̄ute likalika à b̄ò, ò b̄ò ò t̄ei, zaakū òten da àten gé s̄o d̄o miraame.

³² Kū Mariama kà gu k̄u Yesu kún, k̄u à a è, à k̄ute a gb̄a sar̄e à p̄ine: Dikiri, tó n̄ kú lame yā, de ma d̄aḡs̄ dí garo. ³³ Yesu è àten s̄o d̄o, akū gb̄anade k̄u ò kú k̄aao p̄inon ten s̄o d̄o d̄o. Akū à nèseyoko si a p̄o yāka. ³⁴ Akū à p̄i: A a v̄i máa? Ò w̄ea ò p̄i: Mare, n̄ m̄ó n̄ gwa. ³⁵ Yesu w̄e'i k̄an. ³⁶ Akū gb̄anade p̄inon p̄i: À gwa lákū à yei nà. ³⁷ Akū n̄ gb̄ekenon p̄i: Àk̄aa k̄u à v̄ina w̄e w̄e, ani f̄s̄ à gi Lazarune àsun garoo?

Lazaru vunaa

³⁸ Kū Yesu ten gé mira p̄i k̄inaa, akū à nèseyoko si d̄o. Mira p̄i bi gb̄ewεεeme, gb̄e gb̄entē t̄ataalé. ³⁹ Yesu p̄i: À gb̄eε p̄i go a léa. Akū gb̄e k̄u à ḡaa p̄i d̄are Maata p̄ine: Dikiri, àten gb̄i s̄s̄, zaakū à k̄e ḡoɔ siik̄on dí. ⁴⁰ Yesu p̄ine: Mádi onne k̄u tó n̄ ma náani k̄e, ìni Luda gakuri eroo? ⁴¹ Kū ò gb̄eε p̄i ḡò, akū Yesu w̄e s̄e musu à p̄i: Baa, ma n̄ s̄áabu k̄e k̄u n̄ ma yā mà. ⁴² Má d̄s̄ kú ndiḡs̄ ma yā ma ḡoɔ s̄inda p̄inki, ama ma ò le pari k̄u ò kú lanon yáime, de ò le ò sí kú m̄ok̄omme n̄ ma z̄i. ⁴³ Kū à ò le, akū à p̄ut̄a k̄u k̄oto gb̄anao à p̄i: Lazaru, n̄ bo. ⁴⁴ Akū gb̄e k̄u à ḡaa p̄i b̄ò, p̄óle fif̄ina a m̄eεa, biza ȳina a m̄ia. Yesu p̄inne: À p̄o poroa à a gbare.

Lékpakúsuna Yesui

⁴⁵ Yuda gbánade kù ò sù Mariama kínaa pìno, kù ò yá kù Yesu kèe pìi è, ò a náani kè dasi. ⁴⁶ Ama ñ gbèkeno gèe Farisino kínaa, ò yá kù Yesu kèe gbáñne. ⁴⁷ Akù sa'orikino kù Farisi pìno gbánadenò sisi kòkakaranaaa ò pì: Gbè pì ten daboyá ke dasi, bó óten kèe? ⁴⁸ Tó o tò àten ke le, baadi ni a náani ke, Romudenò ni su ò ó Luda kpé kù ó burio kakate pínki. ⁴⁹ Akù Kayafa ñ gbè mèn do kù à de sa'oriki zòkò ù wè birea pìinne: Á yáke dōro. ⁵⁰ Á dō kù gbè mèn do gana ó pínki gēne ù mana de ó buri kakatenalaroo? ⁵¹ Adi yá pì o kù a zīda poyeinaaoro. Kù à de sa'oriki zòkò ù wè birea yáin à annabikéyá ò kù Yesu ni ga Yudanò gēne ù. ⁵² Adi ke Yudanò ñtēnenlo, ari kù Luda né kù ò fākōananò dō, de à ñ ke mè dokōno ù. ⁵³ Zaa zī bīrean gbánadenò pìno zè kù Yesu denaao. ⁵⁴ Abire yá Yesu dí bo gupuraa ñ té doroo. Akù à gèe lakutu kù à kù gbáranna sare kù òdi pi Eflaimu. À goro pla kè gwe kù a ìbano.

⁵⁵ Yudanò Vīnla dikpe kà kāni. Ò bō lakutunò gūn dasidasi, ò gèe Yurusalemu gbàbona yáin ari dikpe pì gé ká. ⁵⁶ Òten Yesu wete, ò zena Luda onn, òten kō lala òten pi: Áten da deramèe? Ani we à su dikpe dí ke yá? ⁵⁷ Sa'orikino kù Farisino dìte kù tó gbèke Yesu kúki dō, à oñne de ò le ò a kù.

12

Nísi gbī nna kuna Yesu gbáa

(Mat 26:6-13, Maa 14:3-9)

¹ Vīnla dikpe gò goro suddo, akù Yesu sù Betani, Lazaru kù à a vù bona gan wētea. ² Ò pòble kè Yesune gwe. Maata mé àten pòble kpaatete, Lazaru sō à kù pòblerino té kù Yesuo. ³ Akù Mariama nísi buri mana ogo de sè à sùo, à kù Yesu gbáa, akù à a gbá gogo kù a mikāo. Nísi gbī dàgula kpé pìi gūn. ⁴ Yesu ìbano doke Yudasì Isikarioti kù ani Yesu kpámma pì: ⁵ Nísi dí ogo kà andurufu wàa do kpé basoro. Bóyáì odi yía ò a ogo kpà takasidenoroo? ⁶ Adi ke à abirekù o takasidenò wēndagwana yáinlo, kù à de kpāni ù yáime. Àkù mé àdigò ogosōno kùna àgō ogo fīnti bo. ⁷ Akù Yesu pì: Ñ no gbè dake tó. Abirekù dìte ari ma gè kegoramè. ⁸ Takasidenò nigō kù kāáo goro sīnda pínki, makù sō manigō kù kāáo goro pínkiro.

Lékpakúsuna Lazarui

⁹ Yuda gbánadenò mà kù Yesu kù Betani, akù ò gèe gwe dasidasi. Adi ke Yesu yáin ò gèe adoro, de dō ò Lazaru kù Yesu a vù bona gan e yáime. ¹⁰ Akù sa'orikino zèo ò Lazaru de se dō, ¹¹ zaakù a yáin gbánadenò ten kēmma dasi, òten Yesu náani ke.

Gbānakēpana Yesui zaa Yurusalemu

(Mat 21:1-11, Maa 11:1-11, Luk 19:28-40)

¹² Kù gu dō, pari kù ò sù dikpe ke Yurusalemunò mà kù Yesu ten su, ¹³ akù ò zaa lánò zòzò ò gèe daaleo. Òten wiki lé òten pi:

Ñ gbāna ke!

Arubarikaden gbè kù àten su kù Dikiri tóo ù!

Arubarikaden Isarailano kina ù!

¹⁴ Yesu zaaki è à dia lākù à kēna Luda yān nà ò pì:

¹⁵ Zaiōdenò, àsun vīna kero.

Á kina ten su à di zaakine boro kpe.

16 A ìbano dí yā pìi mì dō gīaro. Yesu fute à tana gakuri gūn gberan ò dō sà kū ò yā pìi kē a musume, akū mókōnō mé ò a pínki kènē.

17 Kū Yesu Lazaru sisi à a vù bona miran, gbē kū ò kú kāaonō a baaruu kpàkpañne. 18 Abire yāin pari gēe ò dàale, zaakū ò mà kū à daboyā pìi kē. 19 Akū Farisinō pikōne: A è yá? Óni fō ò pōke woaro. À gwa lākū andunia bō à téi nà.

20 Girikinōn kú gbē kū ò sù donyī ke dikpekekinō té, 21 akū ò gēe Filipi kū à bō Betesaida, Galili būsun kīnaa, ò wé kēa ò pì: Mare, ó ye kō'enaai kú Yesuo. 22 Filipi gēe à ò Andurune, akū ò gēe ò ò Yesune lēle.

Yesu a ga yā'onaa

23 Yesu pìinne: Bisāsiri Né tōbogōrō kà. 24 Yāpuran maten oāre, tó pōwe dí gē būsuu gūn à fōmbaa bōro, àdigō kun adome. Tó à fōmbaa bō sō, àdi né i manamana. 25 Gbē kū à ye a wēndiini ni kurai. Gbē kū à gī a wēndiini andunia díkīnan sō, ade nigō kūna ari gōrō sīnda pínki. 26 Tó gbē ye à zī kemene, àgō témai. Ma zīkeri pì nigō kú gu kú má kún. Tó gbē ten zī kemene, ma De ni a kpe ta. 27 Tera sà ma pō yāka. Bón mani oo? Mani pì, Baa, ò ma bo yā kú àten suman yá? Oi! Ma su yā kú àten suma pì yāime. 28 Baa, ò tó bo. Akū kòtoo bō ludambe à pì: Ma tó bō kò, akūsō mani era mà bo dō.

29 Kū gbē kū ò kú gwenō mà, ò pì: Legū mé à pùtā. Gbēkenō pì: Malaika mé à yā òne. 30 Akū Yesu pìinne: Adi ke ma yāin kòtoo pìi bōro, á yāime. 31 Yā ni vute andunia díkīnaa sà. Oni andunia díkīna kīna bo kpatan sà. 32 Makū sō, tó ò ma se ò ma dō musu mani buri sīnda pínki gáte ò su ma kīnaa.

33 Kū Yesu ò le, à ga kū ani ga takan à téa. 34 Akū gbēnō pìne: O mà à kú doka takadan ò pì Arumasihu nigō kun gōrō pínkime, akū n pì oni Bisāsiri Né sé ò dō musu sō bi? Díme Bisāsiri Né pì ūu? 35 Yesu wērīma à pì: Gupura kunna kááo gō fítime. Gōrō kú gupura pì kú kááo, àgō kuren, de gu sún sira kúáwaro yāi. Gbē kú àten kure gusiran dō gu kú àten génlo. 36 Gōrō kú á gupura pì ví, à gupura pì náani ke, de à gō gupuradenō ū.

Kū Yesu ò le, akū à gēe à ùteñne.

Gbēnō dí Yesu náani kero

37 Bee kú daboyā dasi kú à kē ñ wáranō, odi a náani kero, 38 de yā kú annabi Isaya ò le à papa yāi kú à pì: Dikiri, gbēke dí baaru kú o kpá síro.

Ò n gbāna è odi dōro.

39 Odi we ò a náani kero, zaakū Isaya pì dō:

40 Luda ñ wé vīna kùñne
de òsun gu ero.

À ñ kùgbāna kùñne

de òsun yā ma

ò are dōa à ñ werekōaro.

41 Isaya abirekū ò kú à Yesu gakuri è yāime, akū à a yā ò. 42 Bee kú abireo gbānade pìno Yesu náani kē dasi. Farisinō yāin òdigō ye ò dōrūmaro, de òsun aduakekpe zē zōñnero yāi. 43 Zaakū ò ye bisāsirinō ñ sáabu kpá de Luda ñ sáabu kpála.

44 Akū Yesu pùtā à pì: Gbē kú àteni ma náani ke, adi ke makūn àteni náani ke adoro, àten gbē kú à ma zī náani keme se dō. 45 Gbē kú àteni ma e ten gbē kú à ma zī eme se. 46 Ma su andunia gūn gupura ūme, de gbē kú àteni ma náani ke sún gō gusiran doro. 47 Gbē kú à ma yā mà akū à kūnaro, adi

ke makū mé mani yá vutearo, zaakū mádi su yá vute andunianlo, ma su andunia sura bame. ⁴⁸ Yákpatekena ten gbē kū à gĩmai adi ma yá síro dā. Yá kū ma ònee pì mé ani vutea ziazī. ⁴⁹ Zaakū mádi yáke o kū ma zīdaoro. Yá kū ma ò kū yá kū ma dāñe, ma De kū à ma zī mé à dìtemene. ⁵⁰ Má dō kū yá kū à dìtemene bi wēndi kū àdi lākaro yāme. Abire yāi yá kū maten o, maten o lākū ma De dāme nāme.

13

Yesu a ibanɔ gbá pipinaa

¹ Ari Vĩnla dikpe gō gé ká, Yesu dō kū a bona andunia dí gūn tana a De kĩnaa goro ká. Lākū à ye a gbēni andunia gūn nà, à yeñyĩ ari a wēndi lémmē. ² Kū òten okosi pò ble, Ibilisi gĩnake à yá dà Simo Isikarioti né Yudasi swēn kò, de à Yesu kpámma. ³ Yesu dō kū a De pò sīnda pínki nàare a oĩ. À dō kū a bo Luda kĩnaame, akūsō áni era à tá a kĩnaame. ⁴ Goro kū òten pò ble, Yesu fute à a uta bò à kate, akū à tawali sè à dō a pì. ⁵ Abire gbera à í kà ta gūn, akū à nà a ibanɔ gbá pipinaaa, àten gogo kū tawali kū à dō a piaao. ⁶ Kū à kà Simo Pita kĩnaa, Pita pìne: Dikiri, mōkōn mé ĩni ma gbá pípime yá? ⁷ Yesu wèa à pì: N yá kū maten ke dō gĩaro, ama ĩnisūn dō. ⁸ Pita pìne: ĩni ma gbá pípimero fá! Yesu pìne: Tó mádi n gbá pípiro, n bàka kú kúmao dorō. ⁹ Simo Pita pìne: Dikiri, adi ke ma gbáme adoro, ma o kū ma miioome dō. ¹⁰ Yesu pìne: Gbē kū à zú òò bàka kú kū a mēgu ke pípinaaoro, séde a gbá, zaakū à puname. Á gbāsīro, ama adi ke á pínkinlo. ¹¹ À gbē kū ani a kpámma dō. Abire yāin à pì ò gbāsī sari n pínkiro.

¹² Kū à n gbá pìpiñe à lāka, à a uta sè à dà, akū à era a gbēnh. À pìne: Á yá kū ma kèáre dō yá? ¹³ Adi ma sísi Danneri kesō Dikiri. Áten o a zéame, zaakū má de a ūme. ¹⁴ Lākū makū kū má de á dikiri kū á danneriio ū à gbá pìpiare nà, àgō kō gbá pípi le se. ¹⁵ Ma a taka kèáre. Àgō ke lākū ma kèáre nà. ¹⁶ Yāpuran maten oáre, zòblerii digō de a dikirilaro, zĩrii digō de gbē kū à a zĩlaro.

¹⁷ Lākū a yá bire dō nà, arubarikadenon á ū tó áten ke le. ¹⁸ Adi ke á pínki yān maten oro. Má gbē kū ma n sēno dō. Séde yá kū à kēna Luda yān dí papa kū ò pì: Gbē kū odì o kakara ta dokōn gūn mé à bò ma kpe. ¹⁹ Maten oáre tera ari à kpé à su, de tó à sù, áni sí kū makūme a ū. ²⁰ Yāpuran maten oáre, gbē kū à ma zĩrii sì ma simē. Gbē kū à ma si sō, ade gbē kū à ma zī simē.

Yesu gĩnake à dō yá kū Yudasi ni ke

(Mat 26:20-25, Maa 14:17-21, Luk 22:21-23)

²¹ Kū Yesu ò le, à nēseyoko sì, akū à òme swáswa à pì: Yāpuran maten oáre, á gbē mēn do mé ani ma kpámma. ²² Akū a ibanɔ kō wé gwàgwa ò bídi kē gbē kū à téa. ²³ ĩba do kū Yesu yei manamana gēngesekena a sare. ²⁴ Akū Simo Pita lézuki kēne à Yesu la tó dín à téa. ²⁵ Akū ĩbaa pìi nà Yesu à a là à pì: Dikiri, díme? ²⁶ Yesu wèa à pì: Mani loma zō dōoa mà kpá adea. Akū à lomaa zō dōoa à kpà Simo Isikarioti né Yudasia. ²⁷ Kū Yudasi lomaa pìi sì, Setan gēagu gōn. Akū Yesu pìne: Yá kū ĩni ke n ke likalika. ²⁸ Gbē kū òten pò blen ke dí dō ke bōyāi Yesu òne lero. ²⁹ Kū Yudasi mé à digō ogōsōn kūna, akū gbēkeno ten da Yesu pìne à gé dikpe pò kū ò yeino lúme ke à gé pòke kpá takasidenoa. ³⁰ Kū Yudasi lomaa pìi sì, à bò gōn. Gwāanime sō.

Yesu gĩnake à d̄s̄ yā kū Pita ni ke

(Mat 26:31-35, Maa 14:27-21, Luk 22:31-34)

³¹ Kū Yudasi b̄o, akū Yesu pi: Tera sà Bisásiri Né ni t̄o bo, Luda s̄o ani t̄o bo a yā musu. ³² Tó Luda t̄o b̄o a musu s̄o, Luda ni a t̄o bo a k̄naa, akūs̄o ani bo ḡn̄o me. ³³ Ma n̄ēn̄o, ma kunna k̄áo ḡo f̄it̄ime. Áni ma wete, ama maten oáre tera lákū ma ò gb̄anaden̄ēn̄ē nà, áni f̄s̄ à gé gu k̄u maten tánlo. ³⁴ Maten yā dufu dit̄éare, àḡo yek̄s̄i. Lákū má yeáí nà, ák̄n̄o s̄o àḡo yek̄s̄i le d̄o. ³⁵ Tó á yek̄s̄i, baadi ni á d̄s̄ ma íbano ū.

³⁶ Sim̄o Pita a là à pi: Dikiri, nten tá máa? Yesu wèa à pi: Gu k̄u maten tán, ĩni f̄s̄ ò t̄emai ḡīaro, ama ĩni láka ò su. ³⁷ Pita p̄ine: Dikiri, b̄óyāi mani f̄s̄ mà t̄enyĩ teraroo? Mani ḡi ma w̄end̄īīi n yāi. ³⁸ Yesu pi: ĩni ḡi n w̄end̄īīi ma yāi s̄o yā? Yāpuran maten onne, ari ko ḡo gé lé zu, ĩni ledi kp̄amai ḡen aak̄o.

14

Yesume ludambe zé ū

¹ Ásun tó á n̄ese yakaro. À Luda náani ke, à ma náani ke d̄o. ² Ma De be onn kp̄enen̄on kun dasi, tó à de lero, de ma óare. Maten gé gu kekeáre. ³ Lákū maten gé gu kekeáre nà, mani era mà su mà á séte mà tá k̄áo ma k̄naa, de ák̄n̄o se àḡo kú gu k̄u má kunwa. ⁴ Á gu k̄u maten tán zé d̄s̄. ⁵ Akū Tomasi p̄ine: Dikiri, ó d̄s̄ gu k̄u nten tánlo. Óni f̄s̄ ò a zé d̄s̄ deramee? ⁶ Yesu wèa à pi: Makūme zé ū, makūme yāpura k̄u w̄end̄īīo ū. Gb̄eke d̄i le à gé ma De k̄naa ma gbákūnaa sariro. ⁷ Tó á ma d̄s̄, de á ma De d̄s̄. Zaa tera a a d̄s̄, akūs̄o a a è.

⁸ Akū Filipi p̄ine: Dikiri, ò n De m̄owere. Abirekū ni m̄owá. ⁹ Yesu p̄ine: Filipi, má kú k̄áo zaa gikena, akū ní ma d̄s̄roo? Gb̄e k̄u à ma e à ma De e. B̄óyāi nten pi mà a De m̄óaree? ¹⁰ Kū má kú ma De ḡun, akūs̄o ma De kú ma ḡun, nídi síroo? Yā k̄u maten oáre maten o k̄u ma z̄idaoro. Ma De k̄u à kú ma ḡun mé àdi a yākenano ke. ¹¹ Kū ma pi má kú ma De ḡun, ma De s̄o à kú ma ḡun, à ma yā sí. Tó len s̄ro, à sí daboyākena p̄ino yāi. ¹² Yāpuran maten oáre, gb̄e k̄u àteni ma náani ke ni yā k̄u mad̄i ke p̄ino ke. Bee k̄u à de abiren̄ola se, k̄u maten tá ma De k̄naa yāi. ¹³ P̄s̄ s̄inda p̄inki k̄u áni wé ke k̄u ma t̄o mani ke de ma De t̄o bo ma musu yāi. ¹⁴ P̄s̄ k̄u áni a wé kema k̄u ma t̄o p̄inki, mani ke.

Yesu lésena a Nini yā musu

¹⁵ Tó á yemai, áni ḡo yā k̄u ma diteno kūna. ¹⁶ Mani wé ke ma Dea, ani á gba Zekūnwode p̄ande k̄u aniḡo kú k̄áo ḡoro s̄inda p̄inki ¹⁷ Nini yāpurademe. Andunia gb̄eno ni f̄s̄ ò a síro, zaakū òteni a ero, akūs̄o ò a d̄s̄ro. Ama á a d̄s̄, zaakū à kú k̄áo, akūs̄o aniḡo kú á ḡun. ¹⁸ Mani á tó ádoro, mani era mà su á k̄naa. ¹⁹ À ḡo f̄iti k̄u andunia ni ma e doro, ama áni ma e. Kū má kun yāi, áni ḡo kun se. ²⁰ Ḡoro k̄u áni ḡo d̄s̄ k̄u má kú ma De ḡun, á kú ma ḡun, akūs̄o má kú á ḡun. ²¹ Gb̄e k̄u à ma yāditenano dà akūs̄o à kūna, ade mé à yemai. Ma De niḡo ye gb̄e k̄u à yemai, makū s̄o maniḡo yei mani ma z̄ida m̄one.

²² Akū Yudasi a là, adi ke Yudasi Isikarīot̄inlo, à pi: Dikiri, à k̄e dera ĩni n z̄ida m̄owere, akū andunia s̄o ani n eroo? ²³ Akū Yesu wèa à pi: Tó gb̄e yemai, aniḡo ma yā kūna. Ma De niḡo yei, óni su a k̄naa ò vute lele. ²⁴ Gb̄e k̄u à yemai ma yā k̄naro. Yā k̄u àten ma pi dí bo ma k̄naaro, à b̄o ma De k̄u à ma z̄i k̄naame. ²⁵ Ma yā p̄i óare ḡoro k̄u má kp̄é kú k̄áo. ²⁶ Ma De ni

a Nini zī kū ma tso Zekūnwode ũ. Àkū mé ani yā sīnda pínki dadaáre, ani tó yā kū ma óare dóágu pínki. ²⁷ Mateni á tó kū aafiaao, ma zīda aafiaan mateni á gba. Mateni á gba lákū andunia di ní gba nàro. Àsun tó á nèse yakaro, àsun tó vīna á kūro. ²⁸ A mà ma óare maten tá mani era mà su á kīnaa. Tó á yemaimε, de á pɔ nna kū maten tá ma De kīnaa yāi, zaakū ma De demala. ²⁹ Ma óare tera ari à kpé à ke, de tó à kè, áni ma náani ke. ³⁰ Mani le mà yā o kááo à gi kè doro, zaakū andunia díkīna kīna ten su. À gbāna vī ma musuro, ³¹ ama lákū ma De dāmenε nān maten ke, de andunia le à dō kū má yei. À fute ò go gu díkūn.

15

Yesume geepi líyápura ũ

¹ Makūme geepi lí yápura ũ, ma Demε geepi lí búde ũ. ² Àdi lígā kū à péma né'inaa sari zō pínki, akūsō àdi a né'iri ɔne lago pínki de a né'ina kara yāi. ³ Ákōno sō á puname yā kū ma óare yāi. ⁴ Àgō kú ma gūn lákū má kú á gūn nà. Lígā di fō à né kpá a zīdaoro, séde àgō kú lídaa. Lemε ákōno áni fō à né kpáro, tó adi ke àgō kú ma gūn baasiro. ⁵ Makūme geepi lída ũ, ákōno me a gāno ũ. Gbē kū à kú ma gūn, akūsō má kú a gūn, àkū mé ani né kpá manamana, zaakū áni fō à pōke ke ma sariro. ⁶ Tó gbē kú ma gūnlo, oni a zukūna, lákū òdi lígā zō ò zukūna à kori kū ò sēte ò ká tén à té kū nà. ⁷ Tó á kú ma gūn, akūsō ma yā kú á gūn, à pō sīnda pínki kú á yei wé ke, áni le. ⁸ Tó a né kpá manamana, gbēno nigō dō kū ma íbanon á ũ yápura, ma De tó ni bo. ⁹ Má yeá lákū ma De yemai nà. Àgō kú ma yenyī gūn. ¹⁰ Tó á yā kū ma ditenɔ kūna, áni gō kú ma yenyī gūn, lákū má yā kū ma De ditenɔ kūna nà, akūsō má kú a yenyī gūn. ¹¹ Ma yā pino óare, de ponna kū má vī gō kú á gūn yāime, á ponna nigō papana. ¹² Yā kū ma ditéáren dí: Àgō yekōi lákū má yeá nà. ¹³ Tó gbē gi a wëndiīi a gbēnnano yāi, gbēke yenyī vī de abirekularo. ¹⁴ Tó áten yā kū ma ditéáre ke, ma gbēnnanon á ũ. ¹⁵ Madi á sísi zòblerino doro, zaakū zòblerii digō a dikiri bokote dōro. Ma á sísi ma gbēnnano me, zaakū yā kū ma mà ma De kīnaan ma óare pínki. ¹⁶ Ákōno mé a ma sero, makū mé ma á sé, akū ma á zī à gé né ká, nékana kū ani lákaro, gbasa De Luda á gba pō sīnda pínki kú a wé kèa kū ma tso. ¹⁷ Yā kū ma ditéáren dí: Àgō yekōi.

Andunia zāna Yesugu kū a íbanɔ

¹⁸ Tó andunia zāágu, àgō dō kū à zāmagu á ā. ¹⁹ Tó andunia gbēnon á ũ, de andunia yeá. Lákū ma á sé ma á bó andunia gūn nà, á de a gbēno ũro. Abire yāin andunia zāágu. ²⁰ À tó yā kū ma óare gō dóágu. Zòblerii digō de a dikirilaro. Lákū ò wé tàma nà, len oni tááwa le. Tó ò ma yā kūname, onigō á yā kūna se do. ²¹ Oni yā bireno keáre pínki ma tó yāi, zaakū ò gbē kū à ma zī dōro. ²² Tó mádi su ma yā óáne yāro, de ò taari vīro. Ama tera sà ní taari kutena vīro. ²³ Gbē kū à zāmagu zā ma Degume se. ²⁴ Tó mádi yā kū odi ke yāro ke ní téro, de ò taari vīro. Ama tera sà ò yā kū ma kēno è, akū ò zāmagu kū ma Deo ó pínki, ²⁵ de yā kū à kú ní doka gūn papa, kú ò pì ò zāmagu pāme. ²⁶ Tó Zekūnwode kū mani a gbaréawa bò ma De kīnaa à sù, Nini yápura de kū àdi bo a kīnaa pìi, ani ma sèeda ke. ²⁷ Ákōno sō, áni ma sèeda ke, kú á kú kūmao zaa káaku yāi.

16

¹ Ma yā dínɔ óáɛ de àsun furo yáimɛ. ² Oni aduakɛkɛ zé zóáɛ. A ɔɔɔ ten su se kũ gbɛ kũ ani á de nigɔ da Luda zĩn àten kɛ. ³ Oni yā pìnɔ keáɛ kũ ò ma De kũ makũo dõro yāi. ⁴ Ma yā dínɔ óáɛ de tó a ɔɔɔ kà, ániɔ dõ kũ ma óáɛ kò.

Luda Nini zĩkenaa

Mádi yā dínɔ óáɛ zaa káakuro, kũ má kũ kááo yāi. ⁵ Maten tá gbɛ kũ à ma zĩ kĩnaa sà, ama á gbɛke dí ma la gu kũ maten tánlo. ⁶ Á nèɛɛ yàka sà kũ ma yā dínɔ óáɛ yāi. ⁷ Yāpuran maten óáɛ, ma tana ni àre keáɛ, zaakũ tó mádi táro, Zekũnwode pì ni su á kĩnaaro. Tó ma ta, mani a zĩáwa. ⁸ Tó à sù, ani tó andunia a yāɛ dõ durunna kũ manakɛnaao kũ yāvutemmanaao musu. ⁹ Oni a yāɛ dõ durunna yā musu, kũ odi ma náani kero yāi. ¹⁰ Oni a yāɛ dõ manakɛna yā musu, kũ maten tá ma De kĩnaa, áni ma e doro. ¹¹ Oni a yāɛ dõ yāvutemmanaao musu, kũ yā vùte andunia díkĩna kínaa yāi. ¹² Má yā vĩ dõ dasi mà óáɛ, ama áni yā pìnɔ fõ ɔĩaro. ¹³ Tó Nini yāpurade sù, ani doáɛ are yāpura pínki ɔũn. Ani yā o kũ a zĩda dõnaaoro, yā kũ à màan anigõ o, ani yā kũ àten sunɔ baaru kpááɛ. ¹⁴ Ani ma tó bo, zaakũ ani ma yānɔ sɛte à babaáɛ. ¹⁵ Pó kũ ma De vĩ pínki bi ma póme. Abire yāin ma pì, ani ma yānɔ sɛte à babaáɛ. ¹⁶ À ɔ̀ fítì kũ áni ma e doro, à ɔ̀ fítì dõ kũ áni ma e.

Pɔsira litena pɔnna ũ

¹⁷ Akũ a ìba kenɔ pikõne: Bó yān àten owɛɛ gwee? À pì à ɔ̀ fítì kũ óni a e doro, à ɔ̀ fítì dõ kũ óni a e. À pì dõ, àten tá a De kĩnaame. ¹⁸ Akũ ò pì: À ɔ̀ fítì kũ à òo pì de deraa? Ódi yā kũ àten o pìi dõrɔ dõro. ¹⁹ Yesu dõ kũ ò ye ò a la, akũ à pìinne: Kũ ma pì à ɔ̀ fítì kũ áni ma e doro, akũsõ à ɔ̀ fítì kũ dõ áni ma e, abirekũn àten kõ lalai yá? ²⁰ Yāpuran maten óáɛ, áni ɔ̀ dõ à wẽnda kɛ, ama andunia ni pɔnna kɛ. Ániɔ kũ pɔsira ɔũn, ama á pɔsira pì ni lite pɔnna ũ. ²¹ Tó nɔgbɛ ye à né i, a nèɛɛ dì yaka kũ a wāwākɛna ɔɔɔ kà yāi. Tó à né ì sõ, wāwā kũ à màa pìi dì dɔn doro. A pɔ dì kɛ nna kũ à né dufu ì andunia ɔũn yāi. ²² Len ákõnɔ sõ á nèɛɛ yakana le ɔĩa. Mani era mà á e dõ, á pɔ ni kɛ nna, gbɛke sõ ani fõ à á pɔnna pì síáwaro. ²³ ɔɔɔ kũ àni yáke lama doro. Yāpuran maten óáɛ, ma De ni pó sĩnda pínki kũ áni wé kea kũ ma tóo kpááwa. ²⁴ Ari tera ádi póke wé ke kũ ma tóoro. À wé ke, áni le de á pɔnna ɔ̀ papana yāi.

Yesu zĩi blè anduniaa

²⁵ Ma yā pìnɔ lèkõááɛɛme. A ɔɔɔ ten su kũ mani yā óáɛ kũ yálekõanaao doro, mani ma De yā óáɛ swáswa. ²⁶ ɔɔɔ kũ àni wé ke kũ ma tóo. Mádi óáɛ kũ makũme mani wé keáɛ ma Dearo, ²⁷ zaakũ ma De a zĩdane yeáí kũ á yemai yāi, akũsõ a ma bona a kĩnaa sì. ²⁸ Ma bo ma De kĩnaa ma su andunia ɔũn. Tera sà maten andunia tó maten tá a kĩnaa.

²⁹ Akũ a ìbanɔ pìine: Tõ, nten yā o kũ yálekõanaao doro, nten o swáswame sà. ³⁰ Ó dõ sà kũ ní yā sĩnda pínki dõ, àdi kɛ séto ò yáke gbekammaro. Abire yāin o n bona Luda kĩnaa sì. ³¹ Akũ Yesu pìinne: Áteni ma náani kɛ sà yá? ³² A ɔɔɔ ten su à kà kò, kũ áni fakõa, á baadi ni tá a bea à ma tó mado. Bee kũ abireo má kun madoro, zaakũ ma De kũ kũmao. ³³ Ma yā dínɔ óáɛ, de á laakari ɔ̀ kpatena kunna ma ɔũn. Áni wétamma le andunia ɔũn, ama à swè dite, ma ɔ̀nake ma zĩi blè anduniaa.

17

Yesu aduakena a ibanone

¹ Yesu yā pì onaa gbera à wé sè musu à pì: Baa, a goro kà. N n Né tó bo, de n Né n tó bo. ² N tò má iko ví gbē sīnda pínki musu, de mà wèndi kù àdi láraro kpá gbē kù n kpàmanɔ. ³ Mɔkɔn Luda mèn do légelege yāpurade kù makù Yesu Kirisi kù n zīio dɔname wèndi kù àdi láraro pì ũ. ⁴ Ma n tó bò zīte. Zī kù n dàmene mà ke ma kè ma laka. ⁵ Baa, n gākuri kpáma n kīnaa tera sà, lákū n kpàma nà n kīnaa zaade andunia katenario. ⁶ Gbē kù n n sé andunian n n kpámanɔ ma tò ò n dɔ. N pónome, akù n n kpáma. Ò n yā kūna, ⁷ ò dɔ sà kù yā kù n dàmene pínki bò n kīnaame. ⁸ Ma yā kù n dàmene dàñne. Ò si, akù ò dɔ kù ma bo n kīnaame yāpura. Ò si kù mɔkɔn mé n ma zī. ⁹ Maten wé keñne, adi ke andunian maten kenero, séde gbē kù n n kpáma pìnɔ, zaakù n pónome. ¹⁰ Ma gbēno bi n gbēnome n pínki, n póno bi ma pónome pínki. Maten tó bo n gāi. ¹¹ Maten su n kīnaa, manigō kù andunia gūn doro, ama mókōno nigō kù andunia gūn. Baa Kúadonade, ñgō n kūna kù n tó kù n kpàma gbānao, de ògō kun mē dokōno lán ó bà. ¹² Goro kù má kù kúñwo, má n kūna kù tó kù n kpàma pì gbānao. Ma n dākpa, akù n gbēke dí satero, tó adi ke gbē kù à mii pè kakatenaana de n yā le à papa yāi. ¹³ Tera sà maten su n kīnaa. Ma yā dínɔ ò andunia gūn, de ògō ponna kù má ví ví àgō papanámma. ¹⁴ Ma n yā dàñne, akù andunia zàñgu, kù andunia gbēnome n ũro yāi, lákū makù má de andunia gbē ũro nà. ¹⁵ Maten wé kemma, adi ke de n n bo andunia gūnnlo, ama de n n dākpa a vāni yāime. ¹⁶ Andunia gbēnome n ũro, lákū makù má de andunia gbē ũro nà. ¹⁷ N tò n kunna gō adona kù yāpura gbānao. N yāme yāpura pì ũ. ¹⁸ Lákū n ma zī andunia gūn nà, len makù sō ma n zī andunia gūn le. ¹⁹ Mateni ma zīda kpámma n yāi, de ògō kun n gbēno ũ yāpura. ²⁰ Adi ke maten wé keñne n donlo, kù gbē kù oni ma náani ke n yā yáinome do, ²¹ de n pínki gō kun mē dokōno ũ. Baa, lákū n kù ma gūn nà akūsō má kù n gūn, mókōno sō gō kù ó gūn le, de andunia le à sí mɔkɔn mé n ma zī. ²² Gākuri kù n kpàman ma kpámma, de ògō kun mē dokōno lán ó bà. ²³ Má kù n gūn, akūsō n kù ma gūn, de ògō kun mē dokōno ũ mámmam, de andunia gō dō kù mɔkɔn mé n ma zī, akūsō n yeñyī lákū n yemai nà. ²⁴ Baa, gbē kù n kpàmanɔ, má ye ògō kù gu kù má kún, de ò wé ke pla kù ma gākuri, gākuri kù n kpàma kù n yemai yāi zaade andunia katenario. ²⁵ Baa Mana, andunia n dōro, ama má n dō, akù gbē dínɔn dō kù mɔkɔn mé n ma zī. ²⁶ Ma tò ò n dō, manigō tó ògō n dō, de yenyī kù n ví kúmao gō kù n gūn, de makù sō màgō kù n gūn.

18

Yesu kūnaa

(*Mat 26:47-56, Maa 14:43-50, Luk 22:47-53*)

¹ Yesu yā pì onaa gbera à bò kù a ibanɔ, akù ò bikù Kidironu bara dire. Swadako kù gwe, akù à gèn kù a ibanɔ. ² Yudasi bonkpède sō à gu pì dō, zaakù Yesu kù a ibanɔ digō kakara gwe baala'i. ³ Akù Yudasi gèe gwe kù soza gà doo kù dogari kù sa'orikino kù Farisino n zīno. Ò fitilano kūna kù sèteno kù gōkebono. ⁴ Yesu yā kù ani a le dō pínki, akù à bò à dàñle à n lá à pì: Dín áten wetee? ⁵ Ò wèa ò pì: Yesu Nazerame. À piñne: Makùme a ũ. Yudasi bonkpède pì kù kúñwo. ⁶ Kù Yesu piñne, makùme a ũ, akù ò era kpèkpe, ò bò ò lète. ⁷ Yesu n lá do: Dín áten wetee? Akù ò pì: Yesu Nazerame.

⁸ Yesu wèrma dɔ à pì: Ma óáre kú makúme a ú. Tó makú áten wete, à tó gbè díkínano tá. ⁹ À ò le de yá kú à ò yá le à papa yáime, kú à pì: Gbè kú n n kpámano, n gbèke dí sátero. ¹⁰ Simo Pita fènedá lokona, akú à wòto à sa'oriki zókɔ zìrii lèò à a ɔpla sá zò flēm. Zìrii pì tón Malaku. ¹¹ Akú Yesu pì Pitane: N n fènedá soto a sòn. Mani wétamma toko kú ma De dìtemene í miroo?

¹² Akú sozano kú n gbè zókɔo kú Yuda dogarino Yesu kú ò a yí. ¹³ Akú ò gèe káao Anasa kínaa gíá. Anasa bi Kayafa kú à de sa'oriki zókɔ ù wè birea anzureeme. ¹⁴ Kayafa mé à lé dà Yuda gbánadenone yá à pì: À mana gbè mèn do ga baadi gène ùme.

Pita ledikpana Yesui

(Mat 26:69-70, Maa 14:66-68, Luk 22:55-57)

¹⁵ Simo Pita kú iba pāndeó té Yesu kpe. Sa'oriki zókɔo iba pānde pì dɔ, akú ibaa pì té Yesui à gè sa'oriki zókɔo pì be onn, ¹⁶ ama Pita gò zena gánulea. Akú iba kú sa'oriki zókɔ dɔ pì gèe à yá ò nɔgbè kú áten zé pì dákpane, akú à tò Pita gè. ¹⁷ Akú nɔgbè zédákparii pì Pita là à pì: Gògbè pì ibano dokeme n úroo? Pita wèa à pì: Makúro. ¹⁸ Zìrino kú dogarino ten té kú ò lè kpákpa kú ía kun yá. Pita kú kúnwo gwe, áten té kpákpa se.

Sa'oriki yalalana Yesua

(Mat 26:59-66, Maa 14:55-64, Luk 22:66-71)

¹⁹ Akú sa'oriki zókɔ ten Yesu lala a ibano yá kú a yádannenaao. ²⁰ Yesu wèa à pì: Ma yá ò baadine gupuraa. Ma yá dàdañne aduakekpeneo gún kú Luda onnwo, gu kú Yudano di kó kakaran n pínki. Mádi yáke o asiri gúnlo. ²¹ Bóyá nteni ma lalaa? N ma yámarino la, ò yá kú ma óñne dɔ. ²² Kú Yesu yá ò le, dogari kú ò kú gwenɔ do a sán kè à pì: Ódi yá we sa'oriki zókɔo lero. ²³ Yesu wèa à pì: Tó yá vānin ma ò, n o ò ma. Tó yá manan ma ò sɔ, bóyáin n ma lèe? ²⁴ Akú Anasa Yesu gbàre sa'oriki zókɔ Kayafa kínaa yina.

Pita era à ledikpana Yesui dɔ

(Mat 26:71-75, Maa 14:69-72, Luk 22:58-62)

²⁵ Pita kpé ze gwe áten té kpákpa. Akú ò a là ò pì: A ibano dokeme n úroo? Pita ledi kpà à pì: Makúmero. ²⁶ Sa'oriki zókɔo zìrino do bi gbè kú Pita à a sá gò daneme, akú à pì: Mádi á e lèele swadakoo gúnloo? ²⁷ Akú Pita ledi kpà dɔ. Zaa gwe gònɔ ko lé zù.

Pilati yákpatekena kú Yesuo

(Mat 27:1-2, 11-14, Maa 15:1-5, Luk 23:1-5)

²⁸ Gudoo akú Yuda gbánadenɔ bò kú Yesuo Kayafa bea, ò gèe káao bùsu gbè zókɔ bea. Odi gè a onnlo, de ósungò gbásíro yá, zaakú ò ye ò Vínla dikpe keme. ²⁹ Abire yá Pilati bò à sù n kínaa à pì: Yá kpaten á ví kú gbè pìoo? ³⁰ Ò wèa ò pì: Tó yāvānikeriinlo, de ódi su ò a kpámmaro. ³¹ Akú Pilati pìñne: À a sé à gé yákpate ke káao á zída dokaa. Akú gbánade pino pine: Ó gbèdena zé víro. ³² Abirekú kè de yá kú Yesu ò le à papa yáime, kú à a ga yá taka ò. ³³ Akú Pilati era à gè onn. À Yesu sisi, akú à a là à pì: Mókɔn Yudano kina ú yá? ³⁴ Yesu wèa à pì: Nten o le kú n zídaon yá, ke ò ma yá ònneme? ³⁵ Pilati pì: Yudan ma ú yá? N burino kú n sa'orikinɔ mé ò n kpama. Bón n kèe? ³⁶ Yesu pì: Ma kpata bi andunia díkína pónlo. Tó ma kpata bi andunia díkína pómé, de ma ibano zìi kà de òsun ma kpá Yuda gbánadenɔaro. Ma

kpata bi andunia la pónlo. ³⁷ Akū Pilati pìne: Ase kiname n ũ yá? Yesu wèa à pì: N ò a zéa kū kinan ma ũ. Ò ma i, akū ma su andunia gūn yāpura sèedade ũ. Gbē kū à de yāpura pò ũ di ma yā ma. ³⁸ Pilati pì: Bón yāpura ũu?

Yadana Yesula

(*Mat 27:15-31, Maa 15:6-20, Luk 23:13-25*)

Kū à ò le, à èra à bò à gèe Yuda gbānadenɔ kīnaa à pìinne: Mádi taari ke le gbē diaro. ³⁹ Á futεokarayā vī kū madì purusunanɔ doke gbarεáre Vīnla dikpe zī. Á ye mà Yudanɔ kína gbarεáren yá? ⁴⁰ Akū ò wiki lè dɔ ò pì: Àkūmero, Barabame! Baraba pì sɔ bi kpāni wédeweme.

19

¹ Akū Pilati pì, ò Yesu kū ò a gbē kū flāao. ² Akū sozanɔ lè fūraa tà ò kùne ò arukĩmba tēra dāne. ³ Òten nai dodo òten pi: Fɔɔ, Yudanɔ kína! Akū òteni a sān keke. ⁴ Pilati èra à bò dɔ, akū à pì gbēnɔne: À gwa, maten boóare bàai la de à le à dɔ kū mádi yāke learo. ⁵ Yesu bò bàai, à lè fūraa pì kuna à arukĩmba wéde pì dana. Akū Pilati pìinne: Gɔgbē pìin dí! ⁶ Kū sa'orikinɔ kū dogarinɔ a è, ò wiki lè ò pì: N̄ a pá lía! N̄ a pá lía! Akū Pilati pìinne: À a kū à pá lía á zīda, zaakū mádi taari ke learo. ⁷ Yuda gbānade pìnɔ wèa ò pì: Ó doka vī, akūsɔ doka pìi pì séde à ga, kū à a zīda dìte Luda Né ũ yāi.

⁸ Kū Pilati yā pìi mà, akū vīna kèke à a kù. ⁹ À èra à gè kū Yesuo ɔnn dɔ, akū à a là à pì: N bo máa? Yesu dí wearo, ¹⁰ akū Pilati pìne: Īni yā o kūmaoro? N̄ dɔ kū má n gbarena iko vī, akūsɔ má n pana lía iko vīroo? ¹¹ Yesu wèa à pì: N̄ iko ke vī ma musuro, sé kū Luda kpàmma. Abire yāi gbē kū à ma kpamma durunna mé à zɔkɔ. ¹² Zaa gɔɔ birea Pilati ten zé wete à a gbare, ama Yuda gbānadenɔ wiki lè ò pì: Tó n gbē pìi gbare, Siza gbēnnamε n ũro. Gbē kū à a zīda dìte kína ũ ibereε sè kū Sizaome. ¹³ Kū Pilati yā bire mà, à pì ò bo kū Yesuo bàai. Akū à vùte a tintia gu kū òdi pì gbè gusaran, kū Eberu yāo sɔ, Gabata. ¹⁴ Vīnla dikpe sorukezīme, ifāntē kà mīdangura. Akū Pilati pì Yuda gbānade pìnɔne: Á kinan dí. ¹⁵ Akū òten wiki lé òten pi: N̄ a de. N̄ a de. N̄ a pá lía. Pilati pìinne: Mani á kína pá lía yá? Sa'orikinɔ pì: Ó kína ke vīro, Siza baasiro. ¹⁶ Akū Pilati Yesu kpàmma ò a pá lía. Akū ò a sè ò tà kāao.

Yesu pana lía

(*Mat 27:32-44, Maa 15:21-32, Luk 23:26-43*)

¹⁷ Yesu bò wete gūn à a zīda lígbāndurukpana sēna, à gèe gu kū òdi pì Mìtokokia, kū Eberu yāo sɔ Gɔgɔta. ¹⁸ Gwen ò a pà lía kū gbēnɔn pla pāndenɔ, gbē do a ɔplai gbē do a ɔzei, akū Yesu kú n̄ dagura. ¹⁹ Pilati takada kè à nà Yesu lí pīia. Yā kū à kèe pìin dí:

Yesu Nazera, Yudanɔ kína.

²⁰ Yudanɔ takada kū à kèe pì kyó kè dasi, zaakū gu kū ò Yesu pà lían pìi zà kū weteoro. Ò takada pìi kè kū Eberu yāo kū Romudenɔ yāo kū Giriki yāome. ²¹ Akū Yuda sa'orikinɔ pì Pilatine: N̄sun kē n̄ pi Yudanɔ kinaro, ama n̄ kē kū àkū mé à pì Yudanɔ kiname a ũ. ²² Pilati pì: Yā kū ma kēn ma kè. ²³ Kū sozanɔ Yesu pà lía ò làka, akū ò a pɔkasanɔ sète ò kpàate leu siikɔ baadi mīia. Ò a utagyaba kū ò tà nabinaa sari zaa musu ari zīte sè dɔ, ²⁴ akū ò

pikõne: Òsun uta pì kèkèkõrero. Ò kàpa kpá de ògõ dõ gbẽ kũ ani gõne. Ò kè le, de yã kũ ò kè Luda yã le à papame, kũ ò pì:

Ò ma pókasanõ kpàatekõne,

ò kàpaa kpà ma uta yã.

Abire yãin sozanõ kè le. ²⁵ Yesu da kũ a da dakũnao kũ Kolopa nano Mariamao kũ Mariama Magadalenio kú lí kũ ò Yesu pàaa sare. ²⁶ Kũ Yesu a da è kũ a ìba kũ à yeiio zena kõ sare, à pì a dan: Nõgbẽ, n nén di! ²⁷ Akũ à pì ìbaa piine: N dan di! Zaa zĩ birean ìbaa pìi a sè à tà kãao a bea.

Yesu ganaa

(Mat 27:45-56, Maa 15:33-41, Luk 23:44-49)

²⁸ Abire gbera Yesu dõ kũ a pínki pàpa. De yã kũ à kèna Luda yã le à papa akũ à pì: Ími teni ma de. ²⁹ Lo kú gwe, sèwè kpàkpá kán pana. Akũ ò sako yàku wè pìi gũn ò pè sèlia ò dõ Yesune a léa. ³⁰ Kũ à wè pìi mì à pì: Yã làka. Akũ à a mii pète à a wèndii gbàre.

Yesu zõna kũ sário

³¹ Kámmabogõ sorukezĩme. Yuda gbãnadennõ ye gèno gõ lía ari kámmabogõ zĩro, zaakũ kámmabogõ zĩ pì bi gõro zõkõõme. Akũ ò gèe ò wé kè Pilatia ò ñ gbá é'è ò ñ kipa. ³² Akũ sozanõ gèe ò gbẽ káaku kũ ò pà lía lèlè kũ Yesuo gbá é'è kũ a plade pío dõ. ³³ Kũ ò kà Yesu kĩnaa, ò è à gĩnake à gà kò, akũ odi a gbá é'ero. ³⁴ Akũ sozanõ doke Yesu zõ kũ sário a gbãntereea. Gwe gõno aru kũ ío bõte. ³⁵ Gbẽ kũ à yã pìi è kũ wéó mé a ò. A sèedakena yápura ví, à dõ kũ yápuran átèn o, de ákõno sõ à le à Yesu náani ke. ³⁶ Yã bireno kè de yã kũ à kèna Luda yã dikĩna papame, ò pì: Oni a wá ke éro. ³⁷ À kèna Luda yã dõ ò pì: Oni gbẽ kũ ò a zõ gwa.

Yesu vĩnaa

(Mat 27:57-61, Maa 15:42-47, Luk 23:50-56)

³⁸ Abire gbera Yusufu Arimatea gèe à wé kè Pilatia, de à a gba zé à Yesu gèe kipa. Yesu ìbaame asiri gũn, kũ àtèn vĩna ke Yuda gbãnadennõ yã. Pilati wène, akũ à gèe à a gèe sè à tà. ³⁹ Nikodemu kũ à gèe Yesu kĩnaa gwãani gèe se kũ lí'õ yákatena kũ eze kũ àdi tó gè vāroo à kà kiloo baraakuri taka bà. ⁴⁰ Akũ ò Yesu gèe sè ò táaru bizanõ fífia kũ eze piio, lákũ Yudanõ di gè kpe ta nà ñ futèokarayã gũn. ⁴¹ Kara kú gu kũ ò Yesu pà líaa pìn. Gbèwèe kũ ò sò mira ũ dufu kú karaa pìi gũn, odi gbèke dan zikiro. ⁴² Gwen ò Yesu wùtèn, kũ à zà kũnwo, kũ dõ Yudanõ kámmabogõ ten ká yã.

20

Yesu vunaa

(Mat 28:1-8, Maa 16:1-8, Luk 24:1-12)

¹ Azumanenna zĩ gudõ Mariama Magadalenì bõ à gèe mira kĩnaa, akũ à lè gbè gona mira léa. ² Akũ à bàa lè à gèe Simõ Pita kĩnaa kũ ìba pãnde kũ Yesu yeii piio à piine: Ò Dikiri bõ miran, ó dõ gu kũ ò a dànlo. ³ Akũ Pita kũ ìba pãnde piio fùte ò gèe mira kĩnaa. ⁴ Ñ gbènnõ pla ñ pínki ten bàa lé lèlè, akũ ìba pãnde pìi bà nna de Pitala, à kà mira kĩnaa káaku. ⁵ Kũ à wé kpàtèn, akũ à táaru bizanõ è katena, ama adi gè a gũnlo. ⁶ Kũ Simõ Pita kà a gbera, akũ à gè miran. À táaru biza pìi è katena ⁷ kũ biza kũ ò fífia a mìaio. Biza pì pekerena kũ póle pìncoro, à kokona ditena adome. ⁸ Akũ ìba kũ à

kà mira kīnaa káaku pìi gè se. À è, akū à si. ⁹ Ari tera odi yā kū à kēna Luda yān dōrō dōro kū ò pì, ani fute bona gan. ¹⁰ Akū ìba gbēnōn pla pìno èra ò tà be.

Yesu bo à suna Mariama Magadalenine
(Mat 28:9-10, Maa 16:9-11)

¹¹ Mariama zena mira léa, àten ò do. Lákū àten ò do nà le, akū à wé kpàte miran. ¹² Akū à malaika gbēnōn planō è vutena gu kū ò Yesu gèe wùten yāaa. A do kú a mì kpa, a do sō gbá kpa. Ò uta pura dana. ¹³ Akū ò a là ò pì: Nōgbē, bó mé à n le nten ò do? À wèrìma à pì: Ò ma Dikiri sè ò tà káaome, má dō gu kū ò a wùtenlo. ¹⁴ Kū à ò le, akū à litè à Yesu è zena, ama adi dō kū Yesunlo. ¹⁵ Yesu a là à pì: Nōgbē, bó yā mé à tò nten ò do? Dín nten wete? Mariama ten da karademe, akū à pìne: Mare, tó mōkōn mé n a sè n bo káao, ò omene gu kū n a wùten de mà gé mà a sé. ¹⁶ Yesu pìne: Mariama! Akū à are dōa à pìne kū Eberu yāo: Rabi! Tó pìi pì Danneri. ¹⁷ Yesu pìne: Ñsun ò namaro, mádi tá ma De kīnaa kōro. Ñ gé ò o ma gbēnōne maten tá ma De kū ò Deo kīnaa, ma Luda kū ò Ludao kīnaa. ¹⁸ Akū Mariama Magadalenì gèe à a baaru kpa à ìbanōne à pì: Ma Dikiri è. Akū à yā kū à òne bābañne.

Yesu bo à suna a ìbanōne
(Mat 28:16-20, Maa 16:9-18, Luk 24:36-49)

¹⁹ Azumanenna birea òkosi a ìbanō kakarana kpén, ò gbà tàtāñle ò mōne kà, kū òten vīna ke Yuda gbānadene yāi. Akū Yesu sù à zè ò té à pìne: Àgō kun aafia! ²⁰ Kū à ò le, akū à a òno mōñne kū a gbāntereno. Kū ìbaa pìno Dikiri è, ò pō kè nna manamana. ²¹ Yesu èra à pìne: Àgō kun aafia! Lákū ma De ma zī nà, len mateni á zī le. ²² Kū à ò le, akū à ò ò wèrìma kū léo à pì: À Luda Nini sí. ²³ Gbē kū a ò kē kū ò durunnano, à kēñman gwe. Gbē kū ádi ò kēnero sō, ani kēmmaro.

Yesu kū Tomasio

²⁴ Gōro kū Yesu sù, Tomasi, a ìba gbēnōn kuri awēplanō doke kū òdi pìne Sika kú kūñwo. ²⁵ Akū a ìba kparano pìne: O Dikiri è. Akū à pìne: Tó mádi koosa gbè e a òno gūn ma òne pèno, akūsō mádi ò zō a gbānterenlo, mani síro. ²⁶ A gōro làa a ìbanōn kú kpén do, Tomasi kú kūñwo sà. Ò gbà tàtāñle ò mōne kà, akū Yesu sù à zè ò té à pì: Àgō kun aafia! ²⁷ Akū à pì Tomasi: Ñ n òne pé ma ò gūn la ò gwa, ò n ò zō ma gbānterena. Ñsun sika ke doro. Ñ ma náani ke. ²⁸ Tomasi wèa à pì: Ma Dikiri, ma Luda. ²⁹ Yesu pìne: Kū n ma e yāin n ma náani kè. Arubarikadenōn gbē kū ò ma náani kè ma enaa sarino ū.

³⁰ Yesu daboyā pāndeno kè dasi a ìbanō wé wára kú odi kē takada dí gūno. ³¹ Ama ò adikīnāno kè de à le à Yesu sí Luda Né Arumasihu ū à wèndi le a náanikēnaa gūn yāime.

21

Yesu bo à suna a ìbanōne sèbe léa

¹ Abire gbera Yesu èra à a zida mō a ìbanōne do Tiberia sèbe léa. Lán dí bàn à a zida mōñne. ² Simō Pita kú lèlè kú Tomasi kú òdi pìne Sikao kú Natanaeli kú à bò Kana, Galili bùsuuo kú Zebedi néno kú Yesu ìba gbēnōn pla pāndeno. ³ Simō Pita pìne: Maten gé kpò wete. Akū ò pìne: Ókōno se óni gé kūnwo. Akū ò gèe ò gè gó'ite gūn, ama odi pōke kú gwāani birearo.

⁴ Kū gu ten su dɔ, Yesu zena bara, ama a ìbanɔ dí dɔ kū àkūmɛro. ⁵ Akū à lé zùnyĩ à pì: Gbɛnɔ, ádi pɔ́ke le a kùroo? Ò pì: Oi! ⁶ Akū à pìnnɛ: À birigi zu gó ɔplai áni pɔ́ kù. Kū ò zù, ò kpɔ̀ɔ kù dasidasi ò fù sɛna. ⁷ Akū ìba kū Yesu yeii pì pì Simɔ Pitane: Dikirimɛ. Pita uta danaro. Kū à mà ò pì Dikirimɛ, akū à a uta sè à dà à kùsì ía. ⁸ Ìba kparanɔ ten birigi gátɛ pana kū kpɔ̀ɔ ò ten suo kū góo, zaakū ò zà kū baraoro, à de mita basɔ̀ro takalaro. ⁹ Kū ò bikù bara, ò burodii è katena gwe kū kpɔ̀ɔ kpakpana téa. ¹⁰ Yesu pìnnɛ: À mɔ́ kū kpɔ̀ kù a kù terao kenɔ. ¹¹ Akū Simɔ Pita gè gó gūn à birigi gátɛ à bikùo bara. À pana kū kpɔ̀ gbɛntɛnɔ mèn basuppla akuri awɛɛ aakɔ́. Bee kū à dasi le, táaru pì dí kɛro. ¹² Yesu pìnnɛ: À mɔ́ à pɔ́ ble. A ìba ke dí fɔ́ à lé bò à a là dín a ũro, zaakū ò dɔ́ kù Dikirimɛ. ¹³ Yesu gɛɛ à burodii sè à kpámma. Len à kè le kū kpɔ̀ɔ dɔ. ¹⁴ Yesu a zīda mɔna a ìbanɔne gèn aakɔ́den gwe a vuna gan gbera.

Yesu kū Pitao

¹⁵ Kū ò pɔ́ blè ò làka, Yesu Simɔ Pita là à pì: Yuhana né Simɔ, n̄ yemai de gbɛ dínla yá? À wèa à pì: Ee Dikiri, n̄ dɔ́ kù má yenyĩ. Yesu pìnnɛ: Ñ pɔ́ble kpá ma sánɛ bɔ̀rɔnɔa. ¹⁶ A gèn plade Yesu ɛra à a là dɔ́ à pì: Yuhana né Simɔ, n̄ yemai yá? À wèa à pì: Ee Dikiri, n̄ dɔ́ kù má yenyĩ. Yesu pìnnɛ: Ñ ma sánɔ dāmɛnɛ. ¹⁷ À a là a gèn aakɔ́de à pì: Yuhana né Simɔ, n̄ yemai yá? Kū Yesu Pita là a gèn aakɔ́de tó à yeai, a pɔ́ yàka, akū à pìnnɛ: Dikiri, n̄ yā sīnda pínki dɔ́. Ñ dɔ́ kù má yenyĩ. Yesu pìnnɛ: Ñ pɔ́ble kpá ma sánɔa. ¹⁸ Yāpuran maten onnɛ, kū n̄ de kefenna ũ, ndì pɔ́ da n zīda n̄ gé gu kū n̄ yein, ama tó n zī kù, ñni n ɔ̀nɔ poro, gbɛ pānde ni danne à gé künwo gu kū n̄ yeiron. ¹⁹ Kū Yesu ò le, Pita ga kū ani Luda tɔ́ bon à téa. Abire gbera Yesu pìnnɛ: Ñ tɛmai.

Yesu kū ìba kū Yesu yeii

²⁰ Pita lite à ìba kū Yesu yeii pì è ténnyĩ. Gbɛ pì mé à nà Dikirii gɔ̀rɔ kū ò ten pɔ́ ble, à a là gbɛ kū ani a kpámmai. ²¹ Kū Pita a è, à pì Yesunɛ: Dikiri, gbɛ dí sɔ́ bi? ²² Yesu pìnnɛ: Tó má ye àgɔ́ kú wèndiio ari màgɔ́ gé su, a yā n le máa? Ñgɔ́ tɛmai dé. ²³ Akū yā pìi fàkɔ́a Yesudenɔ té kū ìbaa pì ni garo. Ama Yesu dí onɛ kū ani ganlo. À pì, tó á ye àgɔ́ kun ari àgɔ́ gé su, a yā a le māmɛɛ?

²⁴ Ìbaa pì mé à yā dínɔ sèeda kè. Àkū mé à takada dí kè, akū ó dɔ́ kù a sèedakɛna náani vī.

Midenaa

²⁵ Yesu yā pāndenɔ kè dasidasi dɔ. Tó ò kè takada gūn dodo pínki, maten da andunia a zīdanɛ ni fɔ́ à takada kū ò kèɛ pìnɔ síro.

ZĪRINŌ YĀKENANŌ

Yesu tana ludambe 1:1-1:26

Luda Nini kipanaa 2:1-2:47

YudanŌ Yesu yā sinaa 3:1-12:25

PŌlu wētegena káakude 13:1-14:28

PŌlu wētegena gēn plade 15:1-18:22

PŌlu wētegena gēn aakōde 18:23-21:16

PŌlu gena Romu 21:17-28:31

Lésena Luda Nini yā musu

¹ Tiofilu, ma ònne ma takada káaku gūn lákū Yesu kè nà kū yā kū à dànnenŌ pínki zaa a naana gŏrŏ ² ari gŏrŏ kū à yā dìte a zĪrinŏne kū Luda Nini gbānao, akū Luda a sè à tà káao a kĪnaa. ³ Zaakū a ganaa gbera à a zĪda mōñne à sèedayānŏ kēñne dasi kū à tò ò dō sika sari kū à bēne. À a zĪda mōñne gŏrŏ bupla à kpata kū à bò Luda kĪnaa yā òñne. ⁴ Kū ò kakarana, akū à piñne: Àsun bo Yurusalemuro. Àgō lé kū ma De sèàre dā, lákū ma a yā òàre nà. ⁵ Zaakū Yahaya gbēnŏ da'ite kè í gūmme, ama gŏrŏ pla la mani á da'ite ke Luda Nini gūn.

Tana kū Yesuo ludambe

(Maa 16:19-20, Luk 24:50-53)

⁶ Kū ò kakarana le, akū ò a là ò pì: Dikiri, gŏrŏ dí gūnn ĩni Isarailanŏ kpata erañne yā? ⁷ À wèmma à pì: Á zé vī àgō gŏrŏ kesŏ gŏrŏ zaka kū ma De dìte kū a zĪda ikooŏ dōro. ⁸ Tó Luda Nini kĪpaáwa, áni gbāna le àgō de ma sèedadenŏ ũ Yurusalemu kū Yudea bŭsu gu sĪnda pínkiŏ kū Samaria bŭsuuo ari à gé pé andunia léa. ⁹ Yā bire onaa gbera Luda a sè ñ wára ari à gèe à sàte ñ wéa ludambe lukun. ¹⁰ A tanaa gūn lákū ñ wé pé ludambea nà, akū gbēnŏn pla kenŏ bò ò zè ñ sare ò pókasa puranŏ dana. ¹¹ Ò pì: Galili bŭsudenŏ, à kè dera á zena áten ludambe gwaa? Yesu kū Luda a bò á té à tà káao a kĪnaa pìi, ani era à su lákū a è áten tá gwe nà.

Yudasi gēnekenaa

¹² Akū ò kĪpa Kùkpe sĪsĪia ò sù Yurusalemu. SĪsĪi pìi zà kū Yurusalemu ò kà lán kiloo do taka bà. ¹³ Kū ò kà, akū ò didi kpé musu, gu kū òdigŏ kún. Pita kú gwe kū Yuhanaŏ kū Yamisio kū Anduruo kū Filipio kū Tomasio kū Batŏlŏmiuo kū Matiuo kū Alafeu né Yamisio kū Simŏ Kokarideo kū Yamisi né Yudasio. ¹⁴ Ñ pínki ñ zĪda kpà aduakenaana leele kū Mariama Yesu dao kū Yesu dakūnanŏ kū nŏgbē kparanŏ.

¹⁵ Gŏrŏ birea Pita fùte à zè Yesu ìba kū ò kà gbēnŏn basuddo takanŏ té à pì: ¹⁶ Ma gbēnŏ, yā kū Dauda ò kū Luda Nini gbānao Yudasi kū à dò gbē kū ò Yesu kùnŏne are yā musu, tilasime Luda yā pì papa. ¹⁷ Ó gbē dome yā a baka kú ó zĪ dĪkĪna gūn. ¹⁸ À zĪte lù kū ōgŏ kū à lè a vānikena gūnwŏ. Gwen à bàkē à lēten, a nēsēe pŭtā a nukāninŏ bōte pínki. ¹⁹ Yurusalemudenŏ pínki yā pìi mà, akū ò tŏ kpà gu piine Akeledama kū ñ buri yāo. Tŏ pìi pì gbēderi zĪte. ²⁰ Ó a yā ò Zabura takada gūn ò pì:

A be gŏ bezĪ ũme,

gbēke sŭngŏ kú a gūn dorŏ.

Ò pì dŏ:

Gbē pānde gō a gēne ũ.

21-22 A yā mé à tò gbē kŭ òdigō tēwái gōrō kŭ ó kú lēlē kŭ Dikiri Yesuo zaa Yahaya gbēnō da'itekegōrō ari gōrō kŭ Luda a bò ó tēnō, ò n gbē do bo àgō de a vuna gan sēedade ũ kŭoo. ²³ Akŭ ò gbēnōn planō bò, Yusufu kŭ òdi pinē Baasaba òdi pinē dō Yusutu kŭ Matiao. ²⁴ Akŭ ò adua kē ò pi: Dikiri, n gbē sīnda pínki nēse dō. Gbēnōn pla dínō té n gbē kŭ n bò mōwēre, ²⁵ de a bàka gō kŭ kŭ ókōnō zīrinō zī dīkīna gŭn yāi, zī kŭ Yudasi bōn à gēe gu kŭ kō sē kāao gŭn. ²⁶ Akŭ ò kàpaa kpà gbēnōn pla pìnō yā musu. Akŭ líkpana Matia kŭ, akŭ ò a dà zīri gbēnōn kuri awēedonō té.

2

Luda Nini kipanaa

¹ Kŭ Pentikōsi dikpe gōrō kà, ò kŭ gu dokōnōa n pínki. ² Kānto ò kīni mà bona ludambē lán zàga'īa gbāna bà, akŭ kpé kŭ ò vutena wà. ³ Ō pō è lán tēnenenō bà à fākōa à dīdi n baadia. ⁴ Akŭ Luda Nini kīpanīma n pínki, akŭ ò nà yākeburī'onaaa lākŭ Nini pī n gbá lé nà.

⁵ Yuda kenō kŭ Yurusalemu gwe, ludayāmari kŭ ò bò andunia bŭsu sīnda pínki gŭnnō ũ. ⁶ Kŭ ò n zuka pī mà, ò kākaraŷī dasidasi, akŭ ò bīdi kē, kŭ ò mà òteni n gbē sīnda pínki burī yā o. ⁷ Yā pī n kŭ gbāna à bò n sare ò pi: Yā'orīi pìnō bi Galilidenōme n pínkiroo? ⁸ À kē dera o mà òteni ò baadi bŭsu yā oo? ⁹ Patiano kŭ Midiano kŭ Elamunōn ó ũ kŭ gbē kŭ ò kŭ Mesopotamiano kŭ Yudeao kŭ Kapadosiao kŭ Pōntuo kŭ Asiao ¹⁰ kŭ Firigiao kŭ Pamfiliao kŭ Misilao kŭ Libia bŭsu kŭ à kŭ Sireni sareo kŭ gbē kŭ ò bò Romunō. ¹¹ Yudanō kŭ gbē kŭ ò n donyī zé sēnōn ó ũ kŭ Keretino kŭ Larubunō, akŭ òten ma òten Luda yābonsare kenano o kŭ ó baadi burīyānō. ¹² Yā pī n kŭ gbāna ò bīdi kē, òten kō lala òten pi: Yā kpate takan gwee? ¹³ Gbēkenō sō òteni n lalandi kē ò pi: Í mé à n kŭ.

Pita waazikenaa

¹⁴ Akŭ Pita fŭtē à zē kŭ a gbē kpara gbēnōn kuri awēedonō à yā ò gbāngbān à pi: Ákōnō Yudanō kŭ gbē kŭ á kŭ Yurusalemunō pínki, à sà kpá à tó mà yā pī oáre. ¹⁵ Í dí gbē pìnō kŭ lākŭ áten da nàro, zaakŭ kōnkō mō kēndon tera. ¹⁶ Yā kŭ annabi Yoeli òon dí:

¹⁷ Luda pi:

Gōrō kpēdenō zī mani ma Nini pisi gbē sīnda pínkia,

á négōgbēnō kŭ á nēnōgbēnō ni annabikēyā o,

á kēfennanō ni wégupu e,

á mare zōkōnō ni nana o.

¹⁸ Gōrō birenōa

mani ma Nini pisi ma zōblerinōa

gōgbēnō kŭ nōgbēnō n pínki

oni annabikēyā o.

¹⁹ Mani sēedanō kē musu,

mani yābonsarenō kē andunia gŭn,

aru kŭ téo kŭ túsukpe síi lukuo nigō kŭn.

²⁰ Ifāntē ni sira kŭ,

mōvura ni tēra kŭ lán aru bà

ari Dikiri sugōrō zōkō gakuride gō gé ká,

²¹ gbē sīnda pínki kŭ òdi Dikiri sīsino ni bo.

22 Isarailanŋ, à yā dí ma. Lákū á dŋ á zīdane nà, Luda Yesu Nazera m̀óare a gbē ū kū daboyānŋ kū yābonsarenŋ kū sēda kū à kè a gāi á ténŋ. 23 Luda zèo a p̀oyenyīna kū a dŋnao gūn kū ò a kpàáwa, akū a tò kifirinŋ a pà lía ò a dè. 24 Akū Luda ga bàa p̀oroa à a vù, zaakū à zé vī kū ga ni f̄ŋ àgŋ a kūnaro. 25 Zaakū Dauda a yā ò à pi:

Madīgŋ Dikiri e ma wén gŋŋ sīnda pínki,
lákū à kú ma ɔplai nà
p̀óke ni ma lukaro.

26 Abire yāin ma p̀o digŋ nna,
ma nèsegūn p̀u.

Ma tāmāa vī kū ma m̀e nigŋ kun,

27 zaakū īni ma tó mira gūnlo,
īni we n gbē kū à kú adona yagi kūro.

28 N ma da ẁendi zéa,
ma p̀onna nigŋ pana n kīnaa.

29 Ma gbēnŋ, mani f̄ŋ mà ó dizi káaku Dauda yā oáre swáswa. À gà ò a vī a mira kú ẁete dín ari kū a gbārao. 30 A annabike gūn à d̀ŋ kū Luda lé sèawa à pi, áni a burinŋ doke ká a kpatan. 31 Dauda gīnake à Arumasihu vuna gan è, akū à a yā ò à pi: Luda ni a tó mira gūnlo, ani we a m̀e yagi kūro.

32 Yesu piin Luda a vù gan. A sēedadenŋn ó ū ó pínki. 33 Vutena Luda ɔplai à a Nini kū à a lé s̀ewere s̀i a Dea. Yā kū áten e akūsŋ áten ma tera de Luda Nini kū à p̀isiwá ūme. 34 Zaakū adi ke Dauda mé à f̀ute à g̀e ludambero, à pi:

Dikiri ò ma dikirine à vute a ɔplai

35 ari àgŋ a iberenŋ kene a tintin ū.

36 Isarailanŋ, àgŋ dŋ s̀ansān kū Yesu kū a a pà líaan Luda dìte Dikiri ū, Arumasihu ū do.

37 Kū ò yā p̀i mà, à n zŋ, akū ò Pita kū z̀iri kparanŋ là ò pi: Gbēnŋ, óni ke deraa? 38 Akū Pita p̀irine: Á baadi nèse lite à da'ite ke kū Yesu Kirisi t́o, á durunnanŋ ni k̀éáwa áni Luda Nini sí gba ū. 39 Zaakū lé kū Luda s̀e p̀i de á p̀ó ūme kū á nénŋ kū gbē kū ò kú z̀anŋ, gbē kū Dikiri ó Luda ni n s̀isi p̀inŋ n pínki. 40 À yā p̀andenŋ ònne dasi à nàkaramma à pi: À á zīda bo gbāragbē vāni dínŋ té. 41 Akū gbē kū ò a yā p̀i s̀inŋ da'ite kè. Zī birean ò kàra n té gbēnŋn wàa g̀ero. 42 Ò laakarīi d̀ŋ z̀irinŋ yādannenāaa kū k̀ŋgbēkenāao kū Dikiri p̀óblenāao kū aduakēnāao.

Yesudenŋ kunna kū k̄ŋo

43 Z̀iri p̀inŋ ten sēda kū yābonsarenŋ ke, akū vīna gbē sīnda pínki kū. 44 Dikiri náanikerinŋ pínki g̀a dokŋnŋme. P̀ó kū ò vīnŋ g̀ŋ n pínki p̀ó ū. 45 Tó ò n p̀ó kū ò vīnŋ yīa, òdi a g̀ŋ kpaatetekŋne lákū baadi b̀okŋte de nà. 46 Lákū gu digŋ dŋ nà òdigŋ k̄ŋ kakara Luda ɔnn, òdigŋ p̀ó ble k̄ŋ bea kū p̀onnao kū nèse m̀en doo. 47 Òdigŋ Luda t́ kpá, akūsŋ òdigŋ nna kū baadi p̀inkio. Dikiri digŋ gbē kū áteni n sura banŋ kara n té lákū gu digŋ dŋ nà.

3

G̀ŋgbē ere werek̄ŋanaa

1 Zīkea Pita kū Yuhanao g̀e Luda ɔnn f̀anantē m̀ò aakŋ aduakēg̀ŋŋa. 2 G̀ŋgbē ke kú gwe ò a i ere ūme. Lákū gu digŋ dŋ nà òdi a sé ò su ò a dite Luda ɔnn gānu kū òdi pi Gānu Mana gūn. Gwen àdigŋ bara ke gbē kū òten

gě ɔn p̄i gūnnɔa. ³ Kū à Pita k̄u Yuhanao è, òten su gě Luda ɔnn, akū à baraa kèr̄mma. ⁴ Ò wé p̄èa, akū Pita p̄ine: Ñ ó gwa la. ⁵ Akū à wé p̄èr̄mma àteni n̄ gba dā. ⁶ Akū Pita p̄ine: Má ɔgɔ vīro, ama p̄ó k̄u má vīn maní n̄ gba. Kū Yesu Kiriſi Nazera t̄so n̄ fute n̄ táa o. ⁷ Akū Pita a k̄u a ɔplaa à a fùte a zè. Gwe ḡòno a gbálanɔ k̄u a gèsewaanɔ gbāna k̄u. ⁸ À v̄l̄ à zè, akū à nà táa'onaaa. À ḡè k̄ur̄wo Luda ɔnn àten táa o àten vīvī àten Luda sáabu kpá. ⁹ Baadi p̄ínki a è àten táa o àten Luda sáabu kpá, ¹⁰ akū ò a d̄s̄ barakeri k̄u àdiḡɔ vute Luda ɔnn Gānu Manan ū, akū yā k̄u à a lè n̄ k̄u gbāna à bò n̄ sare.

Pita waazikena Luda ɔnn

¹¹ Lákū à na Pita k̄u Yuhanao nà gu k̄u òdi pi Sulemanu èdan, akū baadi p̄ínki ten ḡè n̄ k̄inaa, k̄u yā p̄i bò n̄ sare yāi. ¹² Kū Pita gb̄eno è, à p̄inne: Isarailano, bó yā mé à tò yā p̄i bò á sare? Bó yā mé à tò á wé f̄wá lee? Àten da ó z̄ida gbāna kes̄ó ó ludayāmana mé à tò gb̄e dí táa ò yá? ¹³ Ó dizi k̄aakunɔ Ibrahim̄ k̄u Isaakuo k̄u Yakubuo Luda gwenaa kpá a z̄ikeri Yesua. Ák̄onɔ s̄o a a kpá gbānadenɔa a bo a kpe Pilati k̄u à zè k̄u a gbarenao are. ¹⁴ A bo Luda gb̄e mana k̄u à kú adona p̄i kpe, akū a wé k̄e Pilatia à gb̄ederi gbareáre. ¹⁵ A W̄endikpammari d̄e, akū Luda a v̄u bona gan. A s̄edadenɔn ò ū. ¹⁶ Yesunaanikena mé à tò ḡs̄gb̄e k̄u á a d̄s̄ àteni a gwa dí w̄erek̄sa Yesu t̄s̄ gbāna yāi. Yesunaanikena mé à a gbà aafia á p̄ínki wára. ¹⁷ Tera ma gb̄eno, má d̄s̄ k̄u ák̄onɔ k̄u á gbānadenɔ yā p̄i k̄e w̄esirakena ḡumme. ¹⁸ Luda dò annabinɔne are, akū ò ḡínake ò p̄i n̄ p̄ínki k̄u Arumasihu ni w̄et̄amma e, ak̄us̄ à k̄e le. ¹⁹ Abire yāi à nèse lite à are d̄o Ludaa, á durunnano ni k̄éawa de à suáre k̄u nèsekpatenaao ²⁰ à Yesu k̄u à ḡínake à a d̄iteáre Arumasihu ū pi z̄iáwa. ²¹ Séde àḡó k̄u musu ḡia ari ḡoro k̄u Luda ni p̄ó p̄ínki keke à ke dufu, lákū à dà a annabinɔne nà ò ò zaa k̄aaku. ²² Musa p̄i, Dikiri á Luda ni á gb̄eke sé annabi ū lán a bà. À yā k̄u ani oáre ma p̄ínki. ²³ Gb̄e k̄u adi annabii p̄i yā ma s̄oro, Luda ni ade bo á té à a dem̄e. ²⁴ Annabi k̄u ò Luda yā òno p̄ínki naana Samueli k̄inaa ḡoro dík̄ina baaruu kpá. ²⁵ Yā k̄u annabii p̄ino òo k̄u Luda bàka k̄u à kú k̄u á dizi k̄aakunɔ ḡs̄ á p̄ó ū, lákū à ò Ibrahim̄ne nà à p̄i áni arubarika da andunia buri p̄ínkigu a buri ḡai. ²⁶ Kū Luda a z̄ikeri p̄i d̄ite, à a z̄iáwa k̄aaku, de à arubarika daágu à á baadi kpe li a yāvānikenanone.

4

Yakpatekena k̄u Pitao k̄u Yuhanao

¹ Kū Pita k̄u Yuhanao ten yā o gb̄enone, sa'orino k̄u Luda kpé dogari gb̄e z̄ók̄ɔo k̄u Sadius̄no ḡěnyī. ² Ñ p̄o f̄è k̄u òten yā da gb̄enone yāi, òten ḡeno vuna Yesu ḡun kp̄akpa ke. ³ Akū ò n̄ k̄u ò n̄ dá kp̄ésiran ari gu d̄o, zaakū gu ḡínake à s̄i k̄o. ⁴ Ama gb̄e dasi k̄u ò n̄ yā màn̄o Yesu náani k̄e ari n̄ ḡs̄gb̄eno dasi k̄u à k̄a gb̄enon̄ d̄ubu ɔoro taka bà.

⁵ Kū gu d̄o, Yuda gbānadenɔ k̄u gb̄e z̄ók̄onɔ k̄u ludayādannerino k̄akara Yurusalemu. ⁶ Sa'oriki Anasa kú gwe k̄u Kayafao k̄u Yuhanao k̄u Alesandao k̄u gb̄e k̄u ò de sa'oriki p̄i dan̄e ūno n̄ p̄ínki. ⁷ Ò s̄u k̄u Pitao k̄u Yuhanao gbānade p̄ino are, akū ò n̄ lá ò p̄i: Bó gbāna ke dí t̄on a abirek̄u k̄eoo? ⁸ Akū Luda Nini s̄u Pitaa à p̄inne: Gbānadenɔ k̄u gb̄e z̄ók̄onɔ, ⁹ lákū àteni ó lala gbāra nà yā mana k̄u ò k̄e er̄ene yāi, deran o k̄e à w̄erek̄sa nà, ¹⁰ ák̄onɔ k̄u Isarailano p̄ínki àḡó d̄s̄ k̄u gb̄e k̄u à zena á are dí aafia lè k̄u

Yesu Kirisi Nazera kũ a a pà lía Luda a vù bona gan tóome. ¹¹ Leme gbè kũ ákõnƆ kpéborinƆ a pã kpài mé à gò kpé kusuru gbè mède ũ. ¹² Gbè pãnde ke kun kũ ani gbè sura baro, zaakũ andunia gũn pínki Luda dí gbèke dite bisásirinƆne à ñ sura baro, séde àpii.

¹³ Kũ ò Pita kũ Yuhanao kùgbànakena a è, akũsò ò dš kũ talaka wésiradenƆme ñ ũ, à bò ñ sare, akũ ò dš sà kũ ò gĩnake ò kú kũ Yesuome yã. ¹⁴ Lákũ ò gbè kũ à werekõanaa pìi è ze nà ñ sare, odi fš ò yãke ò doro. ¹⁵ Ò pínne ò bote, akũ ò yã gògò ¹⁶ ò pì: Óni ke dera kũ gbè pìnƆoo? Zaakũ YurusalemudenƆn dš pínki kũ ò daboyã zòkšò kè, óni fš ò gíro. ¹⁷ De yã pì sún dagula de adilaro, ò kpàkènyĩ pásipási de òsun yã o gbèkene kũ tó pìo doro. ¹⁸ Akũ ò ñ sísi ò yã diteñne òsun yã o kesò ò yã dañne kũ Yesu tóoro sãnsãn. ¹⁹ Akũ Pita kũ Yuhanao wémma ò pì: À gwa á zidane. Á yãn óni ma yá, ke Luda pò? A kpate mé à mana LudanƆe? ²⁰ Zaakũ óni fš ò gí ò yã kũ o mà akũsò o è oiro. ²¹ Gbãnade pìnƆ era ò vĩna dàdañyĩ, akũ ò ñ gbãre. Odi wétãmma zé lero, zaakũ baadi pínki ten Luda sãabu kpà yã kũ à kèe pì yã. ²² Gbè kũ ò werekõana daboyã bire kènƆe pì zĩ kũ de wè buplala.

YesudenƆ kùgbãna wékenna

²³ Kũ ò ñ gbãre, akũ ò tà ñ gbèƆnƆ kĩnaa, ò òñne lákũ sa'orikinƆ kũ gbè zòkšõ òñne nà. ²⁴ Kũ ò mà, ò ó gbãna dš Ludaa lƆlƆe ò pì: Dikiri, mòkšõn mé n musu kè kũ zĩteo kũ ísirao kũ pò kũ ò kú ñ gũnnƆ pínki. ²⁵ N dà n zĩkeri ó dizi DaudanƆe kũ n Nini gbãnao, akũ à pì: Bó yã mé à tò burinƆ ten zuka káa?

À kè dera òten lé pã kpákũsũu?

²⁶ Andunia kínanƆ ten zĩ soru ke, kpatablerinƆ ten kakara Dikirii kũ Kína kũ à kàao.

²⁷ Yápurame, Heròdu kũ Põntiu Pilatio kàkara wète dí gũn kũ IsarailanƆ kũ buri pãndenƆ n zĩkeri kũ à kú adona Yesu kũ ñ kà kína ũ pìii. ²⁸ Ò kè lákũ n gĩnake n zeo nà n gbãna kũ n poyenyĩnaaooa. ²⁹ Tera sà Dikiri, ñ yã pásì kũ ò ò ma gwe. ÓkšõnƆ n zòblerinƆ, ñ ó gba lé ò n yã o kũ kùgbãnao manamana. ³⁰ Ñ Ɔ dawá de ò gbèƆnƆ werekõa ò daboyãƆ kũ yãbonsarenƆ ke kũ n zĩkeri kũ à kú adona Yesu tóo. ³¹ Kũ ò adua kè ò làka, gu kũ ò kòkakaranan yĩgãyĩgã, Luda Nini sùrĩma ñ pínki, akũ ò gèe òten Luda yã oñne kũ kùgbãnao.

YesudenƆ nèsedokšõƆkena kũ kšõ

³² Yesu náanikerinƆ laasun dokšõnƆ vĩ kũ lédokšõnƆ. Ñ gbèke dì pi a pò kũ á vĩnƆ bi a pómƆe adoro. Ñ pò pínki bi ñ pínki pómƆe. ³³ Luda zĩrinƆ ten Dikiri Yesu vuna gan yã o gbèƆnƆne kũ gbãna zòkšõo. Ò Luda gbèke zòkšò lè ñ pínki. ³⁴ Pòke dí kĩa ñ gbèkearo, zaakũ gbè kũ ò bú ke kpé vĩnƆ dì yía ò su kũ a ƆgƆo ³⁵ ò kpà zĩrinƆa, de ò kpà baadia lákũ à a bòkote de nà. ³⁶ Levi buri Yusufu kũ à bò Sipiru bùsun kú ñ té. Luda zĩrinƆ tó kpànƆe Baanaba. Tó pìi pì Laakarikipaterii. ³⁷ À bú kũ à vĩ yia, akũ à sù à a ƆgƆo kpà zĩrinƆa.

5

Anania kũ Safirao

¹ Gšgbè kũ òdi pinƆe Anania kun dƆ kũ a nanƆ Safirao. A zĩte yia ² à a ƆgƆo fĩnti bò kũ a nanƆ dšnao, akũ à gèe à a kpara kpà zĩrinƆa. ³ Akũ Pita pìnƆe:

Anania, bóyāi n tò Setan dònne are le sée? N n zĩte ɔɔ fĩnti bò, akū n éke tò Luda Ninine. ⁴ Gɔɔ kū nídi zĩte pì yíaro, n pónloo? Kū n yia sɔ, lákū n yei nà ĩni ke kū a ɔɔɔoro? À kè dera n yā bire kena laasun lèe? Adi ke bisāsirin n éke tònɛro, Ludan n tònɛ. ⁵ Kū Anania yā pìi mà, à lète à gà. Akū vīna gbē kū ò yā pìi màno kù manamana. ⁶ Kefennano gè ò biza dàala, akū ò a sè ò gèe ò a vī.

⁷ Kū à kà lán awa aakɔ bà, yāke manaa sari a nana sù à gè. ⁸ Akū Pita a là à pì: Ñ omene, a zĩte pìi yia lán dí bàn yá? À wèa à pì: Ee, læme. ⁹ Akū Pita pìne: Bó yā mé à tò a Luda Nini lè a gwàa? Gbē kū ò n zā vīnon kú kpélelea, oni n sé ò bo kúnwo se. ¹⁰ Gwe gōno à lète a are à gà. Kū kefennano gè, ò è à gà, akū ò a sè ò gèe ò a vī a zā sare. ¹¹ Akū vīna sɔsi gbēno kù manamana n pínki kú gbē kú ò yā pìi màno n pínki.

Daboyano kú yabonsareno

¹² Luda zìrinɔ ten daboyā kú yabonsareno ke dasi gbēno té. Yesu náanikerino dì kōkakarana ke læle Sulemanu édan n pínki. ¹³ Gbē pādeno dì we ò nām̄maro, ama gbē sīnda pínki dì n tó nna sí, ¹⁴ ama gbē dasi kú òten Dikiri Yesu náani kenɔ, gōgbēno kú nōgbēno n pínki, òdigō kara n té. ¹⁵ Akū ò gyāreno sète kú wútebono kú gyāresebono ò n káte zén, de tó Pita ten gēte, a nini le à da n gbēkenola yāi. ¹⁶ Pari bò wēte kú ò kú Yurusalemu sarenon ò sù kú gyāreno kú gbē kú tānana ten wari dōr̄manɔ, akū ò wèrekōa n pínki.

Wétamma m̄na zìrinone

¹⁷ Akū sa'oriki kú Sadusi gā gbē kú ò de a gbē ūno fūte ò nèsegōbaa kpà kúnwo. ¹⁸ Ò zìrinɔ kùkū ò n ká kpésiran, ¹⁹ akū Dikiri malaika sù à kpé pì zé wèñne gwāani à n bóte à pì: ²⁰ À gé àgō kú Luda onn, à wèndi dufu pì yā o baadi pínkinɛ. ²¹ Zìrinɔ yā pìi mà, akū ò gèe Luda onn kōnkōkōnko òten yā dañne.

Kū sa'oriki kú a gbēno fūte, ò Isaraila gbānadenɔ kú n gbē zōkōno kākara, akū ò dogarinɔ zī ò gé zìrinɔ bote kpésiran ò su kúnwo. ²² Kū dogari pino kà gwe, odi n le kpénlo. Akū ò èra ò tà ò pìinne: ²³ Kū o ka kpé pì kīnaa, o lè gbānon tatana gíngin a dākpārinon kú kpélelea, ama kú o wè, ódi gbēke lenlo. ²⁴ Kū Luda on dākpārinɔ gbē zōkō kú sa'orikinɔ yā pìi mà, ò bídi kè lán yā pì de nà. ²⁵ Akū gbēke sù à pìinne: À ma! Gbē kú a n ká kpésira gūnnon kú Luda onn òten yā dañne. ²⁶ Akū Luda on dākpārinɔ kú n gbē zōkōno gèe ò n kùkū ò sù kúnwo yáketɛ sari, zaakū òten vīna ke gbēnonɛ, de òsun n pápa kú gbēero yāi.

²⁷ Kū ò sù kúnwo, ò n zé gbānadenɔ are, akū sa'oriki n lala yāi à pì: ²⁸ O giáre sānsān à yā dañne kú tó pìio, akū a tò yā pì kpé àten da Yurusalemula pínki, akúsó á ye à gbē pì ga yā diwa yá? ²⁹ Akū Pita kú zìri kparano wèr̄ma ò pì: Luda yā mé à kú ò ma de bisāsiri póla. ³⁰ Ó dizino Luda mé à Yesu kú a a loko lía a dè pìi vū. ³¹ Luda a sè à vūte a oplai Kínane Surabari ū, de à Isarailano gba zé ò nèse lite à n durunnano kēr̄ma. ³² Yā pino sèdedadenon ó ū, ókōno kú Luda Nini kú Luda dì kpá gbē kú òdi a yā manooao.

³³ Kū ò yā pìi mà, n pō fè manamana, akū ò ye ò n dede. ³⁴ Farisi kú òdi pine Gamalieli kú n té. Ludayādanneriime, gbē sīnda pínki dì a tó nna sí. À fūte à zè à pì ò bo kú gbē pino gīa. ³⁵ Akū à pìinne: Isarailano, à laakari ke yā kú á ye à ke gbē pinoɛea. ³⁶ Adi gì kero kú Tuda fūte àteni a zīda dite a

ka. Ò t̄i lán gb̄en̄on wàa pla bà. Kū ò a d̄e, akū a iban̄o f̄àk̄ša, akū yā làka. ³⁷ A gbera Galili gb̄e Yudas̄i f̄ute gb̄en̄o naroḡo a gb̄en̄o ḡate à nàawa dasi. À ḡa se, akū a iban̄o f̄àk̄ša n̄ p̄inki. ³⁸ Maten̄ ōare tera, àsun gb̄e p̄in̄o yā daro, à n̄ tó. Tó n̄ p̄oyeina kū n̄ yākenan̄o b̄ò bis̄as̄iri k̄inaame, ani mì d̄e. ³⁹ Tó à b̄ò Luda k̄inaame s̄s̄, àni f̄s̄ à kp̄án̄nero. À laakari ke z̄ikana kū Ludaoi. ⁴⁰ Ò a yā mà, akū ò z̄irin̄o s̄isi ò n̄ gb̄e. Ò ḡin̄e ò yā o kū Yesu t̄so, akū ò n̄ gb̄are. ⁴¹ Z̄irin̄o b̄ò gb̄anaden̄o k̄inaa kū p̄onnao, zaakū ò è ò k̄a kū ò wé'i dar̄mma Yesu t̄s̄ yāi. ⁴² Lákū gu d̄iḡs̄ d̄o nà òd̄iḡs̄ yā dañ̄ne Luda on̄n kū n̄ ben̄o, òd̄iḡs̄ Yesu baaru nna kp̄án̄ne k̄ammabonaa sari, òdi pi àkūme Arumasihu ū.

6

Kpanyiri gb̄en̄on supplan̄o ditena

¹ Ḡoro b̄irea kū Yesu iban̄o ten kara, n̄ Girikiyāmarin̄o ten yākete ká n̄ Eberuyāmarin̄o ò p̄i, tó òten p̄oble kpaate lákū gu d̄iḡs̄ d̄o nà, òdi p̄a kp̄á n̄ gyaan̄on̄ime. ² Akū z̄iri gb̄en̄on kuri aw̄eplan̄o Yesuden̄o s̄isi n̄ p̄inki ò p̄i: À z̄e v̄i ò p̄a kp̄á Luda yāi ò laakari d̄o p̄oble kpaatenaaroo. ³ À ḡs̄gb̄en̄o bo á té gb̄en̄on suppla, gb̄e mana kū ònd̄s̄ kū Luda Ninio p̄eker̄em̄ano, de ò n̄ dite z̄i p̄i gb̄e z̄s̄k̄n̄o ū, ⁴ óni laakari d̄o aduak̄enaa kū Luda yā'ón̄nenaao. ⁵ Yā p̄i k̄àngu n̄ p̄inki, akū ò Sitiv̄i kū Luda Nini kū ludanaanik̄enaa p̄eker̄eaa s̄e kū Filipio kū Porokoruo kū Nikan̄o kū Tim̄o kū Pam̄enao kū Antioku gb̄e Nikola kū à Yudan̄o donȳize s̄e yāo. ⁶ Ò ḡe k̄ún̄wo z̄irin̄o k̄inaa, akū ò adua k̄èñ̄e ò o n̄am̄ma.

⁷ Luda yā ten dagula, Yesu iban̄o ten kara Yurusalemu manamana, akū sa'orin̄o Yesu yā si dasidasi.

Sitiv̄i k̄inaa

⁸ Luda arubarika kū gb̄anao p̄ekere Sitiv̄ia, akū àten daboyā kū yābonsaren̄o ke gb̄en̄o té. ⁹ Aduak̄ekpe ke kun kū òdi pi z̄idaden̄o aduak̄ekpe. N̄ gb̄eken̄o b̄ò Sireni kū Alesandariao kū Silisia b̄usuuo kū Asia b̄usuuo. Akū ò ibere s̄e kū Sitiv̄io ò lékpak̄ša k̄e k̄aao. ¹⁰ Ama odi a f̄iro ònd̄s̄ kū Luda Nini a gb̄a yāi. ¹¹ Ò té k̄a gb̄en̄on, akū gb̄e p̄in̄o p̄i: O mà à b̄ò Musa kū Ludao yā kpe. ¹² Ò Yudan̄o kū n̄ gb̄e z̄s̄k̄n̄o kū ludayādannerin̄o laakar̄ii f̄ute, akū ò ḡe ò Sitiv̄i k̄i, ò ḡe k̄aao n̄ gb̄anaden̄o k̄inaa. ¹³ Akū ò s̄u kū s̄eedade éken̄o ò p̄i: Gb̄e dí mé àd̄iḡs̄ Luda kp̄é kū a dokao v̄ani bo lakanaa sari. ¹⁴ Zaakū ò mà à p̄i Yesu Nazera ni kp̄é p̄i kakate à ó fut̄eokarayā kū Musa d̄awere lite s̄e. ¹⁵ Akū gb̄anade kū ò vutena gwen̄o wé p̄e Sitiv̄ia n̄ p̄inki, ò è a àn de lán malaika ànn bà.

7

Sitiv̄i yā'ona gb̄anaden̄one

¹ Akū sa'oriki Sitiv̄i là à p̄i: N yā p̄in̄o ò yāpuran yā? ² Akū à p̄i: Ma gb̄en̄o kū ma den̄o, à ma! Luda Gakuride b̄ò à s̄u ó d̄izi k̄aaku Ibrah̄ia ḡoro kū à k̄u Mes̄opotamia b̄usun, zaade à kp̄é à gé vute Arana. ³ À p̄ine: N̄ bo n̄ b̄usun n̄ dan̄en̄o té n̄ tá b̄usu kū mani m̄on̄nen. ⁴ Akū à b̄ò Kaladia b̄usu p̄i ḡun̄ à ḡe à vute Arana. A de ga gbera Luda s̄u k̄aao b̄usu kū à kun tera dí p̄in. ⁵ Luda dí b̄usu p̄i z̄ite ke kp̄aa bee ḡese doro, ama à a lé s̄ene à p̄i ani ḡs̄ a p̄o ū kū a burin̄o. Ḡoro b̄irea s̄s̄ Ibrah̄i né v̄iro. ⁶ Luda p̄ine lán dí bà: N burin̄o ni nib̄o ble b̄usu p̄anden. Gwen̄o oni z̄ò blen, oni wé t̄ár̄mma ari wè wàa pla. ⁷ Luda p̄i àni wari d̄o buri kū oni z̄ò bleñ̄en̄o, Ibrah̄i buri p̄in̄o ni b̄ote ò

su ò donyī keare gu dí pìn. ⁸ Akū Luda t̄z̄ōyā dà Ibrahīne a bàka konna kāao sèeda ū. Kū à Isaaku ì, à t̄z̄ō z̄ōne a ḡoro s̄oraak̄ōde zī. Len Isaaku k̄e Yakubune le d̄o, akū Yakubu k̄e ó dizi káaku gb̄en̄on kuri aweεplan̄one le se d̄o. ⁹ Akū ó dizi káaku p̄in̄o n̄eεḡōbaa kp̄a k̄ū n̄ gb̄endo Yusufuo, ò a yia ò tà káao Misila. Luda kú kāao, ¹⁰ à a b̄o a wari s̄inda p̄inki gūn. Luda Yusufu pii gb̄a ̄nd̄s̄ à tò à nna k̄ū Misila k̄ina Firi'aunao, akū à a dite Misila b̄usu gb̄ē z̄ōk̄s̄ ū k̄ū a be onnwo. ¹¹ Akū n̄aa k̄a Misila k̄ū Kanaan̄o b̄usuuo p̄inki. Wari k̄e z̄ōk̄s̄, ó dizi p̄in̄o dí p̄oke le ò bl̄ero. ¹² Kū Yakubu mà p̄oblewe kú Misila, à ó dizi p̄in̄o z̄i gwe. N̄ gena káakuden gwe. ¹³ A ḡen pladen Yusufu a z̄ida m̄ò a v̄nin̄one, akū Firi'auna Yusufu dan̄en̄o d̄s̄. ¹⁴ Akū Yusufu gb̄ē z̄i a de Yakubua à m̄ó k̄ū a dan̄en̄o n̄ p̄inki. N̄ p̄inki gb̄en̄on baaak̄s̄ akuri aweεs̄ōrom̄e. ¹⁵ Akū Yakubu ḡē Misila. Gwen à ḡan k̄ū ó dizi p̄in̄o n̄ p̄inki. ¹⁶ Ò s̄u k̄ū n̄ ḡen̄o Sekemu, akū ò n̄ v̄i gb̄ew̄ee k̄ū Ibrahī l̄u mira ū gūn Am̄o n̄en̄o à f̄inaa b̄ōn̄ne k̄ū andurufuuo.

¹⁷ Kū lé k̄ū Luda s̄e Ibrahīne ḡoro ye à ká, ó buri dasi k̄ū à kàra Misila manamana. ¹⁸ Akū k̄ina dufu k̄ū à Yusufu d̄oro kpata bl̄e Misila. ¹⁹ À p̄as̄i k̄ū ó burio à wé t̄à ó dizin̄o, à tò ò n̄ n̄en̄o k̄ōte ò ḡaga. ²⁰ Ḡoro birean ò Musa ì a àlesi mana. Ò a gw̄a a de bea m̄o aak̄ōm̄e. ²¹ Kū ò a z̄ūkuna, akū Firi'auna n̄en̄ogb̄ē a s̄e a a gw̄a a z̄ida né ū. ²² Ò Misilan̄o ̄nd̄s̄ dà Musane p̄inki, à ḡō gb̄ē z̄ōk̄s̄ ū yā'ona k̄ū yākenaao gūn.

²³ Kū à k̄a w̄e bupla, à dà a n̄eεe gūn à gé a Isaraila daken̄o gwa. ²⁴ Kū à è Misila gb̄ē ten wari d̄o a gb̄ē m̄en̄o doa, akū à yā s̄i a gb̄ēne à f̄ina b̄o à a d̄e. ²⁵ Kū Luda ye à a gb̄en̄o sura ba a ḡai, àten da ò d̄ōm̄e, ama ò d̄oro. ²⁶ Kū gu d̄o, Isaraila gb̄en̄on plan̄o ten fiti ke, akū a s̄u à n̄ kpaate à k̄ute k̄ēn̄e à pi: Ma gb̄en̄o, à k̄e dera àten wari d̄ok̄sa át̄en̄e? ²⁷ Akū gb̄ē k̄ū àten wari d̄o a gb̄endoa o s̄s̄ Musai à pi: Dí mé à n̄ ke k̄ina yāḡōḡōri ūw̄ereε? ²⁸ N̄ ye ò ma d̄e lākū n̄ Misila gb̄ē d̄e n̄a ḡian yā? ²⁹ Kū Musa yā pii mà, à b̄aa l̄e à tà Midia b̄usun. Gwen à n̄éḡōgb̄en̄o ìn̄ gb̄en̄on pla.

³⁰ W̄e bupla gberan malaika b̄o à s̄ua gb̄arannan Sinai kpi sare tariankp̄a té gūn. ³¹ Kū Musa daboyā bire è, à b̄o a sare. Kū à n̄ai à gwa, à Dikiri k̄otoo mà à pi: ³² Makūm̄e n̄ dizin̄o Ibrahī k̄ū Isaakuo k̄ū Yakubuo Luda ū. V̄ina Musa k̄ū àten lukaluka, adi f̄s̄ à wé s̄e à gw̄aro. ³³ Akū Dikiri p̄ine: N̄ n̄ kyate bobo, zaakū gu k̄ū n̄ zen kú adoname. ³⁴ Ma w̄et̄amma k̄ū òten m̄o ma gb̄ē k̄ū ò kú Misilan̄one è s̄ans̄an ma n̄ ndanaa mà, akū ma su mà n̄ sura ba. Mani n̄ zī Misila s̄a. ³⁵ Musa k̄ū ò ḡine yā ò pi dí mé à a k̄e k̄ina yāḡōḡōri ūn̄ne piin̄ Luda yā òne malaika k̄ū à b̄o à s̄ua tariankp̄a gūn ḡai, à a z̄i k̄ina k̄ū ani n̄ gbar̄e ū. ³⁶ Akū mé à b̄o k̄ūn̄wo à yābonsaren̄o k̄ū daboyān̄o k̄e Misila k̄ū Isira T̄erao k̄ū gb̄aranna gūnwo w̄e bupla. ³⁷ Musa pi mé à pi Isarailan̄one, Luda ni n̄ gb̄ēke sé annabi ū lán a bà. ³⁸ Musa pi kú k̄ū gb̄ē k̄ū ò kakarana p̄in̄o gb̄arannan, à kú gwe k̄ū ó dizin̄o k̄ū malaika k̄ū à yā òne Sinai kpi musuo. Akū mé à yā w̄endiden̄o s̄i à kp̄awá.

³⁹ Ó dizin̄o dí a yā maro, akū ò ḡi n̄ laasun èra à tà Misila. ⁴⁰ Ò pi Harunane: N̄ t̄ana ken̄o k̄ew̄ere ò dow̄ere are, zaakū Musa k̄ū à ó b̄ote Misila, ó d̄s̄ yā k̄ū à a l̄ero. ⁴¹ Ḡoro birean ò t̄ana pi lán z̄usane b̄or̄o bà, akū ò sa òa ò dikp̄e k̄e p̄ó k̄ū ò k̄e n̄ z̄idane pi yā musu. ⁴² Akū Luda kp̄e lín̄e à tò ò donyī k̄e ludambe p̄on̄one lākū ò k̄ē annabin̄o takada gūn n̄a ò pi: Isarailan̄o, adi ke makū a sa òma gb̄arannan w̄e buplaro.

43 Tāna Mōleki bizakutan á sena
kū susune tāna Refā kū a zεo takao.
Dikiri kū a pì a donyī kēñnenō yāin
mani tó ò tá kááo Babilōnu dire kpa.

44 Ó dizinō Luda bàka kunna kúnwo kuta vī gbárannan. Luda a taka mò
Musane, akū ò kè lākū Luda òne nà. 45 Kuta pì g̃ Yɔsuanε kū ó dizinō, akū
ò sù ò buri kū Luda pèrmañnenō bùsuu sīm̃ma. Kuta pì kú gwe ari Dauda
gɔɔa. 46 Dauda pì nna kū Ludao, akū à wé kèa de à le à kpé bo Yakubu
Ludanε. 47 Sulemanu mé à kpé pì bōne. 48 Ama Luda Musude digō kú kpé
kū bisāsirinō bōo gūnlo, lākū annabii ò nà:

49 Dikiri pì:

Musu bi ma kiblegbaame,
zīte bi ma tintim̃me.
Kpé kpate takan áni bomenεε?
Mákp̃an ma kipaki kunn?

50 Makū mé ma pó sīnda pínki kèroo?

51 Ludayādarisarinōn á ũ! Á nèse vīro! Á sã gbāname! Adigō gí Luda Nini
adigō ke lán á dizinō bà. 52 Annabi kpaten á dizinō gí wé tāaii? Ò gbē kū ò
gīnake ò Gbē Mana suna yā òo pìnō dēde. Ade p̃in a bo a kpe a a dē sà. 53 A
doka kū malaikanō sūoo sì, ama ádi zī ke a yāaro.

Sitivī papana kū gbēεo

54 Kū ò yā p̃i mà, ñ p̃o fēi ò saka s̃oi. 55 Akū Luda Nini d̃idi Sitivīa à wé
pè ludambea, akū à Luda gakuri è kū Yesuo zena a ɔplai. 56 Akū à p̃i: À
ma! Ma ludambe è wēna, Bisāsiri Né zena Luda ɔplai. 57 Akū ò ɔ t̃ata ñ s̃aa
ò wiki gbāna lè, akū ò k̃usia lεεlεlεlε. 58 Ò a g̃atε ò bō k̃aaο wēte kpe, akū
òteni a pápa kū gbēεo de ò a de. Ò ñ uta z̃ōk̃nō bō ò k̃atε kefenna kū òdi pine
Solu sare. 59 Kū òten Sitivī pápa kū gbēεo lε, à adua kè à p̃i: Dikiri Yesu, ñ
ma nini sí. 60 Akū à k̃utε à wiki gbāna lè à p̃i: Dikiri, ñsun ñ durunna d̃ik̃na
daro. Yā bire onaa gb̃eran à g̃a.

8

1 Solu kú gbē kū ò Sitivī d̃enō kpe.

Solu wétamma m̃na Yesudenε

Zī birean ò nà wétāna s̃osi gbē kū ò kú Yurusalemunōa manamana.
Zīrinō baasi ò f̃āk̃sa ñ p̃ínki Yudea kū Samaria bùsunō gūn. 2 Ludayāmari
kenō Sitivī ṽi ò a g̃ē ɔɔ d̃ò kū wiki gbānao. 3 Akū Solu kokari kè kū s̃osi gb̃enō
kakatenaaο. Àdigō g̃ē ɔn kū ɔnnwo àg̃ō g̃ōgb̃enō kū nōgb̃enō k̃uk̃ū àg̃ō ñ g̃atε
à g̃é à ñ ká kp̃ésiran.

Baarunnakpana Samaria bùsun

4 Gbē kū ò f̃āk̃sanō g̃ēε ò Yesu baaruu kpà gu sīnda pínkin. 5 Filipi g̃ēε
Samaria bùsu wēte ken, akū à Arumasihu waazi kēñne. 6 Kū gb̃enō Filipi
yā mà, akūs̃ ò daboyā kū à k̃enō è, ò laakarii d̃ò yā kū àten oa kú nèse
m̃en doo. 7 Zaakū gbē kū ñ t̃ananō g̃óm̃ma kū wiki gbānaoñn dasi, akūs̃
k̃ñoñdenō kū εrenō w̃erek̃sa dasi. 8 Akū ò p̃onna kè manamana wēte p̃i gūn.

9 G̃ōgb̃ē ke kú gwe zaa zī òdi pine Simō. Àdigō daboyā ke à bō Samari-
adenō sare, akū à a zīda d̃itε gbē bèerεde ũ. 10 Né f̃iti gbē z̃ōk̃ō p̃ínki d̃i laakari
d̃o a yāa ò pi: Gbē p̃i bi gbē kū òdi pine Luda gbāna z̃ōk̃ōdeme. 11 Daboyā kū
àdigō ke ñ té zaa g̃ikena ñ kū gbāna. 12 Ama kū ò kpata kū à bō Luda k̃naa

baaru kŭ Filipi kpàñne kŭ Yesu Kirisi tsoo mà, ò sî, akŭ ò da'ite kè gōgbēnō kŭ nōgbēnō ñ pínki. ¹³ Bee Simō yā pìi sî à da'ite kè, akŭ à nà Filipia. Kŭ à daboyā kŭ gbāna yā zōkō kŭ Filipi ten kenō è, yā pìnō bò a sare.

¹⁴ Kŭ zĭrinō mà zaa Yurusalemu Samariadenō Luda yā sî, ò Pita kŭ Yuhanao zĭm̃ma. ¹⁵ Kŭ ò kà gwe, ò adua kèñne de ò Luda Nini le yāi. ¹⁶ Ò ñ da'ite kè yā kŭ Dikiri Yesu tsoo, ama Luda Nini dí didi ñ gbēkearo. ¹⁷ Kŭ ò ò nām̃ma, akŭ ò Luda Nini lè sà. ¹⁸ Kŭ Simō è ò Luda Nini è kŭ zĭrinō ònammanaao, akŭ à sùnne kŭ ògō ¹⁹ à pì: À ma gba gbāna pì se, de gbē kŭ ma ò nàa ni Luda Nini le. ²⁰ Akŭ Pita pìne: N ògō kakate kŭnwo, zaakŭ nten da ñni Luda gba lú kŭ ògōome. ²¹ N ò kŭ zĭ pìi gŭnlo, n baka kŭ a gŭnlo, zaakŭ n nēse mana Ludanero. ²² Ñ kpe li n yā vāni pìine ñ adua ke Dikiria, ke ani sŭru ke kŭnwo kŭ n laasun bire takao gwεε? ²³ Zaakŭ ma è kŭ sεwe zĭni kŭ n gŭn, durunna bàa kàñne. ²⁴ Akŭ Simō pì: À adua kemene Dikiria de yā kŭ a ò ke sŭn ma lero yāi.

²⁵ Kŭ Pita kŭ Yuhanao Dikiri sēedaa kè ò a yā dàñne, akŭ ò era òten tá Yurusalemu, òten baaru nna kpá Samaria lakutunō gŭn dasidasî.

Filipi kŭ Etiopia gbānade keo

²⁶ Dikiri malaika yā ò Filipine à pì: Ñ fute ñ gé gèñmidōki kpa. Ñ zé kŭ à bò Yurusalemu à gēe Gaza sé, zé kŭ à bòte gbārannan. ²⁷ Akŭ à dà zén. Etiopia gbēke té zé pìn. Etiopia bùsu saraunia kŭ òdi pìne Kandase begwariime, a aruzeke dākpārino gbē zōkōome. À sù à donyī kè Yurusalemu, ²⁸ akŭ à era àten tá à vutena a sōgo gŭn, àten annabi Isaya takada kyó ke. ²⁹ Akŭ Luda Nini pì Filipine: Ñ gé ñ na sōgo direi. ³⁰ Akŭ Filipi bàa lè à gēe. À mà àten annabi Isaya takada kyó ke, akŭ à a là à pì: Ñ kyó kŭ nten ke bōkote dō yā? ³¹ À wèa à pì: Tó gbēke dí a bōkōtemenero, mani fō mà a dōrō dō yā? Akŭ à Filipi sîsî à gè à vùte a sare. ³² Yā kŭ àteni a kyó ke pìn dí:

Lán sã kŭ òten gé a kùtu kpá bà,
lán sãne bōrō kŭ òteni a kã kē bà,
à yĭte kpēn adi lé wēkōaro.

³³ Ò wé'ì dàa,

odi yākpate ke kãao a zéaro.

Dí mé ani fō à a gōrō bire yā oo?

Zaakŭ ò a wèndii bò andunia gŭn.

³⁴ Akŭ gōgbē pìi pì Filipine: Ñ omene, dí musun annabi yā bire òo? A zĭdan yā ke gbē pāndeme? ³⁵ Naana Luda yā pìia Filipi Yesu baaru nna kpāne.

³⁶ Kŭ òten gé are, ò kà í ke kĭnaa, akŭ gōgbē pìi pì: Ñ í gwa la. Bó mé ani kpāmene mà da'ite keε? ³⁷ Akŭ Filipi pìne: Tó n yā pìi sî kŭ nēse mèn doo, ñni fō. À wèa à pì: Ma sî kŭ Yesu Kirisi bi Luda Néme. ³⁸ Akŭ à pì ò gó ze. Akŭ ñ pla ñ pínki ò kĭpa ò gè ín. Akŭ à a da'ite kè. ³⁹ Kŭ ò bikù bara, akŭ Dikiri Nini Filipi kpāgui, gōgbē pì dí a e doro, akŭ pōnna gŭn à dà zéla. ⁴⁰ Filipi a zĭda è ze Azotu, akŭ à gēe à Yesu baaru nna kpá wēte kŭ wēteo ari à gēe à kào Sizaria.

9

*Yesu bo à suna Solua
(Zĭr 22:6-16, 26:12-18)*

¹ Goro birea sō Solu ten pō bo a yīn, àten yā pāsī o Dikiri ìbano dedena yā musu. À gèe sa'oriki kīnaa, ² à gbèkaa à lá kē Damasuku aduakεkpeɔne à kpáawa, de tó à zé pì deno lè gwe, gōgbēno kū no gbēno n pínki, ani n kūkū à su kūnwo Yurusalemu. ³ Kū à dà zén, àten gé à kà káni kū Damasukuo, akū kánto gupura bō ludambe à dà mala. ⁴ À bō à lète, akū à kotoo mà à pìne: Solu, Solu, bō mé à tò nten wé tãmaa? ⁵ Akū à pì: Díme n ũu, Dikiri? Akū à wèa à pì: Makūme Yesu kū nten wé tãa ũ. ⁶ N fute n gē wēte gūn, oni onne yā kū ĩni ke. ⁷ Gbē kū òten gé kãaono gō sàii. Ò kotoo pì mà, ama odi gbēke ero. ⁸ Kū Solu fūte, à a wé wè, akū adi gu ero. Akū ò a kù a ɔa ò gèe kãao Damasuku. ⁹ À kè goro aakō gu'ena sari, adi pō blero adi í miro.

¹⁰ Yesude ke kú Damasuku kū òdi pìne Anania. Dikiri yā òne wégupu'ena gūn à pì: Anania. Akū à wèa à pì: Makūn dí, Dikiri. ¹¹ Akū Dikiri pìne: N fute n da zé kū òdi pì Súsun ari Yudasi be onn n Taasu gbē kū òdi pìne Solu gbeka. Àten adua ke gwe. ¹² Wégupu'ena gūn à n e, n su n ɔ nàa de à gu e. ¹³ Akū Anania pìne: Dikiri, ma mà ò gbē pì yā ò dasi, lākū à yā vāni kè n gbē kū ò kú Yurusalemunone nà. ¹⁴ Sa'orikino a gbà zé à gbē kū òteni n sísì lano kūkū. Abire yāin à sù. ¹⁵ Akū Dikiri pìne: N gé, zaakū ma gbē pì sè à gé ma tó bo buri pāndenone kū n kīnāno kū Isarailanome. ¹⁶ Lākū ani wétamma le ma tó yāi nà mani mone. ¹⁷ Akū Anania bō à gèe à gèe on pìn, à ɔ nà Solua à pì: Solu ma gbē, Dikiri Yesu kū à bō à sūmma zén goro kū nten su la, àkū mé à ma zī de n gu e Luda Nini summa yāi. ¹⁸ Gwe gōno pō bōte a wén lán kpòtekeke bā ò lète, akū à gu è. Akū à fūte à da'ite kè. ¹⁹ Kū à pō blè, à gbāna kù.

Solu waazikena zaa Damasuku

Solu goro pla kè kú Damasuku Yesudenɔ, ²⁰ akū à nà Yesu yā waazikenāa gōno Yudan aduakεkpeɔno gūn, à pì Yesu bi Luda Néme. ²¹ Yā pì bō gbē kū ò māno sare ò pì: Gbē bire mé adi gbē pì sísirino ásarū ke Yurusalemuroo? Àkū mé adi su la à n kūkū à tá kūnwo sa'orikino kīnaaroo? ²² Solu sō, a gbāna digō kara, akū a yā Yuda kū ò kú Damasukuno fū à bīriañe kú Yesu bi Arumasihume.

²³ Goro pla gbera Yudan lédokōno kei ò a de, ²⁴ akū à n lékpakūsūnaai pì mà. Òten wēte bīnileno dākpā fānantē kū gwāanio de ò a de yāi. ²⁵ Gwāanin Solu gbēno a dà tānkon ò a gbāre kū bāao bāai bona bīni musu.

Solu waazikena zaa Yurusalemu

²⁶ Kū à kà Yurusalemu, à wēte à na Yesudenɔa, akū ò vīna kēne n pínki, odi a Yesudekena náani kero. ²⁷ Akū Baanaba a sè à gèe kãao zīrino kīnaa, à gbāñne lākū Solu Dikiri è zén nà kū yā kū Dikiri òneeo kū lākū à Yesu yā ò gupuraa nà zaa Damasukuo. ²⁸ Akū Solu gè n té à kurè kūnwo Yurusalemu à yā ò gbēno kú Dikiri tso gupuran. ²⁹ Kū à yā ò Yuda Girikiyāmarinone à lékpakōa kè kūnwo, akū òten wete ò a de. ³⁰ Kū a gbēno dō, ò zēne Sizaria, akū à tà Taasu.

³¹ Abire gbera sōsi gbē kū ò kú Yudea kú Galilio kú Samaria būsuoɔnon kun aafia pínki. Òten gbāna kū òten gé are vīnakena Dikirinee gūn, òten kara kú Luda Nini n nēse kpàteñne yāi.

Ainea werekōanaa

³² Pita dì kure wēte kú wētēo pínki, akū à gèe Luda gbē kú ò kú Lidano gwa. ³³ À gōgbē kū òdi pìne Ainea è gwe, à kōno kú katena wè sɔraakō.

³⁴ Akū Pita pìne: Ainea, Yesu Kirisi n werekōa. Ñ fute ñ n pè koko. Akū à fùte gòno. ³⁵ Lidadeno kù Saronudenon a è, akū ò lite ò are dō Dikiria.

Tabita vuna gan

³⁶ Nōgbē Yesude ke kù Yopa a tón Tabita, kù Giriki yāo sō Dōkasi. Tó pì pì zō. Yā mana kenaa pèkerea, akūsō àdi takasidenon wēnda gwa. ³⁷ Goro birean à gyā kè à gā. Kū ò a zú ò, ò a sè ò wùte kpé musu gūn. ³⁸ Yopa sō à zā kù Lidaoro. Kù Yesudenon mà Pita kù gwe, ò ñ gbēnon planon zīa ò wé kēa ò pì: Ñ mós ó kīnaa likalika. ³⁹ Akū Pita fùte à gēe kūnwo. Kù à kà, ò didi kāao kpé pìi musu. Akū gyaanonon nài ñ pínki kù sōdōo, ò uta kù pōkasa kù Tabita kè goro kù à kpé kù kūnwonon mōne. ⁴⁰ Pita pèrūma à ñ bōte bàai. À kùte à adua kè, akū à are dō gēe pīia à pì: Tabita, ñ fute. Kù à wé wè, à Pita è, akū à vùte. ⁴¹ Pita a kù a oà à a fùte à a zè. Akū à Luda gbē pīno sīsī kù gyaanonon, akū à a kpāmīma bēne. ⁴² Yā pīi dà Yopala pínki, akū ò Dikiri náani kè gwe dasi. ⁴³ Pita goro pla kè gwe Simo Āna bea.

10

Pita kù Kōneliuo

¹ Gbēke kù Sizaria a tón Kōneliu. Àkūme soza gā kù òdi pì Itali gā gbē zōkō ũ. ² Gbē pì bi ludayāmariime, àdigō Luda vīna vī àpīi kù a bedenon ñ pínki. Àdi gba da manamana, akūsō àdigō adua ke gēn baaakō. ³ Zīkea fānantē mō aakō à Luda malaikaa è tētētē wégupu gūn, à gè a bea à pīne: Kōneliu. ⁴ Akū Kōneliu wé wēa kù vīnao, akū à pì: Bómee, Dikiri? À wèa à pì: N aduakena kù n gbadana gbēnonneeo kà Luda kīnaa, akū à sī. ⁵ Ñ gbēno zī Yopa sà, de ò Simo kù òdi pīne Pita sīsī. ⁶ À kīpa gbē kù òdi pīne Simo Āna bea. A be kù ísira léa. ⁷ Kù malaikaa pīi tà, Kōneliu a zīkeri gbēnon pla kenon sīsī kù soza ludayāmari kù à naaao. ⁸ Kù à yā pīi bàbañne pínki, akū à ñ zī Yopa.

⁹ Kù gu dō, akū ò dà zén, ò kà kāni kù wēte pīio. Goro birea kù ifāntē kà midangura, Pita dī kpé musu de à adua ke. ¹⁰ Nà teni a de à ye à pō ble, akū goro kù òten pōble ke à wégupu è. ¹¹ À ludambe è wēkōana, pōke ten kīpa lán biza zōkōo bà. Bà dōdōna a kusuru mēn siikōnōa pínki, àten su zīte. ¹² Pó buri sīnda pínki kù a gūn, nōbōno kù pō kù òdi taa o kù kuaonon kù bāno. ¹³ Akū ò pīne: Pita, ñ fute ñ de ñ só. ¹⁴ Akū Pita pì: Agya Dikiri. Madi tē pō ke pō gbāsī ble zikiro. ¹⁵ Akū à kōtoo pīi mà a gēn plade dō ò pì: Pō kù Luda pì à swāswa, ñsun a tē boro. ¹⁶ À kè le gēn aakō, akū kānto ò pō pīi gā ò tào ludambe.

¹⁷ Pita ten bīdi ke wégupu kù à è pīia, akū Kōneliu zīri kù ò Simo be gbēkanon kà gōno, ò zena gānu léa. ¹⁸ Ó lé zù ò gbēka tó gwen Simo kù òdi pīne Pita kīpan. ¹⁹ Ari tera Pita ten laasun lé wégupu kù à èea, akū Luda Nini pīne: Gbēnon aakōno teni n gbēka. ²⁰ Ñ kīpa ñ gé kūnwo sikaa sari, zaakū makū mé ma ñ zīmīma. ²¹ Akū Pita kīpa à gēe gbē pīno kīnaa à pì: Makūme gbē kù átēn gbēka ũ. Bó yā mé à tò a su laa? ²² Ó pì: Sozanon gbē zōkō Kōneliu mé à ó zī. Gbē maname, à Luda vīna vī. Yudanon pínki dī a tō nna sí. Luda malaikaa pīne à n sīsī ñ su a bea de à n yā ma. ²³ Akū Pita gē kūnwo onn à ñ yārii kè.

Kù gu dō, à fùte à dà kūnwo zén. Yopa Yesude kenon gēe kāao leele. ²⁴ A goro aakōden ò kà Sizaria. Kōneliu a danenon kù a gbēnna kāninon kākara

àteni n̄ dā. ²⁵ Kū Pita gē ɔnn, akū Kɔneliu gēè à dàale à kùte a arɛ. ²⁶ Akū Pita a fùtè à pì: N̄ fute n̄ zɛ. Bisāsirin ma ũ se. ²⁷ Àten yā o kāao ari ò gēè ò gē kāao kpén, akū à gbēnɔ lè kakarana gwe dasidasi. ²⁸ À pìnnɛ: Á dō kū Yudanɔ zé vī ò yākate kū buri pāndeo ari ò gē n̄ ɔnnlo. Ama Luda mòmɛne māsun gbēke gbāsī gwa ke mà a tè boro. ²⁹ A yā mé à tò kū ò ma sisi, ma su sikaa sari. Má ye mà yā kū a ma sisiia ma sà. ³⁰ Akū Kɔneliu pì: A gɔɔ siikōden dí kū maten adua ke ma bea ifāntē m̀ aakō mandara'i. Akū kánto ma gbēke è zena ma arɛ à pókasa kū àten té ke dana ³¹ à pì: Kɔneliu, Luda n aduakɛnaa si, n gbadanaa kàagu. ³² N̄ gbēnɔ zī Yɔpa Simɔ kū òdi pine Pita sisi. À kipa Simɔ Ana bea zaa isira léa. ³³ Akū ma gbēnɔ zìmma g̀nɔ. Lákū n su nà à kè mana. Tera sà ó pínki ó kú la Luda dōnaa gūn, de ò yā kū Dikiri ònne n̄ owɛɛ ma yāi.

Pita yā'onaa

³⁴ Pita nà yā'onaaa à pì: Ma sì yāpura sà kū Luda dì gbēke wé gwaro. ³⁵ Buri sīnda pínki té gbē kū àten vīna kɛnɛ, akūsō àdi yā mana ke, ade yā mé àdi káagu. ³⁶ Á légbāzā kū Luda kè Isarailanɔne dō, à kɛna kāao nna Yesu Kirisi gāi baaru nna kpānne. Àkūmɛ buri sīnda pínki Dikiri ũ. ³⁷ Á yā kū à kè Yudea gu sīnda pínki dō, lákū à nàa nà zaa Galīli Yahaya waazikɛna da'itɛkɛna yā musu gbera. ³⁸ Á dō lákū Luda a Nini pisi Yesu Nazeraa nà, akū à kú kú gbānao à gēè wēte kū wēteo, à yā mana kèr̀ne à gbē kū Ibilisi n̄ ɔ fḗr̀ne n̄ kpɛnɔa wèrekōa, zaakū Luda kú kāao. ³⁹ Ókōnɔmɛ yā kū à kè Yudea b̄usun kū Yurusalemuo pínki sèedadɛnɔ ũ. Ò a lòko lía ò a dè, ⁴⁰ akū Luda a vù gan a gɔɔ aakōde zī à tò à a zīda m̀wɛɛɛ. ⁴¹ Adi ke gbē sīnda pínki mé à a èro, sé ókōnɔ kū Luda gīnake à ó sé a sèedadɛnɔ ũ. A vuna gan gbera o pò blè o í mì kāao. ⁴² Akū à dāwɛɛ ò waazi ke gbēnɔne ò oñne kū akāame gbē kū Luda dite gbē bēnɛnɔ kú gyāwāndenɔ pínki yākpatekeri ũ. ⁴³ Annabino pínki a yā ò ò pì gbē kū ò a náani kènɔ durunnanɔ ni kēr̀ma a tó gāi.

Luda Nini kipana buri pāndenɔne

⁴⁴ Gɔɔ kū Pita kpé àten yā pì oñne, Luda Nini kipa gbē kū òten yā pì manɔa n̄ pínki. ⁴⁵ Yā p̄i b̀ò Yuda Yesude kū ò sù kū Pitaonɔ sare, kū bee buri pāndenɔn Luda a Nini p̄isim̄ma gba ũ yāi. ⁴⁶ Zaakū ò mà òten yāke buri o òten Luda yābonsare kɛnanɔ o. Akū Pita pì: ⁴⁷ Gbē p̄inɔ Luda Nini lè lán ó bà. Dí mé ani f̄ō à gī́ne ò da'ite kɛɛ? ⁴⁸ Akū à pì ò da'ite kèr̀ne kú Yesu Kirisi t̄so. Akū ò wé kèa à gɔɔ pla ke k̄únwo.

11

Pita buri pāndenɔ yā gbana Yuda Yesudenɔne

¹ Z̄irinɔ kú Yesude kú ò kú Yudeanɔ mà lákū buri pāndenɔ Luda yā sì nà se. ² Kū Pita sù Yurusalemu, gbē kú ò zè kú t̄z̄yāonɔ a taari lè ³ ò pì: N̄ gē gyɔf̄ɔɔndenɔ bea n pò blè k̄únwo. ⁴ Akū Pita fùtè àten yā pì b̄ok̄tɛr̀ne zéazea à pì: ⁵ Má kú Yɔpame, maten adua ke, akū ma wégupu è. Ma pòke è lán biza z̄k̄ōò bà, bà d̄od̄ona a kusuru mèn siikōnɔa, à b̀ò ludambe àten kipa ma kīnaa. ⁶ Ma wé pèa tíii, ma n̄b̄onɔ è a gūn, s̄ente p̄onɔ kú pò kú òdi t̄aa o kú k̄uaonɔ kú b̄anɔ. ⁷ Akū ma kòtoo mà ò p̄imɛnɛ: Pita, n̄ fute n̄ dɛ n̄ só. ⁸ Akū ma pì, agya Dikiri, tè pò kes̄ pò gbāsī ke dí gē ma lén zikiro. ⁹ Kòtoo pì bona ludambe gèn plade pì d̄o, pò kú Luda kèke à g̀ò swáswa, màsun a

tè boro. ¹⁰ À kè le gèn aakō, akū ò èra ò gà pínki ò tàò ludambe. ¹¹ Goro bire gōno gbēnon aakō kū ò n zīma bona Sizariano sù on kū má kún. ¹² Akū Luda Nini pìmenē mà gé kúnwo sikaa sari. Ó gbēno gbēnon suddo dīkīnāno gèe kūmao lēle se, akū o gē gbē kū à gbē pino zīma bea. ¹³ Akū à òwēre lākū a malaikaa è nà, à bò à sùawa a kpén à òare à gbē zī Yopa à ma sísi, ¹⁴ de mà yā kū ani a sura ba oare, akāa kū a bedenō n pínki. ¹⁵ Kū ma na yā'onāaa, Luda Nini kīpañma lākū à kīpawá káaku nà. ¹⁶ Akū yā kū Dikiri ò dí dōmagu kū à pì, Yahaya gbēno da'ite kè kū ío, akāa sō áni ó da'ite kè kū Luda Ninio. ¹⁷ Lākū Luda gba dokōno kēñne kū ókōno kū o Dikiri Yesu Kírisi náani kēno nà, dín ma ú mà fō mà gí Ludanē? ¹⁸ Kū ò yā pìi mà, odi yāke o doro, akū ò Luda tó bò ò pì: O è Luda èra à buri pāndenō gbà zé dō ò nèse lite ò wēndi kū àdi lākaro le.

Antiokudenō zēna kū Yesuo

¹⁹ Wētāmmana kū à fute Sitivī ga gbera mé à tò gbēno fākōa ò tà Fenisia būsun kū Sipiru būsuo kū Antiokuo, òten Luda yā o Yudanone ntēne. ²⁰ Ama n gbēkenō bi Sipiru būsuo kū Sireni būsuo gbēnone, akū ò gēe Antioku òten yā o buri pāndenone se dō, òten Dikiri Yesu baaru nna kpáñne. ²¹ Dikiri ten o daríma, akū gbēno yā pìi sì dasidasi ò are dō Dikiria.

²² Akū yā pì baaru kà Yurusalemu sōsi gbēno kīnaa, akū ò Baanaba zī Antioku. ²³ Kū à kà gwe, à è lākū Luda arubarikaa kēñne nà, akū a pō kè nna. À lé dàmma n pínki ò ze kū Dikiri kū nèse mēn doo. ²⁴ Baanaba bi gbē maname, Luda Nini kū ludanaanikēnaao pēkērea, akū ò kàra Dikiri gbēno gūn dasidasi. ²⁵ Akū Baanaba gēe Taasu de à Solu wete. ²⁶ Kū à a lè, akū à sù káao Antioku. Ódigō kakara kū sōsi gbēno dasidasi ògō yā dañne ari wē do papana. Antioku gwen ò Yesu ibanō sisin Yesudenō ū káaku.

²⁷ Goro kúa annabinō bò Yurusalemu ò sù Antioku. ²⁸ N gbē kū òdi pine Agabu fute à zè à gīnake à nà zōkō kū ani ká andunia gūn pínki yā óñne kū Luda Nini gbānao. Kalaudiu kīblena goron nàa pìi kà. ²⁹ Akū Yesudenō zēo ò n gbē kū ò kú Yudeano kámaza ke lākū baadi gbāna kà nà ò kpāzāñne. ³⁰ Akū ò kè le ò Baanaba kū Soluo zìo ò kpá n gbē zōkōno.

12

Yamisi dena kū Pita dana kpésiranwo

¹ Goro kúa kína Herodu o pète Yesude kenōa pásipāsī. ² À Yuhana vñi Yamisi dè kū fēnedao. ³ Kū à è yā bire kè Yudanone nna, akū à èra à Pita kù dō. À abirekū kè Burodi Futenasari dikpe zīme. ⁴ Kū à Pita kù, à a dà kpésiran à a nà sozanone n oī ò a dākpā. Soza pino gà do bi gbēnon siisiikōme leu siikō. À dite à yākpate ke káao gbēno wára Vīnla dikpe gbera. ⁵ Akū ò Pita kúna kpésiran, ama sōsi gbēno ten adua kēne zēnaa sari.

Pita bona kpésiran

⁶ Zī kú tó gu dō kú Herodu ni bo káao, zī birea gwāanin Pita ten i o soza gbēnon planō dagura yīna kū mōkakōanaao mēn pla, akūsō gbēnon planon kú kpélelele òten kpé pì dākpā. ⁷ Kānto gōno Dikiri malaikaa gè gwe, akū kpé pì pura kù. À Pita lè a gbāntērea à a vù à pì: N fute likalika. Akū mōkakōanaa pino bōte a o. ⁸ Akū malaikaa pìi pine: N n uta da n n kyate kpá. Pita kè le, akū malaikaa pìi pì: N n uta kakara n kú n tēmai. ⁹ Akū Pita bò à tēi. Adi yā kú malaika ten kēne dō yāpura ūro, àten da áten nana

ome. ¹⁰ Ō gè̄te gudākṗāri káakula kū a pladeo, akū ò kà bīnilea. Bīnile pìi gbà bi m̀òme, akū à wè̄ñne kū a zīdao. Ō b̀òte òten gē wē̄ten, akū gwe g̀òno malaikaa pì Pita tò zéda gūn. ¹¹ Kū Pita wé kè à pì: Má d̄s s̄ans̄an sà kū Dikiri a malaikaa z̄i de à ma bo Her̄odu oī kū yā kū Yudan̄o wé d̄oi ò kemeneo p̄ínki.

¹² Kū a laakarīi s̀ù, à gè̄e Yuhana kū òdi pine d̀o Maaku da Mariama bea. Ō kakarana gwe dasidasi òten adua ke. ¹³ Kū à gānu gbà lè, akū ñgbē zīkeri kū òdi pine Roda gè̄e gwa. ¹⁴ Kū à Pita kòtoo d̀ò, p̄onna gūn adi zé w̄ro, à bàa lè à èra à gè̄e à p̄inne Pita ze kpélelea. ¹⁵ Ō p̄ine: Īa ten kámma yá? Akū à zèò kū yápurame. Akū ò pì: A malaikaame. ¹⁶ Pita kpé àten gbà lé. Kū ò wè, ò a è, akū yā p̄ii b̀ò ñ sare. ¹⁷ Akū à ò kè̄ñne yáku ò yīte, akū à bàbañne lākū Dikiri a bo kpésiran nà. Akū à pì: À gé à o Yamisine kū ó gbē kparano. Akū à b̀ò à gè̄e gu p̄andea d̀o.

¹⁸ Kū gu d̀ò, zuka gbāna kà sozano dagura òten k̄o lala: B̄ó mé à Pita lèe? ¹⁹ Her̄odu pì ò a wete. Kū odi a lero, akū à yā làla gudākṗārii p̄in̄o, akū à pì ò ñ dede.

Her̄odu ganaa

Abire gbera Her̄odu b̀ò Yudea à gè̄e à ḡoro pla kè Sizaría. ²⁰ À p̄o fè̄ Tayaden̄o kū Sid̄oden̄oi manamana, akū gbē bireno lédok̄ño kè ò s̀ù a gwa leele. Ō gè̄e k̄ina pì begwari Blasatu k̄inaa. Kū Blasatu ñ yāze è, ò gè̄e lédok̄ño ke kū Her̄oduo, zaakū ñ b̀usu p̄oble d̄i bo a b̀usumme.

²¹ Kū ḡoro kū ò d̄ite kà, Her̄odu a k̄ible'utano dà à gè̄e à v̄ute a tintinnwa, akū à yā ò gbē̄one. ²² Gbē̄no wiki lè ò pì: Luda ke mé àten yā o, adi ke bisāsirinlo. ²³ Gwe g̀òno Dikiri malaika a lè à a nè, kū adi z̄k̄ke d̄o Ludanero yāi, akū a m̄eē k̄k̄o kà à gà.

²⁴ Luda yā tén dagula àten kara. ²⁵ Baanaba kū Soluo s̄o, kū ò ñ kámaza yā kè̄e ò làka, ò b̀ò Yurusalemu ò Yuhana kū òdi pine Maaku sè ò tà k̄ao.

13

Baanaba kū Soluo z̄inaa

¹ Annabin̄o kū yādannerin̄on kú Ant̄ioku s̄osi gbē̄no té, ñ t̄ón Baanaba kū Simēo kū òdi pine Bárasirao kū Sir̄eni b̀usu gbē Lusiuo kū Manae kū à né blè kū k̄ina Her̄oduo leele kū Soluo. ² Ḡoro kū òten donyī ke Dikirine kū léyīnaao, Luda Nini pì: À Baanaba kū Soluo d̄ite ñdona z̄i kū ma ñ séa yāi. ³ Kū ò lé ȳi ò adua kè, akū ò ò d̄id̄ir̄ma ò ñ gb̄aré, ò dà z̄én.

Kunna Sip̄iru b̀usun

⁴ Kū Luda Nini Baanaba kū Soluo z̄i le, ò gè̄e Selusia. Zaa gwe ò gè̄e gó'iten ò gè̄e Sip̄iru b̀usun. ⁵ Kū ò kà Salami, ò Luda yā waazi kè Yudan̄o aduak̄ep̄eno gūn. Yuhana Maaku kú k̄uñwo kpanyīri ū. ⁶ Ō gè̄te luan p̄ila ari Paf̄o, akū ò kpākū kū Yuda dabokeri kū à de annabi éke ūo gwe. A t̄ón Yesune. ⁷ Àdiḡo kú kū b̀usuu pì gbē z̄k̄o Segiu Poluo. Gbē z̄k̄o pì bi ònd̄riime, akū à Baanaba kū Soluo sisi kū à ye à Luda yā ma yāi. ⁸ Dabokeri pì t̄ón Elima kū Giriki yāo. À ibereē sè k̄uñwo, àten wete à gbē z̄k̄o pì s̄a v̄ú de àsun Yesu náani kero yāi. ⁹ Akū Solu kū òdi pì d̀o Polu, Luda Nini d̄idia, akū a wé pè̄ Elimaa à pì: ¹⁰ Ib̄ilisi n̄eno doke kem̄e n̄ u! Mana s̄inda p̄ínki kparaside! Bisāsiri kū yā v̄ani s̄inda p̄ínki pè̄k̄era! Wé̄z̄eri p̄āsī! Īni Dikiri zé s̀usu litena kp̄edangara t̄oro? ¹¹ Tera sà Dikiri ni ò kút̄emma de

ñ v̄ina kū. Īni ḡoro pla ke kū ifántē'enaao. Gwe ḡōno Elima wé ḡō dāadāa, gusira kùtea. Akū àten ɔ mátematē à gbē wete à a ɔ kū. ¹² Kū gbē z̄ók̄ɔ pì yā kū à kèe p̄i è, à Dikiri náani kè, zaakū Dikiri yā kū P̄olu dànē a kū gbāna.

Kunna Antiokū kū à kú Pisidia b̄usun

¹³ Akū P̄olu gē g'iten kū a gbēno ò bò Pafò ò gèe Pega, Pamfilia b̄usun. Gwen Yuhana Maaku ñ tón à èra à tà Yurusalemu. ¹⁴ Bona Pega ò gèe Antiokū kū à kú Pisidia b̄usun. Kámmaboḡoro z̄i ò gèe ò vùte aduakekpen. ¹⁵ Doka kū annabinɔ takadanɔ kyókenaa gbera aduakekpe gbē z̄ók̄ɔno gbē z̄i à p̄inne: Gbēno, tó á karana yáke v̄i à o gbēno, à o. ¹⁶ Akū P̄olu fùte à ɔ kèinne à p̄i: Isarailano kū buri pānde donyīrino, à ma yā ma. ¹⁷ Isarailano Luda ó dizino sè, akū à ñ buri kàra kū ò kú Misila b̄usun. Akū à bò kúnwo gwe kū a gbāna z̄ók̄ɔo. ¹⁸ À ñ gwa gbáranan lán wè bupla taka bà. ¹⁹ À gbāna blè Kanaanɔ b̄usu buri mèn supplanɔa, akū à ñ b̄usuu p̄i kpámma. ²⁰ A p̄inki kà wè wàa pla kpé bupla akuri taka bà. Abire gbera à yāḡōrino d̄iteñne ari à gèe pé annabi Samuelia. ²¹ Kū ò kina gbèka, akū Luda Kisi né Solu, Biliaminu buri d̄iteñne. À kpata blè wè bupla, ²² akū Luda a bò kpatan à Dauda kà a gēne ū. Luda Dauda yā ò à p̄i à lè Yese né Dauda laasan p̄o kèare, ani a p̄oyeina p̄inki yā keme. ²³ A buri gūn à Yesu bòn Isarailanɔe Surabari ū lākū à a lé sè nà. ²⁴ Ari Yesu p̄i ḡé su Yahaya ḡinake à waazi kè Isarailanɔe ñ p̄inki, à òñne ò ñ n̄ese litē ò da'ite ke. ²⁵ Kū Yahaya z̄i ye à láka à p̄i: Dín àten da má de a ūu? Gbē kū àten wé d̄in ma ūro. À ma! Ade ten su ma gbera, mádi ká mà a kyate bobonero.

²⁶ Ma gbēno, Ibrahī burino kū buri pānde donyīrino, ók̄onon Luda surabana yā díkina kp̄azawere. ²⁷ Yurusalemudeno kū ñ gbānadeno dí Yesu d̄oro, odi annabinɔ takada kū òdiḡo a kyó ke kámmaboḡoro z̄i p̄inki zé d̄oro, akū ò tò annabii p̄ino yā p̄apa ò yā dàala. ²⁸ Odi yáke lea kū à kà ò a dero, akū ò wé kè Pilatia de ò a de. ²⁹ Kū ò yā kū ò kè a yā musu kè p̄inki, ò a k̄ipa lía ò a wùte miran. ³⁰ Ama Luda a vù bona gan. ³¹ A ḡoro pla kenaa gūn à bò à sù gbē kū ò bò Galili ò gèe k̄ao Yurusalemunɔa. M̄ók̄onome a sèedadeno ū gbēno. ³² Ók̄onō s̄s, o su a baaru nna kp̄áare. Lākū Luda lé sè ó dizino ò nà ³³ à kè ók̄onō kū ó de ñ buri ūno, à Yesu vù lán ò ò Zabura plade gūn nà. Luda p̄i:

Ma néme n ū,
gbāran ma n i.

³⁴ Adi yagi kero, ama Luda a vù bona gan lākū Luda ò nà yā à p̄i:

Mani kúadona arubarika keáre yāpura

lākū ma ò Daudanē nà.

³⁵ Akū ò ò gukea d̄o ò p̄i:

Īni we n gbē kū à kú adona yagi kero.

³⁶ Dauda s̄s à Luda p̄oyenyīnaa kè a ḡoroa, à ḡà ò a mira kp̄akūsū kū a dizino p̄o, akū à yagi kè. ³⁷ Gbē kū Luda a vù bona gan p̄i dí yagi kero. ³⁸ Ma gbēno, àḡō d̄s kū durunnanɔ kēmmana waazi kū óten keáre bò Yesu ḡaime.

³⁹ Musa doka dì f̄s à tò Luda yā bo kúnwo nnaro, ama Luda dì tò yā bo kū gbē kū òten Yesu náani kenɔ nna a p̄inki gūn. ⁴⁰ À laakari ke, de yā kū annabinɔ ò sún á lero ⁴¹ ò p̄i:

À ma, ák̄onɔ lalandikerino,

à ke giri à kakate,

zaakū mani yáke ke á ḡoroa.

Bee tó ò òáre, áni síro.

⁴² Kū Pɔlu kū Baanabao ten bɔte aduakekpen, ò wé kèrma ò era ò su yā pì oñne kámmabogɔɔ làa dɔ. ⁴³ Kū òten fákɔa, Yudanɔ kū gbē kū òdi donyī ke kúñwɔnɔ bò ò tɛ Pɔlu kū Baanabaoɔi dasi. Ò yā òñne ò lé dàrma, de ògɔ gé are kū gbēke kū Luda kèñmeo.

⁴⁴ Kámmabogɔɔ làa wɛtedenɔ kàkara n̄ pínki ò sù Dikiri yā ma. ⁴⁵ Kū Yudanɔ pari è lé, ò nèsegɔbaa kpà manamana, akū òten Pɔlu yā éke bo òteni a sɔsɔ. ⁴⁶ Akū Pɔlu kū Baanabao yā òñne kū swègbānao ò pì: Ákɔnɔn à kù ò Luda yā oáre káaku gĩa. Zaakū a gii áten da ádi ká à wèndi kū àdi lákaro lero, óni era ò are dɔ buri pāndenɔa sà. ⁴⁷ Zaakū Dikiri yā dí dítewere à pì: Ma n dite gupura ũ buri pāndenɔne, de ò gé kū surabana yāo ari zíte léa.

⁴⁸ Kū buri pāndenɔ yā pì mà, n̄ pɔ kè nna ò bèereɛ l̄i Dikiri yāne, akū gbē kū Luda n̄ díte wèndi kū àdi lákaro pɔ ũnɔ Yesu náani kè.

⁴⁹ Akū Dikiri yā dà bùsuu pila pínki. ⁵⁰ Yudanɔ ɔ zò buri pānde nɔgbē donyīri bèereɛdenɔi kū wɛte gbānadenɔ, akū ò wé tà Pɔlu kū Baanabaoa ò pèrma n̄ bùsun. ⁵¹ Ò lukutɛ kpùkekpuke n̄ gbānɔa n̄ tona kū Ludao sèeda ũ, akū ò gèe Ikɔniu. ⁵² Yesudenɔ sɔ, Luda Nini pèkerem̄ma kū pɔnnao.

14

Kunna Ikɔniu

¹ Ò kè Ikɔniu lákū òdi ke nà, ò gè Yudanɔ aduakekpen ò yā ò ari Yudanɔ kū buri pāndenɔ Dikiri náani kè dasidasi. ² Akū Yuda kū ò gi yā pì síino buri pāndenɔ sã vù Yesudenɔne ò ibereɛ sè kúñwo. ³ Bee kū abireo Pɔlu kū Baanabao gɔɔ pla kè gwe ò Dikiri yā ò kū swègbānao, akū Dikiri n̄ gbá zé ò sèedanɔ kū daboyānɔ kè, kū à yāpura kpà a gbēkeyā kū òten oa. ⁴ Akū wɛtedenɔ kèkèkɔa, gbēkenɔ zè kū Yudanɔ, gbēkenɔ sɔ kū zìrinɔ. ⁵ Akū Yudanɔ kū buri pāndenɔ kū n̄ gbānadenɔ zèo ò wé tārma ò n̄ pápa kū gbèeo. ⁶ Kū Pɔlu kū Baanabao n̄ yā dɔ, akū ò bàa s̄i ò tà Likaonia bùsu wɛtenɔ gūn, Lisitira kū Debio kū n̄ lakutunɔ. ⁷ Akū ò kpé òten baaru nna pì kpáine gwe.

Kunna Lisitira

⁸ Gɔgbē ke kú Lisitira a gbánɔ íbana. Zaa lákū ò a ò nà ereeme, adi táa o zikiro. ⁹ Áten sã kpá Pɔlu yāi, akū Pɔlu wé pèa tíii, à è a ludanaanikɛnaa kà à a werekɔa, ¹⁰ akū à p̄ine kū kòto gbānao: N̄ fute n̄ ze n gbáa. Akū à v̄i à zè à nà taa'onaa. ¹¹ Kū gbēnɔ è lákū Pɔlu kè nà, akū ò wiki kàkara kū Likaonia yāo ò pì: Tānanɔ l̄i bisāsirinɔ ũ ò k̄ipawá. ¹² Ò tɔ kpà Baanabane Zusu, Pɔlu sɔ Emesi kū àkū mé àdi doñne are kū yā'onaao yāi. ¹³ Zusu pì kpé kú wɛte kpe, akū a gbàgbarii sù kū zùsa kū ò lávu zāblebɔ kèñnenɔ wɛte b̄inilea. À ye gbēnɔ sa oo zìrinɔa. ¹⁴ Kū Baanaba kū Pɔluo yā pì mà, ò n̄ utanɔ gāga ò kèkè, akū ò s̄i gbēnɔ tɛ kū wikio ¹⁵ ò pì: Gbēnɔ, bó yā mé à tò áten ke lee? Bisāsirinɔn ó ũ se lán á bà. Baaru nnan òten kpáare, de à kpe li pɔ gina d̄inɔne à are dɔ Luda Wèndideia. Àkū mé à musu kè kū zíteo kū ísiraio kū pɔ kú ò kú a gūnnɔ pínki. ¹⁶ À buri s̄inda pínki tò yā ò n̄ z̄ida zé sè. ¹⁷ Bee kū abireo à a z̄ida m̄áre yāmanakɛnaa gūn. Àdi tó legū maare de à pɔ kè a gɔɔa. Àdi á gba pɔble dasi de àgɔ kú pɔnna gūn. ¹⁸ Bee kū yā bire onao, gbāna kū gbānao ò gbasa ò gi gbēnɔne ò sa oñma.

19 Akū Yudanɔ̀ bò Antiɔku kū Ikɔniuo ò sù ò gbɛ̀nɔ̀ sã vù. Akū ò Pɔlu pàpa kū gbɛ̀eɔ̀ ò a gâte ò bò kãao wɛ̀tɛ kpe, òtɛn da à gãmɛ. 20 Kū Yesudenɔ̀ kàkarai, akū à fùtɛ à gɛ̀ wɛ̀tɛ gūn. Kū gu dɔ̀, àpii kū Baanabao gɛ̀tɛ Debi.

Zìrinɔ̀ tana Antiɔku

21 Kū ò baaru nna kpàñne wɛ̀tɛ pìi gūn, ò gbɛ̀nɔ̀ lè dasidasi. Akū ò ɛ̀ra ò gɛ̀ Lisitira kū Ikɔniuo kū Antiɔkuo, 22 òtɛn Yesudenɔ̀ gba gbàna, òtɛn lé dañma ò wé tã Yesu náanikɛnaaa ò pì: Séde ò wari kɛ manamana, gbasaa ò gɛ̀ kpata kū à bò Luda kīnaa gūn. 23 Ò gbɛ̀ zɔ̀kɔ̀nɔ̀ dītɛñne sɔ̀si kū sɔ̀sio, akū ò adua kɛ̀ñne kū léyīnaa ò ñ ná Dikiri kū ò a náani kè ɔ̀.

24 Kū ò bɔ̀tɛ Pisidia b̀usu kpa, akū ò kà Pamflia b̀usun. 25 Ò Luda yã ò Pɛga, akū ò gɛ̀ Atalia. 26 Gwen ò gɛ̀ gó'itɛn ò tã Antiɔku, gu kū ò ñ ná Ludanɛ a ɔ̀ yã, de à gbɛ̀kɛ kɛ̀ñne zī kū ò kè ò làka tera yã musu. 27 Kū ò kà, ò sɔ̀si gbɛ̀nɔ̀ kàkara ò yã kū Luda kɛ̀ñne gbàñne pínki, lákū à buri pãndenɔ̀ gbà zé ò a náani kè nà. 28 Akū ò gɔ̀ɔ̀ pla kè kúñwo gwe.

15

Yágɔ̀gɔ̀na Yurusalemu

1 Gbɛ̀kenɔ̀ bò Yudea ò sù Antiɔku, akū ò yã dà Yesudenɔ̀nɛ ò pì: Tó ádi tɔ̀ zɔ̀ lákū Musa dītɛ nàro, áni surabana lero. 2 Pɔlu kū Baanabao zuka kãnyī ò lékpakɔ̀sa kè kúñwo manamana yã pìi musu. Akū Yesudenɔ̀ zɛ̀o Pɔlu kū Baanabao kū ñ gbɛ̀kenɔ̀ gɛ̀ Yurusalemu de ò yã pìi gɔ̀gɔ̀ kū zìrinɔ̀ kū gbɛ̀ zɔ̀kɔ̀nɔ̀. 3 Ò gɛ̀tɛ ò zɛ̀ñne, akū ò bɔ̀tɛ Fenisia kū Samariao b̀usu kpao. Ò buri pãndenɔ̀ nɛ̀selitɛna yã bàba ñ gbɛ̀nɔ̀nɛ gwe, akū ñ pɔ̀ kè nna manamana. 4 Kū ò kà Yurusalemu, sɔ̀si gbɛ̀nɔ̀ kū zìrinɔ̀ kū gbɛ̀ zɔ̀kɔ̀nɔ̀ gbànakɛ kpànyī, akū ò yã kū Luda kɛ̀ñne pínki baaruu kpàñne. 5 Akū Farisi Yesude kenɔ̀ fùtɛ ò pì: Séde buri pãndenɔ̀ tɔ̀ zɔ̀, ò oñne ògɔ̀ Musa doka kúna. 6 Akū zìrinɔ̀ kū gbɛ̀ zɔ̀kɔ̀nɔ̀ kɔ̀ kàkara òtɛn yã pìi gwa. 7 Kū yágɔ̀gɔ̀naa gbàna kù, Pita fùtɛ à pìñne: Ma gbɛ̀nɔ̀, á dɔ̀ kū Luda ma dītɛ á tɛ à gii kè, de buri pãndenɔ̀ Yesu baaru nna ma ma lén ò a náani kɛ. 8 Luda gbɛ̀ sīnda pínki nɛ̀sɛ dɔ̀, akū à ñ gbá a Nini ñ sinaa sèeda ũ lákū à ó gbá nà. 9 Luda dí ñ dītɛ dodo kū ókɔ̀nɔ̀ro. Á ñ nɛ̀sɛ pìpìñne kū ò Yesu náani kè yá. 10 Bó yã mé à tò áten Luda lé áten gwa teraa? Aso kū ó dizinɔ̀ fua ò sé kú ókɔ̀nɔ̀n á ye à diñne yá? 11 Lenlo! Ó sì kú óni surabana le Dikiri Yesu gbɛ̀kɛ yá lán mɔ̀kɔ̀nɔ̀ bà se.

12 Gbɛ̀nɔ̀ kè kítikiti ñ pínki, akū ò sã kpà Baanaba kū Pɔluo, òtɛn sèedano kū daboyã kū Luda kè ñ gã buri pãndenɔ̀ ténɔ̀ oñne. 13 Kū ò yã ò ò làka, Yamisi fùtɛ à yã ò à pì: Ma gbɛ̀nɔ̀, à ma yã ma. 14 Simɔ̀ ò lákū Luda wé pà buri pãndenɔ̀la káaku nà à gbɛ̀nɔ̀ sè ñ tɛ a pɔ̀ ũ. 15 Annabinɔ̀ yãno kɔ̀ sè kú abireo, zaakū ò pì:

16 Abire gbera mani ɛ̀ra mà su mà Dauda bezi bo,
mani a guforo keke mà tata mà a fute,

17 de bisásiri kparanɔ̀ ma kí wete,
buri pãnde gbɛ̀ kú ma tɔ̀ kúñma pìnɔ̀ ñ pínki.
Dikiri kú àten yã pìi kɛ mé à ò,

18 àkū mé à tò ò yã pìi dɔ̀ zaa káaku.

19 A yã mé à tò ma è à mana ò yã kú à zī'ũ dītɛ buri pãnde kú òtɛn arɛ dɔ̀ Ludaanɔ̀nɛro. 20 Ò takada kɛ̀ñne ò mì kɛ̀ tãna pòblea kú pãpãkenaa kú nòbɔ̀ kùtukpanasario kú aruo. 21 Zaakū à gii kè kú òdígɔ̀ Musa takada kyó

ke aduakekpenŋ gūn kámmabogŋŋ zĭ pínki òdigŋ a doka waazi ke wēte kŭ wēteŋ.

Gbēnŋ zĭna buri pānde Yesudenŋa

²² Akŭ zĭrinŋ kŭ gbē zŋkŋnŋ kŭ sŋsi gbēnŋ pínki zēŋ ò gbēnŋ bo n̄ té ò n̄ zĭ Antioŋku kŭ Pŋluo kŭ Baanabao. Akŭ ò n̄ arēde kenŋ bŋ, Yudasī kŭ òdi pinē Baasaba kŭ Silasio. ²³ Ò n̄ zĭ kŭ takadaŋ, yā kŭ ò kē a gūnn dí:

Ókŋnŋ zĭrinŋ kŭ gbē zŋkŋnŋ o fŋ kpà ákŋnŋ ó gbē kŭ ò de buri pānde ūnŋa zaa Antioŋku kŭ Siria bŋsuoŋ kŭ Silisia bŋsuoŋ. ²⁴ O mà ó gbēkenŋ gēe á kĭnaa ó lé sari, ò á nēsēe yàkaáre ò á dá bídin n̄ yā'onaa gūn. ²⁵ Akŭ o lédokŋnŋ kē o zēŋ kŭ ò gbēnŋ bo ò n̄ zĭáwa kŭ ó gbē yenyīdenŋ Baanaba kŭ Pŋlu ²⁶ kŭ ò gi n̄ wēndiii ó Dikiri Yesu Kirisi tŋbona yāiio. ²⁷ A yā mé à tò óten Yudasī kŭ Silasio zĭáwa, de ò yā kŭ o kē takadan oáre kŭ léŋ. ²⁸ Zaakŭ Luda Nini kŭ ókŋnŋ o zēŋ òsun aso ke diárero, séde pŋ kŭ à zé vĭ díkĭnanŋ. ²⁹ À mì kē nŋbŋ kŭ ò sa òŋ tānaaa kŭ aruo kŭ nŋbŋ kŭtukpanasario kŭ pāpākenaaŋ. À mana à mì kē adinŋa. Ó kŋ e aafia!

³⁰ Akŭ ò n̄ gbāre ò gēe Antioŋku. Ó sŋsi gbēnŋ kākara n̄ pínki, akŭ ò takada pĭi kpāmma. ³¹ Kŭ ò a kyó kē, akŭ n̄ pŋ kē nna manamana kŭ nēsēyĭdakūna yā piŋ. ³² Yudasī kŭ Silasio bi annabinŋme, akŭ ò lé dà n̄ gbē pinŋa manamana ò n̄ gbá gbāna. ³³ Kŭ ò gŋŋ pla kē gwe, Yesudenŋ lé zām̄ma, akŭ ò tà n̄ zĭrinŋ kĭnaa aafia. ³⁴⁻³⁵ Pŋlu kŭ Baanabao gŋ Antioŋku. Kŭ gbē dasi pāndenŋ ò Dikiri yā dānne, ò baaru nna kpānne.

Pŋlu kŭ Baanabao kēkŋanaa

³⁶ Gŋŋ pla gbera Pŋlu pĭi Baanabanē: Ó era ò gé ó gbēnŋ gwa wēte kŭ o Dikiri yā waazi kēn yānŋ gūn, ògŋ dŋ lākŭ ò kun nā. ³⁷ Baanaba ye à Yuhana Maaku sé à gé kūnwo, ³⁸ akŭ Pŋlu ten da à mana ò gbē kŭ à kēnma Pamfilia à gi tényĭ n̄ zĭ gūn sé doro. ³⁹ Kŭ odi kŋ yā maro, akŭ ò kēkŋa. Baanaba Maaku sē ò gē gŋ'iten ò gēe Sipiru. ⁴⁰ Akŭ Pŋlu Silasi sē. Yesudenŋ n̄ ná Dikirinē a ŋi de à gbēke kēnne, akŭ ò dà zēn, ⁴¹ ò gēte Siria kŭ Silisiaola ò sŋsi gbēnŋ gbà gbāna.

16

Pŋlu wētegena kŭ Timŋtio kŭ Silasio

¹ Pŋlu kà Dēbi kŭ Lisitirao. Gwen Yesude ke kun a tŋn Timŋti. A da bi Yuda Yesudemē, a de sŋ bi Girikimē. ² A tŋ nna Yesude kŭ ò kŭ Lisitira kŭ Ikŋniunŋnŋ kĭnaa. ³ Pŋlu ye à gé kāao, akŭ a tŋŋ zŋne Yuda kŭ ò kŭ wēte pinŋ gūnnŋ yāi, zaakŭ n̄ pínki dŋ kŭ a de bi Girikimē. ⁴ Wēte kŭ ò gēen pínki, ò yā kŭ zĭrinŋ kŭ gbē zŋkŋnŋ òte Yurusalemu ò sŋsi gbēnŋne ògŋ kūna. ⁵ Akŭ òten gbāna kŭ n̄ ludanaanikenaa gūn òten dasi kŭ lākŭ gu ògŋ dŋ nā.

Pŋlu wégupu'ena Toroasi

⁶ Luda Nini gĭnne ò gé Luda yā o Asia bŋsun, akŭ ò gēte Firigia kŭ Galatia bŋsunŋola. ⁷ Kŭ ò kà Misia bŋsu lēn, ò ye ò gē Bitinia bŋsun, akŭ Yesu Nini dí weñnero. ⁸ Kŭ ò gēte Misia bŋsula, akŭ ò kà Toroasi. ⁹ Gwāani Pŋlu Masedonia bŋsu gbēke è zena wégupu'ena gūn, àten kūte kene à pi: Ñ bikŭ ñ su ó kĭnaa Masedonia ñ kpawái. ¹⁰ Kŭ à wégupu è le, akŭ o Masedonia soru kē gŋnŋ, zaakŭ o dŋ sà kŭ Luda mé àteni ó sísi ò gé baaru nna kpānne.

Lidia Yesu zé senaa

¹¹ Akū o gē gó'iten Toroasi o m̀i pè Sam̄tarasia. Kū gu d̀o o ka Neapoli.
¹² Bona gwe o gē Filipi. Ākūme Masedonia b̀usu kpado p̀i w̄era ū, k̀u Romuden̄n v̄i. Akū o ḡoɔ pla k̀e w̄ete p̀i ḡun. ¹³ Kámmaboḡoɔ z̄i o bo w̄ete kpe o gē swa sare, gu k̀u o mà aduakeki kunwa. Akū o vute o yā ò n̄gbē k̀u ò kakarana gwen̄ne. ¹⁴ N̄gbē ke k̀u gwe òdi pinē Lidia. Tiatira gbēme, biza wé t̄era búgu ỳariime, akūs̄o Luda donȳriime. Āten yā k̀u P̄olu ten o ma, akū Dikiri a sw̄ēe w̄ēne à yā p̀i si. ¹⁵ À da'ite k̀e k̀u a bedeno, akū à wé k̀ewá à p̀i: Tó a ma Dikiri náanikenaa si, à m̀ó à kipa ma bea. Akū o a yāze è.

P̄olu k̀u Silasio dana kpésiran Filipi

¹⁶ Z̄ikea k̀u óten gé aduakekia, o dakare k̀u z̀on̄gbē k̀u à ml̄è t̄ana v̄io. A dikirin̄o di ɔḡo le manamana a z̄iyá'onnenaa musu. ¹⁷ Akū à bò à t̄ewái, ók̄n̄o k̀u P̄luo, àten wiki lé à p̀i: Gbē d̄ino bi Luda Musude z̀òblerin̄ome, òten surabana zé kpàkpa kéare. ¹⁸ Ādiḡo ke le lán gu diḡo d̄o nà, akū P̄olu kpàsa k̄aao. À lite à p̀i t̄ana p̀ine: Ma ònne k̀u Yesu Kiri si t̄o n̄ goa. Akū à g̀oa g̀on̄o.

¹⁹ K̀u a dikirin̄o d̄s n̄ àrelena a yā musu wéd̄oinaa làka, akū ò P̄olu k̀u Silasioo k̀u ò n̄ gáte ò ḡēe k̀uńwo gb̄anaden̄o k̄inaa ete ḡun. ²⁰ Ò ḡēe k̀uńwo yākpatekerin̄o k̄inaa ò p̀i: Gbē d̄ino bi Yudan̄ome, òteni ó w̄ete yakawere. ²¹ Fut̄ekarayā k̀u ók̄n̄o Romuden̄o doka ḡi ò sí ke ò ken òten dañne. ²² Pari fut̄enȳi, akū yākpatekeri p̄ino p̀i ò n̄ p̄on̄o bońma ò n̄ léle g̀oo. ²³ K̀u ò gbēna mana k̀ēn̄ne, akū ò n̄ dá kpésiran ò p̀i kpé p̀i d̄ákp̄ariine à n̄ d̄ákp̄a manamana. ²⁴ K̀u ò òne le, akū à n̄ dá kpé tú à n̄ gb̄ano ȳi lía ḡingin.

²⁵ Lizāndo ḡun P̄olu k̀u Silasio ten adua ke òten lè sí Ludane, gbē kparano ten s̄a kpá n̄ yāi. ²⁶ K̄anto z̄ite ȳiḡaȳiḡa k̀u gb̄anao ari kpé p̀i gb̄ino k̀e ḡiri. Gwe ḡon̄o a gb̄ano w̄ēwē p̄inki, akū purusunano m̀okak̄ōanano b̀òt̄ēn̄ma p̄inki. ²⁷ K̀u kpé d̄ákp̄arii p̀i v̄u, à gb̄ano è w̄ēwēna p̄inki, akū à a f̄ēn̄eda w̄oto à ye à a z̄ida de, zaakū àten da purusunano bàa sìme. ²⁸ Akū P̄olu p̀ut̄a k̀u k̀oto gb̄anao à p̀i: N̄sun n̄ z̄ida kari boro. Ó k̀u la ó p̄inki. ²⁹ Kpé d̄ákp̄arii p̀i p̀i ò m̀ó fitilaa, akū à si n̄ té k̀u bàao à k̀ute P̄olu k̀u Silasio are àten lukaluka. ³⁰ À bò k̀uńwo bàai, akū à p̀i: Maren̄o, deran mani ke mà surabana lee? ³¹ Ò p̀ine: N̄ Dikiri Yesu náani ke ìni surabana le, m̀ok̄n̄ k̀u n̄ bedeno á p̄inki. ³² Akū ò Dikiri yā òne k̀u a bedeno n̄ p̄inki. ³³ Lizāndo k̀ua kpé d̄ákp̄arii p̀i n̄ sé à ḡēe à n̄ b̄on̄o p̄ip̄in̄ne, akū à da'ite k̀e ḡon̄o k̀u a gb̄eno n̄ p̄inki. ³⁴ Akū à ḡēe k̀uńwo a bea à p̀oble k̀ēn̄ne. Āpii k̀u a bedeno, n̄ p̄o k̀e nna manamana k̀u ò Luda náani k̀e yāi.

³⁵ K̀u gu d̀o, yākpatekerin̄o dogarin̄o z̄i ò gé one à gbē p̄ino gbare. ³⁶ Akū kpé d̄ákp̄arii p̀i p̀i P̄olune: Yākpatekerin̄o gb̄eno z̄ima de mà á gbare. À b̄ote à tá aafia. ³⁷ Akū P̄olu p̀i dogarii p̄in̄one: Ó ó gbē gb̄eno w̄ara yākpatekena k̄uoo sari ò ó dá kpésiran, ók̄n̄o k̀u Romuden̄n ó ū. Tera s̄a ò ye ò ó b̄ote asiri ḡun yá? O'o! Oi! Séde ò su ò ó b̄ote n̄ z̄ida. ³⁸ Dogarii p̄ino yā p̀i gb̄a yākpatekerin̄one. K̀u ò mà Romuden̄ome n̄ ū, akū v̄ina n̄ k̀u. ³⁹ Akū ò s̄u ò k̀ute k̀ēn̄ne ò n̄ b̄ote kpésiran, akū ò wé k̀ēn̄ma ò boñne n̄ w̄ete ḡun. ⁴⁰ K̀u ò b̄ote kpésiran, ò ḡēe Lidia bea. Ò Yesuden̄o lè gwe, akū ò n̄ n̄ese ȳida k̀uñne ò dà z̄én.

17

Pɔlu kunna Tesalonika

¹ Ò hòtè kù Amfipɔlio kù Apɔlɔniao, akù ò kà Tesalonika, gu kù Yudanɔ aduakekpe kún. ² Akù Pɔlu gè aduakekpen lákù àdigɔ ke nà, à waazi kèñne yá kù à kèna Luda yān musu kámmabogɔrɔ aakɔ. ³ Àten bɔkɔtèñne lákù à kɔ sèo Arumasihu wétamma le nà à fute bona gan à pì: Yesu kù mateni a yá oáre mé à Arumasihu pì ù. ⁴ Ní gbèkenɔ yá pì zé è, akù ò nà Pɔlu kù Silasiooa. Len Giriki donyĩrinɔ nàmma le dasi se ari kù nɔgbè kù ò tɔ bònɔ dasi dɔ.

⁵ Akù Yudanɔ nèsegɔbaa kpà kúnwo, ò kurepápá'orinɔ kàkara ò dasi kù, akù ò wète wá. Ò gèe ò lika Yasɔ bei, òten Pɔlu kù Silasio wete de ò n kù ò bo kúnwo gupuraa. ⁶ Kù odi n lero, ò Yasɔ kù Yesude pāndenɔ gāte ò bò kúnwo wète gbānadenɔ kīnaa, òten wiki lé òten pì: Gbè pìnɔ bi andunia guderinɔmè. Ò sù la, ⁷ akù Yasɔ n díte a bea. Gbè pìnɔ ten pā Siza dokane n pínki, òdi pì kína pānde kun òdi pine Yesu. ⁸ Yá pì zè gbèno pɔa kù wète gbānadenɔ. ⁹ Akù ò ɔgɔ sɔ Yasɔa kù a gbè kparanɔ ò n gbāre.

Pɔlu kunna Berea

¹⁰ Gwāani birea gèno Yesudenɔ Pɔlu kù Silasio gbāre Berea. Kù ò kà gwe, akù ò gè Yudanɔ aduakekpen. ¹¹ Gbè bireno nèse mana de Tesalonikadenɔ pɔla ò Luda yá sɔ oplapla. Lákù gu digɔ dɔ nà òdigɔ Luda yá gwagwa de ò dɔ tó Pɔlu yá pìnɔn yāpura vī. ¹² Ní gbèno Dikiri náani kè dasidasi kù Giriki nɔgbè bèerendenɔ kù Giriki gɔgbèno dasidasi dɔ. ¹³ Kù Tesalonika Yudanɔ mǎ Pɔlu ten Luda yá waazi ke Berea dɔ, akù ò sù gwe ò yākete dà gbèno té ò n pɔ fute. ¹⁴ Akù Yesudenɔ Pɔlu gbāre gèno ísira kpa, ama Silasi kù Timotio gè gwe. ¹⁵ Gbè kù ò gèe ze Pɔlunenɔ gèe káao Ateni, akù ò era ò tà Silasi kù Timotio kīnaa kù Pɔlu légbèe, à pì ò mɔ ò a le likalika.

Pɔlu kunna Ateni

¹⁶ Kù Pɔlu teni n dā Ateni, a pɔ yāka kù à è tāna di wète pìi gūn yāi. ¹⁷ Akù à waazi kè Yudanɔne kù buri pānde donyĩrinɔ aduakekpen kù gbè kù àdigɔ n le ete gūnno lákù gu digɔ dɔ nà. ¹⁸ Pɔlu ten yá lekɔa kù yāwaaripari kù òdi n sísí Epikurenɔ kù Sotoikínɔ. Akù n gbèkenɔ pì: Bó yān titimako dí ten bɔtèe? Gbèkenɔ pì: Óten da tāna dufunɔ yā kpākpan àten ke. Ò ò le kù àten Yesu yá kù a vuna ganwo baaru nna kpañne yāime. ¹⁹ Akù ò Pɔlu sè ò gèe káao gbè zɔkɔnɔ kīnaa Areopagu ò pì: Ini yā dufu kù ndi dañne owereroo? ²⁰ O yābonsare mǎ n lén, ó ye ò a bɔkɔtena dɔ. ²¹ Atenidenɔ pínki kù nìbɔ kù ò kú gwenɔ digɔ ye yá pāndeiro, séde yā dufu mana kù a wāaripanaao.

²² Akù Pɔlu fute à zè Areopagude pìnɔ té à pì: Atenidenɔ, ma è á mīnatena tānanɔne kokari vī manamana yā sīnda pínki gūn. ²³ Kù maten kure á wète gūn, maten pɔ kù adì donyĩ keñnenɔ tàasi ká, akù ma sa'oki ke è, ò pɔ kèa ò pì: Luda kù ó dɔro pɔ. Luda kù á a dɔro áten donyĩ keñne baaruun maten kpáare. ²⁴ Luda andunia kè kù pɔ kù ò kú a gūnno pínki. Àkūmè musu kù zīteo Dikiri ù, àdigɔ kù kpé kù bisāsirinɔ bōnenɔ gūnlo. ²⁵ A bàka kù kù bisāsiri ɔdamma keoro. Àkù mé àdi wèndi kù we'oo kpá gbè sīnda pínkia kù pɔ sīnda pínki. ²⁶ À buri sīnda pínki bò gbè mèn do kīnaame, akù ò kú andunia kusuru siikɔ pínkia. A gīnake à gɔrɔ ditedite buri pínkinè kù gu kù onigɔ kunwa léo. ²⁷ À n ké de ògɔ a wete ò ɔ mātèmate ari ò gé boa. Bee kù abireo à zà kù ó gbèkeoro. ²⁸ Zaakù àkù mé àdi tó ògɔ wèndi vī ò fɔ ò ó mè sé

ògõ kún. Lákū á kerε kenõ ò nà: A burinõn ó ũ se. ²⁹ Lákū Luda burinõn ó ũ nà, òsungõ da Luda de lán tãna bàro kū bisāsiri kè kū wuraaο ke andurufu ke gbèε kū à a ɔzĩ kèa a laasunnwa. ³⁰ Luda mikperε zù ó wésiragɔɔ yãne, ama àten yã dìte gbènɔa gu sɪnda pínkia tera de ò nèεε lite. ³¹ Zaakū à gɔɔ dìte kū gbè kū à a sè yákpate ke kū anduniaο a zéa. À gbè kū à a sèε pii vù gan sèeda ũ gbè sɪnda pínkine.

³² Kū ò gènɔ vuna yã pii mà, ñ gbèkenɔ a fobò, ama ñ gbèkenɔ pi: Óni n yã pi ma zĩka dɔ. ³³ Akū Pɔlu bò ñ kĩnaa. ³⁴ Gbèkenɔ nàa, akū ò Yesu náani kè. Areopagu gbè kū òdi pine Diònisiu kú ñ té kū nɔgbè kū òdi pine Damarío kū gbèkenɔ dɔ.

18

Pɔlu gɔɔ pla kena Kɔrinti

¹ Abire gbera Pɔlu bò Ateni à gèε Kɔrinti. ² À kpàkū kū Yuda keo gwe, Pɔntu bùsu gbè kū òdi pine Akila kū a nanɔ Pirisilao. Ò sù kū Itali bùsuo dufumε, kū Siza Kalaudiu dìte Yudanɔne ò bɔte Romu yã. Pɔlu gèε ñ kĩnaa, ³ akū à kipańma, àten zĩ ke kúnwo kū ɔzĩdokɔnɔkerinɔmε ñ ũ yã. Zaakū bizakutakerinɔmε ñ ũ ñ pínki. ⁴ Kámmabogɔɔ zĩ pínki àdi waazi ke aduakekpen àten wete Yudanɔ kū Girikinɔ a yãε e.

⁵ Kū Silasi kū Timotio bò Masedonia bùsun ò sù, Pɔlu zè kū waazikenaaο àten o Yudanɔne swáswa kū Yesumε Arumasihu ũ. ⁶ Kū Yudanɔ ibεrεε sè kãao ò a sòsɔ, akū à a pókasanɔ kpùke à pi: Yã kū a kè wí á musu, ma yã dorο. Zaa tera mani gé buri pãndenɔ kĩnaame. ⁷ Kū à bò gwe à gèε à kipa buri pãnde donyĩri kū òdi pine Titiu Yusutu bea aduakekpe pii sare. ⁸ Aduakekpe gbè zòkɔ Kirisipu Dikiri náani kè kū a bedenɔ ñ pínki. Kɔrintide kū ò Pɔlu yã mànɔ Yesu náani kè dasi, akū ò da'ite kè. ⁹ Gwãani kea Dikiri ò Pɔlunε wégupu'ena gūn à pi: Ñsun tó vĩna n kũro, ñsun kãmma bo kū yã'onnenaaoro, ¹⁰ zaakū gbènɔn kú ma pɔ ũ dasidasi wète dí gūn. Makū mé má kú kúnwo, gbèke ni n kū à wari dɔmmaro. ¹¹ Akū Pɔlu wè do kú mɔ sudoo kè gwe àdigõ Luda yã da gbènɔne.

¹² Gɔɔ kū Romu gbè Galio de Girisi bùsu gbè zòkɔ ũ, Yudanɔ lédokɔnɔ kè ò fùte Pɔlui, ò gèε kãao yákpatekɛkia ¹³ ò pi: Àkū mé àten té ká gbènɔgu ògõ donyĩyã kū à pã ó dokane kũna. ¹⁴ Kū Pɔlu ye à yã o, akū Galio pi Yudanɔne: Yudanɔ, tó dà ke taari zòkɔn à kè yã, à kú mà mena kãáo. ¹⁵ Lákū àten yáketε ká gbènɔ tó yã musu nà kū á zĩda dokao, abirekū gõ á yã ũmε. Ma gi yã bire taka kekɛnaaime. ¹⁶ Akū à pèrĩma à ñ bɔte yákpatekɛkpen. ¹⁷ Akū pari aduakekpe gbè zòkɔ Sɔsɔtene kú ò a gbègbè yákpatekɛkpe léa. Ama adi ke Galionε yãke ũro.

Pɔlu tana Antioku

¹⁸ Pɔlu gɔɔ pla kè Kɔrinti dɔ, akū à lé zà Yesudenɔa à gè gó'iten àten tá Siria bùsun. Pirisila kū Akilao gèε kãao. À mii bò Kenkerεa lé kū à sè à Ludane yã. ¹⁹ Kū ò kà Efesu, Pɔlu Pirisila kū Akilaoo tò gwe. A gèε aduakekpen ò yã lèkɔa kū Yudanɔ, ²⁰ akū ò wé kèa à gɔɔ pla ke kúnwo. Akū à gi, ²¹ ama kū àten lé zarĩma à pi: Tó Luda wè, mani era mà su á gwa. Akū à bò Efesu kū gó'iteo. ²² Kū à kà Sizaria, à gèε à fɔ kpà sɔsi gbènɔa zaa Yurusalemu, akū à tà Antioku. ²³ Kū à gɔɔ pla kè gwe, à èra à dà zén à gèε wète kū wèteo Galatia bùsun kū Firigia bùsuo à Yesudenɔ gbà gbãna ñ pínki.

Apolo waazikena Efesu

²⁴ Yuda ke kun a tŕn Apolo, Alesandaria gbēme. A lénna, akūs̄ à Luda yā d̄s manamana. ²⁵ Ò Dikiri zé yā dàne, akū Yesu yādannena a kù gbāna. Àdi dañne a zéa, ama Yahaya da'itekena yān à d̄s. À sù Efesu, ²⁶ akū à nà yā'onaaa aduakekpen kù swègbānao. Kù Pirisila kù Akilao a yā mà, akū ò a s̄isi ò Luda zé yā b̀k̀otenē sānsān. ²⁷ Kù Apolo ye à gé Girisi b̀sun, Yesuden̄ a gbà swèe, akū ò takada kè Yesude kù ò kù gwen̄ne de ò a kù ɔplapla. Kù à kà gwe, à ɔ dà gbē kù ò Yesu náani kè Luda gbēke gāin̄a manamana. ²⁸ Zaakū a yā Yudan̄ fù pari gūn mámmam, à m̀n̄ne Luda yā gūn kù Yesume Arumasihu ũ.

19

P̄lu kunna Efesu

¹ Ḡō kù Apolo kù K̄rinti, P̄lu gè Asia b̀s̄uu guragura. Kù à kà Efesu, à Yesude ken̄ lè gwe, ² akū à n̄ lá à p̄i: Kù a Dikiri náani kè, a a Nini lè yá? Akū ò wèa ò p̄i: Oi, ódi a Nini kunna yā ma sero. ³ Akū à n̄ lá à p̄i: Da'ite kpaten a kèe? Ò wèa ò p̄i: Yahaya p̄ome. ⁴ Akū P̄lu p̄in̄ne: Yahaya gbēn̄ da'ite kè n̄ n̄selitena sèda ũme. À ò gbēn̄ne ò gbē kù ani su a kpe náani ke. Yesun à téa gwe. ⁵ Kù ò yā p̄i mà, ò da'ite kè kù Dikiri Yesu t̄so. ⁶ Kù P̄lu ɔ n̄amma, Luda Nini d̄id̄im̄ma, akū ò yāke buri ò ò annabikēyā ò. ⁷ Gbē p̄in̄o kà lán gbēn̄on kuri awēepla bà n̄ pinki.

⁸ P̄lu diḡ gé aduakekpen ari m̄o aak̄s̄. À yā òn̄ne kù swègbānao, àten yā gága kũn̄wo de ò a yāze e kpata kù à b̀ò Luda k̄inaa musu. ⁹ Ama n̄ gbēken̄o s̄agbāna kè odi Luda yā síro, akū ò zé p̄i v̄ani b̀ò pari gūn. Akū P̄lu gbē kù ò Yesu náani kèn̄o s̄ete ò b̀ò n̄ té. Akū àdiḡ yā gága kũn̄wo Tiranu kyókpen lākū gu diḡ d̄o nà. ¹⁰ À kè le ari wè pla, akū Asia b̀s̄uden̄o Dikiri yā mà Yudan̄o kù Girikin̄o n̄ pinki.

Seva n̄én̄o

¹¹ Luda P̄lu gbà zé à daboyā bonsaren̄o kè. ¹² Len bee tó ò ísimmawarab̄on̄o ke f̀uran̄o nà P̄lu m̄èea ò gèe ò nà gyāren̄o, òdi werek̄ame n̄ t̄anan̄o d̄i gor̄ma. ¹³ Yuda t̄anagommari kù òdiḡ kure ken̄o wète ò t̄ana go kù Dikiri Yesu t̄so ò p̄i: O òáre kù Yesu kù P̄lu d̄i a yā waazi ke t̄so, à gor̄ma. ¹⁴ Yudan̄o sa'oriki kù òdi pine Seva néḡs̄gbē gbēn̄on supplan̄o mé òdi ke le. ¹⁵ Akū t̄ana p̄in̄ne: Má Yesu d̄s, akūs̄ ma P̄lu baaruu mà. Ák̄on̄o s̄o, d̄ín á ũu? ¹⁶ Akū t̄anade p̄i k̄usim̄ma à gbāna m̀n̄ne, à n̄ né n̄ pinki à n̄ k̄inna, akū ò bàa lè ò b̀òte ɔn p̄i gūn punsi. ¹⁷ Kù Efesuden̄o yā p̄i mà Yudan̄o kù Girikin̄o n̄ pinki, v̄ina n̄ kù, akū ò Dikiri Yesu t̄s̄ s̄e lei. ¹⁸ Akū gbē kù ò Yesu náani kèn̄o sù òten̄i n̄ yāken̄o o gupuraa dasidasi. ¹⁹ P̄sdammari ken̄o n̄ takadan̄o n̄ak̄sa ò sù ò kà t̄én̄ pari wára. Kù ò takada p̄in̄o ɔḡo d̀òd̄o, ò è à kà andurufu ɔḡo mèn̄ d̀ubu bupla akuri. ²⁰ Len Dikiri yā ten dagula le àten gbāna kù.

Yakete futena Efesu

²¹ Yā bireno kenaa gbera P̄lu zèò a nèsee gūn kù ani b̀òte kù Masedonia b̀s̄uuo kù Girisi b̀s̄uuo à gé Yurusalemu à p̄i tó a ḡee gwe, séde à gé Romu. ²² Akū à a kpanyiri gbēn̄on pla ken̄o z̄l̄ Masedonia, Tim̄oti kù Erasaduo. Àkū s̄s̄ à ḡs̄ Asia b̀sun ḡia.

23 ĢorĶ birean yāketē fūte manamana Dikiri zē yā musu. 24 Andurufupiri ke kun a tōn Demeteriu, ādi Ateṁi tānakpe taka pi kū andurufuuo. A piri dakenĶ di āre zōkō le zī piia. 25 Akū à n kākara kū n gbēdake kū ōdi zī bire taka kenĶ à piinne: GbēnĶ, á dō kū ɔzī dime ó bleki ū. 26 Āten e akūsō āten ma lākū Pōlu ten ke nā, kū à pì tāna kū ò n pino bi dikirinonlo. Ā gbēnĶ mi lite dasidasi, ò a yāze è. Ādi ke Efesu lan adoro, ari kū Asia būsū gu dasiome. 27 Yā dí ni fō à kisira iweɛ fá. Ādi ke ó ɔzī letena adonlo, a yā ni tó tāna nōgbē zōkō Ateṁi kpé ke pā, tāna kū Asia būsudenĶ kū andunia gbēnĶ pínki di donyī kenēe pi gakuri kò ni é.

28 Kū ò yā pìi mà, n pō fē, akū ò nā wikilēnaaa ò pi: EfesudenĶ Ateṁi zōkō. 29 Wēte wā, gbēnĶ bàa lè òten sí kōkakarakekin, akū ò Masedonia būsū gbēnĶn pla Gayusi kū Arisitaku kū ōdi gé wētea kū PōluonĶ kū ò gēe kúnwo gwe. 30 Pōlu ye à gē zà pi gūn, akū YesudenĶ dí wenero. 31 Asia būsū gbē zōkō kenĶ bi a gbēnnanome, akū ò gbēnĶ zīa ò le dàa àsun gē zànlo. 32 Kōkakaranaa yāka, gbēnĶ ten wiki lé òten kō yā maro, zaakū pari dō tó bōyāin ò kàkarairo. 33 YudanĶ ɔ sō Alesandai à yā o, akū zāa gūn gbēkenĶ ten lé dōa. Akū Alesanda ɔ kēinne de ò yīte, à ye à YudanĶ bàka bo yān gbēnĶ wāra. 34 Kū ò a dō Yuda ū, akū n pínki wiki sikūn lēle lán awa pla bà ò pi: EfesudenĶ Ateṁi zōkō.

35 Akū wēte gbē zōkō n zuka zè à pi: EfesudenĶ, gbē sīnda pínki dō kū á de tāna zōkō Ateṁi kpé dākpāri ū kū a surakpasao. 36 Lākū gbēke ni fō à bo abirekū kperō nā, à á zīda kū teene. Āsun yāke ke kū wānaoro. 37 A su kū gbē dīno la, odi ɔ na ó tānakpe pōkearo odi ó tāna tó vāni síro. 38 A yā mé à tò, tó Demeteriu kū a piri dakenĶ yā vī kū gbēkeo, yākpatekegōrĶ kun kū yākekerino. Ò gé kō sísi gwe. 39 Tó á yā pānde vī dō, oni gōgōáre kōkakarana kū gbānadēnĶ gbēkaa gūn. 40 Zaakū oni fō ò ó taari le zuka kū ò kà gbāra dīkīna yāi. Óni yāzede le ò o zuka pi musuro, zaakū à gbá vīro. 41 Yā bire onaa gberan à gbēnĶ gbāre.

20

Pōlu gena Masedonia būsūn kū Girisi

1 Kū zuka lāka, Pōlu YesudenĶ kākara à n gbá swēe à lé zām̄ma, akū à gēe Masedonia. 2 Kū àten gēte būsū birela, à gbēnĶ gbá swè kū yānĶ dasi ari à gēe à kào Girisi, 3 akū à mō aakō kē gwe. Kū àten gé gē gó'iten de à tá Siria būsūn, à mà YudanĶ lé kpākūsūai, akū à zèò à era à tá kū Masedonia kpao. 4 Gbē kū ò gēe zenēnĶ tón dí: Berea gbē Piru né Sopata kū Tesalonika gbēnĶ Arisitaku kū Sekunduo kū Dēbi gbē Gayusio kū Timōtio kū Asia būsū gbēnĶ Tikiku kū Torofimuo. 5 Gbē birenĶ dōweɛ are ò gēe, òteni ó dā Toroasi. 6 ÓkōnĶ sō Burodi Futenasari dikpe gbera o gē gó'iten Filipi, akū gōrĶ ɔɔro gbera o n lé Toroasi. Gwen o azuma do dēn.

Yutiku letena bona wondon

7 Azumanēna zī o kō kākara de ò burodi só lēle. Pōlu ten waazi kēinne. Kū à ye à tá tó gu dō, akū à dà yāla ari lizāndo. 8 Fitila dasi kū kpé musu gu kū ó kōkakaranan. 9 Kefenna ke vutena wondoo gūn kū ōdi pine Yutiku, àten idekū dede. Kū Pōlu waazikenaa kē gbāna, i a lè, akū à bò zaa kpé musu pi lēu aakōde wondoo gūn à lète, akū ò à sè gè ū. 10 Akū Pōlu kipa à kūsia, akū à a sè à kpā a kūla à pi: Āsun tó swè kēáguro, à kú wēndiio. 11 Kū à era à dīdi musu, à burodii līlikōre à sò, akū à yā ò manamana ari

gu d̄o, akū à dà zén. ¹² Akū ò tà kū kefenna p̄io bēne, gbēno nèse yīda k̄u manamana.

Zaa Toroasi ai Miletu

¹³ Ōk̄no s̄o o ge o gē gó'iten, o do P̄olune are o ta Aso, wēte k̄u óni a s̄en. Len à z̄eo le, zaakū à ye à gé gwe ḡeseme. ¹⁴ Kū à ó lé Aso, akū o a s̄e o ge Mitileni. ¹⁵ Kū gu d̄o, o bo gwe k̄u gó'iteo o ge Kio. Gu làa d̄ona o ge Samo, akū a ḡo aak̄de z̄in o ka Miletu. ¹⁶ P̄olu z̄eo yā à do Efesui de ḡo s̄un ḡea Asia b̄usunlo yāi, zaakū àten wā de à le à ká Yurusalemu ari Pentik̄osi dikpe ḡo káme, tó ani sí ke.

P̄olu lézana Efesu gbē z̄ok̄noa

¹⁷ P̄olu gbēno z̄i s̄osi gbē z̄ok̄noa Efesu à p̄i ò su Miletu. ¹⁸ Kū ò kà, akū à p̄inne: Á d̄s̄ lákū mad̄i ke nà ḡo k̄u má kú k̄áo zaa z̄i k̄u ma gbá p̄ete Asia b̄usun la. ¹⁹ Ma z̄i k̄e Dikirine z̄idabusanaa ḡun k̄u wé'io. Ma wari k̄e Yudan̄o lékpak̄s̄unamai yāi. ²⁰ Mádi karana yáke uteárero, ma waazi k̄éare ma dàare gupuraa k̄u á beno. ²¹ Ma lé dà Yudan̄o k̄u Girikin̄o n̄ p̄inki ò are d̄o Luda à ó Dikiri Yesu náani ke. ²² Tera sà maten gé Yurusalemu lákū Luda Nini ma dan ná, yā k̄u ani ma le gwe má d̄oro. ²³ Wēte k̄u w̄eteo Luda Nini ten omene kp̄sira k̄u w̄et̄ammanaao teni n̄ dá. ²⁴ Ama ma w̄endi bèere v̄imene doru, séde mà yā k̄u maten péa le mà z̄i k̄u Dikiri Yesu dàmene ke mà a mì de. Ákūme Luda gbēke baarunnakpana gbēnoe ū.

²⁵ Ák̄no k̄u ma kure á té ma kpata k̄u à bò Luda k̄inaa waazi k̄éareno, má d̄s̄ tera sà k̄u óni wé ke pla doru. ²⁶ A yā mé à tò ma óare gb̄ara, tó á gbēke s̄ate, ma yān gwe doru. ²⁷ Ma Luda p̄oyenyīna p̄inki óare, mádi a ke uteárero. ²⁸ À laakari d̄o á z̄idaa k̄u s̄a k̄u Luda Nini á díte n̄ gbē z̄ok̄no ūno n̄ p̄inki. À Luda s̄osi gbē k̄u à n̄ lú k̄u a z̄ida aruo p̄ino gwa. ²⁹ Má d̄s̄ k̄u ma tanaa gbera lewanna p̄asi k̄u ò s̄ano w̄enda v̄irono ni si á té. ³⁰ Bee á gbēkeno ni fute ò yálekper̄e dañne de ò gbēno gá ò nar̄ma. ³¹ A yā mé à tò áḡo k̄u a laakariia. Lákū ma lé dà á baadia k̄u wé'io nà fanant̄e k̄u gw̄aanio w̄e aak̄o dagura k̄ammabonaa sari, à tó a yā ḡo d̄oágu.

³² Tera sà mateni á na Ludane a oĩ k̄u a gbēke yā k̄u ani f̄o à gb̄ana karaáreo, à á gba z̄e de á baka ḡo k̄u k̄u a gbēno n̄ p̄inki. ³³ Mádi gbēke ogo ke a p̄okasa ke ni dero. ³⁴ Á d̄s̄ k̄u á z̄idao k̄u ma z̄i k̄e k̄u ma z̄ida ome, akū ma p̄ó k̄u ó a ni v̄i k̄u ma gbēno lè. ³⁵ Má m̄áre yā s̄inda p̄inki ḡun à z̄i ke lán dí bà à kpá gb̄anasarideno. Yā k̄u Dikiri Yesu ò ḡo d̄oágu k̄u à p̄i gbadana p̄onna v̄i de gbasinala.

³⁶ Yā bire onaa gbera à k̄ute a kosoa k̄u n̄ gbē s̄inda p̄inkio à adua k̄e. ³⁷ N̄ wé pà k̄u wé'io n̄ p̄inki ò ml̄eml̄e P̄olua ò lé p̄epea. ³⁸ Yā k̄u à tò n̄ p̄o sira k̄u z̄ok̄o mé à de k̄u à p̄i n̄ wé ni ke pla doru. Akū ò z̄ene ari gó'ite k̄inaa.

21

P̄olu tana Yurusalemu

¹ Ó k̄enar̄ma gbera o gē gó'iten o da zén o m̄i p̄e Kosua. Gu làa d̄onaao o ka Rode, akū bona gwe o ge Patara. ² Gwen o gó'ite k̄u àten gé Fenisia b̄usun lèn, akū o ḡen o da zén. ³ Kū o Sipiru è zà dire, o p̄ane ozei óten gé Siria b̄usun, akū o ka Taya, gu k̄u ò gó'ite aso b̄òten. ⁴ O Yesuden̄o w̄ete, akū o azuma do k̄e k̄uwo. N̄ gbēkeno ò P̄olune k̄u Luda Nini gb̄anao k̄u àsun gé Yurusalemuro. ⁵ Ama k̄u ḡo p̄apa k̄u óni tá, o fute óten tá. Ò ḡe z̄ewere n̄

pínki kŭ́ n̄ n̄n̄o kŭ́ n̄ n̄n̄o w̄ēte kpe ari ísira léa. Akŭ́ o kutē ó kosoa o adua kè. ⁶ Kŭ́ o lé zàk̄sa, o gē gó'iten. Mók̄n̄o s̄s̄ ò èra n̄ bea.

⁷ Bona Taya o era o da zén ari o ka T̄l̄emai. O f̄o kp̄a Yesuden̄o o ke kŭ́n̄wo ḡōr̄o do. ⁸ Kŭ́ gu d̄ò, o fute o ge Sizaria. O ge o kipa baarunnakpari Filipi bea. Gb̄en̄on suppla kŭ́ ò n̄ sé yān̄o dome. ⁹ À n̄n̄o gb̄ē annabin̄o v̄i gb̄en̄on siik̄s̄ odi zā ke k̄ōro. ¹⁰ O ḡōr̄o pla kena gwe gŭn̄ annabi kŭ́ òdi pine Agabu b̄ò Yudea b̄usun̄ à sù. ¹¹ Kŭ́ à sù ó k̄inaa, à P̄olu utabaa s̄è à a z̄ida gb̄an̄o kŭ́ a ɔn̄o ȳl̄o à p̄i: Lákŭ Luda Nini ò n̄n̄ dí: Gb̄ē kŭ́ à bà dí v̄i, len Yudan̄o ni a ȳi Yurusalemu ò a kp̄a buri pānden̄o le. ¹² Kŭ́ o yā p̄i mà, ók̄n̄o kŭ́ w̄ētepiden̄o o kúte k̄è P̄olune àsun̄ gé Yurusalemuro. ¹³ Akŭ́ à p̄i: Bóyāi áten̄ ɔ̄o do áten̄i ma n̄èsee yakamenee? Àsunḡo ȳina ũ sero. Bee tó mani ga Yurusalemu Dikiri Yesu t̄ó yāi, ma soru k̄è k̄ò. ¹⁴ Kŭ́ òdi f̄s̄ ò a mile bl̄ero, o kámma b̄ò o p̄i: Dikiri p̄oyenȳina ke. ¹⁵ Abire gb̄era o soru k̄è, akŭ́ o ge Yurusalemu. ¹⁶ Yesude kŭ́ ò kú Sizaria ken̄o ḡè ò k̄ipa kŭ́oo Sipiru gb̄ē Nas̄o bea. Yesudeme a ũ zaa z̄i.

P̄olu gena Yamisi gwa

¹⁷ Kŭ́ o ka Yurusalemu, Yesuden̄o ó sí kŭ́ p̄onnao. ¹⁸ Kŭ́ gu d̄ò, P̄olu ḡèe kŭ́oo Yamisi bea. Gb̄ē z̄ók̄n̄o kakarana gwe n̄ pínki. ¹⁹ P̄olu f̄o kp̄ár̄mma, akŭ́ à yā kŭ́ Luda k̄è a z̄i gāi buri pānden̄o té bàbañ̄ne mámmam z̄éaz̄ea. ²⁰ Kŭ́ ò yā p̄i mà, ò Luda s̄áabu kp̄a. Akŭ́ ò p̄ine: N̄ yā p̄i gwa, ó gb̄ē. Yudan̄o Yesu náani k̄è d̄úbu ũgbangba, akŭ́ n̄ pínki kokari v̄i Musa doka musu. ²¹ Ò mà kŭ́ n̄ten̄ yā da Yuda kŭ́ ò kú buri pānden̄o t̄én̄o ò kpe li Musa dokane, òsun̄ t̄s̄ z̄s̄ n̄ n̄n̄oero òsunḡo n̄ futeokarayān̄o kŭ́naro. ²² Oni ke deraa? Zaakŭ́ oni gí n̄ suna yā mairo. ²³ N̄ ke lákŭ́ oni onne nà. Ó té gb̄en̄on siik̄s̄ ken̄o lé k̄è Ludaa. ²⁴ N̄ n̄ sé à gé gb̄à bo á z̄idane, n̄ n̄ f̄ina bo de ò le ò mì bo, gb̄ē s̄inda pínki ḡs̄ d̄s̄ kŭ́ yā kŭ́ ò mà n̄ musu bi yāpuranlo. Oni e kŭ́ m̄ók̄n̄ s̄s̄ n̄ té Musa dokai. ²⁵ Buri pānde Yesu náanikerin̄o s̄s̄, o takada k̄è o òñ̄e o z̄eo ò mì k̄è n̄b̄o kŭ́ ò sa òo t̄ānaaaa kŭ́ aruo kŭ́ n̄b̄o k̄utukpanasario kŭ́ p̄áp̄ak̄enaao.

²⁶ Akŭ́ P̄olu gb̄ē p̄in̄o s̄è à tà kŭ́n̄wo. Kŭ́ gu d̄ò, ò gb̄à b̄ò n̄ z̄idane, akŭ́ à ḡè Luda ɔnn̄ de à gb̄àboḡōr̄o lé d̄ite kŭ́ sa kŭ́ oni o n̄ baadineeo.

P̄olu kŭ́na Luda ɔnn̄

²⁷ Kŭ́ gb̄àbona ḡōr̄o suppla bire kà lakana, Asia b̄usu Yuda ken̄o P̄olu è Luda ɔnn̄. Ó té kà parigu, akŭ́ ò a kŭ́. ²⁸ Òten̄ wiki lé ò p̄i: Isarailan̄o, à ó leo. Gb̄ē d̄ik̄ina mé àdiḡō yā da gb̄ē s̄inda pínkine gu s̄inda pínkia, kŭ́ à bo ó gb̄en̄o yā kpe kŭ́ ó dokao kŭ́ gu d̄ik̄inao. Abire gb̄era à d̄ok̄è kŭ́ Luda ɔnn̄wo do à ḡèn̄ kŭ́ Girikin̄o. ²⁹ Ò ò le kŭ́ ò Efesu gb̄ē Torofimu è kŭ́ P̄oluo w̄ēte gŭn̄ yā yāime, akŭ́ òten̄ da P̄olu ḡè k̄āao Luda ɔn̄ gŭmme.

³⁰ W̄ēte w̄à, gb̄en̄o b̄ò kŭ́ bàao zaa gu s̄inda pínkia ò sù ò P̄olu kŭ́ Luda ɔnn̄ ò a ḡàte ò b̄ò k̄āao. Gwe ḡn̄o ò Luda ɔn̄ p̄i gb̄an̄o tàta. ³¹ Kŭ́ ò ye ò a de, yā p̄i baaru Romu sozan̄o gb̄ē z̄ók̄s̄ k̄inaa lè, à mà Yurusalemu w̄à. ³² Gwe ḡn̄o à soza bàden̄o s̄è kŭ́ a bàsariden̄o, akŭ́ ò ḡem̄ma kŭ́ bàao. Kŭ́ gb̄en̄o sozan̄o gb̄ē z̄ók̄s̄ p̄i è kŭ́ sozan̄o l̄ēlē, ò P̄olu gb̄ēnaa tò. ³³ Akŭ́ gb̄ē z̄ók̄s̄ p̄i nà P̄olui à a kŭ́ à p̄i ò a ȳi kŭ́ m̄òkak̄ɔanan̄o m̄èn̄ pla. À n̄ lá à p̄i: Dín gb̄ē p̄i ũu? Bó yān̄ à k̄è? ³⁴ Akŭ́ z̄àa gŭn̄ gb̄en̄o ten̄ wiki lé òten̄ yā dok̄n̄o oro. Kŭ́ zuka dí tó gb̄ē z̄ók̄s̄ p̄i f̄s̄ à yā p̄i s̄āns̄ān̄ maro, à p̄i ò gé k̄āao sozan̄o b̄uran. ³⁵ Kŭ́ ò

kà káao didikia, sozano mé ò a sè gbēno nanakōana yāi. ³⁶ Zaakū gbē sīnda pínki téi kū wikio òten pi: À a de.

Pɔlu gina kū a zīdao

³⁷ Kū ò ye ò gē kū Pɔluo sozano bùran, akū à gbē zōkōo pìi là à pì: Īni we mà yā oñne yá? Akū à a là à pì: Ndì Giriki yā ma yá? ³⁸ Mísila gbē kū à fùte kū gbánadenoo zīna à gēe gbárannan kū būsuderi gbēnon dúbu siikōnme n ūroo? ³⁹ Pɔlu wèa à pì: Yudan ma ū. Ò ma i Taasu, Silisia bùsummē. Wēte tósaridenlo. Ma wé kèmma ò ma gba zé mà yā o gbēnonē. ⁴⁰ À a gbà zé, akū Pɔlu zè didikia à o sè gbēnonē. Kū ò yīte kítikiti, à yā òñne kū Eberu yāo à pì:

22

¹ Ma gbēno kū ma mareno, à sã kpá à ma yāze ma tera. ² Kū ò mà àten yā oñne kū Eberu yāo, ò zè kítikiti. Akū Pɔlu pì: ³ Yudan ma ū, ò ma i Taasu, Silisia bùsummē, akū ma kefen blè wēte gūn la. Gamalieli kīnaan ma doka kū ó dizino kūna dàdan a zéa. Má ania vī Ludane lākū á kun nà gbāra á pínki. ⁴ Ma wé tã donyī zé pì sèrinoo ari n gbēkeno gāga, ma gōgbē kū no gbēno kūkū ma n ká kpésiran. ⁵ Sa'oriki kū gbē zōkōnon de ma sèedadeno ū n pínki. Ma takada kū ò kè Damasuku Yudanone sī òi, maten gé gwe mà gbē pìno kūkū mà su kūnwo Yurusalemu ò wé tām̄ma.

Pɔlu a Yesu zé sena bābannēnaa
(Zīr 9:1-19, 26:12-18)

⁶ Kū má té zén, ma ka kāni kū Damasuko ifāntē kà mīdangura, akū kānto gupura zōkōo bō ludambe à dāmala. ⁷ Ma bo ma letē zīte, akū ma kōtoo mà ò pìmene: Solu, Solu, à kè dera nten wé tāmaa? ⁸ Akū ma pì: Díme n ū, Dikiri? Akū à pìmene: Makūme Yesu Nazera kū nten wé taa ū. ⁹ Gbē kū ò kú kūmaono gupura pìi è, ama odi gbē kū àten yā o kūmao kòto maro. ¹⁰ Akū ma a là: Bón mani kee, Dikiri? Akū à pìmene mà fute mà gē Damasuku. Gwen oni yā kū a dītemene mà ke omene pínki. ¹¹ Gupura pì í gbāna tò ma wé dí gu e dorō, akū ma gbēno ma kū ma oà ò gē kūmao Damasuku.

¹² Donyīri ke kú gwe kū òdi pine Anania. Àdi mī nate Luda dokane, akūsō Damasuku Yudanō pínki dì a tó nna sí. ¹³ À sù ma kīnaa à zè ma sare, akū à pìmene: Solu ma gbē, n era n gu e. Gwe gōno ma wé wè, akū ma a è. ¹⁴ À pì ó dizino Luda mé à ma se de mà wé ke pla kū Gbē Manao mà yā ma a lén mà a ppyenyīna dō. ¹⁵ À pì manigō de a sèedade ū màgō yā kū ma è kū yā kū ma màao o gbē sīnda pínkine. ¹⁶ Akū à pì bón maten dā dōo, mà fute mà da'ite ke ma durunnano ni kēma kū à sīsinaao.

Pɔlu zīna buri pādeno kīnaa

¹⁷ Kū ma era Yurusalemu, maten adua ke Luda onn, akū ma wégupu è. ¹⁸ Ma Dikiri è, à òmene mà ke likalika mà bo Yurusalemu, zaakū gbēno ni yā kū maten o a musu síro. ¹⁹ Akū ma pì Dikirine, ò dō sānsān kū madigō gē aduakekpe kū aduakekpenwo de màgō a náanikerino ká kpésiran ògō n gbē. ²⁰ Kū òteni à sèedade Sitivī de sō, makū má kú gwe ma ze kú a dèrino má n utano kūnañne. ²¹ Akū Dikiri pìmene mà gé, áni ma zī ari buri pādeno kīnaa zāzā.

Pɔlu bi Romu gbēme

22 Ō sā kpà a yāi ari à gèè à kà buri pāndenŋ yā pīia, akū ò nà wikia ò pì: À a de! Gbē dí taka kunna zé vīro! 23 Ōten wiki lé òteni ń utano kpukε òten būsutiti fā musu. 24 Akū Romu sozano gbē zōkō pì ò gē kū Pōluo ń bŋran, ò a gbē kū flāao ari à yāpura o ò le ò yā kū òten wiki dŋa a yāi ma. 25 Kū òten Pōlu ŋŋo poro de ò a yī, à pì soza bàde kū à kú gwene: Á a zé vī à Romu gbē gbē yākpatekεnaa sari yá? 26 Kū sozaa pì yā pìi mà, à gèè à pì ń gbē zōkōne: Bón ĩni keε? Gbē pì bi Romu gbēme. 27 Akū gbē zōkō pìi sù à Pōlu là à pì: Ñ omene, Romu gbēme n ū yá? À wèa à pì: Ee. 28 Akū gbē zōkō pìi pīne: Ma ŋŋo dasi kpāme, akū ma gō Romu gbē ū. Akū Pōlu pīne: Makū sō ò ma i a ūme. 29 Akū gbē kū ò yei ò yā lalaa yāŋŋo bōru kpε gōŋŋo. Kū gbē zōkō pìi dō kū Pōlu bi Romu gbēme, vīna a kù kù à tò ò mōŋŋo kàa yāi.

Yuda gbānadenŋ yākpatekεna kū Pōluo

30 A gu dō kū gbē zōkō pì ye à yā kū Yudano sùo sānsān ma, à mōŋŋo pōroa, akū à sa'orikinŋ kū Yuda gbānadenŋ kākara à sù kū Pōluo ń are.

23

1 Pōlu wé pè gbānadenŋa à pì: Ma gbēŋŋo, yāke teni ma swè vī Luda arero ari kū a gbārao. 2 Akū sa'oriki Anania ò a dogarinŋne ò a lé a léa. 3 Akū Pōlu pīne: Luda n lé se, bisāsiri kaka né. Ñ vutena nten yākpate ke kūmao doka musu, akū mōkōn sō n bo a kpε, n pì ò ma lé. 4 Akū dogari pīnŋ pì: Mōkōmmε nten Luda sa'oriki sōsō lé yá? 5 Pōlu pì: Gbēŋŋo, má dō sa'orikinlo, zaakū ò kē Luda yān ò pì òsun ó bŋsu gbānade tō vāni síro.

6 Pōlu dō kū gbānade pīnŋ gbēkenŋ bi Sadusinŋme, ń gbēkenŋ sō Farisinŋ, akū à ònne gbāngbān: Ma gbēŋŋo, Farisin ma ū, Farisinŋ nén ma ū. Gēŋŋo vuna tāmaa kū má vī yāin āten yākpate ke kūmao. 7 Kū à yā pīi ò, Farisinŋ kū Sadusinŋ fùte kū kōo kū lékpakōāo, akū kōkakararinŋ kpāate leu pla. 8 Sadusinŋ dī pī gēŋŋo dī vuro, akūsō malaikanŋ kū nininŋ kunlo. Farisinŋ sō ò zè kū yā pīnŋo pīnki. 9 Ō zuka gbāna kà ń té, akū Farisi kū òdi doka dañne kenŋ fùte kū lékpakōā gbānao ò pì: Ódi yā vāni ke le gbē diaro. Tó nini ke malaika mé à yā òne sō bi? 10 Kū lékpakōā kē gbāna, sozano gbē zōkō ten vīna ma de gbēŋŋo sún Pōlu ke yākiyakiro yāi, akū à ò a sozanŋne ò kipa ò gē ń té ò a kū ò gé kāao ń bŋran.

11 Zī birea gwāani Dikiri bō à sù Pōlua à pì: Ñ laakari kpáte! Lákū n ma yā ò Yurusalemu la nà, séde ò ò Romu dŋ.

Lékpakūsūna Pōlui

12 Kū gu dō, Yuda kenŋ kākara asiri gŋn ò la dà ò pì oni pō blero oni í miro ari ò gé Pōlu deo. 13 Lékpakūsūrii pīnŋ de gbēŋŋo buplala. 14 Ō gèè sa'orikinŋ kū gbē zōkōnŋ kīnaa ò pīnne: O sī kū Ludao ò pì tó ódi Pōlu deo, tó o pō blè, Luda lāari bowá. 15 Ákōŋŋo kū gbānadenŋ á pīnki à gé à o sozano gbē zōkōne à suāre kū Pōluo lākū ò pì á ye à a yāŋŋo tāasi ká tera de a kākakupōla bà. Ókōŋŋo sō ónigō kú soru gŋn ò a de zén ari àgō gé ká la.

16 Kū Pōlu dāre négōgbē ń yā kū ò gōgōŋŋo pīi mà, akū à gèè à gèè sozano bŋran à ò Pōlune. 17 Akū Pōlu soza bàde sisi à pīne: Ñ gé kū kefenna dio á gbē zōkō kīnaa, zaakū à ye à baaru ke kpāne. 18 Akū à a sè à gèè kāao ń gbē zōkō kīnaa à pì: Pōlu kū ò a dà kpén ma sisi à kúte kēmene mà su n kīnaa kū kefenna dio. À yāke vī à ye à onne. 19 Akū gbē zōkō pīi kefenna pīi kù a ŋa à gèè kāao gukpado ń pla, akū à a là à pì: Bó yān ń vī ñ omeneε? 20 Akū à pì:

Yudanŋ mé ò lé kpàkūsū, ò ye ò kúte kenne ò su kŭ Pŋluo ò gbānadenŋ zia, lākŭ ò pi ò ye ò a yā gwa tera de a káakupŋla bà. ²¹ Ñsun weñnero, zaakŭ ò gbēnŋ teni a dā zēn ò de gbēnŋn buplala. Ò la dà ò pi oni pŋ blero oni í miro ari ò gé a deo. Ò soru kè kò, n yān ò sā dŋi. ²² Gbē zŋkŋ pŋ pi kefenna pŋine: Ñsun tŋ gbēke dŋ kŭ ò òmēnero. Akŭ à a gbàre.

Pŋlu gbarena Sizaria

²³ Akŭ à soza bàde gbēnŋn planŋ sisi à pŋine: À o soza fēnadade gbēnŋn wāa donŋne ò soru ke ò gé Sizaria ŋkŋsi úblegŋrŋ kŭ sŋde gbēnŋn baaakŋ akurino kŭ sáride gbēnŋn wāa donŋ. ²⁴ À sŋ yā keke Pŋlune à dia à géo bŋsu gbē zŋkŋ Felisi kŋnaa aafia. ²⁵ Akŭ à takada kēne à pi:

²⁶ Bŋsu gbē zŋkŋ Felisi, makŭ Kalaudiu Lisia ma takada díkŋna kēne ma fŋ kpāmma. ²⁷ Yudanŋ mé ò gbē díkŋna kŭ ò ye ò a de. Kŭ ma a dŋ Romu gbē ū, akŭ ma ge kŭ sozanŋ ma a sŋmma. ²⁸ Kŭ má ye mà a taari kŭ ò lèa ma, ma a sè ma ge kāao ò yākpatekerino kŋnaa. ²⁹ Gwen ma dŋn kŭ taari kŭ ò lèa bi ò doka yāme, adi yā kŭ à kà ò a de ke ò a da kpésiran kero. ³⁰ Kŭ ò lé kpàkūsūi, ò a yā kpāni kēmene, akŭ ma a gbāemma gŋnŋ ma ò yādenŋne ò gé kŭ a yāo n kŋnaa gwe.

³¹ Akŭ sozanŋ kè lākŭ ò òñne nà ò Pŋlu sè ò gēe kāao Antipatari gwāani. ³² Kŭ gu dŋ, soza kŭ òten taa o gēsēe pŋnŋ Pŋlu nà sŋdenŋne ò ò ò do kāao are, akŭ ò èra ò tà ò ò bŋran. ³³ Kŭ sŋdenŋ kà Sizaria, ò takada pŋi kpà bŋsu gbē zŋkŋ pŋia, akŭ ò Pŋlu nāne a òi. ³⁴ Bŋsu gbē zŋkŋ pŋ takada pŋi kyó kè, akŭ à Pŋlu là bŋsu kŭ à bŋn. À mà kŭ Silisia bŋsuun à bŋn, ³⁵ akŭ à pŋine: Tŋ gbē kŭ ò yā vŋ kŋnwŋnŋ sŋ, mani ma lākŭ oni o nà. Akŭ à pŋi ògŋ à dākpā Herŋdu kipakia.

24

Yudanŋ Pŋlu káarakpanaa

¹ Gŋrŋ sŋŋro gbera sa'oriki Anania sŋ Sizaria kŭ gbē zŋkŋ kenŋ kŭ dokadŋri kŭ òdi pŋine Tetuluo. Ò sŋ Pŋlu káara kpà bŋsu gbē zŋkŋ kŋnaa. ² Kŭ ò Pŋlu sisi, Tetulu fŋte àten yā daala à pŋi: Felisi, kŭ n arubarikaao ó bŋsu katena aafia. N zia laasunlēna mé à ó bŋsuu kè mana. ³ Òdi n tŋ nna sí ògŋ n sáabu kpà gu sŋnda pŋnkin gŋrŋ sŋnda pŋnki. ⁴ Kŭ má ye mà n yā gágaro, mani wé kemma ò sŋru ke kŋoo ò ó yā fitinna dí ma. ⁵ Ò è kŭ gbē pŋi bi guderiieme. Àdi yākete da Yudanŋ té andunia gŋn pŋnki, à de donyŋze éke kŭ òdi ò sisi Nazeradeno don'arede ū. ⁶ À ye se à Luda ŋn gbà lé, akŭ o a kŭ. ⁷⁻⁸ Tŋ n a làla n zŋda, òni taari kŭ ó lèa yāpura dŋ. ⁹ Akŭ Yudanŋ yā'ì kàra ò pŋi len yā pŋnŋ de le.

Pŋlu gina kŭ a zŋdao Felisi are

¹⁰ Akŭ bŋsu gbē zŋkŋ pŋi mŋi kè dékŭ Pŋlune de à yā o. Akŭ Pŋlu pŋi: Lākŭ má n dŋ yākpatekeri ū bŋsu dí gŋn a wè dasi kè, a yāi mateni ma mŋbona yā o ma laakariia. ¹¹ Tŋ n gbēka, oni onne kŭ ma gena Yurusalemu mà donyŋ ke de gŋrŋ kuri aweepalaro. ¹² Òdi ma e maten lékpakŋa ke kŭ gbēkeo Luda ŋnlo. Òdi ma e maten yākete da aduakekpenŋ gŋn ke wēte gŋnlo. ¹³ Gbē pŋnŋ ni fŋ ò taari kŭ ò lèma sèedade lennero. ¹⁴ Ma si kŭ zé kŭ òten sisi donyŋze éke pŋi gŋnn maten do ó dizino Ludai. Má yā kŭ ò kè Musa doka gŋn kŭ annabinŋ takadanŋ nāanikena pŋnki. ¹⁵ Ma wé dŋ Ludai lán

mókōnō bà, kŭ gbē mananō kŭ gbē vāninō ni vu ń pínki. ¹⁶ A yā mé à tò madigō ma zīda toto gōrō sīnda pínki de ma swè sŭngō vī Luda are ke bisāsiri arero. ¹⁷ Ma wēkena kŭ ma bŭsuuo gbera ma era ma su ma ɔ dàmma ma sa ò ¹⁸ Luda ɔnn. Kŭ maten sa o ma gbābonaa gbera, akŭ ò ma le gwe. Mádi gbēnō kákararo, yāketē kunlo. ¹⁹ Asia bŭsu Yuda kenome yādenō ũ. Séde ò su ò yā bo kō lén n kīnaa. ²⁰ Tó lenlo, ǹ tó gbē kŭ ò kú lanō dà kŭ ò lèma gōrō kŭ ò yākpate kè kŭmao o. ²¹ Sé yā mèn do kŭ ma ónne kŭ kòto gbānao, gēnō vuna yā musun òten yākpate ke kŭmao.

²² Felisi Yesu zé bokotena dō, akŭ à lá kŭ Yudanō yāla à pì: Tó sozanō gbē zōkō Lisia sù, mani á yā mì deáre. ²³ Á ò soza bàdenē àgō Pòlu dákpá, ama à a gba zé à Ìam pá, à tó a gbēnō kpái.

Pòlu kunna kpésiran Sizaria

²⁴ Gōrō pla gbera Felisi sù kŭ a Yuda nanō kŭ òdi pine Durusilao. À Pòlu sìsi, akŭ à Kirisi Yesu nánikena yā màa. ²⁵ Pòlu ten yā o manakēnaa musu kŭ zīdakūnadōnaao kŭ yākpatekena kŭ àten suo, akŭ vīna Felisi kŭ à pì: Ǹ fute ǹ tá gīa. Gōrō kŭ ma ɔ lè mani era mà ǹ sísi. ²⁶ Àten wé do Pòlui kŭ ani gusaregba daareme, akŭ àdigō a sísi gēn baaakō à su fāai bo kāao. ²⁷ Kŭ à kè wē pla, Pòsiu Fesutu vùte Felisi gēne ũ. Kŭ Felisi ye àgō nna kŭ Yudanō yāi, akŭ à Pòlu tò dana kpésiran.

25

Pòlu zè kŭ gena Siza kīnaao

¹ Fesutu vutena kpatan gōrō aakō gbera à fùte Sizaria à gèe Yurusalemu. ² Gwen sa'orikinō kŭ Yuda gbānadeno sù a kīnaa ò fùte kŭ Pòlu yāo. Ò wé kēa ³ à sùru ke à tó Pòlu su Yurusalemu. Zaakŭ ò zèo ò tankute kpákpane zén ò a demē. ⁴ Akŭ Fesutu piñne: Pòlu kŭ kpésiran Sizaria, makŭ sō mani tá gwe tera. ⁵ Á gbānade kenō su ò gé kŭmao. Tó à yā vāni kēme, áni o.

⁶ Fesutu kè kŭnwo lán gōrō sōraakō ke gōrō kuri taka bà, akŭ à èra à tà Sizaria. Kŭ gu dō, à vùte a tintinnwa à pì ò mó kŭ Pòluo. ⁷ Kŭ ò sù kāao, Yuda kŭ ò bō Yurusalemunō likai, akŭ ò yā zōkō kŭ odi fō ò a sèdade lèronō dìa dasidasi. ⁸ Pòlu zè kŭ a zīdao à pì: Mádi taari ke Yudanō doka ke Luda ɔnnnero, ke Siza. ⁹ Fesutu ten wete àgō nna kŭ Yudanō, akŭ à Pòlu là à pì: Ìni we ǹ gé Yurusalemu de mà yākpate ke kŭnwo gwe yā dínō musu yá? ¹⁰ Pòlu pì: Siza doka kŭ à kŭ ò yākpate keomenē aren má zen la. Mádi taari ke Yuda kenero lākŭ mókōn ǹ dō sānsān nà. ¹¹ Tó ma taari kŭ à kà ò ma de kè, maten gi mà garo. Ama lākŭ mádi yā kŭ gbē dínō ten o ma musu ke kero nà, gbēke zé vī à ma kpám̄maro. Gena Siza kīnaan ma zeo. ¹² Kŭ Fesutu lé kpákŭsŭ kŭ a gbēnō à pì: Kŭ Sizame n zeo, a kīnaan Ìni gēn.

Gena kŭ Pòluo kīna Agaripa kŭ Benisio are

¹³ Gōrō pla gbera kīna Agaripa kŭ Benisio sù Sizaria de ò fō kpá Fesutua. ¹⁴ Kŭ òten gōrō pla ke gwe yāi, Fesutu bō kŭ Pòlu yāo kīna piñne à pì: Gōgbē ke kŭ la kŭ Felisi a tò da kpésiran. ¹⁵ Kŭ ma ge Yurusalemu, sa'orikinō kŭ Yuda gbē zōkōnō sŭmenē kŭ a yāo ò pì mà sùru ke mà yā daala. ¹⁶ Ma piñne tó gbē kŭ ò sù kŭ a yāo dí zé le à kō e kŭ gbē kŭ ò yā vī lèlèlèno à yā wènm̄maro, ókōnō Romudeno òdi a kpám̄maro. ¹⁷ Kŭ o su la lèele, mádi zezero. Kŭ gu dō gōnō, akŭ ma vute ma tintinnwa ma pì ò mōmenē kŭ adeo. ¹⁸ Gbē kŭ ò taari lèaa pìnō yā ò, odi yā vāni kŭ maten kpákpa o a musuro. ¹⁹ Ò yāketē vī

káao n̄ donyĩze yā musu kũ g̃sgbē kũ òdi pine Yesu yāo. À gà, akũ Pɔlu zè kũ a kunn̄a wèndin yāo. ²⁰ Ma bídi kè yā pì zé d̄ōnaaa, akũ ma a là tó à ye à gé Yurusalemu ò yā pì g̃sg̃ōne gwe. ²¹ Akũ Pɔlu pì Romu ḱinan̄ a zεo òg̃ō a ḱuna. Akũ ma pì òg̃ō a dāk̄pá ari màg̃ō gé a gbarε Sizaa. ²² Akũ Agaripa pì Fesutunε: Má ye mà gbē pì yā ma ma z̄ida. Akũ Fesutu pì: Īni yā ma a lén zia.

²³ Kũ gu d̄o Agaripa kũ Benisio sù kũ gakuri z̄k̄ōō, akũ ò gē k̄kakarakekpen̄ kũ soza gbē z̄k̄ōō kũ wēte gbē b̄ēreden̄. Kũ Fesutu yā ò, ò sù kũ Pɔluo. ²⁴ Akũ Fesutu pì: Kí Agaripa kũ ák̄ōō kũ á kú k̄ūo lan̄ pínki, a gbē dí è yá? Yuda kũ ò kú Yurusalemun̄ kũ gu d̄in̄ n̄ pínki gbē pì yā sè ò s̄ūoma, òten̄ wiki léma ò pì à mana àg̃ō kun dorō. ²⁵ Makũ s̄ō, mádi e à yāke kè kũ à kà ò a dero, akũ lákũ à zè kũ Sizao nà, ma zεo mà a gbarεa. ²⁶ Mádi yā pì gbá d̄ō gbas̄a mà takada kē ḱinan̄e a yā musuro. A yā mé à tò ma su káao á are, atēnsa m̄ok̄ōn̄ ḱina Agaripa, de yálan̄aaa gbera mà yā le mà kē. ²⁷ Zaakũ purusuna gbarēm̄mana taari kũ ò lèa s̄ans̄an̄ onaa sari zé v̄i ma k̄naaro.

26

Pɔlu a z̄ida yā b̄ok̄ōtena ḱina Agaripa are

¹ Akũ Agaripa pì Pɔlunε: N̄ zé v̄i n̄ n̄ yā o. Akũ Pɔlu ɔ sè à a z̄ida yā b̄ok̄ōte à pì: ² Kí Agaripa, ma è ma m̄inna kè, kũ ma lè mateni ma z̄ida yā b̄ok̄ōte n̄ are gbāra taari kũ Yudan̄ òd̄ima pínki yā musu. ³ Atēnsa kũ n̄ Yudan̄ futεokarayā d̄ō pínki kũ n̄ yāketen̄. Abire yāi ma wé k̄emma n̄ ma yā dí mamεnε. ⁴ Yudan̄ ma kunn̄a d̄ō zaa ma né f̄iti z̄i naana zaa ma b̄usun̄ ari Yurusalemu. ⁵ Ò ma d̄ō à ḡii kè. Tó ò yei, oni f̄ō ò o kũ má kú ó donȳir̄in̄ ḡà kũ à gbāna kũ Luda yāo kũ òdi pi Faris̄in̄ té. ⁶ Tera sà òten̄ yākpate ke k̄ūmao kũ ma wé d̄ō lé kũ Luda sè ó dizin̄ōn̄ēēi yāi. ⁷ Ó buri m̄en̄ kuri awεεplan̄ ò dig̃ō do Ludai f̄an̄antē kũ gwāanio wéd̄ōna lésena dok̄ōn̄ p̄ii. Kí, támaa pì yāin̄ Yudan̄ f̄utēmai. ⁸ B̄oyāin̄ Luda ḡen̄ vuna a k̄éare yāzesari ū s̄é?

⁹ Makũ s̄ō yā, ma zεo kũ yā kũ ani bo Yesu Nazera kpe pínkin̄ manig̃ō ke. ¹⁰ Len̄ ma kè le Yurusalemu. Sa'orikin̄ ma gba zé, akũ ma Luda gbēn̄ kà kp̄ésiran̄ dasi. Tó òteni n̄ dede s̄ō, ma lé dig̃ō kú a ḡūmmε. ¹¹ Mad̄ig̃ō gé aduakεkpe kũ aduakεkpeo ḡen̄ baaak̄ō, màg̃ō wé t̄ar̄ma mà gā nar̄ma de ò ledi kpá Yesui. Ma p̄ō f̄ēnañȳi, akũ mad̄i gé wari d̄ōmma ari buri p̄andε w̄ētēn̄a.

Pɔlu a Yesu zé s̄ena yā'onaa

(Z̄ir 9:1-19, 22:6-16)

¹² Abire yāi mat̄en̄ gé Damasuku kũ doka kũ sa'orikin̄ ma gbarεooo. ¹³ Ḱina, kũ má té z̄én̄ kũ if̄ant̄ēo di m̄idangura, ma gupura è à b̄ō ludambe à damala kũ ma gbēn̄, à p̄ās̄i de if̄ant̄ēla. ¹⁴ O lete z̄ite ó pínki, akũ ma k̄otoo mà ò òmεnε kũ Eberu yāo ò pì: Solu, Solu, à kè dera n̄ten̄ wé támaa? L̄ez̄ōna kũ gbáo kyate sari t̄en̄ wari d̄ōmma fá! ¹⁵ Ma pì: Díme n̄ ū, Dikiri? Akũ Dikiri pì: Mak̄ūmε Yesu kũ n̄ten̄ wé t̄āa ū. ¹⁶ N̄ fute n̄ zε. Ma bo ma summa de mà n̄ sé ma z̄ikeri ūmε, n̄g̃ō de yā kũ n̄ è kũ yā kũ mani m̄ōnn̄εoo s̄ēd̄ade ū. ¹⁷ Mani n̄ sura ba Yudan̄ ɔ̄i kũ buri p̄anden̄. Mani n̄ z̄ír̄ma ¹⁸ de n̄ n̄ wé k̄ēn̄, ò kpe li gusirane ò are d̄ō gupuraa, ò bo Setan̄ gbānan̄ ò gē Luda p̄ōn̄, de n̄ durunn̄an̄ le à k̄ēr̄ma, n̄ baka g̃ō kú kũ Luda gbēn̄ ma n̄ānikena yāi.

Pɔlu zīkena Yesune

¹⁹ Kí Agaripa, àkū mé à tò mádi gí ludambe gbē kū à bò à sùma yáiro. ²⁰ Ma waazi kē Damasuku gīa kū Yurusalemuo, akū ma kē Yudea būsū gu sīnda pínkia kū buri pāndenɔ kīnaao. Ma ónne ò nēsēe lite ò are dɔ Ludaa, ò yā kū ani tó ò dš kū ò nēsēe lite ke. ²¹ Abire yāin Yudanɔ ma kū Luda onn, ò ye ò ma de. ²² Luda kpányīn má kunwo ari kū a gbārao, akū má zena a sēedade ū né fiti gbē zškšnɔne n pínki. Madi yā pānde oro, sé yā kū annabinɔ kū Musao ò à ke baasiro. ²³ Ò pì Arumasihu ni wari le, àkū mé ani fute bona gan káaku à gupura yā o Yudanɔne kū buri pāndenɔ.

²⁴ Kū Pɔlu teni a zīda yā bokote le, Fesutu wiki dɔa à pì: Īa kàmmān yā Pɔlu? N dšna zškš mé àteni n mì lite. ²⁵ Akū Pɔlu pì: Īa dí kámāro, gbē bèerēde Fesutu. Yāzeden maten o, akūs yāpuramē. ²⁶ Kí, lākū n yā bireno dš nà mani fš mà yā onne sūsū vīna sari. Má dš kū a ke dí ke n mì kpero, zaakū yā pì bi gukpado yānlo. ²⁷ Kí Agaripa, n yā kū annabinɔ òo sī yā? Má dš kū n sī. ²⁸ Akū Agaripa pì Pɔlune: Gɔɔ fiti dí lén nten da ĩni fš ò ma lite mà gš Yesude ūn yā? ²⁹ Pɔlu pì: Bee tera ke gikena má yei, tó Luda wē. Adi ke ndonlo, kū gbē kū òteni ma yā ma gbāranɔ n pínki, ò gš lākū má de nà mškakšana dīnɔ baasi. ³⁰ Akū kīna pì kū būsū gbē zškšɔo kū Benisio fūte kū gbē kū ò kakarana gweno. ³¹ Kū ò bòte, òten o'okšne: Gbē pì dí yā kū à kà ò a de ke ò a da kpésiran kero. ³² Akū Agaripa pì Fesutune: Tó gbē pì dí ze kū gena Siza kīnaao yāro, de óni fš ò a gbare.

27*Gena kū Pɔluo Romu gó'ite gūn*

¹ Kū ò zèò ò da Itali zén, akū ò Pɔlu kū purusuna kpara kenɔ nà soza bàde kū òdi pine Yuliune a ɔī. À de soza gā kū òdi pi Siza sozanɔ don'aredenɔ do ū. ² O gē gó'ite kū à bò Adaramitiumu gūn, àten bote kū Asia būsū wētenɔ, akū ò da zén. Masedonia būsū gbē Arisitaku Tesalonikū kú kūoo. ³ Kū gu dš ò ka Sidš. Yuliu Pɔlu kūna kū nēsēdoo, akū à a gbà zé à gé a gbēno gwa, de ò kpái. ⁴ Kū ò bo gwe, o ka í dagura. Kū ĩa ten daóle yāi, akū ò do Sipiru būsūi kpe kpa. ⁵ Tāa'ona ísira dagura o do Silisia kū Pamfilia būsūni, akū ò ka Mira, Lisia būsūn. ⁶ Gwen soza bàde pì Alesandaria gó'ite kū àten gé Itali lèn, akū à ó kán.

⁷ Gɔɔ kenɔ gūn ó tá būsā. O ɔsi kà ari o ka Sinidu léa. Kū ĩa dí wewere ò gé sūsuro, o pāne o bo Kereti būsū kpe kpa Salamone sare. ⁸ ɔsikanaa gūn óten pā Keretine, akū ò ka gu kū òdi pi Gódski Manan. A káni kū wēte kū òdi pi Laseao. ⁹ Lākū ò gūi kē zén nà, ó gena are gš kari yā ū, zaakū Yudanɔ léyīgɔɔ gē kò. A yā mé à tò Pɔlu lé dāmīma ¹⁰ à pì: Gbēno, ma è tá dí ni su kū ásarū zškšɔo kū kisirao. Adi ke gó pì kū a asonɔ adonlo, kū ókšnɔme se. ¹¹ Ama soza bàde gódɔdɔri kū gódeo yā sī de Pɔlu pólā. ¹² Gu pì mana ò gó dɔn ò bunsire blenlo, akū gbēno zè dasi kū ò era ò da zén ò tá. Ò ye ò ká Fenisi, wēte kū à kú Kereti ifálete kpa, tó ani sí ke ò bunsire ble gwe.

Zàgā'ia futena ísiralā

¹³ Kū ĩa buse fūte gēnɔmidɔki kpa, òten da ò fš ò n poyeina kemē. Akū ò n gó pòro ò dà zén òten pā Keretine kānikāni. ¹⁴ Adi gī kero zàgā'ia gbāna kū òdi pi ĩa pāsī bò Kereti kpi kpa. ¹⁵ À gó lite, ódi fš ò are dɔa dorō, akū ò gš téi. ¹⁶ Kū à ó kpá luan fítinna kū òdi pi Kodai, à kèwá sàna fīti. ɔsikanaa gūn ò ó gó fítinna surababɔɔ lè ò kù gwe. ¹⁷ Kū ò sè ò gēò gó zškšɔo gūn, akū

ò kèkè ò bàà dò gó zókò pìia. Kū òtèn vīna ke Libia būsū í sàrara gēnane yāi, akū ò gó kúra gbàre ín ò gṣ́ té ǎi. ¹⁸ Kū gu dò, lākū zàgā'ǎ kpé àtèni ó gó yīpayīpa gbāngbān nà, akū ò nà asonò zuzunaaa í gūn. ¹⁹ A gɔɔ aakòde zī ò n gó zíkèbòno bòtè ò kòtè n zīda. ²⁰ À kà gɔɔ ūgbangba ifāntē kū susunenò dí boro, ǎa pásī pìi kū legūo dí kpátero. Surabana tāmaa kū ó vī yā lākawá pínki.

²¹ O gɔɔ pla kè ódi le o pò blèro, akū Pòlu fùtè à pìnnè: Gbēno, tó a ma yā māmè yā, de ódi fute Kereti, kisira kū ásarú dínò gbasa à ó léro. ²² Ari tera maten lé daáwa à laakari kpáte! Á gbēke ni garo, sé gó pìi yaka. ²³ Gīa gwāani Luda kū má de a pò ū maten doi malaika bò à sūma ²⁴ à pì: Ñsun vīna kero, Pòlu. Séde n Siza aré le. Luda gbē kū ò kú kúnwo gó gūnnò bōnne aafia n pínki. ²⁵ A yā mé à tò gbēno, à laakari kpáte! Má Luda náani vī kū ani ke lākū à òmenè nà. ²⁶ Séde ò ká luan ke í sàran.

²⁷ A gɔɔ gēro donsaride zī gwāani ǎa pásī pì teni ó gátè Adariatiki íla ari tera. Akū lizāndo gó gbēno ten da o ka káni kū í baraomè. ²⁸ Akū ò bà ílgwabò gbàre ín, ò è gāsākuru basiikò. Kū à kè saa fìti ò gbàre dò, ò lè a lòkotoo kà gāsākuru baaakò. ²⁹ Òtèn kpana gbèla vīna ke, akū ò kúra mèn siikò gbàre gó pòro kpé, akū òtèn adua ke de gu dōrīma. ³⁰ Gó gbēno ten zé wete ò bote gó gūn ò bàà lé, akū òtèn gó surababò pìi kipa ò da íla, òtèn ke lākū ò ye ò kúranò gbare gó aré bà. ³¹ Akū Pòlu pì soza bàdene kū a bàsaridenò: Tó gbē bireno dí gṣ́ gó gūnlo, áni fṣ́ à boro. ³² Akū sozanò gó surababò bàno zṣ́zṣ́ ò tò à lète ín.

³³ Kū gu ye à dò, Pòlu kúte kēnnè n pínki ò pò ble à pì: A gɔɔ gēro donsarín gbāra a gṣ́ lokona pòble sari. ³⁴ Maten kúte kéare à pò ble de à gbāna le à bo aafia. Bee á mīkā mèn do ni létero. ³⁵ Pòlu yā bire onaa gbera à burodii sè à Luda sáabu kpà gbē sīnda pínki wára, akū à è àtèn só. ³⁶ N gbē sīnda pínki laakarii kpáte, akū ò pò blè sà. ³⁷ Ókòno kū ó kú gó gūnnò ó pínki o ka gbēnon wàa do kpé baaakò akuri awēsuddo. ³⁸ Kū ò pò blè ò kà, ò pòblewè bòtè ò kà ín, de gó le à ke futa yāi.

Gó'ite yakanaa

³⁹ Kū gu dò, ò sīsīaa lè odi dōro. Kū ò luankore è kū būsū'atē sàraao, akū ò zèò ò gé kū góo í sàran gwe, tó oni fṣ́. ⁴⁰ Ò kúranò pòro ò dà í gūn, akū ò báli gódoòbòno bàà pòro gṣ́no. Ò gó aré biza pòro ǎane, akū ò mii pè gu sàraa pìia. ⁴¹ Akū ò sī būsū'atèn dōnaa sari, akū gó zè gwe. Būsū'atē pì gó aré kū gíngin adi fṣ́ à yīgāro, akū ísòkena kū àtèn káka kū gbānao ten gó pòro kpé yaka. ⁴² Sozanò zèò ò purusunano dèdè, de n gbēke sún í kpá ò pitiímaro yāi. ⁴³ Ama soza bàde ye à Pòlu mì sí, akū à gīnne ò n poyeina ke. À pì íkparino doñne aré ò kusi ía ò bikū, ⁴⁴ gbē kparano gṣ́ té n kpé lí lèketenò ke gó kasonò musu. Len gbē sīnda pínki í bara lè aafia le.

28

Pòlu kunna Malata luan

¹ Kū o í bara lè aafia, o mà luan pì tón Malata. ² Bedenò ó sí kū yenyō manamana. Ò gbānake kpàwái, ò té sàa lèwèrè, zaakū legū nà manaaa, akū ǎa bòtè. ³ Pòlu yàka kete kākara à sù àtèn ká tén, pitiko kú a gūn. Kū té puusu a pà, à bò à Pòlu sò a ɔa. ⁴ Kū bedenò mlèè pìi è dò a ɔa, ò pikōne: Gbē bire bi gbēderiime yāpura. Bee kū à bikū í bara aafia, yāpura dí wenè àgṣ́

kunlo. ⁵ Ama Pɔlu ml̥ɛɛ p̥ii gb̥àkɛ à dà tén, adi p̥óke kɛnɛro. ⁶ Gb̥ɛnɔ wɛ̄ dɔi kũ a ɔ ni ká à léte à ga gwe g̃nɔmɛ. Kũ à g̃i kè, ò è p̥óke dí a lero, akũ ò lé lite ò p̥i, gb̥ɛ p̥i bi t̃ana z̃k̃ kɛmɛ.

⁷ Gu p̥ii saren luan gb̥ɛ z̃k̃ kũ òdi pine Publiu bɛ kunwa. À ó díte gɔɔ aak̃ à nibɔkɛnaa k̃wɛrɛ kũ yenyĩ. ⁸ Publiu de wútena kũ m̃w̃anao àten b̃adub̃adu kɛ. Akũ Pɔlu g̃ɛ a k̃inaa à adua k̃ɛnɛ, à ɔ ñaa à a w̃ɛrɛk̃sa. ⁹ Kũ à k̃ɛ lɛ, luan p̥i gỹare kparanɔ sù a k̃inaa, akũ ò w̃ɛrɛk̃sa se. ¹⁰ Ò ó kpe tà manamana. Kũ óten tá, ò z̃anaa k̃wɛrɛ dɔ.

Pɔlu kana Romu

¹¹ Ó kunna luan p̥ii g̃n̄ mɔ aak̃ gbera o g̃ɛ gó'ite kũ à bunsirɛ bl̃ɛ gwen o da zén. Gó p̥ii bò Alɛsandaria ò sika t̃ananɔ s̃ɛdaa k̃ɛa. ¹² Kũ o ka Sirakusi, o gɔɔ aak̃ k̃ɛ gwe. ¹³ Bona gwe o do í léi ari o gɛ káo Regiumu. Kũ gu d̃ɔ ĩa bò g̃ɛn̄mid̃k̃i kpa, a gɔɔ pladen o ka Putɛɔli. ¹⁴ W̃ɛtɛ p̥ii g̃n̄n o Yesudenɔ l̃ɛn. Ò p̥i ò s̃uru kɛ ò azuma do kɛ kũńwo. O k̃ɛ lɛ, akũ o da Romu zén. ¹⁵ Romu Yesudenɔ ó baaruu mà, akũ ò sù daóle. Gb̃ɛkɛnɔ ó lé Apiu ɛten, gb̃ɛkɛnɔ s̃ɔ gu kũ òdi pi Kipakimɛn'aak̃n. Kũ Pɔlu n̄ é, à Luda s̃áabu kp̃a a laakarii kp̃atɛ.

Pɔlu waazikɛna Romu

¹⁶ Kũ o ka Romu, ò Pɔlu gb̃a zé àg̃ɔ kun adona kũ soza kũ anig̃ɔ a d̃ákp̃áo. ¹⁷ Gɔɔ aak̃ gbera Pɔlu Yuda gb̃ɛ z̃k̃nɔ sisi. Kũ ò k̃àkara, à p̃innɛ: Ma gb̃ɛnɔ, mádi z̃á Yudanɔnɛ ỹakearo. Mádi bo ó dizinɔ futɛokaraỹake kp̃ero, akũ ò ma kũ Yurusalɛmu ò ma kpa Romudenɔa. ¹⁸ Ò ma lala ỹai odi ỹake le ma musu kũ à k̃à ò ma d̃ero, akũ ò ye ò ma gbarɛ. ¹⁹ Akũ Yudanɔ bò ma kp̃ɛ. Tilasi ma zɛ kũ gɛna Siza k̃inaa, adi kɛ má ỹá ṽi kũ ma b̃usu gb̃ɛn̄nlo. ²⁰ A ỹá mé à tò ma á gb̃ɛka, de ò k̃ɔ e mà ỹá o k̃áá, zaakũ gb̃ɛ kũ Isarailanɔ wɛ d̃oi ỹain ò mò dí k̃amai.

²¹ Akũ ò p̃inɛ: Ódi takada ke le à bò Yudea b̃usun n ỹá musuro. Ó gb̃ɛke s̃ɔ adi bo gwe à s̃uwɛrɛ kũ n baaru ṽanioro. ²² O è à mana ò ỹá kũ n̄ ṽi ma n l̃ɛn, zaakũ o mà òdi donỹize p̃i ṽani bo gu s̃inda p̃inkiamɛ.

²³ Ò gɔɔ d̃itɛk̃nɛ kũ Pɔluo, akũ ò sù a k̃inaa ɔn kũ à k̃ipan dasidasi. À ye ò a ỹazɛ d̃ɔ Yesu ỹá musu, akũ à ña Musa dokaa kũ annabinɔ ỹanɔ, à kpata kũ à bò Luda k̃inaa ỹá òn̄nɛ à b̃òk̃ɛt̃ɛn̄nɛ zaa k̃onk̃o ari ɔk̃osi. ²⁴ Gb̃ɛkɛnɔ ỹá kũ àten onɔ zé lè, ama gb̃ɛkɛnɔ g̃ii. ²⁵ Kũ òten k̃ɛk̃sa kũ l̃ɛkpak̃s̃ao, Pɔlu ỹá m̃ɛn do k̃arañnɛ à p̃i: Ỹá kũ Luda Nini dà annabi Isayanɛ à ò á dizinɔnɛ bi ỹapuramɛ, kũ à p̃i:

²⁶ N̄ g̃ɛ ò o gb̃ɛ k̃n̄nɛ,
onig̃ɔ s̃á kp̃a ỹakɛmanaa sari,
onig̃ɔ gu gwa ỹake'ena sari.

²⁷ Ò n̄ɛɛ ṽiro de òsun ɔnd̃ɔ k̃uro ỹai,
n̄ s̃á gb̃ana de òsun ỹá maro ỹai,
n̄ wɛ kukurena de òsun gu ero ỹai,
zaakũ ò ye ò are d̃oma mà n̄ gba aafiario.

²⁸⁻²⁹ A ỹá mé à tò, àg̃ɔ d̃ɔ kũ Luda gb̃ɛnɔ z̃i kũ surabana ỹáo buri p̃andenɔa. M̃ɔk̃n̄mɛ oni sí.

³⁰ Pɔlu k̃ɛ kp̃é kũ àten f̃ina bo g̃n̄ w̃ɛ pla mámmam. Àdig̃ɔ gb̃ɛ kũ òdi su f̃ai bo k̃aaonɔ kũ ɔplapla n̄ p̃inki. ³¹ À kpata kũ à bò Luda k̃inaa ỹá waazi k̃ɛn̄nɛ à Dikiri Yesu Kirisi ỹá dàñnɛ kũ laakarii kpatena, gb̃ɛke dí kp̃anero.

ROMUDENŃ

Gbē sīnda pínki bi durunnakeriime 1:1-3:20

Lákū Luda dì tó yā bo kúnwo nna nà 3:21-4:25

Kunna gbē dufunŃ ũ Kirisi gūn 5:1-8:39

Yā kū Luda ten wete IsarailanŃ musu 9:1-11:36

YesudenŃ yákenaa 12:1-15:13

PŃlu fŃkpanmanaa 15:14-16:27

PŃlu fŃkpana RomudenŃa

¹ Makū PŃlu, Kirisi Yesu zŃbleri, Luda ma sisi à ma díte a zŃri ũ, baaru nna ² kū à gŃnake à a lé sè a annabinŃne ò kè a yān kpàri ũ. ³⁻⁴ A Né Yesu Kirisi ó Dikiri yāme baaru nna pì ũ. A bisásirike gūn à bò Dauda buri gūmmē. A ludaninike gūn a bona gan mé à mŃwewe kū gbānao kū Luda Néme a ũ. ⁵ Kirisi ma gba zé mágŃ de a zŃri ũ buri sīnda pínkine, de ò le ò a náani ke ò gŃ a yāmarinŃ ũ, de à tŃ bo. ⁶ Á kú gbē kū Yesu Kirisi n sísí à n sénŃ té se. ⁷ Ma takada díkŃna kèáre, ákŃnŃ Romude kū Luda yeáí à á sísí a gŃ a gbēnŃ ũ pínki. Luda ó De kū Dikiri Yesu Kirisio gbēke keáre, à á gba aafia.

⁸ Káaku gŃa ma Luda sáabu kè Yesu Kirisi gāí á pínki yā musu, kū á ludanaanikena da anduniala pínki yāi. ⁹ TŃ maten adua ke gŃŃ sīnda pínki, á yā dì sāmaguro. Ludame ma sèdade ũ. Àpiin maten doi kū nèse mèn doo mateni a Né yā baaru kpá. ¹⁰ MadigŃ wé kea à zé kekemenē lákū à yei nà de mà le mà su á gwa sà. ¹¹ Wésinaále ni teni ma de manamana, de mà le mà Luda Nini gba ke daágu á zŃnipetena yāi, ¹² de á ludanaanikena kū ma pŃŃ le à ò baadi gba swèē. ¹³ Ma gbēnŃ, má ye àgŃ dŃ kū madigŃ gŃŃ díte gèn baaakŃ mà su á gwa,* de mà a zŃ gbè e á té lákū ma è buri pāndenŃ té nà, akū ari tera mádi zé ero. ¹⁴ GirikiyāmarinŃ kū GirikiyāmarisarínŃ n pínki, dŃrinŃ kū dŃrisaridenŃ n pínki, n yā gŃ ma yā ũ. ¹⁵ Abire yāi ma mēe wā mà baaru nna pì kpá ákŃnŃ RomudenŃne se. ¹⁶ Madí wé'i kū kū baaru nna pì yāoro,† akūme gbāna kū Luda dì gbē kū òteni a náani kenŃ sura bao ũ, atēnsa YudanŃ, n gbera buri pāndenŃ. ¹⁷ Baaru nna pì dì owere lákū Luda dì tó yā bo kúnwo nna nà. À de ludanaanikena yā ũ adome, lákū ò kè Luda yān nà ò pì: Gbē kū Luda tò yā bò káao nna a náani kū àten ke yāi nigŃ kun.

BisásirinŃ bi taaridenŃme Luda kŃnaa

¹⁸ Zaa musu Luda dì a pŃfēna kipa bisásiri kū n vānikena dì zé zŃ yāpuranenŃa n pākpaina kū n vānikenaao yāi. ¹⁹ Yā kū oni fŃ ò dŃ Luda yā musu utenañnero, Luda mé à yā pìi bòñne gupuraa. ²⁰ Zaa gŃŃ kū à andunia kàte, a gbāna kū àdi lákaro kū a ludakena kū òdi e kū wéoro bò gupuraa a zŃnŃ gūn swáswa. A yā mé à tò bisásirinŃ kutekena víro. ²¹ Ò Luda dŃ, ama òdi bèere líne a zéa ò a sáabu kpáro. N laasunnŃ kè pā, akū ò gŃ gusiran n mŃsari yāi.‡ ²² Ó n zŃda díte òndŃrinŃ ũ, akū ò gŃ yŃnkŃnŃ ũ. ²³ Òdi kúte bisásiri kū òdi ganŃ kū bānŃ kū nŃbŃnŃ kū pŃ kū òdi taa o kū kúaonŃ takane Luda kū àdi garo gēne ũ.

* 1:13 ZŃr 19:21 † 1:16 Maa 8:38 ‡ 1:21 Efe 4:17-18

²⁴ A yā má à tò Luda n kpá gbāsíkēnaai, de ò wé'isariyā ke kú k̄so, lākū òdi a ni de n n̄esēe gūn nà. § ²⁵ Ò Luda yāpurade lilin kè kú ékeo. Òdi donyī ke Luda p̄okēnan̄o ò doñyī Luda kú à p̄s̄inda p̄ínki kè gēne ū. Arubarikaden a ū ḡo s̄inda p̄ínki! Aami.

²⁶ Abire yāi Luda n kpá wé'isariyā nidēnaaa. Bee n n̄ogbēn̄o yā kú òdi ke lilin kè kú yā kú òdi keroo. ²⁷ Leme se ḡogbēn̄o, ò yā kú òdi ke kú n̄ogbēn̄o tò, òdi lukak̄si. Ḡogbē kú ḡogbēo di wé'isariyā ke kú k̄so, òdi a gbè le n̄ zidaa n̄ sātēna lēn. ²⁸ Lākū òdi we ò zè kú Luda d̄ōnaaoro nà, akū à n̄ laasun kè lékperē, de ò yā kú à de ò kerono ke. ²⁹ Yā vāni s̄inda p̄ínki p̄ekereńma: N̄ese p̄āsī, wākū, ĩnikēna k̄so, n̄eseḡōba vīna k̄so, gbēdenaa, fitii, gbēblēna kú manafikikēnaao. K̄o m̄o t̄o den̄o me n̄ ū, ³⁰ gbēyakarino, Luda ibereño, gbē takikerino, ȳḡōdeno, ĩadārin̄o, vāni laasunlerino, de kú dao yādarisarino, ³¹ m̄isariden̄o, nāanisariden̄o, gbēyākerisariden̄o, wēndasariden̄o. ³² Ò d̄s̄ kú Luda d̄ite kú yā bire taka k̄erino kà ò n̄ dede, ama òdi ze kú a kenano adoro, òdi té ká a k̄erino gume d̄o.

2

Luda ni yākpate ke a zéa

¹ Abire yāi m̄ok̄n̄ kú ndi gbē pānde taari e, n̄ kutēkena vīro. Tó n gbē pānde taari è, n n zida dà yāmmē,* zaakū m̄ok̄n̄ gbētaari'eri ndi ke le se d̄o. ² Ó d̄s̄ kú Luda yākpatekena kú yā bire taka k̄erino kun a zéame. ³ M̄ok̄n̄ kú ndi yā bire taka k̄erino taari e, akū ndi ke se, nten da ĩni bo Luda yākpatekenan yā? ⁴ Ke nten d̄oke kú Luda nnakēnēna z̄ok̄so kú a menao kú a s̄uruuome? N̄ d̄s̄ kú Luda teni a nna kenne de n̄ n̄ n̄ese lite yāinloo? ⁵ N̄ sāgbāna kè, n̄di n̄ese litero, nten p̄ofē kakaranyī ari Luda p̄ofēkipammana ḡo zī, tó Luda yākpatekenaa kú gbēn̄o a zéa b̄o gupuraa. ⁶ Ani fīna bo baadinē a yākenaaa.† ⁷ Gbē kú òten gakuri kú b̄ereeo kú m̄evānasario wete, akūs̄ òten yā mana ke kú menaon̄o ni wēndi kú àdi lākaro le. ⁸ Gbē kú n̄ zida p̄oyeina ten doñne are ò ḡi yāpurai ò té yā vānino s̄s̄, Luda ni p̄ofē kú p̄ēt̄eo kipańma. ⁹ Wēt̄amma kú wāwāo ni yāvānikeri s̄inda p̄ínki le, atēnsa Yudan̄o, n̄ gbera buri pānden̄o. ¹⁰ Luda ni yāmanakeri s̄inda p̄ínki gba gakuri kú b̄ereeo kú aafiaao, atēnsa Yudan̄o, n̄ gbera buri pānden̄o. ¹¹ Zaakū Luda di gbēke wé gwaro.

¹² Gbē kú à durunna kè Musa doka d̄ōnaa sari ni kakate le doka p̄ii sari. Gbē kú à durunna kè nana doka p̄i oī s̄s̄, Luda ni yākpate ke k̄āao doka p̄ii musume. ¹³ Adi ke gbē kú àten doka ma kú s̄āo mé à mana Ludan̄ero. Gbē kú àten zī kea mé ani bo mana. ¹⁴ Tó buri kú ò Musa doka d̄ōron̄o yā kú à k̄s̄ s̄ioo kè kú n̄ zīdao, ò doka vī n̄ zīdaame. ¹⁵ Òten m̄owere kú yā kú à kú doka p̄ii gūn kú n̄ n̄esemme. N̄ laasun teni a yāpura o d̄o, zaakū n̄ laasun m̄en dor̄o, a ken̄o di n̄ da yān, a ken̄o di n̄ bon. ¹⁶ Leme yākpatekeḡo zī Luda ni yākpate ke kú bisāsirin̄o yā kú à utēna n̄ n̄esen musu Kirisi Yesu gāi, lākū baaru nna kú maten kpá ò nà.

Yudan̄o bi dokadarisarino me

¹⁷ M̄ok̄n̄ Yuda inaa, n ze kú n̄ Yudakeo, n̄ Musa doka náani vī, nteni ĩa dā kú Luda. ¹⁸ N̄ Luda p̄oyenyīna d̄s̄ kú yā k̄e à zé vīo, kú ò doka p̄ii dādanne yāi. ¹⁹ Nteni da n̄ de vīnan̄o wéde ū, gbē kú ò kú gusira gūnn̄o fitila ū, ²⁰ wésiraden̄o yādanneri ū, gbē dufun̄o kyódari ū. Nteni da Luda dokame

dōna kŭ yāpuraŃ mī ũ. ²¹ Mōkōn kŭ ndī yā da gbē pāndenŃne, bōyāi ndī da n zīdaneroo? N pī òsun kpāni oro, mōkōn ndī o se yā? ²² Ndī pī òsun zina kero, akŭ ndī ke se yā? Ndī tānanŃ gya bo, akŭ ndī n kpé pónŃ kpāni o se yā? ²³ Ndī ĩa dā Luda doka musu, akŭ n doka pī danasari dī Luda tó yaka. ²⁴ Zaakŭ á yāin buri pāndenŃ digō Luda tó vāni sí lākŭ ò kē Luda yān nà.

²⁵ Tó n Luda doka kŭna, akŭ tōzō àre vīnne. Tó ndi a yā da sōro, n lēle kŭ gyōfōdenŃme. ²⁶ Tó gyōfōde Luda dokanŃ kŭna, Luda ni gyōfōde pī gwa lēle kŭ gbē kŭ à tōzō zōoroŃ? ²⁷ Bee tó n doka takada pī kŭna, akŭsō n tōzōna, tó ndi doka pī daro, gyōfōde kŭ à yā pī kŭna ni tó yā danla. ²⁸ Kunna Yuda ũ yāpura bi mēbarayānlo, lēme tōzōna yāpura bi mēbarayān sero. ²⁹ Kunna Yuda ũ yāpura bi nēsēgŭnyāme, lēme dŃ tōzōna yāpura bi nēsēgŭnyāme se. Luda Nini zīme, adi ke doka takada yānlo. Luda mé adi gbē bire taka sáabu kpá, adi ke bisāsirinlo.

3

¹ Karana kpaten dena Yuda ũ vīi? Àre kpaten tōzōna vīi? ² À karana vī zōkō yā sīnda pínki gŭn. Káaku gīa Luda a yā nāine n cīme. ³ Kŭ n gbēkenŃ náani vīro, bōn abirekŭ vīi? N kunna náani sari ni Luda náani gboro yá? ⁴ Oi! Lenlo! À tó Luda gō yāpura vī, bee kŭ gbē sīnda pínki bi ékedeme, lākŭ ò kē Luda yān nà ò pī:

Tó n yā ò, n yā nigō zé vī,

tó n yākpate kē kŭnwo, n yā ni ble.*

⁵ Tó ó vānike dī Luda manake bo gupuraa, bō yān óni oo? Óni pī Luda vāni kŭ adi pōfē kipawā yāin yā? Maten o lán bisāsiri onaa bàme. ⁶ Oi! Lenlo! Tó Luda yāze vīro, à kē dera ani fō à yākpate ke kŭ anduniaoo? ⁷ Gbēke ni pī, tó a ékeke ten Luda náani kara, akŭsō àteni a tó bo, bōyāi ani yā daala lán durunnakerii bàa? ⁸ Tó n ò le nteni pī ò yā vāni ke, yā mana ni bon. GbēkenŃ ma tó vāni sī ò pī len madī o le. Luda yādanlana kō sī kŭnwo.

Gbēke manaro

⁹ Tò! ÓkōnŃ YudanŃ ó sànan yá? Lenlo fá! Zaakŭ ma YudanŃ kŭ buri pāndenŃ bōbo n dān n pínki kò, n pínki bi durunna zōnŃme. ¹⁰ Ò kē Luda yān ò pī:

Gbēke manaro, bee mèn do.

¹¹ Laakaride ke kunlo, Luda ki weteri ke kunlo.

¹² Ò sāsā n pínki ò gō dōrŃ sari,

yāmanakeri ke kunlo, bee mèn do.†

¹³ N kōto de lán mira wēnaa bàme.

Òdi lēnna keīne,

n légbē bi pitiko sēweme,‡

¹⁴ yā ĩni kŭ gbēkanaao n lé pà.§

¹⁵ Ò wāna kŭ gbēdenaao,

¹⁶ òdi suńyī kŭ kisirao kŭ wētammao,

¹⁷ ò aafia zé dōro,

¹⁸ n wé digō Luda wé'i vīro.**

* 3:4 Zab 51:4 † 3:12 Zab 53:1-3 ‡ 3:13 Zab 5:9, 140:3 § 3:14 Zab 10:7 ** 3:18 Zab 36:1

¹⁹ Ó d̄s k̄u Luda doka p̄inki de gb̄e k̄u ò na doka p̄i òĩno p̄ó ùme, de gb̄e s̄inda p̄inki lé ḡs nak̄sana, andunia gb̄e s̄inda p̄inki ḡs taaride ù Luda k̄inaa. ²⁰ Zaak̄u gb̄eke ni bo mana Luda k̄inaa doka p̄i k̄una ȳairo. †† Luda doka mé àdi tó ò durunna d̄s.

Deran Luda di tó yā bo k̄uĩwo nna nà

²¹ Deran Luda di tó yā bo k̄uĩwo nna nà bò gupuraa sà, lákū a yā kēna Musa doka k̄u annabin̄o takadan̄o gūn nà. Adi ke a doka k̄una yānlo. ²² Luda di tó yā bo k̄uĩwo nna Yesu K̄irisi náanikena yāime. Gb̄e k̄u àteni a náani ke s̄inda p̄inki p̄óme. Gb̄eke bona adoro, ²³ zaak̄u baadi durunna k̄e, ò k̄la Luda gakurii. ²⁴ Luda di tó yā bo k̄uĩwo nna gba ũ a gb̄eke yāi k̄u K̄irisi Yesu k̄u à n̄ bó gb̄anao. ²⁵ Àkūme Luda kp̄a durunna k̄utekebo ũ gb̄e k̄u òteni a aru náani ken̄one, de à m̄ó baadi p̄inkine k̄u adi yā ke a zéaame. À mena yā, adi durunna z̄ĩno yā daro, ²⁶ akū à m̄òĩne tera k̄u adi yā ke a zéa. Deran Luda di yā ke a zéa n̄an gwe, akūs̄ àdi tó yā bo k̄u Yesu náanikerin̄o nna.

²⁷ Bisāsirin̄o ni f̄s ò ïa d̄a d̄o yā? Abirek̄u ni sí kero. B̄oyāii? Zaak̄u à de z̄ĩkena dokaa yā ũro, Yesu naanikena yāme. ²⁸ Zaak̄u ma è yā di bo k̄u gb̄eo nna Yesu náanikena yāime, z̄ĩkena dokaa baasi. ²⁹ Luda bi Yudano Ludame n̄tēne yā? Buri p̄ānden̄o Ludan seroo? Ee, buri p̄ānden̄o Ludame d̄o. ³⁰ Zaak̄u Luda m̄en dome. Ani tó yā bo k̄u gb̄e k̄u à t̄s̄o z̄s̄o nna a náani k̄u àten ke yāime, akūs̄ ani tó yā bo k̄u gyof̄or̄odeo nna a náani dok̄s̄no p̄i musu. ³¹ Óten doka da p̄oke ũro ludanaanikena yāin yā? Lenlo, óten gb̄ana kp̄aame.

4

Yā bò k̄u Ibrah̄io nna ludanaanikena yāi

¹ Ók̄s̄no Yudano, óni o derame ó dizi káaku Ibrah̄i yā musuu? ² Tó Luda tò yā bò k̄āao nna yā k̄u à k̄e yāi, de à à ïad̄yā l̄e, ama adi f̄s à d̄a Luda arero. ³ Deran ò ò nà Luda yānn? Ò p̄i Ibrah̄i Luda náani k̄e, akū Luda tò yā bò k̄āao nna a náani k̄u à k̄e yāi. * ⁴ F̄inabona z̄ikeriine bi gb̄ekeken̄nenaanlo, a ísimmame. ⁵ Bee tó gb̄e ten yāke kero, tó àten Luda k̄u àdi tó yā bo k̄u taariden̄o nna náani ke, Luda ni tó yā bo k̄āao nna a náani k̄u àten ke yāi. ⁶ Dauda gb̄e k̄u Luda tò yā bò k̄āao nna yākekenaa sari arubarikalena yā ò à pi:

⁷ Arubarikaden̄on gb̄e k̄u Luda p̄ó k̄u n̄ taarin̄o la à n̄ durunnan̄o k̄èr̄man̄o ũ.

⁸ Arubarikaden gb̄e k̄u Dikiri ni a durunna yā daro ũ. †

⁹ Arubarika bire bi gb̄e k̄u à t̄s̄o z̄s̄ p̄óme ado yā, ke gyof̄or̄ode p̄óme d̄o? Ò p̄i Luda tò yā bò k̄u Ibrah̄io nna, k̄u à a náani k̄e yāi. ¹⁰ Deran Ibrah̄i de ḡoro k̄u Luda tò yā bò k̄āao nnaa? À t̄s̄z̄na yā ke gyof̄or̄odeme? Adi t̄s̄ z̄oro, gyof̄or̄odeme. ¹¹ Akū à t̄s̄o z̄s̄ s̄eda ũ, k̄u Luda tò yā bò k̄āao nna a gyof̄or̄odekeḡoro yāi. ‡ Len à de gyof̄or̄ode k̄u Luda tò yā bò k̄uĩwo nnano dizi ũ le n̄ p̄inki n̄ ludanaanikena yāi. ¹² À de gb̄e k̄u ò t̄s̄o z̄s̄no dizi ũme d̄o. Adi ke n̄ t̄s̄z̄na yāinlo, k̄u ò té ó dizi Ibrah̄i ḡes̄eḡbee yāime k̄u à Luda náani k̄e a gyof̄or̄odekeḡoro.

Deran Ibrah̄i Luda náani k̄e nà

†† 3:20 Zab 143:2, Gal 2:16 * 4:3 Naa 15:6, Gal 3:6 † 4:8 Zab 32:1-2 ‡ 4:11 Naa 17:10

13 Luda lé sè Ibrahĩne kũ a burinŃ à pì, andunia ni gŃ ñ pŃ ũ. § Adi ke a doka kũna yáinlo, kũ Luda tò yā bŃ kãao nna a náani kũ à kè yáime. 14 TŃ gbē kũ ò doka kũnanŃ mé oni kí ble, akũ ludanaanikenaa àre vĩro, akũsŃ Luda lésena a kè pāpā, ** 15 zaakũ doka ò su kũ Luda pŃfēome. Gu kũ doka kunlo, taari ògŃ kũ gwerŃ. 16 A yāi pŃ kũ Luda a lé sè lena bi a náanikena yāme, de àgŃ de a gbēke yā ũ. Lésena a pì sŃ bi Ibrahĩ buri pinŃ pŃme ñ pínki, adi ke gbē kũ ò Musa doka kũna ñtēnenŃnlo, kũ gbē kũ ōten Luda náani ke lán Ibrahĩ bànŃme dŃ. Ibrahĩ bi ó pínki dizime. †† 17 À de ó dizi ũ Luda kĩnaa, lákũ ò kè Luda yān nà. Luda pì a a òte buri dasinŃ dizi ũ. Ibrahĩ Luda kũ àdi wēndi kpá gēnŃ a à tŃ pŃ kũ ò kun yāronŃ gŃ kun ‡‡ náani kè. 18 À Luda náani kè à wé dŃ pŃ kũ gbēke wé dŃiroi, akũ à gŃ buri dasinŃ dizi ũ lákũ Luda òne nà à pì, leme a burinŃ nigŃ de le. §§ 19 Ibrahĩ kà lán wè basŃoro taka bà. Bee tŃ à laasun lè a gŃgbēke bŃsaria kũ Sara né'isŃ tatanaao, a ludanaanikena dí busaro. *** 20 Adi sika ke lé kũ Luda sēneero, adi gí Luda náani keiro, akũ à gbāna lè a ludanaanikena a a à Luda tŃ bŃ, 21 zaakũ à ò kũ à yā futena vĩro, Luda ni fŃ à lé kũ à sèe pì ke. 22 Abire yāin Luda tò yā bŃ kãao nna. 23 Ōdi yā bona kãao nna pì kē a yāi adoro, 24 ò kè ókŃnŃ kũ Luda ni tŃ yā bo kũoo nnanŃ yáime dŃ, ókŃnŃ kũ ōten Luda kũ à ó Dikiri Yesu fùte bona gan náani kenŃ. 25 Luda a kpámma de à le à ó taarinŃ kēwēre yáime, akũ à a fùte kũ wēndiio, de yā le à bo kũoo nna yāi.

5

Kena nna kũ Ludao

1 Lákũ Luda tò yā bŃ kũoo nna nà a náani kũ ōten ke yāi, ó nna kãao sà ó Dikiri Yesu Kirisi gāi. 2 A náanikena a gũn o zé lè a gāi o gē Luda gbēke kũ ó kũoo pìi gũn, akũ ōten pŃnna ke kũ Luda gakuri kũ ó wé dŃiio. 3 Adi ke abiren adoro, ōten pŃnna ke kũ ó warikenaao dŃ, zaakũ ó ò kũ wari ò su kũ menao, 4 mena ò su kũ dà manao, dà mana ò su kũ tãmaaa, 5 tãmaa sŃ àdi ó néro, zaakũ Luda a yenyĩ dà ó nēsen a Nini kũ à ó gbá gāi. 6 Ó gbānasarike gũn Kirisi gā ókŃnŃ yāvānikerinŃ gēne ũ gŃrŃ kũ Luda òtea. 7 Gana gbē mana gēne ũ aragarŃ. Ke gbēke ni we à ga gbē mana gēne ũ gwēe, 8 akũ Luda mŃwēre deran á yewái nà, zaakũ ó durunnadeke gũnn Kirisi gā ó gēne ũ. 9 Lákũ yā bŃ kũoo nna nà sà a aru yāi, a ó sina Luda pŃfēa a gāi sika vĩ dŃ yá? 10 Yā ó ĩni kũ Ludaome, akũ o ke kãao nna a Né gana yāi. Lákũ o ke kãao nna nà sà, ó surabana a kunna wēndiio yāi sika vĩ dŃ yá? 11 Adi ke adikĩname adoro, ōten pŃnna ke kũ Ludao dŃ ó Dikiri Yesu Kirisi kũ à tò o ke kãao nna gāi.

Kirisi yā lekšana kũ Adamu

12 Gbē mēn do yāin durunna gē andunia gũn,* akũ durunna ga i.† Leme dŃ ga kũ gbē sĩnda pínkia, kũ gbē sĩnda pínki durunna kè yāi. 13 Durunna kũ andunia gũn de Musa doka gŃ gé su. GŃrŃ kũ doka kunlo, Luda dí durunna yā daro, 14 ama sena zaa Adamua ari à gēe pé Musaa ga kí blè gbē sĩnda pínkia, bee gbē kũ odi durunna ke lán Adamu sātēna bāronŃ. Adamu bi gbē kũ ani su takame.

§ 4:13 Naa 17:4-6, 22:17-18, Gal 3:29 ** 4:14 Gal 3:18 †† 4:16 Gal 3:7 ‡‡ 4:17 Naa 17:5
 §§ 4:18 Naa 15:5 *** 4:19 Naa 17:17 * 5:12 Naa 3:6 † 5:12 Naa 2:17

¹⁵ Ama Luda gba ni sí lek̄sa k̄u Adamu taarioro, zaak̄u lák̄u gb̄en̄o gà dasi nà Adamu ado sátena yāi, Luda gb̄eke k̄u a gbao k̄u à kà gb̄en̄o dasi Yesu Kirisi ado gb̄eke yāi de abirek̄ula. ¹⁶ Luda gba ni sí lek̄sa k̄u gb̄e mèn do durunna piioro. Taari mèn do pi mé à sù k̄u yákpatekenaa, ak̄u yā vùte bisásirin̄o. Taarin̄o sù k̄u Luda gbao, ak̄u yā b̄ò k̄u gb̄en̄o nna. ¹⁷ Lák̄u Adamu ado taari mé à tò ga sù à kí blè nà, Yesu Kirisi ado yā k̄u à sùo z̄sk̄ de abirek̄ula. Abire yāi gb̄e k̄u Luda gb̄eke k̄en̄ne, k̄u à tò yā b̄ò k̄un̄wo nna gba ūn̄o ni kí ble w̄endii ḡun. ¹⁸ Abire yāi lák̄u taari mèn do pii tò yā vùte buri s̄inda p̄inkia nà, lem̄e d̄o yāmanakena mèn do pii dì tó buri s̄inda p̄inki bo mana le ò w̄endi le. ¹⁹ Lák̄u gb̄e mèn do s̄agbāna mé à tò gb̄en̄o ḡò durunnaden̄o ū dasi nà, lem̄e d̄o gb̄e mèn do yāmana ni tó gb̄en̄o bo mana dasi. ²⁰ Doka sù de taari le àḡō kara yāime. Ama k̄u durunna k̄ara, Luda gb̄eke k̄ara de abirek̄ula. ²¹ Lák̄u durunna k̄iblenaa sù k̄u gao nà, len d̄o Luda gb̄eke k̄iblenaa dì tó ò bo mana le, ò w̄endi k̄u àdi lákaro le ó Dikiri Yesu Kirisi ḡai.

6

Kunna Kirisi ḡun

¹ Óni o deram̄e? Óni gí òḡō durunna ke de Luda gb̄eke le àḡō karan yá? ² Oi! Lenlo! Ók̄on̄o k̄u ó de ḡen̄o ū durunna yā musu, à k̄e dera óniḡō kp̄e òḡō durunna ke d̄o? ³ Ók̄on̄o k̄u ó da'ite k̄e Kirisi Yesu p̄ō ūn̄o, á d̄s k̄u ó leele k̄āao a ga ḡunloo? ⁴ O ga k̄āao da'itekenaa ḡun, ò ó v̄i k̄āao de òḡō kú k̄u w̄endi dufuo, lák̄u Kirisi b̄ò gan k̄u a De gb̄ana gakurio à kun nà.* ⁵ Lák̄u o ḡō k̄āao m̄e dok̄on̄o ū a ga ḡun nà, len óni ḡō k̄āao le a vunaa ḡun se. ⁶ Ó d̄s k̄u ó dà z̄i gà k̄āao lía, de ó m̄e durunnade kakate òsun z̄ò ble durunnane doró, ⁷ zaak̄u gb̄e k̄u à gàa b̄ò durunna yāmm̄e. ⁸ Lák̄u o ga k̄u Kirisio nà, ó a náani v̄i k̄u óniḡō kú k̄āao d̄o. ⁹ Ó d̄s lák̄u Kirisi b̄ò gan nà, ani ga doró, ga gb̄ana v̄ia doró. ¹⁰ Zaak̄u gana k̄u à gà, à gà durunna yā musu ḡen̄ dome, kunna k̄u à kun tera s̄ō, à kun Luda p̄ō ūme. ¹¹ Len ák̄on̄o se, à á z̄ida dite ḡen̄o ū durunna yā musu le, ániḡō kun Luda p̄ō ū Kirisi Yesu ḡun. ¹² Abire yāi àsun tó durunna kí ble á m̄e k̄u ani gaa á dà v̄ani doáre are doró. ¹³ Asun á m̄eguke kp̄a durunnaa v̄anikeb̄o ūro. À á z̄ida kp̄a Ludaa gb̄e k̄u ò b̄ò gan ò kunno ū, à á m̄eguno kp̄aa yāmanakeb̄on̄o ū. ¹⁴ Asun tó durunna ḡō gb̄ana v̄iáwa doró, zaak̄u á na doka ōiro, séde Luda gb̄eke.

Yāmanakena z̄on̄o

¹⁵ Deran gwee? Lák̄u ó kú doka ōi doró nà, séde Luda gb̄eke ōi, óniḡō gí durunna ken yá? Oi! Lenlo! ¹⁶ Á d̄s k̄u tó a á z̄ida kp̄a gb̄eá áten m̄i natene, á de ade z̄ò ūro? Tó durunnan a á z̄ida kp̄aa, áni game. Tó a m̄i n̄ate Ludane s̄ō, áni bo mana. ¹⁷ O s̄āabu k̄e k̄u Ludao, zaak̄u durunna z̄on̄on̄o á ū yā, ak̄u a m̄i n̄ate yā k̄u ò dàáre z̄éazeane k̄u n̄ese mèn doo. ¹⁸ A bo durunna yān, a ḡō yāmanakena z̄on̄o ū. ¹⁹ Maten yā p̄i o lák̄u bisásiri yā'onaa bà á gb̄anasarike yāime. Lák̄u a á m̄eguno kp̄a yā p̄āpākena k̄u yā v̄anio z̄on̄o ū a yā v̄ani k̄e nà, len tera d̄o à á m̄eguno kp̄a manakena z̄on̄o ū de á kunna ḡō adona. ²⁰ K̄u á de durunna z̄on̄o ū yā, á bàka kú k̄u yāmanakenaao. ²¹ Are kpaten a lè yā k̄u à k̄e yā k̄u à k̄éare wé'iyā ū teran̄o musuu? Yā p̄in̄o lakana bi game. ²² Tera sà lák̄u a bo durunna yān nà áten do Ludai, á àren

* 6:4 K̄ol 2:12

kunna adona ũ, a lakana s̄ bi w̄endi k̄ àdi lákaromε. ²³ Durunna làada bi game, ama gba k̄ Luda dàwεε kunna ó Dikiri Kirisi Yesu ḡunn w̄endi k̄ àdi lákaro ũ.

7

Ó kú Musa doka ɔ̄ doró

¹ Ma gb̄ε̄ɔ, maten yā oáre lán gb̄ε̄ k̄ ò Musa doka d̄ɔ̄ɔ bà. Á d̄s̄ k̄ doka iko v̄i gb̄ε̄a ḡɔ̄ɔ k̄ à kun k̄ w̄endiionloo? ² Len doka p̄i n̄ɔz̄are ȳi a z̄áne le ḡɔ̄ɔ k̄ à kun k̄ w̄endiio. Tó a z̄á gà, akū doka p̄i di poroa. ³ Ḡɔ̄ɔ k̄ a z̄á kun, tó à ḡs̄ ḡs̄ p̄ánde p̄ó ũ, oni pinε zinakeriime. Tó a z̄á ḡáme s̄s̄, doka p̄i p̄òroaan gwe. Tó à ḡs̄ ḡs̄ p̄ánde p̄ó ũ s̄à, abirekū bi zina ȳáme doró. ⁴ Len ák̄ɔ̄ɔ se ma gb̄ε̄ɔ, a ga doka musu Kirisi m̄εε ḡái, akū a ḡs̄ gb̄ε̄ k̄ à vù gan p̄i p̄ó ũ, de ò le ò karana le Luda p̄ó ũ. ⁵ Kū ó d̄aa d̄òwεε are yā, doka mé à tò durunna ni ó k̄ ó m̄εε ḡūn, akū o karana lè ga p̄ó ũ. ⁶ Tera s̄à o ga p̄ó k̄ à ó k̄ z̄ò ũ p̄i yā musu, o bo dokan, akū óten do Ludai a Nini zé dufu ḡūn, adi ke doka takada zé z̄i ḡūnlo.

Doka k̄ durunnao

⁷ Óni pi deramεε? Luda doka bi durunna yá? Lenlo fá! Doka p̄i mé à tò ma durunna d̄s̄. Tó doka dí p̄i òsun p̄ó ni deroro,* de má d̄s̄ deran p̄ónidena d̄iḡs̄ de n̄aro. ⁸ Durunna zeki lè Luda ȳáditenaa p̄iia, akū à tò p̄ó s̄inda p̄ínki ni ma k̄. Zaakū má doka d̄s̄ro, durunna demεε ȳáke ũro. ⁹ Má kun yā doka sari, ama k̄ ma ȳáditenaa p̄i mà, durunna vù in, ¹⁰ akū ma ga. Ȳáditena k̄ à de à w̄endi kp̄áma p̄i s̄umεε k̄ gao. ¹¹ Durunna zeki lè ȳáditenaa p̄iia, akū à k̄k̄ε à ma de yā p̄i ḡái. ¹² Lemε doka p̄i kunna adona, akūs̄s̄ Luda ȳáditenaa p̄i kunna adona, à zé v̄i akūs̄s̄ à mana. ¹³ Yā mana mé à tò ma ga yá? Lenlo fá! De durunna le à bo gupuraa, à ga imεε yā mana ḡái, de ò durunna d̄s̄ durunna ũ ȳáditenaa p̄i ḡái.

Z̄ikana k̄ durunnao

¹⁴ Ó d̄s̄ k̄ doka p̄i bò Luda k̄inaame. Makū s̄s̄, dàden ma ũ, má na durunna ɔ̄i. ¹⁵ Madiḡs̄ yā k̄ maten ke gb̄á d̄s̄ro, zaakū mad̄i yā k̄ má ye mà ke kero, yā k̄ má ye mà keron mad̄i ke.† ¹⁶ Tó yā k̄ ma k̄é dí k̄s̄ sí k̄ ma p̄yεinaaoro, ma we k̄ doka p̄i mana. ¹⁷ Adi ke makū mé maten kero, durunna k̄ à kú ma ḡūmε. ¹⁸ Má d̄s̄ k̄ yā mana kú ma ḡūnlo, ma dà manaro. Madiḡs̄ ye mà yā mana ke, ama mad̄i f̄s̄ mà kero. ¹⁹ Yā mana k̄ má ye mà ke, mad̄i kero. Yā v̄áni k̄ má yeiron mad̄i ke. ²⁰ Tó yā k̄ má yeiron maten ke, adi ke makū mé maten kero, durunna k̄ à kú ma ḡūmε. ²¹ Ma è tó má ye mà a mana ke, a v̄áni mé àdi domεε are. ²² Luda doka mé àdi kemεε nna ma sw̄εε ḡūn, ²³ ama ma è iko p̄ānden kú ma m̄εε ḡūn, àdiḡs̄ z̄i ká k̄ iko k̄ à kú ma laasun ḡūnwo, akū má na durunna iko k̄ à kú ma m̄εε ḡūn p̄i ɔ̄i. ²⁴ Makū w̄endade ina, dí mé ani ma sí ma m̄ε k̄ à ma kpa gai dí ɔ̄i? ²⁵ Ma s̄áabu k̄ k̄ Ludao! Kū ó Dikiri Kirisi Kirisi gb̄ānao. Len má de z̄ò ũ Luda dokanε ma laasun ḡūn le, akūs̄s̄ má de z̄ò ũ durunna ikoone ma d̄aa ḡūn.

8

Z̄iblena k̄ Luda Nini gb̄ānao

* 7:7 Bon 20:17 † 7:15 Gal 5:17

¹ Yákpate ni gbē kū ò kú Kirisi Yesu gūnnò ble doro, ² zaakū kunna Kirisi Yesu gūn Luda Nini kū àdi wèndi kpámma gbāna ma bo durunna kū gao ikon. ³ Yā kū Musa doka dí f̄s à kèro bisāsiri gbānasarike yāi, Luda kè. À a zīda Né zī bisāsiri ũ lán ókōnò durunnadenò bà durunna kēńmana yāi, akū à wé'i dà durunna a Né mēe p̄i gāi, ⁴ de yā kū doka ten wete yāpura kēwá, ókōnò kū ó dāa di dowerε are doro, sé Luda Nini. ⁵ Gbē kū n̄ dāa di dońne arenò di laakari dō n̄ dà yāa, gbē kū Luda Nini di dońne arenò di laakari dō Luda Nini yāa. ⁶ Dà donnena are bi game. Luda Nini donnena are bi wèndi kū aafiaaome. ⁷ Dà donnena are bi ibereşena kū Ludaoome. Ade di mi nate Luda dokanero, ani f̄s sero. ⁸ Gbē kū n̄ dāa di dońne arenò yā di ká Ludaguro.

⁹ Ákōnò s̄s, á dāa di doáre arero, sé Luda Nini, tó à kú á gūn yāpura. Tó gbē Kirisi Nini vī s̄sro, à kun Kirisi p̄s ũro. ¹⁰ Tó Kirisi kú á gūn, bee tó á mē de gē ũ durunna yāi, á nini kumme, * kú Luda tò yā bō kááo nna yāi. ¹¹ Tó Luda kū à Yesu bō gan Nini kú á gūn, † Luda kū à Kirisi p̄i vù gan ni wèndi kpá á mē kū à gāa piia a Nini kū à kú á gūn gāi.

¹² A yā mé à tò ma gbēnò, tena ó dāai bi tilasinlo, p̄yeinaame. ¹³ Tó á té á dàai, áni game. Tó á yā vāni kenanò m̄i dē kū Luda Nini gbānao s̄s, áni ḡs kun. ¹⁴ Gbē kū Luda Nini di dońne arenò mé ò Luda nēnò ũ. ¹⁵ Zaakū nini kū àdi tó ò zò ble kū vīnaaon a lèro, Luda Nini kū à tò a ḡs Luda nēnò ũn á vī, akū odì s̄s dō Ludane kū a gbānao ò pi: Baa, ó De. ‡ ¹⁶ Nini p̄i di o ó ninine kū Luda nēnòn ó ũ. ¹⁷ Lákū a nēnòn ó ũ nà, a túbiblerinòn ó ũ. Luda túbiblerinòn ó ũ, óni ble lēle kū Kirisiome. Tó o wari kē káao, óni ḡs kú káao a gakuri gūn. §

Wédona Luda gakurii

¹⁸ Ma è óni f̄s ò ḡro díkīna wari lek̄sa kū gakuri kū Luda ni boowerε gupuraaro. ¹⁹ Luda p̄skenanò sīnda pínki wé dō a nēnò bona gupuraai lakanaa sari. ²⁰ Zaakū Luda tò a p̄skenanò ḡe p̄ap̄akenaa gūn pínki ** Adi ke n̄ p̄yeinaanlo, Luda mé à kē le, de n̄ wédoinaa gūn ²¹ andunia bo yakana kū àten zò blenε gūn, gbasa àḡs a zīda vī Luda nēnò gakuri gūn. ²² Ó d̄s kū Luda p̄skenanò sīnda pínki ten nda kū wāwāo lán né'ip̄o bà ari tera. ²³ Adi ke abireme adoro, ókōnò kū ó Luda Nini vī zenkepeke ũnò, óten nda kpāni se ari Luda ḡs gé ó mē lite à ó sí a nēnò ũ. †† ²⁴ Luda ó sura bà de ò wé dō abirekūi. P̄s kū ò è kū wéo bi wédoina yān doro. Dí mé àdi wé dō p̄s kū à gīnake à lèe? ²⁵ Tó ó wé dō p̄s kū ódi leroi s̄s, odiḡs a dā kū menaome.

²⁶ Lemε s̄s Luda Nini di kpáwái ó gbānasarike gūn, zaakū ó aduakena d̄s a zéaro, akū Luda Nini di kúte kewere Ludane kū ndana kū a yā ḡe onalao. ²⁷ Luda di nēse gūn e, akūs̄s à a Nini laasun d̄s, zaakū Luda Nini di kúte ke Luda gbēn̄ne lákū Luda yei nāme. ²⁸ Ó d̄s kū yā sīnda pínki di bo mana gbē kū ò ye Ludain̄ne, gbē kū à n̄ sísi à n̄ sé lákū àten wete nānò. ²⁹ Zaakū Luda d̄ite zaa káaku kū gbē kū à gīnake à n̄ d̄sò bok̄sa kū a Néó, de àḡs de daudu ũ dakūna dasinò té. ³⁰ Gbē kū à n̄ d̄ite zaa káaku p̄in̄n̄ à n̄ sísi, akū à tò yā bō kū gbē kū à n̄ sísi p̄in̄n̄o nna, akū à tò gbē kū yā bō kúńwo nna p̄in̄n̄o ḡs gakuri vī.

Yenyī kū Luda vī kúoo Kirisi Yesu gūn

* 8:10 Yuh 6:63 † 8:11 1K̄o 3:16 ‡ 8:15 Maa 14:36 § 8:17 Gal 4:5-7 ** 8:20 Naa 3:17-19
†† 8:23 2K̄o 5:2-5

³¹ Óni o derame yā bireno musuu? Lákū Luda zè kūoo nà, dí mé ani f̄s à kpáwεεε? ³² Lákū adi gí kū a zída Néoro nà à a kpà ó pínki yái, ani gí p̄s s̄inda pínki naawεεε gba ũ s̄s̄i yá? ³³ Dí mé ani gbē kū Luda ní s̄eno káara keεε? Luda mé àdi tò yā bò kúnwo nna. ³⁴ Dí mé ani yā daólaa? Kirisi Yesu gà, kū à de abirekūla à era à f̄ute, à kú Luda ɔplai, àten kúte kenεwεε. ³⁵ Bó mé ani ó kék̄sa kú Kirisi yenyíoo? Wari ke mè ùmm̄ana ke wét̄amm̄ana ke nà ke takasi ke kari ke f̄en̄da, ní ke ni f̄s yá? ³⁶ À kēna Luda yān ò p̄i: N yāi ó kú ga léi zaa k̄n̄k̄o ari ɔk̄osi,

òdi ó dite lán s̄a kū oni ní kùtu kpán̄o bà.††

³⁷ Yā bireno gūn pínki ó de z̄blerila kū gbē kū à yewái gbānao. ³⁸ Zaakū má d̄s s̄ans̄an kū ga ke w̄endi ke malaikan̄o ke t̄anan̄o ke tera yā ke zia yā ke gbānadeno ³⁹ ke musu pón̄o ke z̄ite pón̄o ke Luda p̄k̄ena p̄anden̄o, ní ke ni f̄s à ó kék̄sa kú yenyī kú Luda vī kūoooro kunna ó Dikiri Kirisi Yesu gūn.

9

Luda Isarailan̄o sena a gbēno ũ

¹ Maten yāpura o Kirisi gūmme, mádi éke toro. Ma laasun di we kū Luda Ninio se. ² Ma p̄sira kè z̄k̄s̄, ma nèsee diḡs̄ yakana ḡɔɔ s̄inda pínki. ³ Mani f̄s mà wé ke Ludaa à ma bo Kirisi gūn, à láari kema ma Isaraila dakeno gēne ũ. ⁴ Mók̄n̄on̄ Luda ní sé a n̄eno ũ,* à a gakuri m̄òñne, a bàka kú kúnwo, à a doka kpám̄ma, à donyīkenaa d̄añne, à lé s̄ñne. ⁵ Ò de Luda gbē káakun̄o burin̄o ũ, akūs̄s̄ ní buri gūnn̄ Kirisi kú à de gbē s̄inda pínkila b̄on bis̄asiri ũ. Àkūme Luda kú à kù òḡs̄ a s̄áabu kpá ḡɔɔ s̄inda pínki ũ. Aami.

⁶ Adi ke yā kú Luda ò l̄ete p̄anlo, zaakū Isaraila gbē s̄inda pínkime Isaraila yāpura ũro. ⁷ Adi ke Ibrahim̄i buri s̄inda pínkime Ibrahim̄i p̄i n̄eno ũ Luda k̄inaaro, zaakū Luda ò Ibrahim̄ine à p̄i, Isaaku burin̄on̄ oniḡs̄ piñne a burin̄o ũ.† ⁸ Leme adi ke né kú à ní í kú p̄oyeinaaon̄ome Luda n̄eno ũro, né kú à ní í Luda l̄es̄enaa musun̄ome buri p̄in̄o ũ. ⁹ Zaakū Luda lé s̄è à p̄i: Mani era mà su ziki mandara'i, Sara ni né í ḡs̄gbē ũ.† ¹⁰⁻¹² Adi ke abire adoro. Luda di gbēno sé lákū a p̄oyenyīnaa bàme, adi ke ní yākena yāinlo, kú à ní s̄isi yāime. Leme kú Rebeka sikan̄o n̄ò s̄i kú ó dizi káaku Isaakuo, ari àḡs̄ gé ní i, ari òḡs̄ gé yā mana ke a v̄ani ke, Luda p̄i Rebekane, a kú à bò káaku niḡs̄ né ũ gbē kp̄eden̄e.‡ ¹³ Lákū ò k̄è Luda yān nà ò p̄i:

Má ye Yakubui,

Isau s̄s̄, ma gii.**

¹⁴ Óni p̄i derameεε? Yā v̄ani kú Luda k̄inaan̄o yá? Lenlo fá! ¹⁵ Zaakū à p̄i Musane,

gbē kú á ye à s̄uru ke k̄aaon̄o áni keo,

akūs̄s̄ gbē kú á ye à w̄enda d̄ñen̄o áni d̄ñe.††

¹⁶ A yā mé à tò Luda gbēno sena dí bo bis̄asirin̄o p̄oyeinaa ḡairo ke ní kokarikenan̄o, à bò Luda s̄uru gūmme. ¹⁷ Zaakū Luda ò Firi'aunan̄e a yān à p̄i: Ma n̄ ka kpatan̄o de mà a gbāna m̄o gbēnoñe n̄ musume, ò ma tó kpá andunia gūn pínki.†† ¹⁸ Leme gbē kú à ye à s̄uru ke k̄aaon̄o àdi ke k̄aaon̄o le, akūs̄s̄ gbē kú à ye à a s̄a gbāgbān̄o àdi gbāgbā.

†† 8:36 Zab 44:22 * 9:4 Bon 4:22 † 9:7 Naa 21:12 † 9:9 Naa 18:10 § 9:10-12 Naa 25:23

** 9:13 Mal 1:2-3 †† 9:15 Bon 33:19 †† 9:17 Bon 9:16

Luda pɔfɛ kũ a sũruuo

¹⁹ Á gbɛke ni ma la, b́yáí Luda ten gbɛnɔ taari le dɔɔ? Dí mé ani f̃s à gí Luda pɔyenyĩnaaii? ²⁰ Mɔkɔn bisásiri ina, díme n ũ gbasa ñ yá sí Ludalaa? Oro ni a b̀ori la à pi: B́yáí n ma bo lán dí bà yá? ²¹ Orobori zé ṽi à oro sáde kũ a sásario bo kũ ɛ dokɔn kũ à t̀otooro? ²² Tó Luda ye à a pɔfɛ mɔ́nne de ò a gbána d̃s, akũ à mena z̃k̃ɔ kè kũ gbɛ kũ ò de à pɔfɛ kípam̃ma à ñ kakatɛnɔ s̃s bi! ²³ Tó à abire p̃i kè, de ókɔn kũ à sũru kè kũoɔn a gakuri z̃k̃ɔ d̃s s̃s bi, ókɔn kũ à g̃nake à ó ḱke de ò g̃ɛ a gakuri p̃i gũnnɔ! ²⁴ Gbɛ kũ Luda ñ sísi à ñ sé p̃inon ó ũ. Adi ke Yudanɔme ñt̃ɛnero, kũ buri p̃andenɔme se. ²⁵ Lákũ Luda ò annabi Osea takadan nà à p̃i:

Buri kũ ò de ma gbɛnɔ ũronɔn mani p̃iñne ma gbɛnɔ.

Buri kũ má yeñyĩronɔn manig̃s yeñyĩ.

²⁶ Gu kũ Luda p̃iñne ò de a gbɛnɔ ũro,

gwen oni ñ sísi Luda W̃ɛndide p̃i ñɛnɔ.

²⁷ Isaya wiki lè Isarailanɔ yá musu à p̃i:

Bee tó Isarailanɔn dasi

lán ísiralɛ b̃usu'at̃ɛ bà,

ñ kpara kũ à g̃s mé ani bo.

²⁸ Zaakũ Dikiri ni yá kũ à ò ke andunia gũn,

akũs̃ ani a mì de z̃ɛnaa sarime.

²⁹ Lákũ Isaya g̃nake à ò nà à p̃i:

Tó Dikiri Z̃ikaride dí ó buri kenɔ tó yáro,

de o g̃s lán Sɔdɔmudenɔ bà,

de o ke lán Gɔmɔradenɔ bà.

Isarailanɔ gina Kirisi baaruui

³⁰ Óni pi derame s̃aa? Buri p̃andenɔ ten wete Luda tó yá bo kũñwo nnaro, akũ à tò à b̀ kũñwo nna. À tò yá b̀ kũñwo nna a náani kũ ò kè yáí.

³¹ Isarailanɔ s̃s òten wete Luda tó yá bo kũñwo nna doka musu, akũ adi bo kũñwo nnaro. ³² B́yáíi? kũ ò ye Luda tó yá bo kũñwo nna ñ yákenaaa yáime, adi ke a náanikena yáinlo. Ò g̃ɛ s̃i gbè kũ àdi ñ p̃at̃ea ³³ lákũ ò kè Luda yán nà:

Ñ gwa, maten gbè kũ àdi tó ò g̃ɛ sí dite Zaĩs,

gbèsi kũ àdi tó ò fu.

Wé'i ni gbɛ kũ à a náani kè kũro.

10

¹ Ma gbɛnɔ, yá kũ má yei ma sw̃ɛ gũn mateni a wé ke Ludaame Isarailanɔ surabana ũ. ² Mani f̃s mà ñ s̃eeda ke kũ ò kokari ṽi kũ Luda yáo, ama ñ wé k̃ɛnaro. ³ Zaakũ ò d̃s deran Luda dì tó yá bo kũñwo nna nàro, akũ òdig̃s wete yá bo kũñwo nna kũ ñ z̃ida gbánao. Deran Luda dì tó yá bo kũñwo nna nà, odi wero. ⁴ Zaakũ Kirisi Musa doka lé p̃apa, de yá bo kũ gbɛ s̃inda p̃ínki kũ à a náani kèo nname.

Surabana bi gbɛ s̃inda p̃ínki p̃sme

⁵ Deran doka dì tó yá bo kũñwo nna ñan Musa ò a takadan à p̃i, gbɛ kũ à yá p̃i kè mé ani w̃ɛndi le a gũn. ⁶ Lákũ ludanaanikena d̃i tó yá bo kũñwo nna nà k̃ena a yán à p̃i:

Ñsun o n ñɛsen ñ pi,

dí mé ani gé ludambe à Kirisi kíp̃aro,

⁷ ke dí mé ani gé gyáw̃an à Kirisi bo ganlo.

8 Yā kū à òon dí:

Yā pì kú kúnwo káni,

à kú n lén kú n nèsɛɛo.*

Ludanaanikena yā kū odi a waazi ken yā pì ù. 9 Tó n ò kú léo gupuraa kú Yesume Dikiri ù, akūsó n sù n swèn kú Luda a bò gan, ani n sura ba.

10 Zaakū yā pì sina n swèn mé àdi tó yā bo kúnwo nna, akūsó yā pì ona kú n léo mé àdi n sura ba. 11 À kēna Luda yān ò pì, wé'i ni gbē kú àteni a náani ke kú zikiro.

12 Yudanɔ kú buri pāndenɔ donadona kōnero, zaakū n pínki Dikiri dokōnɔme, àdi karana ke gbē kú òdi a sísinɔne n pínki. 13 Zaakū Dikiri sisirinɔ ni bo n pínki. 14 Deran gbēnɔ ni a sísi a náanikena sarii? Deran oni a náani ke a yāmana sarii? Deran oni a yā ma waazikeri sarii? 15 Tó òdi waazikerinɔ zīm̄maro, deran oni waazi keñne nàa? À kēna Luda yān ò pì: Baarunnakparinɔ suna di keñne nna fá! 16 Ama adi ke gbē sinda pínki mé à baaru nna pì sìro. Akū Isaya pì: Dikiri, dí mé à ó yā sù? 17 Leme ludanaanikena di bo a yāmana kīnaame, yā pì s̄ bi Kirisi yāme. 18 Ma pì yóo! Odi manloo? Ò mà.

Ń kòtoo dà anduniala pínki,

ń yā'ona gèe ari zīte léa.†

19 Ma pì yóo! Isarailanɔ dí d̄s̄ro yá? Káaku ḡia Musa pì:

Mani tó ò ḡba kpá kú buri kú ò de ma gbē ūronɔ,

mani tó n p̄ fē bisāsiri wésiradenɔ yā musu.

20 Akū Isaya Luda yā ò kú kùgbānao à pì:

Gbē kú odi ma ki weteronɔ mé ò ma le,

ma a zīda m̄ gbē kú odi ma gbekaronɔne.

21 Isarailanɔ yā musu à pì:

Zaa k̄nk̄o ari ok̄osi ma ò d̄ buri sāgbānade kú ò fēna kūmaonɔne.

11

Luda dí Isarailanɔ zukūnaro

1 Ma pì yóo? Luda a zīda gbēnɔ zùkūnan yá? Lenlo fá! Makū bi Isaraila

burin ma ù. Ibrahim burin ma ū Biliaminu buri gūn.* 2 Luda dí a gbē kú

à ḡinake à n d̄nɔ zukūnaro. Á Iliasu yā kú à kēna Luda yān d̄k̄ina d̄s̄roo?

Kú à ḡe kú Isarailanɔ yāo Luda kīnaa à pì: 3 Dikiri, ò n annabinɔ d̄ede, ò

n gbagbakinɔ gbòro. Makū mé ma ḡo mado, akū òteni ma wee.† 4 Luda pì

Iliasune deramee? Á pì, á gbē kú odi kúte Baalineronɔ kūna a p̄ ū gbēnɔn

dúbu suppla.‡ 5 Leme d̄o n gbē kpara kú Luda n sé a gbēke gūnnɔ kpé kun

ari gbāra. 6 Lákū à n sé a gbēke gūn nà, adi ke n yākena yāinlo. Tó lenlo, de

Luda gbēke niḡo gbēke ūro. 7 Deran gwee? Isarailanɔ dí yā kú òten wete

lero, ama n gbē kú Luda n sénɔ lè. N gbē kú ò ḡnɔ s̄a t̄ata, 8 lákū à kēna

Luda yān nà ò pì:

Luda iweza d̄añne,

akū n wé dí gu ero,

ń s̄a dí yā maro ari kú a gbārao.

9 Dauda pì d̄o:

Ń dikpekena ḡóñne tankute ū à n kú,

à ḡóñne ḡèsiki ū de à yā lúnne.

* 10:8 Dok 30:12-14 † 10:18 Zab 19:4 * 11:1 Flp 3:5 † 11:3 1Ki 19:10 ‡ 11:4 1Ki 19:18

10 N wé sisi de òsun gu ero,
n wó gō kokona gōrō sīnda pínki. §

11 Ma pì yó? Kū Isarailano gèè si, ò lète sãnsãnn yá? Lenlo fá! N taarinō yāin Luda buri pāndenō sura bà, de Isarailano gōba kpá kúnwo yāi. 12 Lákū n taarinō mé à tò andunia karanaa lè nà, akūsō n funa mé à tò buri pāndenō karanaa lè, oni n lé papana yā o dō yá?

Buri pāndenō surabanaa

13 Maten yā o ákōno buri pāndenōne sà. Lákū má de zīri ū buri pāndenō kīnaa nà, madi ĩa dā ma zīrikena yā musu, 14 de mà a zīda burinō nèse vute ò gōba kpá, mà n gbēkenō sura ba. 15 Zaakū Luda gina Isarailano mé à tò andunia kè káao nna, tò à èra à n sí dō, abire nigō de deramē? Abire nigō bi wēndi ū gēno.

16 Tó ò burapō káaku kpà Ludaa, a kpara gò arubarika pō ūme. Tó lí zīni de Luda pō ū, a gāno de a pō ūme se. 17 Luda kù lí yāpura gā kenō zōzō, akū à mōkōn kù n de kunnē lí ū pè a gbèn, de ñgō kun kù kù lí mana zīni gbānao. 18 Nsun kù lí yāpura gā kù à zōzōno gya boro. N ke dera nten ĩa dāa? N kun lí zīni yāime, adi ke lí zīni mé à kun n yāiro. 19 ĩni pi, à ligāa pino zōzō de à n pé n gbèn yāime. 20 Lemē, ama à n zōzō kù odi a náani kero yāi. Mōkōn sō, n zeki lè kù nten Luda náani ke yāi. Nsun n zīda biro. N laakari ke! 21 Lákū Luda dí gí kù lí yāpura gāno zōzōiro nà, ani gí n zōi sero. 22 N gwa lákū Luda mana nà, akūsō à pāsī. À pāsī kù gbē kù ò fūano, akū à mananne, tò n ze kù a manakenaao. Tó lenlo, ani n zōme se. 23 Tó Isarailano n ludanaanikenasari tò, ani era à n pé n gbemme, zaakū à n pena n gbèn gbāna vī. 24 Tó Luda n zō kunnē lía à n pe kù lí yāpuraa lákū òdi kero nà, kù lí gā yāpuraō era à pena n zīda lía zé vī de abirelaroo?

Isarailano surabana kpede

25 Ma gbēno, má ye àgō asiriyā díkīna dō, de á wé sūngō sira à á zīda dite ĩadārinō ūro yāi. Isaraila kparano sāgbāna kù gīa ari buri pāndenō gēna kpata kù à bō Luda kīnaa gūn lé gō ká. 26 Abire gbera Luda ni Isarailano sura ba n pínki lákū à kēna Luda yān nà kù ò pì:

Surabari ni bo Zaiō,
ani Yakubu burinō kēkōa kù ludadōnasario.

27 Ma bāka kunna kúnwo yān gwe
gōrō kù mani n durunna kēmīma.

28 Baaru nna pi yā musu ò de Luda ibereno ū á yāi. Luda gbēno sēna yā musu ò de Luda yenyidenō ū n dizi káakuno yāi. 29 Zaakū Luda gbanō kù gbē kù à n sīsī à n sēno di sí litero. 30 Ákōno buri pāndenō ádi Luda yā ma yāro. Tera sà Luda sūru kè kááo kù Isarailano dí a yā maro yāi. 31 Len Isarailano gi Luda yā mai le tera, de Luda le à sūru ke kááo gbasa à sūru ke kúnwo. 32 Luda yādasarike kpà gbē sīnda pínkia de à le à sūru ke kúnwo n pínki yāime.

Luda sáabukpanaa

33 Luda ñndō kù a dōnaao zōkōke kà zā fá!
Gbēke ni fō à bo yā kù à zēo asiriario.

Oni fō ò a dōrō dōro.

34 Dí mé à Dikiri laasun dōo?

Dí mé à yā dāne a lédammari ũu?

³⁵ Dí fīna mé à dɔ Ludaa kū ani bonεε? **

³⁶ Pó sīnda pínki bò a kīnaame,

ò kun kū a gbānao,

akūsò ò kun a pò ũ. ††

Ògò a tó bo gɔɔ sīnda pínki. Aami.

12

Zīkena Ludane

¹ Abire yāi ma gbēɔ, lākū Luda ó wēnda dɔ̄ le nà, ma wé kèáwa à á zīda kpáa sa'opɔ bēne mamberusari kū àdi káagu ũ. Àkūme á donyīkena a zéa ũ.

² Àsun té andunia tera dí ágbairo. À tó Luda á dà lite, á laakari le à gò dufu de à le à a pɔyenyīna dɔ̄, yā kū à mana, akū à nna, akū à papana.

³ Gba kū Luda dàmenε yāin maten ó á pínkinε, àsun á zīda mana bo de a mana lélaro. Á baadi a zīda dite a yāpura lén, lākū Luda a gbà zé à a náani ke nà. ⁴ Bisāsiri mè mèn do gunɔ vī dasi, n baadi kū a zīome. ⁵ Lemε, bee kū ó dasikεo, ó mè dokɔɔ Kirisi gūmmε, mēgu dakenɔn ó ũ.* ⁶ Ó gba bò donadona kōne lākū Luda dāwεre nà a gbēke gūn. † Tó annabikεyá'ona gban n vī, n ke n ludanaanikεna lén. ⁷ Tó zīrikenaame, n ke. Tó yādannεnaame, n dañne. ⁸ Tó lédammannaame, n dańma. Tó gbadanaame, n da araga. Tó don'aredekεmε, n ke kū kokario. Tó wēndadōnnεnaame, n dōñne kū ponnao.

⁹ À kù yenyī gò manafiki sari. À kpε li yā vāninε, à ze kū yā manao. ¹⁰ Àgò nna kū kōo kō gbēɔ ũ. Àgò wāna kū bēerelikōnεnaao. ¹¹ Àgò kokari vī ma'a sari, á mè gò wāna Dikiri zī gūn. ¹² À ponna ke yā kū á wé dɔi yā musu. À mena fɔ warikεnaa gūn. À mè kpá wékenaaa. ¹³ À kpányī ke Luda gbē kū pò ten kīańmanōne. Àgò nibɔ ke. ¹⁴ À sa mana ó wétāmmarinōne. À sa mana oñne, àsun n káro. ‡ ¹⁵ À ponna ke kū ponnakerinɔ. À ɔɔ dɔ kū ɔɔdōrinɔ. ¹⁶ Àgò kú kū kōo nna. Àsun á zīda biro. Á gbēna kpá kū takasidenɔ. Àsun á zīda dite yādōrinɔ ũro. § ¹⁷ Àsun yā vāni fīna bo kū a vānioro. Àgò yā kū à mana gbē sīnda pínkinε ke. ¹⁸ Tó ani sí ke, tó á a zé vī, àgò nna kū gbē sīnda pínki. ¹⁹ Ma gbē yenyīdenɔ, àsun mɔra ká gbēaro, à a tó kū Ludao. À kēna Luda yān ò pì:

Dikiri pì, akāa mé áni fīna bońma,

akāa mé áni fīna bońma.

²⁰ Tó nà teni n ibεre de, n pòble kpáa. Tó ímime sò, n a gba í. Tó n kè le, nteni a ɔ káne a lémmε. ** ²¹ Nsun tó yā vāni zī blemmaro. N zī blea kū yā manao.

13

Mīnatεna būsū gbānadεnε

¹ Gbē sīnda pínki mì nate būsū gbānadεnε, zaakū iko ke kun Luda lé sariro. Luda mé à gbānade kū ò kunnɔ dite n pínki. ² Abire yāi gbē kū à bò gbānade yā kpε, ade bò Luda yādítεna kpεmε. Gbē kū à bò n kpεnɔ n zīda dà yāmmε. ³ Adi ke yāmanakerinɔ mé òdi vīna ke kpatablerinɔnero, sé yāvānikerinɔ. Tó n ye gbānadεnɔ vīna danyīro, n yā mana ke, ani n

** 11:35 Ayu 41:11 †† 11:36 1Kɔ 8:6 * 12:5 1Kɔ 12:12 † 12:6 1Kɔ 12:4-11 ‡ 12:14 Luk 6:28 § 12:16 Yaa 3:7 ** 12:20 Yaa 25:21-22

sáabu kpá. ⁴ Gbānade bi Luda zíkəriime n aafia yāi. Tó n yā vāni kè sō, ñ vīna kenε, zaakū à fēneda lokona pānlo. Luda zíkəriime, àdi fīna bonε yāvānikeriia. ⁵ Abire yāi à mana à mì nateíne. Adi ke wētāmmana yāi adonlo, á laasun yāime dɔ. ⁶ Abire yāin adi be'ogɔ kpá dɔ, zaakū gbānadenɔ bi Luda zíkərinɔme, òten zī pi kenεme. ⁷ Á baadi fīna boíne pínki. Á be'ogɔ kpá a siriia, à á laganɔ takada sí dɔ. Á mì nate gbē kū à de à mì natenεεne. Á gbē kū à de à a yā da yā da.*

Gɔɔ kà kani, ògɔ yekɔi

⁸ Ásun gbēke fīna séro, sé yekɔina fīna baasiro. Gbē kū à ye a gbēdakei, Luda doka pèkerεame. ⁹ Ó pi, ñsun zina kero, ñsun gbē dero, ñsun kpāni oro, ñsun gbē pɔ ni dero. † Yā pino kū yāditena pānde kū ò kunnɔ pínki kú yā dí gūmmε, ò pi: Ñgɔ ye n gbēdakei lán n zīda wëndii bà. ¹⁰ Yenyī dì tò gbē yā vāni kè a gbēdakenεro. Yenyīme Luda doka papana ũ.

¹¹ Á ke le, zaakū á gɔɔ kū ó kúa díkīna dɔ. Á vuna in gɔɔ kà, zaakū ó surabanaa kà kani tera de gɔɔ kū o Yesu náani kèla. ¹² Gu si à kà zà, gudɔnaa kà kani. Ò mì kē gusira yānɔa ò gupura gōkeɔnɔ sète. ¹³ Ògɔ kú ó dɔɔɔa fānanté gbēnɔ ũ fayasari kɔkɔ kú wēdenaaoo sari pāpākεna kú wé'isariyāoo sari, lékpakɔa kú zānguoo sari. ¹⁴ Á Dikiri Yesu Kirisi yāze sé. Ásun tó á dà zī doáre are à a nidena kero.

14

Kɔ taari'ena

¹ Á gbē kū à buse ludanaanikεnaa gūn sí yáketε sari. ² Gbēkenɔ ludanaanikεnaa di pɔke tē boro, akū gbē kū ní ludanaanikεna busanano di nɔbɔ sóro.* ³ Gbē kū àdi pɔ sīnda pínki ble sún gbē kū àdi pɔ sīnda pínki blero gya boro, akūsɔ gbē kū àdi pɔ sīnda pínki blero sún gbē kū àdi pɔ sīnda pínki ble taari ero, zaakū Luda a sime. ⁴ Díme n ũ kú nteni dakenɔ zíkəri taari ee? Tó à fɔ ke à fūan yá, a Dikiri yān gwe. Ani fɔ, zaakū Dikiri gbāna ni tó à fɔ. ⁵ Gbēkenɔ si kú gɔɔ kenɔ nna de a kenola, gbē pāndenɔ si kú gɔɔ sīnda pínki lεεleme. Baadi laasun gɔ dokɔnɔ kú yā kú à zèooo. ⁶ Gbē kū àdi gɔɔ bo di bo Dikiri yāime. Gbē kū àdi pɔ sīnda pínki ble di ble kú Dikiri gbānaome, à Luda sáabu kpá. Gbē kū àdi pɔ tē di tē Dikiri yāime, à Luda sáabu kpá. ⁷ Gbēke diğɔ kun a zīda yāiro, gbēke di ga a zīda yāiro. ⁸ Tó ó kun, ó kun Dikiri pɔ ũme, tó o ga, o ga Dikiri pɔ ũme. Ó kunn yá, o gan yá, ó de Dikiri pɔ ũme. ⁹ Zaakū Kirisi gā à vù de àgɔ de gyāwāndenɔ kú gbē bēnenɔ Dikiri ũme. ¹⁰ Kú nteni n gbēndo taari e sɔ bi? Mɔkɔn sɔ, à kè dera nteni n gbēndo gya bo sɔɔ? Luda nigɔ vutena a tintinnwa, ó pínki òni bo ò ze a are, † ¹¹ lākū à kēna Luda yān nà Dikiri pi: Kú ma kunnao, gbē sīnda pínki ni kútemεne, gbē sīnda pínki ni ma ludakεna dɔ.

¹² Len baadi ni a zīda yā baba Ludane le.

Ásun yā kú ani tó a gbēndo fu kero

¹³ Abire yāi òsun kɔ taari e doro. Kú ani kɔ taari e, à zεo kú áni yā kú ani tó à á gbēndo fu kero. ¹⁴ Kunna Dikiri Yesu gūn má dɔ sānsān kú pɔble ke diğɔ gbāsī a zīdaro. Ama tó gbē diɛ kú pɔ gbāsī, akū àdiğɔ gbāsīne. ¹⁵ Tó n n

* 13:7 Mat 22:21 † 13:9 Bon 20:13-17 * 14:2 Kɔl 2:16 † 14:10 2Kɔ 5:10

gbēndo nēsɛɛ yàkanɛ pɔ́ kũ n blè yāi, n̄ yenyĩ vīnɛro. Pɔ́ble kũ n blè yāi ñsun gbē kũ Kirisi gà a yāi kakatero. ¹⁶ Àsun tó ò pɔ́ kũ a è à mana gya boárɛro, ¹⁷ zaakũ kpata kũ à bò Luda kīnaa bi pɔ́blena kũ pɔ́minaao yānlo. Yàkena a zéa kũ aafiaao kũ pɔ́nna kũ Luda Nini dì in̄neo yāme. ¹⁸ Gbē kũ àten do Kirisii lán abirekũ bà yā dì ká Ludagu, akūsɔ́ bisāsiri dì a sáabu kpá. ¹⁹ Abire yāi ògɔ́ kɔ́ aafia wete ògɔ́ gbāna karakɔ́ne. ²⁰ Ñsun Luda zī yaka pɔ́ble yāiro. Pɔ́ble sīnda pínki maname, ama pɔ́ kũ ani tó n gbēndo fu blena manaro. ²¹ N̄bɔ́sonaan yá, wēmīnaan yá, yā kũ ani tó n gbēndo fu pínki, à mana ñ tēme. ²² Pɔ́ kũ n̄ náani kèe, ñ tó à gɔ́nne kũ Ludao. Arubarikaden gbē kũ adi a zīda taari e kũ pɔ́ kũ à zèoro ù. ²³ Tó gbē ten sika ke pɔ́ble kũ àten blea sɔ́, à a zīda dà yāmmɛ, kũ adi kɔ́ sé kũ a ludanaanikɛnaaoro yāi. Yā kũ adi kɔ́ sé kũ gbē ludanaanikɛnaaoro bi durunname.

15

Ògɔ́ yekɔ́i wédɔ́na Ludai gūn

¹ Ókɔ́nɔ́ kũ ó gbāna ludanaanikɛnaa gūnnɔ́, séde ò gbē kũ ò gbānaronnɔ́ sé lei n̄ gbānasarike gūn. Òsungɔ́ ó pɔ́yeina kero. ² Ó baadi gɔ́ yā kũ ani ke a gbēdakene nna ke a bona mana yāi kũ a zīnipetenaao. ³ Zaakũ Kirisi dì a zīda pɔ́yeina kero. À kēna Luda yān ò pì, gbēnɔ́ dɔ́kena kũ Ludao gɔ́ne.* ⁴ Yā kũ ò kè yā pínki, ò kè lédanawá yāime. Luda yā pì dì ó gba mēna, àdi ó gba swèe de ògɔ́ tāmaa vī. ⁵ Luda kũ àdi n̄ gba mēna à n̄ gba swèe tó àgɔ́ nēsɛdokɔ́nɔ́ vī kũ kɔ́o lákũ Kirisi Yesu pɔ́ bà, ⁶ de à Luda ó Dikiri Yesu Kirisi De tɔ́ bo kũ nēsɛdokɔ́nɔ́ kũ lédokɔ́nɔ́.

⁷ À kɔ́ sí lákũ Kirisi á sí nà Luda tɔ́bona yāi. ⁸ Maten oáre, Kirisi gɔ́ zīri ù Yudanɔ́ne de à lé kũ Luda sè n̄ dizi káakunɔ́ne papa, ògɔ́ dɔ́ kũ Luda náani vī, ⁹ buri pāndenɔ́ sɔ́ Luda tɔ́ bo a sūru yāi lákũ à kēna Luda yān nà ò pì:

A yā mé à tò mani n sáabu kpá burinɔ́ té,
mani n tɔ́ kpá.†

¹⁰ Ò pì dɔ́:

Burinɔ́, à pɔ́nna ke kũ Luda gbēnɔ́.

¹¹ Ò pì dɔ́:

Ákɔ́nɔ́ buri sīnda pínki, à Dikiri tɔ́ kpá,

ákɔ́nɔ́ bùsu gbēnɔ́ sīnda pínki à a táaki lé.‡

¹² Isaya pì dɔ́:

Yese zīni ni bòto pá,

ani fute à kí ble buri pāndenɔ́,

onigɔ́ wé dɔ́i.

¹³ Luda kũ gbē sīnda pínki wé dɔ́i tó pɔ́nna pekereáwa kũ aafiaao a náani kũ àten ke yāi, de á wédɔ́ina kara kũ a Nini gbānao.

Pɔ́lu zīkɛna Ludane

¹⁴ Ma gbēnɔ́, má dɔ́ sānsān kũ manake pèkereáwa, á yā sīnda pínki dɔ́ swáswa, áni fɔ́ à lé dakɔ́a. ¹⁵ Ma takada dí kēnaa gūn ma yākenɔ́ kè kũ swègbānao ditena de àgɔ́ dɔ́agu yāi, zaakũ Luda ma gba zé ¹⁶ ma gɔ́ Kirisi Yesu zīkeri ù buri pāndenɔ́ne. Maten baaru kũ à bò Luda kīnaa kpáinne, de n̄ kunna gɔ́ adona Luda Nini gāi, ò gɔ́ Ludane sa'obɔ́ kũ àdi káagu ù. ¹⁷ Kunna Kirisi Yesu gūn maten ía dā zī kũ maten ke Ludane yā musu.

* 15:3 Zab 69:9 † 15:9 Zab 18:49 ‡ 15:11 Zab 117:1

18 Zaakū má yāke ona vīro, tó adi ke yā kū Kirisi kè ma kīnaa baasiro. À tò buri pāndenɔ Luda yā mà ma yā'ona kū ma yākenaa gāi 19 kū sèedanɔ kū daboyānɔ gbānao kū Luda Nini gbānao. Bona Yurusalemu ma lika wēte kū wēteo ari Ilirikumu būsun, ma Kirisi baaruu kpākpa kè papana. 20 Madigɔ ye mà baaru nna pì kpá gu kū òdi Kirisi yā ma zikiro, de másun bú ba gbē pānde gānlo yāi. 21 Lákū à kēna Luda yān nà ò pì: Gbē kū odi a yā oñne yāronɔ wé ni kē, gbē kū odi a baaru ma yāronɔ ni dōrɔ dō.

22 Yā kū àdigɔ kpá ma suna á kīnaane gēn baaakɔn gwe. § 23 À kà wè ũgbangba kū madigɔ ye mà su á gwa. Tera sà lákū yāke dí gōmēne būsun díkīnanɔ gūn dorò nà, 24 má tāmāa vī ò wé sikɔle sà ma gena Sapaini būsun gūn. Tó ma gɔrɔ pla kè kááo kū pɔnnao, áni zé kemēne gena gwe. 25 Tera la maten gé kū kpányiño Luda gbēnɔne Yurusalemu, ** 26 zaakū gbē kū ò kú Masedonia kú Girisinɔ zèò ò Luda gbē takaside kū ò kú Yurusalemunɔ kámaza ke. 27 Ò zèò, ama tilasime. Lákū Yudanɔ Luda aruzeke kpàatete buri pāndenɔne nà, à mana buri pāndenɔ ní andunia aruzeke kpaatete Yudanɔne se. †† 28 Tó ma gba pìi nānne ní oī ma làka, ma gena Sapaini gūn mani bo á kīnaa. 29 Má dō kū tó mani su á kīnaa, mani suáre kū Kirisi arubarikaao papaname.

30 Ma gbēnɔ, ma naáre ó Dikiri Yesu Kirisii kú yenyī kú Luda Nini di kpárimaao, à fute à ze à Luda wé ke kūmao, 31 de à ma bo Yudea Yesusaridenɔ oī, de zī kú mani ke Yurusalemu Luda gbēnɔ té kéñne nna, 32 gbasa mà á le kú pɔnnao, tó Luda wè, mani su kámma bo á kīnaa. 33 Luda Aafiade gō kú kááo á pínki. Aami!

16

Fɔkpammanaa

1 Mateni ó dāre Febe, Kenkerɛa sɔsi gbēnɔ žiri naáre á oī. 2 À a sí Dikiri gūn, lákū à mana Luda gbēnɔ ke kú kōo nà. À kpái kú pó kú à yei á kīnaao pínki, zaakū à kpá gbēnɔi dasi kú makūo se.

3 À fɔ kpá Pirisila kú Akilaooa. Ma žikeri dakenɔme Kirisi Yesu zī gūn.* 4 Ò si ò ní zīda da kari gūn ma yāi. Adi ke makūme madoro, buri pānde sɔsinɔ gbēnɔ teni ní sáabu kpá pínki dɔ.

5 À fɔ kpá sɔsi gbē kú òdigɔ kō kakara ní ɔnnnɔa.

À fɔ kpá ma gbē yenyīde Epenetua, àkū kú à Kirisi náani kè Asia būsun káaku.

6 À fɔ kpá Mariamaa, àkū kú à zī kéáre manamana.

7 À fɔ kpá Andarɔniku kú Yuniaooa. Ma buri dake kú ò ó dá kpésiran lɛɛlenɔme. Ò tó bò Luda žirinɔ té, akūsɔ ò kú Kirisi gūn ma á.

8 À fɔ kpá Ampliatu kú à de ma gbē yenyīde ũ Dikiri gūnwa.

9 À fɔ kpá Ubanu kú à de ó žikeri dake ũ Kirisi zī gūnwa kú ma gbē yenyīde Satakio.

10 À fɔ kpá Apele kú à zena gbāna Kirisi gūnwa.

À fɔ kpá Arisitɔbulu bedenɔa.

11 À fɔ kpá ma Yuda dake Herɔdiša.

À fɔ kpá Nasisu bede kú ò kú Dikiri gūnnɔa.

12 À fɔ kpá Tirifena kũ Tirifosaooa. Nɔgbẽ pìnɔ dì zĩ ke Dikirine manamana.

À fɔ kpá Pesia. Nɔgbẽ yenyĩde pì zĩ kè Dikirine manamana.

13 À fɔ kpá Rufu kũ à bò ado Dikiri zĩ gũnwa kũ a da kũ maten gwa ma da ũo.

14 À fɔ kpá Asinkiritua kũ Flegɔo kũ Emesio kũ Patarobao kũ Emao kũ ñ Yesude dake kũ ò kú leelenɔ ñ pínki.

15 À fɔ kpá Filɔɔgua kũ Yuliao kũ Nereuo kũ a dáreo kũ Olimpao kũ Luda gbẽ kũ ò kú leelenɔ ñ pínki.

16 À fɔ kpákɔa kũ Luda gbẽno lépemmanaao. Kirisi sɔsinɔ gbẽno fɔ kpàáwa ñ pínki.

Lézammanaa

17 Ma gbẽno, maten oáre à laakari ke gbẽ kũ ò bò yá kũ a dàda kpenci. Òdi gbẽno kékɔa ò gbẽno sáte. À kěm̃ma, 18 zaakũ gbẽ bire takano dì do ó Dikiri Kirisiiro, sé ñ gberɛ yá. Òdi taarisaridenɔ sáte kũ lénnao kũ yádɔo. 19 Gbẽ sĩnda pínki á minatena Dikirine baaru mà. Maten ponna ke á yá musu. Má ye àgɔ yá mana ɔndɔ vĩ àgɔ wésiradenɔ ũ yá vání musu. 20 Luda Aafiade ni Setan dúgu zɔ á gbá zĩte tera. Ó Dikiri Yesu gbẽke kéáre.

21 Ma zĩkeri dake Timoti† kũ ma buri dakenɔ Lusiu kũ Yasɔo kũ Sospatao fɔ kpàáwa.

22 Makũ Tetiu kũ ma takada dí kè fɔ kpàáwa Dikiri gũn.

23-24 Ma bede Gayusi‡ kũ sɔsi gbẽno dì kɔ kakara a onn fɔ kpàáwa. Wète ɔgɔ'uteri Erasatu fɔ kpàáwa kũ ó gbẽndo Kaatuo.

Luda tɔbnaa

25 Tera sà Luda ni fɔ à á gba gbána kũ Yesu Kirisi baaru kũ maten kpáo, lákũ asiriyá kũ à utena zaa káaku kũ ò biriamenɛo de nà. 26 Luda kũ àdigɔ kun gɔrɔ sĩnda pínki òdite ò yá kũ à kèna annabinɔ takadanɔ gũn pì bo gupuraa sà, de buri sĩnda pínki le à dɔ ò Luda náani ke ò gɔ a yámarinɔ ũ. 27 Ò Luda mèn do ɔndɔde tɔ bo Yesu Kirisi gáa ari gɔrɔ sĩnda pínki! Aami.

† 16:21 Zĩr 16:1 ‡ 16:23-24 Zĩr 19:29

KƆRINTIDENƆ TAKADA KAAKU

KƆrinti YesudenƆ kƆkƆkƆƆanaa 1:1-4:21

KƆrinti YesudenƆ durunnakƆnaa 5:1-7:40

ƆgƆ kƆ kƆ laakariri gƆna n̄ zĩdane yā musu 8:1-11:1

DonyikƆnaa 11:2-14:40

GènƆ vunaa 15:1-15:58

PƆlu fƆkpammaanaa 16:1-16:24

PƆlu fƆkpana KƆrintidenƆa

¹ MakƆ PƆlu kƆ Luda ma sisi à ma se lākƆ à yei nà, ma gƆ Kirisi Yesu zĩri ũ. MakƆ kƆ ó gbēndƆ SƆsƆtenƆ, ² ókƆndƆ mé o takada dí kƆ sƆsi gbē kƆ ò kƆ KƆrintinƆnƆ. Luda á sisi a gbēndƆ ũ, á kunna adona Kirisi Yesu gƆn leele kƆ gbē kƆ òdigƆ ó Dikiri Yesu Kirisi pì sisi gu sĩnda pĩnki gƆnnƆ, ókƆndƆ kƆ ó Dikiri dokƆndƆ. ³ Luda ó De kƆ Dikiri Yesu Kirisio gbēke kƆáre, à á gba aafia.

⁴ MadigƆ Luda sáabu ke gƆrƆ sĩnda pĩnki á yā musu gbēke kƆ à kƆáre á kunna Kirisi Yesu gƆn yāi. ⁵ Kunna a gƆn pƆ sĩnda pĩnki kàraáre, yā'ona sĩnda pĩnki kƆ dƆna sĩnda pĩnkio, ⁶ zaakƆ ó Kirisi yā'onaáre zĩni pète á gƆn, ⁷ akƆ Luda Nini gba ke dí kƆáawaro, gƆrƆ kƆ á wé dƆ ó Dikiri Yesu Kirisi a zĩda mƆnaai. ⁸ Ó Dikiri Yesu Kirisi ni tó à ze gbāna ari gƆrƆ lé ká, de àgƆ kun taari sari a sugƆrƆ zĩ. ⁹ Luda náani vĩ. ÀkƆ mé à á sisi, a gƆ kƆ gbē ũ kƆ a Né Yesu Kirisi ó Dikiri.

KƆrinti YesudenƆ kƆkƆkƆƆanaa

¹⁰ Ma gbēndƆ, ma naáre ó Dikiri Yesu Kirisii, àgƆ lédokƆndƆ vĩ kƆ kƆo á pĩnki, de kƆkƆkƆana le à láka á té, à kƆ kƆ kƆ laasun dokƆndƆ kƆ nèse mèn doo. ¹¹ Ma gbēndƆ, ma mà Koloe bedenƆ léi kƆ yáketete kƆ á té. ¹² LākƆ ma mà nàn dí: Á gbēkenƆ pì, ò zè kƆ PƆluo. GbēkenƆ pì, ò zè kƆ Apoloo. GbēkenƆ pì, ò zè kƆ Pitao. GbēkenƆ pì dƆ, ò zè kƆ Kirisio. ¹³ Kirisi kƆkƆkƆanan yá? Ó PƆlu pà lía á yāin yá? A da'ite kƆ kƆ PƆlu tƆon yá? ¹⁴ Ma Luda sáabu kƆ, kƆ mádi á gbēke da'ite kero, séde Kirisipu kƆ Gayusio baasiro. ¹⁵ LākƆ à de le nà gbēke ni le à o a da'ite kƆ, a gƆ ma ìba ũro. ¹⁶ Ee, ma Setefana bedenƆ da'ite kƆ dƆ. Abire baasiro, tó ma gbē pānde da'ite kƆ, adi dƆmagu doro. ¹⁷ Kirisi dí ma zĩ gbē da'itekƆna yāiro, séde a baaru nna kpanaa. Adi ke kƆ yādƆnaonlo, de a gana lía sún ke pāro yāime.

Kirisii bi Luda ƆndƆ kƆ a gbānaome

¹⁸ Kirisi gana lía bi misariyāme gbē kƆ òten sātenƆnƆ. ÓkƆndƆ kƆ Luda teni ó sura banƆ sƆ, à dewere a gbāna ũ. ¹⁹ À kēna Luda yān ò pì:

Mani ƆndƆrinƆ ƆndƆ mì de,
mani wéZērinƆ wéZē ke pā.

²⁰ ƆndƆri kƆ mámeƆ? TakadadƆri kƆ mámeƆ? Andunia tera díkĩna yāpinkidƆri kƆ mámeƆ? Luda dí andunia ƆndƆ dite misariyā ũroo? ²¹ Luda ƆndƆ gƆn, adi tó andunia gbēndƆ a dƆ kƆ n̄ zĩda ƆndƆoro. À kēne à gbē kƆ òteni a náani kenƆ sura ba waazi kƆ ò dite misariyā ũ pì gāi. ²² YudanƆ ye dabodaboyāi, GirikinƆ di ƆndƆ wete. ²³ ÓkƆndƆ sƆ, Kirisi gana lía kpākan óten ke, akƆ adi tó YudanƆ kpāgula, buri pāndenƆ di pi misariyāme, ²⁴ ama gbē kƆ Luda n̄ sisi à n̄ sēndƆ, YudanƆ kƆ GirikinƆ n̄ pĩnki, Kirisi deñne

Luda gbāna kū a ɔ̄ndɔ̄o ũ. ²⁵ Luda m̄sarikε p̄i de bisāsiri ɔ̄ndɔ̄la. Luda gbānasarikε p̄i de bisāsiri gbānala.

²⁶ Ma gbē̄nɔ̄, à gwa lākū á de nà gɔ̄rɔ̄ kū Luda á sísi. Dakenɔ̄ kīnaa á daside ɔ̄ndɔ̄ro, á paride gbānade ũro, á paride kíne ũro. ²⁷ Luda gbē̄ kū ò de andunia m̄saride ũnɔ̄ sè de à wé'i dao ɔ̄ndɔ̄rinɔ̄a. À gbē̄ kū ò de andunia gbānasaride ũnɔ̄ sè de à wé'i da gbānadenɔ̄a. ²⁸ À gbē̄ kū andunia r̄ díte kp̄edenɔ̄ ũ, kū òdi r̄ n̄ gya bo akūs̄ r̄ yā dīḡ kunlonɔ̄ sè de à gbē̄ kū r̄ yā dīḡ kunnɔ̄ ke kp̄edenɔ̄ ũ, ²⁹ de gbē̄ke sún le à ĩa dā Luda arero. ³⁰ Ák̄ɔ̄nɔ̄ s̄, Luda tò á kú Kirisi Yesu gūn, akū à ḡò ó ɔ̄ndɔ̄ ũ. Kunna Kirisi p̄i gūn Luda tò yā bò kūoo nna, ó kunna adona, akūs̄ à ó sura bà. ³¹ À yā mé à tò lākū à kēna Luda yān nà, tó gbē̄ ye à ĩa dā, à dā Dikiri yā musu.

2

Kirisi kū a gana lía yao

¹ Ma gbē̄nɔ̄, kū ma su á kīnaa, ma su Luda yā kp̄akpa keáre me, adi ke ma su ɔ̄ndɔ̄ gbāna ke lénna keárenlo. ² Ma zεo kū mani yāke oárrero, séde Yesu Kirisi yā baasiro, atēnsa a gana lía yā. ³ Ma suna á kīnaa gūn ma su kū swēv̄inaao kū v̄inao kū lukalukanaao. ⁴ Ma waazikēnaa gūn maten yā o kū lénnao ke kū ɔ̄ndɔ̄oro. Ma ò kū Luda Nini gbāna m̄árenaaome, ⁵ de á ludanaanikēna sún bo bisāsiri ɔ̄ndɔ̄ gūnlo, sé Luda gbāna gūn.

ɔ̄ndɔ̄ kū Luda Nini di dañne

⁶ Bee kū abireo odì ɔ̄ndɔ̄yā o gbē̄ kàsaranɔ̄ne. Adi ke andunia tera díkīna ɔ̄ndɔ̄ ke a gbānade kū r̄ gbāna ten lákano p̄nlo. ⁷ Luda ɔ̄ndɔ̄n óteni o, a p̄oyenyīna kū à utena yā p̄i. À gīnake à díte ó gakuri lena yāi zaade adi andunia kátero. ⁸ Andunia tera díkīna gbānade ke ɔ̄ndɔ̄ p̄i d̄oro. Tó ò d̄ome yā, de odi Dikiri gakuride pá líaro. ⁹ Lākū à kēna Luda yān nà ò p̄i: P̄ó kū wé dí ero, akūs̄ s̄á dí maro, a laasun dí gē gbē̄ke swē̄e gūnlo, àkū Luda a soru kē gbē̄ kū ò yeinɔ̄ne.

¹⁰ Luda m̄wεre kū a Nini gbānao, zaakū a Nini p̄i yā s̄inda p̄ínki tàasikana, bee kū Luda asiri z̄ók̄ɔ̄nɔ̄.

¹¹ Gbē̄ke a dake n̄segūnyā d̄oro, tó adi ke a nini kū à kú a gūn baasiro. Leme d̄o gbē̄ke Luda n̄segūnyā d̄oro, tó adi ke Luda p̄i Nini baasiro. ¹² Andunia dí ninin o l̄ero, Nini kū à bò Luda kīnaan o l̄e, de ò gba kū Luda dàwεre d̄o. ¹³ Yā kū óteni on gwe, adi ke yā kū bisāsiri ɔ̄ndɔ̄ di dañnenlo, yā kū Luda Nini di dañneme. Len odì Luda Nini yā bok̄ote gbē̄ kū ò Luda Nini v̄inɔ̄ne le. ¹⁴ Andunia gbē̄ di Luda Nini yānɔ̄ síro, zaakū à denε m̄sariyā ũme. Anì f̄s̄ à a mì d̄o sero, zaakū Luda Nini p̄i gbānan òdi a yāze d̄o. ¹⁵ Gbē̄ kū Luda Nini di done are di yā s̄inda p̄ínki zé d̄o, gbē̄ke s̄s̄ à zé v̄i à a v̄ani boro. ¹⁶ À kēna Luda yān ò p̄i: Dí mé à Dikiri n̄ese d̄o gbasa à lé daaa? Ama ók̄ɔ̄nɔ̄ ó Kirisi n̄ese v̄i.

3

Zikēna Ludane

¹ Ma gbē̄nɔ̄, mádi f̄s̄ mà yā óare lākū mádi o gbē̄ kū Luda Nini doñne arenɔ̄ne báro, akū ma óare lán andunia gbē̄nɔ̄ bà, zaakū n̄kp̄ánt̄enon á ũ Kirisi gūn. ² V̄in ma kp̄ááwa, adi ke p̄ó lomadenlo, zaakū ádi ká k̄ro. Bee kū terao ádi káro, ³ zaakū dàdenon á ũ ari tera. Lākū á zāk̄ɔ̄gu nà, akūs̄ á yáketε v̄i, dàdenon á ũroo? Á dà mé à doáre are. ⁴ Kū á gbē̄ke p̄i a ze kū

Pɔluo, akū gbē pānde pì a ze kù Apoloo, á kú kù á dàaon gweroo? ⁵ Dín Apolo ũu? Dín Pɔlu ũu? Zìkerinɔn ó ũ, akū a Kirisi náani kè ó gāi. Ó baadi ten zī kù Dikiri dàne keme. ⁶ Ma pó t̄s̄, Apolo í kàne, akū Luda tò à gbà. ⁷ Leme pót̄s̄ri kù íkariio de pòke ũro, sé Luda kù àdi tó à gbā. ⁸ Pót̄s̄ri kù íkariio lèeleme. N̄ baadi ni a àre le a zī lémm̄e. ⁹ Luda zīkeri dakenɔn ó ũ. Luda búgb̄een á ũ, Luda kpén á ũ.

¹⁰ Gba kù Luda kèmen̄e mé à tò ma ē pète lán ēbori gonide bà, akū gbē pānde sù àten kpé pì bo. Baadi laakarì ke a kpébonaaa, ¹¹ zaakū gbēke ni f̄s̄ à ē ke pète dorò, sé ē kù à p̄etena Yesu Kirisi ũ baasiro. ¹² Tó gbē kpé pìi dò kù wuraaò ke andurufu ke gbē b̄eerede ke tó à dò kù lío ke lá ke s̄e, ¹³ baadi zī yápura ni bo gupuraa. Oni e yákpatek̄eḡɔ zī, zaakū gu ni d̄o kù téome, oni baadi zī taka gwa té pìi gūn. ¹⁴ Tó gbē zī kù à k̄eè bò tén aafia, ade ni àre le. ¹⁵ Tó gbē zī té kù, ani kisira le, ade ni bo ɔkori lákū òdi bo tén nà.

¹⁶ Á d̄s̄ kù Luda kpén á ũ, Luda Nini kù á gūnloo? ¹⁷ Tó gbē Luda kpé pìi yàka, Luda ni ade kakate, zaakū kpé pìi kunna adoname, akūs̄s̄ ák̄ɔn̄ome kpé pìi ũ.

¹⁸ Gbēke sún a zīda s̄ātero. Tó á gbēke teni a zīda dite andunia dík̄ina ɔnd̄s̄ri ũ, à ḡóñ̄ne m̄isaride ũ de à le à ɔnd̄s̄ kù. ¹⁹ Zaakū andunia dík̄ina ɔnd̄s̄ de Ludane m̄isariyā ũme. Á k̄ena Luda yán ò pìi: Àdi ɔnd̄s̄rin̄o kù n̄ w̄éz̄e gūn. ²⁰ Á k̄ena d̄o: Dikiri d̄s̄ kù ɔnd̄s̄rin̄o laasun pā. ²¹ Abire yāi gbēke sún ìa dā bisāsiri yā musuro. Pó s̄inda pínki bi á póm̄e: ²² Pɔlu, Apolo, Pita, andunia, w̄end̄ii, ga, tera pón̄o, zia pón̄on yá, n̄ pínki bi á póm̄e. ²³ Ák̄ɔn̄o s̄s̄, Kirisi pón̄ á ũ, Kirisi s̄s̄ bi Luda póm̄e.

4

Kirisi z̄ir̄in̄o

¹ Abire yāi à ó gwa Kirisi z̄ikerin̄o ũ, Luda asiriyā gwàrin̄o ũ. ² À kù gwàrin̄o ḡs̄ náani v̄i. ³ Tó ák̄ɔn̄o ke bisāsiri yákpatekerin̄o ma taari è, yā pāme ma k̄inaa. Madì ma zīda manak̄ena ke v̄anik̄ena boro. ⁴ Yāke teni ma swè v̄iro, ama abirekū ni ma boro, Dikirin ma yákpatekeri ũ. ⁵ Abire yāi àsun ḡinake à gbēke taari le Dikiri suḡɔro āro. Àkūme ani gu pu pó kù à utena gusiraaa à nèse yā bo gupuraa. Zī k̄ua baadi ni ma lákū Luda ni a s̄āabu kpá nà.

⁶ Yā kù ma òāre d̄in̄o, ma ò makū kù Apoloo yā musume de àḡs̄ yā dík̄ina d̄s̄: Òsun v̄i Luda yálaro. Á gbēke sún ìa dā à ze kù gbē doo, à bo gbē do kperò. ⁷ B̄s̄ n̄ deoñ̄laa? N̄ pòke v̄i n̄ z̄idane, kù odi n̄ gbaro yá? Ò n̄ gba, akū n̄ten ìa dā lákū odi n̄ gbaro bà yá? ⁸ A k̄an̄ gwe kò yá? A ke ɔḡɔden̄o ũn̄ gwe kò yá? Àten k̄i ble ó sarin̄ gwe yá? Má ye àḡs̄ k̄i ble, òḡs̄ lèele. ⁹ Zaakū ma è ók̄ɔn̄o Luda z̄ir̄in̄o, Luda ó dite z̄ā lán gbē kù òdi n̄ de pari wára bàme. Gu s̄inda pínki gb̄en̄o wé f̄iwá, malaikan̄o kù bisāsirin̄o n̄ pínki. ¹⁰ O ḡs̄ m̄isariden̄o ũ Kirisi yāi, akū kunna Kirisi p̄ii gūn á de ɔnd̄s̄rin̄o ũroo? Ó busana akū á gbāna v̄iroo? Ó kpebona akū á kpetanaroo? ¹¹ Ari tera nà kù ímio teni ó de, ó té punsi, o ḡs̄ p̄ógb̄enan̄o ũ, besariden̄o ũ. ¹² Odi zī gbāna ke ari ò kpas̄a. Tó ò ó ká, odi sa mana oñ̄neme. Tó ò wari d̄wá, odi mena f̄s̄. ¹³ Tó ò ó s̄s̄s̄, odi kùte keñ̄neme. Ari tera òteni ó dite andunia b̄oɔ pón̄o ũ, gbē s̄inda pínki b̄isa ũ.

14 Maten yā dí oáre wé'idanaáwa yáinlo. Mateni á gba laakari ma né yenyidenɔ úme. 15 Bee tó Kirisi gūn á gwàrinɔ kà gbēnɔn ũgbangba, á de'ina dasiro. Makū mé ma á í kú Kirisi Yesu baarunnakpanaáreɔ, akū á kú a gūn. 16 Abire yāi maten kúte kéáre, àgɔ ma kena ke. 17 Abire yāi ma a né yenyide Timɔti zláwa. Ápi bi náanideme Dikiri gūn, àkū mé ani ma kunna Kirisi gūn yákena dɔágu. Yá kú madi da sɔsi gbēnɔne wēte kú wēteon gwe. 18 Á gbēkenɔ ten ía dā, lákū mani su á gwaro bà. 19 Tó Dikiri wè, mani su á gwa tera, mani íadārii pinɔ gbāna lé e, adi ke n̄ yā'ona adonlo. 20 Zaakū kpata kú à bò Luda kīnaa bi yā'ona yānlo, gbāname. 21 Á yei deramee? Mà suái kú gɔon yá, ke mà su kú yenyio kú nēseyidaome?

5

Papakena Yesudenɔ té

1 Ma mà pāpakenaa gè á té, yā kú a taka kú bee kifirinɔ té sero. Ò pì, á gbēnɔ doke a de nɔ wēte. 2 Akū áten ía dā yá? À kú á nēsɛɛ yaka, à gbē kú à yā pìi kè bo á té. 3 Bee tó má kú kááoro, ma nini kú kááo, akū ma yákpate kè kú gbē kú à yā pìi kèeɔ gōn lákū ò pi má kú gwe bà. 4-5 Tó a kɔ kàkara, tó ó Dikiri Yesu gbāna kú kááo, tó ma nini kú kááo, à gbē pìi kpá Setanwa kú ó Dikiri Yesu tóo, de a dà kakate, a nini le à bo aafia Dikiri sugrɔ zì.

6 Á íadāna manaro. Á dɔ kú lùbene fíti dì flawadɛna zɔkɔ séroo? 7 Á lùbene zì kóte, á gɔ flawa dufu ũ a lùbeneɛ sari, lákū à kɔ sio àgɔ de nà, zaakū Kirisi gà ó Vínla sánɛ bɔrɔ úme. 8 A yā mé à tò ògɔ kun Burodi Futenasari dikpekerinɔ ũ yāpura gūn kú nēsɛpuraɔ. Òsungɔ kun lùbene zì dikpekerinɔ ũ manafiki kú yāvānikenaao gūnlo.

9 Takada kú ma kèáre gūn ma pì, àsun kakara kú pāpakerinɔoro. 10 Adi ke andunia dí pāpakerinɔ ke wākūdenɔ kú gbēblerinɔ ke tānagbagbarinɔnlo, zaakū tó gbē díkɔnɔme, séde áni bo andunia gūn. 11 Oi, ma oáre gbē kú ò pì ó gbēme, akūsɔ à de pāpakeri ke wākūde ke tānagbagbari ke gbēyakari ke wēderi ke gbēbleri ũ, àsun kakara kāoro, àsun ɔ kakara kāao sero. 12 Ma bàka ũgba kú yāgɔgɔna kú Yesusaridenɔoo? Á zīda gbēnɔ mé à kɔ sio à yā gɔgɔ kúńworo? 13 Luda mé ani yákpate ke kú Yesusaridenɔ. À gbē vāni pì bo á té.

6

Yakpatekena kú kɔo

1 Tó á gbēke yā vī kú a Yesude dakeo, bóyāi àdi gé yákpate ke kú adeo Luda gbēnɔ kīnaaroo, sé ludadōrisarinɔ kīnaa? 2 Á dɔ kú Luda gbēnɔ mé oni yákpate ke kú anduniaoro? Lákū ákɔnɔ mé áni yákpate ke kú anduniao nà, ádi ká à yáketenɔ gɔgɔroo? 3 Á dɔ kú ókɔnɔ mé óni yákpate ke kú malaikanɔoro? Oni andunia díkīna pɔ o dɔ yá? 4 Tó á yā bire taka gɔgɔna vī, áni gbē kú ò de sɔsi gbēnɔne póke ũronɔ sé yāgɔgɔrinɔ ũ yá? 5 Ma abirekū ò de mà wé'i daáwa yáime. Á gbēke vī á té kú a ɔndɔ kà à a gbēnɔ yā gɔgɔńneroo? 6 Séto á gbē do a gbēdake sísi yákpatea Yesusaridenɔ kīnaa yá? 7 Lákū á yā vī kú kɔo nà, a zā yāa kò mámmam. Bóyāin áni we ò á taki keroo? Bóyāin áni tó ò á bleroo? 8 Ákɔnɔ adì gbē taki ke, adì gbē ble, bee á kɔ tēne. 9 Á dɔ kú gbē vāninɔ ni gē kpata kú à bò Luda kīnaa gūnloo? Àsun á zīda sātero, pāpakerinɔ ke tānagbagbarinɔ ke zinakerinɔ ke gɔgbē

karuanŋ ke gbē kū òdì wúte kū n̄ gōgbē dakeonŋ¹⁰ ke kpāninŋ ke wākūdenŋ ke wēderinŋ ke gbēyakarinnŋ ke gbēblerinnŋ, n̄ gbēke ni gē kpata kū à bò Luda kīnaa gūnlo. ¹¹ Á gbēkenŋ de λeme yā, akū a zú ò, a gō Luda pó ũ, Luda tò yā bò kāáo nna kū Dikiri Yesu Kirisi tóo kū ó Luda Nini gbānao.

Ó papakena tó

¹² Adì pi, á yā sīnda pínki kēna zé vīme. Ama yākenŋ àre vīro. Adì pi, á yā sīnda pínki kēna zé vīme. Ama àsun tó yāke bà kááre á yīnlo. ¹³ Adì pi dŋ, póbble bi nēse pómē, akūsŋ nēse bi póbble pómē. Bee kū abireo Luda ni n̄ pínki kakate. Mē bi pāpākebōnlo, Dikiri pómē, akūsŋ Dikiri mé à mēe pì gwàri ũ. ¹⁴ Luda ó Dikiri bò gan, akūsŋ ani ó bo gan kū a gbānao. ¹⁵ Á dō kū á mē mé à Kirisi mēgunŋ ũroo? Oni Kirisi mēgu sé ò ke karua mēgu ũn yá? Oi! ¹⁶ Á dō kū gbē kū à kākara kū karuaò kē kāáo mēe dokōnŋ ũnloo? Á kēna Luda yān ò pì, n̄ gbēnŋn pla ni gō mē do ũ. ¹⁷ Gbē kū à kākara kū Dikirio kē kāáo mēn do Nini gūn. ¹⁸ À kēkōsa kū pāpākenaaò. Durunna pānde kū gbē dī ke pínki bàka kú kū a mēeoro. Pāpākeri sō, àdì durunna ke a mēeneme. ¹⁹ Á dō kū á mē mé à Nini kū Luda á gbá, kū à kú á gūn kpé ũroo? Ákōnŋ á á zīda vīro, ²⁰ Luda á lú, à fīnaa bò. Abire yāi à Luda tó bo kū á mēeò.

7

Nōsēnaa

¹ Takada kū a kē yā musu, à maname gōgbē gō kun nŋ sari. ² Ama kū pāpākena dàgula yāi, gōgbē sīnda pínki gō a nŋ vī, nōgbē sīnda pínki gō a gō vī. ³ Gōgbē gō pó kú à kō sio ke a nanŋne. Nōgbē gō ke a zāne le se do. ⁴ Nōgbē mē kun a zīda pó ũro, sé a zā pó ũ. Leme dŋ gōgbē mē kun a zīda pó ũro, sé a nanŋ pó ũ. ⁵ Àsun gīkōnero, séde a màkōne de à laakari dŋ aduakēnaaa gīa, gbasa à á kēna ke, de Setan sún òndō keáre à fu menaaro yāi. ⁶ Lén ma dàáwa, adi ke tilasinlo. ⁷ Má ye gbē sīnda pínki gō de lán ma bà, ama baadi kū a gba kū Luda dāneeme, gbē dí kū a pōo, gbē dire kū a pōo.

⁸ Maten yā díkīna o posenŋne kū gyaanŋnŋ. À mana ògō kun n̄do lán ma bà, ⁹ ama tó oni fō ò n̄ zīda kūro, ò nŋ sé, ò zā ke, zaakū kōsēna mana de lukana kōšila.

¹⁰ Maten yā dite nōdenŋne kū gōdenŋ, adi ke makūnlo, Dikirime. Nōgbē sún gí a zāiro, ¹¹ gōgbē sún pé a nanŋaro. Tó nōgbē sù à gí a zāi, à gō pose kesŋ à era a zāi.

¹² Maten o gbē kparanŋne, adi ke Dikiri mé à òro. Tó á gbēke nŋ Yesusaride vī, akū nŋ pì ye àgō kú kāáo leele, àsun péaro. ¹³ Leme dŋ tó nōgbē gō Yesusaride vī, akū gō pì ye àgō kú kāáo leele, àsun gíro. ¹⁴ Zaakū Luda dī gō Yesusaride sí a nanŋ yāi, akūsŋ àdì nŋ Yesusaride sí a zā yāi. Tó lenlo, n̄ nēnŋ nigō gbāsīme. Ama tera n̄ kunna adona. ¹⁵ Tó Yesusaride pìi gīi, à gīi. Yā bire taka gūn n̄ kunna kū kōo bi tilasinlo. Luda á sísi, à á sé àgō kun aafiame. ¹⁶ Nōgbē, ke ìni n zā sura ba, n̄ dō yá? Gōgbē, ke ìni n nanŋ sura ba, n̄ dō yá?

À ze kū á gwēnaao

¹⁷ Baadi ze kū a gwēna kū Luda a dītenwo gŋrŋ kū Dikiri a sísi. Len madì da sōsi gbēnŋne le wēte kū wēteò pínki. ¹⁸ Luda gbē sísi tòzōnaden yá, àsun wēte à ke gyofŋrŋde ũro. Luda gbē sísi gyofŋrŋden yá, àsun tò zōro. ¹⁹ Tòzōna yāke vīro, akūsŋ gyofŋrŋ yāke vīro, sé àgō yā kū Luda dītenŋ kūna. ²⁰ Lákū

baadi kun nà ɔɔɔ kŭ Luda a sisi, à zεo le. ²¹ Luda n sisi zò ùn yá? Ñsun a damu kero. Ama tó n su n ɔ̄ zĩdade ù zé è, ò bo zòblenan. ²² Zò kŭ Dikiri a sisi ɔ̄ zĩdade ù Dikiri pìi ɔ̄mme. Leme dɔ zĩdade kŭ Dikiri a sisi ɔ̄ Kirisi zò ù. ²³ Luda á lú, à fĩnaa bò. Àsun ɔ̄ bisāsiri zò ùro. ²⁴ Ma gbēnɔ, lákŭ baadi kun nà ɔɔɔ kŭ Luda a sisi, à zε kŭ Ludao le.

Kefennanɔ kŭ nɔkparenɔ

²⁵ Kefennanɔ kŭ nɔkparenɔ yā musu mádi yāke ma Dikiri kīnaaro, ama lákŭ má náani vī Dikiri sūruu ɔ̄n nà, lán ma laasun de nán manì oáre. ²⁶ Wétámmana kŭ à kun tera mé à tò, maten da à mana kŭ gbē zε kŭ a kunnao. ²⁷ Tó n nɔ vī, òsun pì òni a gbarero. Tó n vī sōro, òsun wete ò séro. ²⁸ Tó n sè sō, òdi durunna kero. Tó nɔkpare zà kè sō, adi durunna kero. Gbē birenɔ ni yā le andunian, akŭ má ye abire taka á lero. ²⁹ Ma gbēnɔ, yā kŭ maten on dí: ɔɔɔ dí ɔ̄ zāro. Zaa tera nɔdenɔ ɔ̄ lán gbē kŭ ò vīronɔ bà. ³⁰ Ɔɔɔrinɔ ɔ̄ lán gbē kŭ òten ɔ̄ dɔronɔ bà. Pɔnnadenɔ ɔ̄ lán gbē kŭ n pɔ nnaronɔ bà. Pɔlurinɔ ɔ̄ lán gbē kŭ ò pòke vīronɔ bà. ³¹ Anduniablerinɔ ɔ̄ lán gbē kŭ òten bleronɔ bà, zaakŭ lákŭ andunia dí kun nà tera ten ɔ̄tεme.

³² Má ye à ɔ̄ kun damu sarime. Pose di laakari dɔ Dikiri yānɔa, yā kŭ à kè a nanɔgun àdi ke, ³⁴ akŭ àdigɔ kŭ kŭ laasun plao. Nɔ pose ke nɔkpare di laakari dɔ Dikiri yānɔa, àdi a mè kŭ a ninio kpáa. Nozāre sō, àdi laakari dɔ andunia yānɔa, yā kŭ à kè a zāgun àdi ke. ³⁵ Adi ke maten mɔkakɔana kpáárenlo. Ma abirekŭ ò á aafia yāime, de à yā ke a zéa, à á zĩda kpá Dikiria gu pānde gwanaa sari.

³⁶ Tó gbē nɔkamma vī, tó a séɔɔɔ ten ɔ̄, akŭ à kēne wé'iyā ù, tó à a kàka lán dí bà, à a sé lákŭ à kēne nà, adi ke durunna ùro. Ò kō sé. ³⁷ Ama tó à yā pìi bò a nēsemme, akŭ tilasi dí a kákaro, akŭ à a zĩda kŭna dō, tó à dà a swēn kŭ áni a nɔkpare pì séro, à kè maname. ³⁸ Leme gbē kŭ à a pò sè kè mana, ama gbē kŭ adi a pò séro kè mana de abirekŭla.

³⁹ Nɔgbē bi a zā pòme ɔɔɔ kŭ a zā kŭ kŭ wēndiio. Tó a zā sù à andunia tò, à zé vī à zā ke kŭ ɔ̄ kŭ à yeiio, ama ɔ̄ pì ɔ̄ kun Dikiri pò ù. ⁴⁰ Bee kŭ abireo tó à ɔ̄ pose, maten da a pò nigɔ nna de tó à zā kèla. Maten da makŭ, má Luda Nini vī se.

8

Sa'opɔble

¹ Sa'opɔble yā musu, ó dō kŭ ó pínki ó dōna vī. Dōna sō, à sena lei vī, yenyī mé à karana vī. ² Tó gbē ten da á yā dō, adi dō lákŭ à kŭ à dō nà ɔ̄aro. ³ Tó gbē ye Ludai, Luda a dō. ⁴ Tò, sa'opɔblena yā musu ó dō kŭ tana bi pòkeme andunia ɔ̄nlo, zaakŭ Luda mēn do kunnan ó dō. ⁵ Bee tó pò kŭ òdi pìine tānanɔn kŭ musu kŭ zīteo, akŭ dakenɔ kīnaa tānanɔn dimme, dikirinɔn dimme, ⁶ ó kīnaa Luda mēn dome, àkŭme ó De ù, kŭ pò sīnda pínki bò a kīnaa, akŭsō ó kun a yāi. Dikiri mēn dome dɔ, àkŭme Yesu Kirisi ù, kŭ pò sīnda pínki kè, akŭsō ó kun a ɔ̄ai.

⁷ Ama gbē sīnda pínki dō lero. Gbēkenɔ kō dō kŭ tana yāo ari tera, akŭ òdi pò kŭ òteni ble díte sa'opɔble ù, ò yāke dōkōnero, akŭ n laasun kŭ zéa doro. ⁸ Pòble mé ani ó na Ludairo. Tó ódi blero, kīananlo. Tó o blè, karanaanlo. ⁹ À laakari ke á kunna zĩdadenɔ ùi, de ásun ke ɔ̄siki ù gbē kŭ ludanaanikenaa kīammanɔnero. ¹⁰ Mòkōn kŭ n dōna vī, tó gbē kŭ à yāke

dōkōnero n e, nten pō ble tāna kuru, ani a gba swēē à sa'opō ble seroo? ¹¹ Tó n kè le, n dōna n gbēdake kù ludanaanikēna kīana kù Kirisi gā a yāi kàkaten gwe. ¹² Tó a durunna kè á Yesude dakenōne a gbē kù à yāke dōkōnero karii kèn gwe, akūsō Kirisin a durunna kènē. ¹³ Abire yāi tó ma nōbōsona mé ani tó ma Yesude dake fu, mani só ziki doro, de ma Yesude dake sún furo yāi.

9

Zìrinō n zīda busana Kirisi baaru nna yāi

¹ Má a zīda vīnloo? Zìriin ma ūroo? Mádi wé si ó Dikiri Yesu léroo? Ákōnōme á de ma zī gbè ū Dikiri gūn fá? ² Bee tó má de zìri ū gbē pāndenōnero, má deáre a ū fá. Kunna Dikiri gūn ma kunna zìri ū sèedaan á ū.

³ Yā kù madì o ma vāniborinōnen dí: ⁴ Má pōblena kù pōminaaō zé vī ma zī gūnloo? ⁵ Má a zé vī mǎgō té kù nō Yesudeo gu kù maten gén lán zìri kparanō kù Dikiri dakūnanō kù Pitao bàroo? ⁶ Makū kù Baanabao ó gbēnōn pla, ókōnō ó zé vī ò ó zī tónloo? ⁷ Dí mé àdi soza ble kù a zīda bōkō ògōo? Dí mé àdi lí ba, akū àdi a né bleroo? Dí mé àdigō zù dā, akū àdi a vī mīroo?

⁸ Bee kù bisāsiri yākenanōn ma lèkōaáre, à kù Musa doka gūn léroo? ⁹ À kēna Musa doka takadan ò pì, àsun lésō da zūune gōrō kù àten pōwe gbēro. Zūun Luda dì laakari dōa yá? ¹⁰ Ó yāi à yā pìi òroo? Ee, ó yāin ò yā pìi kè, de búbari gō sē wa kù tāmāaaō, pōwegbēri gō pō gbē kù tāmāaaō, de à a baka le a gūn. ¹¹ Tó o Luda yā tō á té, akū o ó bakaa lèáwa, yāken yá? ¹² Tó dakenō zé bire vīáwa, óni ó pō o dō yá? Ódi sēte zé bire gūnlo, o yā sīnda pínki fī, de òsun zé zō Kirisi baaru nnanero yāi. ¹³ Á dō kù Luda òn zikerinō dì Luda òn pō bleroo? Luda gbagbaki sa'orinō dì n baka le gbagbaki pìi gūnloo? ¹⁴ Len Dikiri dìte a baarunnakparinō gō pō ble baaru pì kpana yā musu le. ¹⁵ Bee kù abireo mádi zé pìnō ke séro, akūsō mádi abirekū o de ò kemene yāinlo. Ga manamene de abirekūla. Gbēke ni le à kpá ma ñadāna dīnero. ¹⁶ Kirisi baarunnakpana demene ñadāna yā ūro, tilasi mé à gbá dīma. Waiyoo makū, tó maten baaru nna pì kpáro. ¹⁷ Tó maten zī pì ke kù ma zīda pōyeinaaōme, mani wé dō ma bakaaime. Lákū Luda mé à nāmene ma oī nà, à kō sī kūmao mà ke. ¹⁸ Bōme ma àre ūu? Tó ma baaru nna pìi kpà osāsānaa sari, tó mádi doka kù má vī baaru nna pì kpanaa gūn keñmaro, ma àreen gwe.

¹⁹ Bee kù gbēke ma vīro, ma a zīda dìte zò ū gbē pínkine, de mà gbēnō le dasi yāi. ²⁰ Kù má kù kù Yudanō, ma gō lán n bā, de ò ma yāze e yāi. Kù má kù kù Musa dokadarinō, ma gō a dàri ū, bee kù à iko vīmaro, de a yā dàrinō ma yāze e yāime. ²¹ Kù má kù kù dokadarisarinō, ma gō lán n bā, de ò ma yāze e yāi. Adi ke ma bo Luda doka zénnlo, Kirisi mé à iko vīma. ²² Kù má kù kù gbē busananō, ma busa, de ò ma yāze e yāi. Madì gō pō sīnda pínki ū gbē sīnda pínkine, bee dera, de mà le mà n gbēkenō sura ba. ²³ Yā kù madì ke pínki, madì ke Kirisi baaru nna yāime, de mà a baka le a arubarikaa gūn.

²⁴ Bàkpakūsūnaa gūn, gbē sīnda pínki mé àdi bàa lé, ama á dō kù gbē mèn do mé àdi bleroo? À bàa lé le se, à le à ble. ²⁵ Kōkō'ori sīnda pínki dì a zīda tūtu ke, àdi a zīda foru ke yā sīnda pínki musu. Àdi ke le fūra kù àdi yaka lena yāi. Ókōnō sō, a pō kù àdi yakaro yāime. ²⁶ Abire yāi bà kù maten lé,

má dŏ pŏ kŭ maten pĕa, adi ke maten ɔsi ká gukorianlo. ²⁷ Oi, madì wari dŏ ma mĕea, madì ma mĕe taki ke, de ma waazikena dakenɔne gbĕra, másun bo páro yái.

10

Laakarikena tĕnagbagbanaai

¹ Ma gbĕnɔ, má ye ó dizinɔ yā díkĭna dŏágu. Ò tĕ télukui n̄ pínki, ò táa ò ò bŏte Isira Tĕran n̄ pínki. ² Luda n̄ da'ite kĕ téluku pii gŭn kŭ ísira pĭio n̄ pínki Musa ibanɔ ũ. ³ Ò Luda pŏble dokŏnɔ blĕ n̄ pínki, ⁴ ò Luda í dokŏnɔ mi n̄ pínki, zaakŭ ò Luda kpi kŭ à kú kŭnwo í mi. Kpi pì sŏ mé à Kirisi ũ. ⁵ Bee kŭ abireo n̄ daside yā dí ká Ludaguro, akŭ n̄ gĕe gŏ kpáte gbáranan. ⁶ Yā pì dewere sĕeda ũ, de òsun yā vāni ni de, lākŭ ò a ni dĕ nāro. ⁷ Àsungŏ de tĕnagbagbarinɔ ũ lán n̄ gbĕkenɔ bàro. À kĕna Luda yān ò pì: Gbĕnɔ vŭte òten pŏ ble, òten í mi, akŭ ò fŭte òten pāpā ke. ⁸ Òsungŏ de pāpākerinɔ ũ lán n̄ gbĕkenɔ bàro. Ò pāpā kĕ, akŭ ò gāga gŏɔ dokŏnɔ zĭ gbĕnɔn dŭbu baro awĕe'aakŏ. ⁹ Òsun Dikiri lé ò gwa lán n̄ gbĕkenɔ bàro. Ò a lĕ ò gwà, akŭ mlĕnɔ n̄ sŏso ò gāga. ¹⁰ Àsun yākete ká lán n̄ gbĕkenɔ bàro. Ò yākete kà, akŭ ga malaika n̄ dede.

¹¹ Yā pì n̄ lé sĕeda ũ ókŏnɔ kŭ ó kú gŏɔ kpĕdenɔaanĕ, akŭ ò kĕ takadan de ò ó gbao laakari yái. ¹² Gbĕ kŭ àten da á zena gbāna, à laakari ke letĕnaai. ¹³ Yŏogwana ke dí á léro, séde kŭ àdi gbĕ sĭnda pínki le baasiro. Luda náani vĭ, ani tó ò á yŏ ò gwa de á gbāna lélaro. Yŏogwanaa gŭn ani á gba zé à mĕna fŏ à bon.

¹⁴ Abire yái ma gbĕ yenyĭdenɔ, à mi kĕ tĕnagbagbanaaa. ¹⁵ Maten yā oáre laakaridenɔ ũ. À yā kŭ maten oáre laasun lé á zĭda à gwa. ¹⁶ Toko arubarikade kŭ odì sáabu kpáoo, tó o mi, ó bàka kŭ kŭ Kirisi aruoroo? Burodi kŭ odì lílikŏre, tó o sò, ó bàka kŭ kŭ Kirisi mĕerooroo? ¹⁷ Zaakŭ burodi mĕn dome, bee kŭ ó dasikeo ó mĕ dokŏnɔmĕ, ó baadi a baka vĭ burodi dokŏnɔ pìi gŭmme. ¹⁸ À gwa Isarailanɔa. Gbĕ kŭ à sa'opŏ blĕ bàka kŭ kŭ Luda gbagbakioroo? ¹⁹ Ma ò deramee? Maten o tána sa'opŏble bi pŏken yá? Ke n̄ tĕnanɔ bi pŏken yá? ²⁰ Lenlo, ma pì pŏ kŭ ò sa òo, ò ò tánaame, adi ke Ludaanlo. Má ye á bàka gŏ kŭ kŭ tánaoro. ²¹ Ani fŏ à Dikiri toko í mi kŭ tána pŏoro. Ani fŏ à Dikiri pŏ ble kŭ tána pŏoro. ²² Ke ó ye ò Dikiri nĕsegŏba futemĕe? Ó gbāna kà a ũn yá?

²³ Òdi pi, yā sĭnda pínki zé vĭ. Leme, ama yā sĭnda pínki àre vĭro. Òdi pi, yā sĭnda pínki zé vĭ. Leme, ama yā sĭnda pínki karana vĭro. ²⁴ Gbĕke zĭda yā sŭn done arero, sé a gbĕdake yā. ²⁵ À nŏbɔ kŭ òten yía eten só yāke gbĕkanaa sari á laasun yái, ²⁶ zaakŭ zĭte kŭ pŏ kŭ ò kúanɔ pínki bi Dikiri pŏmĕ. ²⁷ Tó Yesusaride á sísi pŏblea, tó à kĕáre, tó a gĕ, à pŏ kŭ ò kpááwa ble yāke gbĕkanaa sari á laasun yái. ²⁸ Tó ò sŭ ò oáre sa'opŏblemĕ, àsun blero laasun yái kŭ gbĕ kŭ à oáre yāio. ²⁹ Maten abirekŭ o ade laasun yāime, adi ke á pŏnlo.

Gbĕ pānde laasun yāin manigŏ ma zĭda vĭro yá? ³⁰ Tó ma pŏ blĕ kŭ sáabukĕnaao, bŏyāin òdi ma vāni bo pŏ kŭ ma sáabu kĕii pì yā musuu? ³¹ Yā kŭ áten ke pínki, áten pŏ blen yá, áten í min yá, àgŏ a pínki ke Luda tŏbona yái. ³² Àsun tó Yudanɔ ke Girikinɔ ke Luda sŏsi gbĕnɔ fu á yākena yāiro. ³³ Len madì ke le. Yā sĭnda pínki gŭn madì kokari ke, de ma yā ká

gbē sīnda pínkigume. Madi ma zīda ponna wetero, sé pari pò, de ò le ò bo yāi.

11

¹ Àgō ma yākenaa dada, lākū madi Kirisi pò dada nà.

Nōgbēno pōkuna ní mīia yā

² Ma á sáabu kpà kú ma yā ògō dōágu yā sīnda pínki gūn, akūsō á kèotokōne kú ma dàárenō kūna. ³ Má ye àgō dō kú Kirisi mé à gōgbē sīnda pínki mī ū, gōgbē mé à nōgbē mī ū, akūsō Luda mé à Kirisi mī ū. ⁴ Gōgbē kú àten adua ke ke àten annabikēyā o kú pòo kuna a mīia teni a mī kpe bome. ⁵ Nōgbē kú àten adua ke ke àten annabikēyā o mīgā teni a mī kpe bome, à de lākū à mī kpárankparan bàme. ⁶ Tó nōgbē dí pò kú a mīiario, à a mīkā kēre. Lākū mīkākērena ke mībona de nōgbēne wé'iyā ū nà, à pò kú a mīia. ⁷ Adi kú gōgbē pò kú a mīiario, kú à de Luda taka kú a gakurio ū yāi. Nōgbē sō, àkūme gōgbē gakuri ū. ⁸ Zaakū Luda dí gōgbē bo nōgbē gūnlo, nōgbēn à bō gōgbē gūn. ⁹ Adi gōgbē ke nōgbē yāiro, nōgbēn à kè gōgbē yāi. ¹⁰ Abire yāi kú malaikanō yāo dō, séde nōgbē gō pò kú a mīia a zā doka sèeda ū. ¹¹ Dikiri gūn nōgbē kun a zīdane gōgbē sariri, gōgbē sō, à kun a zīdane nōgbē sariri. ¹² Lākū nōgbē bō gōgbē gūn nà, len dō gōgbē dì bo nōgbē gūn le, akūsō pò sīnda pínki dì bo Luda kīnaame.

¹³ À yā pīi laasun lé à gwa. Nōgbē aduakena mīgā mana yá? ¹⁴ Á dō á zīdane kú mīkā gbàna de gōgbēne wé'iyā ūroo? ¹⁵ Ama tó nōgbē vī, à dene gakuri ūme, zaakū Luda nōgbē gbà mīkā à daalame. ¹⁶ Tó gbēke ye à lékpakōa ke, àgō dō kú ókōnō kú Luda sōsi gbēnō, ó yā pānde kūnaro, sé abirekū.

Dikiri pōble

(Mat 26:26-29, Maa 14:22-25, Luk 22:14-20)

¹⁷ Yā kú má ye mà daáre tera gūn, mani á sáabu kpáro, zaakū á kōkakaranaa dì vāni iáre de a manala. ¹⁸ Káaku gīa ma mà, tó a kō kākara, adi bo kō kpe gā kú gāaome. Ma yā pīi sì kpado. ¹⁹ Séde kēkēkōana gō kú á té, de ò yāpuradenō dō á té. ²⁰ Tó a kō kākara, adi ke Dikiri pōblen adi blero, ²¹ zaakū á baadi dì wā a pōbleime. Nàa dì gbēkenō de, wē dì gbēkenō de. ²² Á be vī à pò ble, à í minloo? Ke adi Luda sōsi gbēnō gya bo à wé'i da pōsaridenōame? Mani oáre deramee? Mani á sáabu kpán yá? Kà! Mani á sáabu kpá yā bire musuro.

²³ Yā kú ma si Dikiri kīnaa, ma dàáren dí: Zī kú ò Dikiri Yesu kpàrīma, a gwāani pīia à burodii sè, ²⁴ akū à aubarika dān, à lìlikōre, akū à pī, a mè kú áni kpá á yāin dí, àgō abirekū ke a yā dōnaágu yāi. ²⁵ Leme dō kú ò pò blè ò lāka, à toko sè à pī, Luda bàka kunna kú gbēnō dufu a aru gāin dí. Tó àten mī, àgō mī a yā dōnaágu yāi. ²⁶ Zaakū tó a burodii pīi sò, tó a í pīi mī, àten Dikiri ga baaru kpá ari àgō gé sume.

²⁷ Abire yāi tó gbē burodii pīi sò, tó à Dikiri í pīi mī, burodi kú í pīo yādanaa sari, à taari kè Dikiri a mè kú a aruo yā musume. ²⁸ Baadi a zīda yā gwa, gbasa à burodii pīi sò, à í pīi mī, ²⁹ zaakū tó gbē sò, tó à mī Dikiri mè dōnaa sari, à yā dà a zīdalame. ³⁰ Abire yāi gyārenō kú aafiasaridenō kè dasi á té, akūsō gbē kú ò kè sarinōn kīnaro. ³¹ Tó óni ó zīda yā gwa, Dikiri ní ó taari lero. ³² Tó à ó taari è, àteni ó totome, de yā sún daóla kú anduniaoro yāi. ³³ Abire yāi ma gbēnō, tó a kō kākara, àten Dikiri pò ble, àgō kō dà. ³⁴ Tó

nà ten gbē de, à pò ble a bea, de á kōkakarana sún yā iáero yāi. Mani yā kū gōnō bōkōtéáre, tó ma su.

12

Luda Nini gbanō

¹ Ma gbēnō, Luda Nini gbanō yā musu, má ye àgō dōnasariro. ² Á dō kū gōnō kū á de kifirinō ũ, tāna kū òdi yā oronō mé òdigō á gáte, ògō doáre are.

³ Abire yāi ma ye àgō dō kū Luda Nini òdi didi gbēa à Yesu láari kero, akūsō gbēke ni fō à o Yesume Dikiri ũro, séto Luda Nini done are.

⁴ Gba buri dasi, ama Luda Nini mèn do pīime. ⁵ Zī buri dasi, ama Dikiri mèn do pīime. ⁶ Gbāna sēedanō buri dasi, ama Luda mèn do pīime, àkū mé àdi a pínki ke baadine. ⁷ Luda Nini òdi didi baadia gbē sinda pínki karana yāime. ⁸ Luda Nini òdi gbēke gba zé à òndō yā o, akū Nini mèn do pī òdi gbē pānde gba zé à dōna yā o. ⁹ Nini mèn do pī òdi gbē pānde gba ludanaanikena zé, gbē pānde sō gbē werekōana zé. ¹⁰ Àdi gbē gba daboyākēna zé, gbē pānde sō annabikēyā'ona zé. Àdi gbē gba zé à nininō dōkōne. Àdi gbē gba zé à yāke buri o, àdi gbē gba yāke buri pī bōkōtena zé. ¹¹ Nini dokōnō mèn do pī mé àdi a pínki ke, àdi gba pī da baadine lākū à yei nà.

Mē kū a gunō

¹² Mē mèn do gunōn dasi. Bee kū a dasikeo, mē mèn dome pínki. Len ó konna Kirisi gūn de le se. ¹³ Ókōnō pínki, Yudanō ke buri pāndenō, zōnō ke zīdadēnō, Luda ó ké mē dokōnō ũ kū a Nini mèn do pī gbānaome, à ó gbá a Nini mèn do pī, akū o mī ó pínki. ¹⁴ Mēgunōn dasi, adi ke mèn donlo. ¹⁵ Tó gbá pī, lākū òn a ũro nà, á de mē pō ũro, abire yāi anigō de mē pō ũro yá? ¹⁶ Tó sá pī, lākū wén a ũro nà, á de mē pō ũro, abire yāi anigō de mē pō ũro yá? ¹⁷ Tó mē būnu de wé ũ, bōn oni yā maoo? Tó mē būnu de sá ũ, bōn oni pō gbī maoo? ¹⁸ Lākū à de nà, Luda mēgunō pēpekerē n pínki, lākū à yei nà. ¹⁹ Tó n pínki de mēgu buri dokōnō ũ, mē nigō kú máme? ²⁰ Tera sà mēgunōn dasi, mē mèn dome. ²¹ Wé ni fō à pī òne a bàka kú káororo. Lemē do mī ni fō à pī gbáne a bàka kú káororo. ²² Mēgu kú òten da à kīana, mē ni fō à ke a sariro. ²³ Mēgu kú òten da à gakuri vīro, òdi a kpe ta de mēgu kparanōla. A gu kú òteni a ena dite wé'iyā ũ, òdi pō nai de mēgu kparanōla, ²⁴ ama a pō kú à mana bàka kú kú adioro. Kū Luda mē kākara, à gakuri kàra mēgu kú gakuri ten kīarūmanōne de mēgu kparanōla, ²⁵ le mē sūngō kpaatētenaro, a gunōn kō yā dō. ²⁶ Tó mēgunō doke ten wari ke, a mēgu kparanō pínki òdi ke káaome. Tó ò mēgunō doke kpe tà, a mēgu kparanō pínki òdi pōnna ke káaome.

²⁷ Ákōnōme Kirisi mē ũ, akūsō á baadi de mē pī gu ũ. ²⁸ Káaku gīa Luda zīrinō dite sōsi gbēnōne, a plade annabinō, a aakōde yādannerinō, abire gbera dabokerinō, abire gbera gbē kú à n gbá gbē werekōana zēnō kú kpányīrinō kú yāgōgōrinō kú gbē kú òdi yāke buri onō. ²⁹ Zīrinōme n ũ n pínki yá? Annabinōme n ũ n pínki yá? Yādannerinōme n ũ n pínki yá? Dabokerinōme n ũ n pínki yá? ³⁰ Luda gbē werekōana gba dàinne n pínkin yá? Òdi yāke buri o n pínkin yá? Òdi yāke buri bōkōte n pínkin yá? ³¹ À wé pé gba kú ò deñlanō.

Tera sà mani zé kú à mana deñla mōáre.

13

Yenyĩ

¹ Tó ma yáke buri ò, bisásiri ke malaika pó, tó má yenyĩ vĩro, ma kĩni kè lán m̀lèna ke s̀g̀g̀panaa bàme. ² Tó ma annabikēyā'ona gba lè, tó ma yā s̄inda pínki asiri mā, akūs̄ó má d̄ona pínki vī, tó ma ludanaanikēnaa kà mà kpi go a tía, tó má yenyĩ vĩro, p̀sken ma ūro. ³ Tó ma p̀ó kũ má vīno kpàate takasidenonē pínki, tó ma tò ò té s̀òma, tó má yenyĩ vĩro, à àre vīmenero.

⁴ Yenyĩ mena vī, à gbēke vī. Yenyĩ dì g̀ba kpá kũnworo, àdi a z̄ida biro, àdi ìa dāro. ⁵ Àdi wé'i dam̄maro, àdi a z̄ida yā wetero, àdi f̄enyī likalikaro, àdiḡó n̄ yā kũna a n̄es̄e gũnlo. ⁶ Àdi yāa d̄o yā vāniaro, àdi p̄onna ke kũ yāpuraome. ⁷ Yenyĩ dì yā s̄inda pínki f̄, àdi yā s̄inda pínki náani ke, àdiḡó yā s̄inda pínki t̄amaa vī, àdi mena kũ yā pínkio.

⁸ Yenyĩ lakana vĩro. Ama tó annabikēyā'onaame, ani láka, tó s̄ yākeburi'onaame, a lé ni ze, tó d̄onaame, ani ḡé zéla. ⁹ Zaakū ó d̄ona kũ ó annabikēyā'onaao dí paparo. ¹⁰ Tó yāpapana ḡoro s̄u, a kũ adi paparo ni ḡé zéla. ¹¹ Kũ má de né fiti ū, madì né fiti yā o, madì né fiti laasun lé, madì yā gwa lán né fiti bà. Kũ ma ke gbē ònd̄ona ū, ma ɔ gb̄are néfitikēyāi. ¹² Tera la óten gu e dígi gũn b̄uruburu, z̄i b̄irea s̄ó òni wé sik̄òle. Tera la ma d̄ona dí paparo, z̄i b̄irea s̄ó mani yā d̄ó swáswa lákũ Luda ma d̄ó nà. ¹³ Tera sà yā m̄en aak̄ó d̄ino mé ò g̀ò: Ludanaanikēna kũ t̄amaaao kũ yenyĩ, ama yenyĩ mé à deŋla.

14

Yakeburi'ona kũ annabikēyā'onaao

¹ À tó yenyĩ doáre are, à wé pé Luda Nini gban̄a, at̄ensa annabikēyā'onaao. ² Gbē kũ àten yáke buri o ten yā o kũ gb̄en̄onlo, sé Luda, zaakū gbēke ten maro, àten asiriyā o kũ Luda Nini gb̄anaome. ³ Gbē kũ àten annabikēyā o ten yā o kũ gb̄en̄ome, àteni n̄ gba gb̄ana, àten lé dam̄mame, àteni n̄ n̄es̄e kpátēn̄eme. ⁴ Gbē kũ àten yáke buri o teni a z̄ida karamē, gbē kũ àten annabikēyā o ten s̄osi gb̄en̄o karamē. ⁵ Má ye à yáke buri o á pínki, ama má ye à annabikēyā o de abirekũla. Annabikēyā'ori de yákeburi'orila, séto óten b̄ok̄ote de s̄osi gb̄en̄o le ò kara.

⁶ Ma gb̄en̄o, tó ma suái, akū ma yáke buri ò k̄áo, b́ò àren à vīáre? Séde ma yā'ona ḡó de yāwewēna ū ke d̄ona ke annabikēyā'ona ke yādannena. ⁷ Len à de le kũ p̀óborino d̄o. Ūra ke m̄oro, tó àten ū bo s̄usuro, oni le ò d̄ó deran àten o nà yá? ⁸ Tó k̄ak̄aki ū dí bo s̄usuro, sozano ni z̄i soru kero. ⁹ Lemē ák̄on̄o se, tó áten yáke buri o, akū óten maro, deran oni yā kũ àten o gbá d̄ó nàa? Á yā ni ḡé ìame. ¹⁰ Yāno buri dasi andunia gũn, n̄ ke b̄ok̄otēnaa sariro. ¹¹ Tó óten buri kũ madì a yā maro o, maniḡó de a òriine gbē z̄it̄o ūme, akūs̄ó aniḡó demene gbē z̄it̄o ū se. ¹² Lemē ák̄on̄o s̄ó, lákũ á kokari vī kũ Luda Nini gban̄o nà, à kokari ke àḡó géo are, de s̄osiden̄o le ò kara.

¹³ Abire yāi yákeburi'ori wé ke de à le à yā kũ àten o b̄ok̄ote. ¹⁴ Tó ma adua kè kũ yáke burio, ma nini mé à kè, ma laasun dí domene arero. ¹⁵ T̄ò, yā p̄i de derame? Mani adua ke kũ ninio, mani ke kũ laakar̄iio d̄o. Mani lè sí kũ ninio, mani sí kũ laakar̄iio d̄o. ¹⁶ Tó n̄ Luda t̄ó nna si kũ ninio, deran gbē dufu kũ à kũ gwe ni pi, aami, sáabu kũ n̄ kpà yā musuu? Zaakū adi yā kũ n̄ òo d̄oro d̄oro. ¹⁷ Bee tó n̄ sáabu kpà a z̄éa, adi n̄ Yesude dake gb̄ana kararo. ¹⁸ Ma Luda sáabu kè, kũ madì yáke buri o deála á pínki,

19 ama kŏkakaranaa gŭn tŏ ma yā mèn sɔɔro ò kŭ laakarrii, ma yā dàońne, à manamene de mà yā mèn ũgbangba o kŭ yāke buriola.

20 Ma gbēno, á laasun sŭngŏ de lán nēno pŏ bàro. Àgŏ de lán né fitino bà yāvānikēnaa musu, ama á laasun gŏ de gbē ũndŏnanŏ pŏ ũ. 21 Á kēna Luda yān ò pì:

Mani buriyā pānde o gbē dīkīnanŏne gbē žītŏno lén, bee kŭ abireo oni sā kpá ma yāiro.

22 Abire yāi yākeburī'ona de sēda ũ Yesu náanikerinŏnero, sé Yesu náanikerisarinŏ. Len dŏ annabikeyā'ona dí ke Yesu náanikerisarinŏ pŏke ũro, sé Yesu náanikerinŏ. 23 Tŏ sŏsi gbēno kŏ kākara n pínki, akŭ òten yāke buri o n pínki, tŏ gbē dufunŏ ke Yesusaridenŏ sù gwe, oni pì ĩa kāmmanloo? 24 Tŏ gbē sīnda pínki ten annabikeyā o sŏ, akŭ Yesusaride ke gbē dufu sù gwe, ani n pínki yāze dŏ à taari e, 25 asiriya kŭ à kŭ a nēsen ni bo gupuraa, ani wŭte a gbere a mī nate Ludane, gbasa à pi Luda kŭ á té yāpura.

Donyīkena zé

26 Oni pi deramee ma gbēno? Tŏ a kŏ kākara, á baadi gŏ lè vī ke yādannena ke yāwewēna ke yākeburī'ona ke yāke buri pì bŏkŏtenaa. Á a pínki ke, de gbēno le ò kara. 27 Tŏ òten yāke buri o, gbēnon pla ke aakŏ, àsun de abirekŭlaro. Ò kŏ gba zé, gbē mèn do bŏkŏte. 28 Tŏ a bŏkŏteri kunlo, à lé nakŏa kŏkakaranaa gŭn, à a pŏ o ado kŭ Ludao. 29 Annabikeyā'orino gbēnon pla ke aakŏno yā o, gbē kparano laasun lé n yāa. 30 Tŏ Luda yā sù gbē kŭ à vutēnaa, gbē kŭ àten yā o yīte. 31 Á pínki áni fŏ à annabikeyā o dodo, à yā dadakŏne á pínki, à kŏ kara. 32 Sé annabikeyā'orino gŏ n lé kŭna dŏ, 33 zaakŭ Luda ye yā yāaairo, sé a zéde.

Lákŭ sŏsi gbēno dí ke wēte kŭ wēteo nà pínki, 34 nŏgbēno gŏ yītena kŏkakaranaa gŭn, zaakŭ ò yā'ona zé vīro. Ò mī nate, lákŭ ò ò Musa doka gŭn nà. 35 Tŏ ò ye ò yāke dŏ, ò n zā gbekai be, zaakŭ nŏgbē yā'ona kŏkakaranaa gŭn bi wé'iyāme. 36 Á kīnaan Luda yā bŏn yā? Ke á mèn do yāin à sŭu?

37 Tŏ gbē ten da annabikeyā'oriin a ũ ke gbē kŭ Luda Nini done are, àgŏ dŏ kŭ yā kŭ ma kēare pì bi Dikiri yāditenaaame. 38 Tŏ gbē pā kpà adii, oni pā kpái se. 39 Abire yāi ma gbēno, à wé pé annabikeyā'onaaa, ama àsun gí yākeburī'onaaairo. 40 Á yā sīnda pínki ke a zéa sŭsu.

15

Kirisi vuna gan

1 Ma gbēno, baaru nna kŭ ma kpàare, kŭ a sī a zeon, má ye mà era mà dŏágu. 2 Baaru nna pì mé ani á sura ba, tŏ á waazi kŭ ma kēare pì kŭna. Tŏ lenlo, á Yesunaanikenaa kè pāme. 3 Yā kŭ à deńla kŭ ma sī, ma dàáren dí: Kirisi gá ó durunna yāi, lákŭ à kēna Luda yān nà. 4 Ò a vī, akŭ à fŭte a gŏro aakŏde zī, lákŭ à kēna Luda yān nà. 5 Á a zīda mŏ Pitane, akŭ à a zīda mŏ a ĩba gbēnon kuri awēplanŏne dŏ. 6 Abire gbera à a zīda mŏ ó gbēnonne kŭ ò kŏ kākara gu dokŏnon, ò de gbēnon wāa pla kpé basŏrola. N daside kun ari tera, ama n gbēkenŏ andunia tò. 7 Abire gbera à a zīda mŏ Yamisine, akŭ à a zīda mŏ žīrinŏne n pínki. 8 N pínki gbera à bŏ à sŭmai, ma gŏ lán né kŏnsēnaa bà. 9 Zaakŭ Luda žīrinŏ té makŭme kpé, mádi ká ò ma sīsi žīriro, zaakŭ ma wari dŏ sŏsi gbēna. 10 Gba kŭ Luda dāmenē yāi má de

gbē kū má de a ũ ũ, akūsō gba kū à dàmene pì ginaro, zaakū ma kokari kè deńla ń pínki. Makū mé ma kèro, gba kū Luda dàmene mé à tò ma kè. ¹¹ Tò, à bò ma kīnaan yá ke ń kīnaa, yá kū óteni a waazi ke a sin gwe.

Gènɔ vuna gan

¹² Lákū óten Kirisi futena gan waazi ke nà, à kè dera á gbēkenɔ dì o gènɔ ni vuroo? ¹³ Tó gènɔ ni fute ganlo, de Kirisi dí vuro. ¹⁴ Tó Kirisi dí vuro sō, de ó waazikenaa kè pā, akūsō á Kirisi náanikenaa kè pā, ¹⁵ o gō Luda sèedade ékedenɔ ũ, kū o ò à Kirisi vù yāi. Zaakū tó gènɔ dì vuro, de Luda dí a vuro. ¹⁶ Tó Luda dì gènɔ vuro, de Kirisi dí vuro. ¹⁷ Tó Kirisi dí vuro, á Kirisi náanikena àre vīro, akū á kú á durunna gūn ari tera, ¹⁸ gbē kū ò andunia tò Kirisi gūnnɔ sō, ò sàte. ¹⁹ Tó ó konna kū wèndiio dí yāin ó wé dɔ Kirisii ado, de wèndadenɔn ó ũ de gbē sīnda pínkila.

²⁰ Yápura gūn Kirisi fute bona gan, àkū mé à gàavu káaku ũ gbē kū ò wùte ò i ònɔ té. ²¹ Lákū ga bò bisāsiri gāi nà, len gènɔ vuna bò bisāsiri gāi le. ²² Kunna Adamu buri ũ tò ga dà gbē sīnda pínkila. Lemé dɔ gbē kū ò kú Kirisi gūnnɔ ni wèndi le ń pínki. ²³ Baadi kú a gɔɔɔmɛ. Kirisi mé à gàavu káaku ũ, a gbera a gbēnɔ ni vu a sugɔɔa. ²⁴ Gbasa gɔɔ lé ká, Kirisi ni kíkè mì de pínki kú dokanɔ kú gbānanɔ, ani a kpata tó De Ludanɛ. ²⁵ Séde Kirisi gō kí ble ari Luda gō a iberenɔ ke a tintin ũ. ²⁶ Iberé kú ani a kakate kpekpe me ga ũ, ²⁷ zaakū Luda pó sīnda pínki nà Kirisine a ɔī. Kū à pì, pó sīnda pínki kú a ɔī, ó dō kú Luda kú à pó sīnda pínki nàne a ɔī pìi baasime. ²⁸ Tó à pó sīnda pínki nàne a ɔī, àpìi Né kú à pó sīnda pínki nàne a ɔī pì ni mì natene, Luda pì nigō de a pínki ũ pó sīnda pínkine.

²⁹ Gbē kú òdi da'ite ke gènɔ gēne ũ sō bi? Tó gènɔ dì vu yápuraro, bóyāi òdi da'ite ke ń gēne ũu? ³⁰ Ókōnɔ sō, bóyāi odigō ó zīda da kari gūn gɔɔ sīnda pínkii? ³¹ Kū ía kú madi dā á yā musu konna Kirisi Yesu ó Dikiri gūnwɔ, madigō kú ga léime lákū gu dí dɔ nà. ³² Tó ma zīda yāin ma ɔsi kài kú nòbɔ pāsīnɔ zaa Éfesu, bó àreen à vīmenɛ? Tó gènɔ ni vuro, ò pó ble, ò í mi, zaakū óni ga ziamɛ.

³³ Àsun tó ò á sātero, gbēnna vāni dì dà mana yakamɛ. ³⁴ À su á laakariia súsu, àsun durunna ke doro, zaakū á gbēkenɔ Luda dōro. Ma abirekū ò de à á wé'iyā dō yāime.

Gàavunɔ mèn

³⁵ Gbēkenɔ ni pì, gènɔ ni vu deramɛ? Mè kpate takan onigō vīi? ³⁶ Yōnkɔ yāme! Odi pó tō à bòte fšmbabonaa sariro. ³⁷ Tó ò pó tō, gbadon yoo ke pówɛ pānde, àdi bute pówɛ pì ũro. ³⁸ Luda dì tó à bute lákū à dìte nàme, baadi kú a burio. ³⁹ Pó wèndidenɔ pínki mè dokōnɔro. Bisāsiri pó ado, nòbɔnɔ pó ado, bānɔ pó ado, kpònɔ pó ado. ⁴⁰ Ludambe pónɔn kun, andunia pónɔn kun. Ludambe pónɔn gakuri ado, andunia pónɔn gakuri ado. ⁴¹ Ifāntē gakuri ado, mɔvura pó ado, susunenɔ pó ado. Bee susunɛ pìnɔ ń gakuri adonadona kōomɛ.

⁴² Len anigō de le gènɔ vuna gɔɔ zī. Òdi gè vī à vā, ani vu vānaa sari. ⁴³ Òdi gè vī bèereɛ sari, ani vu kú gakurio. Òdi gè vī gbāna sari, ani vu kú gbānao. ⁴⁴ Òdi gè vī kú andunia mēɛo, ani vu kú wèndi kú àdi lákaro mēɛo. Lákū andunia mè kun nà, lemé wèndi kú àdi lákaro mè kun le dɔ. ⁴⁵ À kēna Luda yān ò pì, gbē káaku Adamu gō gbē bēne ũ, ama Adamu kpède gō Nini wèndikpammari ũ. ⁴⁶ Adi ke wèndi kú àdi lákaro mè mé àdi do arero,

andunia mè mé àdi do are, a gbera sà wèndi kù àdi lákaro mèe. ⁴⁷ Bisásiri káaku bò búsutiti gūmme, a plade bò ludambeme. ⁴⁸ Gbē kù ò de zīte pǎ ũno bókōa kù gbē kù à bò zītenwo. Gbē kù ò de ludambē pǎ ũno bókōa kù gbē kù à bò ludambēo. ⁴⁹ Lákū ò de gbē kù à bò zīten taka ũ nà, len ónigō de gbē kù à bò ludambē taka ũ le se.

⁵⁰ Yā kù ma òon dí ma gbēno. Tó kpata kù à bò Luda kīnaa bò gupuraa, óni le ò ble kù ó mèero. Óni le ògō kù gu kù àdi vāro gūn kù ó mè kù àdi vāoro. ⁵¹ À ma, mani asiriyā oáre. Óni ga ó pínkiro, ama óni li ó pínki ⁵² kǎnto lán wé'ipakenaa bà kákáki kpede pena zī. Zaakū kákáki ni ũ bo, gēno ni vu vānaa sari, ókōno sō óni li. ⁵³ Séde ó mè kù àdi vā dí gē a kù àdi vāro gūn. Séde ó mè kù àdi ga dí gē a kù àdi garo gūn. ⁵⁴ Tó ó mè kù àdi vā gē a kù àdi vāro gūn, akūsō ó mè kù àdi ga gē a kù àdi garo gūn, akū yā kù à kēna Luda yān dí ni papa ò pi:

Ò zīi blè gaa, à mì dè.

⁵⁵ Ga, n zīblena tón deraa?

Ga, n sewe kù māmee?

⁵⁶ Durunna mé à ga sewe ũ, durunna gbāna sō àdi bo doka gūmme. ⁵⁷ Ò Luda sáabu ke, kù àdi tó ò zī ble ó Dikiri Yesu Kirisi gāi. ⁵⁸ Abire yāi ma gbē yenyīdeno, à ze gbāna gíngin bona kù kpeo sari. À wé tǎ Dikiri zīa goro sīnda pínki, zaakū á dō kù zī kù áten ke Dikirine páro.

16

Pɔlu wētɛgɛna sorukenaa

¹ Luda gbēno káamazakenaa yā musu, lákū ma ò Galatia būsuo sōsino gbēno nē nà, à ke le se. ² Azumanenna kù azumanenno á baadi gō gō kù à lè a gbāna lén bo adona, àgō kakara de àsun kámaza pi wete goro kù ma suro yāi. ³ Tó ma su, mani gbē kù a n díte ò gēno zī Yurusalemu kù takadao kù kámaza kù a kákara piio. ⁴ Tó à kù mà gēme sō, oni gé zeme.

Yā kù Pɔlu kpákpa à keno

⁵ Tó ma bote kù Masedonia būsuo, mani su á kīnaa, zaakū mani pǎ Masedonialame. ⁶ Maten kpákpa mà goro pla ke kááo. Bee bunsire se manigō ye mà ble kááo, áni gé zemenē gu kù mani gén. ⁷ Tera la má ye mà gētéawala fāaro, maten kpákpa mà goro pla ke kááo, tó Dikiri wè. ⁸ Mani gō Efesu ari Pentikōsi dikpe zīme, ⁹ zaakū Luda zé bōmenē manamana mà zī mana ke, akūsō ma iberenon dasi.

¹⁰ Tó Timōti sù à sù, àsun kene búgubugu à vīna keárero, zaakū àten zī ke Dikirine lán ma bāme. ¹¹ Á gbēke sún a gya boro. À zàna kene de à le à ká ma kīnaa aafia, zaakū makū kù ma gbēno ó wé doi.

¹² Ó gbēndo Apolo sō, madigō nakaraa gēn baaakō à su à á gwa kù ó gbē kparano. À ye sunaai gīaro. Tó à zé lè, ani su.

Lédammana kpekpe

¹³ Àgō kù á laakariia, àgō zena Yesunaanikenaa gūn. Àgō wórogo vī, àgō gbāna. ¹⁴ À yā sīnda pínki ke kù yenyīo.

¹⁵ Á Setefana bedenō dō, kù mókōno mé ò Yesude káakuno ũ Girisi būsun, akū ò n zīda kpá ògō kpá Luda gbēno. Ma gbēno, ma wé kēáwa, ¹⁶ à mì nate gbē bire takano kù gbē kù òten kokari ke lele zī dokōno pii gūno n pínki. ¹⁷ Ma pō kè nna Setefana kù Fótunatuo kù Akaikuo sunaaa, zaakū ò

gōmene á gēne ūme. ¹⁸ Ò tò ma laakarīi kpàte kŭ á pŏo. À bèere lí gbē bire takanōne.

¹⁹ Asia bùsu sŏsinŏ gbēnŏ fŏ kpàáwa. Akila kŭ Pirisilao kŭ sŏsi gbē kŭ òdi kŏ kakara n̄ beanŏ fŏ kpàáwa manamana Dikiri gŭn. ²⁰ Ó gbē kŭ ó leelenŏ fŏ kpàáwa á pínki. À fŏ kpákŏa kŭ Luda gbēnŏ lépemmaaao. ²¹ Makŭ Pŏlu, ma ŏgben dí. Ma fŏ kpàáwa. ²² Tó gbēke ye Dikiriīro, Luda láari boa. Ó Dikiri ten su. ²³ Dikiri Yesu gbēke keáre. ²⁴ Má yeái á pínki kunna Kirisi Yesu gŭn.

KŌRINTIDENŌ TAKADA PLADE

Pɔlu kŭ Kŏrinti Yesudenŏ 1:1-7:16
Yudea Yesudenŏ káamazakɛnaa 8:1-9:15
Pɔlu gina kŭ a zídao 10:1-13:14

Laakarikpatɛnaa

¹ Makŭ Pɔlu, Kiriſi Yesu zírri Luda pɔyenyĩnaa gŭn kŭ ó gbɛ Timotio, ókɔnɔ mé o takada dí kɛ sɔsi gbɛ kŭ ò kŭ Kŏrintinɔne kŭ Luda gbɛ kŭ ò kŭ Giriſi bŭsunno n̄ pínki. ² Luda ó De kŭ Dikiri Yesu Kiriſio gbɛke keáre, à á gba aafiaa.

³ Ò Luda ó Dikiri Yesu Kiriſi De sáabu kpá, De Luda wɛndadɔnnɛri nɛsekpatɛrii pii. ⁴ Ádi ó laakari kpátewɛre ó wétámmana sɛnda pínki gŭn, de ò le ò gbɛ kŭ ò kŭ bee wétámmana kpate taka buri gŭnnɔ laakari kpátɛnɛ se kŭ laaakarikpatɛɔ kŭ Luda ó laakarii kpátewɛre. ⁵ Lákŭ wari kŭ Kiriſi kɛɛ di liwáí nà, lemɛ dɔ ó laakarii di kpátɛ manamana Kiriſi yáí. ⁶ Tó óten wari dɔ, á laakarikpatɛna kŭ á surabanaao yáime. Tó Luda ó laakarii kpátɛ, á laakarikpatɛna yáime, de à le à wari dokɔnɔ kŭ óten ke f̄s. ⁷ Ó tãmaa v̄í á yã musu sikaa sari, zaakŭ ó d̄s lákŭ á bàka kŭ kŭoo warikɛnaa gŭn nà, len á bàka kŭ kŭ ó laakarikpatɛnaao le dɔ.

⁸ Ó gbɛnɔ, ó ye àḡs d̄s lákŭ ò ó wé tà Asia bŭsun nà. Ò mèe ùwá manamana de ó gbána léla, bee ó wɛndi ó wé d̄oi sero. ⁹ Yã dàòla, óten da o game. Abire ó lé, de òsun ze kŭ ó zída gbánaoro, séde Luda kŭ ádi gɛnɔ vu gbána. ¹⁰ À ó bó kari z̄k̄sɔ gŭn, akŭs̄ ani ó bon. Àpiin ó wé d̄oi à ó bon dɔ ¹¹ adua kŭ áten kɛwɛre gáí. Lemɛ gbɛnɔ ni sáabu kenɛ dasi ó yã musu gbɛke kŭ à kɛwɛre yáí gbɛ dasinɔ aduakɛna sabai.

Pɔlu tá gboronaa

¹² Yã kŭ odi a ãa dān dí: Ó laasun ten owɛre, kŭ Luda gbánao ó kŭ kŭ nɛsepuraŏ manafiki sari andunia gŭn, atɛnsa á kĩnaa. Andunia ɔndɔn ó kúoro, séde Luda gbɛke. ¹³ Odi takada ke kɛárero, séde a kŭ áni a kyó ke à d̄s baasiro. ¹⁴ Lákŭ á ó d̄s nà fíti tera, má ye à ó d̄s sãnsãn, de à ãa dā ó yã musu Dikiri Yesu sugrɔ z̄í, lákŭ óni dā á yã musu nà.

¹⁵⁻¹⁶ Yã pi náanikɛnaa gŭn ma dìte yã, tó matɛn gé Masedonia, mà bote á kĩnaa mà á gwa káaku, mà era mà su kŭ á kĩnaao de à arubarika le gɛn pla, gbasaa à kpámai ma Yudea genaa gŭn. ¹⁷ Kŭ ma tá bire dìte, ma yã futɛ kɛn yá? Tó ma dìte mà yã ke, andunia yã di domɛne arɛ mà pi, ee, ee ke oi, oin yá? ¹⁸ Lákŭ Luda náani v̄í nà, yã kŭ o òáre bi eemɛ, adi ke oinlo. ¹⁹ Luda Né Yesu Kiriſi kŭ makŭ kŭ Silasio kŭ Timotio o a yã waazi kɛáre bi gbɛ kŭ ádi pi eemɛ, adi ke oinlo, ákŭmɛ Luda ee ũ. ²⁰ Zaakŭ lé kŭ Luda gbɛ sɛnda pínki yápura di ke a gŭmmɛ. Abire yáí kŭ Yesu Kiriſi t̄sɔ òdi pi, aami, Luda t̄sɔbona yáí. ²¹ Luda mé à ó z̄ini pɛte Kiriſi gŭn kŭ ákɔnɔ, à ó dìte a p̄ó ũ, ²² à a sèdaa kèwá, à a Nini dà ó swɛn p̄ó kŭ óni le zenkpeke ũ.

²³ Luda ma nɛse d̄s, ákŭmɛ ma sèedade ũ. Kŭ má ye mà á bobo á dànlo yáin mádi gé Kŏrinti dorɔ. ²⁴ Adi ke óten gbána moáre á ludanaanikɛnaa musunlo, zaakŭ a z̄ini pɛte kò, óten z̄í ke kááo á p̄onna yáime.

2

¹ Akū ma zεo kū mani su á kīnaa kū nēsɛyakanaao doro. ² Tó ma tò á nēsɛɛ yàka, dí mé ani ma pɔ ke nnaa, tó adi ke ákɔnɔ kū ma á nēsɛɛ yàkaárenɔ baasiroo? ³ Ma takada kèáre le, de tó ma su á gwa, ákɔnɔ kū á de à ma pɔ ke nnanɔ sún ma nēsɛ yakaro yáime. Má dɔ sánsán kū ma pɔnna bi á pínki pɔnname. ⁴ Ma takada pii kèáre wari gūn kū pɔsira zɔkɔɔo kū wé'i dasio, adi ke de á pɔ yaka yáinlo, de àgɔ dɔ lákū má yeáí nà yáime.

Sùrukena kú taarideo

⁵ Tò, tó gbēke nēsɛyakana yā kè, adi ke ma nēsɛɛn à yàkaro, á gbē sīnda pínki pómɛ à yàka, ke á gbēkenɔ, de māsun o à gē onalaro. ⁶ Wari kū á daside dɔ gbē piia mɔa. ⁷ Abire yāi à sùru ke káao tera sà, à a laakari kpátɛnɛ, de a pɔsira kori sún a dɛro yāi. ⁸ Abire yāi ma kúte kèáre, à mɔnɛ súsú kū á yei. ⁹ Akū mé à tò ma takada birekū kèáre, ma lí pètɛoáwa, de mà le mà dɔ tò á yā kū ma òáre kūna pínki. ¹⁰ Tó a gbē kè kū a taario, madì ade kè se. Zaakū tó ma gbē yā kènɛ, tó yáke sù à kun, madì ke á yāi Kirisi are, ¹¹ de Setan sún ɔndɔ kewɛɛro yāi, zaakū ó a manafikinɔ dɔ.

Luda zīkerinɔ

¹² Kū ma ka Toroasi de mà Kirisi baaru nna kpá, Dikiri zé bòmɛnɛ, ¹³ ama ma laakari kpatɛnaro, kú mádi ma gbēndo Titu lero yāi. Akū ma lé zà'mma gwe, ma da Masedonia zén.

¹⁴ Ma sáabu kè kū Ludao, zaakū àdigɔ dowɛre are gɔrɔ sīnda pínki, odigɔ zìblerinɔ ù Kirisi gūn, odì a dɔna gbī dagula gu sīnda pínkia. ¹⁵ Zaakū ó de turaretiti gbīnnade kū Kirisi kpàta Ludanɛ ù gbē kū àteni í sura banɔ té kū gbē kū ò sàtenanɔ. ¹⁶ Ó de gè gbī ù gbēkenɔnɛ, akū àdi ga ínɛ. Ó de wèndi gbī ù gbē kparanɔnɛ, akū àdi wèndi ínɛ. Ó dí mé à kà à zī bire keɛ? ¹⁷ Ó de lán gbē kū òdigɔ laga tá kū Luda yāonɔ bàro. Kirisi gūn odì yā o kū nēsɛpurao kū Luda dɔnaao a zìrinɔ ù.

3

¹ O ɛra óteni ó zīda sáabu kpán yá? Ó bàka kú kú sèeda takada kú ò kèáre ke kú a kèínɛo lán gbēkenɔ bàn yá? ² Ákɔnɔmɛ ó takada pì ù kú à kèna ó swèɛa. Gbē sīnda pínki ni fɔ à dɔ à a kyó ke. ³ Áten mɔínɛ gupuraa kú ákɔnɔmɛ takada kú Kirisi kè à nàwɛre ó ɔí ù. Adi takada pì kè kú tawadaaoro, à kè kú Luda Wèndide Niniomɛ. Adi kè gbè anloaro, à kè á swèɛame.

⁴ Yā kú ó a náani vīn gwe Luda are Kirisi gāi. ⁵ Adi ke o ka ó zīdanɛ ò pi, yā pìi bò ó kīnaanlo, Ludamɛ ó gbāna ù. ⁶ Akū mé à ó káa, akū ó de a bàka kunna kú gbēnɔ dufu zīkerinɔ ù. Adi ke doka kú à kènanlo, Luda Nini yāme. Zaakū doka di ga ínɛ, Nini pì sɔ, àdi wèndi ínɛ.

⁷ Kú Luda doka kè gbè anloa, a gakuri bò Musa ànnwa. Bee kú a tékena dí gí kero, Isarailanɔ dí fɔ ò gwàro. Tó zé kú àdi ga ínɛ pìi bò kú gakuri bire takao, ⁸ oni Nini pì zé gakuri yā o dɔ yá? ⁹ Tó zé kú àdi yā dańla gakuri vī, zé kú àdi tó yā bo kúnwo nna gakuri deala zà. ¹⁰ Pɔ kú à gakuri vī yā gakuri vī doro, gakuri kú à deala pì yāi. ¹¹ Tó pɔ kú adi gí kero bò kú gakurio, pɔ kú àdigɔ kun gakuri deala zà.

¹² Zaakū ó támaa bire taka vī, odì yā o kú swègbānao, ¹³ adi ke lán Musa bàro, kú à fáta kú a ànnwa de Isarailanɔ sún a àn tékena kú àdi gí kero

lakana ero yāi. ¹⁴ Ama n̄ s̄a gb̄ana, zaakū ari gb̄ara tó òt̄en Luda bàka kunna kũnwo takada kyó ke, fáta dok̄n̄o p̄i diḡs̄ kú n̄ laasunlam̄e. Àdi goro, séto gb̄e kú Kirisi gūn baasiro. ¹⁵ Ari kū a terao tó òt̄en Musa takada kyó ke, fáta p̄i diḡs̄ kú n̄ laasunlam̄e. ¹⁶ Ama tó gb̄e ar̄e d̄ò Dikiria, fáta p̄i d̄i goa. ¹⁷ Dikiri p̄iime Luda Nini ũ, akūs̄s̄ gu kū Dikiri Nini p̄i kún, àdi tó ò ḡs̄ n̄ z̄idan̄e. ¹⁸ Ók̄n̄o kú p̄s̄ gò ó ànnwan̄o, ót̄en Dikiri gakuri m̄óñne lán dígi bà, odiḡs̄ li lán a bà gakuri ḡs̄ kara gakurila. Dikiri kū à de Luda Nini ũ p̄i kenaan gwe.

4

Luda z̄irin̄o z̄i

¹ Abire yāi lākū Luda z̄i bire dàw̄ere a s̄uruu gūn nà, odì kpasaro. ² O ɔ gb̄are asiri w̄é isariyān̄o, odì yā ke kū manafikiro, akūs̄s̄ odì Luda yā kotiro. Odì yāpura oñne s̄usu, de ò ó z̄ida m̄o gb̄e s̄inda p̄ínkin̄e Luda ar̄e. ³ Tó baaru nna kū ót̄en kpá utename, gb̄e kū ò s̄ātenan̄on̄ à utenañne. ⁴ Zaakū andunia dík̄ina dikiri Yesusariden̄o w̄é v̄ina kũñne, de òsun baaru nna sí, Kirisi kū à de Luda taka ũ gakuri gu puñnero yāime. ⁵ Ó z̄ida kp̄akpan ót̄en k̄ero, Yesu Kirisi dikirik̄e kp̄akpan ót̄en ke, akūs̄s̄ ót̄en z̄ò bleáre a yāi. ⁶ Luda p̄i, gu pu gusiran, akū à gu p̄ù ó sw̄èn le d̄o. Gupura p̄i de a gakuri kū àt̄en té ke Kirisi ànnwa d̄ona ũ.

⁷ Ó aruz̄eke bire v̄i ó mè kū ò de lán ̄e oro hàn̄o gūn, de ò le ò d̄s̄ kū gb̄ana z̄s̄k̄o p̄i bò Luda k̄inaame, adi ke ó k̄inaanlo. ⁸ Odiḡs̄ wari d̄owá kpa s̄inda p̄ínkia, bee kū abireo odì fuaro. Òdi bídi ke, ama ó t̄amaa d̄i lākaro. ⁹ Òdi w̄é t̄awá, ama Luda d̄i ó tónlo. Òdi ó p̄āte, ama odì garo. ¹⁰ Ḡoro s̄inda p̄ínki ó kú Yesu ga taka buri léi, de a kunna le à p̄isi ó mèea yāi. ¹¹ Zaakū ók̄n̄o kū ó b̄ēnen̄o odiḡs̄ kú ga léi Yesu yāi, de a kunna le à p̄isi ó mè kū ani gaa yāi. ¹² Len ga p̄i ten z̄i ke ó gūn le, akūs̄s̄ w̄èndi ten z̄i ke á gūn. ¹³ À k̄ena Luda takadan ò p̄i: Má Luda náani v̄i, akū ma yā ò. Ók̄n̄o s̄s̄, o Luda náani dok̄n̄o p̄i k̄e, akū ót̄en yā o a yāi. ¹⁴ Zaakū ó d̄s̄ kū lākū Luda Dikiri Yesu v̄u gan nà, ani ó vu k̄āo gan se, ani ó k̄āte a ar̄e leeke kū ák̄n̄o. ¹⁵ Yā d̄ín̄o p̄ínki teni ó lé á yāi, de Luda gb̄ēke kū àt̄en li gb̄ēn̄o dasi le a s̄ábukpana kara a t̄obona yāi.

W̄éd̄ona mè dufui

¹⁶ Abire yāi odì kpasaro. Bee tó ó mè ten kakate, ó nini diḡs̄ dufu kū lākū gu diḡs̄ d̄o nà. ¹⁷ Ó w̄ét̄amma ḡoro do leekeenle dík̄ina ten gakuri z̄s̄k̄o kū àdi lākaro iw̄ere, kū adi sí lek̄aro. ¹⁸ Ó w̄é pé p̄s̄ kū òdi w̄é s̄ialero, sé p̄s̄ kū òdi w̄é s̄ialero. Zaakū p̄s̄ kū òdi w̄é s̄iale bi ḡoro pla p̄óme. P̄s̄ kū òdi w̄é s̄ialero s̄s̄, àdiḡs̄ kun ḡoro s̄inda p̄ínki.

5

¹ Ó d̄s̄ kú tó ó s̄ò kú ó kun kp̄é ũ andunia dí gūn yàka, Luda ni kp̄é kú odi bo kū ɔoro kp̄awá a b̄ea ari ḡoro s̄inda p̄ínki. ² Tera s̄s̄ odì nda s̄òo p̄i gūn, ó ye ò ludambe p̄s̄ p̄i da, ³ zaakū tó o bo s̄òn, óniḡs̄ kun mèe sariro. ⁴ Ḡoro kú ó kú s̄ò dík̄ina gūn, odì nda lākū ó aso s̄ena bà. Adi ke ó ye ò bo a gūnnlo, ó ye ò ludambe p̄s̄ dame, de w̄èndi ó s̄ò kú ani ga p̄i m̄s̄. ⁵ Abire yāin Luda ó soru kei, akū à a Nini kp̄awá p̄s̄ kú óni le zenkp̄eke ũ.

⁶ Abire yāi ó sw̄èe diḡs̄ gb̄ana. Ó d̄s̄ ḡoro kú ó kú mè dík̄ina gūn, ó kú Dikiri k̄inaaro. ⁷ Zaakū ludanaanikenaan ó kúo, adi ke w̄ésinaale yānlo. ⁸ Ó

swèè dìgõ gbàna. Bona sòò pìn gena Dikiri kīnaana ó yei. ⁹ Kunna m̀èe gūnn yá, bona a gūnn yá, odigõ wete ó yá káagu. ¹⁰ Zaakū Kirisi nigõ vutena a tintinnwa, ó pínki óni bo ò ze a are, ani fina bo ó baadine a kunna m̀èe gūnn yákenaa, a mana ke a vāni.

Bisāsirinŋ kēna nna kū Ludao zī

¹¹ Lákū óten vīna ke Dikirine le nà, odì wete gbēnŋ yā pì zé e. Luda ó d̄s sãnsãn, akūs̄ ó ye à ó d̄s á swèn le d̄. ¹² Óteni ó zīda sáabu kpááre d̄nlo, óteni á gba zé à ìa d̄á ó yā musume, de à le à yā we gbē kū àdi ìa d̄á kū m̀è yāo, adi ke swè yānloa. ¹³ Tó áten da ó m̀i lite, Luda yāime. Tó ó kú ó d̄rɔɔa, á yāime. ¹⁴ Zaakū Kirisi yenyī mé áten té káogu. O è tó gbē m̀en do gà gbē sīnda pínki yāi, ò gà n̄ pínkin gwe. ¹⁵ À gà gbē sīnda pínki yāi, de gbē kū ò ḡnŋ sūngõ kun n̄ zīda p̄ ū doru, séde gbē kū à gà n̄ yāi à vù p̄.

¹⁶ Abire yāi odì gbēke gwa lákū andunia gbēnŋ d̄i gwa nà tera doru. Bee kū ó Kirisi d̄s lákū andunia gbēnŋ a d̄s nà yā, ó a d̄s le tera doru. ¹⁷ Zaakū tó gbē kú Kirisi gūn, à ḡõ gbē dufu ū. A kunna zī ḡète, kunna dufu mé à ḡñe. ¹⁸ Abire b̀ò Luda kīnaame pínki. À ó ké káao nna Kirisi gāi, akū à gbēnŋ kēna nna káao zī dāwɛɛ. ¹⁹ Kirisi gūn Luda andunia kè káao nna gbēnŋ taarinŋ yā danaa sari, akū à gbēnŋ kēna káao nna pì yā nàwɛɛ ó ɔ̄i. ²⁰ Abire yāi Kirisi gēnenŋn ó ū. Luda ten gbēnŋ s̄isi ó gāi. O kúte kèáɛ Kirisi gbèn, à ke nna kū Ludao. ²¹ Luda tò durunnasaride ḡõ durunna kútekebo ū ó yāi, de kunna a gūn Luda tó yā bo k̄oo nna.

6

¹ Zaakū Luda zīkeri dakenŋn ó ū, o kúte kèáɛ, àsun Luda gbēke sí à a ke pāro. ² Luda pì:

Ma n yā mà a ḡɔɔa,

ma kpanyī surabana ḡɔɔ.

Ḡɔɔ kà sà, gbārame surabana ḡɔɔ pì ū.

³ Odì yā kū ani tó gbē fu kero, de òsun ó zī taari lero yāi. ⁴ Odì ó zīda m̄õ gbēnŋne zé sīnda pínki gūn kū Luda zīkerinŋn ó ū. Odì mena f̄õ manamana kū takasio kū wario kū wétámmanaa. ⁵ Ó ó gbē, ò ó ká kpésiran, ò f̄utewái. O zī gbàna kè, ódi le o i òro, nà ó dé. ⁶ O m̀ínne kū ǹesepurao kū d̄naao kū s̄uruuo kū manakenaao kū Luda Ninio kū yenyī manafiki sario ⁷ kū yāpura'onaa kū Luda gbànao. Ó yāmanakeb̄nŋn kūna ó ɔ̄plan kū ó ɔ̄zeo. ⁸ Ódi ó kpe ta, òdi ó kpe bo. Ódi ó t̄s vāni sí, òdi ó t̄s nna sí. Yāpuradenŋn ó ū, akū òdi ó dite manafikidenŋn ū. ⁹ T̄sdenŋn ó ū, akū òdi ó dite lán gbē kū ò n̄ d̄ronŋn bà. Ó b̄neme fá, akū òdi ó dite ḡenŋ ū. Ódi ó dite p̄gbēnanŋ ū, ama òdi ó d̄ero. ¹⁰ Ó p̄õ dìgõ nname, akū òdigõ ó dite p̄saridenŋn ū. Odì gbēnŋ ke aruzekedenŋn ū dasi, akū òdigõ ó dite takasidenŋn ū. Ó p̄õ sīnda pínki vī, akū òdigõ ó dite p̄saridenŋn ū.

¹¹ K̄orintidenŋn, o yā òáre s̄usu, o ó ǹesee w̄éáɛ. ¹² Ódi ó ǹesegūnyā utéárero, ama a á p̄õ ütewɛɛ. ¹³ Ma yā òáre lán ma n̄enŋn bà. Lákū o ó ǹesee w̄éáɛ nà, à á ǹese w̄ewɛɛ le se.

Àsun ke l̄eɛ kū Yesusaridenŋoro

¹⁴ Àsun ke dok̄nŋn kū Yesusaridenŋoro. Yā mana bàka ūgba kū a vānioo? B̄n gupura kū gusirao vī kū k̄oo? ¹⁵ Kirisi yā ni k̄õ sí kū Setan p̄õ

deramεε? Deramε Yesude bàka nigɔ́ kú kú Yesusarideoo? ¹⁶ Luda kpé di kɔ́ sí kú tãnanɔ́ yá? Zaakú Luda Wɛ̀ndide kpén ó ù, lákú à ò nà:

Manigɔ́ kú kúńwo, manigɔ́ kure ní té,
manigɔ́ de ní Luda ù,
onigɔ́ de ma gbɛ̀nɔ́ ù.

¹⁷ Abire yáì Dikiri pì:

À kɛ̀ńma, àgɔ́ kú ádona,
àsun ɔ́ na pɔ́ gbãsiaro,
mani á sí, ¹⁸ manigɔ́ denε De ù,
ánigɔ́ de ma nɛ̀gɔ́gbɛ̀nɔ́ ù kú ma nɛ̀nɔ́gbɛ̀nɔ́.
Dikiri Gbãnasĩndapinkide mé à ò.

7

¹ Ma gbɛ̀ yenyĩdenɔ́, lákú Luda lé sɛ̀wɛ̀re le nà, ò mì kɛ̀ yá kú àdi mè kú ninio gbà léa mámmam, ò ó konna adona lé papa vĩnakena Ludanε gũn.

Pɔ́lu pɔ́ kɛ̀ Kɔ́rintidenɔ́a nna

² À tó ó yá gɔ́ kú á swɛ̀n. Ódi taari ke gbɛ̀kenεro, ódi gbɛ̀ke sãtero, ódi gbɛ̀ke taki kero. ³ Mádi abire o mà yá daálanlo. Ma ò yá kò kú á yá kú ó swɛ̀n ò ga leele ke ògɔ́ kun leeleme. ⁴ Má á náanikena manamana, madí lé gbɛ̀ á yá musu manamana. Ó warikena gũn pínki ma laakari kpatena métεmεte, ma pɔ́ kɛ̀ nna à gɛ̀ ɔ́la. ⁵ Bee kú o ka Masedonia bùsun, ó mè dí kpátero. Wari likawáì kpa sĩnda pínkia, ò fùtewáì kú fitio, vĩna ó kú. ⁶ Akú Luda kú àdi gbɛ̀ kú ò bùsanɔ́ sé lei ó sé lei Titu sunaa gũn. ⁷ Adi ke a sunan adoro, kú a a sè lei yáime ɔ́. À pìwὲre átɛni ma bege ke, á kú dĩndɔ́mεne gũn, ma yá á kúna gbãna sà, akú ma pɔ́nna kàra.

⁸ Bee kú takada kú ma kɛ̀áre á nɛ̀sεε yàka, mádi nɛ̀sε litero. Kú ma è takada pì á nɛ̀sεε yàkaáre gɔ́ɔ́ pla, de ma nɛ̀sε litε yá, ⁹ ama ma pɔ́ kɛ̀ nna sà. Adi ke kú ma á pɔ́ yàkaáre yáinlo, kú á pɔ́sira tò a nɛ̀sεε litε yáime. Á nɛ̀sεyakanaa pìi bò Luda kĩnaame. Abire yáì ódi ásarú kɛ̀áre. ¹⁰ Pɔ́sira kú à bò Luda kĩnaa, àdi tó gbɛ̀ nɛ̀sε litε à surabana le, ani dĩndɔ́mεne kero. Andunia pɔ́sira mé àdi ga iĩne. ¹¹ À gwa pɔ́ kú pɔ́sira kú à bò Luda kĩnaa pìi áre. Á mè wà sà, a gi kú á zĩdao, á laakarii fùte, vĩna á kú, a ma bege kè, a wé tã, a ní sã gà. Yá pìi gũn pínki a á zĩda m̀ńne kú á taari ví yá pìi gũnlo.

¹² Bee kú ma takada pìi kɛ̀áre, adi ke gbɛ̀ kú à taari kè ke gbɛ̀ kú ò taari kɛ̀ne yáinlo, ma kɛ̀ Luda dɔ́naa gũmme, de á yenawáì le à boáre gupuraa. ¹³ Abire yáì ó laakari kpatena. Ó laakari kpatenaa pìi gbera, ó pɔ́nna kàra manamana Titu pɔ́nna yá musu, kú á pínki a tò a nini sù yáì. ¹⁴ Ma lé gbɛ̀ne kú á yáo yá, àdi tó wé'ì ma kúro. Lákú o yápura óare yá sĩnda pínki gũn nà, len ó légbɛ̀na Titunε kè yápura ù le. ¹⁵ Lákú a bɛ̀εεε linε nà, a a kpe tã, akú s̄ a a yá mà á pínki, tó à d̄ á yá p̄in, a yenaáì di karamε. ¹⁶ Ma pɔ́ d̄iḡɔ́ nna, kú má á náanikena yá sĩnda pínki gũn yáì.

8

Kɔ́kamazakenaa

¹ Ó gbɛ̀nɔ́, ó ye àgɔ́ gbɛ̀ke kú Luda kɛ̀ Masedonia bùsu s̄os̄inɔ́ gbɛ̀nɔ́ne d̄s̄. ² N̄ ȳogwanaa kú wétamma p̄as̄io gũn, ní pɔ́ kɛ̀ nna manamana, akú bee kú ní takaside búgubugukεo ò gba dàńne à gɛ̀ ɔ́la. ³ Ma óare ò gba dà kú nɛ̀sε

mèn doo ñ gbāna lén, à de ñ gbānala se. ⁴ Ò wé kèwá ñ zīda, ò kúte kèwεre manamana, ò ñ gba zé ñ ɔ le àgɔ kú Luda gbēno kámazakεnaa gūn. ⁵ Ò kè de pɔ kú ò wé doila, ò ñ zīda kpà Dikiria gīa kú ókɔno do Luda pɔyenyīnaa gūn. ⁶ Abire yāi o wé kè Titua à gé kámaza yá kú à nàa á té lakiti ke. ⁷ Zaakū á gbāna yā sīnda pínki gūn, ludanaanikεnaa kú yá'onaao kú dōnaao kú yā sīnda pínki aniao kú yenyī kú á vī kūooo, àgɔ gbāna kámaza pì kenaa gūn do.

⁸ Adi ke maten yā dīteárenlo, ania kú gbē pāndenɔ kēen maten oáre, de mà á yenyī yápura dō. ⁹ Á ó Dikiri Yesu Kirisi gbēke dō. Póde inaa gò pɔsaride ũ á yāi, akú a pɔsarideke gūn à á ké pɔdenɔ ũ. ¹⁰ Lákū ma è nà yā pìi musun dí: À kú ákɔno kú a ze kú yā pìio zaa muniyá akúsɔ áten kenɔ, ¹¹ à yā pì lakiti ke sà. Zaakū á soru kè kú a kenaa, à ke á gbāna lén. ¹² Tó gbē gba dà kú nèse mèn doo pɔ kú à vī lén, adi ke kú pɔ kú à vironlo, abire mé àdi ká. ¹³ Adi ke maten aso lago gbē pāndenɔne, maten diárenlo, de à ke leleme. ¹⁴ Tera lán dí bà zaakū pɔ diái, à kpá gbē kú pɔ àdi kíammanɔa, de zīkea tó pɔ dīnyī, akúsɔ pɔ kíááwa, ò kpááwa. Lán abire bà ániḡɔ lele. ¹⁵ Lákū à kēna Luda yān nà ò pì: Gbē kú à sète zɔkɔ pɔ dí dialaro, gbē kú à sète fíti pɔ dí kíaro.

Titunɔyá

¹⁶ Ma sáabu kè kú Ludao, kú à tò á yá kú Titu swèn lákū à kú ma swèn nà se. ¹⁷ Á ó yá mà, a mēe wá à su á gwa, lákū a pɔ yei nà. ¹⁸ Ó gbē do kú a tɔ dàgula sɔsinɔ gbēno té ñ pínki baarunnakpanaa musun o dāne. ¹⁹ Abire gbera do sɔsinɔ gbēno a dà à gé kūoo kámaza zī kú óten ke ke. Óten zī pì ke Dikiri tɔbona yáime kú ania kú ó vīo. ²⁰ Ó ye gbēke ó taari e lákū óten ke nà kú gba zɔkɔ kú à na ó ɔi yāoro. ²¹ Adi ke yá kú à mana Dikirineen óten péa adoro, yá kú à mana bisásirinɔneme se. ²² O ó gbēndo pānde dāinne do. O a laakaríi gwà a lé vīro, o è à ania vī yā sīnda pínki gūn, akúsɔ a ania èra à kàra tera, kú à á náanikεna yāi. ²³ Titu dake sɔ, ma zīkeri dake kú odì á mana wete leelen a ũ. Ó gbē kparanɔ sɔ, sɔsinɔ gbēno zīrinɔme, mókɔnɔme Kirisi tɔborinɔ ũ. ²⁴ Abire yāi à mɔinne kú á yenyī, de sɔsi gbē pìnɔ gɔ dō kú lé kú óten gbē á yá musu bi yápurame.

9

¹ Adi kú mà takada kēare Luda gbēno kɔ kámaza kenaa pì yā musuro, ² zaakū má dō kú a nèsemana dà, akú ma lé gbē Masedonia gbēnɔne ma pì, Girisi gbēno soru mà zaa muniyá. Á aniakεnaa pì ñ gbēno mēe fūte dasi. ³ Akú ma ó gbē pìnɔ zīáwa de àgɔ kú soru gūn lákū ma ò nà, de lé kú o gbē yā pìi musu sún ke páro. ⁴ Tó Masedonia gbēkenɔ sù kúmao, tó ò è á soru dí manaro, wé'ni ó kú, kú o á náanikεna yāi., Oni á pɔ o do yá? ⁵ Abire yāi ma dīte à mana mà o gbē pìnɔne ò domene are, ò gba kú a gīnake a a lé sè yā keke káaku, de á soru gɔ mana, àgɔ de nèsedo gba ũ, adi ke gba tilasinlo.

Gbadana kú nèsedoo

⁶ Àgɔ yā díkīna dō:

Tó n tɔ fíti, ñni kē fíti,
tó n tɔ zɔkɔ, ñni kē zɔkɔ.

⁷ Baadi kpá lákū à dà a swēε gūn nà ánsisinaa sari tilasii sari. Luda ye gbē kú àdi gba da kú pɔnnaooi. ⁸ Luda ni fɔ à tó arubarika sīnda pínki líkaái,

de ɔɔɔ sɪnda pɪnki pɔ sɪnda pɪnki mɔ́áwa yá sɪnda pɪnki gūn ari à fè kááo à yá mana sɪnda pɪnki keo. ⁹ Lákū à kēna Luda yān nà ò pi:

Àdi pɔ fá takasidenɔne,
a yāmanakena lakana vīro.

¹⁰ Lákū Luda di pɔburi kpá pótɔriia nà kū pɔ kū òdi bleo, ani pɔburi kpááwa, à karaáre, de á manakena ɔgbɛ le à ɔ tá. ¹¹ Ani á ke pɔdenɔ ũ yá sɪnda pɪnki gūn de àgɔ gba da dasidasi ɔɔɔ sɪnda pɪnki, gbēnɔ Luda sáabu kpá gba kū a dàinne ó gāi yāi. ¹² Zaakū Luda gbēnɔ pókiammana bɔkɔten kámaza zī pì ten ke adoro, ani tó Luda sáabukpana dagula manamaname dɔ. ¹³ Gbēnɔ ni Luda tɔ bo, zaakū kámaza kū a kèe pì ni mɔ́nne, kū a m̀i nàte Kirisi baaru nna kū a zeoone, akūsɔ a gbēke kēnne kū gbē sɪnda pɪnkio kū nēse doo. ¹⁴ Oni adua keáre kū á yāo dana ń swèn Luda gbēke kū à pìsiáwa yāi. ¹⁵ À Luda sáabu kpá a gba kū à gè onala yāi.

10

Pɔlu gina kū a zīdao a zī yá musu

¹ Makū Pɔlu, ma kúte kèáre kū Kirisi nēseyīdao kū a busekeo, makū kū òdi pi, tó má kú kááo má buse, tó má kú kááoro sɔ, madigɔ pásíáre. ² Ma wé kèáwa, tó ma su, àsun tó màgɔ pásí kááoro, zaakū mani fɔ màgɔ pásí kū gbē kū òdi pi andunia yá mé àten dowerɛ arenɔ. ³ Ó kú andunia gūmme, ama odì zì ká lán andunia gbēnɔ bàro. ⁴ Ó gɔkeɔnɔ bi andunia pónlo, Luda gɔkeɔnɔ gbāna kū odì zeki gbānanɔ gboroonɔme. Odì éke lékpakɔananɔ gboroo ⁵ kū yègɔ yá kū àdi gínne ò Luda dɔo pɪnki. Odì laasun sɪnda pɪnki mile ble, de ò m̀i nàte Kirisine. ⁶ Tó a m̀i nàtewere mámmam, o laka kū ò wé tá sáyamarisaridenɔa.

⁷ Àdi yá gwa musume. Tó gbē a zīda náanikena kū Kirisi pón a ũ, ade gɔ dɔn kū Kirisi pón ó ũ lán a bà se. ⁸ Bee tó ma lé gbē à kè zɔkɔ doka kū Dikiri kpáwá yá musu, wé'i ni ma kūro, zaakū á zīni petena yáime, adi ke á letena yāinlo. ⁹ Àsun ke lándɔ má ye mà vīna dadaái kū ma takadakēnaao bàro. ¹⁰ Òdi pi ma takadanɔn bèere vī, akūsɔ ò gbāna, ama tó ò wé simale, àdi ń kū gbānaro, ma yá di ká póke léiro. ¹¹ Gbē kū òten o lenɔ gɔ dɔ kú lákū ó yānɔ de nà takadanɔ gūn tó ó kú kááoro, len óni ke le, tó o kɔ è.

¹² Dín ó ũ ò ò zīda ke lele kesɔ ò ó zīda lekɔa kū gbē kū òteni ń zīda sáabu kpánɔ. Tó ò ń zīda kpákusú kɔo kesɔ ò ń zīda lèkɔa kɔo, òdigɔ òndɔro. ¹³ Ókɔnɔ sɔ, óni lé gbē de a lélaro. Óni gbē ikokeki kū Luda dítewere lémmɛ, kū à à ká á kīnaa se. ¹⁴ Lákū o ka á kīnaa nà, óten vī ó ikokeki lélaro, zaakū o su kū Kirisi baaru nnao ari á kīnaa káaku. ¹⁵ Odì lé gbē de a léla, ò gbē pāndenɔ zī ká ó pólaro. Zaakū á ludanaanikena ten kara, ó ye zī kū óten ke á tɔ tá manamana ari à ká ikokeki kū Luda dítewere lén, ¹⁶ de ò gé ò baaru nna pi kpá b̀usu kū ò kú á arenɔ gūn, légbēna kū gbē pāndenɔ tàragaabanao sari. ¹⁷ Tó gbē ye à lé gbē, à gbē Dikiri yá musu. ¹⁸ Àdi ke gbē kū àdi a zīda sáabu kpá mé à manaro, sé gbē kū Dikiri di a sáabu kpá.

11

Pɔlu kú zīri ékenɔ

¹ À mena kúmao kū ma yōnkòkeo fíti. Ama áten mena kò. ² Lákū Luda di gɔba kpá nà, len maten kpá le se á yá musu. Ma á kpá Kirisia á gɔ m̀en do ũ, de mà á kpázāa lákū nɔkpare lési bà. ³ Lákū mlè òndɔ kè Awaune nà, à

a sàte, vīna teni ma kū kū ani á laasun likaraáre le se, de à á nana Kirisia gbāsí sari kú nèsedoo tó. ⁴Tó gbēke sù à Yesu yá kú à bò ado kú ó p̄so waazi kèáre, adì sí araga. Adì nini kú à bò ado kú p̄so kú à sio sí, adì baaru nna kú à bò ado kú p̄so kú à mào ma. ⁵Maten da má kīana z̄iri kú à n̄ díte z̄ók̄o k̄un̄o yáke ḡunlo. ⁶Bee tó má lénnaro, má d̄ona vī. O m̄áre á p̄inki s̄usu yá s̄inda p̄inki ḡun.

⁷Kū ma baaru nna kú à bò Luda kīnaa waazi kèáre p̄osinaáwa sari, akū ma a z̄ida b̄usa á karana yāi, ma taari k̄en yá? ⁸Ma s̄osi p̄anden̄o gb̄en̄o taki k̄e, ma a bakaa l̄emma, de mà le mà z̄i keo á té yāi. ⁹Ḡoro kú má kú k̄ááo, tó p̄so ten kīama, madì wari d̄o gb̄ekearo. Ó gb̄e kú ò bò Masedonia b̄usun̄o s̄umene kú p̄so kú à ten kīama. Maten we mà ke á gb̄ekene aso ūro, akūs̄o mani we mà ke á gb̄ekene aso ūro. ¹⁰Kū Kirisi yápara kú à kú ma ḡunwo, gb̄eke ni kp̄amene mà lé p̄i gb̄e Girisi b̄usunlo. ¹¹B̄oyāin ma ò lee? Luda d̄o kú má yeái.

¹²Yā kú maten ke, maniḡo kem̄e, de mà gb̄e kú òteni n̄ z̄i lek̄o kú ó p̄on̄o z̄ini z̄z̄o kú n̄ légb̄enan̄o. ¹³Gb̄e bire takan̄o bi z̄iri éken̄ome! Z̄ikeri manafikiden̄ome! Òdi li Kirisi z̄irin̄o ū. ¹⁴Yā bonsarenlo. Bee Setan p̄i d̄i li gupura malaika ū se. ¹⁵Zaakū lem̄e, tó a z̄ikerin̄o l̄i yā mana z̄ikerin̄o ū, yābonsarenlo. Kpekp̄e oni n̄ yākenaa gb̄e le.

P̄olu warikena a z̄irik̄e ḡun

¹⁶Ma era maten o d̄o, gb̄eke s̄un ma gwa ȳonk̄o ūro. Tó len s̄oro, àḡo ma díte lán ȳonk̄o bà, de mà le mà lé gb̄e f̄iti. ¹⁷Yā kú maten o, Dikiri mé à ma danlo. Lé kú maten gb̄e ma z̄ida náanikena ḡun, maten gb̄e ȳonk̄oke ḡumm̄e. ¹⁸Lákū gb̄en̄o ten lé gb̄e n̄ z̄ida yā musu dasi nà, makū se mani gb̄e. ¹⁹Zaakū ák̄on̄o ònd̄orin̄o adì mena f̄i kú m̄isariden̄o kú p̄on̄nao. ²⁰Tó òteni á ke z̄on̄o ū, tó òteni á aru mi, tó òteni á taki ke, tó òten denla m̄áre, tó òteni á s̄an ke, adì mena f̄i. ²¹Yápurame, ò buse kú yā p̄in̄o k̄enaao! Abire k̄emene wé'yā ū! Ama p̄so kú gb̄e náanikena, àteni a lé gb̄e, mà a náanikena se. Maten abire o ȳonk̄oke ḡumm̄e. ²²Eberun̄ome n̄ ū yá? Àkū ma ū se. Isarailan̄ome n̄ ū yá? Àkū ma ū se. Ibrah̄i burin̄ome n̄ ū yá? Àkū ma ū se. ²³Kirisi z̄ikerin̄ome n̄ ū yá? Má a z̄ikeri ū denla. Maten o lán ìade bàme. Ma z̄i k̄e denla, ma dana kp̄ésiran denla, mà a gb̄ena lé d̄oro, ma kunna ga léi lé v̄iro. ²⁴Yudan̄o ma gb̄e kú fl̄aao lé bupla m̄en donsari ari ḡen s̄oro. ²⁵Ò ma lele kú ḡoo ḡen aak̄o. Ò ma papa kú gb̄eoo ḡen do. Gó'ite kp̄ate k̄umao ḡen aak̄o, ma ke ḡoro do ísira ḡun f̄anant̄e kú gw̄aanio. ²⁶Ma w̄etegen̄a dasin̄o ḡun madiḡo kú karii ḡun: Swa karii, kp̄ani w̄edewen̄o karii, Yudan̄o karii, buri p̄anden̄o karii, w̄ete ḡun karii, s̄ente karii, ísira karii, Yesude éken̄o karii. ²⁷Ma z̄i gb̄ana k̄e kú w̄aw̄ao, ma it̄e k̄e a lé v̄iro, nà ma de, ími ma kú, madiḡo kun p̄b̄lenaa sari ḡen baaak̄o, mà té punsi ìa ḡun. ²⁸A kparan̄o onaa baasi s̄osin̄o gb̄en̄o s̄inda p̄inki laasun d̄i t̄s̄ma lákū gu d̄iḡo d̄o nà. ²⁹Dí mé ani busa, mà gí busaii? Dín oni k̄e z̄ea à gí ūmaa?

³⁰Tó à kú mà lé gb̄e, mani gb̄e ma gb̄anasarike musum̄e. ³¹Luda ó Dikiri Yesu Kirisi De d̄o kú maten éke toro. Óḡo a s̄aabu kp̄a ḡoro s̄inda p̄inki! ³²Ḡoro kú má kú Damasuku, akū kina Areta asakpa p̄i ò w̄ete p̄i b̄inilen̄o d̄akp̄a, de ò le à ma kú yāi, ³³akū ò ma bo wondoo ḡun, ò ma kipa kú bàao t̄anko ḡun b̄ini kpe, akū ma bàa s̄i.

12

Pɔlu wégupu'ena

¹ À kù tilasi mà lé gbě. Bee kù à àre vīro, mani lé pá wégupu'enanɔa kù yá kù Dikiri m̀menenɔ sà. ² Má gběke d̄s Kirisi gūn, ò a sè ò gèe káao ari ludambe aak̄oden, a wè ḡero donsarín dí. À gèe kù m̀eɔn yá, m̀e sarín yá, má d̄ro, sé Luda. ³ Má d̄s kù ò ade pii sè ò gèe káao aruzennamme. À gèe kù m̀eɔn yá, m̀e sarín yá, Luda mé à d̄s. ⁴ À yá kù àdi sí oro mà, kù bisásiri ní f̄s à babaro. ⁵ Mani lé gbě ade yá musu, mani gbě ma z̄ida yá musuro, sé ma gbānasaríkē yá. ⁶ Bee tó mani lé gbě, adi ke má ȳnk̄onlo, zaakū yāpurañ mani o. Ama mani lé gb̄ero, de gběke sún ma dite de p̄ kù à èma ke yá kù à mà ma lénlaro. ⁷ De màsun ìa dā yá z̄sk̄ kù Luda m̀menenɔ musuro yāi, à p̄ s̄t̄o ma m̀e gūn Setan z̄iri ū, àḡ wé t̄ama, de màsun ìa dāro yāi. ⁸ Ma wé kè Dikiria ḡen aak̄o yá pii musu de à p̄ pi bo ma m̄en, ⁹ akū à p̄m̄ene, a gběke kù ad̄i kemene m̀ma. Gbānasaríkē gūn a gbāna papana d̄i bon. Abire yāi mani lé gbě kù p̄nnao ma gbānasaríkē musu, de Kirisi gbāna ḡo kù ma gūn. ¹⁰ Abire yá mé à t̄o mad̄i p̄nna ke kù gbānasaríkēo kù wé'idammanao kù wario kù takasio kù wét̄ammanao Kirisi yāi, zaakū ḡo kù gbāna k̄laman mad̄iḡo gbāna.

Korintidenɔ yā Pɔlu k̄una gbāna

¹¹ Ma ȳnk̄oyā kè, ák̄on̄o mé a ma dan. Ák̄on̄ome à de yá à ma sáabu kpá. Bee tó má kun p̄ke ūro, má k̄iana z̄iri kù a n̄ dite z̄k̄o k̄un̄o yāke gūnlo. ¹² Ma a k̄una z̄iri ū m̀áre kù menao manamana s̄edakenan̄o kù yābonsaren̄o kù daboyān̄o gūn. ¹³ B̄s mé à á k̄ia s̄osin̄o gbě kparan̄oaa? Ke kù mádi ḡo á gb̄ekene aso ūro yāii? À s̄uru ke k̄umao kù taari dio! ¹⁴ Tera sà ma soru kè mà su á k̄inaa a ḡen aak̄odeo, ak̄s̄o mani ḡo á gb̄ekene aso ūro. Ák̄on̄o mateni á wete, adi ke á p̄n̄on maten wetero. Zaakū den̄o mé òdi aruzeke dite n̄ n̄en̄e, adi ke n̄en̄o mé òdi diteñero. ¹⁵ Mani f̄s mà p̄ kù má v̄i deáre p̄nki, mà a z̄ida kp̄áwa kù p̄nnao. Tó ma yenaái ten kara, á yenamai ní lagon yá? ¹⁶ Bee kù a we kù mádi ḡáre aso ūro, gb̄en̄o d̄i pi, w̄z̄erin ma ū, ma p̄ siáwa kù ònd̄o. ¹⁷ Ma á blé gbě kù ma n̄ z̄íawan̄o ke ḡai yá? ¹⁸ Ma kúte kè Titun̄e à gé á k̄inaa, akū ma ó gb̄endo d̄ane. Titu á blén yá? Ó n̄ese dok̄on̄nloo? Ó ágba dok̄on̄nloo?

¹⁹ Áten da yá óten boki weten yá? Lenlo! Óten yá o kù Luda d̄naao k̄una Kirisi ḡumme. Ma gbě yenyiden̄o, ma abire óare p̄nki á z̄ini petena yāime. ²⁰ V̄ina teni ma kù kù tó ma su á k̄inaa, mani á le lākū má ye n̄aro, ak̄s̄o áni ma e lākū á ye n̄aro. Maten v̄ina ke fitiine kù n̄es̄ḡbaao kù p̄f̄e kù ania p̄s̄io kù k̄oyakanaao kù k̄opināao kù ìadānaao kù zukakanaao. ²¹ V̄ina teni ma kù kù tó ma era ma su á k̄inaa, ma Luda ní tó wé'i ma kù á are. Gb̄e kù ò durunna kè yá, ò gb̄ás̄i kè, ò p̄p̄a kè, ò wé'isariyā k̄en̄o, tó odi n̄ese lite ò m̄i kè yá p̄n̄aro, mani p̄sira ke k̄un̄wo.

13

Lédammana kpekpe

¹ Ma suna á gwa ḡen aak̄oden dí. Òdi yá p̄nki yāpura ma s̄edade gb̄en̄on pla ke gb̄en̄on aak̄o léi. ² Ma ḡinake ma lé dà gb̄e kù ò durunna k̄en̄o yá kù gb̄e kparan̄o d̄o ma suna á k̄inaa ḡen pladeo, tera ma era maten lé dar̄uma d̄o bee kù má kù k̄áaro, tó ma era ma su d̄o, mani n̄ gb̄e ke t̄oro yoo!

³ Áten sèeda wete kù Kirisi ten yā o ma gāin yá? Tò! Adi ke Kirisi gbāna sarinlo, à gbāna á té. ⁴ Bee kù à gà lía gbānasarike gūn, à kun tera kù Luda gbānaome. Leme kunna a gūn ó kú kù gbānasarikeo le se, ama ónigō kú káao á té kù Luda gbānao.

⁵ À á zīda tàasi ká à gwa, tó á kú Yesu Kirisi náanikenaa gūn. À keke à á zīda gwa. Á dō kù Kirisi kú á gūnloo? Tó lenlo, a funame. ⁶ Má dō kù áni e ódi fuaro. ⁷ Óten wé ke Ludaa de àsun yā vāni ke kero. Adi ke de gbēno ó zī sáabu kpá yāinlo, de à a mana ke yāime, bee tó òteni ó gwa gbē funano ū. ⁸ Óni fō ò bo yápura kpero, sé ò zéó. ⁹ Tó ó gbāna vīro, akūsō á gbāna, ó pō dìgō nname. Odi adua keáre de à keke à bo mana. ¹⁰ Ma yā birenō kèáre kù má kú kááoro, de tó ma su, māsun keáre pásī kù doka kù Dikiri kpàmaoro. À kpàma á zīnipetena yāime, adi ke á letena yāinlo.

¹¹ Tò, ma gbēno, à pōnna ke. À yā keke à bo mana. À ma lédamma ma. À lédokōno ke àgō nna kù kōo, Luda yenyīde aafiade gō kú kááo. ¹² À fō kpákōa kù Luda gbēno lépemmanaa. Luda gbēno fō kpàáwa n pínki. ¹³ Dikiri Yesu Kirisi gbēke keáre, Luda gō yeái, kōgbēkena gō kú á té kù Luda Ninio á pínki.

GALATIANSO

Baaru nna pānde kunlo

¹⁻² Makū Pɔlu Luda z̄iri kū ma Yesude dake kū ó lɛɛlɛnɔ pínki, ókɔnɔ mé o takada dí kè sɔsi gbē kū ò kú Galatia bùsu gūnnɔnɛ. *fZ̄ir 16:6* Ma kunna z̄iri ù dí bo gbēnɔ kīnaa ke bisāsiri gāiro, Yesu Kirisi kū De Luda kū à a fùte bona ganwo mé à ma z̄i. ³ Ó De Luda kū Dikiri Yesu Kirisio gbēke kèáre, à á gba aafia. ⁴ Kirisi gi a wèndiii ó De Luda pɔyenyīnaaa, à ó durunna kèwá de à ó bo andunia tera vāni dín. ⁵ Luda mé à gakuri vī gɔɔ sīnda pínki! Aami.

⁶ Kū áten kpe li Luda kū à á sísi a gbēke gūnnɛ likalika lán dí bà, à are d̄ò zé pāndea, yā p̄i bò ma sare manamana. ⁷ Baaru nna pānde ke kunlo. Gbē kū ò ye ò Kirisi baaru p̄i litenɔ teni á likaramɛ. ⁸ Bee tó ókɔnɔ ke malaika kū à bò ludambɛ baaru nna kū adi k̄ó sé kū a kū o óareoro waazi kèáre, Luda láari boa. ⁹ O óáre yā akūs̄o maten oáre d̄ò, tó gbēke baaru nna kū adi k̄ó sé kū a kū a màaoro waazi kèáre, Luda láari boa.

¹⁰ Maten sáabu wete bisāsirian yá, ke Luda? Maten wete ma yā ká bisāsirigun yá? Tó bisāsirin má ye à kángu ari tera, de Kirisi z̄òbleriin ma ūro.

Yesu Pɔlu sɛna a z̄iri ù

¹¹ Ma gbēnɔ, má ye à d̄ò kū baaru nna kū madì kpááre dí bo bisāsiri kīnaaro. ¹² Mádì ma bisāsiri kīnaaro, gbēke mé à dàmɛnɛro, Yesu Kirisi mé à bò à sùomɛnɛ.

¹³ A mà lákū má kun nà yā Yudanɔ donyīzen. Ma Luda sɔsi gbēnɔ wé t̄à p̄asp̄āsī, ma wete mà n̄ kakate. *fZ̄ir 8:3* ¹⁴ Ma Yudanɔ donyīze p̄i yā kū ɔplapla de ma sáranɔla dasi, ma kokari deñla ó dizinɔ futɛokarayā p̄i gūn. ¹⁵ Ama Luda ma dite a p̄ó ù zaa ma da gberɛn. Kū ma sísi a gbēke gūn gɔɔ kàme, ¹⁶ akū à a Né gbàrema, *fZ̄ir 9:3-6* de mà a baaru nna kpá buri pāndenɔnɛ. Mádì gé dada gbēke kiaro, ¹⁷ mádì gé Yurusalemu gbē kū ò kun z̄irinɔ ù ma ānɔ kīnaaro, ma ge Larubunɔ bùsun ḡonɔme, akū ma era ma su Damasuku.

¹⁸ Wè aak̄ó gberan ma ge Yurusalemu, de ò k̄ó d̄ò kū Pitao, akū ma ke k̄áo gɔɔ ḡero. *fZ̄ir 9:26-30* ¹⁹ Mádì z̄iri pānde ero, séde Dikiri dakūna Yamisi. ²⁰ Yā kū ma kèáre p̄i, ma sì kū Ludao kū adi ke éken ma tòro. ²¹ Abire gbera ma ge Siria bùsun kū Silisia bùsuuo. ²² Gɔɔ birea Kirisi sɔsi gbē kū ò kú Yudeanɔ dí wé simalero, ²³ ama ò mà ò p̄i, gbē kū àteni n̄ wé t̄à yā mé àten donyīze kū à wete à kakate p̄i waazi ke tera sà, ²⁴ akū ò Luda t̄ò bò ma yā musu.

2

Pɔlu k̄yāmana kū z̄iri kparanɔ

¹ Wè k̄uri awɛsiik̄ó gbera ma era ma ge Yurusalemu kū Baanabao. *fZ̄ir 15:2-4* Ma Titu sè, à gèe k̄úoo se. ² Ma ge gwe, kū Luda mé à bò à sùma à p̄i mà gé yāime. Akū ma baaru nna kū madì kpá buri pāndenɔnɛ b̄òk̄ote gbē kū ò de gbē z̄ók̄ó ūnɔnɛ n̄tēne, de z̄i kū ma kè kū a kū maten keo sún ke p̄aro. ³ Titu kū ó lɛɛlɛ, bee kū a Girikikɛnaao, odi gā naa à t̄ò z̄ɔro. ⁴ Yā p̄i fùte Yesude éke kū ò gèwái kpāninɔ musumɛ. Ò gèwái de ò ó z̄idadekena Kirisi

Yesu gūn asiri gwa ò ó da zòblemme, ⁵ akū odì we ò m̀i nàteńnero bee fíti, de à le àgō baaru nna pì yápara kúna yái. ⁶ Gbē kú òteni n̄ gwa gbē zōkō ũn̄o dí yáke karamen̄ero. Lákū ò de nà dí kemene yáke ũro, zaakū Luda d̀i gbēke wé gwaro. ⁷ Ò è Luda baaru nna kpana buri pānden̄ene nāmen̄e ma oī, lákū à a kpana Yudan̄ene nà Pitane a oī nà. ⁸ Zaakū lákū Luda zī kè Pita gāi nà a kunna žiri ũ yā musu Yudan̄o té, len à zī kè ma gāi buri pānden̄o té le. ⁹ Yamisi kú Pitao kú Yuhana kú òteni n̄ gwa s̄osi gbēgba ũn̄o gba kú Luda dāmen̄e d̄s, akū ò k̄pawá, ókōn̄o kú Baanabao kōgbēke sēeda ũ. Ò si ò gé buri pānden̄o kīnaa, mókōn̄o s̄s, Yudan̄o kīnaa. ¹⁰ Yá kú ò yein dí, n̄ takasiden̄o yá ḡs d̄oogu. Ḡro birea s̄s ó m̀e wá kú a kenaaò kò.

Yesu náanikena mé àdi ó sura ba

¹¹ Kú Pita sù Antioku, ma gine tētētē, kú à zà yāa yái. ¹² Zaakū ari Yamisi žirin̄o ḡs gé ká, àdi p̄o ble kú buri pānden̄ome. Kú ò kà, akū à b̄oru kú k̄peo à kēm̄ma, kú àten v̄ina ke Yuda kú ò zè kú t̄zōna yāon̄one yái. ¹³ Yuda kparan̄o nāa manafikikena p̄i gūn. Bee Baanaba se ò a gā ò nām̄ma. ¹⁴ Kú ma è ò baaru nna yápara kúna a zéaro, ma ò Pitane n̄ pínki wára: Mókōn̄o Yuda ina n̄ kun lán buri pānde bà, adi ke lán Yuda bānlo. À kè dera nd̄i gā na buri pānden̄o, de òḡs Yudan̄o yā kúnaa?

¹⁵ Yudan̄o ó ũ inaa gūn, buri pānde durunnakerin̄o ó ũro. ¹⁶ Ama ó d̄s kú gbēke d̀i bo mana doka p̄i kena yáiro, séde Yesu Kirisi náanikena ado.*fRom 3:20, 22* Bee ókōn̄o, o Kirisi Yesu náani kè, de ò le ò bo mana ó Kirisi náanikena p̄i yáime, adi ke doka p̄i kena yáinlo, zaakū gbēke d̀i bo mana dokakūna yáiro.*fZab 143:2* ¹⁷ Ḡro kú òten wete ò bo mana Kirisi gūn, tó o è durunnakerin̄o ó ũ se, abire p̄i Kirisi ten durunna gba zén yá? Oi! ¹⁸ Tó ma era maten̄ doka kú ma gb̄oro keke, doka p̄i taariden̄o ma ũ gwe. ¹⁹ Zaakū ma ḡs gè ũ doka p̄i musu, akū ma k̄pe line, de m̀aḡs kun Luda p̄o ũ yái. Ma ga lía kú Kirisio. ²⁰ Makū mé má kun doru, Kirisi mé à kú ma gūn. Tera sà ma bisāsirikena gūn má kú Luda Né kú à yemai à g̀i a wènd̄iii ma yái náanikena gūmme. ²¹ Maten̄ Luda gbēke da p̄aro. Tó gbē d̀i bo mana doka p̄i yáime, de Kirisi gā p̄ame.

3

Musa doka kú ludanaanikenaao

¹ Ákōn̄o Galatia yōnkōn̄o! Ò p̄o dàáwan yá? O Yesu Kirisi gana lía m̀áre a è s̄ans̄an. ² Má ye mà yā m̀en̄ do gbekaáwa. A Luda Nini lè dokakūna yáin yá, ke yā kú a màa p̄i náanikena yáime? ³ À kè dera a ḡs yōnkōn̄o ũ lán dí bàa? A naa kú Luda Nini gbānao, akū áten láka kú á zīda gbānao yá? ⁴ Á wari zōkō kè p̄an yá? Oi, adi ke p̄aro. ⁵ Luda a Nini kp̄ááwa, à daboyān̄o kè á té á dokakūna yáin yá, ke yā kú a màa p̄i náanikena yáime?

⁶ À gwa Ibrahim̄a. À Luda náani kè, akū Luda tò yā b̄o k̄aao nna a náani kú à kè yái.*fNaa 15:6, Rom 4:3* ⁷ Àḡs d̄s kú gbē kú òten Luda náani ken̄o mé ò Ibrahim̄i burin̄o ũ.*fRom 4:16* ⁸ Luda yā takada ḡinake à a baaru kp̄a Ibrahim̄e à p̄i, Luda ni arubarika da buri s̄inda p̄inkigu a gāi,*fNaa 12:3* zaakū Luda yā takada p̄i ḡinake à d̄s kú Luda ni tó yā bo nna kú buri pānden̄o a náani kú oni ke yái. ⁹ Len Luda d̀i arubarika da gbē kú òteni a náani ken̄ogu le, lákū à kè a náanikeri Ibrahim̄e nà. ¹⁰ Gbē kú à zè kú dokakūnao ḡs láari p̄o ũme, zaakū à kēna Luda yān ò p̄i, gbē kú òdiḡs yā

kū ò kú doka takada gūnnò kūna pínki a zéaro bi láari pómé. ¹¹ Ó dṣ sánsán kū Luda dì tó yā bò kūrwo nna dokakūna yāiro, zaakū ò pì, gbē kū Luda tò yā bò káao nna a náani kū àten ke yāi mé anigṣ kun. ¹² Doka dí kṣ le kū ludanaanikenaaoro, zaakū ò pì, gbē kū à yā pìi kèe, ade ni wèndi le a gūn. ¹³ Kirisi gṣ láari pṣ ũ ó gēne ũ, à ó bó doka láari gūn, zaakū à kēna Luda yān ò pì, gbē kū ò lòko lía bi láari pómé. ¹⁴ Abire kè le de arubarika kū Luda dà Ibrahīgu le à gṣ buri pāndenone Kirisi Yesu gāime, de ò Nini kū Luda a lé sè le a náanikena yāi.

Musa doka kū Luda lésenaao

¹⁵ Ma gbēno, bisāsiri yākena takan maten oáre. Tó gbē légbēe dite, akūsṣ à sèedadenṣ vī, oni fṣ ò gbororo, oni fṣ ò yāke karanlo. ¹⁶ Len Luda lé sè Ibrahīne le kū a burio.*fNaa 12:7* Luda yā takada dí pi kū a burino lākū parin à tēm̄ma bàro, à pì kū a buriome. Gbē mèn don à téa, àkūme Kirisi ũ. ¹⁷ Yā kū má ye mà on dí: Luda gīnake à lé sène yā à pì a bàka nigṣ kú káao. Wè wàa pla kū mèn baraakurio gberan doka sù.*fBon 12:40* Doka pì ni fṣ à lésena pìi gbororo, ani fṣ à a ke pāro. ¹⁸ Tó òdi Luda arubarika le dokakūnaa gūn, de adi bo a lésena gūn dororo. Ama Luda gbēke kè Ibrahīne, kū à a lé sène yāime.*fRom 4:14* ¹⁹ Bóyāi à doka ditei dṣ? À doka kàra ari Ibrahī buri kū Luda lé sè a yā musu gṣ sume, de gbēno le ò dṣ kū ò de taaridenṣ ũ Luda kīnaa yāi. Luda a doka pìi kpà malaikanṣa, ò nà yākekeriine a cī, à dite gbēno. ²⁰ Luda lésena sṣ, a yāme ado, a bàka kú kū yākekeriioro.

²¹ Tṣ, doka pìi bò Luda lésena kpēn yá? Lenlo! Tó doka kū àdi wèndi kpám̄ma kun yā, de o bo mana doka pì yāi. ²² À kēna Luda yān ò pì, durunna gbē sīnda pínki kà kpén, de arubarika kū Luda a lé sèe pì le à gṣ Yesu Kirisi náanikerino pṣ ũ a náani kū òten ke pì yāi.

²³ Zaade Yesunaanikena dí suro, doka ó ká kpén, à ó kūna purusunano ũ ari Yesunaanikena kū àten su gèe à bòo gupuraa. ²⁴ Len doka pì de ó gwàri ũ le yā ari Kirisi gṣ su, de ò bo mana a náanikena yāi. ²⁵ Lākū Yesunaanikena sù nà sà, o bo ó gwàri yān.

²⁶ Kunna Kirisi Yesu gūn á de Luda nēno ũ á pínki a náani kū àten ke yāi, ²⁷ zaakū ákṣno kū a da'ite kè Kirisi pṣ ũno, a Kirisi dàa sète. ²⁸ Yudanṣ kū buri pāndenṣ, zṣno kū zīdadēno, gṣgbēno kū nṣgbēno donadona kṣero, zaakū á pínki pṣ dokṣno á ũ kunna Kirisi Yesu gūn. ²⁹ Tó á de Kirisi pṣ ũ, á de Ibrahī burino ũme, akūsṣ á de arubarika kū Luda a lé sēne blēriṣno ũ.*fRom 4:13*

4

¹ Maten oáre, gṣno kū túbibleri de né ũ, bee tó a de aruzekenon de a pṣ ũ pínki, à de zṣlaro. ² Àdi mì nate gwàrinone kū gbē zṣkṣno ari gṣno kū a de ditea. ³ Len ókṣno se, gṣno kū ódi kàsara kūro, òdi zṣ ble andunia pṣ kū òdi mì nateñnenone.*fGal 4:9, Kṣl 2:8, 20* ⁴ Kū gṣno kū Luda dite kà, à a Né zì, ò a ì bisāsiri ina ũ Musa doka gūn, ⁵ de à ókṣno kū òten zṣ ble Musa dokaneno bo, ò gṣ a nēno ũ. ⁶ Luda a Né Nini dà ó swèe gūn, kū ó de a nēno ũ yāi. Nini pìi dì wiki lé à pi: Baa, ma De! ⁷ Abire yāi zṣome n ũ dororo, néme n ũ. Lākū Luda néme n ũ nà, à n ke a túbibleri ũme.*fRom 8:15-17*

Pṣlu bídikena Galatianso yaa

⁸ Gṣno kū á Luda dṣro, adi ò pṣ kū ò de Luda ũronci.*f1Kṣ 8:4-6* ⁹ Lākū á Luda dṣ nà tera sà, atēnsa kū Luda á dṣ, bóyāi a era àten are dṣ pṣ gina

futa gbānasari pìnna dɔɔ? Bóyāin a era á ye à doñyĩ dɔɔ? ¹⁰ Adi gɔɔ kenɔ kũ mɔ kenɔ kũ dikpe kenɔ kũ wè kenɔ tè bo.*fRom 14:5, Kɔl 2:16* ¹¹ Vĩna ma kũ á yā musu. Ase zĩ pān ma kè á té yá?

¹² Ma gbēnɔ, ma wé kèáwa, à gɔ lán ma bà, zaakũ ma gɔ lán á bà. Ádi taari kemene yāro. ¹³ Á dɔ kũ gyākēnaa gūnn ma baaru nna kpàáre káaku. ¹⁴ Bee kũ ma gyākēna kèáre yōgwana ũ, ádi ma gya boro ádi lé'i kúmaro, a ma si lán Luda malaika kesɔ Kirisi Yesu bàme. ¹⁵ Arubarika kũ áten kemene yā kè deraa? Mani fɔ mà o á yā musu mà pi, tó ani sí ke yā, de a á wé bòbo a kpàma. ¹⁶ Kũ ma yāpura òáre yāin ma gɔ á zānguri ũ sà yá? ¹⁷ Gbē kũnɔ mēe wà kũ á yāo, ama a mana yāinlo. Ò ye à kēwámē, de à naríma. ¹⁸ Mēwāna kũ gbē yāo a mana yāi mé à nna. Ma mēe wà kũ á yāo gɔɔ sinda pínkime, adi ke gɔɔ kũ má kú kááo adonlo. ¹⁹ Ma né yenyīdenɔ, mateni á ina wāwā ke dɔ ari Kirisi gɔ sà da á gūn. ²⁰ Má ye màgɔ kú kááo tera, de mà a yā'ona lite, zaakũ ma bídi kè á yāame.

Hazara kũ Sarao

²¹ Á omene, ákɔnɔ kũ á ye doka iko vīáwanɔ, ádi yā kũ à kēna Musa doka takada gūn maroo? ²² Ò pì Ibrahĩ négɔgbēnɔ ì gbēnɔn pla. Á a do ì kũ zɔɔome,*fNaa 16:15* akũ à a do ì kũ zĩdadeo.*fNaa 21:1-2* ²³ Zɔɔ pì né ì bisásirikēnaa gūmme, akũ zĩdade a pɔ ì Luda lésena yāi.*fRom 9:7-8* ²⁴ Nɔgbē pìnɔ yā dewere yáasi taka ũ, Luda bàka kunna kũnwo yā leu pla ũ. A do bò Sinai kpi kĩnaame, ádi zòkena íñne. Ákũ mé à Hazara ũ. ²⁵ Á de Sinai kpi kũ à kú Larubunɔ busun yáasi taka ũ. Yurusalemu tera de a ũ dɔ, zaakũ áten zò ble kũ a gbēnɔ ní pínkime. ²⁶ Yurusalemu kũ à kú musume zĩdade ũ. Ákũme ó da ũ. ²⁷ Zaakũ à kēna Luda yān ò pì:

N̄ ponna ke, mɔkɔn para kũ nídi né iro!

N̄ ayuwii ke, mɔkɔn kũ nídi nòwāwā kero!

Zaakũ mɔkɔn kũ n zā pā kpànyĩ,

n né dasi de nɔgbē kũ a zā are dɔa póla.

²⁸ Ákɔnɔ sɔ ma gbēnɔ, Luda lésena nénɔn á ũ lán Isaaku bà. ²⁹ Né kũ ò a ì bisásirikēnaa gūn wari dɔ né kũ ò a ì kũ Luda Nini gbānaooa. Len à de le kũ a terao. ³⁰ Á kēna Luda yān deramee? Ò pì: N̄ pé zɔɔ piia kũ a néo, zaakũ zò né ni túbi ble kũ zĩdade néoro.*fNaa 21:10* ³¹ Abire yāi ma gbēnɔ, zò nénɔn ó ũro, zĩdade nénɔn ó ũ.

5

Gɔna zĩdadenn ũ Kirisi gūn

¹ Gɔna zĩdadenn ũ yāin Kirisi ó bóí. À zɔo gíngin, àsun tó ò era ò bà kááre á yĩn zònn ũ doro.

² Makũ Pɔlu maten oáre, tó a tò ò tɔɔ zɔ́áre, Kirisi ni karana keárero. ³ Ma era ma ò, ma karaáre, gbē kũ à tò ò tɔɔ zɔ́are, séto à mì nate Musa dokane pínki. ⁴ Ákɔnɔ kũ áten wete à bo mana doka gūnnɔ, a á zĩda kè Kirisia, a kè Luda gbēkea. ⁵ Yesu náanikēnaa gūn ó bona mana tāmaa vī, ó wé dɔi kũ a Nini gbānao. ⁶ Kirisi Yesu gūn tɔ́zɔ́na ke tɔ́zɔ́nasari yāke vīro, séde Yesu náanikēna kũ ádi yenyĩ íñne.

⁷ Áten gé are yā manamana. Dí mé à tena yāpurai zé zɔ́áre? ⁸ Yā kũ a a zé lè dì bo Luda kũ à á sísi à á sé kĩnaaro. ⁹ Lùbene fítinna dì flawadēna fute pínki.*f1Kɔ 5:6* ¹⁰ Má á náani vī Dikiri gūn, kũ ani nēse pānde daro. Gbē kũ

àteni á likara sɔ, ani a zĩ gbè le, bee díme. ¹¹ Makū sɔ ma gbēnɔ, tó t̄z̄ɔna waazin maten ke ari gbāra, b́yāi òteni ma wé t̄ai dɔɔ? Tó lɛme, de Kirisi gana lía yā ni ũ gbēkearo. ¹² Gbē kū òteni á likara kū t̄z̄ɔna yāonɔ gɛ ó n̄ z̄ida f̄ere ke se.

¹³ Ákōnɔ sɔ ma gbēnɔ, Luda á sísi à gɔ z̄idadenɔ ũme, ama àsun tó á gōna z̄idadenɔ ũ pi gɔ́are poyeinakena zé ũro. Àgɔ mì natekōne kū yenyiŋo, ¹⁴ zaakū yā mèn do díkĩname Musa doka s̄inda p̄inki mì ũ: N̄gɔ ye n gbēdakei lán n z̄ida wèndii bà. ¹⁵ Tó áten saka t̄ót̄k̄ōa áten k̄o sóso, à laakari ke k̄okakatenaai.

Luda Nini donnena are

¹⁶ Maten oáre, à tó Luda Nini doáre are, á bisásirike poyeina ni láka. ¹⁷ Á bisásirike poyeinaa di k̄o sé kū Luda Nini p̄oro, akūs̄o Luda Nini poyeinaa di k̄o sé kū á bisásirike p̄oro. Òdi ḡik̄ōime, abire yāi adì f̄ō à yā kū á yei kero. *fRom 7:15-23* ¹⁸ Tó Luda Nini ten doáre are, doka iko víáwaro.

¹⁹ Ó ó bisásirike dànɔ d̄ō s̄ans̄an: P̄ap̄akenaa, gb̄as̄ikenaa, wé'isariyā, ²⁰ t̄anagbagbanaa, ḡawakēnaa, z̄angu, fitii, n̄eseḡōbaa, n̄esewānaa, denlawetēnaa, k̄ek̄ek̄ōanaa, k̄okpaatēnaa, ²¹ kena kū k̄ōo ñni, wēdenaa, f̄aai p̄āp̄ā bona kū yā bire takanɔ. Ma a lé dàáwa lākū ma dàáwa nà yā, yā bire taka k̄erino ni kpata kū à bò Luda k̄inaa lero.

²² Luda Nini sɔ, àdi yenyī in̄ne kū p̄onno kū aafiao kū menao kū gbēkeo kū manakēnao kū n̄āniŋo ²³ kū bus̄ēnao kū z̄idakūnad̄ōnao. Doka ke di ḡi yā bireno takairo. ²⁴ Gbē kū ò de Kirisi Yesu p̄o ũnɔ n̄ bisásirike d̄aa p̄a lía kū a p̄onidenanɔ kū a poyeinanɔ l̄e. ²⁵ Lākū ó kú Luda Nini ḡai n̄a, ò a d̄oro sé. ²⁶ Òsunḡo ȳòḡo víro, òsun k̄o d̄ok̄ōaro, òsun gb̄ōbaa kpá kū k̄oro.

6

Ɔdana k̄ōa

¹ Ma gbēnɔ, tó á gbēke sù à s̄ate à durunna k̄e, ákōnɔ kū Luda Nini ten doáre arenɔ à ḡōḡō k̄āao bus̄ebuse, à laakari ke de òsun á ȳò ò gwa sero. ² Àgɔ k̄o aso sé. Áten Kirisi doka papan gwe. ³ Tó gbēke teni a z̄ida gwa p̄oke ũ, akūs̄o à kun p̄oke ũro, àteni a z̄ida s̄ateme. ⁴ Baadi a yākena tàasi ká gbasa à ña d̄a. Àsun a yā lek̄ōa kū gbē p̄ānde p̄oro, ⁵ zaakū baadi ni a z̄ida aso séme.

⁶ Gbē kū òten Luda yā dane, à a aruzeke li a danneriine.

⁷ Àsun á z̄ida kekero, Luda dí sí foboro. P̄o kū gbē t̄ōn àdi k̄e. ⁸ Tó gbē t̄ō a bisásirike dàaa, ani kakatena in̄e. Tó gbē t̄ō Luda Nini donnena are gūn sɔ, ani wèndi kū àdi lākaro in̄e. ⁹ Òsun kpasa kū yāmanakēnaaoro, zaakū tó ódi k̄amma booro, óni àre le a ḡoroa. ¹⁰ Abire yāi tó o zé lè, òḡo a mana ke gbē s̄inda p̄inkine, at̄ensa ó Yesu n̄ānikeri dakeno.

Lézammanaa

¹¹ À wānz̄ān gb̄aḡidigbaḡidi kū ma k̄e kū ma z̄ida ɔo gwa sà.

¹² Gbē kū òten yā ke gbēnɔ wé yāinɔ mé òten ḡa naáwa kū t̄z̄ōna yāo, de òsun wé t̄ānma zena kū Kirisi gana lía yāoro yāi. ¹³ Bee t̄ōz̄ōrii p̄inɔ se, ò doka kūnaro. Ò ye à t̄ō z̄ō, de ò le ò ña d̄a á s̄eēdaa p̄ii yā musu yāime. ¹⁴ Mani ña d̄a p̄oke yā musuro, séde ó Dikiri Yesu Kirisi gana lía yā baasiro, zaakū a yāi andunia ḡōmene ḡe ũ akūs̄o ma ḡo ḡe ũ anduniane. ¹⁵ T̄z̄ōna ke t̄z̄ōnasari yāke víro, séde ḡōna gbē dufu ũ. ¹⁶ Luda gbēke ke gbē kū ò yā p̄i kūnanone, à n̄ gba aafiaa. M̄ók̄ōn̄ome Isaraila yāpuranɔ ũ.

¹⁷ Zaa gb̄aragb̄eke sún ma wé tã doro. Wari kũ ò d̀ma Yesu yãì b̀gbe k̀pé kú ma m̀eεa.

¹⁸ Ma gb̄ε̄n̄, ó Dikiri Yesu Kirisi gb̄eke keáre! Aami.

EFESUDENƆ

Gbêke kù Luda kèwɛɛ Kirisi gùn

¹ Makù Pɔlu, Kirisi Yesu žìrii Luda pɔyenyĩnaa gùn, makù mé ma takada dí kè Luda gbê kù òten Kirisi Yesu náani ke zaa Efesunɔne. ² Ó De Luda kù Dikiri Yesu Kirisio gbêke keáre, à á gba aafiaa.

³ Ó Luda ó Dikiri Yesu Kirisi De sáabu kpá! Ó kunna Kirisi gùn Luda a Nini arubarika sɛnda pínki dàógu zaa musu. ⁴ Á ó sé a gùn andunia katena á, de ó kunna gɔ denɛ adona mamberu sari. Yenyĩ gùn ⁵ à gĩnake à ó díte a nénɔ ù Yesu Kirisi gáí, lákù àten wete a pɔyenyĩnaa gùn nà, ⁶ de à tɔ bo a gbêke gakuride kù à kèwɛɛ a Né yenyĩde gùn yáí. ⁷ A gùn à ó bó kù a aruo. Á ó taarinɔ kèwá a gbêke zɔkɔ ⁸ kù à kèwɛɛ à gè ɔla yáí. Ɔndɔ sɛnda pínki kù wézè sɛnda pínkioo gùn ⁹ à tò o a pɔyenyĩna asiri dɔ, lákù à zèo à ke Kirisi gáí nà. ¹⁰ Tó a pɔyenyĩnaa pí kegɔɔ kà, ani pɔ sɛnda pínki kakara Kirisi n̄ Mídene, pɔ kù à kù musu kù žíteo pínki. ¹¹ Luda kù àdi yá sɛnda pínki ke lákù à zèo a pɔyenyĩnaa gùn nà gĩnake à ó díte lákù àten wete nà, à ó sé a pɔ ù Kirisi gùn, ¹² de ókɔnɔ kù ó wé dɔ Kirisii zaa káakunɔ ògɔ de a tɔ gakuride kpàrinɔ ù. ¹³ Ákɔnɔ sɔ, a yápura yá mà, a baaru nna kù à á sura bàa pìi sì. A gùn Luda a žida sèedaa kèáwa a Nini kù à a lé sè ù. ¹⁴ Àkùmɛ túbi kù òni le zenkpeke ù ari Luda gɔ gé a gbèno bo, de ò a tɔ gakuride kpá yáí.

Pɔlu aduakena Efesudenɔne

¹⁵ Abire yáí zaa gɔɔ kù ma á Dikiri Yesu náanikenaa mà kù yenyĩ kù á vī kù Luda gbèno n̄ pínki, ¹⁶ mádi kámma bo kù Luda sáabukpanaa á yá musuro. Á yá digɔ dɔmagu wéke kù madì ke Ludaaa gùn. ¹⁷ Madì wé ke De gakuride, ó Dikiri Yesu Kirisi Ludaa, de à á gba ɔndɔ, à á wé kèáre kù a Nini gbánao de à le à a dɔ swáswa. ¹⁸ Madì wé kea à á nèse wéáre de à le à támaa kù à á sísia dɔ. Á a túbi gakuride aruzeke pìnɔ díte a gbènoɔne ¹⁹ kù a gbána zɔkɔ bonsare kù àten ží ke ókɔnɔ kù odì a náani kenɔ gùnwo. Gbána zɔkɔ pí ží kè Kirisi gùn ²⁰ gɔɔ kù Luda a vù gan, à a vùte a ɔplai zaa musu. ²¹ Gwen Kirisi de kpatablerinɔ kù ikodenɔ kù gbánadenɔ kù dikirinɔla n̄ pínki kù tɔ kù òdi mì nateńnenɔ pínki. Ádi ke andunia tera díkĩna adonlo, kù a pɔ kù ani suome dɔ. ²² Luda tò à iko vī pɔ sɛnda pínkia, akù à a díte pɔ sɛnda pínki m̀ide ù sɔsi gbènoɔne. ²³ Sɔsi gbè pìnɔmɛ Kirisi mè ù, à de Kirisi kù àdi pɔ sɛnda pínki papa gu sɛnda pínkia papana ù.

2

Vu à bona gan gèna wèndin

¹ Á de yá gènɔ ù Ludane á taarinɔ kù á durunnano yáí. ² Á té andunia díkĩna ágbai, a mùi nàte ía gbánadenɔ kínane, Setan kù à kpé dona lundayadarisarinɔne are pìi. ³ Ó pínki ó de lán n̄ bà yá se. Odì pɔ kù ó mè yeii kù yá kù à ó pɔ gbào ke. Ó inaa gùn ó de gbê kù Luda ni pɔfè kipańmanɔ ù lán dakenɔ bà, ⁴ ama Luda sùru zɔkɔ, à yenyĩ vīwɛɛ manamana. ⁵ Gɔɔ kù ó de gènɔ ù ó taarinɔ yáí, à ó fúte kù Kirisio lèele. Á á sura bà a gbêke gùn. ⁶ Kirisi Yesu gùn à ó sé à ó vùte káao zaa musu, ⁷ de à le à a gbêke zɔkɔ bonsare m̀ɔńne andunia kù ani su gùn yáí yá mana kù à kèwɛɛ Kirisi Yesu

gūn musu. ⁸Luda á sura bà a gbēke gūn Yesu náani kú a kè yāi. Abire dí bo á kīnaanlo, Luda mé à á gbá. ⁹Á surabana dí bo á yáke na gāinlo, de gbēke sún ĩa dāoro yāi. ¹⁰Luda ɔgben ó ũ. Kirisi Yesu gūn à ó ké de ògō kú kú yā mana kú à gīnake à ditewere kenaa.

Gōna mē dokōno ũ Kirisi gūn

¹¹Ákōno kú á de buri pāndenō ũ inaa gūn, à laasun lé á kunna yāa. Tōzōnadeno dì á sísi gyɔfɔrɔdeno, ama n tōzōna de bisāsiri ɔgbe ũme. ¹²Gɔɔ birea á kun Kirisi sari, á de gbē zītōno ũ Isarailanōne. Á baka kú Luda bàka kunna kūrwo kú a lésennenaao gūnlo. Á kú andunia gūn támaa sari ludadōnaa sari. ¹³Kirisi Yesu gūn tera, ákōno kú á zā kú Ludao yāno a nai kāni kú Kirisi aru gbānao. ¹⁴Ákūme ó kunna kú kōo nna ũ, à tò Yudanō kú buri pāndenō gō mē dokōno ũ. A mēe gūn à ibere kú à da n dagura bīni ũ gbōro, ¹⁵à Musa doka nà gui kú a yāditenano de à tó n pla n pínki gō kāao gbē dufu mēn do ũ. Len à tò ò kè kú kōo nna le. ¹⁶À ibere làka, à n pla n pínki kè nna kú Ludao mē dokōno pīi gūn a gana lía yāi. ¹⁷À sù à kena nna kú Ludao baaru kú ákōno kú á zā kú Ludaonōne kú gbē kú ò kāni kāonō do. ¹⁸Kirisi yāi ó pínki ó zé vī ò na De Ludai kú a Nini dokōno gbānao.

¹⁹Abire yāi á de gbē zītōno ke bōasuno ũ dorō, a gō bedeno ũ kú Luda gbēno, a ɔndenō ũme. ²⁰Ákōno me kpé kú Luda bō ē kú zīrinō kú annabinō nāaa ũ, akūsō Kirisi Yesume à epetegbe ũ. ²¹A gūnn kpé pō sīnda pínki dì kō kūn, àdigō gbā Luda kpé ũ Dikiri gūn. ²²A gūn ákōno se, á de kpé pī bobōno ũ, ákōno me Luda Nini kúki ũ.

3

Pōlu zīkena buri pāndenō té

¹Abire mé à tò makū Pōlu, má de purusuna ũ Kirisi Yesune ákōno buri pāndenō yāi. ²Ádi ma lākū Luda a gbēkekennena zī dāmene mà ke á téroo? ³Luda a asiriya mōmēne, ma kēáre fīti kò. ⁴Tó a a kyó kè, áni fō à dō lākū ma wé kè nà Kirisi asiriya musu. ⁵Luda dí yā pī o gbēkene yāro, akū tera sà à mò a zīrinō kú a annabinōne kú a Nini gbānao. ⁶Yā kú à utena yā pīn dí: Kirisi Yesu gūn baaru nna mana yāi buri pāndenō gō Luda túbiblerino ũ lēle kú Yudanō, ò gō kūrwo mēdokōndenō ũ. N baka kú lé kú Luda sēe gūn. ⁷Ma gō baaru nna pīi kpārī ũ gba kú Luda dāmene, a gbāna tén zī ke ma gūn yāi. ⁸Makū kú má kīana Luda gbēno té, Luda gba pīi dāmene, akū maten Kirisi aruzeke lakanasari baaru kpá buri pāndenōne, ⁹maten asiriya kú Luda ten wete gbē sīnda pínkine boñne gupuraa. Asiriya pī utena Luda kú à pō sīnda pínki kè kīnaa zaa káaku, ¹⁰akū tera sà à tò kpatablerino kú ikode kú ò kú musuno a ɔndō buri dasino dō sōsi gbēno gāi. ¹¹Luda poyenyīna kú à kun zaa káaku pī lé pāpa Kirisi Yesu ó Dikiri gāi. ¹²A gūn ó zé vī ò na Ludai kú swēo kpatena a náanikena yāi. ¹³Abire yāi ma wé kēáwa, àsun tó á nēse yaka wari kú maten ke á musu yāiro. Á kpetana yāime.

Kirisi yenyī

¹⁴Abire yāi madī kúte De Ludane. ¹⁵A kīnaa a bedē kú ò kú musu kú zīteono n tō lēn n pínki. ¹⁶Madī wé kea à á gba gbāna á nēsee gūn kú a Nini gbānao a aruzeke gakuride lēn, ¹⁷de Kirisi vute á swēn a náani kú átēn ke

yāi, á zīnipetena gō gbāna yenyī gūn, ¹⁸ de à le à a yenyī yàasa kū a gbànao kū a leio kū a lòkotooo gbá dō kū Luda gbēno pínki, ¹⁹ de à le à a yenyī kū oni fō ò a lé dō pínkiro dō, Luda papana pínki pèkeréawa.

²⁰ Luda zōkō! Ani fō à kewere de lākū odì a wé ke ke odì a laasun lé nàla manamana kū gbāna kū àten zī ke ó gūnwō. ²¹ Ogō a tó kpá sōsi gbēno kū Kirisi Yesuoo gūn wè kū wèeo ari goro sīnda pínki! Aami.

4

Mèdokōnōkenaa

¹ Makū kū má de purusuna ū Dikirine, ma wé kèáwa, á kunna gō de lākū Luda á sísi àgō de nà. ² À kō fō, àgō yekōi zīdabusanaa gūn kū nèseyīdao kū menao. ³ À wé tã àgō lédokōnō kū à bò Luda Nini kīnaa vī bà kū àdi á dōkōa ū. ⁴ Mè mèn dome, akūsō Nini pii mèn dome. Len tãmaa kū Luda á sísiaa mèn do le se. ⁵ Dikiri mèn do, akūsō donyīze mèn do kū da'itekēna mèn doo. ⁶ Luda mèn dome ó pínki De ū. Àkū mé à iko vī ó baadia, àdigō zī ke ó gbē sīnda pínki gūn, à kú kū ó gbē sīnda pínkió.

⁷ Kirisi gbēke kè ó baadine, lākū à gba dàwewe nà lén. ⁸ Abire yāi à kēna Luda yān ò pì:

Kū à fùte à tà musu, à dò zīzōnōne are,
à gba dà gbēnōne.

⁹ A fute à tana musu bire de deramē? Abire pì à kīpa ari zīte gēi gīa. ¹⁰ Gbē kū à kīpaa piime gbē kū à fùte à tà ludambe musumusū ū, de à gu sīnda pínki pa. ¹¹ Àkū mé à gbēkenō gbá zé ògō de zīrinō ū, gbēkenō annabino, gbēkenō baarunnakparino, gbēkenō pasutonō ke yādannerino, ¹² de Luda gbēno gō kú a zī soru gūn, de Kirisi mè gbāna kū, ¹³ ari ó pínki ògō gé ká Luda Né náani dokōnō kenaa a dōna dokōnō gūn, de ò gō gbē papanano ū Kirisi kū pō sīnda pínki pèkerēa zōkō lén. ¹⁴ Tó lemē ónigō de né fīti kū òdi òndō kū manafikió kēñe ò n sātēno ū dorō, kū yā dufu dannena di n sé lán ĩa ke ísō bà. ¹⁵ Oi, óni yāpura o kū yenyīo, ò gbā yā sīnda pínki musu Kirisi kū à de a mì ū gūn. ¹⁶ A gūnn mègu sīnda pínki di kō kūn ò nakōa kū tīno gbānao, akū mègunō di zī ke a zéa, mèe digō gbá àgō kara kū yenyīo.

Kunna zī kū kunna dufu

¹⁷ Abire yāi maten yā oáre kū Dikiri tōo, mateni á gbao laakarīi. Àsungō kun lán kifiri kū n nèsefutake doñne arenō bàro. ¹⁸ N laasun n kē yōnkō, ò zà kū wèndi kū Luda di kpámmao, kū n wé sira, akūsō n sá gbāna yāi. ¹⁹ Ò nèse vīro, ò n zīda kpá wé'isariyāa, ò dà vāni buri sīnda pínki kena ni vī. ²⁰ Àkōnō sō, ádi Kirisi yā dada lero. ²¹ Yesu gūn a a yā mà, a yāpura kū à vī dàda. ²² Ò óare à o gbare á dà zī kū à doáre arei, kū à yàka á pónidēna vānino yāi. ²³ Ò óare à á nèse lite á laasun gō dufu, ²⁴ áni dà dufu kū Luda kè lán a pō bà sé, á kunna nigō adona kunna yāpurade ū yázedēke gūn.

²⁵ Abire yāi à o gbare manafiki yāi, á baadi gō yāpura o a gbēdakene, zaakū mèdokōnōdenōmē ó ū. ²⁶ Tó á pō fē, àsun durunna kero. Àsun tó ifántē gē kpén àgō kpé pōfēnaro, ²⁷ de àsun Ibilisi gba zéro yāi. ²⁸ Gbē kū àdi kpāni o yā à kpāni tó. À wé tã à zī mana ke kū a o, de à pō le à bo takasidenōne. ²⁹ Àsun tó yā vāni ke bo á lénlo, séde a zéde kū ani gbē kara, à ke àre ū gbē kū òten manōne. ³⁰ Àsun Luda Nini kū à kú adona da pōsiranlo. À de sèeda kū Luda kèáwa ari á bona goro zī ū. ³¹ Àsun ke ĩni kū gbēkeoro. À

ɔɔfɛ tó kú pɛtɛo kú patana gbãnao kú gbɛsɔsɔnaao kú pãsíkena buri sɛnda pínki. ³² Àgɔ gbɛke ke kú kɔo. Àgɔ kɔ wɛnda gwa. À sùru ke kú kɔo lákú Luda sùruu kè kãáo nà Kirisi gūn.

5

Kunna gupuran

¹ Lákú á de Luda né yenyĩdeno ũ nà, à a ágba sé. ² Lákú Kirisi yewái nà à gí a wɛndiĩi ó yãĩ sa'obo kú a gbĩ nna Ludane ũ, à tó yekɔĩ doáre are le se.

³ Lákú á de Luda gbɛno ũ nà, adi kú ò pãpãkena ke dà vãni buri sɛnda pínki ke wákú yã ma á té sero. ⁴ Wé'isariyã'ona kú yã ðro sari onao kú fãai bɛne bonaao mana kãáoro ðo, sé sãabukena yã. ⁵ Àgɔ dɔ sãnsãn kú pãpãkeri ke kesɔ ðavãnide ke kesɔ wákúde ke ni kpata kú à bò Luda kĩnaa blɛ lɛle kú Kirisioro. Pɔ kú gbɛ di a wákú ke gɔ a dikiri ũmɛ. ⁶ Àsun tó gbɛke á sãte kú yã pã korioro. Yã bire takano mé ani tó Luda ɔɔfɛ kipa a yádarisarinã. ⁷ Àsun tó á bàka gɔ kú kũnworɔ. ⁸ Á kú gusiran yã, tera sà Dikiri gūn á kú gupuran. Àgɔ kun gupura gbɛno ũ, ⁹ zaakú gupura di mana buri sɛnda pínki iĩne kú yãzedeo kú yãpurao. ¹⁰ À yã kú adi ká Dikirigu dada. ¹¹ Á bàka súnɡɔ kú kú gusira yãkena kú à karana vĩrooro. À yã bireno bobo gupurai. ¹² Bee yã kú gbɛ pino di ke asiri gūn ona bi wé'iyãme. ¹³ Tó ò bò kú yão gupurai, òdi a sùsu dɔ, ¹⁴ zaakú gupura di tó ò pɔ sɛnda pínki e. Abire yã òdi pi:

I'ori ñ vu ñ futɛ bona gan,
Kirisi ni gu punne.

¹⁵ Àgɔ á tãa'ona dɔ manamana. Àsungɔ de yõnkõno ũro, sé òndõrino. ¹⁶ Àgɔ yã kú Luda a zé bòáre ke, zaakú goro díkĩnanõn vãni. ¹⁷ Abire yãĩ àsungɔ de yõnkõno ũro, àgɔ dɔ lákú Dikiri ɔyenyĩna de nà. ¹⁸ Àsungɔ kú kú wɛdekenaaoro, adi pãpã zĩmmame, ama à tó Luda Nini gɔ zĩ ke á guu papana, ¹⁹ gbasa à fãai bo kú kɔo kú zaburao kú Luda tɔkpanaao kú lè kú Luda Nini di daáre. À lè sí, à Dikiri tɔ kpá á swèe gūn, ²⁰ àgɔ De Luda sãabu ke goro sɛnda pínki yã sɛnda pínki gūn kú ó Dikiri Yesu Kirisi tóo. ²¹ À mì natekõne Kirisi vĩna kú á vĩ yãĩ.

Gɔgbɛ kunna kú a nãno

²² Ákõno nɔgbɛno, á baadi gɔ mì nate a zãne lákú Dikirin áten kene bà. ²³ Zaakú gɔgbɛme nɔgbɛ mì ũ, lákú Kirisi de sɔsi gbɛ kú ò de a mè ũno mì ũ nà kú ñ Surabariio. ²⁴ Lákú sɔsi gbɛno di mì nate Kirisine nà, lemɛ se nɔgbɛno gɔ mì nate ñ zãnone le yã sɛnda pínki gūn.

²⁵ Ákõno gɔgbɛno sɔ, á baadi gɔ ye a nãno lákú Kirisi ye sɔsi gbɛno nà, à gí a wɛndiĩi a yãĩ. ²⁶ À gbã bõne kú ío a yã gãĩ de àgɔ de a pɔ ũ, ²⁷ de à ñ kpan'are ke kú gakurio sãa sari yitorokũnaa sari mamberu sari gbãsi sari taari sari. ²⁸ Len à kú gɔgbɛ sɛnda pínki gɔ ye a nãno le lán a zĩda mèe bà. Gbɛ kú à ye a nãno ye a zĩdaimɛ. ²⁹ Gbɛke di gí a zĩda mèeĩro. Adi pɔble kpáa, adi laakari ða lákú Kirisi di ke sɔsi gbɛno nà, ³⁰ kú ó de a mɛguno ũ yãĩ. ³¹ Abire yãĩ gɔgbɛ ni bo a de kú a ðao bea, oni nakɔa kú a nãno, ñ gbɛno pla ni gɔ mè do ũ. ³² Asiri zɔkɔ kú yã pii gūn, ma è à de le Kirisi dagura kú sɔsi gbɛno. ³³ Bee kú abireo à de á yã ũ se ðo. Á baadi gɔ ye a nãno lán a zĩda bà. Nɔgbɛ sɔ, à a zã yã da.

6

Néno yá

¹ Ákõno néno, Dikiri gūn àgõ á de kũ á dao yá ma, zaakũ abire mé à mana. ²⁻³ À bèere lí á de kũ á daone, de àgõ aafia à gi ke andunia gūn. Yá kũ Luda òtè káaku kũ léseaaon gwe.

⁴ Ákõno deno sõ, àsun á néno po yakaro. À n̄ tũtu ke à lé darĩma Yesude négwana ũ.

Zõno yá

⁵ Ákõno zõno, àgõ á andunia dí dikirinõ yá ma kũ nèsedoo kũ vĩnao kũ lukanaao lákũ Kirisin áten kenene bà. ⁶ Àsun zĩ keĩne n̄ wé yáiro. Àgõ Luda poyenyĩna ke kũ yápurao kũ ákõno me Kirisi zõno ũ yái. ⁷ Àgõ zĩ ke kũ kokario lákũ Dikiri áten kenene bà, adi ke bisásirinlo. ⁸ Àgõ dõ kũ Dikiri ni baadi yámanakena fĩna bone, zò kesõ zĩdade.

⁹ Ákõno dikirinõ sõ, àgõ keĩne le se. À yá pásĩ oĩnena tó. Àgõ dõ kũ mókõno kũ ákõno pínki, á Dikiri kú musu, àdi yá ke gbẽke wé yáiro.

Gõkebo kũ Luda kpáwáno

¹⁰ Yá kũ à gõn dí: Àgõ gbãna Dikiri gūn kũ a iko gbãna zõkõo. ¹¹ À gõkebo kũ Luda kpááwano da pínki, de à le à ze gíngin à Ibilisi òndõ fõ. ¹² Zaakũ adi ke bisásirinõn òten òsi ká kũńworo, sé nini vāni kũ ò kú musunõ. Ò de andunia díkĩna gusira kĩblerinõ ũ kũ n̄ midenõ kũ n̄ ikodenõ. ¹³ Abire yái à gõkebo pìnõ sète à da pínki, de à fõ à ze à gí goro vānia, gbasa à gõ zena gíngin a pínki kenaa gbera. ¹⁴ Àgõ zena gbãna, à yápura do á pi asa ũ, à yāzedeke da mò uta ũ. ¹⁵ À kena nna kũ Ludao baaru nna kpá kyate ũ, de àgõ kú kũ soruo. ¹⁶ Àgõ ludanaanikena kũna sēgbako ũ goro sīnda pínki, de à fõ à Setan kà tédenõ de pínki. ¹⁷ À surabana sé à kú mò fũra ũ, àgõ Luda yá kũ à de a Nini fēneda ũ kũna. ¹⁸ Àgõ adua ke goro sīnda pínki, àgõ Luda kpányĩ gbeka yá sīnda pínki gūn kũ a Nini donnena areo. Àgõ itē ke kũ mena zõkõo, àgõ adua ke Luda gbēnõne n̄ pínki. ¹⁹ À adua kemene do, de tó maten yá o, Luda ma gba lé mà a baaru nna asiri oĩne vĩna sari. ²⁰ Baaru nna pì yái má de Luda wéde kũ ò dà kpésiran ũ. Àgõ adua kemene, de mà baaru nna kpá vĩna sari lákũ à kù mà kpá nà.

Lézammanaa

²¹ Ó gbēndo yenyĩde Tikiku, Dikiri zĩkeri náanide ni ma baaru kpááre pínki, de à le àgõ ma kunna dõ kũ pó kũ maten keo. ²² Ma a zĩáwa de à ó kunna oáreme, á nèse le à yĩda kũ.

²³ Ó gbēno, De Luda kũ Dikiri Yesu Kirisio á gba aafia, à á yena kõi karaáre kũ á ludanaanikenaao. ²⁴ Luda gbẽke ke gbẽ kũ ò ye ó Dikiri Yesu Kirisii lakanaa sarinõne n̄ pínki.

FILIPIDENO

Pɔlu aduakena Filipidenone

¹ Makū Pɔlu kū Timotio Kirisi Yesu zɔ̀blerino ókɔ̀no mé o takada dí kè Luda gbē kū ò kū Filipinone kunna Kirisi Yesu gūn kū ñ gbē zɔ̀kɔ̀no kū ñ kpanyirino. ² Luda ó De kū Dikiri Yesu Kirisio gbēke keáre, à á gba aafiaa.

³ Gɔ̀ro kū á yā òmagu pínki, madigɔ̀ ma Luda sáabu kpáme. ⁴ Ma aduakena gūn pínki madigɔ̀ adua keáre á pínki kū pɔ̀nnao, ⁵ kū á ɔ̀ kakarana kúmao baaru nna kpanaa gūn zaa gɔ̀ro kū a mà ari kū a gbārao yāi. ⁶ Má dɔ̀ sánsán, lákū Luda nà zī manaa á té nà, anigɔ̀ ke, ari à gé mì deo Kirisi Yesu sugɔ̀ro zī. ⁷ À mana kū má á yā kūna á pínki le, zaakū á yā kú ma swèñ. Má da kpésirann yá, má ze kū baaru nna piio a yāpura ona yāin yá, á pínki á baka ví zé kū Luda ma gba gūn. ⁸ Luda dɔ̀ kū mateni á bege ke á pínki kū Kirisi Yesu yenyī burio. ⁹ Madì adua keáre, de á yenyī gɔ̀ kara àgɔ̀ gé dɔ̀naa gūn kū wékēnaao swáswa, ¹⁰ de à yā kū à kù à ke dɔ̀, àgɔ̀ kun nɛ̀sepuradeno ũ taari sari Kirisi sugɔ̀ro zī. ¹¹ Àgɔ̀ pana kū yā mana kū òdi bo Yesu Kirisi kīnaanɔ̀, de ò Luda tɔ̀ bo, ò a sáabu kpá.

Kirisime Pɔlu wèndi ũ

¹² Ma gbēno, má ye àgɔ̀ dɔ̀ kū yā kū à ma le té kà baaru nna gena areime, ¹³ akū soza kínabe dogarino ñ pínki kū gbē kparano dɔ̀ kū Kirisi yāin ò ma dà kpésiran. ¹⁴ Ma dana kpésiran yāi ó gbēno Dikiri náani kè dasi de yāla, akū ñ kùgbāna kàra, òten Luda yā o gbēnone vīna sari.

¹⁵ Yāpurame, ñ gbēkeno di Kirisi yā waazi ke denlana yāi kū nɛ̀segɔ̀baao, gbēkeno sɔ̀ kū nɛ̀semanao. ¹⁶ Gbē díkīnanao di ke kū yenyīome, zaakū ò dɔ̀ kū má zena kū Yesu baarunnakpanaa yāin má yīna la. ¹⁷ Nɛ̀segɔ̀bade pino sɔ̀, òdi Kirisi yā waazi ke denlamonnena yāime, adi ke kū nɛ̀sepuraonlo. Òten da òteni ñ kunna kpésiran wari karamene. ¹⁸ Yāken yá? Manafiki gūnn yá, yāpura gūnn yá, a pínki dé, òten Kirisi yā waazi kemε. Ma pɔ̀ nna kū abireo, akūsɔ̀ ani era à ke nna dɔ̀, ¹⁹ zaakū má dɔ̀ kū adua kū áten kemene kū Yesu Kirisi Nini kpányio ni tó mà bo. ²⁰ Ma wé dɔ̀, akūsɔ̀ má a náani ví manamana, kū wé'i ni ma kū yāke gūnlo. Tera sà lán yā bà kū kùgbānao mani Kirisi tɔ̀ bo ma mēe gūn, má kunn yá kesɔ̀ ma gan yá. ²¹ Zaakū Kirisi yāin má kún, ga demene àre ũ. ²² Tó ma kunna kū wèndiio demene zī àrede ũ, má dɔ̀ a kū mani séro, ²³ ma laasun kpaatename. Má ye mà tá, de màgɔ̀ kú kū Kirisio. Gwe manamene de gu dila zà. ²⁴ Ama à mana màgɔ̀ kú kū wèndiio á yāi. ²⁵ Abire yā futena vīro. Má dɔ̀ kū mani gɔ̀ la màgɔ̀ kú kááo á pínki, de à le à gé are kú pɔ̀nnao ludanaanikena gūn.

²⁶ Len gɔ̀ro kū mani era mà su á gwa le, áni zé le à ña dā Kirisi Yesu gūn manamana ma yāi. ²⁷ A pínki dé, tó ma su á gwa ke mádi suronlo, à tó á kunna kɔ̀ sé kú Kirisi baaru nnao, de tó mateni á baaru ma, mà ma kū á zena gíngin kú lédokɔ̀no, áten ɔ̀si ká kú nɛ̀se mèn doo baaru nna pi zé yāi. ²⁸ Ásun tó á ibereno yāke vīna á kūro. Abire nigɔ̀ deñe sèeda ũ kú ò miì pè kakatena, ákɔ̀no sɔ̀ áni bo mana. Luda kenan gwe. ²⁹ Zaakū Luda á gbá zé à wari ke Kirisine, adi ke a náanikena adonlo. ³⁰ ɔ̀si kú a è maten ká yá, akūsɔ̀ a mà maten ká ari tera, ákɔ̀no á kú ɔ̀si dokɔ̀no piì gūmme.

2

Zidabusanaa

¹Tó á konna Kirisi gūn lédamma vī, tó a yenyī ten té kpáái, tó á lédokōno vī kū a Ninio, tó á kō wēnda vī kū sūruuo, ² à laasun dokōno ke, àgō yenyī dokōno vī lédokōnodeno ũ, poyeinayādokōnodeno ũ, de ma pōnna gō papana. ³ Àsun yāke ke denlana ke yōgōkena yāiro. Zidabusanaa gūn à a gbēdake kū kū bèereeo de á zīdala. ⁴ Gbēke sún laasun lé a zīda mēn do yāaro, à gbē pāndeno pō lé do. ⁵ Àgō nēse kū Kirisi Yesu vī vī se.

⁶ A ludakenaa gūn adi a zīda kena lele kū Ludao yā daro,

⁷ akū à a zīda gwena tòn, à zīrike sè,

à gō bisāsiri ũ, à bisāsirike sè.

⁸ À a zīda bùsa,

à mī nāte ari à gēe à gào,

ari lígbāndurukpana ganaa.

⁹ Abire yāi Luda a sè musu,

à tó kū à de tó sīnda pínkila kpāne,

¹⁰ de tó ò Yesu tó sī,

gbē sīnda pínki ni kútene

ludambē kū zīteo kū zīte gēio,

¹¹ gbē sīnda pínki ni o kū a léo

kū Yesu Kirisime Dikiri ũ

De Luda tōbona yāi.

À gu puñne andunia gūn

¹² Abire yāi ma gbē yenyīdeno, lākū adi ma yā ma gōro kū má kú kááo nà, atēnsa kū má kú kááo tera doru, àgō á bona mana lé papa kū vīnao kū lukanao. ¹³ Zaakū Luda mé àten zī ke á gūn de àgō ye a poyenyīnaai gbasà à ke. ¹⁴ À yā sīnda pínki ke yākete kū lékpakōanao sari, ¹⁵ de àgō taari sari, gbāsī sari, Luda né mamberusaridenō ũ tera gbē sātēna nēspāsīdenō té, kū àten gu puñne andunia gūn lán susunenō bà, ¹⁶ àgō wēndi yā kūna, de mà le mà ía dā kááo Kirisi sugōro zī yāi. Tó àten ke le, de mádi bà pā léro akūsō mádi zī pā kero. ¹⁷ Bee tó ma aru ni kōte á ludanaanikena sa'o'i ũ, ma pō nigō nna, maten pōnna ke kááo á pínki. ¹⁸ Ákōno sō, à pōnna ke le, ò ke lele.

Timōti kū Epafarōdituo

¹⁹ Kū Dikiri Yesu arubarikaao mani Timōti zīáwa tera, de mà le mà á baaru ma, ma laakari kpáte. ²⁰ Má gbēke vī kū à ye á yāi yāpura lākū a bàro. ²¹ Gbē sīnda pínki zīda yā mé àdi done are, adi ke Yesu Kirisi yānlo. ²² Á dō lākū Timōti a zīda bì nà, à baaru nna zī kē kūmao lán né kū a deo bà. ²³ Tó má a zēna dō sūsū, má ye mà a zīáwa gōno. ²⁴ Má Dikiri náani vī kū mani su á gwa tera ma zīda.

²⁵ Ma gbē Epafarōditu, ma zīkeri dake, ma zīkari dake kū a a zī à kpámai kū pō kū mateni a ni deno, ma è à mana mà a gbareáwame. ²⁶ Àteni á bege ke á pínki, akūsō a nēsee yāka, kū a a gyākena baaru mà yāi. ²⁷ À gyā kē yāpura ari à kà gana, akū Luda a wēnda gwà. Adi ke àkūme adoro, kū makūome se, de ma pōsira sún kararo yāi. ²⁸ Abire yāi maten wā mà a gbareáwa, de á wé sikōle, á pō ke nna, ma laakari kpáte. ²⁹ À gbānake kpái Dikiri gūn kū pōnna zōkōo. À bèere lí gbē bire takane. ³⁰ À gō fīti kū ani ga

Kirisi zī yāi. À a zīda kpà gaa de à le à kpányī kū áni f̄s̄ à kemenero kemene yāi.

3

Kirisi d̄snaa

¹ Ma gb̄en̄o, yā kū à ḡn̄n̄ dí: À p̄onna ke Dikiri gūn. Mani gí yā kū ma òare gb̄e sísiro. Àkūme aafia úare. ² À laakari ke lewanna k̄n̄n̄oi, yāvānikeri kū òdi n̄ ke yákiyaki p̄in̄o! ³ Ók̄n̄o kū odi donyī ke Ludane kū a Nini gbānao, odi ña dā Kirisi Yesu gūn, odi náani kpá ó zīda yāaro, ók̄n̄o mé ó t̄z̄n̄ade yāpurañ ū. ⁴ Makū, má zé vī mà náani kpá ma zīdaa. Tó gb̄e ten da a a zīda náani kè, ma a p̄o kè deala. ⁵ Ma t̄z̄o z̄s̄ ma ḡoɔ s̄oɔraak̄s̄de zī. Isarailan ma ū inaa gūn, Biliaminu buri, Eberu buri yāpura. Musa doka musu má kū Farisin̄o gāa gūn. ⁶ Ma ania kè, ma wé t̄a s̄osi gb̄en̄o. Yākena a zéa Musa doka gūn, gb̄eke dí f̄s̄ à ma taari èro. ⁷ Ama yā kū má kūna àre ū yā p̄in̄o ḡm̄ene àree sari tera Kirisi yāi. ⁸ A kū à deñla ma yā s̄inda p̄ínki dite àree sari ma Dikiri Kirisi Yesu d̄sna kū à de a p̄ínkila yāi. Kirisi p̄i yāi ma ɔ gb̄are yā s̄inda p̄ínkii b̄isa ū, de màḡs̄ a vī, ⁹ màḡs̄ kú a gūn kū yā kū di tó ò ke nna kū Ludao a náanikena yāiio. Luda di tó yā bo k̄n̄wo nna dokakūna yāinlo, àdi tó yā bo k̄n̄wo nna Kirisi náanikena yāime. ¹⁰ Yā kū má yei mé à de mà Kirisi d̄s̄ kū gbāna kū à f̄t̄eɔ bona ganwo, de ma bàka ḡs̄ kú a warikena gūn, mà ḡs̄ lákū a bà a ganaa gūn ¹¹ gbasa mà ḡs̄ ḡavu ū.

P̄s̄ kū nten péa lenaa

¹² Adi ke ma le p̄ínkinlo ak̄s̄s̄ má papana ḡāro. Maten péame, de mà yā kū Kirisi Yesu ma se a p̄o ū yāi sí ma p̄o ū. ¹³ Ma gb̄en̄o, mádi sí ma le k̄oro. Yā m̄en̄ don maten ke, madì n̄n̄o p̄o kū à kú ma arei, p̄o kū à kú ma kpe laasunlenaa sari. ¹⁴ Maten pé p̄o kū ma wé d̄oia, de mà àre kū Luda ó sísia gena musu le Kirisi Yesu gāi. ¹⁵ Ók̄n̄o gb̄e papanan̄o, òḡs̄ laasun bire vī. Tó á laasun p̄ānde vī, Luda ni á wé k̄éare yā bire musu. ¹⁶ A p̄ínki dé, gu kū o kan dí, ò gé are zé dok̄n̄o p̄ii gūn.

¹⁷ Ma gb̄en̄o, à ma ágba sé, lákū o a taka k̄éare nà, á wé ḡs̄ pé gb̄e kū n̄ kunna k̄s̄ sion̄i. ¹⁸ Madìḡs̄ oare yā ḡen̄ baaak̄s̄, ak̄s̄s̄ ma era maten oare tera d̄o kū wé'io, gb̄en̄on̄ kun dasi kū n̄ yākena n̄ ké Kirisi gana lía iberen̄o ū. ¹⁹ Ò mi p̄e kakatenaana. N̄ gbereme n̄ dikiri ū, wé'iyāme n̄ ñadāb̄o ū, andunia yān n̄ laasun diḡs̄ kúa. ²⁰ Ók̄n̄o s̄s̄, ludambe gb̄en̄on̄ ó ū, ó wé d̄o Surabari kū ani bo gwea, àkūme Dikiri Yesu Kirisi ū. ²¹ Ani ó mè gbānasarin̄o li lán a mè gakturide bà kū a gbāna kū ani f̄s̄ à tó p̄o s̄inda p̄ínki mì nateareo.

4

Lédammaanaa

¹ Abire yāi ma gb̄e yenyīde kū mateni á bege ken̄o, ák̄n̄o kū á de ma ñadāb̄o kū madì p̄onna keo ūn̄o, àḡs̄ zena ḡinḡin̄ Dikiri gūn le, ma gb̄en̄o.

² Ma kúte kè Yuodiane kū Sintisio òḡs̄ lédok̄n̄o vī Dikiri gūn. ³ M̄ok̄n̄ s̄s̄ ma gb̄endo náanide, ma wé k̄emma, n̄ kpá n̄ogb̄e p̄in̄oi, zaakū ò ɔsi kà kūmao baaru nna kpanaa gūn kū Kelementio kū ma zīkeri daken̄o. N̄ tó kú w̄endi takadan.

⁴ Àḡs̄ p̄onna ke Dikiri gūn ḡoɔ s̄inda p̄ínki. Ma òare d̄o, à p̄onna ke. ⁵ À á zīda busa gb̄e s̄inda p̄ínkine. Dikiri sunaa kà k̄āni. ⁶ Àsun yāke damu kero. Yā s̄inda p̄ínki gūn à adua ke, à yā gbeka Ludaa kū s̄abukenaanao, à

á yá'ümmananŃ onɛ, 7 ani á nèse kũ á laakaríio kpátéáre Kirisi Yesu gũn. Nèsekpatenaa pìi zŃkŃ, à de bisásiri dŃna la.

⁸ Ma gbĕnŃ, yá kũ à gŃáren dí: Yá kũ à yápura vĭ akũsŃ à bèere vĭ, yá kũ à zé vĭ akũsŃ à gbásĭ vĭro, yá kũ à nna akũsŃ à arubarika vĭ, yá kũ à mana akũsŃ òdi a sáabu kpá, àgŃ laasun lé yá birenŃ musu. ⁹ Yá kũ ma dàáre a sì, yá kũ a mà ma léi akũsŃ a èma, à yá birenŃ ke, Luda aafiade nigŃ kũ kááo.

PŃlu FilipidenŃ sáabukpanaa

¹⁰ Ma pŃ nna à kè zŃkŃ Dikiri gũn, zaakũ á laasun èra à sùma sà. Á ma yá kũna yá fá, zén ádi lero. ¹¹ Mádi o le kũ maten takasi ke yáinlo, zaakũ ma dà ma zĭdane màgŃ sáabu vĭ gwena sĭnda pínki gũn. ¹² Má takasikena dŃ akũsŃ má nnamana dŃ. GŃrŃ sĭnda pínki gu sĭnda pínkia kána ke nàa, pŃdinyĭ ke pŃkĭammana yáke vĭmenɛ doro. ¹³ Mani pŃ sĭnda pínki fŃ Kirisi kũ àdi ma gba gbána yái. ¹⁴ Bee kũ abireo kũ á bàka kũ kũ ma takasikenaao, a yá mana kè.

¹⁵ FilipidenŃ, á dŃ kũ á zĭdao, ma baaru nna kpánaáre káaku gũn, kũ ma bo Masedonia bùsun, sŃsi ke kun kũ à kpàmai kũ ŃgŃ yá bŃkŃtenaaoro, sé ákŃnŃ. ¹⁶ Bee gŃrŃ kũ má kũ Tesalonika, a pŃ kũ mateni a ni denŃ kpàzámene de gĕn dola. ¹⁷ Adi ke gban maten wetero, á àre karana Luda kĭnaan maten wete. ¹⁸ Ma pŃ kũ à kpàzámene lè, à pàpa ari à òre. EpafarŃditu á gbanŃ kpàma, pŃ mŃma sà. À de sa'obo kũ a gbĭ nna Ludane akũsŃ àdi káagu à sí ũ. ¹⁹ Ma Luda ni pŃ kũ á a ni vĭnŃ kpàáwa Kirisi Yesu gũn a aruzekɛ gakuride lén.

²⁰ ÒgŃ ó Luda ó De tŃ bo gŃrŃ sĭnda pínki! Aami.

Lézammanaa

²¹ A fŃ kpá Luda gbĕnŃa ní pínki kunna Kirisi Yesu gũn. Ma gbĕ kũ ó kũ leelenŃ fŃ kpàáwa. ²² Luda gbĕnŃ fŃ kpàáwa ní pínki, atĕnsa gbĕ kũ ò kũ Siza beano. ²³ Dikiri Yesu Kirisi gbĕkɛ kéáre á ninin.

KOLSEDENŌ

Sáabukpana kũ aduakenaao

¹ Makũ Pɔlu, Kirisi Yesu z̄irri Luda pɔyenyĩnaa gũn kũ ó gbē Timotio, ókɔnɔ mé o takada dí kè ² ó gbē náanide kũ ò kú adona Kirisi gũn zaa Kɔlɔsenɔne. Luda ó De gbēke keáre, à á gba aafiaa.

³ Gɔɔ s̄inda pínki tó óten adua keáre, odiḡɔ Luda ó Dikiri Yesu Kirisi De sáabu kpáme, ⁴ zaakũ ó á Kirisi Yesu náanikena baaru ma kũ yenyĩ kũ á v̄i ó gbēnɔne n̄ pínki, ⁵ kũ á wé dɔ p̄ɔ kũ à ditenaáre ludambeĩ yāi. A yāpura yā mà zaa káaku baaru nna kũ o kpàáre gũn. ⁶ Baaru nna p̄i ten né i àten dagula andunia gũn pínki, lákũ à kè á té nà zaa gɔɔ kũ a mà, akũ a Luda gbēke s̄usu d̄s̄. ⁷ Ó gbē yenyĩde ó z̄ikeri dake Epafara mé à yā p̄i dàáre ó gēne ũ. Kirisi z̄ikeri náanideme, ⁸ akũ mé à yenyĩ kũ Luda Nini á káa òwɛre.

⁹ Abire yāi zaa gɔɔ kũ ó baaru ma, odiḡɔ wé keáre Ludaa lakanaa sari, de à tó à a pɔyenyĩna d̄s̄ swáswa, a Nini á gba ònd̄ɔ kũ wéz̄e pínki, ¹⁰ de àḡɔ kun lákũ Dikiri yei nà, á yā s̄inda pínki káagu, de á yā mana s̄inda pínki kena ḡɔ dagula, á Luda d̄s̄na ḡɔ kara, ¹¹ de àḡɔ gbāna yā s̄inda pínki gũn a gbāna gakuride lén, de à p̄ɔ s̄inda pínki f̄ɔ kũ menao kũ p̄onnao, ¹² de àḡɔ De Luda sáabu kpá, zaakũ à ó ká baka kũ à d̄ite a gbēnɔne gupuranwa. ¹³ À ó bó gusira ikon, à ó ká a Né mèn do yenyĩde kpatan. ¹⁴ A gāin o ḡɔ z̄idadenɔ ũ, ó durunna kèwá.

Kirisi de p̄ɔ s̄inda pínkila

¹⁵ Kirisi bi Luda kũ òdi e kũ wéoro takame, Àkũme daudu ũ Luda p̄ɔkenanɔ té pínki.

¹⁶ Luda p̄ɔ kũ à kú musu kũ z̄iteo kè pínki a gāi, p̄ɔ kũ òdi enɔ kũ p̄ɔ kũ òdi eronɔ, kpatablerinɔn yá ke dikirinɔ ke gbānadenɔ ke ikodenɔ. P̄ɔ s̄inda pínki bò a k̄inaame, ak̄s̄ ò kun a p̄ɔ ũ.

¹⁷ À kun p̄ɔ s̄inda pínki ā, p̄ɔ s̄inda pínki kun a gāime.

¹⁸ Àkũme s̄osi gbē kũ ò de a mè ũnɔ mì ũ.

Àkũme naana ũ, ḡaavu káaku ũ, de à ḡɔ p̄ɔ s̄inda pínki m̄ide ũ.

¹⁹ Zaakũ à kà Ludagu a k̄ike pínki pekereea. ²⁰ À tó p̄ɔ s̄inda pínki kè k̄āao nna a gāi, p̄ɔ kũ ò kú z̄ite ke musunɔn yá. A aru kũ à k̄òte lía mé à s̄u kũ kena nna p̄io.

²¹ A kè Ludaa yā. A iberenɔn á ũ á laasun kũ á v̄anikenanɔ yāi, ²² akũ Luda tó a ke k̄āao nna Kirisi gana a bis̄asirikeme gũn yāi sà, de à á kpan'are ke gbās̄i sari, mamberu sari, taari sari, ²³ tó á zena gbāna á ludanaanikena gũn yīgānaa sari ḡingin, tó ádi k̄ek̄ōa kũ tāmaa kũ á v̄i baaru nna kũ a màa gũnworó. Ó baaru nna p̄i kpà gbē kũ Luda kè z̄ite lanɔne pínki kũ makũ Pɔlu, ma ḡɔ a kp̄ari ũ.

Pɔlu z̄ikena s̄osi gbēnɔne

24 Tera sà maten ponna ke kù wari kù maten ke á yáii. Wari kù Kirisi kè sɔsi gbē kù ò de a mè ùnɔ yáin maten pɔ kù à g̃ papa ma mēe gūn. 25 Luda zī dàmenē, akū ma g̃ sɔsi gbē pìnɔ kpanyīri ũ. À ma zī mà a yā oáre papana. 26 Asiriyā kù à utena gbēnɔne zaa káaku zaade Luda dí andunia kátero mé à bò Luda gbēnɔne gupuraa sà, 27 Luda ye ò d̃ lákū asiriyā pì gakuri zók̃ nà buri pāndenɔ kīnaa. Asiri pin dí: Kirisi kú á gūn, akú á wé d̃ɔ gakuria. 28 A waazin odi ke gbē sīnda pínkine, odi lé daoríma, odi yā dao gbē sīnda pínkine kù ɔnd̃ sīnda pínkio, de ò gé kù baadio papana Luda are Kirisi gūn. 29 Abire yāi maten zī ke, maten kokari ke kù a gbāna kù àten zī ke ma gūnwɔ gbānagbāna.

2

1 Má ye àg̃ kokari zók̃ kù maten keáre d̃, ák̃nɔ kù Laodiseadenɔ kù gbē kù ódi wé sik̃leronɔ pínki, 2 de n̄ swè le à kpáte, ò lédok̃nɔ ke kù yenyi, de n̄ wé kē swáswa, òg̃ Luda asiriyā kù à de Kirisi pì ũ d̃. 3 A kīnaan ɔnd̃ kù d̃naao aruzeke sīnda pínki ùten. 4 Mateni abire oáre, de gbēke sún á sáte kù lénna lékpak̃sanaaoro yāi. 5 Bee tó má kú kááoro, ma nini kú kááo, ma è àten yā ke a zéa, akūs̃ á Kirisi náanikena gbāna, akú ma pɔ kè nna.

Pɔ sīnda pínki pèkeremmana Kirisi gūn

6 Lákū a Kirisi Yesu si á Dikiri ũ nà, àg̃ kú a gūn le, 7 á zīni g̃ petena a gūn. À kara a gūn, àg̃ gbāna a náanikena gūn lákū ò dàáre nà. Àg̃ kú kù saábukpanaao manamana. 8 À laakari ke de gbēke sún d̃na gbāna kasaáre à á sáte kù bisásiri ɔnd̃ pā korioro. Yā birenɔ dì bo futekarayānɔ kù andunia yākenanɔ kīnaame, adi ke Kirisi kīnaanlo. 9 Zaakū Luda kíke sīnda pínki pèkerē Kirisia a bisásirikemēe gūn. 10 Kunna gbē kù à de gbāna sīnda pínki kù iko sīnda pínkioo mīde ũ pì gūn, a sīnda pínki pèkeréáwa. 11 A gūn a t̃ɔ z̃ à bò á dà zīn. Adi ke t̃ kù bisásiri dì z̃ínnenlo, kù Kirisi dì z̃ínne. 12 Zaakū da'itekēnaa gūn ò á vī káo, akú a fute káo, kù a gbāna kù Luda a fùteo bona gan náani kè yāi. 13 Á de gènɔ ũ yā Luda kīnaa á taarinɔ kù á dà zīn yāi, akú Luda á gbá wēndi dufu lēle kù Kirisio, à sūruu kè kūoo kù ó taarinɔ pínki. 14 Luda ó taari takada kù à ó dá yān gògo, à sè à pà lía. 15 Kirisi gana lía gbāna si dikirinɔ kù gbānadenɔoaa, à bò kúnwo sarapuraa à n̄ kpe bò, à n̄ kpan'are kè z̃iz̃nɔ ũ.

16 Abire yāi àsun tó gbēke á taari e póblena ke pómīna ke dikpe ke m̃ dufu bona ke kámmabog̃ɔ yā musuro. 17 Yā birenɔ pínki bi yā kù ò pì ani su takamē, yā pìnɔ b̃kɔtenan Kirisi ũ. 18 Àsun tó gbē kù àdi a zīda busa éke p̃ ũ kù àdi donyī ke malaikanɔne á sáte à á bo p̃ kù á wé pēanlo. Wégupu'ena yā mé àdig̃ gbāna gbē bire takane, akú àdi a zīda bi pā a bisásirikeda laasunnɔ yāi. 19 À pena Kirisi kù à de mì ũaro. Kirisi gūn mēgu sīnda pínki dì k̃ kù, ò nàk̃s̃a kù t̃nɔ gbānao, mēe p̃i dig̃ gbá lákū Luda ye à gbá nà.

20 Zaakū a ga kù Kirisio andunia yākenanɔ musu, b̃yāin adi n̄ yāditenneenanɔ ma lán andunia gbēnɔ bàa? 21 Òdi pì, òsun adikīna na n̄ ɔīro, òsun adikīna í kero, òsun ɔ na adiaro. 22 P̃ birenɔ pínki dì laka kù n̄ anfānikēnaaomē. Bisásiri yādannēnan abirenɔ ũ. 23 Yā birenɔ de lán ɔnd̃ yā bāme, zaakū òdi donyī yā tilasi dañne kù zīdabusanao kù warid̃na n̄ zīda mēeao. Bee kù abireo àdi kpá ó dànn̄ero.

3

Kunna wèndi dufu gūn

¹ Lákū a fute kū Kirisio nà, à tó ludambe yā doáre are, zaakū gwen Kirisi vutena Luda ɔplai. ² À tó á laasun gō kú ludambe yānɔa, àsungō kú andunia pɔaro. ³ Zaakū a ga, á wèndi utena kú Kirisio Luda gūn.

⁴ Lákū Kirisi de á wèndi ũ nà, tó à bò gupuraa, ákɔnɔ se áni bo káao kú gakurio sà. ⁵ Abire yāi à andunia yā kú ò kú á nèseε gūnnɔ de: Pápakenaa, wé'iyā, mēfutena, yā vāni nidena kú wākūuo. Pó kú gbē di a wākū ke gōne a dikiri ũme. ⁶ Yā bireno yāin Luda ni pɔfēna kipa a yāmarisarinɔa. ⁷ Ákɔnɔ se, á kú yā pìnɔ gūn yā, ò doáre are. ⁸ À ɔ gbare yā dí takanɔi sà: Pɔfēnaa, zukakanaa, nèse pási, gbēsɔsɔna kú yāpápá'onaao. ⁹ Àsungō éke tokɔnero, zaakū a á dà zī kú a yākenanɔ gòala, ¹⁰ a a dufu sè kú à kèke àten dufu kú de à gō lán a Kèri pò bà. ¹¹ Gwe Yudanɔ kú buri pāndenɔ dokɔnɔme kú tōzōnadennɔ kú gyoɔɔɔdenɔ kú sènte gbēnɔ kú wésiradenɔ kú zònnɔ kú zīdadennɔ. Kirisime n̄ pínki ũ, à kú n̄ gūn n̄ pínki.

¹² Abire yāi, lákū Luda á sé a gbē yenyīdenɔ ũ nà, dà kú ò de à daáwanɔn dí: Wènda, gbēke, zīdabusanaa, buseke kú menao. ¹³ À kō fō. Tó yāke sù à á ká kú kōo, à sùru ke kú kōo. Lákū Dikiri sùru kè kááo nà, à ke kú kōo le se. ¹⁴ A pínki musu à yenyī kú àdi yā pìnɔ kakara swáswa daáwa. ¹⁵ À tó aafia kú à bò Kirisi kīnaa kí ble á swēε gūn, zaakū kunna kú kōo aafiaan Luda á sísia mēdokɔnɔdenɔ ũ. Àgō Luda sáabu kpá. ¹⁶ À tó Kirisi yā vutēki le á nèsen manamana. À yā dakōne, à lé dakōa kú ɔndō sīnda pínki. Sáabukpanaa gūn à lè sí Ludane á swēε gūn kú zaburao kú tókpanaa kú donyī lè nɔ. ¹⁷ Pó kú áten ke ke kú áten o pínki, à ke kú Dikiri Yesu tóo, à De Luda sáabu kpá a gāi.

Luda gbēnɔ kunna kú kōo

¹⁸ Ákɔnɔ nɔgbēnɔ, á baadi gō mì nate a zāne. Len à kú à ke Dikiri gūn le. ¹⁹ Gōgbēnɔ, á baadi gō ye a nanɔi. Àsungō pási kúnworo. ²⁰ Nénnɔ, à á de kú á dao yā ma yā sīnda pínki gūn, zaakū abire mé àdi ká Dikirigu. ²¹ Denɔ, àsun á nénnɔ nèse fute à n̄ pɔ yakaro. ²² Zònnɔ sō à á andunia dikirinɔ yā ma yā sīnda pínki gūn. Àsun zī keñne n̄ wé yāiro. À zī keñne kú nèse mēn doo, zaakū Dikiri vīnakerinɔn á ũ. ²³ Yā kú áten ke pínki, àgō ke kú yāpuraa, lándō Dikirin áten kene bà, adi ke bisāsirinlo. ²⁴ Àgō dō kú áni Dikiri láada le á baka ũ. Dikiri Kirisin áten doi. ²⁵ Yāvānikeri ni a vāni gbè le. Luda di gbēke wé gwaro.

4

¹ Ákɔnɔ dikirinɔ, à á zònnɔ gwa a zéa súsu. Àgō dō kú ákɔnɔ se á Dikiri vī musu.

² Á á zīda kpá aduakēnaaa kú itēkēnaao kú sáabukpanaa. ³ À wé kewere Ludaa dɔ, à zé bowere ò a yā waazi ke, ò Kirisi asiriyā oñne. Abire yāin ò ma dai kpésiran. ⁴ À wé kemene mà yā pì o swáswa, lákū à kú mà o nà. ⁵ Àgō á zīda kūna dō Yesusaridenɔ té kú ɔndōo. Àgō yā kú Luda a zé bōáre ke a gɔɔɔa. ⁶ À tó á légbε gō nna àgō karana vī, de àgō dō lákū áni yā lí baadia nà.

Lézammanaa

⁷ Ó gbě yenyíde Tikiku ni ma baaru kpááre pínki. Àkūme zíkəri náanide ũ, ó zòbleri dakeme Dikiri zĩ gūn. ⁸ Abire yáime mateni a zĩáwa de à ó kunna oáre, à laakari le à kpáte.

⁹ Á gbēndo Ɔnesimu, ó gbě yenyíde náanide ten su káao. Oni pó kú ó kú a gūn gu dia oáre pínki. ¹⁰ Arisitaku kú ó kú lele kpésiran fɔ kpááwa kú Baanaba dakūna Maakuo. Ò Maaku yá òáre kò. Tó à sù á kīnaa, à gbānake kpáne. ¹¹ Yesu kú òdi pine Yusutu fɔ kpááwa dɔ. Yuda kú óten kpata kú à bò Luda kīnaa zĩ ke lelenɔ lén gwe. Ma laakari kpatena kūńwo. ¹² Á gbēndo Epafara, Kirisi Yesu zòbleri fɔ kpááwa. Àdigò ania ke kú aduakenaáreo gɔɔ sīnda pínki, de à le à kàsara kú àgò papana Luda pɔyenyīnaa gūn. ¹³ Mani fɔ mà a sēeda ke kú àten zĩ kéáre manamana, ákɔnɔ kú Laodiseadenɔ kú Ierapɔlidenɔ. ¹⁴ Ó likita yenyíde Luku kú Demasio fɔ kpááwa. ¹⁵ À fɔ kpá ó gbě kú ò kú Laodiseanɔa kú Nimfao kú sɔsi gbě kú òdi kò kakara a beano. ¹⁶ Tó a takada dí kyó kè, à kpá Laodisea sɔsi gbēnɔa ò a kyó ke, gbasa à ń pó kyó ke se. ¹⁷ À o Akipune, à laakari dɔ Dikiri zĩ kú ò dāneea, à a mì de. ¹⁸ Makū Polu makū mé ma yá dí kè kú ma zĩda ɔo, ma fɔ kpááwa. À tó ma kunna kpésiran yá gò dɔágu. Luda gběke kéáre.

TESALONIKADENŃ TAKADA KAAKU

TesalonikadenŃ zémōnnēnaa

¹ Makū Pɔlu kū Silasio kū Timōtio, ókōnŃ mé o takada díkīna kē Tesalonika sɔsi gbē kū ò kú De Luda kū Dikiri Yesu Kirisio gūnnōne. Luda gbēke keáre, à á gba aafiaa. ² Ó aduakēnaa gūn á yā digō dɔ́ogu gɔrɔ sīnda pínki, odigō Luda sáabu kpá á pínki yā musu. ³ Lákū áten zī ke á ludanaanikenāaa nà, áten kokari ke yenyī gūn, akūsō áten mena ke wédɔna ó Dikiri Yesu Kirisii yāi, yā pìnŃ digō dɔ́ogu Luda ó De are. ⁴ Ó gbē Luda yenyīdenŃ, ó dō kū Luda á sé, ⁵ zaakū kū o baaru nna kpàáre, ódi su kū yā'onaao adoro, o su kū Luda Nini gbānaome, yā pì ó kūna gbāna manamana. Á dō lākū ó kú á té nà á aafia yāi, ⁶ akū a gō ókōnŃ kū Dikirio dàdarinŃ ũ. Wari zókōŃ gūn a yā pìi sī kū pōnna kū Luda Nini dàáguo, ⁷ akū a zé mò Yesude kū ò kú Masedonia bùsu gūnnōne kū Girisi bùsuuo pínki. ⁸ Dikiri yā bò á kīnaa, adi ze Masedonia kū Girisio adoro, á Yesu nāanikēna yā dàgula pínki, à baarukpana vī dorō. ⁹ Òten o lākū o zé lè à kīnaa nà, lākū a kpē lì tānanōne, a are dō Ludaa nà, akū áten do Luda Wēndide Yāpuradei, ¹⁰ áteni a Né Yesu kū à a fùte bona gan dā ari à bo ludambe, à su ó sí pofē kū Luda ni kiparūmaa.

2

Pɔlu zīkēna Tesalonika

¹ Ma gbēnŃ, á dō kū á zīdao, kū ó zé lena á kīnaa dí ke pāro. ² Á dō lākū ò wé tǎwá nà, o wari kē káaku zaa Filipi, akū Luda ó gbá swēe, o a baaru nna kpàáre kokari kū kokario. ³ Ó nakaranaáwa de éke zé yā ũro. Ódi ke laasun vāni ke á takikēna yāinlo. ⁴ Lákū Luda ó ká a baaru nna kpanāaa nà, len odì kpáínne le, adi ke bisāsiri poyeinan óten wetero, sé Luda ó laasun tāsikeri pó. ⁵ Á dō kū ódi yā nnanna o gbēkenero, akūsō ódi yāke ke kū manafikio wākū yāiro. Ludan ó sèedade ũ. ⁶ Ódi sáabu wete bisāsiri kīnaaro, ákōnŃ ke gbē pāndenŃ. ⁷ Bee kū ó a zé vī ò gǎare aso ũ ó Kirisi zīrikēna yāi, o kē kááo busebuse, lākū nŃgbē nérande di laakari dō a néa nà. ⁸ Kū ó yeái manamana yāi, ódi zeo ò baaru nna kū à bò Luda kīnaa kpàáre adoro, kū ó zīda kpááwanāaome dō, zaakū a gō ó gbē yenyīdenŃ ũ. ⁹ Ma gbēnŃ, à tó ó zīkēna kū wario yā dɔ́agu. Gɔrɔ kū óten baaru nna kū à bò Luda kīnaa pì kpàáre, odigō zī ke fānantē kū gwāanio, de òsun gō á gbēkenē aso ũro yāi. ¹⁰ ÁkōnŃme ó sèedadēnŃ ũ, kū Ludao dō, kū ó kú ákōnŃ kū a Yesu nāani kēnŃ té a zéa nēsēpuradenŃ ũ taari sari. ¹¹ Á dō kū o yā kē á baadinē lākū de di ke a nēnōne nà. ¹² O lé dàáwa, o á nēsēe kpàtéáre, o nakaraáwa, de á kunna ke lēle kū gbē kū Luda n ká kpata gakuride kū à bò a kīnaannŃo.

¹³ Kū a Luda yā kū o òáre pìi mà, adi dite bisāsiri pó ũro, a sī lākū à de nà, Luda yā yāpura ũ. Àkū mé áten zī ke ákōnŃ kū áteni a nāani kēnŃ gūn. Abire yāi dō odigō Luda sáabu kpá lakanaa sari. ¹⁴ Ó gbēnŃ, á yā kē lēle kū Luda gbē kū ò kú Kirisi Yesu gūn zaa YudeannŃo, zaakū á bùsudenŃ wé tǎáwa se lākū YudanŃ tǎmīma nà. ¹⁵ YudanŃ Dikiri Yesu dē kū annabinŃ dō, akūsō ò pèwá. N yā di ká Luda guro, ò ibereē sē kū gbē sīnda pínki. ¹⁶ Ódi

kpàwɛɛ ɔ̀ yā kŭ Luda dī gbē sura bao o buri pāndenɔɛ. Len durunna kŭ òdigō ke gɔɔ sīnda pínki òdigō didikōa le. Luda pɔfē kipa n̄ musu sà.

Timoti zīna Tesalonika

¹⁷ Ó gbēnɔ, kŭ o kēkōa gɔɔ pla, wé mé adi kō ero, ama ó laasun kúáwa. O á beɛ kè manamana, o mē wà kŭ ò wé sikōle. ¹⁸ Ó ye ò su á gwa dɔ. Makŭ Pɔlu ma suna zé wētē à de gēn do ke gēn plala, akŭ Setan kpàwɛɛ. ¹⁹ Tó ó Dikiri Yesu sù, dí mé anigō de ó tãmaa kŭ ó pɔnnao kŭ ó gāzubɔɔ ũ a arɛ á baasii? ²⁰ Zaakŭ ákɔnɔmɛ ó gakuri kŭ ó pɔnnao ũ.

3

¹ Kŭ ódi fō ò mena doro, o zɛo ò gō Ateni ó tēne, ² o ó gbēndo Timoti, Luda zikeri dake Kirisi baarunnakpanaa gŭn zīáwa, de à á gba gbāna à á nēse kpátɛáre á ludanaanikɛnaa gŭn, ³ de á gbēke laakari sún fute wétámmaanaa pì yāiro. Á dō kŭ á zīdao kŭ Luda abire taka òtɛwɛɛ. ⁴ Gɔɔ kŭ ó kŭ á kīnaa, o gīnake o óare kŭ oni wé táwá, akŭ à kè le lákŭ á dō ná. ⁵ Abire yāi kŭ mani fō mà mena doro, ma a zī à á ludanaanikɛna gwa. Ke Ibilisi á yō à á gwá, ó zī kè pān yá, ó dōro.

⁶ Kŭ Timoti sù sà, à á ludanaanikɛna kŭ á yenyīo baaruu kpàwɛɛ. Á pì ó yā òdigō dɔágu kŭ laasun manaa, akŭsō átɛni ó beɛ ke lákŭ ótɛni á beɛ ke ná. ⁷ Ma gbēnɔ, á ludanaanikɛna yā mé à tò ó laakari kpatena á yā musu ó wétámmaana kŭ ó wario gŭn pínki. ⁸ Zaakŭ á zena gíngin Dikiri gŭn, tera o ïam pà sà. ⁹ Óni fō ò Luda sáabu kpá á yā musu. O ó Luda sáabu kpà manamana kŭ pɔnna zōkō kŭ odì ke a arɛ á yāiio. ¹⁰ Gwāani kŭ fānantēo odigō wé ke manamana, de ò le ò wé sikōle, ò pó kŭ à kīa á ludanaanikɛnaa gŭn papaáre.

¹¹ Luda ó De kŭ ó Dikiri Yesuo zé porowɛɛ ò su ò á gwa. ¹² Dikiri yenyī kŭ á vī kŭ kōo kŭ gbē sīnda pínki karaáre, à dadaála lán yenyī kŭ ó vī kááo bà, ¹³ à á swē gba gbāna de àgō kun gbāsī sari taarisaridenɔ ũ Luda ó De arɛ ó Dikiri Yesu kŭ á gbēnɔ pínki sugɔɔa.

4

Kunna lákŭ Luda yei ná

¹ Yā kŭ à gōn dí, ma gbēnɔ, a mà ó kīnaa lákŭ à mana á kunna ká Ludagu ná. Á kunna de le kò, ama óten wé keáwa, óten kúte keáre ó Dikiri Yesu gŭn, àgō kun le àgō géo. ² Á yā kŭ o dàáre kŭ Dikiri Yesu tóo dō. ³ Luda ye á kunna gō adona, à mì kē papákenaa. ⁴ Á baadi gō a zīda kŭna dō kŭ bèereɛo gbāsī sari, ⁵ adi ke kŭ dà vāni nidenaa lán kifiri kŭ ò Luda dōronɔ bānlo. ⁶ Yā pii musu gbēke sún a gbēdake taki ke ke à taari kɛnero, zaakŭ Dikiri ni wé tá yā bire taka kèrinɔ a lákŭ o gīnake o óare ná, o á sã gào. ⁷ Luda dí ó sísi ògō kŭ kŭ gbāsīoro, séde ó kunna gō adona. ⁸ Abire yāi gbē kŭ à gī yādannɛna dí, adi ke bisāsirin à gīro, Luda kŭ àdi a Nini kŭ à kŭ adona daógun à gī.

⁹ Óni le ò yekōina yā oárerɔ, zaakŭ kŭ á zīdao Luda yekōinaa dàáre. ¹⁰ Á kunna de le kò, á ye ó gbē kŭ ò kŭ Masedonia bŭsu gŭnɔi n̄ pínki. Ma gbēnɔ, o lé dàáwa, àgō ke le àgō géo, ¹¹ à zé wete àgō kun yáketɛ sari, á baadi á zīda yā ke à á zīda zī ke, lákŭ o òtɛáre ná, ¹² de á kunna le à ká bàidenɔgu, de àsun fu á zīdaa à da gbēkeiro.

Dikiri sunaa

¹³ Ma gbēnɔ, o ye àgɔ yāpura dɔ gbē kũ ò andunia tònɔ yā musu, de á pɔ súngɔ sira lán gbē kũ ò támaa vīronɔ bàro yāi. ¹⁴ Zaakũ o sì kũ Yesu gà à fùte, len dɔ Luda ni tó gbē kũ ò andunia tò Yesu gũnnɔ era ò su kāao lɛlɛ.

¹⁵ Yā kũ òten oáre dikīna bi Dikiri yādannenaame. Ókɔnɔ gbē kpara kũ ónigɔ kun ari Dikiri sugɔɔ zīnɔ, óni do gbē kũ ò andunia tóo pìnɔne arero. ¹⁶ Dikiri mé ani bo ludambe, à kipa kũ yáditennenaao kũ malaika gbē zɔkɔ kòtooo kũ Luda kākāki ɔo, gbē kũ ò gà Kirisi gũnnɔ ni vu bona gan káaku, ¹⁷ abire gbera ókɔnɔ gbē kpara kũ ó kunnɔ, oni ó sɛte kũnwo lɛlɛ ari ludambe lukun ò da Dikirilɛ ĩa gũn, gbaso ògɔ kú kāao ari gɔɔ sīnda pínki. ¹⁸ Abire yāi à kɔ laakari kpáte kũ yā piio.

5

¹ Ma gbēnɔ, yā pì kena ke a kegɔɔ oárena zé vīro, ² zaakũ á dɔ sānsān lākũ kpāni dì su gwāani nà. Len anigɔ de Dikiri sugɔɔ zī lɛ. ³ Tó gbēnɔ ten pi, ó aafia, ó kun ó laakariia, kakatena ni surīma kānto lākũ né'iwāwā dì su nòsindarea nà, oni boro. ⁴ Ákɔnɔ sɔ ó gbēnɔ, á kú gusiranlo, gɔɔ pì ni suāwa lán kpāni bàro, ⁵ zaakũ gupura gbēnɔ á ũ, fānantɛ gbēnɔ á ũ á pínki. Gwāani ke gusira gbēnɔ ó ũro. ⁶ Abire yāi òsun i o lán dakenɔ bàro. Ó itɛ ke ògɔ kú ó laakariia. ⁷ I'orinɔ dì i o gwāani, wēderinɔ sɔ òdi wēde ke gwāani. ⁸ Ókɔnɔ sɔ, zaakũ fānantɛ gbēnɔ ó ũ, ògɔ kú kũ laakariio, ò ludanaanikena kũ yenyīo da mò uta ũ, ò surabana támaa kú mò fūra ũ. ⁹ Zaakũ Luda dí ó dite à pɔfɛ kipawáro. Á ó dite à ó sura ba ó Dikiri Yesu Kirisi gāime. ¹⁰ Ákũ mé à gà ó yāi de ògɔ kú kāao, tó ó bēne ke o andunia tòn yá. ¹¹ Abire yāi à lé dakɔa, à kɔ gba gbāna, lākũ áten ke nà.

Pɔlu yáditena Tesalonikadenɔne

¹² Ma gbēnɔ, o wé kèáwa, à bèere lí gbē kũ òdi zī ke á ténɔne, kũ ò iko víáwa Dikiri gũn, òteni á da zéanɔ. ¹³ Á n̄ gakuri dɔn̄ne manamana yenyī gũn zī kũ òten ke yāi. Àgɔ nna kũ kɔo. ¹⁴ Ma gbēnɔ, o lé dàáwa, à fayasaridenɔ da zén, à gbē yīdanɔ gba swèè, à laakari dɔ gbānasaridenɔa, à mena kũ gbē sīnda pínki. ¹⁵ À laakari ke, á gbēke sún a vāni fina bo kũ a vānioro. Á zé wete àgɔ a mana kekɔne kũ gbē sīnda pínki gɔɔ sīnda pínki.

¹⁶ Àgɔ kú kũ pɔnnao gɔɔ sīnda pínki. ¹⁷ Àgɔ adua ke lakanaa sari. ¹⁸ Àgɔ Luda sáabu kpá yā sīnda pínki musu. Abire mé à deáre a pɔyenyīna ũ Kirisi Yesu gũn. ¹⁹ Àsun Luda Nini té kũ àdi kángu dedero, ²⁰ àsun annabikéyā gya boro. ²¹ À yā sīnda pínki tàasi ká, àgɔ a mana kũna, ²² à mi kē vānikena buri sīnda pínkia.

²³ Luda Aafiade tó á kunna gɔ kú adona yā sīnda pínki gũn, à á nini kũ á wèndiio kũ á mèeo dākpáare aafia taari sari ari ó Dikiri Yesu Kirisi sugɔɔ. ²⁴ Luda kũ à á sísi à á sé náani vī, ani yā pì keáre.

²⁵ Ma gbēnɔ, à adua kewere. ²⁶ À fɔ kpá ó gbēnɔa n̄ pínki kũ Luda gbēnɔ lépemmaanao. ²⁷ Ma naáre Dikiri, à takada dí kyó ke ó gbēnɔne n̄ pínki. ²⁸ Ó Dikiri Yesu Kirisi gbēke keáre.

TESALONIKADENŃ TAKADA PLADE

Yakpatekena Kirisi sugɔɔa

¹ Makū Pɔlu kū Silasio kū Timotio, ókɔnɔ mé o takada díkína kè Tesalonika sɔsi gbē kū ò kú Luda ó De kú Dikiri Yesu Kirisioo gūnnɔnɛ.

² De Luda kú Dikiri Yesu Kirisio gbēke keáre, à á gba aafiaa.

³ Ó gbēnɔ, à kù ògɔ Luda sáabu kpá á yá musu gɔɔ sīnda pínki, lákū à mana nà, zaakū á ludanaanikena ten gé arɛ manamana, akūsɔ yenyī kú á baadi vī kú kɔo ten kara. ⁴ Abire yāi odi lé gbē á yá musu Luda sɔsinɔ gūn, lákū áten wétámmama kú wari pínkió fɔ nà kú menao kú ludanaanikenaao. ⁵ Abire m̀wɛrɛ kú Luda dì yá gɔgɔ kú gbēnɔ a zéame. Abire yāi a ka à gē kpata kú à bò Luda kīnaa gūn kú áten wari ke a yāi. ⁶ Luda dì yá ke a zéame. Ani wé tá gbē kú òten wé tááwanɔ, ⁷ ani ákɔnɔ kú òteni wé tááwanɔ gba ĩampaki kú ókɔnɔ, tó Dikiri Yesu bò ludambe kú a malaika gbānanɔ ⁸ kú tévuraao. Ani wé tá ludad̄risari kú odi ó Dikiri Yesu baaru nna síronɔa. ⁹ Kakatena lakanasarin Luda ni wé táom̄ma. Oni n̄ kpake Dikiri arɛ kú a gbāna gakurideo. ¹⁰ Tó à sù gɔɔ pí zī, ani tó bo a gbēnɔ yá musu, gbasaa a nánikerii pìnɔ a mana bo n̄ pínki. Anigɔ kú n̄ té, zaakū a yá kú o óáre sí.

¹¹ Abire yāin odigɔ adua keáre baala'i, de ó Luda tó á kunna ká gwena kú à á sísia, à yá mana kú a ze kú a kenaaonɔ kú zī kú áten ke a nánikenaa gūnnɔ pínki papaáre kú a gbānao. ¹² Dikiri Yesu tó ni bo á musu, ákɔnɔ sɔ á tó ni bo a musu ó Luda kú Dikiri Yesu Kirisi p̄io gbēke yāi.

2

Ludayadarisari

¹ Ó gbēnɔ, Yesu Kirisi suna kú ó kɔkakaranaao de ò daale yá musu, o wé kēáwa, ² àsun tó á laakari fute aragaro. Tó annabi yáke waazi ke takada kú ò pí à bò ó kīnaa pí, Dikiri sugɔɔ kà kò, àsun bídi kero. ³ Àsun tó gbēke á sate kú yá bire takaoro, zaakū gɔɔ bire ni suro, séto gbēnɔ bona Luda kpe gɔɔ kà gīa kú ludayadarisari kú à mii pē kakatena zéa bona gupuraao. ⁴ Ani gí pɔ kú òdi n̄ dite dikiri ūnɔi kú pɔ kú òdi donyī kénnɛnɔ pínki, ani a zīda bi deńla, ani gé à vute Luda kpén, à a zīda dite Luda ū se. ⁵ Gɔɔ kú má kú kááo ma yá p̄i óáre. Ádi dɔnloo? ⁶ Á dɔ pɔ kú áteni a dádá de àsun bo a gɔɔ áro yá? ⁷ Zaakū ludayādanasari ten ɔ tá asiri gūn kò. Ani boro, séto gbē kú áten kpáne gò zén baasiro, ⁸ ludayādarisarii pí ni gbasaa à bo sà. Dikiri Yesu ni a de kú a lé'iao, à a kakate kú a suna gakurio. ⁹ Ludayādarisari pí ni su kú Setan gbānao à daboyānɔ kú yābonsarenɔ ke kú sēda éke buri sīnda pínkió. ¹⁰ Ani manafiki buri sīnda pínki ke gbē kú ò mii pē kakatena zéanɛ, kú ò ḡi yāpura kú ani n̄ sura bai yāi. ¹¹ Abire yāi Luda ni likarana pásī zírma de ò éke náani ke. ¹² Yá ni gbasaa à vute gbē kú odi yāpura síro kú òdi pɔnna ke kú a vānionɔa n̄ pínki.

Luda á sé de à á sura ba

¹³ Ó gbē Dikiri yenyidenɔ, à mana ògɔ Luda sáabu kpá gɔɔ sīnda pínki á yá musu, zaakū Luda á sé zaa káaku, de à bo kú a Nini kú à tò o gɔ a pɔ ū gbānao á yāpura sina yāi. ¹⁴ Luda á sísi à á sé baaru nna kú o kpááre yāi, de á baka gɔ kú ó Dikiri Yesu Kirisi gakuri gūn. ¹⁵ Abire yāi ó gbēnɔ,

à ze gbāna, àg̃ō yā kũ o dàáre kũ léo ke takada gũn kũna. ¹⁶ Ó Dikiri Yesu Kirisi kũ Luda ó Deo yewáí, a gbēke gũn à ó laakarii kpátewere ari goro sīnda pínki, à tāmaa mana dàógu. ¹⁷ Á á laakari kpátéare, à á gba gbāna yāmanakena kũ yāmana'onaaoo gũn pínki.

3

À adua kewere

¹ Yā kũ à g̃on dí, ó gbēno, à adua kewere, de Dikiri yā le à dagula likalika, àg̃ō bèere vīñne lákũ à vī á kīnaa nà. ² À adua kewere de à ó bo gbē vāni d̃rosaridenŃ oī, zaakũ adi ke gbē sīnda pínki mé à Luda yā siro. ³ Dikiri náani vī, ani á gba gbāna, ani á sí a vānia. ⁴ O á náani kè Dikiri gũn kũ áten yā kũ o óareno ke, akũs̃ ániḡō ke. ⁵ Dikiri tó à Luda yenyī kũ Kirisi menao gbáze d̃s̃ á swèn.

Òsun ma'a kero

⁶ Ó gbēno, o naáre Dikiri Yesu Kirisii, à kē ó gbē kũ ò ma'a vīnoa, kũ òdi zī ke kũ yā kũ o dànéoronŃ. ⁷ Á d̃s̃ kũ á zīdao, kũ à mana àg̃ō té ó ágbai, zaakũ ma'ādenŃn ó ũ goro kũ ó kú á téro. ⁸ Ódi gbēke p̃oble sí o blè fīnabonaa sariro, o zī kè gwāani kũ fānantēo, o wari kè ari í siwá, de òsun g̃ō á gbēkene aso ũro yāi. ⁹ Ó a zé vī à kpáwáí, ama o kè le de à ó ágba sé yāime. ¹⁰ Goro kũ ó kú kááo, o d̃ite kũ gbē kũ à ye zīkenaaairo ni p̃o blero. ¹¹ O mà kũ á gbēkenŃ ma'a vī, òdi p̃oke kopiro, séde gude. ¹² O d̃ite gbē bire takanŃne, o nañne Dikiri Yesu Kirisii, ò vuteki kũ ò zī ke ò n̄ zīda gwa.

¹³ Ák̃no s̃s̃ ó gbēno, àsun kpasa kũ yāmanakenaaooro. ¹⁴ Tó gbēke dí yā kũ o óare takada dí gũn daro, à a yā bo à d̃ite. Àsun kakara k̃aaoro, de wé'i le à a kũ yāi. ¹⁵ Ama àsun a sé á ibere ũro, à lé daa á gbēndo ũ.

¹⁶ Dikiri Aafiade á gba aafia goro sīnda pínki yā sīnda pínki gũn. Dikiri g̃ō kú kááo á pínki. ¹⁷ Makũ Polu makũ mé ma f̃okpammana d̃ikīna k̃ē kũ ma zīda o. Abirekūme ma takada pínki s̃eeta ũ, len mad̃i k̃ē le. ¹⁸ Ó Dikiri Yesu Kirisi gbēke kéare á pínki.

TIMŌTI TAKADA KAAKU

Yadannerinɔ gbana laakarii

¹ Makū Pɔlu, Kirisi Yesu z̄rii lākū Luda ó Surabari kū Kirisi Yesu kū ó wé d̄iio d̄itemene nà, ² ma takada dí kènne Timŏti, ma né'ina Yesu zé gūn. De Luda kū ó Dikiri Kirisi Yesuo gbēke kenne kū s̄uruo à n gba aafiaa.

³ Lākū ma nakamma nà gɔɔ kū maten gé Masedonia b̄usun, ñ ḡs Efesu ñ o gbēkenone òsun yā kū àdi k̄s sé kū Luda yāoro dañne doro. ⁴ Òsun laakari d̄o gara kū dizinɔ t̄s k̄nɔwena kū à lé v̄irooa doro. Abire di su kū lékpak̄sanaaome. Àdi tó Luda z̄i kū àdi bo a náanikenaa gūn gé arero. ⁵ Ma yā p̄i d̄ite de òḡs yenyī v̄i yāime, yenyī kū àdi bo n̄es̄pura kū laasunl̄ena dok̄s̄nɔ kū ludanaanikena manafikisarioo gūn. ⁶ Gbēkenɔ p̄a yā p̄inone ò ḡè yā p̄āp̄a onan. ⁷ Ò ye òḡs de Musa doka yadannerinɔ ũ, ama ò yā kū òten o gbāze d̄oro ke yā kū ò z̄eanɔ.

⁸ Ó d̄s kū doka p̄i mana, tó gbē ten z̄i kea a z̄éa. ⁹ Ó d̄s d̄o kū Luda dí doka d̄ite gbē mananɔ yāiro, séde dokadarisarinone kū s̄āgb̄anadenɔ kū ludawekerisarinɔ kū durunnakerinɔ kū ludad̄risarinɔ kū donȳrisarinɔ kū de kū dao d̄erinɔ kū gb̄ēderinɔ ¹⁰ kū zinakerinɔ kū p̄āp̄āb̄ēnek̄erinɔ kū l̄āgilaginɔ kū éked̄enɔ kū yad̄immarinɔ kū gbē kū òdi bo yadannena z̄éde kp̄enɔ ñ p̄inki. ¹¹ Yāzede p̄i k̄s si kū baaru nna gakturide kū Luda arubarikade a kpanaa n̄amen̄e ma ɔ̄o.

Lākū Luda gbēke k̄e Pɔlun̄e nà

¹² Ma Kirisi Yesu ó Dikiri kū à ma gba gbāna s̄āabu k̄e, zaakū à ma náani k̄e à ma se mà z̄i keare. ¹³ Ma a t̄s b̄ēne s̄i yā, ma wé t̄a a gb̄enɔa, ma gbāna m̄òñne. Bee kū abireo à s̄uruu k̄e k̄ūmao, zaakū ma k̄e w̄es̄irak̄enaa gūmme kū a náanikenasario. ¹⁴ Akū ó Dikiri gbēke z̄s̄k̄o k̄emene, à t̄o ma a náani k̄e, akū má yenyī kū à de ó p̄s ũ kunna Kirisi Yesu gūn v̄i. ¹⁵ Yā d̄ík̄ina bi yāpurame, à k̄ū ò s̄i ɔ̄plapla. Kirisi Yesu s̄u andunia gūn durunnakerinɔ surabana yāi. Makū, ma durunna mé à de dakenɔ p̄ola, ¹⁶ akū Luda ma w̄enda gwà, de mena z̄s̄k̄o kū Kirisi Yesu k̄e kū makū durunnakeri k̄asaraao bo gupuraa, de àḡs de s̄ēda ũ gbē kū oni a náani ke ò w̄ēndi kū àdi lākaro lenone. ¹⁷ Luda m̄ēn do légelege, gɔɔ s̄inda p̄inki Kina kū àdi garo ak̄s̄ òdi a e kū w̄éoro ḡs b̄ēre v̄i kū gakurio gɔɔ s̄inda p̄inki, aami.

¹⁸ Ma né Timŏti, lākū ò ḡinake ò annabik̄eyā ò n yā musu nà, maten yā p̄i danne, de ñḡs k̄ūna ñ z̄i mana k̄áo ¹⁹ ludanaanik̄enaa gūn kū laakar̄iio kp̄atena. Gbēkenɔ yā p̄inɔ kp̄a s̄akoto, akū ñ ludanaanik̄enaa di lé k̄úte. ²⁰ Im̄en̄u kū Alesandao kú ñ té. Ma ñ kp̄a Setanwa, de òḡs d̄s kū òdi d̄oke kū Ludaoro.

2

Donȳkenaa

¹ Káaku ḡia ma lé d̄amma, à adua ke gbē s̄inda p̄inkine à zé gbekañne, à k̄úte ke Ludane ñ yāi kū s̄āabukpanaa. ² À adua ke k̄inanone kū gb̄anadenɔ ñ p̄inki, de ò le òḡs kun aafia yākete sari ludayāmarinɔ ũ, ó kunna ḡs b̄ēre v̄i. ³ Abirekū mé à mana, àdi ká Luda ó Surabarin. ⁴ À ye gbē s̄inda p̄inki surabana le òḡs yāpura d̄s.

⁵ Zaakū Luda mèn dome,
akūsō yākekeri kun mèn do
Luda kū bisāsirinŋ dagura,
ākūme bisāsiri Kirisi Yesu ū.

⁶ À a zīda kpà à gbē sīnda pínki bò,
akū ò a sèedaa kè a gɔɔa.

⁷ Abire yāi Luda ma dite a kpàkpakeri kū a zīriio ū, de mà a donyī zé
yāpurade da buri pāndenŋe. Yāpuran maten o, adi ke ékenlo.

⁸ Má ye gōgbēnŋ adua ke gu sīnda pínkia, ò ɔ sé musu gbāsī sari, pofē
kū lékpakānaao sari. ⁹ Má ye do nōgbēnŋ n zīda keke a zéa yōgōkenaa
sari, zīdamōnŋnaa baasi. Adi ke kū mī yōgōde tānaao ke wura kū òso
nōmanablebōnŋ ke biza ɔgōdenŋonlo. ¹⁰ Ò n zīda keke kū yāmanakenaa
lákū à kù nōgbē donyīrinŋ ke nà. ¹¹ Nōgbēnŋ yā dada yītena, ò mī nate
yā sīnda pínki gūn. ¹² Madī we nōgbēnŋ yā dada gōgbēnŋe ke ògō iko
vīrmāro, séde ògō yītena kítikiti. ¹³ Zaakū Adamun Luda kè káaku, a
gbera Awau. ¹⁴ Adi ke Adamun ò sàtero, nōgbēn ò sàte à gō taaride ū.
¹⁵ Ama tó nōgbēnŋ mena fō kū ludanaanikenaa kū yenyīo kū kúadonaa
zīdamōnŋnaa baasi, oni né i aafia.

3

Sosi gbē zōkōnŋ

¹ Yā dīkīna bi yāpurame: Tó gbē ye à ke gbē zōkō ū, àten zī mana ni de.
² Gbē zōkō gō kun taari sari, nōmendode ū, laakaride ū. Àgō a zīda kūna dō
gbē fayade ū, nibōkūri ū, gbē kū ani fō à yā dañne ū. ³ Àsungō de wēderi ke
gbē pāsī ūro. Àgō de nēsēdode yāketesaride ū. ɔgō sún done arero. ⁴ Àgō a
ɔn kūna dō, a néno gō mī natene ògō a ɔdōki gwa. ⁵ Zaakū tó gbē a ɔn kūna
dōro, ani ke dera à fō à Luda sosi gbēnŋ gwaa? ⁶ Àsungō de Yesude dufu ūro,
de àsun ĩa dā à a zīda da yān lán Ibilisi bàro yāi. ⁷ Àgō tó nna vī Yesusaridenŋ
kīnaa do, de òsun a tó ĩni sí, à zu Ibilisi tankutenlo yāi.

Sosi kpanyīrinŋ

⁸ Leme do kpanyīrinŋ gō de gbē bēerēdenŋ ū. Òsungō de lépladenŋ ūro. Wē
yā sún doñne arero. Òsungō de ɔgō vāni weterinŋ ūro. ⁹ Ògō Yesu yā asirinŋ
kūna kū nēsēpurao. ¹⁰ Ò n yā gwa gīa, tó ódi yāke lerīmaro, gbasa ò n dite
kpanyīrinŋ ū. ¹¹ Leme do n nōnŋ gō de nōgbē bēerēdenŋ ū, laakaridenŋ ū,
ògō náani vī yā sīnda pínki gūn. Òsungō de kōrōmōtōdenŋ ūro. ¹² Kpanyīri
gō de nōmendode ū, àgō a ɔn kū a néno kūna dō. ¹³ Gbē kū ò n zī kè a zéano
gwena nigō mana, n laakari nigō kpatena n Kirisi Yesu náanikenaa gūn
manamaña.

Ó donyīze asiri zōkō

¹⁴ Bee kū maten yā dínŋ onne, ma dite mani su n gwa saa. ¹⁵ Tó ma suna
sù à gii kè, má ye ògō dō lákū à kù ògō kun Luda ɔndenŋ ū nà. ɔnde pīnōme
Luda Wēndide sosi ū, yāpura péteki ū kū a gbānalekio. ¹⁶ Ó donyīze asiri
kū à bò gupuraa zōkō yāpurame:

À bò à sù bisāsiri ū,
Luda Nini yāpura kpàa,
malaikanŋ a è.
Ò a yā waazi kè burinŋ té,

ò a náani kè andunia gūn,
Luda a sè à tà k̄āao gakuri gūn.

4

Tē yāno

¹Luda Nini ò swáswa kū gɔɔ kpede gbēkeno ni pā kpá Yesu zéi, ò té yā kū t̄ānāno dì ékedenɔ da a onanyī ò n̄ s̄āte. ²Manafikide p̄ino a mana d̄sk̄one kū a v̄ānioro, n̄ n̄ese gana lākū ò pi gē wānan ò k̄eò bà. ³Òdi gbēno dādā no s̄enaai kū zākēnaao, akūs̄ òdi p̄oble t̄ēbona d̄ite gbēno, p̄oble kū Luda k̄e a n̄ānikeri kū ò yāpura d̄no yāi, kū à de ò ble kū s̄ābukpanaao. ⁴P̄o kū Luda k̄e s̄inda p̄inki maname. Òsun a ke t̄ē boro, ò ble kū s̄ābukpanaao, ⁵zaakū Luda yā kū ó aduakēnaao gbāsī b̄on.

Kirisi Yesu z̄ikeri mana

⁶Tó n yā p̄ino dà n gbēno, ñiḡo de Kirisi Yesu z̄ikeri mana ū kū ò gwà kū ó donyīze yāno kū yādanne mana kū n̄ t̄ēiio. ⁷Ñ m̄i k̄e fut̄eokaragara kū àdi k̄s̄ sí kū Luda yāoroa. Ñ n z̄ida t̄utu ke de ñḡo de ludayāmari ū. ⁸M̄ētutukēnaa àre v̄i f̄iti, ama dena ludayāmari ū àre v̄i yā s̄inda p̄inki gūn, zaakū abire dì su kū w̄ēndiio gbāra kū ziao. ⁹Yā d̄ík̄ina bi yāpurame, à kà ò sí ɔplapla. ¹⁰Òdi z̄i ke òdi ɔsi ká a musu, zaakū ó wé d̄o Luda W̄ēndidei. Àkūme gbē s̄inda p̄inki Surabari ū, at̄ēnsa a n̄ānikerin̄o.

¹¹Ñ yā p̄ino d̄iteñe ñ dadañe. ¹²Ñsun tó ò n kefennakēna gya boro. Ñ tó n k̄unna zé m̄o Yesu n̄ānikerin̄one yā'onaa gūn kū yākēnaao kū yenyīo kū ludanaanikēnaao kū k̄unna gbāsī sario. ¹³Ari m̄aḡo su ñ wé t̄ā ñ Luda yā kyó ke gbēno, ñ dañe ñ lé daor̄ma. ¹⁴Gba kū Luda d̄anne gɔɔ kū ò annabikēyā ò n yā musu, akūs̄ gbē z̄ōk̄no ɔ n̄ānamma, ñsun p̄a kp̄airo. ¹⁵Ñ laakari d̄o yā p̄ino ñ m̄e kp̄aa, de gbē s̄inda p̄inki n gena are e. ¹⁶Ñ n z̄ida yā kū n yādannēnaao t̄āsi ká. Ñḡo gé are kū yā p̄ino. Tó n k̄e le, ñni n z̄ida sura ba kū gbē kū òten s̄a kp̄a n yāin̄ome.

5

Gyaano kū don'arēdeno yā

¹Ñsun kp̄ak̄ē mare z̄ōk̄oiro. Ñ lé daa lán n de bà. Ñ lé da kefennano lán n v̄ini kū n dakūnāno bà. ²Ñ lé da no gbē z̄ōk̄o lán n da bà, ñ lé da no gbānaa lán n d̄are bà kū n̄esepurao.

³Ñ kp̄a gyaano kū ò gbēke v̄iron̄o. ⁴Tó gyaano n̄eno v̄i ke daikoren̄o, ò n̄ dan̄o gwanaa dada ḡia n̄ donyīkēnaa gūn, ò f̄ina bo n̄ den̄one kū n̄ dan̄o, zaakū abirekū dì ká Ludagu. ⁵Gyaano kū à gbēke v̄iro wé d̄o Ludai, àḡo adua ke àḡo kp̄anyī gbekaa gwāani kū f̄ānant̄e. ⁶Gyaano kū a z̄ida p̄oyeinaa dì done are bi ḡeme, bee tó à b̄ēne. ⁷Ñ yā p̄ino dañe de gbēke s̄un n̄ taari ero. ⁸Tó gbē teni a dan̄o gwaro, at̄ēnsa a ɔnden̄o, à b̄o Luda yā kp̄eme, Yesusaride deala. ⁹No gbē kū à de ò da gyaano t̄én di: No gbē kū à kà w̄ē baaak̄s̄, akūs̄ à z̄ā k̄e ḡēn do, ¹⁰ò a d̄s̄ yāmanakeri ū, n̄egwari mana ū, nibokūri Luda gbēno gbá pipiri ū, takaside kp̄anyīri ū, no gbē kū à m̄e kp̄a yāmanakēna p̄inkia ū. ¹¹Ñsun gyaano no gbānāno danlo, zaakū tó n̄ ḡs̄ nidēnaa fut̄e, n̄ nana Kirisia ni busame, oniḡo ye ò z̄ā ke, ¹²ò n̄ z̄ida da yān, kū ò lé kū ò s̄ēne yā gb̄oro yāi. ¹³Abire gbera òdi ma'á dada, òdiḡo ḡēḡe ɔn kū ɔnnwo. Adi ke ma'āden̄ome n̄ ū adoro, òdi ḡs̄ gb̄epiri gud̄erin̄o

ũme dɔ, òdi yā kũ à de ò oro o. ¹⁴ Abire yāi má ye gyaanɔ nɔ gbānanɔ zā ke, ò né i ò laakari dɔ bea, de òsun ó iberenɔ gba zé ò ó tó vāni síro yāi. ¹⁵ N gbēkenɔ bò ò tè Setanyī kò. ¹⁶ Tó Yesude nɔgbē ke gyaanɔnɔ vī a bea, àgɔ kpányī. Àsun tó ò gɔ sɔsine aso ũro, de ò le ò kpá gyaanɔ kũ ò gbēke vironɔi yāi.

¹⁷ Gbē zɔkɔ kũ àdi doñne are a zéaa kà ò fīna bone leu pla, atēnsa gbē kũ à waazikena kũ yādannenaao kokari vī. ¹⁸ Luda yā pì: Àsun lésɔ da zù kũ àten pɔ gbēnero. À pì dɔ: Zīkerii kà à a làada le. ¹⁹ Nsun gbē kũ à sù kũ gbē zɔkɔ káarao yā síro, séto sèedadeno kà gbēnon pla ke aakɔ baasiro. ²⁰ N kpākē gbē kũ ò durunna kēnɔi gbē sīnda pínki wára, de vīna le à gbē kparanɔ kũ. ²¹ Ma nanne Luda kũ Kirisi Yesuooi kũ malaika kũ à n sēnɔ, ngɔ yā pìnɔ kũna, nsun gbēke tè boro. Nsun yāke ke gbēkene úblembē yairo. ²² Nsun wā n ɔ na gbēa n a da Luda zīnlo. Nsun tó n ɔ gɔ kú gbēke durunna gūnlo. Ngɔ n zīda kũna gbāsī sari. ²³ Nsun í pā mi atēnero. Ngɔ sèwē gá fiti n nēse yāi kũ n gyākēna gēn baaakɔo.

²⁴ Gbēkenɔ durunna di bo gupuraa ari ògɔ gé a yā gɔgɔ kũnwo, gbēkenɔ sɔ n pɔ di bo likalikaro. ²⁵ Lemε dɔ yāmanakenaa di bo gupuraa, bee a kũ odi ero ni le à gɔ utenaro.

6

¹ Gbē kũ ò de zò ũnɔ n dikirinɔ dite gbē bèeredenɔ ũ ò mì nateñne a sīnda pínki gūn, de òsun Luda tó kũ yā kũ odi dañneo vāni boro yāi. ² Gbē kũ n dikirinɔ de Yesu náanikeri ũnɔ sún dɔke kũnwo kũ ò de kɔ gbēnɔ ũ yairo. Ó zò bleñne manamana, zaakũ gbē kũ òteni n zī àre blenɔ bi Yesu náanikerinɔme, n gbē yenyidenɔme. N yā pìnɔ dañne, n lé daomma.

Yena ɔɔi

³ Tó gbēke ten yā pānde dañne, akūsɔ adi ze kũ ó Dikiri Yesu Kirisi yāzedeo kũ ó zé yādannenaao, ⁴ ĩadāriime, à yāke dɔro, lékpakɔana kori kũ yāgwana lakanasario a kũ gyā ũ. Yā bireno di tó gbēnɔ nēsēgɔba kpá, ò fiti ke, ò kɔ sɔsɔ, ò laasun vāni lé kũ kɔo, ⁵ ògɔ ĩni kũ kɔo. Gbē pìnɔ laasun kotina, yāpura n kē, òdigɔ da donyīkena bi ɔɔwetezeme. ⁶ Donyīkenaa àre zɔkɔ yāpura, tó gbē zè kũ pɔ kũ à vīo. ⁷ Zaakũ ódi su kũ pɔkeo andunia gūn laró, óni tá kũ pɔkeo sɔro. ⁸ Tó ó pɔble kũ pɔkasanɔ vī, abirekũ mò le. ⁹ Gbē kũ ò ye ò gɔ aruzekede ũnɔ di n zīda da yōogwana tankuten. Pónidena misari kari di gēngu à n kpá kisira kũ kakatēnaooi. ¹⁰ Yena ɔɔi mé à de yā vāni sīnda pínki zīni ũ. Gbēkenɔ a kɔde kē ari ò kē ó donyīzea ò wāwā zɔkɔ kpà n zīdai.

Nɔsi mana ká

¹¹ Zaakũ Luda gbēme n ũ, n bàa sí yā pìnɔne, n tó yā mana gɔ donne are kũ yākēna a zéaa kũ ludanaanikēnaao kũ yenyīo kũ menao kũ busekēnaao. ¹² N ó donyīze ɔsi mana ká, n wēndi kũ àdi lākaro sí, zaakũ abirekūn Luda n sisia ɔɔrɔ kũ n lé mana sēne pari wára. ¹³ Ma nanne Luda kũ àdi wēndi kpá pɔ sīnda pínkiaai kũ Kirisi Yesu kũ à yā mana ò Pōntiu Pilatinεo, ¹⁴ ngɔ yā kũ ò ditēne kũna gbāsī sari taari sari ari ó Dikiri Yesu Kirisi sugɔrɔ zī. ¹⁵ Gbānade mēn do Arubarikade, kīnanɔ Kína, dikirinɔ Dikiri mé ani Kirisi pì bo gupuraa a ɔɔrɔa. ¹⁶ Àkũ mé àdi garo ado,

àdigõ kú gupura kú òdi f̄s ò nairo gūn. Gbēke dí wé sialero, oni f̄s sero. Àkū mé à gakuri kú gbānao vī gɔrɔ sīnda pínki, aami.

¹⁷ Ñ o andunia tera díkīna aruzekedenɔne, òsun ĩa dāro. Òsun gbāna le ɔgɔda náanisariaro, ò gbāna le Luda kú àdi pò sīnda pínki kpáwá z̄sk̄s ò pɔnna keooa. ¹⁸ Ñ oñne ò a mana ke, ò nna keñne, ò ɔ poroñne, òḡs gbēke vī. ¹⁹ Lán abirekū bà oni zàna mana di n̄ zīdane aruzenna pò ũ, oni wèndi kú à de wèndi ũ yāpura le.

²⁰ Timoti, ñ yā kú Luda nàñne n ɔĩ kú gbāna. Ñ mì kē ludayādanasari yā pāpā onaaa kú yālekperε'ona kú òdi pi dōnaao. ²¹ Gbēkenɔ zèò, akū ò pà ó donyīzenε.

Luda gbēke keárε.

TIMŌTI TAKADA PLADE

Pɔlu tɛkpana Timŏtigu

¹ Makū Pɔlu, Kirisi Yesu z̄rii Luda pɔyenyĩnaa gūn w̄endi kū à a lé sè Kirisi Yesu gūn yā musu, ² makū mé ma takada dí k̄enne, ma né yenyĩde Timŏti. De Luda kū ó Dikiri Kirisi Yesuo gb̄eke kenn̄e kū sùruuo, à n gba aafiaa.

³ Ma sáabu k̄e ma dizinɔ Ludan̄e kū madì doi kū n̄esepurao, zaakū n yā digō d̄magu lakanaa sari ma aduak̄ena gw̄āani kū f̄anant̄oo gūn. ⁴ Tó w̄et̄e kū à b̄omma yā d̄magu, madì n b̄ege kem̄e, madigō ye ò w̄é sik̄ole, de ma p̄onna ke z̄ók̄s̄. ⁵ N ludanaanik̄ena kū n̄es̄e m̄èn doo yā d̄magu. N dai Loisi kū n da Yunisio Luda náani k̄e le se, akūs̄ó má d̄s̄ s̄ans̄an kū nten ke le se.

⁶ Abire yāi maten d̄nḡu, ñ fute ñ ze kū gba kū Luda d̄ann̄eo ḡoɔ kū ma ɔ n̄amma, ⁷ zaakū Nini kū àdi ó gba gb̄ana kū yenyĩo kū z̄idakūnad̄ōnaaon Luda kp̄awá, adi ke nini v̄inadenlo. ⁸ Abire yāi ñsun w̄é'i kū kū ó Dikiri yā onn̄enaoro. Ñsun w̄é'i kū kū ma yāoro, makū kū ò ma da kp̄ésiran Kirisi yāi. Ñ wari kū òdi ke a baaru nna kpana yāi ke kūmao kū Luda gb̄anao. ⁹ Àkū mé à ó sura bà, à ó sísi o ḡo a p̄ó ũ. Adi ke yā kū o k̄e yāinlo, a z̄ida pɔyenyĩna yāime kū gb̄eke kū à k̄ew̄erezo zaade ḡoɔ dí naaro. ¹⁰ Gb̄eke p̄i b̄ò gupuraa ó Surabari Kirisi Yesu p̄i sunaa gūn sà. À ga gb̄ana k̄akate, à w̄endi kū m̄ev̄anasarioo b̄ow̄ere gupuraa a baaru nna kū òdi kpá gūn. ¹¹ Luda ma dite a z̄iri ũ, de mà baaru p̄i kp̄akpa ke mà a yā dañ̄e. ¹² Abire yāin maten wari dí kei, ama w̄é'i òdi ma k̄uro, zaakū má gb̄e kū ma a náani k̄e d̄s̄, akūs̄ó má d̄s̄ s̄ans̄an kū ani f̄s̄ à yā kū à n̄am̄ene ma ɔi d̄akp̄a ari a suḡoɔ z̄i. ¹³ Ñḡo yā kū n mà ma lén ari a z̄iniaa p̄i kūna yāzededann̄ena ágba ũ kū ludanaanik̄enaao kū yenyĩ kū ó v̄i Kirisi Yesu gūnwo. ¹⁴ Ñ yā mana kū Luda n̄am̄e n ɔi kū gb̄ana kū a Nini kū à kú ó gūn gb̄anao.

¹⁵ N̄ d̄s̄ kū Asia b̄usud̄enɔ ma zukūna ñ p̄ínki. Figelu kū Em̄ogen̄eo kú ñ té. ¹⁶ Dikiri w̄enda d̄s̄ On̄esif̄oru bed̄en̄e! Zaakū à sù à ma n̄es̄e kpat̄enam̄ene lé v̄iro, adi w̄é'i kū kū ma dana kp̄ésiran yāoro. ¹⁷ Kū à sù Romu ḡon̄o, à ma w̄ete ari à ḡēe à b̄oma. ¹⁸ Dikiri w̄enda d̄s̄ne ȳakpatek̄eḡoɔ z̄i. N̄ kp̄ányi z̄ók̄s̄ kū à k̄em̄ene zaa Efesu yā d̄s̄ s̄ans̄an.

2

Kirisi Yesu z̄ikari mana

¹ Mòk̄on s̄o ma né, ñḡo gb̄ana kū gb̄eke kū Luda v̄i k̄ūoo Kirisi Yesu gūnwo. ² Yā kū n mà ma ò pari w̄ara, ñ na gb̄e n̄aaniden̄ene ñ ɔi, kū oni f̄s̄ ò dada gb̄e p̄anden̄ene. ³ Ñ warik̄ena f̄s̄ k̄ūoo Kirisi Yesu z̄ikari mana ũ. ⁴ Andunia yā b̄ok̄ot̄enaa òdi do z̄ikari kū à kú z̄illanne arero, de a yā ká a dikirigu yāi. ⁵ Bàkpakūs̄uri s̄o, tó adi bàa lé a z̄éaro, ani z̄iblena f̄ura lero. ⁶ À kū búbari kū à z̄i gb̄ana k̄e a baka sé káaku. ⁷ Ñ laasun lé yā kū ma òo p̄in̄o, zaakū Dikiri ni n gba ñnd̄o a p̄ínki gūn.

⁸ Ñ d̄on kū Yesu Kirisi bi Dauda burime, akūs̄ó à vù bona gan. Baaru nna kū madì kpán gwe. ⁹ Abire yāin maten wari ke. Ò mòò k̄ama lán d̄akerii bà, ama Luda yā dí sí mò káaro. ¹⁰ Abire yāi madì yā s̄inda p̄ínki f̄s̄ gb̄e kū Luda

ń sɛno yāi, de mókɔno se Luda ń sura ba, ò gakuri kũ àdi lákaro le kunna Kirisi Yesu gũn. ¹¹ Yā díkĩna bi yápurame:

Tó o ga káao, ónigɔ kú káao.

¹² Tó o mena fɔ, óni kí ble káao.

Tó o ledi kpài, ani ledi kpáwái se.

¹³ Tó ó náani víro, à kpé náani ví, zaakũ ani we à ledi kpá a zĩdairo.

Dikiri zĩkeri mana kũ lékpakɔanaaoro

¹⁴ Ẹn yā pìnɔ do n gbɛnoḡu, ẹn nańne Ludai òsun lékpakɔana ke yāno musuro. À àre víro, àdi gbɛ kũ òten manɔ yakame. ¹⁵ Ẹn kokari ke de Luda n sáabu kpá, zĩkeri kũ àdi yā yápura wɛkɔańne súsu ũ, kũ wé'i dī a kũ a zĩ yā musuro. ¹⁶ Ẹn pā yābɔtena pā kũ àdi kɔ sé kũ Luda yáoronɛ. Àdi gbɛno ludayādanasari karańne, ¹⁷ akũ yā kũ òdi dańne dī dańla lán fɔnna bà. Imenɛu kũ Filetuo kũ ń té. ¹⁸ Ò kè yápuraa, òdi pi ò fùte bona gan kò, òdi gbɛkeno ludanaanikena yakańne. ¹⁹ Bee kũ abireo ɛ kũ Luda kpàte zena gbāna, ò yā díkĩna kèa: Dikiri gbɛ kũ ò de a pɔ ũno dɔ. Gbɛ kũ àdi Dikiri sísi mī kè yā vānia.

²⁰ On da dīgɔ póno ví dasi. Ò a kenɔ kè kũ wuraa kũ andurufuuo yātikisikebo ũ, akūsò ò a kenɔ kè kũ lío kũ gbliio yāfitikebo ũ. ²¹ Tó gbɛ ɔ bòte yā bèresari gũn, ani gɔ yātikisikebo ũ, anigɔ anfani ví Dikiri, anigɔ kú adona yāmanakena pínki soru gũn. ²² Ẹn bāa sí kefenna pónidenanone, ẹn tó manakena kũ ludanaanikenaao kũ yenyĩo kũ kunna kũ kɔo nnao donne are leele kũ gbɛ kũ òdi Dikiri sísi kũ nɛɛpuraono. ²³ Ẹn ɔ bote mĩsari lékpakɔana kũ à dɔna ke víron. Ẹn dɔ kũ àdi fiti da. ²⁴ À mana Dikiri zɔbleri gɔ fiti víro. A nɛɛ gɔ do kũ gbɛ sīnda pínki, yādanneri mana kũ àdi gbɛ fɔ ũ, ²⁵ à gbɛ kũ òdi a yā sírono gba laakari busebuse. Òdīgɔ dɔro ke Luda ni fɔ à ń gba zé ò nɛɛ lite ò yápura sí, ²⁶ ò bo Ibilisi kũ à ń kũ à ń dá a poyenyĩnaa gũn bàn, ń laakari surĩma.

3

Bisásirinɔ yakena gɔro kpɛdenɔa

¹ Ẹngɔ dɔ kũ gɔro kpɛdeno nigɔ pāsĩ. ² Gbɛno zĩda yā ni dońne are, ɔgo ni ń swè ble. Onigɔ de karambaanidenɔ ũ, zĩdabirinɔ, gbɛsɔsɔrinɔ, de kũ dao yādarisarinɔ, guturunɔ, ludayādarisarinɔ, ³ gbɛyakerisaridenɔ, sùrusaridenɔ, gbɛyakarínɔ, fayasaridenɔ, aniapásidenɔ, yā mana ibereno, ⁴ bonkpɛdeno, laasunsaridenɔ, yògɔdeno. Onigɔ ye pónnakenaai de Luda yāla. ⁵ Òdi donyĩ ke, ama ò ye a gbānairo. Ẹn ke zā kũ gbɛ bire takano. ⁶ Ẹn gbɛkeno dī gɛ no gbɛ kũ òdi mī gbákenneronɔ, ò ń fu kũ léo. Durunna sàa dà no gbɛ pínɔn, dà vāni mé à gòńne, ⁷ òdīgɔ yā dada gɔro sīnda pínki, ama òdi fu yápura kúnaa. ⁸ Lákũ Yanɛ kũ Yamberesio bò Musa kpe nà, len gbɛ pìnɔ dī bo yápura kpe le. Ẹn laasun lékpereme, ó donyĩze gũn pɔ ginyĩnanome. ⁹ Ò gena are ví doro, zaakũ gbɛ sīnda pínki ń yónkoke dɔ, lákũ ò Yanɛ kũ Yamberesio pɔ dɔ nà.

Luda ya àree

¹⁰ Mókɔn sɔ, ń témai. Ẹn ma kunna dɔ kũ ma yādannenaao kũ yā kũ maten péaao kũ ma ludanaanikenaao kũ ma menakeo kũ ma yenyĩo kũ

ma zena gbānao ¹¹ kū wé kū ò tãmao kū wari kū ma kèeo. N̄ yā kū à ma le Antiokū kū Ikōniuo kū Lisitirao d̄s kū wétāmmana z̄sk̄s kū ma f̄ōo. Ama Dikiri ma bo a s̄inda p̄inki gūn. ¹² Gbē kū ò ye òḡō kun lodayāmarin̄o ū Kirisi Yesu gūnn̄o ni wétāmmana le. ¹³ Gbē vānin̄o kū manafikiden̄o vānikena niḡō karamē. Oni gbēn̄o s̄ate, m̄ōk̄ōn̄o se oniḡō s̄atena. ¹⁴ M̄ōk̄ōn̄ s̄ō, n̄ z̄e kū yā kū n̄ dàda n̄ s̄i yāpura ūo. N̄ gbē kū ò dàdannen̄o d̄s, ¹⁵ zaakū n̄ Luda yā d̄s zaa n̄ n̄éf̄itik̄eḡōra. Ani f̄ō à n̄ gba ònd̄s à n̄ ká Kirisi Yesu n̄aanikena kū àdi n̄ sura baa. ¹⁶ Yā kū à kú Luda yān̄ b̄o Luda k̄inaa p̄inkime. À àre v̄i, zaakū àdi yāpura dañne, àdi n̄ éke káñne n̄ ōi, àdi n̄ gba laakar̄ii, àdi lé dañma yākena a z̄éaa gūn, ¹⁷ de Luda gbē sorukena ma yāmanakena s̄inda p̄inki z̄é gūn.

4

¹ Ma nann̄e Ludai kū Kirisi Yesu kū ani era à su à kpata ble à yākpate ke kū gbē bēnen̄o kū gyāwānden̄o, ² n̄ Luda yā waazi ke. À z̄é k̄e kes̄ō adi kero, ònḡō kúo. N̄ yā diteñne, n̄ kpākēñyī, n̄ lé dañma, n̄ yā dañne kū mena z̄sk̄ōo. ³ Zaakū ḡōroke ni su kū gbēn̄o ni we ò s̄ā kpá Luda yāz̄ededannen̄aairo. Oni yādannerin̄o kakarañyī n̄ z̄ida p̄oyeinaaame, de ò yā kū à kàngu dañne. ⁴ Oni n̄ k̄ōk̄ōto zu yāpurane ò are d̄o garan̄o. ⁵ M̄ōk̄ōn̄ s̄ō, ònḡō laakari v̄i yā s̄inda p̄inki musu. N̄ wari f̄ō, n̄ baarunnakpari k̄ena ke, n̄ n̄ z̄i lé papa.

P̄lu kunna ga léi zaa Romu

⁶ Ma ḡōro p̄apa k̄ō, oni ma aru k̄ote sa'o'i ū tera. ⁷ Ma ōsi mana kà, ma bàa l̄e ma b̄ote. Má Yesu yā kūna ma a lé p̄apa. ⁸ Kunna mana f̄ura dit̄ena, àt̄eni ma d̄ā s̄ā. Dikiri yākpatekeri mana mé ani kúmen̄e yākpatek̄eḡōro z̄i. Adi ke makūm̄e ma adoro, kū gbē kū ò ye a sunaain̄o n̄ p̄inkime.

⁹ N̄ z̄é wete n̄ su ma k̄inaa likalika. ¹⁰ Demasi ma ton à tà Tesalonika, kū à ye anduniaiyāi. Keresensi tà Galatia b̄usun, akūs̄ō Titu tà Dalamatia b̄usun. ¹¹ Luku mé à ḡō kūmao ado. N̄ Maaku sé à m̄ō l̄e l̄e, zaakū àdi kp̄amai z̄i gūn manamana. ¹² Ma Tikiku gb̄are Efesu. ¹³ Tó n̄ten su, n̄ ma utagyaba kū ma tò Kaapu bea zaa Toroasi sé n̄ suomen̄e kū ma takadan̄o, at̄ensa a kū ò k̄e kū b̄araon̄o.

¹⁴ Alesanda sia yā vāni k̄emen̄e manamana. Dikiri ni yā kū à k̄e p̄i f̄ina bone. ¹⁵ N̄ laakari kei, zaakū à b̄o ó yā k̄pe p̄ās̄ip̄ās̄i. ¹⁶ Yākpatek̄ena kūmao káaku gūn gb̄eke dí z̄e kūmaoro, ò ma ton n̄ p̄inki. Luda s̄un̄ n̄ yā p̄i daro. ¹⁷ Dikiri z̄e kūmao à ma gba gb̄ana, akū ma z̄é l̄e ma waazi k̄e ma a lé p̄apa, buri p̄anden̄o mà n̄ p̄inki. À ma bo músu léi. ¹⁸ Dikiri ni ma bo yā vāni gūn p̄inki, ani ma sura ba ari mà gé káo a kpatan musu. Àkū mé à gakuri v̄i ḡōro s̄inda p̄inki, aami.

L̄ezammana

¹⁹ N̄ f̄ō kpá Pirisila kū Akilaoa kū Ōnesif̄ōru bedeno. ²⁰ Erasatu ḡō K̄orinti. Ma Torofimu tò kū gyāo Miletu. ²¹ N̄ z̄é wete n̄ su ari bunsire ḡō ká. Yubulu kū Pudenio kū Linuo kū Kalaudiao kū ó gbēn̄o p̄inki f̄ō kp̄amma. ²² Dikiri ḡō kú kūnwo. À gb̄eke kéare.

TITU

Titu zīkena Kereti būsun

¹ Makū Pōlu, Luda zòblerii, Yesu Kirisi zīriin ma ũ. À ma zī mà gbē kū Luda n sēno kara a náanikenan mà tó ò a donyīze yāpura dō, ² de n wé gō dō wēndi kū àdi lākaroī kū Luda a lé sè zaade andunia dí kátero. Àdi éke to sōro. ³ Akū yā pii bō gupuraa a gōra waazi kū Luda ó Surabarii dāmene ma ke gūn lākū à dite nà. ⁴ Makū mé ma takada dí kēnne Titu, ma né yāpura Yesu zé kū ó kú leele gūn. De Luda kū Kirisi Yesu ó Surabariio gbēke kenne, à n gba aafiaa.

⁵ Ma n to Kereti, de n yā kū ò gō gweno gōgō, n gbē zōkōno dite wēte kū wēteo lākū ma ònne nà. ⁶ À mana gbē zōkō gō kun taari sari nomendode ũ. A nēno gō ludanaanikerino ũ, òsungō n dō né zāzāde sāgbānadeno ũro. ⁷ Zaakū gbē zōkō bi Luda zīgwarīime, àsungō de taaride ke ñadāri ke pōfēri ke wēderi ke gbē pāsī ke gōvāniweteri ũro. ⁸ Séde agō de nibōkūri ũ, laakaride kū à zè kū yāmanakenaao ũ, gbē sūsu kū à kú adona akūsō à a zīda kūna dō ũ, ⁹ gbē kū à zè sūsu kū yā náanide kū òdi dañneo ũ, de à le à lé da gbē pādeno kū yāzededannenaao pīio, à gbē kū à bō a yā kpeno éke káñne n ōi.

¹⁰ Zaakū sāyāmarisaride kū òdi gbēno likara kū n yā'onaanon dasi, atēnsa gbē kū ò zè kū tōzōyāono. ¹¹ Òdi on būnu yaka. À mana ò léso dañne. Òdi yā kū à de ò dañnero dañne gō bēne lena yāi. ¹² Kereti būsū annabi ke pī, Keretino bi ékedenome, nōbo pāsīnōme, ye'uide pōke kopirisarinōme. ¹³ Yā pī bi yāpurame. Abire yāi n kpakēnyī manamana, de ò zé sé sūsu. ¹⁴ Òsun laakari dō Yudanō garaaro ke gbē kū ò kē yāpuraa yāditenano. ¹⁵ Pōke digō gbāsī gbāsīsaridenonero, akūsō pōke digō gbāsīsari ludayādarisari gbāsīdenonero, kū n laasun kū n nēsēeo vāni yāi. ¹⁶ Òdi pī ò Luda dō, akū n yākenaa di n éke bo. Bēgirinōme, òdi yā maro, òdi fō ò yā mana ke kero.

2

Yādannena zéde

¹ Mōkōn sō, n yā kū àdi kō sé kū yāzededannenaao dañne. ² N da mare zōkōnōne ògō n zīda kūna dō gbē bēerēdeno ũ, laakaridenō ũ. Ò zé sé sūsu kū yenyīo kū menao. ³ N da nōgbē zōkōnōne dō n kunna gō de donyīri manano kunna ũ. Òsungō de guderī ke wē zōno ũro. Ò yā mana dañne, ⁴ de ò lé da nōzārenōa n baadi gō ye a zāi kū a nēno, ⁵ ògō de laakaridenō ũ gbāsī sari, ò laakari dō n on zīa, n baadi mī nate a zāne de òsun Luda yā vāni boro yāi.

⁶ N lé da kefennano dō ògō laakari vī. ⁷ N yāmanakena zé mōñne a pínki gūn. N yādannena gō bēere vī à kō sí kū n yākenaa ⁸ kū yāzede kū oni fō ò a éke boroo, de wé'i gbē kū ò bō n kpeno kū, òsun yā vāni le ò ò yā musuro yāi.

⁹ N lé da zōnoa ò mī nate n dikirinōne yā sīnda pínki gūn, ò yā kū ani kángu ke. Òsun yā līnmaro. ¹⁰ Òsun kpāni oñmaro. Ò tó ògō n dō gbē náanidenō ũ manamana, de Luda ó Surabari yā kū òdi dañne wé bo yā sīnda pínki gūn.

¹¹ Zaakū Luda gbēke kū à sū kū surabanaao gbē sīnda pínkinē bō gupuraa. ¹² Gbēke pī ten dawere ò kpe li yā kū adi kō sí kū Luda yāoronē kū

andunia pónidenanɔ, de ògɔ́ ó zīda kūna dɔ́ gbě mananɔ ũ, ludayāmarinɔ ũ andunia tera díkīna gūn, ¹³ ó wé gɔ́ dɔ́ gɔ́rɔ arubarikade kū óten dāa. Ākūmɛ́ ó Luda zɔ́kɔ́ ó Surabari Yesu Kirisi sugɔ́rɔ́ gakuride ũ. ¹⁴ À a zīda kpà ó yāi, à ó bó vāni sīnda pínki gūn, à ó gbāsī gògo, de ò gɔ́ a zīda gbě kū ò yāmanakena ania vīnɔ ũ. ¹⁵ Ñ yā pìnɔ dañne ñ lé daoríma. Ñ kpākěnyī kū iko kū ñ vīo pínki. Ñsun tó gběke n gya boro.

3

Ò laakari dɔ́ yāmanakenaana

¹ Ñ dɔ́ n gběngɔ́ ò mì nate gbānadenɔne kū ikodenɔ, ò ñ yā ma, ògɔ́ kú kū yāmanakena sīnda pínki soruo. ² Òsun gběke tɔ́ vāni síro. Ògɔ́ de nèsedode yāketesaridenɔ ũ kū ò busana gbě sīnda pínkinɛ. ³ Zaakū ókɔ́nɔ se, ó faya vī yāro, ludayādarisarinɔn ó ũ. O sātɛ, ó de pɔ́nnakena kū dà vāni sīnda pínki zònɔ ũ. Odìgɔ́ kú nèse vānio kū nèsegòbao. Ó de bɛgirinɔ ũ, o zākògu. ⁴ Bee kū abireo kū Luda ó Surabari gběke kū a yenyīo bò gupuraa, ⁵ akū à ó sura bà. Adi ke ó yāmanakena yāinlo, kū à ó wēnda dɔ́ yāime. À ó zú ò à ó í dufu, à tò o gɔ́ gbě dufunɔ ũ kū a Nini ⁶ kū à pìsiwá gbānao Yesu Kirisi ó Surabarii gāi, ⁷ Abire yāi yā bò kūoo nna a gběke yāi, o gɔ́ túbiblerinɔ ũ, ó wé dɔ́ wēndi kū àdi láraroi. ⁸ Yā pì bi yāpuramɛ.

Má ye ñ gā na yā pìnɔ onaaa manamana, de ludanaanikerinɔ le ò mè kpá yāmanakenaana. Abirekū mana, à karana vī gběnɔne. ⁹ Ñ pā mīsariyā yāgaganaane kū dizinɔ tɔ́ kɔ́nɔwēnaao kū fitiio kū lékpakɔ́ana Musa doka yā musuo, zaakū yā pānɔmɛ, ò karana vīro. ¹⁰ Ñ kpākě gbě kū àdi tó ò kēkɔ́aai bee gènn pla, gbasa ñ péa. ¹¹ Ñgɔ́ dɔ́ kū gbě bire taka sātɛ. Durunnakeriime, à a zīda bòbɔ.

Lézammanaa

¹² Tó ma Atema ke Tikiku zīmma, ñ zé wɛtɛ ñ su ñ ma le Nikɔ́pli, zaakū ma zɛo mà bunsirɛ láka gwe. ¹³ Ñ ania ke ñ zàna ke bùsu dokadōri Zenasinɛ kū Apoloo de pòke sún kíammaro ñ tá gūn. ¹⁴ À mana ó gběno yāmanakenaana dada ò ñ zīda kpáa, ò yā kū à kɔ́ sionɔ bokɔte de òsungɔ́ kun pāro. ¹⁵ Gbě kū ó kú lɛelenɔ fɔ́ kpamma ñ pínki. Ñ fɔ́ kpá gbě kū ò yewái Yesu zé gūnnɔa. Luda gběke keáre á pínki.

FILIMO

Pɔlu Filimo sáabukpanaa

¹ Makū Pɔlu kū ò ma da kpésiran Kirisi Yesu yāi kū ó Yesude dake Timotio, ókɔnɔ mé o takada díkína kènne, ó zíkəri dake yenyíde Filimo ² kū sɔsi gbē kū òdi kɔ kakara n beano kū ó nɔgbē yenyíde Afiao kū ó zíkəri dake Akipuo. ³ Luda ó De kū Dikiri Yesu Kirisio gbēke kenne, à n gba aafiaa.

⁴ N yā digɔ dɔmagu gɔɔ sɪnda pínki ma aduakena gūn, madigɔ ma Luda sáabu kpá, ⁵ zaakū ma Dikiri Yesu náani kū nten ke baaru ma kū yenyí kū n vī kū Luda gbēnɔ n pínki. ⁶ Madigɔ wé ke, de ó kunna kɔo Yesu zén tó n wé kē yā mana kū ó vī kunna Kirisi gūn pínki musu. ⁷ Ma gbē, n yena Luda gbēnɔ ma pɔ kè nna manamana, à ma laakaríi kpàtemene, zaakū n n laakaríi kpàtēne.

Pɔlu kutekena Filimone Onesimu yá musu

⁸ Abire yāi, bee kū ma zé kà Kirisi gūn mà yā kū à mana n ke ditenne, ⁹ bee kū abireo ma kúte kènne kū yenyí. Makū Pɔlu, ma mare zɔkɔ ina kū ma kunna kpésiran tera Kirisi Yesu yāiio, ¹⁰ ma kúte kènne Onesimu yá musu kū à gò ma né ũ Yesu zé gūn kpésiran la yāi. ¹¹ À anfāni vīnne yāro, ama tera à anfāni vī makū kū mɔkɔnwoone. ¹² Ma a gbàemma, àkūme ma swè ũ. ¹³ Ma kunna kpésiran baaru nna kpana yāi, má ye àgɔ kú ma sare, de àgɔ kpámai n gēne ũ, ¹⁴ ama má ye mà yāke ke n lé sariro, de òsun yā mana kemene tilasiro, séde kū n poyeinaao. ¹⁵ Ke anigɔ Onesimu kemma yā gɔɔ pla de à era à summa àgɔ kú kúnwo gɔɔ sɪnda pínki yāime. ¹⁶ À kun lán zò bà doru, zaakū à de zò la, à de n gbē yenyíde ũ kunna Kirisi gūn. Ma gbē yenyídemē. Oni mɔkɔn kú à de n zò ũ, akúsɔ à gò n gbē ũ Dikiri gūn pɔ o dɔ yá?

¹⁷ Abire yāi tó n ma dite n gbēndo ũ, n gbānake kpáí, lákū ñni kpámai nà. ¹⁸ Tó à zànnē yākea ke tó à n fīna kūna, abire gò ma yā ũme. ¹⁹ Makū Pɔlu makū mé ma yā díkína kè kū ma zīda ɔo, mani n fīna bonne. Kū n ma fīna kūna n zīda wèndi ũ, mani lé páaro. ²⁰ Tò, ma gbē, kunna Dikiri gūn n yā mana kemene, n ma laakari kpàtemene ó kunna Kirisi gūn yāi.

²¹ Ma takada dí kènne, kū má dɔ kū ñni ma yā ma, akúsɔ ñni ke de yā kū ma ònnela. ²² Abire gbɛra n kipaki kekemene dɔ, zaakū má wé dɔi Luda ni ma boáre wéke kú áten kea yāi.

Lézammanaa

²³ Epafara kū ó kú lɛɛɛ kpésiran Kirisi Yesu yāi fɔ kpàmma ²⁴ kū ma zíkəri dakenɔ Maaku kú Arisitakuo kú Demasio kú Lukuo. ²⁵ Dikiri Yesu Kirisi gbēke keáre.

EBERUNO

Kirisi de malaikanola 1:1-2:18

Kirisi de Musala 3:1-4:13

Kirisi de Haruna buri sa'orinola 4:14-7:28

Kirisi sa'orikena deñla 8:1-10:39

Ò Luda náani ke 11:1-12:25

Lédammanaa 13:1-13:25

Luda Né de malaikanola

¹ Luda yā ò ó dizinone yā káaku annabinò gāi gèñ baaakò zénò gūn dasi,
² ama à yā òwèrè a Né gāi gòrò kpède dīkīnanòn sà. Né pì gāin Luda andunia
kèò, à dìtè kù àkù mé anigò pò sīnda pínki vī. ³ Àkù mé à Luda gakuri tékèna
ū, à de a kunnā ū sānsān. Àkù mé à pò sīnda pínki kūna kù a yā'ona gbānao.
Durunnānò kēmmana gbera à vùtè musu Luda zòkòde oplai. ⁴ Lákù tó kù
à blèè pì de malaikanò pòla nà, len a zòkò deñla le. ⁵ Luda yā dí ò malaika
kenè yā yá?

Ma Néme n ū, ma n i gbāra,

Kesò:

Manigò de a De ū,

anigò de ma Né ū.

⁶ Kù Luda tò a dauduu sù andunia gūn à pì:

A malaikanò donyī kenè ní pínki.

⁷ Malaikanò yā musu à pì:

Adì a zìrinò lí ìa ū,

a zīkerinò sò tévura ū.

⁸ A Né yā musu sò à pì:

Luda, ìnigò vutena kíblegbaaa gòrò sīnda pínkime,

ndìgò n kíkègo kūna yázede ū.

⁹ Ní ye yāmanakènaai, n zā vānikèna gu.

Abire yāi Luda, n Luda, n ka kín,

à pònna pìsimma de n gbèñola.

¹⁰ Ò pì dò:

Dikiri, n andunia zīni pètè zaa káaku,

mùsu bi n zōzīme.

¹¹ Ní pínki ní gēte, ama ìnigò kun.

Oni zī kù lán pókasa bà,

¹² ìni ní koko lán uta bà,

ìni ní lite lán pókasa bà.

Mòkòn sò, n kuuna dīgò dokònò,

n gòrò lakana víro.

¹³ À yā dí ò malaika kenè yā yá?

Ní vutè ma oplai

ari màgò n ìberenò kenè n tintin ū.

¹⁴ Malaikanò bi nini zīkerinòme ní pínki. Luda dì ní zī de ò kpá gbè kù oni
surabana lenòime.

2

Surabana zòkò

¹ Abire yāi ò yāpura kù o mà kù ɔplapla gíngin, de òsun kē zéaro yāi. ² Zaakū yā kù Luda dìte malaikanɔ gāi bi tilasime, akū ò fīnaa bò gbē kù ò gì mai ò pànenɔne a zéa, ³ tó ódi surabana zókɔ pì yā da sōro, óni bo yá? Surabana yā pìi bò Dikiri kīnaame, akū gbē kù ò màno yāpura kpàawere. ⁴ Luda èra à yāpura kpà yā piia kù sèedanɔ kù yābonsarenɔ kù daboyā dasi kenanɔ kù a Nini gba kù à kpàateteñnenɔ a pɔyenyīnaaa.

Yesu gōna bisāsiri ũ lán ó bà

⁵ Adi ke malaikanɔn Luda andunia zia kù óteni a yā o nàñne n̄ ɔĩro. ⁶ À kù Luda yān gukea ò pì:

Bón bisāsiri ũ kù a yā digō dɔnguu?

Bón a ũ kù ndi laakari dɔaa?

⁷ N a kē kīana malaikanɔi fēte, n a kà kpatan kù gakurio kù bèereeo,

⁸ n tò pó sīnda pínki m̄i nàtene.

Kù Luda tò pó sīnda pínki m̄i nàtene, adi a ke tó m̄natenanee sariro. Tera lán dí bà, ódi e kù pó sīnda pínki m̄i nàtene gīaro, ⁹ ama o è kù Yesun ò téa. Luda a kīa malaikanɔi ari gɔrɔ pla, de Luda gbēke gūn à ga gbē sīnda pínki gēne ũ, akū à a kà kpatan kù gakurio kù bèereeo ga wari kù à kē yāi.

¹⁰ Lákū pó sīnda pínki bò Luda kīnaa nà, akūsó pó sīnda pínki de a pó ũ, kù à ye à gē kù gbēno dasi a gakuri gūn a néno ũ, à kō s̄i k̄āao à gbē kù à surabana zé bóñne papa warikenaa gūn. ¹¹ Gbē kù ò gō Luda gbēno ũ kù gbē kù àdi n̄ ke Luda gbēno ũo, n̄ pínki de dokōno me. Abire yāi n̄ s̄isina a gbēno ũ di a wé'i kuro. ¹² À pì:

Mani n tó bo ma gbēno té,

mani n sáabu kpá kōkakaranaa gūn.

¹³ À pì dɔ:

Mani a náani ke.

À pì dɔ:

Makūme la kù né kù Luda kpàmanɔ.

¹⁴ Zaakū né pino bi bisāsirinome, akāa se à gō bisāsiri ũ lán n̄ bà, de à ga à Ibilisi kù àdi su kù gao kakate, ¹⁵ à gbē kù òten vīna ke ganee òten zò ble ari n̄ wèndi lénno bo. ¹⁶ Yāpura gūn malaikanɔn àten ɔ darūmaro, Ibrahim burinome. ¹⁷ À kō s̄io à gō lán a dakūnanɔ bà yā sīnda pínki gūn, de à gō Sa'oriki s̄urude náanide ũ Luda zī gūn, gbēno durunna kútekebo ũ dɔ. ¹⁸ Lákū à wari kē à yōgwanaa f̄s̄ nà, ani f̄s̄ à gbē kù òteni n̄ yō ò n̄ gwano faaba ke.

3

Yesu de Musala

¹ Abire yāi ma gbēno, akōno kù Luda á sísi a su a kīnaano, à laasun lé Yesu kù Luda a z̄i Sa'oriki kù o z̄eo ũa. ² Náanideme Luda kù à a d̄itene lákū Musa de nà Luda onn. ³ Lákū onkaterii bèereee digō de onla nà, len Yesu gakuri zókō de Musa póla le. ⁴ On sīnda pínki a k̄ateri vī, akūsó pó sīnda pínki K̄aterin Luda ũ. ⁵ Luda on z̄ikeri náaniden Musa ũ, yā kù Luda ni o s̄èedademe. ⁶ Kirisi s̄ō bede pì néme. Luda a on n̄ane a ɔĩ. Ókōno me on pì ũ, tó ó kpé òten t̄āmaa kù ó vī lé gbē kù kù gbānao.

Luda gbēno kammaboki

⁷ Abire yāi lákū Luda Nini ò nà:

Tó a Luda kòtoo mà gbàra,
 8 àsun sàgbàna ke lákū á dizinò kè nàro,
 kū ò ma le ò ma gwa gɔɔ kū ò bò ma kpɛ gbàrannan.

9 Bee kū ò ma yàkenanò è wè bupla,
 ò ma le ò ma gwa gwe, ò ma gbàna lé gwà.

10 Akū ma pɔ fè gbè pìnɔi,
 ma pì gbè sàsánanò me ní ũ,
 odi ma zéno dšro.

11 Akū ma la dà ma pɔfè gūn ma pì,
 oni gè ma kámmabokinlo fá.

12 Ma gbēno, à laakari ke á gbēke súnḡ swè vāni ludanaanikenasari vī ari à gé kēo Luda Wēndidearo. 13 Gu kū àdi dɔ kū adi pi Gbāra pínki, àḡḡ lé dakša, de durunna sún á gbēke sàte à sàgbàna kuro yāi. 14 Zaakū Kirisi gbēno ò ũ, tó ó náani kū ó vī zaa káaku kūna gbānagbāna ari a léa. 15 Lákū ò ò nà:

Tó a a kòtoo mà gbàra,
 àsun sàgbàna ke lákū á dizinò kè nà
 gɔɔ kū ò bò ma kpɛro.

16 Dínɔn gbē kū ò Luda kòtoo màa ò bò a kpɛno ũ, tó adi ke gbē kū Musa ní bóte Misilano baasiroo? 17 Dínɔn Luda pɔ fēnyī ari wè bupla, tó adi ke gbē kū ò durunna kè, ní gèe gò katena gbàranna gūno baasiroo? 18 Dínɔn à la dàinne kū oni gè a kámmabokinlo, tó adi ke gbē kū ò gí a yā mainò baasiroo? 19 O è kū odi le ò gèno ní ludanaanikenasari yāi.

4

1 Zaakū gēna kámmabokin kū Luda a lé sè kpé kun, ò laakari ke, de ó gbēke sún kurairo. 2 Zaakū o baaru nna mà lán ní bàme, ama yā kū ò màa pìi àre vīnɛro, kū odi ma kū ludanaanikenaoro yāi. 3 Ókōno kū o yā pìi sínò, odì gè kámmaboki pìn. Mókōno sō Luda pì:

Ma la dà kū pɔfè ma pì,
 oni gè ma kámmabokinlo,

À yā bire ò bee kū à a zī m̀i dè zaa anduniakatena gɔɔ, 4 zaakū ò gɔɔ supplade yā ò Luda yān gukea ò pì, gɔɔ supplade zī Luda kámma bò kū zī kū à kèe pínki. 5 O mà tera à pì, oni gè a kámmabokinlo. 6 Zaakū gbē kū ò baaru nna pìi mà zaa káakunò dí gēno, kū odi síro yāi, akū a gēnaa gò gbē pāndenone. 7 Akū Luda èra à gɔɔ ke d̀te dɔ òdi pi Gbāra, abire gbera a g̀i kè akū à Dauda gbà lé, à ò lákū ò ò nà tera:

Tó a a kòtoo mà gbàra,
 àsun sàgbàna kero.

8 Tó Yɔsua gè kūnwo kámmaboki pìn yā, de Luda dí gɔɔ pānde yā o kpɛkpɛro. 9 Akū mé à tò kámmaboki gò Luda gbēno pɔ ũ. 10 Zaakū gbē kū à gè Luda kámmabokin kámma bò kū a zīome, lákū Luda kámma bò kū a zīo nà. 11 Tó leme, ò wé tã ò gè kámmaboki pìn, de ó gbēke sún gí Luda yā mai, à fu lán ní bàro yāi. 12 Luda yā bēne, akūsō à gbàna, a lé nna de fēneda kpa plaplala. Àdi ní zō à gè nèsee gūn ari ninin, àdi gè m̀pepekerekin ari wá bórɔgɔn, àdi laasun kū nèsee yāo gwagwa. 13 Luda pókēna ke utenanero, a ke kpáne guiro. Luda kū óni ó yāno sète ò one d̀i pò sīnda pínki e ari a bia.

Yesu de sa'orikinla

¹⁴ Zaakū ó sa'oriki zókō kū ludambe wèkōa ari Luda kīnaa vī Luda Né Yesu ū, ògō zé kú o sè yā kūna gíngin. ¹⁵ Zaakū ó sa'oriki vī kú ani fō à ó wēnda dō ó gbānasarike gūn. Ò a yō ò gwà lán ó bà yā sīnda pínki gūn, adi durunna kero. ¹⁶ Abire yāi ò na Luda Gbèkèkènnèri kiblegbaai kū swèeo kpatena, de à ó wé gwa à gbèkè kèwèrè a gɔɔa.

5

¹ Òdi sa'oriki sīnda pínki sé gbēno téme, òdi a dite n wéde ū Luda kīnaa, àgō gba kpáa, àgō a gbagbañne n durunnano yāi. ² Ani fō à ke kú gbē kú ò sàte n dōnasarike gūnnō busebuse, zaakū àpii kú kú gbānasarikeome se. ³ Abire yāi séde à sa o a zīda durunna yā musu, lākū àdi o gbē kparano pō musu nà dō. ⁴ Gbèkè di a zīda ká kpataa pīi gūnlo. Luda mé àdi a ká, lākū à Haruna kàn nà.

⁵ Len se Kirisi dí a zīda ká sa'oriki kpataa gūnlo, Luda mé à a kàn à pì: Ma Néme n ū, gbāran ma n i.

⁶ À pì Luda yān gukea dō:

Īnigō de sa'ori ū gɔɔo sīnda pínki lán Melekizèdèki bà.

⁷ Gɔɔo kú Yesu kú andunia gūn à adua kè kú wiki gbānao kú wé'io, à kúte kè Luda kú ani fō à a sí gaaane, akū Luda a yā mà, kú àdi a yā da yāi. ⁸ Bee kú a Ludanekèo, à mīnatena Ludane dàda a warikènaa gūn. ⁹⁻¹⁰ Kū mana pèkerèa à làka, Luda a kà sa'oriki ū lán Melekizèdèki bà, akū à gō surabana kú àdi lākaro boki ū gbē kú òdi a yā manone n pínki.

Laakarikèna funaai

¹¹ Yā bire musu ó yā vī dasi ò oáre, ama a bókōtena zī'ūme, zaakū adì yā dōro dō likaro. ¹² Àkōno kú a gīi kèn lán dí bà, à mana àgō de yādannerino ūme, ama ari tera á kpé kú ò era ò Luda yā kú òdi dada gbē dufunone daáre dō. Yō'i mé à kō si kááo, adi ká à yūku pō blero. ¹³ Zaakū yōmiri sīnda pínki bī néme, adi ká à ɔɔe dōkōne kú ɔplaoro. ¹⁴ Yūku sō, gbē kāsara kú ò dōne kēono pōme. Ò a mana dōna kōne kú a vānioo dàda.

6

¹ Abire yāi ò Kirisi yādannena káakupōno kpá kpe, ò gé are ari ò gō gbē pèkerenano ū. Adi ke òni era ògō yātákpātena dīno gbè sísi dōnlo: Kpelina yā gēnoñe, ludanaanikènaa, ² da'ite yādadanaa, ɔnammanaa, gēno vuna ke zia yākpatekènaa. ³ Tó Luda wè, òni yā bireno kpá kpado ò gé are. ⁴ Zaakū tó gbē wé kè, à Luda gba lè, a baka kú Luda Nini gūmme, ⁵ tó à Luda yā kú andunia kú àten su gbānao í kè, à a nna dō ⁶ tó à fūa, zé kun kú à era à nèse lite doro, zaakū àten Luda Né pá lía dōme, àten wé'i daa gupuraame. ⁷ Tó legū ten ma zīte gēn baaakō àten mōto le, akū à pō kú à àre vī búbarinone bùte, Luda di arubarika dan. ⁸ Tó à lè kú lèkaraaoo bùte sō, à ginaame, à zā kú lékennènaaoro. Ani mì de kú téome.

⁹ Àkōno sō ma gbē yenyīdeno, bee kú o ò le, ó laakari kpatena á yā musu kú á kú kú yā mana kú ò bō surabana zé gūnnō. ¹⁰ Luda di yā ke a zéa, á yākenano kú yenyī kú á vī káaoo ni sáaguro, zaakū a kpányī kè a gbēnoñe, akūsō á kpé àten ke. ¹¹ Ó ye á baadi gō ania vī le ari a léa, de ásun sika ke pō kú á wé dōi yā musuro. ¹² Ásun ma'á kero. À gbē kú òten Luda náani ke kú menao òten pō kú Luda a lé sè leno ágba sé.

Lé kú Luda sè sika vīro

¹³ Goro kú Luda ten lé sé Ibrahīne, kú gbēke kun deala à sí kãaoro, a yāin à sí kú a kunnaao ¹⁴ à pine, áni arubarika daagu yápura à tó a buri karane. ¹⁵ Ibrahī mena f̄, akū à pó kú Luda a lé s̄ene lè. ¹⁶ Òdi la da kú gbē kú à deñla tóme. Ladana mé àdi tó ò yā yápura d̄, akūs̄ àdi lékpak̄sana k̄k̄s̄aīne. ¹⁷ Luda ye à mó gbē kú a lésena ni ḡó ní pó ūn̄ne swáswa kú a lé litena vīro, akū à sí kú a kunnaao. ¹⁸ Leme yā mèn pla kun kú à litena vīro, Luda ni f̄ à éke to a musuro. Yā p̄n̄o teni ók̄n̄o kú o nain̄o gba swè manamana, de ò támaa kú ó wé d̄i ke sikaa sari. ¹⁹ Ó támaa bire vī ó w̄endibad̄b̄o ū. À náani vī, akūs̄ à gb̄ana, àdi ḡe kūoo Luda kúkia lábure kpe, ²⁰ gu kú Yesu ḡinake à ḡen ó yāi, à ḡò sa'oriki ū ari goro s̄inda p̄inki lán Melekiz̄edeki bà.

7*Sa'oriki Melekiz̄edeki*

¹ Melekiz̄edekime Salemu kína ū yā, Luda Musude sa'oriime. Goro kú Ibrahī z̄i blè k̄inan̄a àten su, akū Melekiz̄edeki ḡe à dàale, à sa mana òne, ² akū Ibrahī aruz̄eke kú àten suo p̄inki kuride kp̄aa. Melekiz̄edeki tó pii p̄i, yāzede kína. Abire gbera Salemu kína bire p̄i, aafia kína. ³ À de kú dao kú dizin̄o vīro, a w̄endi naana ke m̄idena vīro. À bò lán Luda Né bàme, sa'orin̄o a ū goro s̄inda p̄inki.

⁴ À gwa lākū à z̄sk̄ò nà. Ó dizi káaku Ibrahī aruz̄eke kú à s̄ete z̄ilan kuride kp̄aa. ⁵ Musa doka d̄ite Levi buri kú ò de sa'ori ūn̄ne, ò pó kuride sí ní Isaraila daken̄a, bee kú ní Ibrahī burik̄eo. ⁶ Melekiz̄edeki bi Levi burinlo. Bee kú abireo à Ibrahī p̄n̄o kuride s̄i, à sa mana ò Ibrahī kú Luda lé s̄ene. ⁷ Sikaa sari gbē kú à sa mana ò gb̄ene z̄sk̄ò de gbē kú à sa mana ònela. ⁸ Sa'ori kú òdi pó kuride sí p̄n̄o bi gbē kú òdi gan̄me. Melekiz̄edeki s̄, gbē kú ò p̄i àdiḡo kun goro s̄inda p̄inkin a ū. ⁹⁻¹⁰ Goro kú Melekiz̄edeki ḡe à dà Ibrahīle, odi Levi i k̄oro, à kú a dizi de Ibrahī wógbamme. Abire yāi oni f̄ ò p̄i sé, goro kú Ibrahī pó kuride pii kp̄a, Levi buri kú òdi pó kuride kp̄áim̄ano mé ò kp̄a.

Yesu de lán Melekiz̄edeki bà

¹¹ Levi buri sa'orii p̄in̄ome doka kú Musa kp̄a Isarailan̄a z̄ini ū. Tó oni f̄ ò tó gb̄en̄o ḡo papana, oniḡo sa'ori p̄ande ni vī lán Melekiz̄edeki bà doru, sé Haruna buri sa'ori ḡaa. ¹² Tó sa'orin̄o lite, séde doka lite. ¹³ Gbē kú ò yā biren̄o ò a musu bi Isaraila buri kú a gbēke dí sa'ona z̄i ke zikirome. ¹⁴ Zaakū ó d̄s̄ s̄ans̄an̄ kú ó Dikiri bò Yuda buri ḡumme. Ódi ma kú Musa sa'ona yā ò buri pii musuro. ¹⁵ Yā kú yā p̄i wé b̄on̄ dí: Sa'ori p̄ande bò lán Melekiz̄edeki bà. ¹⁶ A ḡona sa'ori ū bi doka ke burike yānlo. A w̄endi kú àdi lākaro gb̄ana yāime. ¹⁷ Zaakū ò p̄i: Ìniḡo de sa'ori ū goro s̄inda p̄inki Melekiz̄edeki ḡan.

¹⁸ Ó doka kú à kun yā pii kp̄a kp̄ado, kú à gb̄anaro, akūs̄ à kun p̄oke ūro. ¹⁹ Zaakū doka p̄i dí tó gbēke ḡò papanaro. Akū támaa kú à s̄ana zé bòw̄ere, kú o nao Ludai.

²⁰ Abire gbera Luda dí abirekū ke ladanaa sariro. Gbē kparan̄o ḡò sa'orin̄o ū ladanaa sarime, ²¹ ama Yesu ḡò sa'ori ū kú ladanaao, kú Luda pine:

Dikiri la dà ani lé sukparo,

à pì anigõ de sa'ori ù gɔɔ sɪnda pínki.

²² Ladanaa pì yáí Yesume zenkpεε ù kũ Luda bàka kunna kũńwo dufu de a zɪla. ²³ Abire gbera sa'orinɔn dasi yā, zaakũ ga dì tó ògõ kú ñ zĩ gũn gɔɔ sɪnda pínkiro. ²⁴ Ama kũ Yesu kun gɔɔ sɪnda pínki yáí, a sa'orikena gēneblena vīro. ²⁵ Abire yáí ani f̄ à gbē kũ òdi na Ludai kũ a gbānaonɔ sura ba mámmam, zaakũ à kun gɔɔ sɪnda pínki de àgõ kúte keńne Ludane.

²⁶ Sa'oriki bire taka mé à k̄s si kũoo. A kunna adona. À yā vāni ke gbāsī vīro. Luda a k̄k̄sa kũ durunnakerinɔ, à a sè à tào musu ari a k̄naa. ²⁷ A bàka kú kũ sa'onu lákũ gu digõ dɔ nào lán sa'oriki kparanɔ bàro. Gbē pinɔ dì sa o ñ zida durunnano yáí kũ ñ gbēnɔ p̄nɔ dɔ. Àk̄aa s̄s, à ò gèn dome, kũ à a zida kpà. ²⁸ Musa doka dì gbēnɔ ká sa'orikinɔ ù ñ gbānasarike gũmme, ama kũ Luda si kũ a kunnao doka pì ditena gbera, akũ à a Né kũ à ḡs papana ari gɔɔ sɪnda pínki kàn.

8

Yesume ó Sa'oriki u

¹ Yā kũ òten o m̄in dí: Ó sa'oriki bire taka vī vutena kiblegbaaa musu Luda z̄sk̄de ɔplai. ² Àdi zĩ ke Ludakukia, bizakuta yāpura kũ Dikiri d̄n, adi ke p̄ kũ bisāsirinɔ d̄nlo. ³ Zaakũ suna kũ gbanɔ kũ sa'onaa yāin òdi sa'oriki sɪnda pínki kái, à mana àpii ḡs p̄ vī à kpá se. ⁴ Tó à kú andunia gũn, anigõ de sa'ori ūro, zaakũ sa'ori kũ òdi su kũ gbanɔ lákũ doka dìte nàno kun k̄. ⁵ Zĩ kũ òten ke bi p̄ kũ à kú musu takame, a ninime. Abire yáí kũ Musa ye à bizakuta dɔ, Luda pinε à laakari ke à p̄ kũ a a taka m̄ne kpi musu ke lákũ à de nà pínki. ⁶ Yesu mé à Luda bàka kunna kũoo yākek̄eri ū. Zaakũ Luda bàka kunna kũoo pì de a bàka kunna kũńwo zɪla, zĩ kũ ò dāne de sa'oriki pinɔ p̄la. Luda bàka kunna kũoo pì lésena de a zɪla dɔ. ⁷ Tó Luda bàka kunna kũńwo zĩ pì papaname yā, de a plade zé vīro. ⁸ Kũ Dikiri Isarailanɔ taari lè à pì:

A gɔɔ ten su kũ mani ma bàka

kunna kũ Isarailanɔ kũ Yudanɔ dufu ke.

⁹ Anigõ de lán ma bàka kunna kũ ñ dizinɔ

gɔɔ kũ ma ñ kũ ñ ɔa ma ñ bóte Misila bàro.

Zaakũ odi ze kũ ma bàka kunna kũńwooro,

akũ ma ñ tón.

¹⁰ Ma bàka kunna kũ Isarailanɔ gɔɔ bireno gbera yān dí:

Mani ma dokayānɔ dańne ñ n̄sen,

mani k̄ ñ sw̄εεa.

Manigõ de ñ Luda ū,

onigõ de ma gbēnɔ ū.

¹¹ Ñ gbēke ni yā dada a dakenero,

ñ gbēke ni ma d̄na da a gbēnero,

zaakũ ñ pínki nigõ ma d̄me,

né f̄iti gbē z̄sk̄ ñ pínki.

¹² Mani s̄uru ke kũńwo kũ ñ taarinɔ,

mani ñ durunnano yā da doro.

¹³ Kũ Luda bàka kunna kũńwo dufu pì yā ò, à a káakupɔ zĩ bò. P̄ kũ à zĩ kũ à bùsa, a kpana gui z̄aro.

9

Luda bàka kunna kúnwo zĩ sa'ona

¹ Luda bàka kunna kúnwo káaku donyĩ zé vĩ kú Ludakuki kú à kú zĩteo. ² Fítala kú teburu kú òdi burodi kátea Ludanēeo kú kpéda kú òdi pi gu kú à kú adonan. ³ Kpéne kú òdi pi Ludakuki pì kú lábure plade kpe. ⁴ A gūnn turaretitikipataki kú ò pì kú wuraaò kun kú Luda bàka kunna kúnwo àkpati kú wura kútea mámmamwo. Wura lo kú mana kú a gūn kú àkpatii pìi gūn kú Haruna gò kú à lá bòtò pàao kú Luda yāditena gbè anlonò. ⁵ Àkpatii pìi musu kerubu gakuridenon kú durunnakēmmakila. Pó pìno bòkòtena dodo gòron díro.

⁶ N katena le gūn, sa'orinò digō gē kpéda gūn gèn baaakō ò n sa'ona zĩ ke. ⁷ Sa'oriki mé àdi gē kpéne wè do gèn do, akūsō àdi gē aru sariro. Àdi aru pì fāfā a zĩda durunna yāi kú a gbēno pó kú ò kè dōnasariki gūnwo. ⁸ Luda Nini ten mawere, goro kú kpé káaku pì kun, Ludakuki zé wēnaro. ⁹ Abirekū ten yā lekōawere kú tera yāo à pì, pó kú donyĩrii dī Luda gbanò kú sa'opo kú àdi kpáano dī fō à a nēse dane dokōnò swáswaro. ¹⁰ Yā ditena pìno bi mèbarayāme. Póble kú pómínaao kú gbàbona buri sīnda pínkiyo yāme. Ò dīte ari zé dufu goro gō káme.

Luda bàka kunna kúnwo dufu sa'ona

¹¹ Akū Kirisi sù yā mana kú à kà tera sa'oriki ū. À gè bizakuta kú à zōkō akūsō à papana de a káakupola gūn, kú bisāsiri mé à dōro, andunia dīkīna pón sōro. ¹² Adi gē Ludakukin kú blè ke zù aruoro, à gè kú a zĩda aruo gèn dome, à gbēno bōo ari goro sīnda pínki. ¹³ Zaakū òdi blè aru kú zùsa aruo kú zùnunu kú ò kpàta túbuo fāfā gbē kú ò gbāsīno ò gbà boónne, ¹⁴ oni Kirisi pó o dō yá? À a zĩda kpà Ludaa mamberu sari kú Nini kú àdigō kun goro sīnda pínki gbānao. A aru dī ó swè pípiwere bona yā pā kekena pìno gūn, de ò zĩ ke Luda Wēndidene.

¹⁵ Abire yāi Kirisi mé à Luda bàka kunna kúnwo dufu yākeri ū, de gbē kú Luda n sīsino wēndi kú àdi lākaro kú à a lé sè le yāi. À gà de à n bo, à taari kú ò kè Luda bàka kunna kúnwo káakupō yā musunò kēm̄ma. ¹⁶ Tó ò ye ò zĩ ke gbē légbeditenaaa, sé ògō dō sānsān kú ade gà, ¹⁷ zaakū ga gberan légbēe digō gbāna vī. Tó légbediteri kpé bēne, légbē digō gbānaro. ¹⁸ Abire yāin odi Luda bàka kunna kúnwo káakupō pì sa ke aru sariro. ¹⁹ Kú Musa doka yāditenanò ò gbē sīnda pínki wára, à sākā tēra zónzon kú sēsōvlāoo sè à zō zūsane bōro kú blèkofīni aru kú ò yàkate kú íooa, à fāfā Musa dokaa kú gbēno dō n pínki ²⁰ à pì, Luda bàka kunna kúnwo arun gwe, kú à dīteáre à kūna. ²¹ Len Musa aru fāfā bizakutaa kú sa'ona zīkebōno dō pínki. ²² Doka gūn aru mé àdi gbà bo pó daside pínki. Arukōtenaa sari durunnano kēm̄mana kunlo.

Kirisi a zĩda kpà sa'opo ū durunna mīdena yāi

²³ Zaakū à kō sio ò gbà bo pó kú ò kú ludambe taka pìnoñe lán abire bà, sa'opo kú à de abirekūla kō si kú ludambe pó pìno. ²⁴ Zaakū Kirisi dí gē Ludakuki taka kú bisāsiri bōnlo, à gè a yāpurañ ludambeme, gu kú à kun tera ó Zekūnwode ū Luda are. ²⁵ Sa'oriki dī gē Ludakukin kú pókade aruo wè kú wēeo, ama Kirisi dí gē de à a zĩda kpá gèn baaakō yāiro. ²⁶ Tó adi ke lero, de àten wari ke gèn baaakō zaa anduniakatena goro. Yāpura gūn à sù gèn dome goro kú andunia kà a kákia sà, à a zĩda kpà sa'opo ū, de à

durunna m̀i deo. ²⁷ Luda d̀ite bisāsirine à ga g̀en do, gbasa à yākpate ke k̄āao, ²⁸ len Kirisi a z̄ida kpà g̀en do ɛ, à gb̄en durunna d̀i a m̀ia dasi. Ani era à su a g̀en pladeo, adi ke durunna yāin doro, de à gb̄e k̄ū n̄ w̄e d̄oino sura ba yāime.

10

¹ Musa doka bi yā mana k̄ū àten su takame, adi ke yā p̄inlo. Abire yāi sa dok̄on̄o p̄i ona g̀en baaak̄o w̄e k̄ū w̄eɛo d̀i f̄s̄ à gb̄e k̄ū òten na Ludaino ke papana zikiro. ² Tó sa p̄i onaa gb̄à bò donȳirinone g̀en do ari ḡoro s̄inda p̄inkime yā, de n̄ k̄ū gb̄ana, ò a onaa tò. ³ Yāpura ḡun sa'onaa p̄i mé àdiḡo gb̄en durunna yā d̄oṅgu w̄e k̄ū w̄eɛo. ⁴ Zaak̄ū z̄usa k̄ū bl̄ekofinioo aru d̀i f̄s̄ à durunna k̄ēm̄ma zikiro. ⁵ Abire yāi k̄ū Kirisi ten su andunia ḡun, à p̄i Ludane:

N̄ ye sa'opo ke gbairo,

ak̄ū n̄ bisāsiri m̄e k̄emene.

⁶ Sa'opo k̄ū òdi ká t̄en à té k̄ū

k̄ū sa'opo k̄ū òdi o durunna yā musuo

d̀i kánguro.

⁷ Ak̄ū ma p̄i: Mak̄ume la!

Lákū ò k̄e takadan ma yā musu nà

ma su n̄ p̄yenȳina keme, Luda.

⁸ Káaku ḡia à p̄i, sa'ona k̄ū gbao k̄ū sa k̄ū òdi ká t̄en à té k̄ūo k̄ū sa k̄ū òdi o durunna yā musuo d̀i ká Ludaguro, à yeiro, bee k̄ū doka mé à d̀ite. ⁹ Ak̄ū à p̄i, akāame dí, a su a p̄yenȳina keme. À a káakupo kpà kpado a plade d̄itena yāi. ¹⁰ Luda p̄yenȳinaa p̄i kenaa ḡun Yesu Kirisi a z̄ida kpà sa'opo ù g̀en do, à tò ó kú adona Luda gb̄en ù.

¹¹ Ḡoro s̄inda p̄inki sa'orino d̄iḡo kú n̄ z̄i ḡumme, òḡo sa dok̄on̄o k̄ū àdi f̄s̄ à durunna k̄ēm̄ma zikiro o g̀en baaak̄o. ¹² Kirisi s̄o, à sa ò durunna yā musu g̀en dome ari ḡoro s̄inda p̄inki, ak̄ū à ḡe à v̄ute Luda oplai. ¹³ Zaa ḡoro k̄ua à kú gwe, àten dā Luda a iberen̄o keare a tintin ù. ¹⁴ Zaak̄ū sa'ona g̀en do p̄i ḡun, à tò gb̄e k̄ū à gb̄à b̄on̄eno ḡo papana ari ḡoro s̄inda p̄inki. ¹⁵ Luda Nini era àten yā p̄i owere d̄o à p̄i:

¹⁶ Ma bàka kunna k̄ūn̄wo ḡoro biren̄o gbera yān dí:

Mani ma dokayāno dañne n̄ n̄ese ḡun,

mani k̄e n̄ sw̄eɛa.

¹⁷ Ak̄ū gbasa à p̄i:

Mani n̄ durunna k̄ū n̄ taarin̄o yā da doro.

¹⁸ Lákū à n̄ durunna k̄ēm̄ma nà, sa'ona n̄ yāi zé v̄i doro.

Ò na Ludai

¹⁹ Abire yāi ma gb̄en̄o, k̄ū Yesu aru gb̄anao ó ḡena Ludakukin zé v̄i k̄ū sw̄eɛo kpatena. ²⁰ À w̄endi zé dufu b̄owere a m̄e ḡai à ḡe k̄ūoo lábure kpe ari Ludakukia. ²¹ Lákū ó sa'ori z̄ok̄o v̄i nà Luda on̄k̄uri ù, ²² ò na Ludai k̄ū n̄ese doo k̄ū a náanikena sikaa sario k̄ū sw̄e k̄ū ò p̄ipi ò taari laasun bò a ḡunwo k̄ū m̄e k̄ū ò a zú ò k̄ū í swáswao. ²³ Òḡo t̄amaa k̄ū o z̄eo k̄ūna ḡingin, zaak̄ū Luda a lé s̄e, ak̄us̄o à náani v̄i. ²⁴ Ò laakari d̄ok̄o, ò té kák̄ogu yenȳi k̄ū yāmanakenaao yā musu. ²⁵ Òsun p̄a kpá ó k̄okakaranaai lákū gb̄eken̄o d̀i ke n̄aro. Ò lé dak̄o, at̄ensa lákū a è Dikiri suḡoro ten ká k̄ani nà.

²⁶ Tó o yāpura mà o dḡ, tó o gi óten durunna ke, sa'ona kū ani durunna kēwá kun doro. ²⁷ Pó kū à gḡwewe mé à de ògḡ wé dḡ yākpatei ũ kū swèkēnguo kū té gbāna kū ani Luda iberenḡ kakateo. ²⁸ Òdi gbē kū à gi Musa doka dai de a wé gwanaa sari gbēnḡn pla ke aakḡ sèedakpanaa musu. ²⁹ Tó gbē gèsee pète Luda Néa, akū à Luda bàka kunna kúnwo aru kū à gbà bòare gya bò, akū à Nini Gbēkekenneri sḡsḡ, àgḡ dḡ kū a wétamma nigḡ zḡkḡ de abirekūla manamana. ³⁰ Zaakū ó yā díkīna òri dḡ à pì, akāa mé áni fīna bońma, akāa mé áni fīna bońne. Ò pì dḡ, Dikiri ni yākpate ke kū a gbēnḡ. ³¹ Yā pāsīme, tó n lete n da Luda Wèndide ũ.

³² À laasun lé á kunna yāa. Á wékēnaa gbera a wari fḡ á osi zḡkḡ kanaa gūn. ³³ Zikenḡa òdi á sḡsḡ, òdi á wé tā pari gūn. Zikenḡa adì ze kū gbē kū òteni wé tā lenḡ. ³⁴ A purusunanḡ wēnda dḡ. Kū ò á pḡnḡ siáwa, a we kū pḡnnao, zaakū á dḡ kū á aruzeke mana kū anigḡ kun gḡḡ sīnda pínki vī. ³⁵ Abire yāi àsun tó á wḡrḡḡ kū à àre vīare zḡkḡ gḡtēáwaro. ³⁶ Séde àgḡ mena vī de à pḡ kū Luda a lé sè le a pḡyenyīnakenaa gbera.

³⁷ Zaakū à gḡ fítīme, ani gi kero, kū gbē kū àten su ni kipa.

³⁸ Gbē mana nigḡ kun ma náani kū àten ke yāi, ama tó à èra kpe, ma pḡ nigḡ nnaro.

³⁹ Gbē kū òdi boru kū kpeo ò ní zīda kakatenḡn ó ũro. Gbē kū ò Luda náani kè ò surabanaa lenḡn ó ũ.

11

Gbē káakunḡ ludanaanikēnaa

¹ Ludanaanikēnaame támaa kunna Luda kínaa sikaa sari ũ, yā kū òdi wé sialero sina yāpura ũ. ² Gbē káakunḡ ludanaanikēna mé à tò Luda ní sáabu kpà.

³ Ó ludanaanikēna mé à tò ó dḡ kū a yā'ona mé à andunia kàte. Pó kū òdi wé sialeron à pḡ kū òdi wé siale kèo.

⁴ Habila ludanaanikēna mé à tò a sa'ona Ludaa mana de Kainu pḡla. A ludanaanikēna yāin Luda a sáabu kpà, à a dìte gbē mana ũ, akū à a gba si. Bee kū à gà, ó kpé óteni a yā ma Luda náani kū à kèe pì yāi.

⁵ Enḡku ludanaanikēna mé à tò Luda a sè, de àsun garo yāi. Odi a e doro, kū Luda a sè bona andunia gūn yāi. Ari Luda gḡ a sé, à a sáabu kpà, à pì a yā kàagu. ⁶ Gbēke yā dì ká Ludagu a náanikēnaa sariro. Séde gbē kū àten nai sí kū à kun akūsḡ àdi fīna bo a ki weterinḡne.

⁷ Kū Luda lé dà Nuhua yā kū odi e yāro musu, akū à Luda náani kè, à a yā mà, à gó'ite kè, à a ondenḡ sura bào. A ludanaanikēna mé à tò yā vùte andunia, akūsḡ Luda tò yā bò káao nna a náani kū à kèe pì yāi.

⁸ Kū Luda Ibrahī sisi de à gé bḡsu kū áni kpáa àgḡ vī gūn, akū Ibrahī Luda náani kè, à Luda yā pìi mà. À bò be, bee kū à gu kū àten gén pì dḡro. ⁹ À Luda náani kè, akū à be pète bizakuta ũ bḡsu kū Luda a lé sēneε pìi gūn nibḡ ũ. Len Isaaku kū Yakubuo dḡ, zaakū Luda lésēnaa pìi gḡ ní pḡ ũme. ¹⁰ Zaakū wēte kū Luda kàte à bò a zīni petēnaan Ibrahī wé dḡi.

¹¹ Sara ludanaanikēna mé à tò à zé lè à nḡo si, bee kū paramε, akūsḡ à zī kù, zaakū à dḡ kū Luda kū à lé sèare náani vī. ¹² Bee kū à zī kù, gḡgbē mèn do pì buri kè dasi lán susunenḡ ke ísirale bḡsu'atē bà, oni fḡ ò a lé dḡro.

¹³ Gbē pìnɔ gàga ń pínki ń ludanaanikena a gūn, pɔ kŭ à a lé sè̀nneɔ lenaa sari. Ò è zà dire ò gbānake kpàì. Ò pì, nibɔ̀ bòasunɔme ń ũ zĩtea la. ¹⁴ Gbē kŭ òdi o lenɔ ten mɔwɛɛ kŭ òteni ń zĩda bŭsu ni demɛ. ¹⁵ Tó bŭsu kŭ ò bòn bɛgen òten ke yā, de ò zé lè ò ɛra ò tà gwe. ¹⁶ Ama bŭsu kŭ a mana de abirekŭlan òteni a ni de, àkŭ ludambɛ pɔ ũ. Abire yāi tó ò Luda sìsi ń Luda ũ, àdi kenɛ wé'iyā ũro, zaakŭ à wéra kàte ń pɔ ũ.

¹⁷⁻¹⁸ Kŭ Luda Ibrahī yò à gwà, akŭ Ibrahī Luda náani kè, à Isaaku kpà sa'opɔ ũ. Luda lé sènɛ yā à pì, Isaaku burinɔn onigɔ̀ piĩne a burinɔ ũ. Bee kŭ abireo à zè kŭ a né mèn do pì kpanaa. ¹⁹ À sì kŭ Luda gbāna ni fɔ̀ à gè̀nɔ vu bona gan, akŭ à de lākŭ ò pì à ɛra à Isaaku lè bona gan bà. ²⁰ Isaaku Luda náani kè, akŭ à sa'ole kè Yakubu kŭ Isauone. ²¹ Kŭ Yakubu kŭ ga léi, akŭ à Luda náani kè, à sa'ole kè Yusufu nénɔne, akŭ à gbāna lè a gòoa à donyī kè. ²² Kŭ Yusufu kà gana, akŭ à Luda náani kè, à Isarailanɔ bona Misila yā ò kŭ lākŭ oni ke kŭ a gèwao nà.

²³ Musa de kŭ a dao Luda náani kè, akŭ ò a ùte ari mɔ aakɔ a inaa gbera, kŭ ò è a àlesi mana yāi. Odi vīna ke doka kŭ Firi'auna ditenɛro. ²⁴ Kŭ Musa kè zɔkɔ, akŭ à Luda náani kè, à gì ò a sísi Firi'auna nénɔgbē né ũ. ²⁵ À sì ò a wé tã kŭ Luda gbēnɔ de kunna kŭ pɔnnao durunna gūn gɔɔ plala. ²⁶ À dīte kŭ wé'i kŭ òdi darŭma Kirisi yāi de Misila aruzekela, zaakŭ ziakepezi láadan a wé kúa. ²⁷ A ludanaanikena mé à tò à bò Misila, adi vīna ke Firi'auna pofenɛro, à zè gíngin lākŭ à Luda kŭ òdi e kŭ wéoro èe bà. ²⁸ A ludanaanikena mé à tò à Vīnla dikpe dīte kŭ aru mamana kpé lé gb̃iao, de gbēderi súnɔ na ń daudunɔaro yāi. ²⁹ Isarailanɔ Luda náani kè, ò bikŭ Isira Tēraa lán zīte kori bà. Kŭ Misilanɔ yò a le, akŭ í dàńla. ³⁰ Isarailanɔ Luda náani kè, ò taa ò ò lika Yerikoi ari gɔɔ suppla, akŭ a bīni kòte. ³¹ Karua Rahabu Luda náani kè, à gu'asirigwarinɔ dīte à ń gwá manamana, akŭ adi kakate kŭ ludayadarisarinɔoro.

³² Mani pi dera dɔɔ? Mani zé le mà Gidion yā oro ke Baraki ke Samusi ke Yefeta ke Dauda ke Samueli ke annabinɔ. ³³ Ò Luda náani kè, akŭ ò zīi blè kínanɔa, ò yā gògò gbēnɔne a zéa, ò lé kŭ Luda sè̀nne gbēe lè, ò músunɔ lé nàkɔa, ³⁴ ò té pāsī dè, ò bò fēneda léi, ò gbāna lè ń gbānasarike gūn, ò pāsī kŭ zīi gūn, ò pè buri pānde zīkarinɔa, ³⁵ ò nɔgbēnɔ né gè̀nɔ fūte bona gan ò kpàńma. Ò mēè ù ń gbēkenɔa, akŭ ò gì ò ń gbare, de ò vu bona gan ò bo mana yāi. ³⁶ Ò ń gbēkenɔ fobò, ò ń gbē kŭ flāao. Ò m̀ò kà ń gbēkenɔa, ò ń ká kpésiran. ³⁷ Ò ń pápa kŭ gbēeo ò ń dede, ò ń zɔkɔre pla kŭ sákasakaa, ò ń dede kŭ fēneda. Ò kurè sã bára kŭ blè bárao dana. Ò gò kori, ò ń wé tã, ò wari d̃rma. ³⁸ Andunia kunna dí kɔ sí kŭńworo. Ò likaralikara sèn kŭ kpi musunɔ, ò kŭ gbēwɛɛnɔn kŭ t̃nɔwɛɛnɔ. ³⁹ Bee kŭ Luda gbē pìnɔ sáabu kpà ń pínki a náani kŭ ò kè yāi, odi pɔ kŭ à a lé sè̀nne lero, ⁴⁰ Luda gīnake à dīte, ò gwena mana le de ń pɔla, de òsungɔ papana ó sariro.

12

Luda a gbēnɔ totonaa

¹ Abire yāi ókɔnɔ se, lākŭ sèedadenɔ diwái nà le, ò ɔ kpá pɔ kŭ òdi kpáwɛrenɔi kŭ durunna kŭ àdi ó kakŭn aragao pínki, ò bàkpakŭsŭna kŭ Luda dītewɛɛ lé kŭ menao. ² Ò wé pé Yesua kŭ à bò kŭ ó ludanaanikena zéo akŭsɔ à zé pìi kè papana. À gana líaa fɔ̀, adi a wé'iyā daro pɔnna kŭ à

ditenanε lena yāi, akū à gèε à vùte Luda kíblegba ɔplai. ³ À laasun lé a yāa, lākū à mena f̄s kū durunnakeri kū ò ibεre bire taka sè k̄āaonɔ, de àsun k̄pasa á n̄sεε yakaro yāi. ⁴ Zaakū á ɔsikana kū durunnao gūn, ádi ze a gi ari a ge a gaoro. ⁵ N̄sεȳidakūna yā kū ò óare lán n̄nɔ bà s̄áágun yá? Ò p̄i: Ma né, tó Dikiri teni n toto, ñsun dite p̄āro.

Tó à kp̄àk̄enyī, ñsun tó n k̄a garo.

⁶ Zaakū gb̄ε kū Dikiri yeiin àdi toto, àdi wé t̄a gb̄ε kū à s̄i a né ūa.

⁷ À wétamma dite totona ū. Luda mé àten abirekū k̄ε̄are, kū a n̄nɔn á ū yāi. Né ke kun kū a de ni gí à a totoi yá? ⁸ Tó adi á toto lán a né k̄paranɔ bàro, á de a n̄nɔ ūro, ȳigisarin̄nɔn á ū. ⁹ Ó denɔ v̄i andunia la kū ò ó toto, akū o n̄ yā mà. Lākū à de le nà, ò mì natε ó De kū à kú musu de abirekūla òḡs kun. ¹⁰ Ó denɔ ó toto ḡɔɔ pla p̄s ū n̄ ɔnd̄s lén. Luda dì ó toto ó karana yāime, de ó kunna le àḡs adona lán a bà. ¹¹ Totona ke p̄ɔnna v̄i a ḡɔɔaro, sé p̄ɔsira, ama gb̄ε kū totonaa p̄i n̄ k̄ékenɔ dì a gb̄ε le z̄a bona mana kū aafiao ū.

¹² Abire yāi à á ɔ kū ò ḡs d̄oáinɔ kū á gb̄a kū ò ḡs tererenɔ gba gb̄ana, ¹³ à zé sé s̄usu, de ák̄ɔnɔ kū àten t̄ɔɔtenɔ sún kakūnlo, ò ḡs kū aafiaao.

¹⁴ À wete àḡs nna kū gb̄ε s̄inda p̄inkio, á kunna ḡs adona, zaakū tó gb̄ε kunna adonaro, ani Dikiri ero. ¹⁵ À laakari k̄ε, á gb̄εke sún kura Luda gb̄εkekennenaai à ḡs ḡɔnna ū á té, à wari d̄o gb̄enɔa dasi à n̄ yakaro. ¹⁶ Á gb̄εke s̄unḡs de p̄áp̄akeri ke ludayādarisari ū lán Isau bàro. Á a daudukεze yia p̄s ḡen do blena yāi. ¹⁷ Á d̄s kū à sa'ole w̄ete a dea z̄a, akū Luda ḡine. Bee kū à w̄ete kū w̄é'io, adi zé le à yā kū à k̄ε litero.

Luda bàka kunna k̄únwo z̄i kū a dufuo

¹⁸ Adi ke Sinai kpi kū oni f̄s ò ɔ naaan a nairo, kū àten té kū, à gusira v̄i kū gu bùgubuguuo kū z̄aga'iao ¹⁹ kū k̄āk̄aki ȳis̄ampanaa kū Luda k̄oto gb̄anao. Kū Isarailanɔ k̄otoo p̄i mà, ò kúte k̄ene ò p̄i, àsun ȳake oñne doró, ²⁰ zaakū oni yā kū à diteñne d̄ík̄ina f̄ro à p̄i: Bee p̄ók̄ade mé à nà kpi p̄iia, ò pápa kū gb̄εo ò de. ²¹ Luda kipanaa p̄i bi v̄ina yāme manamana ari Musa p̄i, v̄ina a kū, àten lukaluka.

²² Ama a na Zaīs kp̄ii kū Luda W̄endide w̄ete Yurusalemu kū à kú musuo kū a malaika dasidasi kū ò kakarana gwenɔ ²³ kū daudu kū n̄ tó k̄ena gwenɔ k̄okakaranao kū Luda kū à de gb̄ε s̄inda p̄inki ȳákpatekeri ūo kū gyāwān gb̄ε mana kū ò ḡs papananɔ ²⁴ kū Yesu kū à de Luda bàka kunna k̄únwo dufu ȳakekeri ūo kū a aru f̄af̄ana kū àten yā mana o de Habila p̄ólao.

²⁵ À laakari k̄ε, àsun gí yā'orii p̄i yā mairo. Lākū gb̄ε kū ò ḡi Luda lédamma mai z̄ite lanɔ dí boro nà, ók̄nɔ se, lākū Luda ten lé dawá zaa musu, tó o k̄pe line, oni ó p̄s ò d̄o yá? ²⁶ A k̄oto z̄ite lùkaluka yā, akū à lé s̄ε à p̄i, áni gu lukaluka ḡen do d̄o, adi ke z̄ite adonlo kū musuome s̄a. ²⁷ Kū à p̄i, ḡen do d̄o, abirekū ten piwεre Luda p̄ók̄ena kū ani lukaluka p̄inɔ ni ḡε z̄élame, de p̄s kū àdi lukaronɔ le àḡs kun. ²⁸ Abire yāi lākū óten kpata kū àdi ȳiḡaro ble nà, ò Luda s̄áabu kp̄á, òḡs donyī k̄ene lākū à yei nà, òḡs mì natene v̄inakenanε gūn. ²⁹ Zaakū ó Luda bi té kū àdi k̄ún̄mame.

13

Lédammanaa

¹ À wé tã àgõ gbêke vī kũ k̄so. ² À laakari d̄o nibokūnaaa, zaakū len gbêkeno malaikan̄o yàrii kè d̄snaa sari le. ³ À tó gbē kũ ò ñ ká kpésira gūnn̄o yā d̄oágu, lákū á kú kūn̄wo kpésiran bà, kũ gbē kũ òten wé t̄árn̄mano, lákū ák̄on̄ome òten wé t̄ááwa bà. ⁴ Baadi ḡõ n̄osena da yā bèereede ũ. Òsun ñ wúteki gbāsī kpáro, zaakū Luda ni yākpate ke kũ zinakerin̄o kũ p̄ap̄akerin̄o. ⁵ Yena ōgoi sún doáre arero. À ze kũ pó kũ á v̄io, zaakū Luda p̄i:

Mani n tónlo,

mani p̄a kpányī zikiro.

⁶ Abire yāi odì kùgbāna ke ò pi:

Dikirime ma kpanyīri ũ,

v̄ina ni ma kũro.

Bón bisāsiri ni f̄õ à kemenee?

Sayāpura onaa

⁷ À tó á don'arede kũ ò Luda yā òáren̄o yā d̄oágu. À ñ kunna tàasi ká ari a léa, á Luda náani ke lán ñ bà. ⁸ Yesu Kirisi dok̄on̄o ḡia kũ gbárao ari ḡoro s̄inda p̄ínki. ⁹ Àsun tó ò á s̄ate kũ yā nib̄o dasi dannenan̄ooro. À mana ó swè gbāna le Luda gbêke gūn, adi ke sa'opóble kũ àdi àre ke ke gbē kũ ò z̄ēon̄on̄eronlo. ¹⁰ Bizakuta sa'orin̄o zé v̄i ò sa'oki kũ ó v̄i p̄óble blero. ¹¹ Sa'oriki d̄i ḡe Ludakukin kũ p̄ókāde aruo durunnan̄o k̄emmana yāi, akū òdi a gè kpata b̄ura kpe. ¹² Abire yāi Yesu gà w̄ete kpe se, à gb̄a b̄o gb̄en̄one kũ a z̄ida aruo. ¹³ Ò bo ò gé a k̄inaa b̄ura kpe, wé'i ó kũ k̄aao se. ¹⁴ Zaakū ó w̄ete kũ aniḡõ kun v̄i laro, w̄ete kũ àten sun ó wé d̄oi. ¹⁵ Abire yāi òḡõ Luda sáabu kpá lakanaa sari kũ Yesu gbānao ó sa'ona ũ. Gba kũ a sisirin̄o d̄i suon gwe. ¹⁶ À laakari d̄o yāmanakena kũ k̄ogb̄ek̄enaaoa. Sa bire taka ona mé àdi ká Ludagu. ¹⁷ À á don'ar̄eden̄o yā ma, à mì nateñne, de ò le ò z̄i ke kũ p̄on̄nao, zaakū ò de gbē kũ oni ñ z̄i yā baba Ludanen̄o ũ. Tó òten z̄i ke kũ lésuruo, ani àre keárero.

Lézammanaa

¹⁸ À adua k̄ewere. Yāke teni ó swè v̄iro, odiḡõ ye òḡõ kũ ó d̄or̄ōa yā s̄inda p̄ínki gūn. ¹⁹ Ma wé k̄éáwa à adua kemene, at̄ensa mà le mà su á kia likalika.

²⁰ Luda aafiade kũ ó Dikiri Yesu f̄ute bona gan s̄ad̄ariki ũ a bàka kunna k̄oo ḡoro s̄inda p̄ínki aru ḡai, ²¹ à á keke kũ mana p̄ínki, de à a p̄oyenyina ke, à yā kũ à k̄aagu ke ó gūn Yesu Kirisi ḡai. Àkū mé à gakuri v̄i ḡoro s̄inda p̄ínki, aami.

²² Ma gb̄en̄o, ma wé k̄éáwa, àḡõ lédamma yā p̄i kũna kũ menao, zaakū takada kũ ma k̄éare z̄ok̄oro. ²³ Àḡõ d̄õ kũ ò ó gbē do Tim̄oti gb̄are. Tó à kà la tera, óni su á gwa lele. ²⁴ À f̄õ kpá á don'ar̄eden̄o ñ p̄ínki kũ Luda gb̄en̄o p̄ínki. Itali b̄usuden̄o f̄õ kp̄ááwa. ²⁵ Luda gbêke keáre á p̄ínki.

YAMISI

Yōgwanaa

¹ Yamisi, Luda kù Dikiri Yesu Kirisio z̀b̀bleri mé à f̀ kpà Isaraila buri m̀n kuri awεεpla kù ò f̀k̀sananaɔ.

² Ma gbēɔ, wari burinɔ dasi. À p̀ kù ani á le ditε p̀nna yā ũ, ³ zaakū á d̄s kù á ludanaanikεna yōgwana ni mēna iáre. ⁴ À tó mēna papaáwa, de àḡɔ de gbē k̀saranaɔ ũ swáswa yáke k̀ianaáwa sari. ⁵ Tó ònd̄ɔ ten k̀ia á gbēkea, à wé ke Ludaa, ani a gba, zaakū àdi gbē s̄inda p̀inki gba p̀ kù n̄sεεo do taari'ena sari. ⁶ Tó à wé k̀ea s̄, à a náani ke sikaa sari, zaakū sikade de lán ko vl̄a bàme. Gu kù ïa k̀akan, gwen àdi liten. ⁷ Gbē bire taka s̀nḡɔ da áni p̀ le Dikiriaro, ⁸ zaakū a n̄sε kun plaplame, akū àdiḡɔ sika ke yā kù àten ke g̀n p̀inki.

⁹ Takaside kù à kù ó té p̀nna ke, kù Luda a k̀ara yāi. ¹⁰ Aruzekede p̀nna ke, kù Luda a làgo yāi, zaakū aruzekedenɔ ni ḡεte lán lávu kotenaa bàme. ¹¹ Ifant̄ di futε kù a puusu gb̀anao, à lánɔ di kori ke, a vu di k̀óte, a manake di láka. Len aruzekede ni kp̀agui a b̀kotenanɔ g̀n le.

¹² Arubarikaden gbē kù àdi yōgwana f̀ ũ, zaakū a bona mana g̀bera Luda ni ẁndi kù à a lé s̀ gbē kù ò yeainɔne kenε ỳari ũ. ¹³ Tó yōgwana gbē lè, àsun pi Ludamero, zaakū oni f̀ ò Luda lé ò gwà kù a v̀anioro, akūs̄ àpii di gbēke ȳ ò gwa kù a v̀anioro. ¹⁴ Baadi yōgwanaa di bo a p̀nidena k̀inaame, akū àdi a wé ble à a g̀ate. ¹⁵ Akū p̀nidenaa pii di nò sí à né i durunna ũ. Tó durunna z̀k̄s kù s̄, àdi ga ime.

¹⁶ Ma gbē yenyidenɔ, àsun á z̄ida s̀atero. ¹⁷ Gba mana swáswa s̄inda p̀inki di bo musu, De Luda p̀gupurinɔ K̀eri k̀inaame. Àdi litero, a gupura i di lagoro. ¹⁸ A p̀yenyinaa g̀n à ó í kù a yā ỳapuradeo, de ò le òḡɔ arε a p̀ kù à k̀enɔ té.

Yamana kù a kenaa

¹⁹ Ma gbē yenyidenɔ, à yā dí ma. Àḡɔ yā ma likalika á p̀inki, ama àsun yā ò likalikaro, àsunḡɔ p̄ f̀ε likalikaro. ²⁰ Zaakū bisásiri p̄f̀ε di su kù yā mana kù Luda yeiioro. ²¹ Abire yāi à ɔ gbarε dà v̀ani kù yā pás̄i kù à dàgulanɔi p̀inki. À yā kù ò t̄s̄ á sẁen, kù ani f̀ à á sura ba sí kù z̄idabusanaao.

²² Àsun á z̄ida s̀atero, àsun yā p̀i ma kù s̄ao p̀aro, à z̄i kea. ²³ Zaakū gbē kù àdi yā ma, akū àdi z̄i keoro de lán gbē kù àteni a z̄ida gwa dígi g̀n bàme. ²⁴ A z̄ida gwanaa g̀bera, tó à g̀ z̀éla, lákū à de nà di s̄agu g̀nɔme. ²⁵ Gbē kù a wé pé Luda doka papanaaa kù àdi tó ò ḡs̄ z̄idadenɔ ũ, akū àdiḡɔ g̀éo arε, àdi ma à s̄aguro, àdi z̄i keame, Luda ni arubarika da adegu a ỳakenaa g̀n.

²⁶ Tó gbē a z̄ida ditε donȳiri ũ, akū àdi a lé f̀oro, àteni a z̄ida kekeme, àten donȳi ke p̄ame. ²⁷ Donȳikεna swáswa kù à taari v̄i De Ludaneron dí: Ò tonenɔ kù gyaanɔnɔ gwa ñ ẁndake g̀n, òḡɔ ó z̄ida k̀una d̄s gb̀as̄i sari andunia yā musu.

2

Gbē wé gwanaa

¹ Ma gbēɔ, ák̄nɔ kù àteni ó Dikiri gakuride Yesu Kirisi náani kenɔ, àsun gbē wé gwaro. ² Tó gbē g̀é á k̀kakaranaa g̀n wura t̀anka kù p̀kasa

tékēnaao dana, tó takaside kū à bizakasa gbāsī danaa gè se, ³ tó á wé té gbē kū à pókasa tékena danaai, tó a pìne à mós à vute gu manan, tó a pì takasidene à gé à ze dire, kesō à mós à vute á gbá sare, ⁴ áten kō tè bome, áten yā gwa kū manafikion gweroo?

⁵ À ma, ma gbē yenyīdeno. Luda gbē kū ò de gbānasaridenō ū andunia gbēnoe sè ògō gbāna a náanikenaa gūn, de ò kpata kū à a lé sè gbē kū ò yeinoe ble. ⁶ Ákōno sō, áten gbānasaride pino kpe bo. Aruzekedenō mé òdi gbāna bleáwaroo? Mókōno mé òdi á gáte ò gé kááo yákpatekiaroo? ⁷ Mókōno mé òdi tó nna kū à kúáwa yakaroo? ⁸ Luda dokayā mide pì, ágō ye à gbēdakei lán á zīda wèndii bà. Tó á yā pì kūna yāpura, áten yā ke a zéame. ⁹ Tó áten kō wé gwa sō, áten durunna keme. Doka pìi vùtéáwa, a gō taaridenō ūn gwe. ¹⁰ Zaakū tó gbē doka kūna pínki, tó à fù mèn doa, à gō taaride ū a pínki gūmmē. ¹¹ Luda pì, àsun zina kero. À pì do, àsun gbē dero. Bee tó ndi zina kero, tó n gbē dè, n gō dokadarisari ūmē. ¹² Ákōno kū Luda ni yā gōgō kááo doka kū àdi tó ò gō zīdadenō ū musu, ágō yā o, ágō yā ke lákū à kō sī kááo nà. ¹³ Luda ni yákpate ke kū sūrusaridenō sūruu sari, ama yā ni bo kū sūrudeo nna.

Ludanaanikēna kū yāmanakēnaao

¹⁴ Ma gbēno, tó gbē pì, áten Luda náani ke, tó àdi póke kero, bó yān gwee? Ludanaanikēna bire taka ni fō à a bo yá? ¹⁵ Tó á gbē mèn do, gōgbē ke no gbē ten pókasa kū póbble takasi ke, ¹⁶ tó á gbēke pìne: Luda n gba aafiaa! Ñsun tó ía n dero, n pó ble n ká, tó adi wèndibadōo kpáaro, bón abire ūu? ¹⁷ Lemē se ludanaanikēna ado pókekēnaa sari bi yā gēemē.

¹⁸ Tó gbē n pì, nten Luda náani ke, akūsō maten yā ke, mani pinne, n ludanaanikēna pókekēnasari mōmēne, mani ma ludanaanikēna mōnne ma yākenaa gūn. ¹⁹ N sī kū Luda mèn dome. À mana. Bee tānanō se, ò dō le, akū òdigō lukaluka. ²⁰ Yōnkō! Pó kū à tò ludanaanikēna pókekēnasari pā, n ye mà onne yá? ²¹ Kū ó dizi káaku Ibrahī a né Isaaku kpà sa'opō ū, yā dí bo kááo nna a yākena yáiroo? ²² N è yá? A ludanaanikēna kū a yākenaao kpákōime. A yākena mé à a ludanaanikēna pāpai. ²³ Akū Luda yā díkīna pāpa kū à pì, Ibrahī Luda náani kè, akū Luda tò yā bō kááo nna a náani kū à kè yāi. Akū ò tó kpāne Luda gbēnna. ²⁴ A è yá? Yākena mé àdi tó yā bo kū gbēo nna, adi ke ludanaanikēna adonlo. ²⁵ Lemē do karua Rahabu kè nna kū Ludao a yākena yāi, gōrō kū à gu'asirigwarino dìte à n gbarē zé kpāni gūn. ²⁶ Lákū mè ninisari de gè ū nà, len ludanaanikēna pókekēnasari de gè ū le se.

3

Léfnāa

¹ Ma gbēno, àsun ke yādannerino ū dasiro, zaakū á dō kū Luda ni wé piti ókōno yādannerino yákpatekegōrō zī de gbē kparanola. ² Ó pínki òdigō zā yāa baala'ime. Tó gbē lé dì a ásarū kero, taarisarideme, ani fō à a mè pínki gbāna fō. ³ Odì sōmō ká sōne de à ó yā ma yāime, akū odì a mile ble. ⁴ Kesō à gó'ite gwa ísirala. Bee kū a zōkōkeo kū zāga'ia gbāna kū àdi a yīpao, a fībo de fītinleme. Akū mé àdi a mile ble, akū a fīrii dì a poyeina dane. ⁵ Lemē sō, néne bi mēgu fītinleme, akū àdi ía dā kū yā zōkōo.

À gwa lákū té fīti dì sè dasi kpáta nà. ⁶ Néne de lán té bàme, àkūme andunia vāni ū ó mèe gūn. Àdi tó gbāsī gō kpá ó mèea pínki. Gyāwān

té mé àdi nakara néne, akū néne di té kpá ó andunia kunan. ⁷ Bisásiri nòbòsèntenò tùtuu kè pínki kù bānò kù pò kù òdi taa o kù kùaonò kù kpònò, à kpé àten ke ari tera, ⁸ ama gbēke di f̄s̄ à a néne tùtu kero. Àkūme pò vāni kù àdi ze teniro ū. À pana kù s̄ewet̄eō, ⁹ nénen odì Dikiri ó De sáabu kpáo, akū odì era ò bisásiri kù à a kè lán a bà káo d̄o. ¹⁰ Lédoḱn̄o piin sáabukpana kù gbēkanaao di bon. Ma gbēn̄o, àsunḡs̄ de lero. ¹¹ Íboki di í nna kù í kyàkyāao bo w̄e dok̄n̄o gūn yá? ¹² Ma gbēn̄o, kaka lí ni né i kù ū yá? Geepi lí ni né i kaka ū yá? Leme d̄o bia í sùkusukude ni í nna boro.

Ḷnd̄s̄ kù àdi bo musu

¹³ Á té, dí mé à yād̄s̄ri Ḷnd̄s̄de ūu? À m̄oñne a kunna mana gūn kù a yākenan̄o kù z̄idabusana kù àdi bo Ḷnd̄s̄ gūnw̄o. ¹⁴ Tó á nèseḡs̄ba pás̄i kù denlawet̄enaao v̄i á sw̄è gūn s̄s̄, àsun ía dāro, àsun gí yāpurairo. ¹⁵ Ḷnd̄s̄ bire taka di bo musuro, andunia p̄ome, á dà p̄ome, Ibilisi p̄ome. ¹⁶ Zaakū gu kù nèseḡs̄ba kù denlawet̄enaao kún, gwen k̄yāmasari kù yā b̄ène p̄inkio diḱs̄ kún. ¹⁷ Tó gb̄ē Ḷnd̄s̄ kù àdi bo musu v̄i, káaku àdiḡs̄ gbās̄i v̄iro, a gbera àdiḡs̄ yākete v̄iro, àdi a z̄ida busañne, àdi gb̄ē yā ma, à s̄uru papana kù yāmanakenaao. Àdi gb̄ē t̄è boro, akūs̄s̄ àdiḡs̄ manafiki v̄iro. ¹⁸ Iberemiderii di kena kù k̄s̄o nna t̄s̄, akū àdi yā mana k̄e.

4

Gbēnnakpana kù anduniao

¹ Bó mé àdi fiti kù lékpak̄s̄anaao da á t̄eē? Òdi bo á p̄oyeina kù òten òsi ká á m̄èe gūnn̄o k̄naanloo? ² Adiḡs̄ ye p̄óí, ama adì ero, akū adì gb̄ē de. Adì p̄ó ni de, akū adì p̄ó kù àten péa lero. Akū adì lékpak̄s̄a ke, adì fiti ke. Á a v̄iro, kù adì wé ke Ludaaro yāime. ³ Tó à wé k̄e, adì ero, kù adì wé ke kù nèsemanaoro yāime, zaakū adiḡs̄ ye à a b̄ok̄te ke á p̄ónidenan̄o gūmm̄e. ⁴ Náanisariden̄o, á d̄s̄ kù gbēnnakpana kù anduniao bi iberesena kù Ludaonloo? Gb̄ē kù à ye à ke andunia gb̄ē ū ḡs̄ Luda ibere ūme. ⁵ Kù ò k̄e Luda yān ò p̄i, Nini kù Luda dà ó gūn nèseḡs̄ba v̄i, àten da yā pān yá? ⁶ Ama gb̄ēke kù Luda v̄i k̄oo de abirek̄ula, zaakū ò k̄e Luda yān ò p̄i: Luda di ibere sé kù z̄idabirin̄o, ama à gb̄ēke v̄i kù z̄idabusarin̄o.

⁷ Abire yāi à mì nate Ludane. À gí Ibilisine, ani bàa síare. ⁸ À na Ludai, ani naái. Durunnakerin̄o, à o bo durunnan. Nèsepladen̄o, à á sw̄è pípi. ⁹ À s̄o d̄o kù p̄osirao kù w̄endayāo. À á yáad̄na lite s̄od̄na ū, à á p̄onna lite nèseyakana ū. ¹⁰ À á z̄ida busa Dikiri are, ani á kara.

¹¹ Ma gbēn̄o, àsun k̄s̄ t̄s̄ b̄ène síro. Gb̄ē kù à a Yesude dake t̄s̄ b̄ène si ke à a b̄ène b̄o, à Luda doka s̄èda vāni k̄e, à a vāni b̄o. Tó n Luda doka vāni b̄o s̄s̄, a m̄ariime n ūro, a vāniboriime n ū. ¹² Ludan dokaditeri ū kù yākpatekeriio. Akū mé à gb̄ē surabana kù a kakatenaao gbāna v̄i. M̄ok̄n̄ s̄s̄, díme n ū, kù ndi n gb̄ēdake vāni boo?

Luda bàka bonaa

¹³ À yā ma sà, ák̄n̄o kù adì pi, gbāra ke zia áni gé w̄eran, áni vute gwe w̄è do, áni laga tá à àre le. ¹⁴ Á yā kù ani á le zia d̄s̄ yá? Á d̄s̄ lákū á w̄endi de nà yá? Á de lán suka bàme. Tó à kpà f̄iti, akū àdi ḡete ḡn̄o. ¹⁵ Yā kù à de à on dí: Tó Dikiri w̄e, akū ó aafia, óni ke lán dire bà ke lán dí bà. ¹⁶ Tera

sõ átén Ìa dá, a Luda bàkaa bò. Ìadāna bire taka buri manaro. ¹⁷ Gbē kū à yāmanakena dō, akū adi kero durunna kē.

5

Kpakēna aruzekedenɔ

¹ Ákōnɔ aruzekedenɔ, à yā ma sà. À ɔɔ dɔ, à wiki lé kisira kū ani á le yāi. ² Á aruzekeno yāka, kòkɔnɔ á pókasanɔ sòso. ³ Á ɔɔɔ dāa kpà, akū a dāakpanaa pì ni á da yān, ani á mē piti lán té bà. A aruzeke di ɔɔɔ kpede zī. ⁴ Á ma! A ɔɔɔzikeri kū ò á burapɔnɔ kēárenɔ blè, akū ɔɔɔ pì yā Luda ki lè. Pókērii pìnɔ wikilēnaa gē Dikiri Zikaride sān. ⁵ A á mēna mà zīte la á poyeinakēnaa gūn. A mēe kpà kùtukpana ɔɔɔ pò ũ. ⁶ A yā dà gbē mananɔla, a n̄ dēde, odi gíáero.

Mena

⁷ Abire yāi ma gbēnɔ, àgɔ mēna fɔ ari Dikiri sugɔɔ. À gwa lán búbarii di a burapɔ bèereɗe kēgɔɔ dā nà. Àdi mēna fɔ zaa kaburagɔɔ ari sakare. ⁸ Ákōnɔ sɔ, à mēna fɔ à ze gbāna, zaakū Dikiri sugɔɔ kà kāni. ⁹ Ma gbēnɔ, àsun yākete kákōiro, de Luda sún yākpate ke kāáoro yāi. Yākpatekerii pì zena kpéleleá fá! ¹⁰ Ma gbēnɔ, annabi kū ò yā ò yā kū Dikiri tónɔ, à mēna kū ò kē warikēnaa gūn zé dí taka sé. ¹¹ Odi pi ò arubarika vī, kū ò mēna fɔ yāime. A Ayuba menakēna baaruu mà, a mà lākū Dikiri kēne nà kpekpe, zaakū wēnda kū sùruuo papana Dikiria.

¹² Atēnsa ma gbēnɔ, àsun la daro. Àsun pi a sì kū ludambēo ke kū zīteo kesɔ kū pò pāndeoro. À tó á ee gɔ ee. À tó á oi gɔ oi, de yā sún vuteáworo yāi.

Aduakēna ludanaanikēnaa gūn

¹³ Á gbēke ten wari ke yá? À adua ke. Á gbēke pɔ nna yá? À Luda sáabu kpá. ¹⁴ Á gbēke ten gyā ke yá? Ade sɔsi gbē zókōnɔ sísi ò adua kēne, ò nísi máa kū Dikiri tso. ¹⁵ Adua kū ò kē ludanaanikēnaa gūn ni gyāre pì werekōa. Dikiri ni a fute. Tó à durunna kē yā sɔ, ani kēa. ¹⁶ Abire yāi à á durunnanɔ okōne, à adua kekōne de à le àgɔ aafia. Gbē mana aduakēna gbāna, àdi zī ke manamana. ¹⁷ Iliasu bi bisāsirimē lán ó bà. À adua kē manamana, de legū sún maro, akū legū dí tó zītearo ari wē aakō kū mɔ suddoo. ¹⁸ À èra à adua kē dɔ, akū legū'i bò manamana, zīte pòble kē.

¹⁹ Ma gbēnɔ, tó á gbē mēn do zà yāpura zéa, akū á gbēke èra à a dà zén, ²⁰ àgɔ dō kū gbē kū à tò durunnakerii pì bò sātēna zén à èra à sù, à a sì gaame, akūsò à lá kù durunna dasinɔla.

PITA TAKADA KAAKU

Tāmaa kū àdi ní n̄ero

¹ Makū Pita, Yesu Kirisi z̄iri mé à takada dí k̄è Luda gb̄e kū ò de nib̄oño ù andunia dí ḡun, kū ò f̄ak̄ōana bùsu d̄ik̄īnan̄o ḡunn̄oñe: P̄ontu, Galatia, Kapadosia, Asia kū Bitinia. ² De Luda ḡīnake à á d̄ō, akū à á sé, a ḡō a p̄ó ù kū a Nini gb̄anao, de à mì nate Yesu Kirisine, a aru gb̄à boáre. Luda gb̄e kū aafiao karaáre.

³ Ó Luda ó Dikiri Yesu Kirisi De s̄áabu kp̄á! A s̄uru z̄ōk̄ō ḡun à ó í dufu kū Yesu Kirisi vuna gan gb̄anao, akū ó tāmaa kū àdi ní n̄ero v̄i, ⁴ zaakū túbi kū à ditenaáre ludambe p̄ii dì l̄ákaro, àdi gb̄āsī kp̄áro, a mana dì l̄ákaro. ⁵ Luda soru k̄è à l̄àka de à á sura ba a náani kū át̄en ke ȳái, akū át̄eni á d̄ákp̄á kū a gb̄anao ari à gé bo kū surabanaa p̄iio gupuraa ḡoro kp̄ede z̄i. ⁶ Áten p̄onna ke kū ȳá p̄iio, bee kū áni wari ke ḡīa f̄it̄i ȳōgwana buri s̄inda p̄ínki ȳái. ⁷ Lákū òdi wura mana d̄ō té ḡun n̄à, len òteni á ludanaanik̄ena ȳō à gwa le, zaakū á ludanaanik̄enaa p̄ii b̄èere v̄i de wura kū a gakuri dì l̄álala manamana. Tó a bo mana, Luda ni á s̄áabu kp̄á Yesu Kirisi suḡoro z̄i, ani á kpe ta kū gakurio. ⁸ Bee kū ádi a ero, á yei. Bee kū ádi wé ke pla k̄āao zik̄iro, át̄eni a náani ke, akū át̄en p̄onna z̄ōk̄ō kū à ḡè onala ke, ⁹ kū át̄eni á ludanaanik̄ena gb̄e le á surabana ù ȳái.

¹⁰ Annabin̄o ḡīnake ò gb̄e kū Luda ni ke k̄āáo ȳá ò, ò surabanaa p̄i ȳá gwà, ò a t̄āsii k̄à. ¹¹ Kirisi Nini kū à kú ní ḡun ḡīnake à wari kū Kirisi p̄i ni ke òñne kū gakuri kū ani le a gberao, akū ò w̄ete ò ȳá p̄i z̄é d̄ō kū a ḡoro. ¹² Akū Luda tò ò d̄ō kū ȳá kū òten o p̄i de ní ḡoro p̄ó ùro, á p̄óme. Tera s̄a baarunnakparin̄o ȳá p̄ii òáre kū Luda Nini kū Luda p̄ii z̄i bona ludambe gb̄anao. Bee malaikan̄o se òten òsi ká ȳá p̄i d̄ōnaai.

Kunna adona

¹³ Abire ȳái àḡō kú á laakariia, àḡō á z̄ida k̄ūna d̄ō, á wé ḡō d̄ō gb̄e kū Luda ni k̄éare Yesu Kirisi suḡoro z̄i s̄ikaa sari. ¹⁴ Lákū á de Luda né kū òteni a ȳá man̄o ù n̄à, àsun tó dà v̄āni kū á v̄i ȳá á w̄esiraḡoro doáre arero. ¹⁵ Luda kú adoname. Lákū à á sisi à á sé n̄à, àḡō kú adona á ȳák̄ena s̄inda p̄ínki ḡun le se. ¹⁶ Zaakū ò k̄è Luda ȳān ò p̄i:

Àḡō kú adona,

zaakū má kú adoname.

¹⁷ Zaakū Luda dì ȳákpate ke kū baadio a ȳák̄enaaa ní wé gwanaa sari, tó át̄eni a s̄isi De, à v̄īna k̄ene á nib̄okenaa ḡun la. ¹⁸ Á d̄ō l̄ákū Luda á bó kunna kori kū à de á futeokaraȳá ù ḡun n̄à. Luda dí á bo kū p̄ó kū a gakuri dì l̄ákaoro, l̄án wura ke andurufu bà, ¹⁹ à á bó kū Kirisi aru gakurideome, kū à de l̄án s̄ene b̄oro kū à mamberu v̄iro à gb̄āsī v̄iro bà. ²⁰ Luda ḡīnake à a d̄ite zaade adi andunia k̄átero, akū à bòáre k̄āao gupuraa ḡoro kp̄ede d̄ik̄īnan̄o z̄i. ²¹ A ȳá musun át̄en Luda náani ke. Luda a bò gan à gakuri kp̄aa, de à le à a náani ke, á wé ḡō d̄oi.

²² Lákū m̄inatena ȳāpurañe gb̄à bòáre n̄à, akū a ḡō k̄ō gb̄ēño ù manafiki sari, àḡō yek̄ōi kū n̄èse m̄èn doo. ²³ Luda á í dufu kū a ȳá w̄èndide kū àdiḡō kun gb̄anao. Ȳá p̄i de p̄óburi kū àdi ga ùro, p̄óburi kū àdi garome.

²⁴ Gb̄ē s̄inda p̄ínki de l̄án s̄èe bàme, ní gakuri de l̄án s̄èvu bàme p̄ínki.

Sèè dì kori ke, a vù dì kóte,
 25 ama Dikiri yā digō kun goro sīnda pínki.
 Yā pì mé à de baaru nna kù ò kpááre ũ.

2

Gbè wèndide

¹ Abire yāi à yā vāni sīnda pínki tó kù éketona sīnda pínki kù manafikio kù nèsegōbao kù kōyakanaao. ² Lákù nékpāntēno digō yō'i ni de nà, àgō Luda yā kù à de lán vī'ipu swáswa bà ni de le se, de à le à gbā á surabana zé gūn, ³ tera sà kù a dō kù Dikiri mana. ⁴ À nai, àkūme gbè wèndide kù ò giì ũ, ama Luda a sè bèere de ũ. ⁵ Ákōno sō á gbè wèndide kù Luda teni a kpé ē boonō ũ. Ákōnōme a gbāgbarino ũ, adì sa kù àdi káagu o kù a Nini gbānao Yesu Kirisi gāi. ⁶ Zaakū ò kè Luda yān ò pì:

Ñ gwa, maten gbè dite Zaiō,
 ēpetena gbè bèere de kù ma sè ũ.

Wé'i ni gbē kù àteni a náani ke kuro.

⁷ À de gbè bèere de ũ ákōno kù áteni a náani kenōne, ama à de le gbē kù òteni a náani keronoero.

Gbè kù kpéborino pā kpàì

mé à gō kpé kusuru gbè mīde ũ.

⁸ Len dō à de:

Gbè kù òdi gè síá ũ,

gbèsi kù òdi kpáala ò léte ũ.

Ò gèè síá, kù odi Luda yā daro yāi. Len Luda dìteíne le.

⁹ Ákōnōme buri kù Luda n sēno ũ, kīnanō kù sa'orino ũ, a gbē kù ò kù adonano ũ, de à Luda kù à á sisi a bo gusiran, à gè kááo a gupura bonsarede gūn sáabu kpá.

¹⁰ Á de Luda gbēno ũ yāro,

ama tera sà a gō n ũ.

Luda dí sūru ke kááo yāro,

ama tera à kè kááo.

Kunna ludanaanikerisarinō té

¹¹ Ma gbē yenyīdenō, lākū á de nibo kù bōasuno ũ nà andunia dí gūn, maten lé daáwa, à mì kē á dà vāni kù òdi zì ká kááonōa. ¹² Àgō kun gbē bèeredeno ũ kifirino té. Lemē dō bee tó ò á dite yāvānikerino ũ, tó ò yā mana kù áten kenō è, oni Luda sáabu kpá goro kù ani suíyí.

¹³ À mì nate ikode kù bisāsiri ditenōne n pínki Dikiri yāi, kīna kù à gbāna vī deñlan yá, ¹⁴ ke gbānade kù à dite à wé tā yāvānikerino à yāmanakerino sáabu kpá. ¹⁵ Luda poyenyīnaan dí: Á yāmanakenaa gūn, áni yōnkō wésiradenō lé yīteíne. ¹⁶ Àgō zīdadenō ũ, ama àsun tó á gōna zīdadenō ũ gōáre vānikena zé ũro. Àgō kun Luda zōblerino ũ. ¹⁷ À bèere li gbē sīnda pínkinē. Àgō ye á Yesude dakenoi. À vīna ke Ludane. À bèere lí kīnane.

¹⁸ Zikerino, à mì nate á dikirinōne, à zōkōke dōíne yā sīnda pínki gūn. Adì ke dikiri mana nèsedodenōne n̄tēnenlo, ama kù n gbē pásīnōme se. ¹⁹ Tó ò wé tǎáwa pā, tó a mena fōo Luda yāi, abirekū sáabu vīáre. ²⁰ Tó ò á gbē á taari yāi, tó a mena fōo, abirekū tó nna vī máa? Ama tó a wari kè yā mana

kū a kè yāi, tó a mēna f̄so, Luda ni á sáabu kpá. ²¹ Abire yāin Luda á sisi à á sé. Kirisi wari kèáre, à zé m̀áre de àḡó té a gèsegbēi yāi.

²² Adi durunna kero, odi ma à éke t̄oro.

²³ Kū ò a s̄s̄s̄, adi yā sínlaro. Kū à wari kè, adi yā pāsī ke oñnero, à zè kū Luda yákpatekeri manaomé. ²⁴ Àkū mé à ó durunna ò dì a m̀ia, à gào lía, de ó bàka s̄unḡó kú kū durunna ò doro, òḡó kú yāmanakēnaa gūn. A fl̄agbeno mé ò ó gbá aafia. ²⁵ Zaakū a s̄ate lán s̄āno bà yā, akū a arē d̀ò á D̀ari kū á D̀akp̄ariiooa tera sà.

3

Kunna k̄so

¹ N̄ogbēno s̄s̄, à á z̄ida kpá á z̄āno. Tó n̄ gbēkeno ten Luda yā daro, á kunna ni n̄ lite. Bee tó ádi yáke oñnero, ² oni e kū á kun gbāsī sari, akūs̄ a á z̄ida kp̄ām̄ma. ³ Àsun tó á n̄omanakē ḡó m̀è yā ūro, mitāna ke n̄omanablebono ke p̄okasadanaan yā. ⁴ Ama àḡó de á n̄èseḡunyā kū ádi lākaro ū, n̄èseyīda kū z̄idabusanaao. Abirekū mé à bèere v̄i Ludané. ⁵ Zaakū len n̄ogbē donyīri kū n̄ wé do Ludai yāno n̄ z̄ida kèke le, ò n̄ z̄ida kpá n̄ z̄āno. ⁶ Len Sara de le, ádi Ibrahī yā ma, ádi a sisi Baa. Tó áten yā mana ke, tó áten p̄ó kū òdi v̄ina kenē yā daro, a Sara dàa s̄en gwe. ⁷ Ḡogbēno s̄s̄, àḡó kú k̄ūnwo n̄ogbēke d̄ōnnēnaa gūn, àḡó yā mar̄ma, de p̄óke s̄un kp̄áare á aduakēnaa gūnlo, zaakū á de w̄ēndi ḡbaberino ū lelelele.

⁸ Abire gbera àḡó lédok̄no v̄i k̄so á p̄inki. Àḡó k̄s̄ w̄ēnda d̄s̄, àḡó yek̄si, àḡó gbēke v̄i k̄so, à busak̄ne. ⁹ Àsunḡó a v̄āni f̄ina bo kū a v̄ānioro. Àsunḡó gbē kū à á s̄s̄s̄ s̄s̄s̄ro. À sa mana one, zaakū Luda á sisi de à arubarika daágu yāime.

¹⁰ Gbē kū à ye àḡó kú n̄namanan, akūs̄ à ye a kunna ḡó mana, à a lé kū kū yāvāni'onaao, àsun tó éke bo a l̄enlo.

¹¹ Ade kpe li a v̄ānīne, à a mana ke, à aafia zé wete àḡó téi.

¹² Zaakū Dikiri diḡó gbē manano tàasi ká, a s̄ā kpá n̄ aduakēnaai, ama ádi m̄ikpere zu yāvānikerinone.

Wétāmmana yāmanakēna yāi

¹³ Tó á kokari v̄i kū yāmanakēnaao, dí mé ani wé t̄ááwaa? ¹⁴ Bee tó a wari kè yāmanakēna yāi, á arubarika v̄i. Àsunḡó v̄ina ke n̄ wétāmmananero, àsun tó á sw̄è k̄éáguro. ¹⁵ À Kirisi d̄s̄ Dikiri ū á sw̄èe gūn. Àḡó kú soru gūn ḡoro s̄inda p̄inki, de à le à yā we gbē kū àteni á la yā kū á wé doii m̄iia. ¹⁶ Àḡó oñne busebuse kū bèerelinnēnaao. À oñne kū n̄èsepuraò do, de wé'i gbē kū òteni á s̄s̄s̄ á yāmanakēna Kirisi gūnno kū. ¹⁷ Warikēna Luda p̄oyenyīnaa gūn yāmanakēna yāi mana de warikēna yāvānikēna yāila.

¹⁸ Kirisi gà ḡēn do durunnakēmmana yāi. Taarisaride gà ók̄no taarideno yāi, de à le à gé k̄ūoo Luda k̄inaa. Ò a d̄è m̄èe gūn, akū Luda a v̄u ninikē gūn. ¹⁹ A ninikē p̄i gūn à ḡèe à waazi kè gyāwānde kū ò n̄ ká kp̄ésirannone. ²⁰ Ò bò Luda yā kp̄eme yā, ḡoro kū à mēna ari Nuhu ḡèe à gó'ite kè à làkao. Gbē kū ò bò ín aafia gó p̄i ḡāinon dasiro, gbēnon s̄oraak̄s̄. ²¹ Í p̄i mé à de á

da'itekena kù àdi á sura ba tera taka ù. Da'itekenaa pì bi mè gbāsīworona yānlo, lése na Ludane kù nèsepuraome. Àdi n̄ sura ba, kù Yesu Kirisi bò gan yāi. ²² À gbāna blè malaikan̄o kù tānan̄o kù n̄ gbānadeno kù n̄ ikodeno, akù à tà ludambe, à kù Luda oplai.

4

Bona kunna zīn

¹ Lákù Kirisi wari kè a mèn nà, ákōn̄o se à nèse bire burī sé, zaakù gbē kù à wari kè a mèn, ade mì kè durunnaame. ² Goro kù à gšáre á kunnaa gūn, á dà vāni sūngō doáre are dorō, séde Luda poyenyīnaa. ³ Á kunna kifirino yákenaa gūn yā mò le. Yā á kù wé'isariyákenaa gūn kù dāvāninidenaao kù wēdekenaao kù pāpā zōkōo kù wēmikōkō bēneeo kù tānagbagbana kù Luda zāguo. ⁴ Kù adi kakara kúnwo n̄ pāpā zōkōo pì kenaa gūn dorō, àdi kéne yābonsare ù, akù òdi á tó vāni sí. ⁵ Oni n̄ yákenano baba Ludane, kù à yákpatekena kù gbē bēnen̄o kù gyāwāndeno soru kè. ⁶ Ò baaru nna kpà bee gyāwānde p̄n̄o se, de ò le ògō kù ninike gūn lán Luda bà, bee kù yā vùtemma mēe gūn lán gbē sīnda pínki bà.

Ludayāmarino

⁷ Pó sīnda pínki lakanaa kà kāni. Abire yāi àgō de laakarideno ù, àgō á zīda kūna dō de àgō adua ke yāi. ⁸ Yā kù à de a pínkilan dí: Àgō yekōi kù nèse mèn doo, zaakù yenyī dì pó kúte durunnao dasi. ⁹ À yāri kekōne yáketekanaa sari. ¹⁰ Lákù Luda gba dà á baadine nà, à kpákōi kù gba p̄n̄o Luda gba buri donadona zīkeri manano ù. ¹¹ Gbē kù à de waazikeri ù, à Luda yā oñne. Gbē kù à de kpányīri ù, à kpányīri kù gbāna kù Luda a gbào, de à Luda tó kpá yā sīnda pínki gūn Yesu Kirisi gāi. Àkù mé à gakuri vī kù gbāno goro sīnda pínki! Aami.

Warikena Yesudeke yāi

¹² Ma gbē yenyīdeno, àsun tó yōgwana pāsī kù àteni á le bo á sare lákù yā dufu mé à á lé bāro. ¹³ Lákù á bàka kù Kirisi warikena gūn nà, à pōnna keo de à le àgō pōnna zōkōo vī goro kù Kirisi pì ni bo gupuraa kù gakurio. ¹⁴ Tó ò á sōsō Kirisi tó kù à kúáwa yāi, á arubarika vī, zaakù Luda Nini gakuride kúáwa. ¹⁵ Á gbēke sún wari ke gbēdena ke kpāni'ona ke yābēnekēna ke gude yāiro. ¹⁶ Tó a wari kè á Yesudeke yāi, àsun keáre wé'iyā ūro. À Luda sáabu kpá kù Yesu tó kúáwa yāi. ¹⁷ Zaakù wētāmmagoro kà, Luda gbēn̄o à nàa kúnwo. Lákù ókōn̄ome à nàa kúoo káaku nà, ani láka kù gbē kù ò gī Luda baaru nna main̄o deramee?

¹⁸ Zaakù gbē manano surabana zī'ù,

yā ni bo kù ludayādarisarin̄o kù durunnakerin̄o deramee?

¹⁹ Abire yāi gbē kù òten wari ke Luda poyenyīnaa gūnno n̄ zīda na n̄ Kèri náanidene a oī, ò kpé ògō yā mana ke.

5

Luda sà kpàsa gwanaa

¹ Maten lé da ákōn̄o gbē zōkōn̄o sà. Gbē zōkōn̄o ma ù se. Má de wari kù Kirisi kèe sèedade ù, akūsō ma bàka nigō kù kù gakuri kù ani bo gupuraaao se. ² Àgō de kpàsa kù Luda kàteáre dārin̄o ù. A ò likai kù poyeinaao, adi ke tilasinlo, lákù Luda yei nàme. Adi ke ogowetena yāinlo. À ke kù nèse mèn

doo dé. ³ Àsungõ gbãna mɔ gbẽ kũ ò ñ nááre á ɔĩ pìnɔaro. À tó á kunna gõ á sã pìnɔ da a zéa, ⁴ áni kífura kũ a gakuri ò lákaro le gɔɔ kũ Sádãriki ni su.

⁵ Ákõnɔ kefennanɔ sõ, à á zĩda kpá gbẽ zõkõnɔa. Á pínki à á zĩda busakõne à kpákõi, zaakũ

Luda ò ibere sé kũ zĩdabirinɔ,
ama à gbẽke vĩ kũ zĩdabusarinɔ.

⁶ Abire yã à á zĩda busa Luda gbãnadene, ani á kara gɔɔ kũ à òtɛa. ⁷ À á yã'úmmananɔ tónɛ pínki, zaakũ à òdi laakari dɔáwa.

⁸ Á wé gõ dɔ, àgõ kũ á laakariia. Á ibere Ibilisi de lán músu ɔɔdɔrii bàme. Àtɛn kpáte keáí, àtɛn gbẽ wete à kũ. ⁹ À gíne, à ze gbãna ludanaanikɛnaa gũn, zaakũ á dõ kũ á Yesude dake kũ ò kũ andunia gũnnɔ ñ pínki tɛn wari dokõnɔ pì kemɛ se. ¹⁰ Luda Arubarikasĩndapinkide á sisi a gakuri kũ à òdi lákaroa Kĩrisi gũn. Tó a wari kè fĩti, ani á bo mana, ani á ze gíngin, ani á gba gbãna, ani á zĩni pète. ¹¹ Àkũ mé à gbãna vĩ ari gɔɔ sĩnda pínki! Aami.

Lézammana

¹² Ma takada fĩti dí kèáre kũ ó gbẽndo Silasi ɔome. À demene gbẽ nánide ũ. Ma lé dàáwa, má de a sèedade ũ kũ yã kũ ma ò de Luda gbẽke yápura ũ. À zeo gíngin. ¹³ Babilõnu gbẽ kũ Luda ñ sé lán á bànɔ fɔ kpàáwa. Ma né Maaku fɔ kpàáwa dɔ. ¹⁴ À fɔ kpákõa kũ lépɛmmanaao yenyĩ gũn. Luda ákõnɔ kũ á kũ Kĩrisi gũnnɔ gba aafia á pínki.

PITA TAKADA PLADE

Yapurakpana síšina kù Luda ó sísia

¹ Makù Simo Pita, Yesu Kirisi zòblerii, a zìrii, makùme ma takada dí kè gbè kù ó Luda ó Surabari Yesu Kirisi n gbá zé ò a náani kè lán ó bà à manake gāinone. ² Gbèke kù aafiaao gō papanaáwa Luda kù ó Dikiri Yesuo dōnaa gūn.

³ Luda ó sé ògō kù a gakuri kù a manakeo gūmme, à tò ó a dō, akù a Ludakegbāna ó gbá pō kù à kù ògō vī, de ó kunna le à ke lele kù a yāo. ⁴ Len à yā zōkō bēereede kù à a lé sēwereno kè le, de a yāi ò bo andunia dà vāni kù àdi n yaka gūn ò Luda kunna taka sé. ⁵ Yā bire yāi à kokari ke manamana, à Luda náani ke manakēnaa gūn, à yā mana ke dōnaa gūn, ⁶ àgō dōna vī á zīda kūnaa gūn, àgō á zīda kūna dō mēna gūn, àgō mēna vī nana Ludaii gūn, ⁷ àgō nana Ludai kōgbēke gūn, àgō gbēke vī kōo yenyī gūn. ⁸ Zaakū tó á yā bireno kūna, akù òten kara, ániḡō kun pā karanaa sariro ó Dikiri Yesu Kirisi dōnaa gūn. ⁹ Gbè kù à yā bireno kūna sōro, à a wé nākōa, à gō vīna ūme. À sàñ kù Luda durunna kù à kè yāno kēare. ¹⁰ Abire yāi ma gbēno, à kokari ke à yāpura kpá síšina kù Luda á sísi à á séa. Tó áten yā bireno ke, áni fu zikiro. ¹¹ Lemē oni gbānake kpáái manamana le, ániḡō kù kù ó Dikiri ó Surabari Yesu Kirisio a kpata kù àdi lākaro gūn.

¹² Abire yāime, bee kù á yā bireno dō, akūsō á zīni petena yāpura kù á kūnaa gūn, manigō yā pīno dōáguḡe. ¹³ Gōro kù má kpé kù ma sōo gūn, maten da à mana mǎgō té káágu yā pīno dōnaágu yāi. ¹⁴ Má dō kù ma bona ma sōn gōro ni ká tera, lākū ó Dikiri Yesu Kirisi gīnake à òmēne nà. ¹⁵ Mani kokari ke, de yā pīno le àgō dōágu gōro sīnda pínki ma ga gbera.

Kirisi gakuri sèedaden

¹⁶ Kù ó ó Dikiri Yesu Kirisi suna kù gbānao òáre, ódi té gara kù ò dà kù òndōoiro. O wé kè pla kù a zōkōkeome, ¹⁷ gōro kù De Luda bēereē line à a tō bō. À Luda zōkō gakuride kōtoo mà à pì a Né mēn do légelege yenyīden a ū, a yā dī káagu. ¹⁸ O kōto kù à bō ludambe pīi mà gōro kù ó kù káao kpi kù à kù adona musu. ¹⁹ Abirekù mōwēre kù yā kù annabinō ò bi yāpurame. À mana à laakari dō yā pīia fitila kù áten gu büruburu pu ūme ari gudōo susune gō gé fute á swēn, de gu le à dōáwa. ²⁰ À kù à deñla sà àgō dō kù gbēke dī fō à yā kù annabii kè Luda yāñ bokote a zīdaro. ²¹ Annabinō yāke dī bo bisāsiri poyeinaa gūnlo, ò Luda yā ò lākū a Nini dōñne are nàme.

2

Ekeyādannerino

¹ Annabi ékenō bō yā Isarailano té. Lemē ékeyādannerino ni bo á té le se. Oni éke kù àdi tó ò kakate ká Luda yādannenān, ò ledi kpá Dikiri kù à n bói, oni n zīda kakate kānto. ² Onigō tényī dasi n wé isariyākenaa gūn, oni yāpura zé vāni bo n yāi. ³ N wākūkenaa gūn oni á ble kù éke kù òdi bleao. Yākpate vūtemma à gūi kè, i di na n Kakateri wénlo.

⁴ Zaakū Luda dí malaika kù ò durunna kēno tōro, à n ká tōnōwee sira kù à kù zītezīte gūn, àgō n kūna ari yākpatekegōro zī. ⁵ Adi andunia zī kù a yādarisari kù ò kù a gūnno tōro, à tò í dāñla. Ama à Nuhu kù àdi manakena

waazi ke bò kù gbēnɔn suppla pāndenɔ. ⁶ À yā dà Sɔɔɔmu kù Gɔmɔraola à n kákate ò gò túbu ũ, à n ké le yā kù ani ludayādarisarinɔ le sèeda ũ. ⁷ Ama à Lutu bò, gbē mana kù a nèsee yàka dokadarisari pìnɔ wé'isariyākena yāi. ⁸ Gbē mana pì kù n té, yā vāni kù àten e akūsɔ àten ma lākū gu dīgɔ dɔ nà ũa kù a nèsemana yāi. ⁹ Lemɛ dɔ Dikiri gbē kù ò naainɔ bona yōogwanaa gūn zé dɔ, akūsɔ à gbē vāni kùna dɔ de à wé taa yākpatekegɔ zī. ¹⁰ A pāsīn sà gbē kù òdi iko gya bonɔ ũ, n mè dà vāninɔ mé àdi doñne arɛ gbāsīkenaa gūn.

Ekeyādannerii pìnɔ bi kùgbānade karambaanidenomɛ. Dɔkena kù malaika gakuridenɔ di n gba vīnaro. ¹¹ Malaika kù n gbāna kù n ikoo de gbē pìnɔlanɔ di we ò n tó bène sí ò yā dirīma Dikiri arero. ¹² Gbē pìnɔ di yā kù ò a gbá dōro bène bome. Bisāsiri bára mé à kúmma, ò laasun vīro. Ò n í, de ò n kúkū ò n dede yāime. Oni kakate lán nòbɔnɔ bà, ¹³ oni a vāni kù ò kè fīna boñne. Dāvānikena fānantē di kēñne nna. Gɔɔ kù òten pò ble kāáo, òdi ponna ke kù n pónidenanɔ. N konna á té bi mamberume kù gbāsīo. ¹⁴ Zinakena kù n wéa, durunnakena di móm̄maro. Òdi manafiki ke gbē kù Luda yā dí zīni péte n gūnlonɔne. Wākū n swèe blè. Luda lé kēñneme. ¹⁵ Ò sàte, ò kè zé súsua, ò zé dokɔnɔ sè kù Beɔ né Balamu kù à ye ɔgɔ vāni lenaai. ¹⁶ Zaaki pòlebūnu'ina yā òne lán bisāsiri bà, à kpàkēi a vānikena yā musu, à gīne kù a yōnkəkennaao. ¹⁷ Gbē abirenɔn de lán isēboki kù n í bābanɔ bàme, lán luku kù à gēte kù ĩao bà. Gusira níkinikin Luda dīteñne yāri ũ. ¹⁸ Òdi ĩa kori zókɔ dá, òdi òndɔ ke gbē kù ò bò sātɛna zén dufunɔne kù dāvāniyāo kù wé'isariyāo. ¹⁹ Yā kù àdi n yaka zònɔme n ũ, akū òdi gōna zīdadɛnɔ ũ lé séñne. Zaakū gbē sīnda pínki bi yā kù à a swèe blèe zòomɛ.

²⁰ Tó ò bò andunia yāgbāsīkenan ó Dikiri ó Surabari Yesu Kirisi dōnaa gāi, akū ò tò yā pīi era à n daguraa kè, à n swèe blè, n konna kpɛde vāni de a káakupɔla. ²¹ Tó odi yāpura zé dɔ yāro, de abirekū manañne de kù ò dɔ, gbasa ò kpɛ lī Luda yā kù ò dàñnenela. ²² Yāasi kù ò kè dīkīnanɔ pàpa n musu yāpura: Gbēda di era a pisii. Lemɛ dɔ: Alɛde kù ò a zú ò di era à mātɛmate bokotomɛ.

3

Dikiri sugɔɔ zī

¹ Ma gbē yenyīdenɔ, takada plade kù ma kēáren dí. Takada mèn pla pínki pìnɔ gūn ma yā dōágu de à vu in kù laasun manaomɛ. ² Má ye yā kù Luda annabinɔ ò yānɔ dōágu kù yā kù ó Dikiri ó Surabarii dīte a zīrinɔne ò óáreɔ. ³ Ágɔ dɔ zaa káaku kù gɔɔ kpɛde zī zīdapoyeinakerinɔ ni su ò á fobo ⁴ ò pi: Adi a suna lé séroo? Á kú máa? Ó denɔ gà, ama pò sīnda pínki kù a gbèn zaa lākū Luda andunia kàte nàme. ⁵ Kù Luda yā ò yā à musu kù anduniao kè, ò yā pīi kpà sákoto. Á zīte bò ín, à a kè í pīi gāime, ⁶ akū í pīi dà andunia káakupɔla, à a kákate. ⁷ Luda yā'ona dokɔnɔ pì mé à tò musu kù andunia tera dío dītena té pò ũ ari gɔɔ kù ani yākpate ke kù a yādarisarinɔ, à n kákate.

⁸ Ma gbē yenyīdenɔ, àsun tó yā dīkīna sááguro: Gɔɔ do de Dikirine lán wè wàa sɔɔro bàme, wè wàa sɔɔro sɔ denɛ lán gɔɔ do bàme. ⁹ Dikiri mēfē vī kù yā kù à a lé sè kennaao lākū gbēkenɔ ten da nàro, àten mena ke kāáoome. À ye gbēke kakatero, à ye gbē sīnda pínki nèse liteme. ¹⁰ Dikiri sugɔɔ nigɔ

de lán kpāni suna bàme. Zì birea musu ni gēte fioo, a póno ni té kù ò pia, zīte kù pó kù ò kú a gūnnò nigò kun dorò. ¹¹ Zaakù pò sīnda pínki ni kakate le, gbē kpate burin ániḡò de a ũu? À tó á kunna ḡò adona ludayāmarinò ũ ¹² wédona a sugorò, à wé tã ḡorò pì ká likalika. Zì pīia musu ni té kù, a puusu wāna ni a póno yó. ¹³ Ókōnò sò, ó wé dò ludambe dufu kù zīte dufuooi kù Luda a lé sèwεε. Gwen manakεna nigò kún.

¹⁴ Abire yāime ma gbē yenyīdenò, á wédona ḡorò pīii ḡūn à kokari ke àḡò kun mamberu sari taari sari, àḡò nna kù Ludao. ¹⁵ À ó Dikiri menake dite surabana ũ, lákù ó gbē yenyīde Pòlu takada kèáre nà kù òndò kù Luda a gbào. ¹⁶ Yā pìnò Pòlu ò takada kù à kēnò ḡūn pínki. A takada pì gukenò dōrò dōna zī'ũ. Wésiradenò kù gbē kù n zena gbānaronò ò yā pìnò lite kpedangara, lákù òdi ke nà kù Luda yā takada kparanò. Len òdi n zīda da kakatεnan le.

¹⁷ Ákōnò sò ma gbē yenyīdenò, lákù á yā pì dō nà kò, à laakari ke, de dokadarisarinò sún á sáte kù n ékeoro. Àsun bo á zena gbānan à létero. ¹⁸ Àḡò gbā ó Dikiri ó Surabari Yesu Kirisi gbēke kù a dōnaaoo ḡūn. Àkù mé à gakuri vī tera ari ḡorò sīnda pínki! Aami.

YUHANA TAKADA KAAKU

Yā wëndide

¹ Yā kū à kun zaa káaku kū o a yā mà, akū o a è kū wéó, o a gwà, o ɔ nàa, yā wëndide pì baaruun óten kpááre. ² Wëndide pì bò gupuraa, o a è, ókɔnɔmɛ a sèedadenɔ ũ. Wëndide pì kú De Luda kīnaame yā, akū à bò à sùwá. A baaruun óten kpááre. ³ Yā kū o mà, akū o èen óten oáre, de ákɔnɔ se à le àgɔ kú kúoo kɔ gbɛnɔ ũ, zaakū ó kun kɔ gbɛnɔ ũ kú De Ludaome kú a Né Yesu Kirisi pìio. ⁴ Óten yā dínɔ oáre de ó pɔnna le àgɔ papana.

Luda bi gupurame

⁵ Baaru kú o mà a kīnaa, óten kpááren dí: Luda bi gupurame, gusira kú a kīnaaro, bee fiti. ⁶ Tó o pì ó kú káao kɔ gbɛnɔ ũ, akū ó kú gusiran, éken óten to, óten zī ke yāpuraaro. ⁷ Tó ó kú gupuran, lákū Luda kú gupuran nà, gbasá ó kun kɔ gbɛnɔ ũ, a Né Yesu aru dī ó durunna sīnda pínki kēwá.

⁸ Tó o pì ó durunna vīro, óteni ó zīda kekeme, yāpura kúwáro. ⁹ Tó o ó durunnao ò Ludane, à náani vī, àdi yā ke a zéa, ani ó durunna pínɔ kēwá, ani yā bène pínki gowá. ¹⁰ Tó o pì ódi durunna kero, o Luda dīte ékede ùme, a yā kú ó swèe gūnlo.

2

¹ Ma né yenyīdenɔ, maten yā bire oáre de àsun durunna kero yáime. Ama tó á gbēke durunna kè, ó Zekūnwode vī De Luda kīnaa, àkūme taarisaride Yesu Kirisi ũ. ² Àkūme ó durunnao kútekebo ũ. Àdi ke ó durunnao adoro, kú andunia pínki gbɛnɔ póome.

³ Tó ó yā kú à dītenɔ kūna, abirekū m̀wewere yāpura kú ó a dɔ. ⁴ Tó gbē pì á a dɔ, akū à a yā kú à dītenɔ kūnaro, ékedeme, yāpura kú a swèe gūnlo. ⁵ Gbē kú à a yā kūna sɔ, Luda yenyī papana a gūn yāpura. Pó kú ani tó ò dɔ kú ó kú a gūnn dí: ⁶ Gbē kú à pì á kú a gūn, séde àgɔ kun lákū Kirisi kun nà yā.

Yā dufu dītenaa

⁷ Ma gbē yenyīdenɔ, adi ke yā dufun maten oárero, yā zī kú ò dīteáre zaa káakume. Yā zī pìime yā kú a mà ũ. ⁸ Bee kú abireo yā kú maten oáre dufume dɔ, òdi a yāpura e a kīnaa kú á kīnaao, zaakū gusira ten gēte, akū gupura yāpura ten pu sà.

⁹ Gbē kú à pì a kú gupuran, akū à zā a gbēdakegu, ade kú gusira gūmme ari tera. ¹⁰ Gbē kú à ye a gbēdakei kú gupuran, a yāke dī tó gbēke furo. ¹¹ Gbē kú à zā a gbēdakegu kú gusiran, à té gusiran, à dɔ gu kú àten génlo, kú gusira a vīna kú yāi.

¹² Ma né yenyīdenɔ, mateni abirekū oáre kú á durunnao kèáwa a tó gāi yáime.

¹³ Mareno, mateni abirekū oáre kú á gbē kú à kun zaa káaku dɔ yáime.

Kefennano, mateni abirekū oáre kú a zīi blè Setanwa yáime.

Ma né yenyīdenɔ, ma òáre kú á De Luda dɔ yáime.

¹⁴ Mareno, ma òáre

kū á gbě kũ à kun zaa káaku d̄s̄ yáime.
 Kefennan̄, ma óáre
 kū á gbāna vī, Luda yā kú á swèè gūn d̄,
 akūs̄ a z̄i blè Setanwa yáime.

¹⁵ Àsunḡs̄ ye anduniairo, kes̄ p̄ kũ ò kú a gūnn̄. Tó gbě ye anduniai, à ye De Ludairo. ¹⁶ Zaakū yā kũ à kú andunia gūn pínki, m̄ p̄nid̄ena kũ w̄pio kũ aruz̄eke Ìadānaao, adi bo De Luda kīnaaro, à b̄o andunia kīnaame. ¹⁷ Andunia ten ḡte kũ a p̄nid̄enaao, ama ludap̄nyenyīnakeri niḡs̄ kun ḡr̄o s̄inda pínkime.

Kirisi ibere

¹⁸ Ma né yenyīden̄, ḡr̄o kp̄den ò kun dí. Lákū a mà kũ Kirisi ibere ten su nà, a iberēn̄ gīnake ò k̄e dasi. Abirekū m̄w̄ere kũ ó kú ḡr̄o kp̄ede gūn. ¹⁹ Gb̄e p̄in̄o b̄o ó kīnaame, ama ó gb̄en̄nlo. Tó ó gb̄en̄ome yā de ò kú kũo. Ò b̄o de ò d̄s̄ kũ ñ gb̄eke de ó gb̄e ūro yáime.

²⁰ Ák̄ōn̄ s̄, Luda a Nini diáre, akū á yāpura d̄s̄ á pínki. ²¹ Ma abire óáre, kũ á yāpura d̄s̄ yáime, adi ke kũ á d̄ro yāinlo. Á d̄s̄ kũ éke ke di bo yāpura gūnlo. ²² Dín ékede ūu? Gb̄e kũ à ḡi Yesu Arumasihukenaime. Gb̄e bire takan Kirisi ibere ū, à ḡi De Ludai kũ a Néome. ²³ Gb̄e kũ à ḡi Luda Néi De Luda vīro. Gb̄e kũ à z̄e kũ Luda Néo mé à De Luda vī d̄.

²⁴ Á tó yā kũ a mà zaa káaku ḡs̄ kú á swèè gūn. Tó yā kũ a mà zaa káaku p̄i kú á swèè gūn, ák̄ōn̄ s̄, aniḡs̄ kú Luda Né gūn kũ a Deo. ²⁵ P̄s̄ kũ Kirisi a lé s̄eweren w̄endi kũ àdi láraro ū.

²⁶ Ma yā bire óáre gb̄e kũ òtení á s̄aten̄o yā musu. ²⁷ Ák̄ōn̄ s̄, Nini kũ a l̄e Kirisia kú á gūn. Á bàka kú kũ gb̄eke yā dadanaáreoro, zaakū a Nini ten yā s̄inda pínki dadaáre, à yāpura vī, éke kú a gūnlo. Lákū àten dadaáre nà, àḡs̄ kú Kirisi gūn le.

²⁸ Tera sà ma né yenyīden̄, àḡs̄ kú a gūn, de ḡr̄o kũ à b̄o gupuraa, ó swèè ḡs̄ ditena, w̄é'í sún ò kũ a suḡr̄o z̄íro.

²⁹ Zaakū á d̄s̄ kũ Luda mana, àḡs̄ d̄s̄ kũ yāmanakeri s̄inda pínki bi a néme.

3

Luda n̄én̄o

¹ Á gwa lákū De Luda yewái à k̄e z̄ōk̄ō nà ari àdi ó sísi a n̄én̄o. Ó a ū s̄! Andunia ó d̄ro, kũ adi a d̄ro yāi. ² Ma gb̄e yenyīden̄, Luda n̄én̄on̄ ó ū tera, lákū óniḡs̄ de nà dí bo gupuraa k̄oro. Ó d̄s̄ kũ ḡr̄o kũ ani bo gupuraa, óniḡs̄ de lán a bà, zaakū óni a e lákū à de nà. ³ Gb̄e kũ à w̄é d̄i le di a swèè pu, lákū Kirisi swèè punaa nà.

⁴ Gb̄e kũ à durunna k̄e b̄o doka kp̄eme, zaakū durunnak̄ena bi bona doka kp̄eme. ⁵ Á d̄s̄ kũ Kirisi s̄u durunnak̄emmana yáime, durunna s̄ à kú a swèè gūnlo. ⁶ Gb̄e kũ à kú a gūn d̄iḡs̄ kp̄é àḡs̄ durunna k̄ero. Durunnakeri ke dí a ero, adi a d̄ro.

⁷ Ma n̄én̄o, àsun tó gb̄eke á s̄atero, yāmanakeri mé à mana, lákū Kirisi mana nà. ⁸ Gb̄e kũ àdi durunna ke bi Ibilisi p̄ome, zaakū Ibilisi durunna k̄e zaa káakume. Ibilisi yān̄o kakatena yáime Luda Né s̄u. ⁹ Gb̄e kũ Luda a ì d̄iḡs̄ kp̄é àḡs̄ durunna k̄ero, zaakū Luda buri mé à kú a gūn. Ani f̄s̄ àḡs̄ kp̄é ḡs̄ durunna k̄ero, kũ Luda a ì yāi. ¹⁰ Lákū ó Luda n̄én̄o d̄s̄k̄ōne kũ Ibilisi

nénɔnɔn dí: Gbē kū àdi yá mana kero kesō gbē kū à ye a gbēdakeiro bi Luda nénlo.

Yekšinaa

¹¹ Yá kū a mà zaa káakun dí: Ògō yekšī. ¹² Àsungō de lán Kainu bàro. À de Setan pō ũme, akū à a dakūna dè. Bó yá mé à tò à a dèe? Kū a yákena bène, akūsō a dakūna pō mana yáime. ¹³ Ma gbēnɔ, tó andunia zāágu, àsun tó à bo á sarero. ¹⁴ Ó dš kū o bo gan o gē wèndii gūn, kū ó ye ó Yesude dakenɔi yái. Gbē kū à ye gbēiro bi gēeme ari tera. ¹⁵ Gbē kū à zà a gbēdakegu bi gbēderiime. Á dš kū gbēderi ke digō wèndi kū àdi lákaro vī a gūnlo.

¹⁶ Yá kū ó yenyī pì dšaan dí: Kirisi a zīda kpá ó yái. Ókšnɔ sš, séde ò ó zīda kpá ó Yesude dakenɔa. ¹⁷ Tó gbē andunia pō vī, akū à è a Yesude dake kú pónidenaa gūn, tó adi a wènda gwaro, Luda yenyī kú a swèe gūn yá? ¹⁸ Ma né yenyīdenɔ, òsungō yekšī kú léoro. Ògō yekšī yápura gūn ó yákenaa. ¹⁹ Abire mōwɛɛ kú yápura gbēnɔn ó ũ, gbasá ó swè le àgō ditena Luda are. ²⁰ Tó ó laasun teni ó kú vī sš, ó dš kū Luda zškš de ó laasunla, à yá sinda pínki dš.

²¹ Ma gbē yenyīdenɔ, tó ó laasun teni ó kú vīro, ó swè nigō ditena Luda are, ²² kū ó yá kū à diteno kūna, akū óten yá kū àdi kene nna ke yái, óni pō kú o gbēkaa e. ²³ Yá kū à diteweren dí: Ò a Né Yesu Kirisi náani ke, ógō yekšī lákú à ditewere ná. ²⁴ Gbē kū à yá kū à diteno kūna kú a gūn, Luda pì kú ade gūn se. Ó dš kū à kú ó gūn a Nini kū à kpàwá yái.

4

Nininɔ dškšnɛnaa

¹ Ma gbē yenyīdenɔ, àsun nini sīnda pínki náani kero. À nininɔ tàasi ká à gwa, tó ò bò Luda kīnaame, zaakū annabi ékenɔ dasi kù andunia gūn. ² Yá kū ani tó à Luda Nini dšn dí: Nini kū à pì Yesu Kirisi sù bisásiri ũ bò Luda kīnaame. ³ Nini kū àdi ze kú Yesuo lero dí bo Luda kīnaaro. Kirisi ibere kú a mà àten sun gwe. Á kú andunia gūn kò.

⁴ Ma né yenyīdenɔ, Luda gbēnɔn á ũ, a zī blè annabi éke pínɔa, zaakū gbē kū à kú á gūn zškš de gbē kū à kú andunia gūnla. ⁵ Andunia gbēnɔme n̄ ũ. Abire yáin òdi yá o andunia ágbán, akū andunia gbēnɔ di n̄ yá ma. ⁶ Luda gbēnɔn ó ũ. Gbē kū à Luda dš di ó yá ma, gbē kū à de Luda pō ũro di ó yá maro. Ákū mé à tò ó Nini yápurade dškšne kú nini ékeo.

Ludame yenyīde ũ

⁷ Ma gbē yenyīdenɔ, ògō yekšī, zaakū yenyī di bo Luda kīnaame. Gbē kū à yenyī pì vī bi Luda néme, à Luda dš. ⁸ Gbē kū à yenyī vīro Luda dšro, zaakū Ludame yenyīde ũ. ⁹ Lákū Luda a yenyī mōwɛɛ gupuraa nán dí: À a Né mèn do légelege zī andunia gūn, de ò wèndi le kú a gbānao. ¹⁰ Yenyī pīin dí: Adi ke ókšnɔ mé ó ye Ludairo, Luda mé à yewái, akū à a Né zī ó durunnano kútekebo ũ. ¹¹ Ma gbē yenyīdenɔ, lákū Luda yewái le ná, séde ògō yekšī. ¹² Gbēke dí wé ke pla kú Ludao zikiro, ama tó ó yekšī, Luda kú ó gūn, akū a yenyī pì papana ó gūn.

¹³ Ó dš kū ó kú a gūn akūsš à kú ó gūn, kū à a Nini kpàwá yái. ¹⁴ O è, a sèedadenɔn ó ũ, kú De Luda a Né zī andunia Surabari ũ. ¹⁵ Gbē kū à ò

gupuran kú Yesu bi Luda Néme, Luda kú a gūn, akūsō à kú Luda gūn. ¹⁶ Ó Luda yenawái dō, akū ó a náani vī.

Ludame yenyīde ũ. Gbē kū àdigō yenyī vī kú Luda gūn, akū Luda kú a gūn. ¹⁷ Pó kú à tò yenyī pì papana ó gūnn dí: Ó swē nigō ditena yákpatekegōrō zīme. Zaakū lákū Kírísí de nà, ókōnō se, len ó de le andunia dí gūn. ¹⁸ Yenyī pì digō vīna vīro. Yenyī swása wà pé vīnaa, zaakū vīna bi wētamma yāme. Vīnade yenyī digō swáswaro.

¹⁹ Ókōnō, ó yenyī vī, kú Luda gīnake à yewái yāime. ²⁰ Tó gbē pì á ye Ludai, akū à zà a Yesude dakei, ékedeme. Zaakū gbē kú à ye a Yesude dake kú à a èi-ro, ani fō àgō ye Luda kú adi a eroi yá? ²¹ Yā kú à diteweren dí: Gbē kú à ye Ludai, séde àgō ye a Yesude dakei.

5

Luda Né náanikena

¹ Gbē kú àdi Yesu náani ke Arumasihu ũ, Luda mé à ade ì. Gbē kú à ye dei ye a néime se. ² Tó ó ye Ludai, akū ó yā kú à diteno kūna, abire mé à mōwera kú ó ye Luda néno. ³ Zaakū yena Ludai mé à de yā kú à diteno kūna ũ. Yā kú à ditè pino de aso ũ sōro. ⁴ Zaakū gbē kú Luda a ì di zī ble anduniaame. Ó ludanaanikena mé àdi tó ò zī ble anduniaa. ⁵ Dí mé àdi zī ble anduniaaa? Séde gbē kú à sì kú Yesu bi Luda Néme.

Yesu Kírísí sèedadeno

⁶ Yesu Kírísí piin gbē kú à sù à da'ite kè à a aru kòte ũ. Adi ke da'iteme adoro, à da'ite kè à a aru kòte se. Luda Ninin a sèedade ũ, zaakū àkūme yāpurade ũ. ⁷ Sèedadeno kun mèn aakōme. ⁸ Luda Nini kú í pìo kú aru pìo. Pó mèn aakō pino pínki dokōnōme. ⁹ Lákū odi bisāsiri sèedakena sí nà, Luda sèedakena de abirekūla, zaakū Luda yā pìi ò a Né yā musume. ¹⁰ Gbē kú àdi Luda Né náani ke sèedaa pì vī a swē gūn. Gbē kú adi Luda yā síro Luda pìi ditè ékede ũme, zaakū adi yā kú Luda ò a Né musu síro. ¹¹ Yā kú à òon dí: Luda ó gba wèndi kú àdi lákaro, wèndii pì sō à kú a Né kīnaame. ¹² Gbē kú à Luda Né vī wèndi kú àdi lákaro vī. Gbē kú à Né pì vīro wèndii pì vīro.

Wèndi kú àdi lákaro

¹³ Maten yā birenō oáre, ákōnō kú áten Luda Né náani kenō, de àgō dō kú á wèndi kú àdi lákaro vī. ¹⁴ Pó kú à tò ó swē digō ditena Luda aren dí: Tó o pó wé kèa lákū à pō yei nà, àdi sí kūoo. ¹⁵ Lákū ó dō kú àdi ó wéke ma nà, ó dō kú pó kú o wé kèaa pì o gīnake o lè kò.

¹⁶ Tó gbē a Yesude dake è, àten durunna kú àdi ní kakatero ke, à wé ke de Luda a gba wèndii. Durunna kú àdi ní kakateron má téa. Durunna kú àdi ní kakate kun, adi ke abirekūn ma pì à wé ke a musuro. ¹⁷ Yāvānikena sīnda pínki bi durunname, ama durunna kú àdi ní kakatero kun.

¹⁸ Ó dō kú gbē kú Luda a ì digō kpé àgō durunna kero, zaakū Luda Né di a dákpá, Setan di fō à ò naaro. ¹⁹ Ó dō kú Luda gbēnōn ó ũ, bee kú andunia pínki kú Setan òime. ²⁰ Ó dō kú Luda Né sù, akū à ó wé kè, de ò le ò Yāpurade dō. Ó kú Yāpurade pìi gūn kú a Né Yesu Kírísio. Àkūme Luda yāpurade pì ũ. Àkūme wèndi kú àdi lákaro ũ.

²¹ Ma né yenyīdenō, à laakari ke tānanōi.

YUHANA TAKADA PLADE

Yapura kù yenyĩ

¹⁻² Makū gbē zōkō, makūme ma takada díkĩna kè nōgbē kù Luda sèene kù a nénō. Má yeáí yapura gūn, yapura kù à kù wá gūn, akūsō anigō kù kūoo gōrō sīnda pínki yāi. Makūme madoro, kù gbē kù ò yapura pì dōnōme n pínki. ³ De Luda kù a Né Yesu Kirisio gbēke keáre kù sūruuo, ò á tó kù aafiaao yapura kù yenyĩoo gūn.

⁴ Kù ma è á né kenō kù yapura gūn lākū De Luda ditewere nà, ma pō kè nna manamana. ⁵ Tera sà nōgbē, mateni wé kemma. Adi ke dokayā dufun maten onnero, yā kù ó vī zaa káakume. Ògō yekōi. ⁶ Yenyĩn dí: Ògō yā kù Luda diteno kùna. Yā kù Luda dite pìin dí: Ògō kù yenyĩ gūn lākū a mà zaa káaku nà.

⁷ Gbēkerinō dàgula andunia gūn dasi, òdi pi Yesu Kirisi dí su bisāsiri ūro. Gbē bire takanō bi gbēkerinōme, Kirisi iberenōme. ⁸ À laakari ke, àsun tó zī kù a kè ke pāro. À tó à á láada le papana. ⁹ Gbē kù à vī Kirisi yādannenala Luda dōro. Gbē kù à zè kù yā pìio De Luda vī kù a Néo n pínki. ¹⁰ Tó gbē sù yā dadaáre, tó à yā bire kūnaro, àsun a síro. Àsun gbānake kpái sero. ¹¹ Zaakū gbē kù à gbānake kpài bàka kù kù a vānikenanōme.

Lézmananaa

¹² Má yā vī dasi mà oáre, ama má ye mà kēáre takada gūnlo. Má támaa vī mà su wé kpátéái, ò yā o kōo wédewe, de ò pōnna le àgō papana. ¹³ N vīni kù Luda sè nénō fō kpàáwa.

YUHANANA TAKADA AAKƆDE

Luda zikerinɔ sinaa

¹ Makū gbē zōkō, makūme ma takada dīkīna kè ma gbē yenyīde Gayusine. Má yenyī yāpura gūn. ² Ma gbē yenyīde, madigō adua kenne, de ngō aafia, yā sīnda pínki le à bo kúnwo nna, lákū n kunna mana nà. ³ Kū ó gbēnɔ sù, ò òmēne lákū n yāpura kūna nà, n kú a gūn, akū ma pɔ kè nna manamana. ⁴ Gɔɔ kú ma mà kú ma nēnɔn kú yāpura gūn pínki, pɔnna ke demene abirelaro.

⁵ Ma gbē yenyīde, n náani vī zī kū ndi ke ó gbēnɔne gūn, atēnsa nibɔnɔ. ⁶ Ò n yenyī yā ò sɔsi gbēnɔne. N zàna keñne, lákū à mana ò ke Luda zī gūn nà. ⁷ Zaakū ò dà zén kú Kirisi tso, odi kpányī le Yesusaridenɔ kīnaaro. ⁸ À kō sio ògō gbē dí takanɔ yari ke, de ògō de n zikeri dakenɔ ũ yāpura baarukpanaa gūn.

⁹ Ma takada ke kè n sɔsi gbēnɔne, ama Dioterefe denlaweteri ye ó yairo. ¹⁰ Abire yāi tó ma su, mani bo kú yā kú àdi kenɔ kú yā vāni kú àdi diwānɔ. Yā pīi di káne pōke ũro, àdi ó gbēnɔ síro, bee se àdi gi gbē kú ò ye ò n sínɔne, àdi sɔsi zé zōñne.

¹¹ Ma gbē yenyīde, nsun yā bēne dadaro, sé yā mana. Gbē kú àdi yā mana keme Luda pō ũ, gbē kú àdi yā vāni ke Luda dōro. ¹² Gbē sīnda pínki di Demeteriu tó nna sí. Bee yāpura a zīdanda di a sáabu kpá se. Ókōnɔ odi a sáabu kpá dɔ, akū n dō kú ó sèedakena náani vī.

Lézammanaa

¹³ Má yā vī dasi mà onne, ama má ye mà kenne takada gūnlo. ¹⁴ Má támaa vī ò wé ke pla tera, ò yā o kōo wédewe.

¹⁵ Luda n tó kú aafiao. N gbēnnanɔ fɔ kpamma. N fɔ kpá ó gbēnnanɔa dodo.

TIRE TE YUDU U YORUA

Yudu u s̄awa Yesu Kirisin w̄on̄o turo. Yesugibu kpurowa u tire te yorua. Saa ye, gaba seewa ben suunu s̄o ba s̄osi weesuginu s̄osim̄o ni nu koo de ben Yesun yigb̄enu nu karana. T̄on be ba s̄osi ni m̄o mi, ba w̄awa kom bereteke s̄o. Adama Gusun̄o u koo bu kam koosia nge m̄e u yeruku t̄ambu gabu kua be ba ñ n̄un m̄em n̄ōwe. N ween̄ewa Yesugibu bu ka tii yina. Domi ba Gusun̄an gari m̄o yi yi s̄a gem sere ka baadommāo. Yiya n ween̄e ba n da dendi.

Tire ten kpunaa

1. T̄obiribu, naasu 1-2.
2. Keu koosio weesugibu, naasu 3-16.
3. Yiirebu ka kir̄o, naasu 17-23.
4. Siara d̄akibu, naasu 24-25.

T̄obiribu

¹ N̄e Yudu, Yesu Kirisin yoo, n̄e wi na s̄a Yak̄obun w̄on̄o, na b̄ee tire teni yoruamme, b̄ee be Gusun̄o Baaba u soka. U b̄ee k̄i, ma u b̄ee k̄osu Yesu Kirisin s̄o.

² Gusun̄o u n b̄ee w̄onw̄ondu ka alafia ka k̄iru sosiamme.

Keu koosio weesugibu

(I maa m̄erio Pīe II, 2:1-17)

³ N̄en k̄inasibu, na raa k̄i n b̄ee tireru yorua, n̄e ka b̄een faaban garin s̄o, adama wee t̄e n kua tilasi n ka b̄ee tire teni yorua n ka b̄ee hania koosia kpa i ka gari yi i naane doke suna yi Gusun̄o u wigibu w̄e n̄on teeru sere ka baadommāo. ⁴ Domi t̄on k̄sobu gaba dua gb̄enum b̄een suunu s̄o be ba Gusun̄an dur̄om ḡosikia, bu ka ben kom k̄osum gafara wa, ma ba Yesu Kirisi yina, wi u s̄a besen Yinni boko. Saa gas̄o gas̄an diya ba yorua ye n koo bu deema siribun biru.

⁵ Baa m̄e i ye kpuro ȳe s̄a s̄a, ka m̄e, na k̄i n b̄ee yaayasia ma ye Yinni Gusun̄o u Isirelin t̄ambu w̄ora saa Egibitin tem di u kpa, yen biru u be ba ñ naane doke kam koosia. ⁶ I maa w̄ollun ḡradoba yaayo b̄en ayera kun bu turie, ma ba ben tiin w̄a yeru gema ba deri. Gusun̄o u ka bu ȳoni b̄okua, u kp̄e yam w̄okuru s̄o ba ka siribun t̄o bentembereru mara. ⁷ M̄eya maa Sodomu ka Gom̄ra, ka wuu si su su sikerene, si kpuron t̄ambu ba maa daa bereteke kua, t̄on dur̄abu ka t̄on dur̄abu ba tii sankunam̄o. Ba wuu si kpeerasia ka d̄o wi u ku ra gbi, ma n kua ȳireru t̄ambun s̄o.

⁸ Ka m̄e, t̄on k̄so be maa, ben bwisikunu s̄o ba ka toranu tii disi dokem̄o, ba ñ wirugibu wiru kp̄iyamme ma ba w̄ollun ȳikogibu w̄omm̄o. ⁹ Adama Miseli, wi u s̄a Gusun̄an ḡradoban wirugii, u ñ k̄aka u Setam taare w̄e ka w̄amburu d̄ama te ba sanna ba M̄owisin goru sikirine, adama u Setam s̄owawa u n̄e, “Yinni Gusun̄owa u koo nun gerusi.” ¹⁰ Adama t̄on k̄so be, ye ya kun bu yeeri yeya ba w̄omm̄o, ye ba maa m̄o ka marumaruru nge ȳe yeya ya bu kam koosiam̄o. ¹¹ N̄oni sw̄aarugiba ba s̄a. Domi ba Kaenin yira sw̄i, ba tii sure toraru s̄o bu ka are wan s̄o nge m̄e Balamu u kua, ma ba Gusun̄o seesi nge m̄e Kore u kua, ma ba tii kam koosia. ¹² T̄on be, ba s̄awa sankara kowobu b̄een t̄o baka ni i ra ko k̄irun s̄o s̄o, ba ka b̄ee dim̄o, ka sekuru sariru, ba ben tii n̄orim̄o t̄ona. Ba s̄awa nge guru winu ni woo ga b̄arikiam̄o, ni nu ku ra ka gura n̄e. Ba s̄a nge d̄a ni nu d̄erura nu ñ binu

mə, ni ba wuka ka gbiniə, ni nu gu mam mam. ¹³ Ba sāawa nge nim wōkun nim kure ni nu kukumə. Nge me nu nin yakeru kōmə meya ba maa ben sekuru sari kom sōsimə. Ba sāawa nge wöllun kperi yi yi yin swaa bie, Gusunə u bu yam wōku te ta kpā yiye tē səə ba koo du ka baadomma.

¹⁴ Enəku maa, wi u sā Adamun sikadobun tōka nōba yiruse u Gusunən gari gerua ben sō u nēē, wee, Yinni u sisi ka win gōrado dēero dabi dabiru ¹⁵ u ka baawure kpuro siri kpa u ka Gusunən bēere yēru sarirugibu kpuro taare wē ben kom kōsum kpuron sō me ba kua Gusunən gendun sō, ka maa gari kōsin sō yi torobu be ba n Gusunən bēere yē ba nūn gerusi. ¹⁶ Tən be, ba ra n wure, gāanu sari ni nu ra bu wēre, ben binē bu kpare. Ba ra woo kana gari gere, ba maa tambu gari dori sōmə bu ka yērobun gāanu wa.

Yiirebu ka kirə

¹⁷ Adama bēē nēn kīnasibu, n weene i gari yi yaaya yi bēsen Yinni Yesu Kirisin gōroba raa gerua. ¹⁸ Domi ba bēē sōwa ma sanam dāakim səə tən yaako kowoba koo na be Gusunən bēere yē sarira koo de ben binē ya n bu kpare. ¹⁹ Beya ba ka karanāa naamə, ba ben tiin bwisikunu mə, ba n Hunde Dēero mə. ²⁰ Adama bēē nēn kīnasibu, i tii tāsisi bēen naane doke dēerabu səə i n kanaru mə ka Hunde Dēeron dam. ²¹ I tii nenuə Gusunən kīru səə, i n ka bēsen Yinni Yesu Kirisin wənwəndu mara te ta koo ka bē wāaru te ta ku ra kpe naawa.

²² I ben wənwəndu waawo be ba gōrusu yiru yiru mə. ²³ I n gabu gawamə dō sōn di i n bu faaba mə. I maa gabun wənwəndu waawo ta n ka bērum mēne, adama i n ben toranu tusa sere ka ben yabenə ni ben daa ya disinu tēni.

Sīara dāakibu

²⁴⁻²⁵ Gusunə turo sāa bēsen Faaba kowo wi u koo kpī u bēē kōsu i ku ka wəruma, kpa u bēē terasia win yiiko səə taare sariru səə ka nuku dobu. Wiya u yiiko ka kpāaru ka dam ka girima mə saa bēsen Yinni Yesu Kirisin min di, yee yellun di, ka tē, sere ka baadommaə. Ami.

ZIA Yǎ BIRINA YUHANANE

Kirisi ena wégupu gūn 1:1-1:20

Takadakēna sɔsi mèn supplanɔ gbēnɔnɛ 2:1-3:22

Takada kokona kù a kǎni'ɔ mèn supplanɔ gogonaa 4:1-8:1

Kákáki mèn supplanɔ penaa 8:2-11:19

Kwá kù nòbɔ pásí mèn planɔ 12:1-14:20

Luda pɔfē kerε mèn supplanɔ atēna anduniaa 15:1-19:5

Kirisi suna à kí ble zīte 19:6-20:15

Musu dufu kù zīte dufuo 21:1-22:21

Takada díkǎna boki

¹ Luda yǎ kù àten su ke mò Yesu Kirisine de à biri a zòblerinɔnɛ, akù à a malaikaa zǐ makù Yuhana a zòbleriia, à tò ma yǎ pìi dǔ. ² Luda yǎ kù Yesu Kirisi de a sèedade ũn ma è, akù maten o. ³ Arubarikadenɔn gbē kù à zia yǎ díkǎna kyó kè ũ kù gbē kù ò a yǎ mà ò kùnanɔ, zaakù a gɔɔ kà kǎni.

⁴ Makù Yuhana makù mé ma takada díkǎna kē sɔsi mèn suppla kù ò kù Asia būsuu gūnnɔnɛ. Luda kù à kun yǎ, à kun tera, akūsɔ àten su kù a Nini mèn suppla kù ò kù a gbà arenɔ ⁵ kù Yesu Kirisi kù à de sèedade yǎpura ũo ò gbēke keáre, ò á gba aafia. Yesu pìime gàavu káaku ũ, àkūme andunia kínanɔ gbānade ũ. À yewáí, à ó bo ó durunnnanɔn kù a aru gbānao, ⁶ à ó ká kpatan Luda a de gbàgbarinɔ ũ. Àkù mé à gakuri kù gbānao vī gɔɔ sǐnda pínki! Aami. ⁷ Ñ gwa, àten su ludambe lukun. Gbē sǐnda pínki ni a e, bee gbē kù ò a zǔnɔ, andunia buri sǐnda pínki ni wēnda ɔɔ dɔ a yǎ musu. Lemε! Aami.

⁸ Dikiri Luda pì: Makūme Alafa kù Omegao ũ, Gbānasǐndapinkide kù má kun yǎ, ma kun tera, akūsɔ maten su.

Yesu Kirisi bo à suna Yuhanaa

⁹ Makù Yuhana á gbē do kunna Yesu gūn kō gbēnɔn ó ũ wari gūn, kíblenaa gūn, menake gūn. Ma kù ísira luan kù òdi pi Patamɔ Luda yǎ kù Yesu de a sèedade ũ yǎi. ¹⁰ Dikiri gɔɔ zǐ Luda Nini sùma, akù ma kòto gbāna mà ma kpe lán kákáki'ũ bà ¹¹ à pì: Ñ pó kù n è kē takada gūn, ñ kpázá sɔsi mèn suppla kù ò kù wēte dínɔ gūnnɔnɛ: Efesu, Simiina, Pɛegamumu, Tiatira, Saadí, Filadɛlefia kù Laodiseao.

¹² Akù ma lite, de mà gbē kù àten yǎ o kùmaoo pì e. Kù ma lite le, ma wura fitiladibɔɔ è mèn suppla. ¹³ Ma gbēke è fitiladibɔɔ pìnɔ té lán bisásiri né bà. À utagyaba dana, àten gáte a gbá léa, à wura asa dɔ a gbān. ¹⁴ A miká de púu táitai lán sáká ke buu bà, a wé de lán ténenɛ bà. ¹⁵ A gbá ten té ke lán mògotē kù òten baasa tévura gūn bà. A kòto de lán ísókɛna kǐni bà. ¹⁶ À susunenɔ kùna a ɔplan mèn suppla, fēnɛda lénna kpa plapla ten bo a lén. A àn ten té ke lán ifántē gbāna bà.

¹⁷ Kù ma a è, ma letε a gbá sare, ma gɔ sǎii. Akù à a ɔpla nàma à pì: Ñsun tó vǐna n kùro. Makūme Arede kù Kpɛdeo ũ, ¹⁸ gbē kù àdigɔ kun ũ. Ma ga, akù má kun, akūsɔ manigɔ kun ari gɔɔ sǐnda pínki. Má ga kù gyáwánwo mǎnenɔ kùna. ¹⁹ Ñ pó kù n è kē, pó kù ò kunnɔ kù pó kù oni su a kpenɔ pínki. ²⁰ Susunε mèn suppla kù n è ma ɔplan pìnɔ kù wura fitiladibɔ mèn suppla pìnɔ asirin dí: Susunε mèn suppla pìnɔ bi sɔsi mèn suppla pìnɔ zǐrinɔme, fitiladibɔ mèn suppla pìnɔ bi sɔsi mèn suppla pìnɔme.

2

Efesudenɔ yá

¹ N kē Efesu sɔsi z̄iriine: Makū kū má susunε mèn supplanɔ kūna ma ɔplan, maten kure wura fitiladibɔ mèn supplanɔ tε, makū mé ma yá dík̄ina ò. ² Má n yákenanɔ d̄s kū z̄i kū nten keo kū n menakenaao. Ndì we ñ gbē b̄n̄enɔ ditero. Gbē kū òdi ñ z̄ida dite Luda z̄irinɔ ũ, akūs̄ ò de a ũro, n ñ lé n gwà n è ékedenome ñ ũ. ³ N mena f̄s̄, n wari kè ma t̄s̄ yāi, ñdi kpasaro. ⁴ Ama má yá v̄i kūnwo. Yenyī kū ñ v̄imenε káaku bùsa. ⁵ N̄ tó n kunna z̄i zaa ḡɔɔ kū ñdi busaro yá d̄ɔngu. N̄ n̄ese lite, ñḡs̄ yá kū ndì ke yānɔ ke. Tó ñdi ke lero, mani sunyī, mà n fitiladibɔ go. ⁶ Bee kū abireo ñ yá dík̄ina v̄i, ñ zā Nikolaitānɔ yákenanɔn lākū ma zāngu nà. ⁷ Gbē kū à s̄a v̄i, à yá kū Luda Nini ten o sɔsi gbēn̄one ma: Mani gbē kū à z̄i blè gba zé à lí w̄endide kū à kú Luda aruzenna gūn né ble.

Simiinenadenɔ yá

⁸ N kē Simiina sɔsi z̄iriine: Makū kū má de Arede kū Kp̄edeo ũ, ma ga ma era ma vu, makū mé ma yá dík̄ina ò. ⁹ Má w̄et̄amma kū òten m̄on̄ne d̄s kū n takasikenaao. Bee kū abireo aruzekedeme n ũ. Gbē kū òdi pi Yudanome ñ ũ akūs̄ ò de a ũronɔ, kū ñ aduakekpe de Setan p̄s̄ ũ, má d̄s̄ lākū òdi yá dimma nà. ¹⁰ N̄sun v̄ina ke wari kū ñni ken̄ero. N̄ ma, Ibilisi ni á gbēkenɔ ká kp̄ésiran de à á ȳs̄ à gwa, ani wé t̄ááwa ari ḡɔɔ kuri. Ñḡs̄ náani v̄i ari ñḡs̄ gé gao, mani aruzenna kenne yàri ũ. ¹¹ Gbē kū à s̄a v̄i, à yá kū Luda Nini ten o sɔsi gbēn̄one ma: Ga plade ni wari d̄s̄ gbē kū à z̄i blèearo.

P̄egamumudenɔ yá

¹² N kē P̄egamumu sɔsi z̄iriine: Makū kū má f̄eneda lénna kpa plapla kūna, makū mé ma yá dík̄ina ò. ¹³ Má n kúki d̄s̄, gu kū Setan gbà kumme. N̄ ma yá kūna, ñdi ledi kp̄amáiro, bee ḡɔɔ kū ò ma s̄eɔda yāpurade Antipa d̄e n w̄eten, gu kū Setan kunn p̄i. ¹⁴ Ama má yá v̄i kūnwo fiti. N̄ gbēn̄o v̄i gwe kū ò Balamu yá kūna. Balaamu p̄i mé à dà Balakinε à Isarailanɔ ḡate à ñ dá t̄ana p̄blen kū p̄ap̄akenaao. ¹⁵ Leme d̄s̄ ñ gbēn̄o v̄i gwe, ò Nikolaitānɔ yá kūna. ¹⁶ Abire yāi ñ n̄ese lite. Tó ñdi ke lero, mani sunyī tera mà z̄i ká kúnwo kū f̄eneda kū à kú ma lénwo. ¹⁷ Gbē kū à s̄a v̄i, à yá kū Luda Nini ten o sɔsi gbēn̄one ma. Mani gbē kū à z̄i blè gba mana kū à utena, mani a gba gbè pura kū ò t̄s̄ dufu k̄eà d̄s̄. Gb̄eke t̄s̄ p̄i d̄s̄ro, séde gbē kū ma kp̄aa p̄i.

Tiatiradenɔ yá

¹⁸ N kē Tiatira sɔsi z̄iriine: Makū Luda Né kū ma wé de lán t̄enene bà akūs̄ ma gbà de lán m̄ogot̄ε bà, makū mé ma yá dík̄ina ò. ¹⁹ Má n yákenanɔ d̄s̄, n yenyī, n ludanaanikena, n z̄ikena kū n menakenaao. Má d̄s̄ d̄s̄ kū yá kū nten ke kpekepe mana de a káakup̄la. ²⁰ Ama má yá v̄i kūnwo. N n̄gbē Yez̄ebeli kū à a z̄ida dite annabi ũ gbà zé. Àteni ma z̄òblerinɔ s̄ate, àten dañne ò p̄ap̄a ke ò t̄ana p̄s̄ ble. ²¹ Ma a gbà zé à n̄ese lite, ama à ye à a n̄ese lite à p̄ap̄akena t̄oro. ²² N̄ ma, mani a w̄ute gyān, mani tó gbē kū ò p̄ap̄a k̄e k̄aonɔ wari z̄k̄s̄ ke, tó odi n̄ese lite ò a yá t̄oro. ²³ Mani a ìbanɔ dede kū gagagyāo, sɔsi gbē s̄inda p̄inki ni d̄s̄ kū makū mé madi gbēn̄o laasun kū ñ sw̄eɔo gwa, mani f̄ina bo á baadinε a yákenaaa. ²⁴ Á Tiatira gbē kpara kū á yá p̄i kūnaro, akūs̄ á yá kū òdi pi Setan asiri z̄k̄s̄ d̄s̄ronɔ, mani aso

pánde diáero. ²⁵ À ò didi yá kù á kúnaa ari màgō gé su. ²⁶ Gbē kù à z̄i blè, akūsō à yá kù má yeinō kúna ari a léa, mani a gba zé à gbāna ble burinōa. ²⁷ Ani kí bler̄ma kù mò gòo à ñ wíwi lákū òdi ē oro wíwi nà, lán ma De ma gba zé nà. ²⁸ Mani a gba gudōna susunē dō. ²⁹ Gbē kù à sá vī, à yá kù Luda Nini ten o s̄osi gbēnōne ma.

3

Saadidenōyā

¹ Ñ kē Saadi s̄osi z̄iriine: Makū kù má Luda Nini mèn supplanō kúna kù susunē mèn supplanō, makū mé ma yá díkīna ò. Má n yákenanō dō. Kunna bēne tó mé à dōmma, ama gēeme n ū. ² Ñ vu, ñ gbē kù ò gōnnenō lé kù flāao ari ògō gé ga, zaakū ma è n yáke papana ma Ludanero. ³ Abire yá mé à tò yá kù n mà akū n s̄i, ñ tó àgō dōngu, ñgō kúna, ñ nēsē lite. Tó ñdi vuro, mani sunyī lán kpāni bà, ñigō gōrō zaka kù mani su dōro. ⁴ Bee kù abireo ñ gbēnō vī Saadi gwe f̄iti kù odi ñ pókasanō gbāsī kpáro. Óni kure leele kù pó purao dana, zaakū ò kà a léi. ⁵ Len gbē kù à z̄i blè nigō pókasa pura dana le. Mani a tó dede wēndi takadan zikīro. Mani ze kāao ma De kù a malaikanō arē. ⁶ Gbē kù à sá vī, à yá kù Luda Nini ten o s̄osi gbēnōne ma.

Filadēfiadenōyā

⁷ Ñ kē Filadēfia s̄osi z̄iriine: Makū kù má kù madona yāpurade ū, má Dauda mōne kúna, madì zé wē gbēke d̄i f̄ō à a tataro, madì zé tata gbēke d̄i f̄ō à a wēro, makū mé ma yá díkīna ò. ⁸ Má n yákenanō dō. Ñ ma, ma zé wēnne n arē, gbēke ni f̄ō à a tataro. Bee kù n gbāna f̄iti, ñ ma yá kúna, ñdi ledi kpámairo. ⁹ Setan aduakekpe gbē kù òdi ñ z̄ida dite Yudanō ū, akūsō ò de a ūronō, mani tó ékede p̄inō su ò kútēne, oni dō kù má yenyī. ¹⁰ Zaakū ñ yá kù ma d̄itenne kúna n f̄ō n mēna, mani n sí wari kù àtēni su andunia p̄ínki gūnwa, de à gbē kù ò kù z̄itenō yō à ñ gwa. ¹¹ Mani su tera. Ñgō pó kù ñ vī kúna gbāna, de gbēke sún n láada símmaro yāi. ¹² Mani gbē kù à z̄i blè ke ma Luda kpé gbēgba ū. Ani bo zikīro. Mani ma Luda tó kēa kù ma Luda wēte Yurusalemu dufu kù ani kipa bona a kīnaa zaa musu tóo kù ma tó dufuo. ¹³ Gbē kù à sá vī, à yá kù Luda Nini ten o s̄osi gbēnōne ma.

Laodiseadenōyā

¹⁴ Ñ kē Laodisea s̄osi z̄iriine: Makū Aami, sēda náanide yāpura kù má de pó kù Luda kēnō m̄ide ū, makū mé ma yá díkīna ò. ¹⁵ Má n yákenanō dō. Ñ yīdaro, akūsō ñ wānaro. Má ye ñgō yīda kesō wāna. ¹⁶ Lákū ñ lógōlógō nà, ñ wānaro akūsō ñ yīdaro, mani n pisime. ¹⁷ Nd̄i pi ògode aruzekede kù ñ póke ni vīrome n ū. Ñ dō kù gbē pā pótompo barakeri wēndade takaside v̄inaame n ūro. ¹⁸ Maten lé damma, ñ wura baasana lú ma kīnaa, de ñ ke ògode ū. Ñ pókasa pura lú ñ da, de ñ n pótompoke ute ñ bo wé'in. Ñ wé eze lú ñ ká n wén, de ñ gu e. ¹⁹ Madì kpākē gbē kù má yeñȳn̄oi mà ñ toto. Abire yá mé à tò, ñ wé tā ñ nēsē lite. ²⁰ Ñ gwa, má zena kpélele, maten gbà lé. Tó gbē ma kòtoo mà, akū à zé wēmene, mani gē mà pó ble kāao, ani ble kūmao. ²¹ Mani gbē kù à z̄i blè gba zé à vute kūmao ma gbàaa, lákū makū ma z̄i blè ma vute kù ma Deo a gbàaa nà. ²² Gbē kù à sá vī, à yá kù Luda Nini ten o s̄osi gbēnōne ma.

4

Donyĩkena Ludane zaa musu

¹ Abire gbera ma zé è wēna ludambe. Akū ma kòto kū ma mà káaku lán kākāki'ù bàà mà dɔ à pì: Ñ mós la, mani yā kū ani su abire gbera mɔnne. ² Gwe g̃nɔ Luda Nini òima, akū ma gbàa è ludambe gwe, gbēke vutea. ³ Gbē kū à vutena pi ten té ke lán gbē bēere de kū òdi pi diamɔɔ bà kesō kaanelia. Ludambefēneda lika bára pìii, a í de lán lá'i taka bà lán emeradi bà. ⁴ Gbà mèn baro awēesiikōnɔn likai, gbē zōkō gbēnɔn baro awēesiikōnɔn vutevutena bára pìnɔa. Ò pó pura dadana, ò wura fūra kúkuna. ⁵ Legū ten pí, àteni bo bára pì kīnaa, àteni pūtā, àteni pata. fitila nana gbàa pì are mèn suppla, mós kōmē Luda Nini mèn supplanɔ ũ. ⁶ Dígi kú gbàa pì are lán ísira bà. A í kè gárangaran lán gbèdigi bà.

Gbàa pìnɔ daguran pó bēne mèn siikōnɔn lika gbàa pìii. Wé dɔdɔrúma kpé kú areo. ⁷ Pó bēne pìnɔ káakupɔ de lán músu bà, a plade de lán zùsaa bà, a aakòde an de lán bisásiri ann bà, a siikòde de lán vau kū àten vura bà. ⁸ Pó bēne mèn siikō pìnɔ baadi dēmbere vī mèn suddodo. Wé dɔdɔ n dēmbere pìnɔa, a gūn kū kpé. Fānantē kū gwāanio òdigō ò lakanaa sari: Kúadona, kúadona, kúadona, Dikiri Luda Gbānasīndapinkide.

Ñ kun yā, n kun kū a terao, akūsō nten su.

⁹ Gɔɔ kú pó bēne mèn siikō pìnɔ gbē kū à vutena gbàaa, akūsō àdigō kun gɔɔ sīnda pínki pì tó kpà, ò bēere line, ò a sáabu kpà, ¹⁰ gbē zōkō gbēnɔn baro awēesiikō pìnɔ di wúte wute a are ò donyī kene, òdi n fūra gogo ò káte gbàa pì are ò pi:

¹¹ Dikiri ó Luda, n ka ò n tó kpá,

ò bēere kú gbānao linne,

zaakū n pó sīnda pínki kè,

ñ kena kū n kunnao bi n poyenyīnaame.

5

Sāne B̃rɔ kú takada kokonaao

¹ Akū ma takada kokonaa è na gbē kū à vutena gbàaa pì ɔplan, ò yā kēa are kú kpé pínki, ò a lé kùkū kū kání'ɔ leu supplao. ² Akū ma malaika gbānade è, àten kpàkpa ke kū kòto gbānao à pì: Dí mé à kà à kání'ɔ dínɔ gogo à takada dí poroo? ³ Ama gbēke kú ludambe ke zīte ke zīte gbáru kū ani f̃ à takada pìi poro à gwaro. ⁴ Ma ɔɔ d̃ manamana, zaakū odi gbēke e kū à kà à takada pìi poro à gwaro. ⁵ Akū gbē zōkō pìnɔ doke pimenne: Ñsun ɔɔ d̃ro. Ñ gwa, Yuda buri Músu kū à de Dauda kpata kū à b̃tɔɔ pà Kína ũ z̃li blè. Akū mé ani f̃ à kání'ɔ mèn suppla pìnɔ gogo à takada pìi poro. ⁶ Akū ma Sāne B̃rɔ è zena gbàa pìia pó bēne mèn siikō pìnɔ kú gbē zōkō pìnɔ té. À de lákū ò a kùtu kpàa bà. A bēne vī mèn suppla kú wéo mèn suppla. Luda Nini mèn suppla kú à n zī andunia gu sīnda pínkianɔn gwe. ⁷ À gēè à takada pìi sì gbē kū à vutena gbàa pì ɔ. ⁸ Kú à takada pìi sì, akú pó bēne mèn siikō pìnɔ kú gbē zōkō gbēnɔn baro awēesiikō pìnɔ kùtekute Sāne B̃rɔ pì are. N baadi m̃rɔ kūna kú wura kere kú turaretiti kán à pào. Turaretiti pì bi Luda gbēnɔ aduakenanɔmē. ⁹ Ò lè dufu sì òten pi: N ka n takada pì sí n kání'ɔ pìnɔ gogo, zaakū ò n de,

n gbēno bò Ludane kū n aruo
buri sīnda pínki gūn, buriyā sīnda pínki gūn,
gbē sīnda pínki gūn, būsu sīnda pínki gūn.

¹⁰ N n ká kpatan,
ò gō ó Luda gbàgbarino ũ,
onigō kí ble zīte.

¹¹ Akū ma malaikano è likana gbàa piiri kū pò bēne pino kū gbē zōkōo pino
dasidasi, n dasi kà dūbu ũgbangba, oni fō ò n lé dōro. Ma n kīni mà, ¹² ò pì
kū kòto gbānao:

Sāne Bòro kū ò dēe kà ò iko dōne
kū aruzekēo kū ōndōo kū gbānao kū bèereeo
ò a sáabu kpá, ò a tó kpá.

¹³ Akū pò kū Luda kē musu kū zīteo kū zīte gbáruo kū ísira gūnwō pínki,
bee pò kū ò kú gu sīnda pínkinō, ma mà ò pì:

Ògō bèere kū gbānao dō
gbē kū à vutena gbàaane kū Sāne Bòroo,
ónigō n sáabu kpá, ògō n tó kpá goro sīnda pínki.

¹⁴ Pò bēne mēn siikō pino pì, aami. Akū gbē zōkōo pino wùtewute ò donyī
kēne.

6

Kāni'ogogonaa

¹ Ma è Sāne Bòro kāni'ò mēn suppla pino káakude gò. Akū ma mà pò bēne
mēn siikō pino doke yā ò lán legūpūtānaa bà à pì: N mós! ² Akū ma sō pura
è, gbē kū à dia sá kūna. Ò kífuraa kùne, akū à bò zībleri ũ, de à gé zī ble.

³ Kū Sāne Bòro kāni'ò plade gò, ma mà pò bēne plade pì: N mós! ⁴ Sō pānde
bò do, à de tēe zónzon. Ò gbē kū à dia gbà zé à aafia sí anduniaa, de gbēno
kō dēde. Ò fēneda zōkōo kpāa.

⁵ Kū Sāne Bòro kāni'ò aakōde gò, ma mà pò bēne aakōde pì: N mós! Akū
ma sō sira è, gbē kū à dia zaka kūna. ⁶ Ma kīni mà lán gbē kòtoo bà, à bò pò
bēne mēn siikō pino té à pì: Ése zaka lé dome goro do zī ogo ũ. Gbado zaka
lé aakōme goro do zī ogo ũ. Nsun tó kù lino kū geepi lino yakaro.

⁷ Kū Sāne Bòro kāni'ò siikōde gò, ma pò bēne siikōde kòtoo mà à pì: N mós!
⁸ Akū ma sō pufau è, gbē kū à dia tón Ga, Gyāwān téi. Ò n gbá zé ògō iko vī
andunia gbēno leu siikōdea, ò n dēde kū zīio kū nāao kū gagagyāo kū nòbo
pāsīno.

⁹ Kū Sāne Bòro kāni'ò soorode gò, gbē kū ò n dēde Luda yā ona kū Yesu
sèedakpanaao yāi, ma n gyāwāndenō è turaretitikpataki gbáru. ¹⁰ Ò wiki
gbāna kē ò pì: Dikiri kū à kú adona yāpurade, boren ñni yākpatē ke kū
gbē kù ò kú zītenō ñ ó dena fīna borūmaa? ¹¹ Akū ò utagyaba pura dàda
n baadine, ò piñne ò mena fō fiti ari n Yesu zōbleri dake kū oni n dēde lán
n hànō lé gé káo.

¹² Kū Sāne Bòro kāni'ò suddode gò, ma è zīte yīgāyīgā pāsīpāsī, ifāntē
sira kù níkiniki lán biza kū ò dà òsin bà, mōvura tēra kù lán aru bà
māmman. ¹³ Susunenō bò ludambe, ò kòte zīte lán zàgā'ia di līne ísi woro
nà. ¹⁴ Ludambe kēkōa, à kòkokoko lán pēe bà. Kpino kū ísira luanno sō
n kúkia pínki. ¹⁵ Andunia kīnanō kū kpatablerino kū soza gbē zōkōno

kū aruzekedenᵛ kū gbānadenᵛ kū gbē sīnda pínkiᵛ zòᵛ kesᵛ zīdadenoᵛ ùte
gbèwεεnoᵛ kū gbèsᵛkᵛnoᵛ. ¹⁶ N̄ wiki gò dᵛ:

Kpinoᵛ kū gbēnoᵛ à daóla,
à ó ute gbē kū à vutena gbāaane,
à ó sí Sāne Bòroᵛ pᵛfēa.

¹⁷ Zaakū n̄ pᵛfēkipammaᵛ gᵛroᵛ zᵛkᵛᵛ kà. Dí mé ani fᵛ à bonn?

7

Sèedakeᵛna Luda zᵛblerinoᵛ

¹ Abire gbera ma malaika gbēnoᵛ siikᵛnoᵛ è zεzεna andunia kusuru
siikᵛnoᵛ, n̄ baadi a kusuru ïa kūna, de ïa sún pá zīte ke ísira ke lí kearo
yāi. ² Akū ma malaika pānde è, à bò à fùte ifāboki kpa, à Luda Wēndide
sèedakeᵛnoᵛ kūna. À lé gbāna zù malaika gbēnoᵛ siikᵛ kū ò n̄ gbá zé ò zīte
kū ísiraᵛ yaka pinoᵛ ³ à pì: Àsun zīte ke ísira ke línoᵛ yakaro ari ò sèeda ke ó
Luda zᵛblerinoᵛ mì'arenᵛ. ⁴ Akū ò gbē kū ò sèedaa pìi kèrᵛmanᵛ lé òmene, n̄
gbēnoᵛ dúbú basuppla awεεsiikᵛme. Ò bò Isaraila buri sīnda pínki gūn.

⁵ Yuda burinoᵛ gbēnoᵛ dúbú kuri awεεpla
Rubeni burinoᵛ gbēnoᵛ dúbú kuri awεεpla
Gada burinoᵛ gbēnoᵛ dúbú kuri awεεpla

⁶ Asa burinoᵛ gbēnoᵛ dúbú kuri awεεpla
Nafatali burinoᵛ gbēnoᵛ dúbú kuri awεεpla
Manase burinoᵛ gbēnoᵛ dúbú kuri awεεpla

⁷ Simeᵛ burinoᵛ gbēnoᵛ dúbú kuri awεεpla
Levi burinoᵛ gbēnoᵛ dúbú kuri awεεpla
Isaka burinoᵛ gbēnoᵛ dúbú kuri awεεpla

⁸ Zεbuluni burinoᵛ gbēnoᵛ dúbú kuri awεεpla
Yusufu burinoᵛ gbēnoᵛ dúbú kuri awεεpla
Biliaminu burinoᵛ gbēnoᵛ dúbú kuri awεεpla.

Buri sīnda pínki kakarana ludambe

⁹ Abire gbera ma gbēnoᵛ è dasidasi, oni fᵛ ò n̄ lé dᵛro. Ò bò bùsu sīnda
pínki gūn, buri sīnda pínki gūn, gbē sīnda pínki gūn, buriyā sīnda pínki gūn.
Ò zεzεna gbà kū Sāne Bòroᵛᵛᵛ are. Ò utagyaba pura dadana, ò zaa lánᵛ
kūkūna n̄ oī. ¹⁰ Òten wiki gbāna lé òten pì:
Surabanaa dī bo ó Luda kū à vutena gbāaa
kū Sāne Bòroᵛᵛᵛ kiamε.

¹¹ Malaikanᵛn zεzεna ò lika gbà kū gbē zᵛkᵛnoᵛ kū pᵛ bēne mēn siikᵛnoᵛ n̄
pínki, akū ò kùtekute gbāa pì are ò donyī kè Ludane ¹² ò pì:

Aami! Ó Luda mé à tᵛ vī kū gakurio
kū òndᵛᵛᵛ kū sáabuo kū bēεεεᵛᵛ
kū ikooᵛ kū gbānaᵛ gᵛroᵛ sīnda pínki. Aami!

¹³ Akū gbē zᵛkᵛᵛ pinoᵛ doke ma la à pì: Dínᵛn gyabapuradari díkīnᵛnoᵛ
úu? Ò bò máa? ¹⁴ Ma pìne: Baa, mᵛkᵛn mé n̄ dᵛ. Akū à òmene: Gbē kū ò
bò wétamma zᵛkᵛᵛ gūnnᵛme. Ò n̄ utagyabaa pinoᵛ pipi Sāne Bòroᵛ aru gūn
à pura kū.

¹⁵ Abire yāin ò kú Luda gbà are,
òten doi a kpén fānantē kū gwāanio.
Gbē kū à vutena gbāaa pìi dī a kuta kúríla.

16 Nà ke ími ni n̄ de doro,
ifántē ni n̄ léro, gu ni wārm̄maro,
17 zaakū Sāne Bòro kū à kú gbà guragura ni ke n̄ Dāri ũ,
ani doñne are ari ísē wèndide bokia,
gbasa Luda ni n̄ wétē warawarañne pínki.

8

Kāni'ò supplade gonaa

¹ Kū Sāne Bòro kāni'ò supplade gò, ludambe kè kítikiti lákū minti baraakuri taka bà. ² Akū ma malaika gbēn̄on suppla kū òdigō zezena Luda areno è, ò kākāki kpām̄ma mèn suppla.

³ Akū malaika pānde sù à zè turaretitikpataki kū ò pì kū wuraaoo sare, à tésibō kū ò pì kū wuraaoo kūna. Ò turaretiti kpāa dasidasi de à kakara kū Luda gbēn̄o pínki aduakenaoo à kpata, akū à kpāta gbà are turaretitikpataki pīia. ⁴ Akū turaretiti túsukpe kū Luda gbēn̄o aduakenaoo fūte malaika oī Luda are. ⁵ Akū malaikaa pì tésibō sè, à té sio turaretitikpatakia à pà, akū à zù zīte. Legū ten pata, àten pūtā, àten pí, akū zīte yīgāyīgā.

Kakāki mèn supplan̄o penaa

⁶ Malaika gbēn̄on suppla kū ò kākāki mèn suppla kūnaa pìn̄o a pena soru kè. ⁷ A kākakude a kākāki pè, akū ò legūgbē kū téo kakarana kū aruo kòte zīte. Zīte leu aakōde té kù, lín̄o leu aakōde té kù, sè ísi té kù míomio.

⁸ Malaika plade a kākāki pè, akū pò téde bō à s̄i ísiran lán kpi zōkō bà. Ísira leu aakōde lì aru ũ, ⁹ akū ísira pò bēnen̄o leu aakōde gāga, gó'iteno leu aakōde yāka.

¹⁰ Malaika aakōde a kākāki pè, akū susune zōkō kū àten té kū lán sēnte bāa bō ludambe, à lète à dà swano kū ísēbokino leu aakōdela. ¹¹ Susune pì tón Sewe. Í leu aakōde lì sewe ũ, akū gbē kū ò í pì mìn̄o gāga dasi a kyākya yāi.

¹² Malaika siikōde a kākāki pè, akū ò ifántē leu aakōde lè kū m̄ovuraaoo leu aakōde kū susunen̄o leu aakōde, de n̄ leu aakōde sira kū yāi. Akū fānantē leu aakōde gō gupurakūnaa sari, len̄ à kun le gwāani d̄o. ¹³ Akū ma vāu è, àten vura musumusuu. Ma mà, à wiki gbāna lè à pì: Waiyoo, waiyoo, waiyoo gbē kū ò kú zīten̄o malaika gbēn̄on aakō kū ò gō pìn̄o kākāki'ū kū àten gé bo yāi.

9

¹ Malaika soorode a kākāki pè, akū ma susune è, à bō ludambe à lète zīte. Akū ò Zīngowee lòkoto m̄one kpāa, ² akū susune pì Zīngo wēe lòkoto pì zé wè. Túsukpe bòn lán tām̄ate zōkō túsukpe bà, akū Zīngo wēe pì túsukpe ifántē sira kù, gu kè síi níkiniki. ³ Kwano bōte túsukpe pì gūn, ò dà zītela. Ò n̄ gbá gbāna lán andunia fín̄o gbāna bà. ⁴ Ò pín̄ne òsun wari d̄o sēaro ke lá ke lí ke, séde gbē kū ò Luda sèeda vī n̄ m̄'arearon̄o. ⁵ Odi n̄ gba zé ò gbēn̄o dedero, ama oni n̄ da m̄'ummanan ari m̄o sooro. N̄ wāwā de lán fī gbēpana wāwā bàme. ⁶ Goro biren̄o gbēn̄o ni ga wete, oni ero. Ga ni ni n̄ de, ama ga ni bà léñne.

⁷ Kwa pìn̄o de lán s̄o kū ò soru mà kū z̄ion̄o bà. Ò p̄oke kúkuna lán wuraa fūraa bà, n̄ ān de lán bisāsiri ānn bà. ⁸ Ò mikā vī gbānagbāna lán n̄ogbē

mikā bà, ò sakanɔ vī lán músu saka bà. ⁹ N kùse de lán mò uta bà, n dèmberε kīni dɔ lán gó dasi kù sɔnɔ ten gáte z̄i gūn kīni bà. ¹⁰ Ò vlā vī kù kàao lán fī pɔ bà. N gbāna kú n vlā pìnɔ, de ò wari dɔo gbēnɔ ari mɔ sɔɔro. ¹¹ Z̄ingowεε lókoto malaikaa pime n kina ũ. Kū Eberu yāo a tón Abad̄s. Kū Giriki yāo s̄s Apōlīs. ¹² Yā pāsī káakupɔ gētε, a mèn planɔ ten su a kpε dɔ.

¹³ Malaika suddode a kākāki pè. Ma kòtoo mà à bò Luda arε turareti-tikpataki kù ò pì kù wuraaò bēne siik̄nɔ kpa. ¹⁴ À pì malaika suddode kù à kākāki kūnaane: N malaika gbēnɔn siik̄s kù ò yīyīna swada kù òdi pì Yuflati sarεnɔ poro. ¹⁵ Akū à malaika gbēnɔn siik̄s kù ò n soru kè wē birea mɔ birea gɔɔ birea gɔɔ zaka bire yāinɔ pòro, de ò bisāsirinɔ leu aak̄ode dεde yāi. ¹⁶ Ò soza sōdenɔ dasi lé òmene, ò gbēnɔn milīs wàa dome. ¹⁷ Wégupu'ena pìi gūn lán ma s̄s pìnɔ kù n òrinɔ è nàn dí: Ò mò utanɔ dadana tēe lán té bà, búgu lán buluu bà, kpà'ikpa'i lán ifantēgb̄sɔ bà. S̄s pìnɔ mì de lán músu mùi bà. Té kù túsukpεo kù ifantēgb̄sɔo ten bo n lén. ¹⁸ Kisira mèn aak̄s dīkīnanɔ, té kù túsukpεo kù ifantēgb̄s kù àten bo n lé gūnwɔ mé à bisāsirinɔ leu aak̄ode dεde. ¹⁹ Zaakū s̄s pìnɔ gbāna kú n lé gūn kù n vlāo dɔ. N vlā de lán ml̄εε bà, ò mì vī kù òdi wari dɔo gbēnɔ.

²⁰ Gbē kp̄ara kù odi gaga kisira p̄i musuronɔ, odi nèse lite ò pɔ kù ò kè yā tòro. Ò kpé òten kúte t̄ananɔne kù pɔ kù ò kè kù wuraaò kù andurufuuo kù m̄gotēo kù gbēo kù lío. Pɔ pìnɔ d̄i gu ero, òdi yā maro, òdi t̄aa o s̄sro. ²¹ Odi nèse lite ò n gbēdena tòro ke n p̄dammana ke n gbāsikena ke n kp̄ani'ona.

10

Malaika kù takada porona f̄itinnao

¹ Akū ma malaika gbānade pānde è, à bò ludambe, àten kipa. Ludambe luku likai, ludambefēneda kú a mila. A an de lán ifantē bà, a gbānɔn de lán tēnene bà. ² À takada f̄itina kūna porona. À a ɔpla gbá zē ísira, à a ɔze gbá zē z̄itea. ³ À wiki gbāna lè lán músu pūtānaa bà. Kù à wiki lè, legūpūtāna mèn supplanɔ yā ò. ⁴ Kù legūpūtāna mèn suppla pìnɔ yā ò le, má ye mà kē takada gūn, akū mà kòtoo mà, à bò ludambe à pì: Nḡs yā kù legūpūtāna mèn suppla pìnɔ ò kūna asiri gūn, òsun kēro. ⁵ Malaika kù ma è zena ísira kù z̄iteoaa pì a ɔpla sè à d̄s musu, ⁶ akū à si kù Luda kù à kun gɔɔ s̄inda pínkio kù à musu kù z̄iteo kù ísiraoo kè kù pɔ kù ò kú n gūnnɔ pínki à pì: Ani ḡi kε doro. ⁷ Malaika supplade kākāki pégɔɔ z̄i, tó àten su pé, Luda p̄yenyīna kù à utena ni ke, lán à a baaruu kp̄a a z̄òbleri annabinɔne nà.

⁸ Akū ma kòto kù ma mà à bò ludambe p̄i mà dɔ à pì: N ḡe n takada porona kù à na malaika kù à zena ísira kù z̄iteoo musu ò sí. ⁹ Akū ma gε malaikaa pì kīnaa, ma p̄ine à takada f̄itina pì kp̄ama, akū à p̄imene: N sí n s̄o. Aniḡs nna n lén lán z̄s bà, ama ani ke n nèseenero. ¹⁰ Akū ma takada f̄itina p̄i s̄i malaikaa pì ɔ̄i, ma s̄o. À kè nna ma lén lán z̄s bà. Kù ma mò, adi kε ma nèseenero. ¹¹ Akū ò p̄imene mà annabikeyā o dɔ manamana burinɔ kù b̄usunɔ kù buriyānɔ kù kīnanɔ yā musu.

11

Sèedade gbēnɔn planɔ

¹ Akū ò leba kp̄ama p̄ȳs̄b̄o ũ, ò p̄imene: N fute n Luda kpé ȳs kù a gbagbakio, n donyīri kù ò kú gweno naro. ² N a ɔn tó, òsun ȳro, zaakū

ò kpà kifirinᵃaame. Oni gèse pétepete Luda weraa ari mᵃ bupla awεεpla. ³ Mani ma sèedade gbēnᵃn planᵃ gba zé ò annabikeyá o gᵃrᵃ wàa suddo kú baaakᵃoo pìi gūn kú uta kasanᵃo dadana. ⁴ Gbē pìnᵃn kú lí mèn pla kú fitiladibᵃ mèn pla kú ò zena andunia Dikiri areno ù. ⁵ Tó gbē ten wete à wari dᵃmᵃma, té ni bo n lén à n ibereε pìnᵃ kpáta. Len gbē kú àten wete à wari dᵃmᵃma ni ga le. ⁶ Ò ludambe zé tatana gbāna vī, de legū sún ma gᵃrᵃ kú òten annabikeyá oro yāi. Ò í litena aru ũ gbāna vī dᵃ. Oni kisira buri sīnda pínki kpá andunia gᵃrᵃ kú ò yeiia.

⁷ Tó ò n sèedaakena laka, nᵃbᵃ pāsī kú àdi bo Zīngo wεε lᵃkoto gūn ni zī ká kūrᵃwo à zī blerᵃma à n dede. ⁸ N gēnᵃ nigᵃ katena wera zᵃkᵃ kú ò n Dikiri pà lía zéda gūn. Yáasi gūn òdi wera pì sísi Sᵃdᵃmu ke Misila. ⁹ Gbē sīnda pínki kú buri sīnda pínki kú buriyá sīnda pínki òrinᵃ kú bᵃsu sīnda pínki gbēnᵃ ni n gēnᵃ gwagwa ari gᵃrᵃ aakᵃ kú a kusuo, oni we ò n vīro. ¹⁰ Gbē kú ò kú zītenᵃ ni pᵃnna ke, oni dikpe ke, oni gba dakᵃne, kú annabi gbēnᵃn pla kú ò wari dᵃmᵃma pìnᵃ gāga yāi.

¹¹ Gᵃrᵃ aakᵃ kú a kusuo pìi gbera Luda tò wisa wèndide gèngu, akū ò fùte ò zè. Vīna gbē kú ò n éno kú manamana. ¹² Akū annabii pìnᵃ kòto gbāna mà à bᵃ ludambe, à pìnnε: À fute à mᵃ la. Gᵃrᵃ kú n ibereεno wé fīrᵃma, akū ò fùte ò tà musu ludambe luku gūn. ¹³ Zī kúà zīte yīgāyīgā pāsīpāsī, wera pì leu kuride gbòro, akū gbēnᵃn dúbú supplanᵃ gāga zīteyīgāyīgānaa pìi gūn. Vīna gbē kparanᵃ kú, akū ò bèereε lì Luda Musudene. ¹⁴ Yā pāsī plade gète, a aakᵃde ten ká sà.

Kakaki supplade pεnaa

¹⁵ Malaika supplade a kākaki pè. Kòto gbānanᵃ bᵃ ludambe ò pì:

Andunia kpataa gᵃ ó Dikiri pᵃ ũ

kū kīna kú à kàao,

anigᵃ kí ble gᵃrᵃ sīnda pínki.

¹⁶ Gbē zᵃkᵃ gbēnᵃn baro awεεsiikᵃ kú ò vutevutena n gbàaa Luda are pìnᵃ kùtekute ò donyī kènε ¹⁷ ò pì:

Dikiri Luda Gbānasīndapinkide

kū n kun yā akūsᵃ n kun ari tera,

o n sáabu kè,

zaakū n bo kú n gbāna zᵃkᵃᵃome,

gbasa n na kíblenaana.

¹⁸ Bᵃsu sīnda pínki gbēnᵃ pᵃ fè,

akū n pᵃfè kīparᵃma.

N yākpatékēna kú gyāwāndenᵃ gᵃrᵃ kà.

Īni fīna bo n zᵃbleri annabinᵃne

kū n gbē kú òten vīna kenneno,

né fīti gbē zᵃkᵃ,

īni anduniaderino dede.

¹⁹ Akū ò Luda kpé kú à kú musu wè, akū ò Luda bàka konna kūrᵃwo àkpatii è a gūn. Legū ten pí, àten pata, àten pūtā. Zīte yīgāyīgā, legūgbε pāsī kòte.

12

Nᵃgbē kú kwā zᵃkᵃᵃo

¹ Akū ma wé sī sèeda zᵃkᵃ bonsareεε ludambe. Nᵃgbē ke ifantē yīna biza ũ, mᵃvura kú a gbá gbáru, à susune mèn kuri awεεplanᵃ kuna kífura ũ.

² À nòsina, akū nòwāwā fùtea, àten né'iwāwā wiki lé. ³ Akū ma wé sù pò pàndele ludambe sèeda ũ. Kwā zōkō tēra zónzon kú gwe, a mii mèn suppla, a bēne mèn kuri. À kífura mèn supplanō kúkuna. ⁴ À susunenō leu aakōde wōwo ludambe kú a vlāo, à kòte zíte, akū à sù à zè nōgbē kú à ye à né i pì are, de à le à né kú ani i pì só yāi. ⁵ Akū nōgbē pì nēgōgbē kú ani kú ble buri sīnda pínkia kú mò gōoo Ì. Akū ò né pìi sè ò tà káao Luda kú a gbāao kīnaa. ⁶ Nōgbē pìi bàa lè à tà sēn, gu kú Luda kēkene, de ò a gwa gōrō wàa suddo kú baaakōoo gūn.

⁷ Akū zì fùte ludambe, Mukaila kú a ibanō zìi kà kú kwā pìio, kwā kú a ibanō zìi kà kúnwo. ⁸ Akū nì gbāna kàa, odi vuteki e ludambe doro. ⁹ Ò pè kwā zōkō pìia ò a bò. Àkū mé à mlè zì kú òdi pì Ibilisi kesō Setan, andunia pínki sàteri ũ. Ò a bò ò zù zíte kú a ibanō lēle. ¹⁰ Akū ma kòto gbāna mà ludambe à pì:

Ó Luda zìi blè sà,
a gbāna kú a kpataao bò gupuraa,
à ikoo kpà kína kú à kàa.

Zaakū ò pè yādimmariia ò a bò.

Akū mé àdigō ó gbēno yaka ó Ludane fānantē kú gwāanio.

¹¹ Ó gbēno zìi blèa kú Sāne Bōrō aru gbānao
kú nì sèedadekeyāo.

Ò gi nì wēndiii ari ò gēe gào.

¹² Abire yāi ákōno kú á kú ludambeno,
à pōna ke.

Waiyoo zíte kú ísiraio,
zaakū Ibilisi kipaáwa kú pōfē zōkōome,
kú à dō kú gōrō kú à gōare kpáaro yāi.

¹³ Kú kwā è ò a zu zíte, akū à pète nōgbē kú à nēgōgbē ì pìii. ¹⁴ Akū ò vāu zōkō dēmbere mèn pla kpà nōgbē pìia à vurao à ke zā kú mlēe pìio, à tá gu kú ò kēkene sēn, de ò a gwa gwe wē aakō kú a kusuo. ¹⁵ Mlēe pì í pisi nōgbē pìi kpē lán swa bà, de ísō le à a sé, ¹⁶ akū zíte nōgbē pìi mii sù, à a lé wē, à í kú à bò kwā lén pìi mii. ¹⁷ Akū kwā pì pō fē nōgbē pìii, à gēe zì ká kú a buri kú ò gōno, gbē kú ò Luda yā kūna, kú ò kun Yesu sèedade ũno. ¹⁸ Kwā pì zena ísira léa.

13

Nbò pásì mèn planō

¹ Akū ma nbò pásì è, àten bo ísira pìi gūn, a mii mèn suppla, a bēne mèn kuri. Bēne mèn kuri pìnōn kífura kúkuna. Dōkena kú Ludao tó kēna a mii pìnōa. ² Nbò pásì kú ma èe pìi bò lán sàboo bà, a pò pásì manamana. A lé de lán músu lé bà. Kwā a gbāna kpàa kú a gbāao kú a iko zōkōo. ³ A mii pìnō doke de lán ò a kari kē ari à kà ganaa bà, akū a bōo pìi làka. A yā bò andunia gbē sīnda pínki sare, akū ò tēi. ⁴ Akū ò donyí kē kwā pìine, kú à a ikoo kpà nbò pásì pìia yāi. Ò kùte nbò pásì pìine dō ò pì: Dí mé à kà nbò pásì pì ũu? Dí mé ani fō à zì ká káao?

⁵ Ò karambaani yā'ona lé kpà nbò pásì pìia, à Luda tó bēne sío, akū ò a gbà zé à iko ke ari mō bupla awēepla. ⁶ Akū à nà dōkena kú Ludaooa, à a tó bēne sù kú a kúkió kú gbē kú ò kú gweno. ⁷ Ò a gbà zé à zì ká kú Luda

gbēno à zì bleríma. Ò a gbà zé do àgō iko vī buri sīnda pínkia kú gbē sīnda pínkio kú buriyā sīnda pínki òrinō kú būsu sīnda pínkio. ⁸ Tó adi ke gbē kú n tó kú wēndi takada gūnnō baasiro, gbē kú ò kú zītenō ni donyī ke nòbō pāsī piine n pínki. Takada pì bi Sāne Bòro kú ò dè zaade Luda dí andunia kátero pómē. ⁹ Gbē kú à sá vī yā pì ma.

¹⁰ Gbē kú Luda dìte ò a kú zìzō ū oni a kūmē.

Gbē kú Luda dìte ò a de fēnedao fēnedan oni a deo. Abire ten o Luda gbēno ògō mena vī, ògō náani vī.

¹¹ Akū ma nòbō pāsī pānde è, àten bo zīten. A bēne vī mèn pla lán sāne bōro pó bà, ama à yā ò lán kwā bàme. ¹² À nòbō pāsī káakupō pì iko pínki kè a wára. À tò zīte kú gbē kú ò kúano donyī kè nòbō pāsī káakupō kú ò a kari kè ari à kà gana a bōo làka piine. ¹³ À daboyā zōkōnō kè, ari se à tò té bō ludambe, à lēte zīte bisāsirinō wára. ¹⁴ À gbē kú ò kú zītenō sàte kú daboyā kú ò a gbà zé à kè nòbō pāsī káakupō pì wáranō. À piinne ò nòbō pāsī kú ò a kari kè kú fēnedao, akū à kpé bēne taka ke. ¹⁵ Ò a gbà zé à wēndii kpà nòbō pāsī taka piia, akū nòbō pāsī taka pì yā ò, à tò ò gbē kú ò gi donyī kenēeinō dède. ¹⁶ À tò ò sēeda kè n gbē sīnda pínki opla kesō n m'are, né fíti gbē zōkō, aruzekedenō kú takasidenō, zōnō kú zīdadēnō. ¹⁷ Gbē kú à nòbō pāsī pì tó sēeda vīro kesō à tó lambaa, ade ni fō à pó yía kesō à lúro. ¹⁸ Ōndōyān dí. Gbē kú à wézé vī, à nòbō pāsī pì lambaa dōdō, zaakū bisāsiri tó lambaame. À lamba bi wāa aakō kú baaakō awēesuddome. (666)

14

Sāne Bòro kú gbē kú à n bōno

¹ Akū ma Sāne Bòro pìi è zena Zaiō kpia. Gbēno dúbū wāa suppla awēesiikō kú káao. A tó kú a De tóo kēna n m'arenōa. ² Ma kīni mà à bō ludambe lán ísōkena kīni bà, lán legūpūtāna gbāna bà. Kīni kú ma màa pì de lán mōrolerinō mōro'ū bà. ³ Gbēno dúbū wāa suppla awēesiikō pìno ten lè dufu sí gbà kú pó bēne mèn siikōnō kú gbē zōkōnō are. Gbēke dí fō à lēe pìi dādarō, tó adi ke gbē kú ò n bō andunia gūn pìno baasiro. ⁴ Mōkōnōme gbē kú odi gbāsī ke kú nōgbēnōronō ū, kú ò kun lési. Ōdigō té Sāne Bòroo gu kú adi gén pínki. Ò n bō gbē káakunō ū Ludane kú Sāne Bòroo pìio. ⁵ Odi ma ziki kú ò éke tòro, akūsō ò taari vīro.

Yākpatekēgōro baarukpanaa

⁶ Akū ma malaika pānde è, àten vura musumusu. À baaru nna kú à kun gōro sīnda pínki kūna, de à kpá gbē kú ò kú zītenōne, būsu sīnda pínki, buri sīnda pínki, buriyā sīnda pínki kú gbē sīnda pínkio. ⁷ À kòtoo sè gbānagbāna à pì: À vīna ke Ludane, à bèere líne, zaakū a yākpatekena kú gbēno gōro kà. À donyī ke Luda kú à musu kú zīteo kú ísirao kú ísēbokino kēne.

⁸ Malaika plade té a kpe à pì: Babilōnu gbòro! Wera zōkōo pìi gbòro! À tò buri sīnda pínki a pāpākena wē gbāna kú àdi su kú Luda pōfēoo mī.

⁹ Malaika aakōde té n kpe, à kòtoo sè gbānagbāna à pì: Tó gbē donyī kè nòbō pāsī piine kú a takao, à a sēedaa si a m'are kesō a o, ¹⁰ akū mé ani Luda pētē wē kú ò kà atēne a pōfē tokon mī, ani wāwā ma té kú ifāntēgbōo gūn Luda malaikanō kú Sāne Bòroo are. ¹¹ N wētāmma túsukpe nigō bo gōro sīnda pínki. Gbē kú ò donyī kè nòbō pāsī piine kú a takao, ò a tó sēedaa

kènɔn Ìampana vīro fānantē kū gwāanio. ¹² Abire ten o Luda gbēnɔne ògō mēna vī, gbē kū ò yā kū à ditēnɔ kūna, òten Yesu náani kenɔ.

¹³ Akū ma kòtoo mà, à bò ludambe à pì: Ñ adikīna kē. Arubarikadenɔme gbē kū oni ga kunna Dikiri gūn zaa teranɔ ũ. Luda Nini pì: Leme! Oni kamma bo kū n̄ zīo, zaakū n̄ yāmanakēna gbè tēnyī.

Zīte pónɔ kēkēnaa

¹⁴ Akū ma ludambe luku è, póke vutēnaa lán bisāsiri bà. À wura fūra kuna, à kòma lénna kūna. ¹⁵ Akū malaika pānde bò Luda kpén, à lé gbāna zù gbē kū à vutēna ludambe lukuaai à pì: Ñ kòma ká pói n̄ kē, zaakū zīte pónɔ mà, à kà kēna. ¹⁶ Akū gbē kū à vutēna ludambe lukua a kòmaa màte zīte, à zīte pónɔ kēkē.

¹⁷ Malaika pānde bò musu Luda kpén, à kòma lénna kūna dɔ. ¹⁸ Akū malaika pānde kū à té iko vī bò sa'okia. À lé gbāna zù gbē kū à kòma lénna kūnaa pīii à pì: Ñ n̄ kòma lénna ká geepi yō kū ò kú zītenɔi n̄ zōzō, zaakū n̄ nénɔ mà. ¹⁹ Akū malaikaa pì a kòmaa màte zīte, à geepi yōnɔ zōzō, à ká geepi'ifēki zōkō kū à de Luda pɔfēkipabɔ ũ gūn. ²⁰ Ò gèsee pètēpete geepi yō pìnɔa wētē kpe, akū aru bòte geepi'ifēki gūn, à dàgula ari kiloo wàa do kpé basɔro, à lei kà s̄s̄ s̄m̄o léi.

15

Kisira kpekpe mèn supplanɔ kpányīnaa

¹ Akū ma sèeda pānde è ludambe, à zōkō, à bò ma sare. Malaika gbēnɔn supplanɔn kisira kpekpe mèn supplanɔ kūna. Abirekūn Luda ni a pɔfēkipamma lākao.

² Akū ma póke è lán sèbēe bà, à de lán dígi bà kakarana kū téo. Ma gbē kū ò zīi blè nòbɔ pāsī pīia kū a takao kū a tó lambaaonɔ è zēna sèbe kū à de lán dígi bàa pīi sare, ò mɔrɔ kū Luda kpámmanɔ kùkūna. ³ Òten Luda zòbleri Musa lè sí kū Sāne Bòrɔ lèeò ò pì:

Dikiri Luda Gbānasīndapinkide,
n yākenanɔn zōkō, ò bò ó sare.

Buri sīnda pínki Kína,
ndi yā ke a zéa kū yāpurao.

⁴ Dikiri, dí mé à n vīna vīroo?

Dí mé ani gí n tó kpáii?

Zaakū n̄ mèn do n̄ kú adona.

Buri sīnda pínki ni su à donyī kenne,

zaakū n̄ yāmanakenanɔ bò gupuraa.

⁵ Abire gbera ma Luda kpé è wēna musu, bizakuta kū à doka kun ũ.

⁶ Akū malaika gbēnɔn suppla kū ò kisira mèn suppla kūnanɔ bòte kpé pīi gūn. Ò táaru biza pura táitai kū àten té ke dadana, wura asa dɔdɔna n̄ kùsēea. ⁷ Akū pó bēne mèn siikōnɔ doke wura kere kpà malaika gbēnɔn suppla pìnɔ baadia. Luda kū àdigō bēne gɔrɔ sīnda pínki pɔfē kán à pà.

⁸ Luda gakuri kū a gbānao túsukpe kpé pīi pà. Gbēke ni f̄s̄ à gēnlo ari malaika gbēnɔn suppla kisira mèn suppla pìnɔ gèe à làkao.

16

Luda pɔfēkipana anduniaa

¹ Akū ma kòto gbāna mà bona Luda kpén, à pì malaika gbēnɔn suppla pìnɔne: À gé à Luda pɔfē kū à kú kere mèn suppla pìnɔ gūn atē anduniaa.

² A káakude gèe à a kere àtē anduniaa. Akū b̀̀b̀̀b̀̀unu vāni pāsīnɔ b̀̀ò gbē kū ò ǹ̀b̀̀ò pāsī sēeda vī, kū òdi donyī ke a takanɔna.

³ A plade a kere àtē ísira. Akū ísira'i g̀̀s̀̀ lán gè aru bà, p̀̀s̀̀ bēne kū ò kú a gūnno g̀̀ga pínki.

⁴ A aakōde a kere àtē swanɔa kū ísēbokinɔ, akū í pìnɔ lì aru ũ. ⁵ Akū ma mà malaika kū à í iko vī pì:

Kúadonade m̀̀k̀̀n kū n̄ kun yā,

akūs̄ n̄ kun kū a terao,

n yákpate kè kúńwo a zéame.

⁶ Ó n gbēnɔ kū n annabinɔ aru k̀̀te,

akū n aru kpàmma ò mì.

À k̄s̄ sì kúńwo le.

⁷ Akū ma k̀̀tooo mà bona sa'okia à pì:

Le me, Dikiri Luda Gbānasīndapinkide,

n yákpate kè kúńwo a zéame,

akūs̄ n̄ yāpura vī.

⁸ A siikōde a kere àtē ifāntēa, à tò a té bisāsirinɔ kpàta. ⁹ A puusu gbāna n̄ pá, akū ò Luda kū à kisira birenɔ iko vī t̀̀s̀̀ bēne sì. Odi nēse lite ò bēere línero.

¹⁰ A soorode a kere àtē ǹ̀b̀̀ò pāsī gbàaa, akū gusira dà a kpatala. Gbēnɔ teni n̄ lé yákatē wāwā gūn, ¹¹ akū ò Luda Musude t̀̀s̀̀ bēne sì n̄ wāwā kū n̄ b̀̀b̀̀b̀̀unu yāi. Odi nēse lite ò kpe lì n̄ yákenanɔnero.

¹² A suddode a kere àtē swada kū òdi pì Yuflatia, akū swa pì í bàba, akū zé b̀̀ò ifáboki kpa ḱnanɔne. ¹³ Akū ma t́nanɔ è mèn aakō lán bl̀̀nɔ bà, òten bo kwā kū ǹ̀b̀̀ò pāsīo kū annabi ékeo lén. ¹⁴ T́ana dabokerinɔme. Òten gé andunia pínki ḱnanɔ ḱnaa, de ò n̄ kakara ò z̄i ká Luda Gbānasīndapinkide gɔrɔ z̄k̄s̄ z̄i yāi. ¹⁵ N̄ ma! Mani su lán kpāni bàme. Arubarikaden gbē kū á wé ḡs̄ d̄o ũ, kū à a p̀̀kasanɔ dana de àsun bo p̀̀tompo ò a p̀̀tompoke ero yāi. ¹⁶ Akū t́ana pìnɔ ḱna pìnɔ k̀̀kara gu kū òdi pì kū Eberu yāo Amaged̄s̄.

¹⁷ À supplade a kere àtē íaa. Akū kòto gbāna b̀̀ò gbà ḱnaa Luda kpén à pì:

À kèn gwe. ¹⁸ Legū ten pí, àten pata, àten pūtá. Zíte ỳ̀g̀ỳg̀g̀ pāsīpāsī. Zaa lákú bisāsirinɔn kú z̄iten nà, a taka buri dí ke zikiro, à kè pāsī manamana.

¹⁹ Wéra z̄k̄s̄ kpàatek̄re leu aakō, akū buri s̄inda pínki wéranɔ gb̀̀oro. Wéra

z̄k̄s̄ Babilɔnu yā d̀̀ Ludagu, akū à a pɔfē pāsī wē toko kpàa, à mì. ²⁰ Ísira

luannɔ g̀̀tē pínki, odi kpínɔ e doro. ²¹ Legūgbē z̄k̄s̄nɔ b̀̀ò ludambe, ò kà

kiloo bupla. Ò s̄isi bisāsirinɔa, akū ò Luda t̀̀s̀̀ bēne sì legūgbē kisira pì yāi, zaakū kisira pì pāsī manamana.

17

Karua kū à di ǹ̀b̀̀ò pāsīa

¹ Malaika gbēnɔn suppla kū ò kere mèn suppla ḱnaa pìnɔ doke p̀̀m̀̀ene: N̄ m̀̀s̄ mà yā kū ani wí karua z̄k̄s̄ kū à vutena swanɔa dasi m̀̀nne.

² Andunia ḱnanɔ p̀̀p̀̀p̀̀ kè káao, andunia gbēnɔ a p̀̀p̀̀kena wē mì ò kà.

³ Luda Nini dinama pì gūn malaikaa p̄i g̀̀e kúmao s̄èn. Akū ma nɔgbē ke è dina ǹ̀b̀̀ò pāsī t́raa. D̀̀kena kú Ludao t́nɔ fífia, a m̀̀nɔ mèn suppla, a

bēnenɔ mèn kuri. ⁴ Nɔgbē pì biza t́ra kú a gaaruradeo ýina, à z̀̀blebɔ kú

ò pì kù wuraaonɔ dana kù gbè bèɛɛdenɔ kù òsonɔ. À wura toko kùna, tè pónɔ kù a pāpākena gbāsīnɔ kán à pà. ⁵ Ò tó asiride kè a mì'area ò pì:

Wéra zókɔ Babilnu,

pāpākerinɔ kù andunia tè pónɔ da.

⁶ Ma è nɔgbè pì Luda gbè kù ò n dɛɛɛ Yesu sèedakpana yāinɔ aru mì à kà, àteni a dɛ lán wè bà.

Kù ma a è, yā pì bò ma sare manamana. ⁷ Akù malaikaa pì ma la à pì: Bó yā mé à tò yā pì bò n sareɛ? Mani nɔgbè pì asiri onne kù nòbɔ pāsī kù à a sɛna asirio, kù a mìnɔ mèn suppla a bēnɛnɔ mèn kurii pì. ⁸ Nòbɔ pāsī kù n èe pì kun yā, à kun tera doro, akūsɔ ani bo Zingo wèɛ lòkotoo gūn à mì pé kakatɛnaaa. Gbè kù ò kú zīte, akūsɔ n tó kú wèndi takadan zaa andunia naanagɔɔaronɔ, tó ò nòbɔ pāsī kù à kun yā, akū à kun tera doro, ama ani era à su pì è, a yā ni bo n sare. ⁹ Laasunde kù à ɔndɔ vī yān dí. Mì mèn suppla pìnɔ bi sīsī mèn suppla kù nɔgbè pì vutenaanɔmɛ. Kína gbēnɔn supplanɔmɛ dɔ. ¹⁰ Ní gbēnɔn sɔɔro lète, gbè mèn do kun, gbè mèn do kpé. Tó à sù, ani gī kero. ¹¹ Nòbɔ pāsī kù à kun yā, akū à kun tera doro pì bi kína sɔraakɔdemɛ. Gbēnɔn suppla pìnɔ dokemɛ dɔ. Àten mì pé kakatɛnaaa. ¹² Bēnɛ mèn kuri kù n èe pìnɔ bi kína gbēnɔn kuri kù odi kpata ble kòronɔmɛ. Ama oni kí ble gɔɔ fitinle gūn kù nòbɔ pāsīo lɛɛɛ. ¹³ Ní gbēnɔn kurii pìnɔ lédokɔnɔmɛ. Oni n gbāna kù n ikoò kpá nòbɔ pāsī pīa. ¹⁴ Oni zī ká kù Sānɛ Bòrɔɔo, ama ani zī bleríma, zaakū dikirinɔ Dikirimɛ, kínanɔ Kínamɛ. A gbè náanide kù à n sīsī à n sɛnɔn kú káao. ¹⁵ Akù malaikaa pì òmɛnɛ: Swa kù n è karua vutenaanɔ bi gbēnɔ kù parinɔ kù burinɔ kù buriyānɔmɛ. ¹⁶ Nòbɔ pāsī kù bēnɛ mèn kuri kù n èe pìnɔ ni zā karuaa pìgu. Oni a kakate, ò à tó pótompo. Oni a só, oni té s̄a. ¹⁷ Zaakū Luda a pɔyenyīnaa dànnɛ n swèn ò lédokɔnɔ kemɛ. Oni n kpata kpá nòbɔ pāsī pīa ari Luda yā gé papao. ¹⁸ Nɔgbè kù n èe pì bi wéra zókɔ kù à iko vī andunia kínanɔaamɛ.

18

Babilnu gboronaa

¹ Abire gbera ma malaika pānde è bona ludambɛ. À iko zókɔ vī, à gakuri andunia pura kù. ² À wiki gbāna lè à pì: Babilnu gbòro, wéra zókɔ pì lète.

À ḡ tānanɔ kúki ũ, tāna buri sīnda pínki tò ũ,

bā kù òdi n tè bo ò zāngunɔ be ũ.

³ Zaakū buri sīnda pínki a pāpākena wè

kù àdi su kù Luda pɔf̄ɛoo mì.

Andunia kínanɔ gbāsī kè káao,

akū andunia lagatarinɔ kè aruzekɛdenɔ ũ

a nnamana zókɔ gūn.

⁴ Akù ma kòto pānde mà bona ludambɛ à pì:

À bɔte wète pì gūn ma gbēnɔ,

de á ɔ súnɔ kú a durunnanɔ gūn

yā kù oni mɔnɛnɔ sún á lero yāi.

⁵ Zaakū a durunnanɔ gbà ò zò ludambɛa,

akū a dàkenanɔ d̄ Ludagu.

⁶ À fīna bonɛ yā kù à kènnea,

à kene a yākenaaa leu pla.

À pētē wē káne a tokon

de pó kú à kànnela leu pla.

⁷ À wāwā kú wēndayāo kpái,

lákū à tó bò nnamanaa gūn lén nà.

Zaakū àdi o a swēe gūn,

saraunian a ū vutena a gbàaa,

gyaanɔ takasiden a ūro,

āni wēnda ke zikiro.

⁸ A yā mé à tò kisira díkīnanɔ ni a le gɔɔ do,

ga kú wēndao kú nāao.

Té mé ani kūa,

zaakū Dikiri Luda a yākpatekeri gbāna.

⁹ Andunia kína kú ò gbāsī kē káao, ò nna mà káaonɔ, tó ò a tékūna luku

è, oni ɔ do, oni ní zīda kēkē. ¹⁰ Oni ze zà vīna gūn wāwā kú ò kpài yāi ò pi:

Waiyoo, waiyoo, wéra zōkō!

Wéra ikode Babilɔnu!

Yā vùtemma gɔɔ do gōnɔgōnɔ yā!

¹¹ Andunia lagatari ni ɔ do sō, oni wēnda kene, kú gbēke ni ní laga

díkīnanɔ lúrma doroyāi: ¹² Wura, andurufuu, gbè bèeredenɔ, òsonɔ, biza

ɔgodenɔ, biza tēra kú a gaaruradenɔ, siliki, lí mana buri pínkinɔ, pó kú

òdi ke kú wisa sakaaonɔ kú lí bèeredenɔ kú m̀ogotēnɔ kú m̀sinɔ kú gbè

puranɔ pínki, ¹³ líteke gbīnnadenɔ, dò pónɔ, turaretitinɔ, lí'ɔnɔ, wē, nísi,

flawa, póblewēnɔ, zùnɔ, sānɔ, sōnɔ kú ní gónɔ, zònɔ kú bisāsiri wēndinɔ.

¹⁴ Oni pine: Pó mana kú ndi a ni denɔ lākamma pínki. N nnamana kú n

gakurio pítimma pínki, ĩni kara ò ní e ziki doroyāi.

¹⁵ Lagatari kú ò kè aruzekedenɔ ū wéra p̀i gāinɔ ni ze zà vīna gūn wāwā

kú ò kpài yāi. Oni ɔ do ò wēnda ke ¹⁶ ò pi:

Waiyoo, waiyoo wéra zōkō!

À táaru biza yā yā

kú biza gaaruradeo kú a wé tēradeo.

À zábleɔ kú ò pi kú wuraaonɔ dà yā

kú gbè bèeredenɔ kú òsonɔ.

¹⁷ À aruzeke sīnda pínki lāka gɔɔ do gōnɔ.

Gó'ite dikirinɔ kú táa'orinɔ kú gó gbēnɔ kú gbē kú òdi zī ke ísira musunɔ ni

ze zāzā ní pínki. ¹⁸ Tó ò wéra p̀i tékūna luku è, oni wiki lé ò pi: Wéra ke kun

yā kú a zōkō kà wéra díkīna ūro. ¹⁹ Oni ɔ do, oni ní zīda kēkē, oni wēnda

ke, oni wiki lé ò pi:

Waiyoo, waiyoo wéra zōkō!

Gbē kú ò gó'ite vī ísira musunɔ pínki

kè aruzekedenɔ ū kú aruzeke kú à p̀isiaao,

akū à gō bezi ū gɔɔ do gōnɔ.

²⁰ À ponna ke a yā musu ludambedenɔ kú Luda gbēnɔ kú a zīrinɔ kú a

annabínɔ, zaakū Luda mé à fīna b̀oaáre.

²¹ Akū malaika gbānade gbè kú à kà wísilgbē gbētē ū sè à zù ísira gūn

à pi:

Lén oni wéra zōkō Babilɔnu zun le kú gbānao,

oni wéra p̀i e ziki doroyāi.

²² Oni m̀ɔɔ ke gāgā

ke kutε kesō kākāki'ū ma n gūn ziki doro.
 Oni ɔzīkeri ke le n gūn ziki doro.
 Oni wísilɔgbε kīni ma n gūn ziki doro.
 23 Oni fitila gupura e n gūn ziki doro.
 Oni nɔsekīni ma n gūn ziki doro.
 N lagatarinɔ bi andunia gbε zōkōnɔme yā,
 n pɔ dà buri sīnda pínkia, n n̄ m̄i lite.
 24 Ò annabinɔ kū Luda gbēnɔ aru lè a gūn
 kū gbε kū ò n̄ dεdε andunia gūnnɔ n̄ pínki.

19

Pɔnnakεna ludambe

¹ Abire gbera ma koto gbāna mà ludambe lán pari yā'onaa bà à pì:

Aleluya! Ó Luda mé à zīi blè!

Àkū mé à gakuri kū gbānao vī ado,

² zaakū àdi yākpate ke kúnwo

a zεa kū yāpuraome.

À yākpate kè kū karua zōkō

kū à andunia yāka kū a pāpākεnaao.

À a zòblerinɔ dεdεna fīna bòa.

³ Ò pì dɔ:

Aleluya!

A túsukε nigō dɔ gɔrɔ sīnda pínkime.

⁴ Gbε zōkō gbēnɔn baro awεesiikōnɔ kū pɔ bēne mèn siikōnɔ wùtεwute ò donyī kè Luda kū à vutena a gbāaane ò pì:

Aami! Aleluya!

Sāne B̄rɔ nɔsepɔble

⁵ Akū ma kotoo mà bona gbàa pì kīnaa à pì:

À ó Luda tó kpá a zòblerinɔ á pínki,

ákōnɔ kū á a vīna vīnɔ,

né fiti gbε zōkō.

⁶ Akū ma kotoo mà lán pari yā'onaa bà, lán isōkena kīni bà, lán legūpūtāna gbāna bà à pì:

Aleluya!

Dikiri ó Luda Gbānasīndapinkide nà kíblenaaa.

⁷ Ò ponna ke, ò yāa dɔ, ò a tó kpá,

zaakū Sāne B̄rɔ nɔsegɔrɔ kà, a nɔ sorumii mà.

⁸ Ò táaru biza pura táitai kū àten té ke kpāa à yī.

Táaru biza pì bi Luda gbēnɔ yāmanakεnanɔme.

⁹ Malaikaa òmene: Ñ kē. Arubarikadenɔn gbε kū ò n̄ sísi Sāne B̄rɔ pì nɔsepɔbleanɔ ũ. À òmene dɔ: Luda yā yāpuran gwe. ¹⁰ Ma wute a are de mà donyī kene, akū à òmene: Ñ abire tó. Ñ donyī ke Ludane. N zòbleri daken ma ũ kū n gbε kū ò yā kū Yesu de a sèedade ũ kūnanɔ. Zaakū yā kū Yesu de a sèedade ũme annabikeyā'ona mì ũ.

Kirisi suna dina sō puraa

¹¹ Akū ma ludambe è wēkōana, akūsō pura bò, gbε kū à dia tón Náanide Yāpurade. Àdi yākpate ke kúnwo, àdi zī ká kúnwo a zεa. ¹² A wé de lán tévuraa bà, à kífura kúkuna dasi. Tó ke kēna a mì'area, gbεke tó pì yāasi dōro,

akāa baasiro. ¹³ À uta kū ò dà aru gūn dana. À tón Luda Yā. ¹⁴ Ludambe zìkarinon tēi, ò didi sō puranɔa kū táaru biza pú táitaio dadana. ¹⁵ Fēneda lénna ten bo a lén, de à burinɔ léo. Ani kí blerímma kū mò gòoo, ani gèse péte geepi nénɔa geepi'ifēki gūn, àkūme Luda Gbānasīndapinkide pɔfē pāsī ũ. ¹⁶ Ò tó díkīna kē a utaa kū a gbádao:

Kínano Kína, dikirinɔ Dikiri.

¹⁷ Akū ma malaikaa è à zena ifántēn. À lé gbāna zù bā kū òten vura musumusunoi pínki à pì: À mós à kakara à pòble zòkò kū Luda kēare ble, ¹⁸ de à le à kínano gè só kū soza gbē zòkòno kū gbānadeno kū sōno kū n dirino kū gbē sīnda pínkinɔ, zīdadeno kū zòno, né fíti gbē zòkò. ¹⁹ Akū ma nòbo pāsī è kū andunia kínano kū n zìkarinɔ, ò kò kākara ò zì ká kū gbē kū à di sōa pìio kū a zìkarinɔ. ²⁰ Ò nòbo pāsī pìi kù lēle kū annabi éke kū à daboyāno kè a arɛo. Daboyā pinon à gbē kū ò nòbo pāsī sèeda vī, ò kùte a takaneno sàteo. Ò n zú té sèbe kū àten kū kū ifántēgbòo gūn bēne n pla n pínki. ²¹ Gbē kū à di sōa gbē kparano dède kū fēneda kū à bò a lé gūnwɔ, akū bāno n gèno blè ò kà pínki.

20

Kirisi kīblena andunia gūn wè wàa sɔɔro

¹ Akū ma malaikaa è bona ludambe, à Zīngo wèe lòkotoo mōne kūna kū mòkakòana gbìgiriio. ² À kwā kū à de mlè zī ũ, kū òdi pi Ibilisi ke Setan kū, akū à mòbo kàa ari wè wàa sɔɔro. ³ Malaikaa pì a zù Zīngo wèe lòkotoo pìi gūn, à zé tàre à mòda kài à kà de àsun burinɔ sàtero ari wè wàa sɔɔro pì gé papao. Abire gbera oni a gbarɛ fíti.

⁴ Akū ma gbàno è kū gbē kū ò vutenaano. Ò n gbá zé ò yākpate ke kū gbēno. Ma gbē kū ò n mī zò Luda yā kū Yesu de a sèedade ũ ona yāino è. Odi kùte nòbo pāsī ke a takanero. Odi a sèeda ke n mī'are ke n ɔaro. Ò vù gan, ò kí blè kū Kirisio wè wàa sɔɔro. ⁵ Gèno vuna káakupon gwe. Gè kparano dí vuro ari wè wàa sɔɔro pìi gèe à pàpao. ⁶ Arubarikadenon gbē kū n baka kú gèno vuna káakupon gūnno ũ, ò kú adona. Ga plade iko vīmmaro. Onigò de Luda kū Kirisio gbàgbarinɔ ũme, onigò kí ble kàao ari wè wàa sɔɔro.

Setan zuna tén

⁷ Tó wè wàa sɔɔro pìi pàpa, oni Setan bo ò a gbarɛ. ⁸ Ani gé buri kū ò kú andunia kusuru siikòano sàte, Gɔgu kū Magɔguo, ani n kakara, de ò zì ká. N dasi de lán Ísiraie bùsu'atē bà. ⁹ Ò dà anduniala, ò lika Luda gbēno bùraai kū wéra kū Luda yeiio, ama té bò ludambe à kùrma. ¹⁰ Ò Ibilisi kū à n sàte sè ò zù té sèbe kū àten kū kū ifántēgbòo gūn, gu kū ò nòbo pāsī kū annabi ékeo zùn. Onigò wāwā ma fānantē kū gwāanio gɔro sīnda pínki.

Yākpate kpede kenaa

¹¹ Akū ma gbà pura zòkò è kū gbē kū à vutenaanao. Zīte kū musuo dibi lè a arɛ, gu kuníne dorɔ. ¹² Akū ma gyāwāndeno è, né fíti gbē zòkò, ò zena gbàa pì arɛ. Ò takadano wèwè, akū ò takada pānde wè dɔ wèndi takada ũ. Ò yākpate kè kū gyāwāndeno n yākenaaa, lākū a kēna takada pìno gūn nà. ¹³ Ísira gyāwānde kū ò kú a gūnno kpà. Ga kū Gyāwānwɔ gyāwānde kū

ò kú ñ gūnno kpà se. Akū ò yákpate kè kū baadio a yákenaaa. ¹⁴ Ò ga kū gyāwānwō zù té sèbēē gūn. Té sèbēē pì bi ga plademē. ¹⁵ Gbē kū odi ñ tó le wēndi takada gūnlonon ò ñ zù té sèbēē pìi gūn.

21

Zīte dufu kū musu dufuo

¹ Akū ma zīte dufu kū musu dufuo è, zaakū zīte káakupō kū musu káakupō gēte, akūsō ísira kun dorō. ² Akū ma Luda wéra Yurusalemu dufu è bona musu Luda kīnaa, àten kipa. Ò a kèke lán nōgbē kū a zāke sorumii màa bà. ³ Akū ma kòto gbāna mà bona gbà kīnaa à pì: Luda vùte kū bisāsirinō sà, anigō kú kúnwō, onigō de a gbēnō ū. Luda pì nigō kú kúnwō a zīda ñ Luda ū. ⁴ Ani ñ wētē warawarañne pínki. Ga nigō kun dorō ke wēnda ke sōdona ke wāwā, zaakū yā zīnō gēte.

⁵ Akū Gbē kū à vutena gbāaa pì: Ñ ma! Maten pō sīnda pínki ke dufu. Akū à òmene: Ñ kē, zaakū yā dīnō náani vī, akūsō yāpuramē. ⁶ Akū à òmene: À kèn gwe. Makūmē Alafa kū Omegao, Naana kū Lakanaao ū. Gbē kū ími ten de, mani a gba ísē wēndide boki. ⁷ Gbē kū à zīlè mé anigō pō dīnō vī pínki. Manigō de a Luda ū, anigō de ma né ū. ⁸ Ama vīnadeno kú náanisarideno kú yāvānikerinō kú gbēderinō kú zinakerinō kú ezedenō kú tánagbagbarinō kú manafkidenō pínki, ñ baka nigō de té sèbe kú àten kú kú ifāntēgbōo ūmē. Ga pladen gwe.

Yurusalemu dufu

⁹ Malaika gbēnon suppla kú ò kerē mèn suppla kūna, kisira kpēde mèn suppla kán à pà pīnō doke sù à òmene: Ñ mō mà Sāne Bōrō nō dufu mōnne. ¹⁰ Luda Nini dinamā pīi gūn malaikaa pì ma se à gēe kūmao kpi lei zōkōa. À Luda wéra Yurusalemu mōmene bona musu Luda kīnaa, àten kipa. ¹¹ Àten té ke kú Luda gakurio, àten pí lán gbè bèere de bà, lán diamōo bà. ¹² À bīni lei zōkō vī. À gānu mèn kuri awēeplamē, malaika gbēnon kuri awēeplanon zezenan. Isaraīla buri mèn kuri awēeplanō tó kēna gānu pīnōa. ¹³ Gānu mèn aakō kú ifāboki kpa, mèn aakō kú gugbānduru kpa, mèn aakō kú gēnōmidōki kpa, mèn aakō kú ifālete kpa. ¹⁴ Ò bīni pì ē pēte gbè mèn kuri awēeplanōa. Sāne Bōrōo zīri gbēnon kuri awēeplanō tó kēna gbēe pīnōa.

¹⁵ Malaika kú àten yā omene pōyōbō kú ò pì kú wuraaō kūna, de à wéra pì yō kú a gānunō kú a bīnio. ¹⁶ Wéra pì kusuru siikōmē, a gbāna kú a yāasaao lēelēmē. Akū à wéra pì yō kú pōyōbōo pīio. A gbāna bi kiloo wāa kuri awēeplamē. A gbāna kú a yāasaao kú a leio pínki lēelēmē. ¹⁷ À a bīni yō dō, a lei gāsākuru basuppla awēesiikō. Malaikaa pì a yō bisāsiri gāsākuru gbāna lēmme. ¹⁸ Ò bīni pìi kè kú diamōo. Wéra pì bi wuraaame atēne swāswa lán dígi bà. ¹⁹ Ò gbè kú ò wéra pì bīni pēteaa kèke kú gbè bèere de buri sīnda pínkiō.

Ò gbè káakupō kèke kú diamōo,

a plade kú safiaao,

a aakōde kú agataao,

a siikōde kú emeradiio,

²⁰ a sōrode kú onisiio,

a suddode kú kaaneliaao,

a supplade kú kisolitio,
 a sɔraakɔde kú berilio,
 a kɛndode kú topazaao,
 a kuride kú kisopazaao,
 a kuri awɛɛdode kú yasintio,
 a kuri awɛɛplade kú ametisiio.

²¹ Gānu mèn kuri awɛɛpla pìnɔ bi òso mèn kuri awɛɛplanɔmɛ. Ò n pínki kè kú òsooo mèn dodo. Wéra pì zéda bi wuraamɛ atēne, òdi gu en lán dígi bà.

²² Mádi Luda kpé e wéra pìi gūnlo, zaakú Dikiri Luda Gbānasīndapinkide kú Sāne Bòrɔɔomɛ kpé pì ũ. ²³ Wéra pì bàka kú kú ifāntē ke mɔvura gupunaaoro. Luda gakuri mé àdi wéra pì pu, akūs Sāne Bòrɔ de a fitila ũ. ²⁴ Burinɔ ni taa o a gupurai, andunia kīnanɔ ni gēn kú n aruzekɛnɔ.

²⁵ A gānunɔ nigɔ tatana fānantē zikiro, gwāani nigɔ kú gwe sɔro. ²⁶ Oni gēn kú burinɔ aruzekɛnɔ kú n pɔ ɔgɔdenɔ. ²⁷ Ama pɔ gbāsī ke ni gēnlo ke wé'iyākɛri ke manafikide, tó adi ke gbē kú Sāne Bòrɔ n tɔ kè wēndi takada gūnnɔ baasiro.

22

¹ Akū malaikaa pì swa'i wēndide kú àten bo Luda kú Sāne Bòrɔɔo gbà kīnaa mòmene, àten té ke lán gbèdigi bà. ² Àten bàa lé wéra zéda guragura. Lí wēndide kú a bara dire kú a bara lao, àdi né i wè do gēn kuri awɛɛpla, mɔ kú mɔo gēn dodo. Lí pì lánɔ bi burinɔ aafialekiamɛ. ³ Pɔ kú Luda lé kène ke nigɔ kun doro. Luda kú Sāne Bòrɔɔo gbà nigɔ kú wéra pìi gūn, a zòblerinɔ sɔ oni doi. ⁴ Oni a e wédewe, akūs a tɔ nigɔ kú n mì'area. ⁵ Gwā nigɔ kun doro, gbēke bàka nigɔ kú kú fitila ke ifāntē gupuraoro, kú Dikiri Luda ni gu puñne yāi. Onigɔ kí ble ari gɔrɔ sīnda pínki. ⁶ Akū à òmene: Yā birenɔ náani vī, akūs yāpuramɛ. Dikiri Luda kú àdi do annabinɔne are mé à a malaikaa zì, de a zòblerinɔ yā kú ani su tera dɔ.

Yesu ni su tera

⁷ N gwa, mani su tera. Arubarikaden gbē kú à zia yā takada díkina yā kūna ũ.

⁸ Makū Yuhana makūmɛ ma yā birenɔ mà, ma è. Kū ma mà, akūs ma è, ma kutɛ malaika kú à yā pìnɔ mòmene gbá sare mà donyī kɛne. ⁹ Akū à òmene: N abire tó. N donyī ke Ludane. N zòbleri daken ma ũ kú n annabi gbèdakenɔ kú gbē kú ò takada díkina yā kūnanɔ. ¹⁰ Akū à òmene: Nsun pɔ kúte zia yā kú à kú takada díkina gūnwaro, zaakú a gɔrɔ kà káni. ¹¹ Gbē vāni wé tã àgɔ a vāni ke. Gbāsīde wé tã àgɔ gbāsī. Gbē mana wé tã àgɔ a mana ke. Gbē kú à kú adona wé tã àgɔ kú adona.

¹² N gwa, mani su tera, manigɔ láada kūna, de mà fīna bo baadine a yākenaaa. ¹³ Alafa kú Omegaon ma ũ, Arɛde kú Kpɛdeo, Naana kú Lakanaao. ¹⁴ Arubarikadenɔn gbē kú ò n utagyaba pipinɔ ũ. Onigɔ zé vī ò gē wéra pì gānunɔ gūn, ò lí wēndide né ble. ¹⁵ Ama kifirinɔ nigɔ kú gwero, ezedenɔ kú pāpākerinɔ kú gbèderinɔ kú tãnagbagbarinɔ kú gbē kú ò ye manafiki yākenaainɔ.

¹⁶ Makū Yesu ma a malaikaa zì àgɔ deáre yā pìnɔ sèedade ũ sɔsine. Makūmɛ Dauda buri kpata kú à bòtɔ pà Kína ũ, gudɔna susune i nna ũ. ¹⁷ Luda Nini kú Sāne Bòrɔ nɔ dufuo dì pi, n mɔ. Gbē kú à yā pìi mà sɔ, à pi, n mɔ. Gbē kú ími ten de, à mɔ. Gbē kú à ye í wēndidei, à sí gba ũ.

18 Maten pi gbě kū ò annabiketakada díkĩna yā mànɔne ń pínki, tó gbě yáke kàra a gūn, Luda ni kisira kū ń yā kú takada díkĩna gūnnɔ kara adenɛ.
 19 Tó gbě yáke bò takada díkĩna gūn sɔ, Luda ni ade baka bo a wéran kū lí wèndide kū a yā kú takada díkĩna gūnwo.

20 Gbě kū à de yā pìnɔ sèedade ũ pì: Yápurame, mani su tera.

Aami! Dikiri Yesu, ñ mɔ!

21 Dikiri Yesu gɔ gběke vĩ kū a gběno ń pínki. Aami!

ZABURA TAKADA KAAKU

1

Zabura 1-41

Arubarikade

¹ Arubarikaden gbē kū àdi gbē vāninɔ lédamma maro ũ,
àdi kifirinɔ zé séro,
àdi vute kū gbē foborinɔoro.

² Dikiri doka mé àdi káagu,
àdigɔ laasun léa fānantē kū gwāanio.

³ À de lán lí kū ò pète swa sare bà,
a lá dì kori kero,
àdigɔ né i a gɔrɔa,
yā kū àdi ke pínki karana vī.

⁴ À de lɛɛɛ kū gbē vāninɔoro,
ò de lán ése ũkā kū ìa dì sétɛ bà.
⁵ Gbē vāninɔ ni bo mana yākpatekɛgɔrɔ zīro,
kifirinɔ ni ze gbē mananɔ sarɛro.

⁶ Dikiri dì gbē mananɔ zé dākpáíne,
gbē vāninɔ zé sɔ à mì pé kakatenaaa.

2

Kína kū Luda kà

¹ Bóyāi burinɔ ten zuka káa?
À kè dera òten lé pā kpákūsūu?

² Andunia kínanɔ ten zì soru ke,
kpatablerinɔ ten kakara Dikirii
kū Kína kū à kào.

³ Òten pi: Ò n m̀kakɔananɔ kēkē,
ò n bà porowá.

⁴ Dikiri teni n fobo,
à vutena musu, àteni n yáa dɔ.

⁵ Àten pataríma kū pɔfɛo,
a pētē dì n gba vīna.

⁶ Á pì a a Kína kà a kpi Zaiɔ musu.

⁷ Mani yā kū Dikiri dìtemene o kū à pì:
Ma Néme n ũ, gbāran ma n i.

⁸ N wé kema,
mani buri sīnda pínki kpámma n pɔ ũ,
mani n gba andunia kusuru siikɔ.

⁹ Īni kí bleímma kū m̀ gòoo,
īni n wíwi lākū òdi oro wíwi nà.

¹⁰ Kínanɔ, à lédamma díkīna ma,

andunia kpatablerinɔ, à ɔndɔ kũ sà.

¹¹ À do Dikirii kũ vĩnao,
à pɔnna keo kũ lukanaao.

¹² À lé pé a Néa
de a pɔ sún fěái à gaga zénlo,
zaakũ a pɔ di fě kántome.

Arubarikaden gbě kũ à nài ũ.

3

Lézuna Ludai ibereɔ yā musu
(2Sa 15:13-17)

Lè kũ Dauda dà gɔɔ kũ à bàa lè a né Abusalomune.

¹ Dikiri, ma weterinɔn dimme fá,
gbě kũ ò ibereε sè kũmaonɔn dasi.

² Òteni ma yā o dasidasi,
òten pi Luda ni ma sura baro.

³ Mɔkɔn sɔ Dikiri,
ndi ɔ likamai sēgbako ũ,
ma gakurime n ũ,
ndi tó ma mì gɔ dana íla.

⁴ Madi wiki lé Dikiria,
àdi wema zaa a kúkia kpi musu.

⁵ Madi wúte mà i o mà vu,
zaakũ Dikirime ma kũna ũ.

⁶ Gbēɔn dúbu kurinɔ teni ma wε kpa sīnda pínkia,
ama madi vīna keínεro.

⁷ N fute, Dikiri,
n ma sura ba, ma Luda,
n ma ibereɔn sán keke,
n gbě vāninɔ saka é'ε.

⁸ Dikiri mé àdi gbě sura ba.
N arubarika da n gbēɔgu.

4

Ɔkɔsi aduakεnaa

Dauda lèε. Òdi sí kũ mɔɔlɛnaaome.

¹ Tó ma n sisi, n wema Luda ma zekūnwode,
tó má kakūnna, n ma gba íampaki,
n ma wēnda gwa n ma aduakεna sí.

² Gbēɔ, áni gí àgɔ wé'i da ma Luda gakuridea ari bɔremεε?
Ánigɔ ye pɔ pānoi àgɔ té tānanɔin yá?

³ Àgɔ dɔ kũ Dikiri a gbēɔ dìte adona,
tó ma a sisi, ani ma yā ma.

⁴ Tó a pɔ fě, àsun durunna kεro,
à laasun lé á wutebɔ musu à yíte.

⁵ À sa kù à de à o o,

à Dikiri náani ke.

⁶ Parinɔ̀ di pi: Dí mé ani yā mana kewerere?

Ñ an werewá, Dikiri, ñ arubarika daógu.

⁷ Bee tó pɔ̀blewe kù sèwèo dińyĩ,

pɔ̀nna kù ñ dàmenɛ ma swèn de ñ pɔ̀la.

⁸ Madì wúte mà i o nnanna,

zaakū Dikiri, mɔ̀kɔ̀mmɛ ndi tó màgɔ̀ kú ma laakariia.

5

Kɔ̀nkɔ̀ aduakɛnaa

Dauda lè. Òdi sí kù kutɛpenaaome.

¹ Ñ sá kpá ma yāi, Dikiri,

ñ laakari dɔ̀ ma ndanaaa.

² Ma Kína, ñ ma ɔ̀dɔ̀na ma,

ma Luda, maten wé kemma.

³ Dikiri, ndi ma kòto ma gudɔ̀,

madì ma yānɔ̀ dɔ̀dɔ̀nne kɔ̀nkɔ̀,

ma wé diğɔ̀ dɔ̀nyĩ.

⁴ Mɔ̀kɔ̀n Luda ñ ye yā vāniiro,

ndiğɔ̀ kú lɛɛɛ kú gbɛ vānioro.

⁵ Ìadārii di le à ze n arero,

n zā yāvānikerinɔ̀ ñ pínki.

⁶ Dikiri, ndi ékedenɔ̀ mi de,

ñ ye gbɛderinɔ̀ kú gbɛblerinɔ̀ kairo.

⁷ Makū sɔ̀, mani gɛ n ɔ̀nn n gbɛke zɔ̀kɔ̀ yāi,

mani kúte mà are dɔ̀ n kpéa mà mi natenne.

⁸ Dikiri, ñ ma da zén n náanikena yāi,

ñ zé poromene ma weterinɔ̀ yāi.

⁹ Zaakū ñ yāke náani vīro,

ñ nèse de lán kaka be bàme,

ñ kòto de lán mira wēnaa bàme,

òdi lénna kéñne.

¹⁰ Ñ tó yā vutéríma Luda,

ñ tó yā vāni kù òten kpákpanɔ̀ wí ñ musu.

Ñ péríma n are ñ taari dasinɔ̀ yāi,

zaakū ò gi n yā mai.

¹¹ Ñ tó gbɛ kù ò utena n kīnaano yáa dɔ̀,

ògɔ̀ lè sí kù pɔ̀nnao gɔ̀rɔ̀ sīnda pínki.

Ñ ɔ̀ kú gbɛ kù ò yenyĩnɔ̀,

de ò pɔ̀nna ke n yā musu.

¹² Dikiri, ndi arubarika da gbɛ mananɔ̀gu,

ndi likańyĩ kù yenyĩo lán sɛgbako bà.

6

Faaba wikilena Luda

Dauda lè. Òdi sí kù mɔ̀rɔ̀lɛnaaome.

1 Dikiri, ñsun patama kũ pětëoro,
ñsun ma toto kũ pofëoro.

2 Ñ ma wënda gwa, Dikiri,
zaakũ ma gõ fëfëna,
ñ ma gba aafiaa, Dikiri,
zaakũ ma wáno ten wíme.

3 Ma pɔ yàka manamana,
Dikiri, ñni kpámai bɔremεε?

4 Ñ era ñ ma mì sí, Dikiri,
ñ ma sura ba n gbëke yáí.
5 Zaakũ gè ni le à n tó kpáro,
oni n sáabu kpá mira gūnlo.

6 Ma ndana ma kpasa,
ma mibokɔ di yaku kũ wé'io,
ma wutebo di yída kũ ari gu gé dɔo.
7 Ma wé kakana kũ pɔsira ɔɔɔnaao,
àten ga kũ ma iberenɔn dasi yáí.

8 À go ma kīnaa yāvānikerinɔ,
zaakũ Dikiri ma ɔɔ dɔ mà.
9 Dikiri ma wikilēnaa mà,
Dikiri ma aduakēnaa sì.
10 Wé'i ni ma iberenɔ kũ ò gõ bídi gūn,
oni fua kānto ò kpe li n pínki.

7

Ñya nna kpáma, Dikiri!

Lè kũ Dauda sì Dikirine Biliaminu buri Kusu yā musu.

1 Dikiri ma Luda, ma nanyĩ,
ñ ma mì sí ñ ma sura ba
gbë kũ ò pëtmainɔ ɔí.

2 Tó lenlo, oni ma ke yákiyaki
lán músuu di kéñne nàme,
oni ma kékékõre,
gbëke ni ma mì síro.

3 Dikiri ma Luda, tó ma taari ke kè,
tó ma ɔ kú yā vānin,

4 tó ma a vāni kè ma gbēdakenε,
ke tó ma gbāna mò ma iberenε pā,
5 ñ tó ma ibere pi pētēmai à ma kũ,
à gèse pētepetema zíte,
à ma vī bùsu'atēn.

6 Ñ fute ñ ze kũ pofëo, Dikiri,
ñ fute ma iberenɔi n nèse kpàkpā yáí.
Ñ vu, ma Luda,
ñ yā gõgõ a zéa.

7 Ñ tó gbēnɔ kakaranyĩ,

̀n ḱí bléńma zaa musu.

⁸ Dikiri, ̀ndì yákpate ke kú gběń.

Dikiri, ̀n tó yá bo kúmao nna ma yázedeke lén.

Luda Musude, ̀n yá kemene ma nēsepura lén.

⁹ Luda, m̀okómme mana,
ndì nēse kú laasunnwo kpáte ke.

̀N gbē vāninɔ pāsikenaa m̀i de,
̀n gbē mananɔ gba zeki.

¹⁰ Luda Musudeme ma sēgbako ũ,
̀adi gbē kú ̀n nēse mananɔ sura ba.

¹¹ Luda d̀i yákpate ke a zéa,
̀adi tó yá g̀ vutem̃ma gɔɔ s̃inda pínki.

¹² Tó gbē dí a nēse litero,

Luda d̀i a f̃eneda lé keke
̀adi a sá kú à ká.

¹³ ̀Adi a g̀kebo kú ̀adi ga íneno keke,
̀adi a kà tédenɔ kpá sála.

¹⁴ ̀Ñ gwa, yá vāni d̀i nò dɔ gbēn,
akū ̀adi wari nò sí à né i éke ũ.

¹⁵ ̀Adi wēe ỳ gbēnɔne z̃az̃a tankute ũ,
akū ̀adi zu wēe kú à ỳ p̀i gūn.

¹⁶ A àlesi pāsī d̀i doi,
a wétāna gbēnɔa d̀i wí a m̀ia.

¹⁷ Mani Dikiri sáabu kpá a manake yāi,
mani Dikiri Musude tó bo kú lēsinaao.

8

Luda gakuri yá'onaa

Dauda lēe.

¹ Dikiri ó Dikiri, n tó b̀ò andunia gūn pínki,
n gakuri b̀ò gupuraa musu.

² N dà né f̃itinɔne kú nékpántēnɔ ò n sáabu kpá
de n íbereno kú n zānguri m̀arakarinɔ ỹite.

³ Kú ma n z̃i gwà musu,
m̀ovura kú susune kú n p̀epe gwenɔ,

⁴ ma p̀i b̀ón bisásiri ũ kú a yá dig̀ d̃onguu?
Bóme a ũ kú n laakari d̃aa?

⁵ N a kè k̃āna malaikanɔi f̃iti,
n a kà kpatan kú gakurio kú b̀ereeo.

⁶ N tò à ḱí blè p̀ó kú n k̃enɔa,
n tò p̀ó s̃inda pínki m̀i nàtenε,

⁷ s̃ānɔ kú z̀unɔ kú ǹb̀os̃ēntenɔ pínki,

⁸ b̃ānɔ kú kp̀onɔ kú p̀ó kú ò kú ísira gūnnɔ.

⁹ Dikiri ó Dikiri, n tó b̀ò andunia gūn pínki.

9

Luda sáabukpana kú àdi yā kẹkẹ gbēn̄n̄e yāi

Dauda lèe.

¹ Dikiri, mani n sáabu kpá kú nèsedoo,
mani n yābonsarẹkenan̄o kpàkpa kẹ́n̄e.

² Mani p̄onna ke mà ãa dā n yā musu,
Luda Musude, mani n tó kpá kú lèsinaao.

³ Ma iberen̄o dì kpe li,
òdi léte ò gaga n are.

⁴ Zaakū n ze kūmao n yā nna kpàma,
vutena n tintinnwa n yā ḡòḡò a zéa.

⁵ N kpàkẹ burin̄o,
n gbē vānin̄o kàkate n n̄ tó dède míómíó.

⁶ N kisira kú àdi lákaro kpà ma zāngurin̄o,
n n̄ wēt̄en̄o gb̄oro, n̄ yā d̄o gb̄ekegu doro.

⁷ Dikiri dì kí ble ḡōo s̄inda p̄ínki,
à a kpata dìte yākpatek̄ena yāi.

⁸ Ani yākpate ke kú andunia gbēn̄o s̄usu,
ani kí ble burin̄o a zéa.

⁹ Dikirim̄e uteki ũ gbē kú òten gbāna m̄óh̄nen̄n̄e,
à dén̄e aafialeki ũ warikeḡōo.

¹⁰ Dikiri, gbē kú ò n tó d̄ōn̄on n náani v̄i,
ndi n ki weterin̄o zukūnaro.

¹¹ À lè sí Dikirin̄e, àten kí ble zaa Zaīs,
à a yākenan̄o kpàkpa ke buri s̄inda p̄ínkin̄e.

¹² Zaakū àdi m̄ōraa ká gb̄ederiia, yā dì s̄anlo,
àdi takasiden̄o wikil̄ena yā da.

¹³ Dikiri, ò gwa lákū ma iberen̄o ten wari d̄oma nà,
n̄ ma wēnda gwa n̄ ma bo ga léi,

¹⁴ de mà n tó kpá Zaīs b̄in̄ilea,
mà p̄onna ke kú n ma sura bà yāi.

¹⁵ Burin̄o sì w̄ēe kú ò ȳon̄,
n̄ gbá zù bà kú ò kpàkpan.

¹⁶ Ò Dikiri d̄s kú yākpatek̄ena a zéaao,
àdi tó gbē vāni yāk̄ena era a musu.

¹⁷ Gbē vānin̄o dì tá gyāwān,
buri kú òdi Luda yā daro p̄in̄o.

¹⁸ Wēndaden̄o yā ni s̄aagu zikiro,
takaside s̄s̄ à wéd̄ōina lakana v̄īro.

¹⁹ N̄ fute Dikiri, òsun tó bisāsiri n ḡà f̄īro,
n̄ buri s̄inda p̄ínki kakara n̄ yākpate ke kúñwo.

²⁰ Dikiri, ò tó v̄ina burin̄o kú,
de ò le ò d̄s kú bisāsirin̄ōm̄e n̄ ũ.

10

Wékena Luda a yákpate ke bisasirinɔne

¹ Dikiri, b́oyáì n zena zázáa?

À kè dera ndi n zída ute warikεgɔɔaa?

² Gbē vāni dī gbānasaride wete à de zīdabi gūn,

àdi manafiki kene à a kù.

³ Gbē vāni dī a pónidenanɔ ãa dā,

àdi sánkarade sáabu kpá àdi Dikiri tó yaka.

⁴ Gbē vāni zīdabi mé à tò àdi Dikiri ki wetero,

à Luda laasun vīro.

⁵ Yá kù àdi ke pínki dī bone maname,

àdi a zída kara, àdi n doka daro,

àdi lézuki ke a iberenɔa.

⁶ Àdi pi áni kpáguaro,

ánigɔ kù kù pɔnnao warikεnaa sari.

⁷ Eke kù gbēkanaao kù yá pásio a lé pà,

àlesi pásì kù yá vānio mé àdigɔ da a lén.

⁸ Àdi nate taarisaridene lakutu kpe

de à le à a de asiri gūn,

àdi àleside kpákpa gukpado.

⁹ Àdi nate gbēnɔne asiri gūn lán músu bà,

àdi nate lákpen de à le à gbānasaride kù.

Tó à a kù, àdi a gáte kù a bàao.

¹⁰ Gbē kù à a lè à kù digɔ wutena sùum,

gbāna mé à a nè.

¹¹ Gbē vāni dī pi Luda dī yá tàasi káro,

àdi ɔ kù a wéame àdi gu ero.

¹² Dikiri, n fute n su kù n gbānao,

Luda, ngɔ takasidenɔ tàasi ká.

¹³ Luda, b́oyáìn gbē vāni dī dɔke kúnwo lee?

Àdi pi a swèe gūn ãni wari dɔáwaro.

¹⁴ Bee kù abireo ndi gbēnɔ yá'úmmana e sánsán,

ndi n pɔsira yá da de n le n ɔ darúma.

Gbānasaride dī a zída kpámma,

tone kù à gwàri vīro kpànyīriime n ũ.

¹⁵ N gbē vāninɔ kù gbē pásinɔ gàsá éñne,

n n yá vāni kù òten da ò d̄ro eraúma.

¹⁶ Dikiri digɔ kí ble gɔɔ sīnda pínki,

a yádarisarinɔ ni kakate a b̄sun.

¹⁷ Dikiri dī takasidenɔ wékena sí,

àdi n gba swèe, àdi sá kpá n ɔɔ d̄oi.

¹⁸ Àdi ze kù tone kù à gwàri vīronɔ

kù gbē kù òten wé tárúmano,

de bisásiri kù à de b̄sutiti ũ

sún tó swè kē gbēnɔgu doru yáì.

11*Laakarikipatēnaa*

Dauda lèe.

¹Ma na Dikirii.

Bó yā mé à tò átēn pimēnē mà vura
mà tá kpi musu lán bà bàa?

²À yāvānikerinɔ gwa, ò kàa kpà sála,
ò nàte gusare ò ní sá gà,
ò kàa dɔdɔ nèsēmanadenɔa.

³Tó futeokarayā tēn kakate,
gbē mananɔ ni ke deramēe?

⁴Dikiri kú a kpé kú à kú adonaa gūn,
à vutēna kpatan musu gwe.

Àdi wé pé bisāsirinɔla à ní tàasi ká.

⁵Dikiri dì gbē mananɔ gwagwa,
ama à zā yāvānikerinɔgu
kū gbē kū yā pāsī dì keñne nnanɔ.

⁶Ani téyɔ kū ifántēgbɔɔo kú yāvānikerinɔa,
īa wāna mé anigɔ de ní baka ũ.

⁷Zaakū Dikiri dì yā ke a zéa,
yāmanakenaa dì kenē nna,
gbē mananɔ ni wé ke kāao pla.

12*Bisāsiri yānikē*

Dauda lèe. Òdi sí kú mɔrɔlēnaaomē.

¹N ma sura ba, Dikiri,
zaakū gbē mana ke kun doro,
nāanide làka bisāsirinɔ té.

²Baadi dì éke to a gbēdakene,
àdi lēnna kásañne kū nēsēplao.

³Dikiri, ò lēnnade lé kò é
kū zīdabiri pínki pɔo.

⁴Òdi pi ní lé mé ani tó ò zī ble,
ò ní lé vī, dí mé ani kí blerímaa?

⁵Wétāna gbē busenɔa
kū wēndadenɔ ndanaao yāi
Dikiri pì áni fute sà
à ní gba zéboke kū òteni a ni de.

⁶Dikiri yā mamberu vīro,
à de lán andurufu kū ò yò tévuraa gūn
ò bàasa gēn suppla bà.

⁷Mòkɔn Dikiri, ònigɔ ó dākpā gɔrɔ sīnda pínki,
ní ó sí gbē bire takanɔa.

⁸Tó gbēnɔ yā bēñe kù ɔplapla,
gbē vāninɔ dīgɔ kure kū zīdabio gu sīnda pínkia.

13*Wikilena Luda*

Dauda lèe.

¹ Ari bɔrɛɛ, Dikiri?

Ma yā nigõ sãngu gɔɔ sɪnda pínkin yá?

Ɔni kpɛ limɛnɛ ari bɔrɛmɛɛ?

² Manigõ ɔsi ká kũ ma laasunnɔ ari bɔrɛmɛɛ?

Ma pɔ ðigõ sira lákũ gu ðigõ ðɔ nà,
ma ibɛrɛ nigõ gbána blema ari bɔrɛmɛɛ?

³ Dikiri ma Luda, ñ ma gwa ñ ma yā ma,

ñ ma ǎn weremɛnɛ de màsun garo yāi,

⁴ de ma ibɛrɛ sún pi a ma nɛro yāi,

de ma zãngurino sún pɔnna kɛ ma fuana yā musuro.

⁵ Mateni n gbêke náani kɛ,

ma pɔ kè nna kũ n ma sura bà.

⁶ Mani lè sí Dikirine,

zaakũ à yā mana kɛmɛnɛ.

14*Yõnkɔ yá'onaa*

Dauda lèe.

¹ Yõnkɔ ði o a swɛñ Luda kunlo.

Gbɛnɔ yàku kpà, ñ yākɛna vāni,
yāmanakeri ke kú ñ tɛro.

² Zaa musu Dikiri ði bisāsirinɔa tàasi ká
à gwa tó gbêke ɔndõ ká à a ki wetɛ.

³ O sàte ñ pínki ò gõ ðɔrɔɔ sari míɔmíɔ,
yāmanakeri ke kú ñ tɛro, bee mèn do.

⁴ Vānikerinɔn ðna vīnloo?

Òdi ma gbɛnɔ mómɔ lán ú bà,

òdi Dikiri sísiro.

⁵ Gwen vīna ñ kũn manamana,

zaakũ Luda kú kũ gbɛ manano.

⁶ Òdi kpá takasidenɛ a pɔyeinakɛnaa,

ama Dikirimɛ a uteki ũ.

⁷ Luda, ñ bo Zaiõ ñ mós ñ Isarailanɔ sura ba!

Tó Dikiri sù kũ a gbɛnɔ ñ gwena zīn,

Yakubu burinɔ ni pɔnna kɛ,

Isarailanɔ ni yāa ðɔ.

15*Ludayamari yá'onaa*

Dauda lèe.

¹ Dikiri, dí mé à zé vī à gɛ n bɛ ɔnnn?

Dí mé ani fɔ àgõ kú n kpi musuu?

² Gbɛ kũ àdigõ kun taari sari,

àdi yā ke a zéa,
 àdi yāpura o zaa a nèsen.
 3 Àdi yā di gbēkearo,
 àdi taari ke a gbēdakenero,
 àdi a gbē do sōsōro.
 4 Àdi lodayadarisarinᵒ gya bo,
 àdi bèere li lodayāmarinᵒne.
 Àdi a légbēna papa, bee tó à kènè zī'ū.
 5 Àdi ᵒgᵒ sákáñne kū a íoro,
 àdi bo taarisaride kpe gusaregba yáiro.
 Gbē kū àdi ke le ni kpágula zikiro.

16

Nana Ludai aduaa

Dauda lèe.
 1 N ma dākpā Luda, mᵒkᵒn ma nanyī.
 2 Ma pì Dikirine: Mᵒkᵒmme ma Dikiri ū,
 n baasiro má pᵒ mana ke vīro.
 3 N gbē kū ò kú bùsu dí gūnnᵒ,
 mᵒkᵒnᵒme gakuride kū ò kāmaganᵒ ū.
 4 Gbē kū òdi wā ò gé tāna kīnaanᵒ
 dī yā'ūmma na kpá n zīdaimē.
 Mani sa'o'aru kóte kūrūworo,
 oni n tānanᵒ tó ma ma lénlo.
 5 Dikiri, mᵒkᵒmme má n vī ndo,
 n ma ka ma bakaaa,
 ma wēndi kú n ɔ́ime.
 6 N zīte lézekinᵒ dāmenē gu mana gūn,
 gba kū n dāmenē kāmagu.
 7 Mani Dikiri sáabu kpá kū àdi lé dama yāi,
 bee gwāani àdi tó ma swè ma gba laakarīi.
 8 Madigᵒ Dikiri e ma wén baala'i,
 lākū à kú ma ɔ́plai nà, péke ni ma lukaro.
 9 Abire yāi ma pᵒ digᵒ nna,
 ma nèsēgūn pù.
 Má tāmaa vī kú ma mē nigᵒ kun,
 10 zaakū ĩni ma tó mira gūnlo,
 ĩni we n gbē kū à kú adona yagi kūro.
 11 N ma da wēndi zéa,
 ma pᵒnna nigᵒ pana n kīnaa,
 pᵒ mananᵒ nigᵒ kú n ɔ́i gᵒrᵒ sīnda pínki.

17

Taarisaride aduakēnaa

Dauda aduakēnaa
 1 Dikiri, n ma yāzede ma,
 n sá kpá ma wikilēnaai,

ò ma wékena sí,
 zaakū maten ke kū manafikioro.
² N kīnaan manī yā nna len,
 n wé ten yā kū à zé vī e sānsān.
³ N ma swèè gwà, n wé témai gwāani,
 n ma tàasii kà, nídi yāke emaro,
 zaakū ma zèo kū ma lé ni ma kari boro.
⁴ Madi té bisāsiri yākenanōiro,
 madi gbē pāsīno turuba séro.
⁵ Ma kure n zén sūsu,
 mádi pā n yānero.

⁶ Maten lé zunyī, zaakū ìni wema.
 Luda, ò sã kpá ma aduakēnai.
⁷ Ì n gbēke yābonsare kemene,
 ò gbē kū ò nānyīno bo ní iberenō oī.
⁸ Ì laakari dōma lán n wéne bà,
 ò ma soto n orun.
⁹ Ì ma sí gbē pāsī kū òdi wari dōmanōa,
 ma ibere kū ò likanamai pino.
¹⁰ Òdi gbēke wé gwaro,
 ní lé di zīda sēna lei yā o.
¹¹ Ò pètemai ò likamai,
 ò wé pitima de ò le ò ma pāte zīte.
¹² Ò ye ò ma ke yákiyaki
 lākū músu nàderi di ke nà,
 lán músu kū à natena gukpado bà.

¹³ Dikiri, ò fute ò dañle ò ní ne,
 ò ma sí gbē pāsīnoa kū n fēnedao.
¹⁴ Ì ma bo ní oī kū n gbānao.
 Ní baka kú andunia díkīna gūn,
 ní aruzeke digō diñyī, ní nēno di kà,
 òdi pó kū à diñyīno káte ní nēnoe.
¹⁵ Makū sō, manī wé ke pla kūnwo ma nēsemana yāi,
 tó ma n e ma vugōra, abirekū ni ma kà.

18

Zìble sáabukpanaa
 (2Sa 22:1-51)

Lè kū Dikiri zòbleri Dauda sìnè gōro kū à a bò Solu kū a ibere kparano oī.
¹ Má yenyī Dikiri, mōkōmme ma gbāna ū.
² Dikirime ma gbèsi ū kū ma zeki gbānao,
 ma surabariime.
 Ma Ludame ma zeki gbāna ū, madi nai.
 Àkūme ma sēgbako ū,
 ma surabari gbāna kū ma guleio.
³ Dikiri kà ò a sáabu kpá.
 Madi a sísi, àdi ma bo ma iberenō oī.

4 Gó'ite vlè kúmao,
ípaka kú àdi n̄ kakate teni ma ble.

5 Mira bàno likamai,
ga tankute kpàkpamene ma are.

6 Kú má kakúnna, ma Dikiri sisi,
ma wiki lè ma Ludaa,
akú à ma kòtoo mà zaa a bea,
ma wiki kà à kīnaa, à gè a sán.

7 Zīte lùkaluka à yìgāyīgā,
kpinò dègedege ari n̄ zīnin.

Ò lùkaluka kú à pò fè yāi.

8 Túsukpe bò a yīn,
té kú àdi n̄ kpata bò a lén,
a yòno ten té ke a are.

9 À musu wè à kipa,
legū sisi a gèse gbáru.

10 Àten vura dina kerubu kpe,
àten yàa ke ìala.

11 À gusira dà a zīdala,
ludambe sira kù a kúkila.

12 Zaa a gakuri tékenaa gūn legū ten sisi,
legūgbè ten kote, legū ten pi pásīpāsī.

13 Dikiri pàta zaa musu,
Luda Musude kòto do legūpūtāna ũ.

14 À kàa fà ma iberenoa à n̄ fákōa,
à tò legū pīmma à pèrīma.

15 Kū n̄ patarūma Dikiri,
kū n̄ pò bò n̄ yīn,
ísira zīte bò gupuraa,
andunia zīni gò katena punsi.

16 À ɔ̀ bò zaa musu à ma kú,
à ma bo swada gūn.

17 À ma si ma ibere gbāna ōi
kū ma zānguri kú n̄ gbāna demalanò.

18 Ò lètema ma sunyīkegoroa,
ama Dikiri zè kúmao.

19 À ma bo à ma gba mēporoki,
à ma sura bà kú à yemai yāi.

20 Dikiri yā kēmene ma nēsēmana lén,
à fīna bōmene ma gbāsīsarikena lén.

21 Zaakū má Luda yāditenano kūna,
mádi yā vāni ke ma a Luda tōnlo.

22 A dokayāno dīgō domene are pínki,
mádi kpe li yā kú à ditenonero.

23 Ma kunna taari vī Dikirinero,
má a zīda kūna durunna sari.

24 Dikiri fīna bōmene ma nēsēmana lén,

46 Dikiri kun! Arubarikademε ma gbèsi ũ!

Ò Luda ma surabari tó bo.

47 Luda mé àdi mɔra kámmamεne,

àdi tó burinɔ̀ mì natεmεne,

48 àdi tó mà piti ma ibεrenɔ̀a.

N ma gba gbāna de ma zāngurinɔ̀la,

n ma bo gbὲ pásĩnɔ̀ ɔ̀ĩ.

49 Abire yāi mani n sáabu kpá burinɔ̀ té,

mani n tó kpá, Dikiri.

50 Dikiri dì zĩ zókɔ̀ ble kína kũ à a sèεne,

àdi gbὲke ke kína kũ à a kàane,

makũ Dauda kũ ma burinɔ̀

ari gɔ̀rɔ̀ sĩnda pĩnki.

19

Ludambε gakuri kũ Luda yā gakurio

Dauda lèε.

¹ Musu dì Luda gakuri bo gupuraa,

sarapurapɔ̀nɔ̀ dì a ɔ̀zĩ mɔ́nε.

² Àdigɔ̀ yā o'ónε lán gu òigɔ̀ dɔ̀ nà,

àdi dōna kpánnε gwāani kũ gwāanio.

³ Àdi yā oro, a yā'ona buri ke kunlo,

òdi a kĩni maro.

⁴ A kòtoo dì da anduniala pĩnki,

a yā'onaa dì gé ari zĩte léa.

Luda kpé bò ifántēne gwe,

⁵ àdi bo kpén à fute lán nɔ̀serii bà,

àdi fute táo kũ pɔ̀nnao lán gōsa gbāna bà.

⁶ Àdi fute ludambεlea la,

àdi bikũ à gé ari a léa òire,

póke òigɔ̀ utena a puusuiro.

⁷ Dikiri doka papana,

àdi ñ kunna keke à keńne dɔ̀.

Dikiri yā náani vĩ,

àdi lé da ɔ̀ndɔ̀saridenɔ̀a.

⁸ Dikiri dì ɔ̀dɔ̀ki dɔ́nε súsu,

àdi ñ pɔ̀ ke nna.

Dikiri yāditenanɔ̀n gbāsĩ vĩro,

àdi ñ ǎn wereńne.

⁹ Mĩnatena Dikirine zé pì wébona,

onigɔ̀ téi gɔ̀rɔ̀ sĩnda pĩnki,

Dikiri yákpatekena yápura vĩ,

àdigɔ̀ mana swáswa.

¹⁰ A mana de wurala, bee wura mana,

a nna de zó'ila, bee zó búsu.

¹¹ Abire musu ndi lé da makũ n zòbleriia,

gbὲ kũ à n yā kũnaa àree òigɔ̀ zókɔ̀.

¹² Dí mé ani fɔ̀ à yā kũ à zāanɔ̀ dɔ̀ɔ̀?

Ñ sùru ke kúmao kú ma taari kú ò utenanò.
 13 Ñsun tó makū n zòbleri taari kenne gbĩnighĩniro,
 ñsun tó durunnano kí blemaro,
 manigõ kun swáswa taari zòkõ sari.

14 Ñ tó yā kú àten bo ma lén kángu
 kú laasun kú à kú ma swèe gūnwo,
 Dikiri, ma gbèsi, ma surabarii.

20

Zìble wékenaa

Dauda lèe.

¹ Dikiri sí kúnwo n warikegɔɔa,

Yakubu Luda ɔ kúmma.

² À n sura ba bona a kúkia,
 à kpányĩ bona zaa Zaiõ.

³ À n sa'ona sí pínki,
 n sa'opo kú òdi ká tén à té kúnɔ dɔn.

⁴ À pɔ kú n pɔ yei kpámma,
 à tó ñ pɔ kú nten péa le.

⁵ Óni ayuwii ke zì kú n blè yā musu,
 óni tuta dɔ musu kú ó Luda tóo.
 Dikiri wéke kú n kè sí pínki.

⁶ Má dõ sà kú Dikiri di kína kú à à kà sura ba,
 àdi yā sí káao zaa a be kú à kú adona,
 àdi tó à zì ble kú a gàsā gbānao.

⁷ Gbēkenɔ di sɔgonɔ náani ke,
 gbēkenɔ di sɔnɔ náani ke,
 ókɔnɔ sɔ, Dikiri ó Ludan odi náani ke.

⁸ Oni sata ò léte,
 ókɔnɔ sɔ ónigõ zena gíngin.

⁹ Dikiri, ñ tó kína zì ble.
 Tó o n sisi, ñ wewá.

21

Zìble sáabukpana

Dauda lèe.

¹ Dikiri, kína ten pɔnna ke kú n gbānao,
 a pɔ nna manamana kú n tò à zìi blè.

² Ñ pɔ kú a pɔ yeii kpàa,
 nídi gí a wékena síiro.

³ Ñ daale kú arubarika zòkõɔo,
 n wura fùraa kùne.

⁴ À wèndii gbèkamma, akū n kpàa,
 n tò àgõ kun ari gɔɔ sɔnda pínki.

⁵ A gakuri zòkõ kú n tò à zìi blè,
 n bèere kú zòkõkeo kpàa.

⁶ Ndigõ arubarika daagu gɔɔ sɔnda pínki,

n kunna k̄āao tò a p̄o k̄è nna.

⁷ Zaakū k̄ina Dikiri náani k̄è,
kunna Luda Musude gb̄ēken ani yīḡāro.

⁸ N̄o ni n ib̄er̄en̄o k̄ū n̄ p̄ínki,
ĩni n z̄āngurin̄o k̄ū k̄ū n̄ ōplao.

⁹ Īni n̄ ke t̄āmate ȳāka ū n̄ suḡōra.
Dikiri ni n̄ kakate a p̄of̄ēḡōra,
ani t̄ó t̄é n̄ ble.

¹⁰ Īni n̄ n̄én̄o d̄ede andunia ḡūn,
ĩni n̄ burin̄o k̄ē bis̄āsirin̄o.

¹¹ Bee t̄ó ò lé kp̄āk̄ūs̄unyī,
n̄ p̄oyeinayā ni zī k̄ero.

¹² Īni k̄à d̄ōd̄o n̄ w̄éa,
ĩni t̄ó ò k̄pe li.

¹³ N̄ gb̄ānake ḡūn, Dikiri, n̄ n̄ zīda sé lei,
óni l̄é sí ò n̄ z̄ōk̄ōke s̄áabu kp̄á.

22

ጌጌና ሌዳ

Dauda l̄ē.

¹ Ma Luda, ma Luda,
à k̄è d̄era n̄ ma tonn?

Ma wiki l̄è,
à k̄è d̄era n̄di su ma sura baroo?

² Ma Luda,
ma lé z̄ūnyī f̄ānant̄ē, ama n̄di wemaro,
ma wiki l̄emma gw̄āani d̄o, m̄adi yītero.

³ N̄ k̄ú adona n̄ vutena k̄patan,
m̄ok̄ōn k̄ū Isarailan̄o d̄i n̄ s̄áabu kp̄á.

⁴ M̄ok̄ōmm̄e ó dizin̄o náani k̄è,
ò n̄ náani k̄è, akū n̄ n̄ m̄i s̄i.

⁵ Ò lé z̄ūnyī, akū ò boki l̄è,
ò n̄ náani k̄è, akū w̄é'i dí n̄ k̄ūro.

⁶ K̄ōk̄o f̄itinnan ma ū, bis̄āsirim̄e ma ūro,
òteni ma s̄ōs̄ō, òteni ma gya bo.

⁷ Gb̄ē k̄ū òteni ma gwano teni ma fobo,
òten l̄ézuki k̄ema,
òteni n̄ m̄i ke d̄ék̄ūdekū òten pi:

⁸ Lákū àten Dikiri náani ke nà, à a sura ba,
t̄ó a yā k̄àagum̄e, à a m̄i sí.

⁹ M̄ok̄ōmm̄e n̄ ma bo ma da n̄ēsen,
n̄ ma gwa aafia ma ȳōmiḡōra.

¹⁰ Má na n̄ oī zaa né'is̄ōmm̄e,
ma Ludame n̄ ū zaade má k̄ú ma da n̄ēsen.

¹¹ N̄sunḡō k̄ú k̄ūmao z̄āro,
zaakū wari k̄è k̄āni k̄ūmao,
gb̄ēke kun à kp̄amáiro.

12 Ò likamai dasidasi lán zùsano bà,
ò ma kaguraa kè lán Basā bùsu zùsa gbānana bà.

13 Òten lé atēma lán músu ɔ̀dɔ̀ri
kū òten pɔ́ kɛ yákiyakinɔ̀ bà.

14 Ma gbāna tà lán í kɔ̀tenaa bà,
ma mè gupekinò bókūn pínki,
ma mèe yò lán zòsaa bà.

15 Ma kòto kori kè lán kpēne kaso bà,
ma néne nà ma lé musu,
ò ma wute lán gèe bà lukutēn.

16 Lewannanò gà likanamai,
gbē vāni pinò nākarama,
ò ma ɔ̀nò kū ma gbānò zòzò.

17 Mani fɔ̀ mà a wānò naro pínki,
ò wé bìribiri, òteni ma gwa.

18 Ò ma pɔ́kasanɔ̀ kpàatekɔ̀ne,
ò kàpaa kpà ma uta yā musu.

19 Dikiri, òsungɔ̀ kú kūmao zàro,
mɔ̀kɔ̀mmɛ ma gbāna ũ,
n mɔ̀ n kpámai likalika.

20 N ma bo ní fēneda léi,
n ma wēndi sí lewanna pinòa.

21 N ma bo músu pinò léi,
n ma si zùsēnte pinò bēnea.

22 Mani n tɔ́ bo ma gbēnò té,
mani n sáabu kpá kɔ̀kakaranaa gūn.

23 Ákɔ̀nò Dikiri vīnakerinò, à a sáabu kpá,
ákɔ̀nò Yakubu burinò, à a tɔ́ bo,
ákɔ̀nò Isarailanò, à mi natene.

24 Zaa kú adi takaside gya boro,
adi a wēndake foboro,
adi mìkpepe zunero,
à sá kpá a wikilēnaii.

25 Mani n sáabu kpá pari kɔ̀kakaranaa gūn,
mani lé kū ma gbēne papa n vīnakerinò wára.

26 Takasidenɔ̀ ni pɔ́ ble ò kã,
Dikiri ki weterinò ni a sáabu kpá,
onigɔ̀ kú kū wēndiio gɔ̀rò sīnda pínki.

27 Andunia lézekidenɔ̀ nigɔ̀ Dikiri dɔ̀ ò are dɔ̀a,
buri kū ò kunnɔ̀ ni kútene ní pínki,

28 zaa kú kīblena bi Dikiri pɔ́me,
àdi kí ble buri sīnda pínkia.

29 Andunia aruzekedenɔ̀ ni donyī kene ní pínki,
kū gbē kū ò kú ga léinò,
gbē kū ò gèe gékianò ni mì natene ní pínki.

30 Zia gbēnò ni donyī,

oni Dikiri yā baba gbē kū oni sunṛne.

³¹ Ò surabana yā o gbē kū òdi ní i kòronṛne,
zaakū à gīnake à kè.

23

Dikirime ma dàri ũ

Dauda lèe.

¹ Dikirime ma dàri ũ,
póke ni kīamaro.

² Àdi ma wúte sèla bòtṛnṛn,
àdi gé kūmao í katena kítikiti sare.

³ Àdi ma kunna keke dṛ,
àdi domene are zé mananṛ gūn a tóbona yāi.

⁴ Bee tó ma táa ò guvute sira pásīn,
mani yā vāni vīna kero, zaakū ní kú kūmao,
n sári kú n gòo di ma laakari kpátémene.

⁵ Ndi póble káte ma are ma ibereṛnṛ wára,
ndi nísi gbīnnade kú ma mīa,
ndi í ká ma tokon ari à pa yéere.

⁶ Yápura Dikiri gbēke kú a yenyīo nigṛ kú kūmao gṛṛ sīnda pínki,
manigṛ kú a ṛnn ari ma wèndi lén.

24

Dikiri gēna a kpé gūn

Dauda lèe.

¹ Zīte kú pó kú ò kúnṛnṛ bi Dikiri póme,
andunia kú gbē kú ò kúnṛnṛ ní pínki.

² À zīte zīni pète ísiran,
à andunia káte kú swanṛ.

³ Dí mé à zé vī à didi Dikiri kpīaa?
Dí mé ani fṛ à gē a ṛnnn?

⁴ Gbē kú à taari vīro akūsṛ a nèse mana,
gbē kú a laakari di tá tānanṛ kparo
akūsṛ àdi sí kú tāna tṛoro.

⁵ Dikiri ni arubarika da adegū,
Luda a surabari ni tó yā bo káao nna.

⁶ Len à de le kú a ki weterinṛ,
Yakubu burinṛ Luda are weterinṛ.

⁷ À bīnilenṛ wēwē,
à gbà zīnṛ wēwē,
à tó Kína gakuride gē.

⁸ Díme Kína gakuride pì ũu?

Dikiri gbānazṛkṛdeme,
àkūme Dikiri zīkari gbānade pì ũ.

⁹ À bīnilenṛ wēwē,
à gbà zīnṛ wēwē,
à tó Kína gakuride gē.

¹⁰ Dí n Kína gakuride pì ũu?

Dikiri Žikarideme Kína gakturide pì ũ.

25

Luda ó dākpārii

Dauda lèe.

¹ Dikiri, ma a swèè kpàmma,

² Ma Luda, mateni n náani ke,

̀nsun tó wé'i ma kũro,

̀nsun tó ma ibereṅṅo ma nero.

³ Wé'i ni gbē kũ ò wé dɔnyĩṅṅo kũ zikiro,

sé gbē kũ ò bò n kpe sèeda ke sarinṅṅo.

⁴ Dikiri, ò n zé mɔmeme,

̀n n yā dadamene.

⁵ Ñ ma da n yāpura zén,

̀n a yā dadamene,

zaakũ Luda ma surabariime n ũ,

ma wé digō dɔnyĩme gɔrɔ sĩnda pínki.

⁶ N wēnda kũ n yenyĩo gō dɔngu,

zaakũ abirekũṅṅo kũ kũnwo zaa zĩ, Dikiri.

⁷ Ñsun taari kũ ma kēṅṅo yā daro

ke durunna kũ ma kè ma kefennakegɔrɔṅṅo.

Ñ tó ma yā gō dɔngu yenyĩ gũn,

kũ n mana yāi, Dikiri.

⁸ Dikiri mana, àdi yā ke a zéa,

abire yāi àdi a yā dada durunnakerinṅṅo.

⁹ Àdi zĩdabusarinṅṅo da a zéa,

àdi yā mana dadañne.

¹⁰ Dikiri digō yenyĩ kũ náanio vĩ

kũ gbē kũ ò a bàka kunna kũnwo yā kũnanṅṅo.

¹¹ Bee kũ ma durunna zōkō Dikiri,

̀n kēma n tōbona yāi.

¹² Dí mé à Dikiri vĩna vĩi?

Dikiri di ade da zé kũ à de à séa.

¹³ Ade nigō kũ nnamanaa gũn,

a burinṅṅo mé onigō ǹ b̀usu vĩ.

¹⁴ Dikiri nna kũ a vĩnakerinṅṅo,

àdi tó ògō a bàka kunna kũnwo yā dō.

¹⁵ Ma wé digō dɔ Dikiria baala'i,

̀akũ mé àdi ma gbá bo bàn.

¹⁶ Ñ are dɔma, ǹ ma wēnda gwa,

zaakũ má kũ mado wétamma gũn.

¹⁷ Ma yā'ũmmananṅṅo kàra ma nèsee gũn,

̀n ma bo ma wari pìn.

¹⁸ Ñ ma wétamma kũ ma pɔsirao gwa,

̀n ma durunnanṅṅo kēma pínki.

¹⁹ Ñ gwa lákũ ma ibereṅṅo dàgula nà,

̀ò zāmagu pāsĩpāsĩ.

20 Ñ ma wèndi dâkpá, ñ ma sura ba,
 ñsun tó wé'i ma kũro, zaakũ ma nanyĩ.
 21 Ñ tó yápura kũ kunna manao gõ ma dâkpá,
 zaakũ ma wé digõ dɔnyĩ.
 22 Luda, ñ Isarailanɔ bo ñ warikenanɔn pínki.

26

Gbē mana aduakɛnaa

Dauda lèɛ.

1 Ñ yá nna kpáma Dikiri,
 zaakũ ma yá kè a zéa,
 ma n náani kè sikaa sari.
 2 Ñ ma yõ ñ ma gwa Dikiri,
 ñ ma nèɛ kũ ma laasunnɔ gwa,
 3 zaakũ n yenyĩ digõ domɛnɛ arɛ,
 madi zĩ kɛ n yápuraa.
 4 Madi vutɛ kũ ékɛdenɔoro,
 madi gẽ manafikidenɔ téro.
 5 Ma zã durunnakerinɔ kɔkakaranan,
 madi vutɛ kũ gbẽ vāninɔoro.
 6 Ma ɔ pìpi ma taarisarikɛ sèeda ũ,
 maten lika n gbagbakii, Dikiri,
 7 de mà le mà n sáabu kpá lèsinaa gūn,
 mà n yábonsarenɔ kpàkpa kɛ.
 8 Dikiri, má ye n kpé kũ ndigõ kunyĩ,
 gu kũ n gakuri di kipan.
 9 Ñsun ma kakara kũ durunnakerinɔoro,
 ñsun ma baka kakara kũ gbẽderinɔ póoro.
 10 Laasun vāni mé àdigõ doñnɛ arɛ,
 ñ ɔ digõ pa kũ ɔɔnkpegbanɔ.
 11 Makũ sõ, madi yá kɛ a zéa,
 ñ ma wènda gwa, ñ ma sura ba.

12 Ma zɛki è gu manan,
 mani Dikiri sáabu kpá pari kɔkakaranaa gūn.

27

Dikirimɛ ma gupura ũ

Dauda lèɛ.

1 Dikirimɛ ma gupura ũ kũ ma surabariio,
 dín mani vīna kɛnɛɛ?
 Dikirimɛ ma uteki ũ,
 dí vīnan mani kɛɛ?
 2 Tó gbẽ vāninɔ simagu de ò ma kɛ yákiyaki
 ke tó ma iberenɔ kũ ma zāngurinɔ lètɛma,
 ò gè sí ò létɛ.
 3 Bee tó žikarinɔ likamai,
 ma kũ ni vīro,
 bee tó gbẽnɔ fùtɛma kũ žìio,

ma laakari nigõ kpatena.

⁴Yã mèn don maten gbeka Dikiria,
yã pìn maten wete manamana.
Má ye màgõ kú Dikiri ònn ari ma wèndi lén,
de mà le màgõ a are wete a kpén gwe,
má wé dɔ a manakenaai.
⁵Ani ma ute a kpén warikegɔɔa,
ani ma gwa a bizakutan,
ani ma ze gbèe musu aafia.
⁶Ma mì ni bo ma iberε kú ò likamainɔ póla,
má sa o Dikiri ònn kú ayuwiikenaao,
má lè sí mà a sáabu kpá.

⁷Tó ma n sisi Dikiri, ò wema,
ò ma wènda gwa, ní ma yã ma.
⁸Ma nèse ten lé dama mà n are wete,
Dikiri, mateni n are wete.
⁹Ñsun n mikpere zu makū n zòbleriinero,
ñsun kpe domene kú pɔfɛoro.
Ma kpanyiriime n ũ, ñsun ma zukūnaro,
Luda ma surabarii, ñsun ma tónlo.
¹⁰Tó ma de kú ma dao pã kpàmai,
Dikiri ni ɔ likamai.
¹¹Dikiri, ò ma da n zéa,
ò domene are zé súsu gūn ma wétāmmarinɔ yāi.
¹²Ñsun tó ma ibereno poyeina kemenero,
zaakū sèeda ékedenɔ ten yã dima,
gbè pāsīnɔ ten yī fēma.
¹³Má yã díkīna náanikena,
kú Dikiri ni yã mana kemene andunia díkīna gūn.
¹⁴Ñ wé dɔ Dikirii,
ò ze gbāna, ní laakari kpáte,
ò wé dɔ Dikirii.

28

Wékena kú sáabukpanaao

Dauda lèe.
¹Dikiri, mɔkɔmme ma gbèsi ũ, mateni n sísi,
ñsun n sã tatamenero.
Tó n yītema dé,
maní gõ lán gbè kú ò sì gyāwānnno bàme.
²Maten kpányī ɔɔ dɔnne,
ò sã kpámai,
mateni ma ɔ sé n kúkia.
³Ñsun ma gáte leeε kú gbè bènenɔ ke vānikerinɔoro.
Òdi yã nna o ní gbèdakenɔne,
ama zāngu mé à kú ní swèn.
⁴Ñ keñne ní yākenaaa kú ní vānikenaao,

ñ fīna boñne ñ dàaa
de a gbè wí ñ musu.

⁵ Òdi Dikiri yákena kú à zíkēnaao yā daro,
ani ñ lite kpédangara, ani ñ fute doru.

⁶ Arubarikademe Dikiri ũ,
zaakū à sá kpà ma wēnda wikilēnaai.

⁷ Dikirimē ma gbāna ũ kú ma sēgbakoo,
má a náani vī ma swèn.
Àdi kpámai, ma pɔ̀ dì ke nna,
madi a sáabu kpá kú lēsinaao.

⁸ Dikirimē a gbēno gbāna ũ,
à de uteki ũ kína kú à kàane, àdi a sura ba.
⁹ Ñ n gbēno sura ba ñ arubarika dañgu,
ñ ñ dākpā ñgō ñ kūna gɔ̀ɔ̀ sīnda pínki.

29

Dikiri ya'ona zàga'ra gūn

Dauda lèe.

¹ Ákōno malaikanɔ̀, à Dikiri tó kpá,
à gakuri kú gbānao dō Dikirimē.

² À Dikiri tó kpá,
à kúte Dikirimē a kúadona gupuran.

³ Dikiri kòto kú íno musu,
Luda Gakuride dì tó legū pūtā,
Dikiri kòto kīni dɔ̀ íno musu.

⁴ Dikiri kòto gbāna dɔ̀,
Dikiri kòto gakuri vī.

⁵ Dikiri kòtoo dì sida línɔ̀ para,
Dikiri dì Lebana būsɔ̀ sida línɔ̀ para.

⁶ Àdi tó Lebana kpino vīvī lán zùne bà,
Emo gbè sō lán zùsane bɔ̀ɔ̀ bà.

⁷ Dikiri kòtoo dì bo kú legūpinanɔ̀,

⁸ Dikiri kòtoo dì gbáranna yīgāyīgā,
Dikiri dì Kadesi gbáranna yīgāyīgā.

⁹ Dikiri kòtoo dì línɔ̀ yīgāyīgā,
àdi líkpeno pura kú,

gbē kú ò kú à onno ten pine,
Gakurideme a ũ.

¹⁰ Dikiri kú í kú à da anduniala musu,
Dikiri vutena Kína ũ gɔ̀ɔ̀ sīnda pínki.

¹¹ Dikiri dì a gbēno gba gbāna,
Dikiri dì arubarika dañgu ògō aafia.

30

Dikiri sáabukpanaa

Lè kú Dauda dà Luda on sakēna yāi.

¹ Mani n tó sé lei Dikiri,
zaakū n ma kara,

ńdi tó ma iberenɔ ma nero.

² Dikiri ma Luda, ma ɔɔ dɔnnɛ,
akū n ma gba aafia.

³ Dikiri, n ma si miraa,
ńdi tó ma si gyāwānnlo.

⁴ Dikiri gbɛnɔ, à a tó kpá,
à a tó kú à kú adona sáabu kpá.

⁵ Zaakū a pɔfɛnaa di la kū lao lero,
à arubarika mé àdigɔ kun ari gbɛ wèndi lén.
Ɔɔɔnaa digɔ kun gwāani,
akū gu di dɔ kū pɔnnao.

⁶ Kū má kú nnamanaa gūn ma pì:
Mani kpágula zikiro.

⁷ Dikiri, kū n arubarikaa dāmagu,
n ma zɛ gíngin lán kpi bà.
Ama kū n kpe limenɛ,
ma gɔ bídi gūn.

⁸ Mɔkɔn Dikiri, ma n sisi,
ma kúte kè ma dikiriine ma pì:

⁹ B́ àreen ma gana ke ma sina gyāwān vī?
Ma mira ni n tó kpán yá?
Ani n náani kpàkpa ken yá?

¹⁰ Ñ ma yā ma Dikiri ñ ma wènda gwa,
Dikiri, ñgɔ de ma kpanyīri ũ.

¹¹ N ma ɔɔɔnaa litɛ ũwāna ũ,
n ma uta kasanɔ b̀tɛma,
n pɔnna dāmɛnɛ pókasa ũ.

¹² Manigɔ yītenaro, manigɔ n tó kpámɛ,
Dikiri ma Luda,
manigɔ n sáabu kpá gɔrɔ sīnda pínki.

31

Zidakpana Dikiria

Dauda lèɛ.

¹ Dikiri, mɔkɔnn ma nanyī,
ñsun tó wé'i ma kú zikiro.
Ñ ma sura ba n manakena yāi.

² Ñ sá kpámai ní ma faaba ke likalika,
ñ gɔ ma uteki gbè ũ,
zeki gbāna kú ani ma faaba ke ũ.

³ Ma gbèsi kú ma zeki gbānaoome n ũ,
ñ domɛnɛ arɛ ní ma da zéa n tó yāi.

⁴ Ñsun tó mà zu bà kú ò kpàkpamenenlo,
zaakū ma surabariime n ũ.

⁵ Ma a nini nannɛ n ɔi,
ñ ma sura ba Dikiri Luda yāpurade.

⁶ Ma zā gbɛ kú òdi na tānanɔinɔn,
Dikirin ma náani kè.

7 Mani yáa dɔ mà pɔnna ke kũ n yenyĩo,
 zaakũ n ma yá'ũmmana è,
 n ma warikɛnaa dɔmɛnɛ.
 8 Ndi ma na ma ibɛɛnɔnɛ n ɔĩro,
 n ma gba mɛporoki.

9 N ma wɛnda gwa Dikiri,
 zaakũ má kú wari gũmmɛ,
 pɔsira tò ma wé gɔ̀ súkusuku,
 ma pɔ sira kù ma nɛsɛɛ yàka.

10 Pɔsira tɛni ma swè ble,
 ndana tɛni ma wè lago,
 laasun tò má gbãna vĩ doro,
 ma wánɔ̀ bùsa.

11 Ma gbɛdakenɔ̀ dì ma gya bo ma ibɛɛnɔ̀ yái,
 ma yá dì ma gbɛnɔ̀ gba vĩna manamana,
 gbɛ kũ odi dakarɛ batunɔ̀ dì pãmɛnɛ.

12 Ma yá dí dɔ gbɛkegu doro,
 ma gɔ̀ lán gɛɛ bà,
 ma gɔ̀nɛ lán oro kaso bà.

13 Madì ma kũ gbɛnɔ̀ tɛni ma pi dasi,
 vĩnapɔ̀nɔ̀n likamai.
 Òdi kakara ò lé kpákúsúmai,
 òdi lédokɔ̀nɔ̀ ke ma wèndibona yái.

14 Ama ma n náani kè Dikiri,
 madì pi ma Ludamɛ n ũ.

15 Ma wèndii digɔ̀ kú n ɔĩ gɔ̀rɔ̀ sĩnda pínki,
 n ma sí ma ibɛɛ kũ òtɛni ma wɛtɛ
 ò ma dɛnɔ̀ ɔĩ.

16 N an were makũ n zɔ̀bleria,
 n ma sura ba n yenyĩ gũn.

17 Dikiri, n̄sun tó wé'i ma kũro,
 zaakũ ma wiki lɛmma.

N tó wé'i yávanikerinɔ̀ kũ,
 n tó n lé gɔ̀ nakɔ̀ana gyáwánn,

18 n tó éketorii pìnɔ̀ néne natɛ.
 Òdi dɔ̀ke kũ gbɛ mananɔ̀,
 òdi n gya bo kũ ñadánaao.

19 Aruzɛke kũ n kàkara n vĩnakerinɔ̀nɛ zɔ̀kɔ̀,
 ndì arubarika da gbɛ kũ ò nanyĩnɔ̀gu
 gbɛ sĩnda pínki wára.

20 Tó gbɛnɔ̀ lé kpákúsúnyĩ, ndì n utɛ n kuru,
 tó òtɛn lékpakɔ̀a ke kũnwo, ndì n dákpá n kukia.

21 Arubarikademɛ Dikiri ũ,
 zaakũ à yenyĩ zɔ̀kɔ̀ mɔ̀mɛnɛ
 wɛtɛ kũ ò likaii gũn.

22 Swèɛ kèmagu gwe,

akū ma dà, n ma zukūname.
Kū ma faaba lé zūnyĩ,
n ma wēnda ɔɔɔnaa mà.

²³ Àgɔ ye Dikirii, ákɔnɔ á gbɛnɔ.
Dikiri dì a náanikerinɔ dákpá,
àdi fina bo zídabirinɔne pásípāsĩ.
²⁴ Ákɔnɔ kū á wé dɔ Dikiriinɔ,
àgɔ gbāna à á swè kpáte.

32

Durunna'ona Ludane

Dauda lèe.

¹ Arubarikademe gbɛ kū Luda a taarinɔ tònɛ

à a durunnaɔ kɛnɛ ũ.

² Arubarikademe gbɛ kū Dikiri dì a durunna yā daro ũ,
akūsɔ manafiki kú à nèseɛ gūnlo.

³ Kū ma yĩte kū ma durunnao, ma fɛfɛ,
ma wiki digɔ dɔ zaa kɔnkɔ ari ɔkɔsi.

⁴ N ɔ digɔ tɔnama fānantɛ kū gwāanio,
ma gbāna làka lākū guwānagɔɔ ifāntɛ ma le bà.

⁵ Akū ma wenne ma durunnaɔ,
mádi ma yā vāni utenne doro.

Ma pì, mani ma taarinɔ o Dikirine,
akū a ma durunna kɛmenɛ.

⁶ Abire yāi n náanikeri wé kemma a gɔɔa,
tó kisira ten su, ani a lero.

⁷ Ma utekime n ũ,
ndi ma bo wétāmmanaa gūn,
ndi likamai ñ ma sura ba.

⁸ Mani yā danne mà n da zé kū à de ñ séa,
mani lé damma, ma wé gɔ ténnyĩ.

⁹ Ñsungɔ kun laasunn sari
lán sɔ ke baragbāsɔ bàro,
tó ndi sɔmɔ káñne kū a bàaoro,
òdi da n dɔɔaro.

¹⁰ Yā'ummanaa dì da gbɛ vāninɔla,
Dikiri yenyĩ dì lika a náanikerinɔa.

¹¹ Gbɛ mananɔ, à pɔnna ke Dikiri yāi,
nèsepuradenɔ, à ayuwii ke à yāa dɔ.

33

Luda sáabukpanaa

¹ À ayuwii ke Dikirine gbɛ mananɔ,
à kù nèsepuradenɔ a sáabu kpá.

² À Dikiri tó kpá kū gidigboo,
à le síne kū mɔɔo.

³ À lè dufu síne,
à pɔ'ùborinɔ lé kù dɔnaao kù pɔnna wikio.

⁴ Zaakū yā kù Dikiri ò bi yāpurame,
à náani vī a yākenaa gūn pínki.

⁵ À ye yā manai kù yāzedeo,
Dikiri yenyī andunia pà.

⁶ Dikiri yā'ona mé à musu kè,
a lé'ia mé à musupɔnɔ pèpe.

⁷ À í kàte gu dokɔnɔ, à gò ísira ũ,
à inɔ kàkara, à gò í lòkoto ũ.

⁸ Andunia gbē sīnda pínki, à vīna ke Dikirine,
gbē bēnenɔ pínki, à mì natenɛ.

⁹ Zaakū à yā ò, akū andunia gò katena,
à yā dìte, akū pɔ sīnda pínki gò kun.

¹⁰ Dikiri dì lé kù burinɔ kpàkūsū ke pā,
àdi kpá būsudenɔnɛ kù pɔ kù òten péaa.

¹¹ Yā kù Dikiri zèò dìgɔ zena gíngin,
yā kù à a pɔ gbà dìgɔ kun gɔɔ sīnda pínki.

¹² Arubarikaden buri kù Dikiri de a Luda ũ ũ,
gbē kù à n sɛ a pɔ ũnɔ.

¹³ Zaa musu Dikiri dì gu gwa zīte,
àdi bisāsirinɔ e n pínki.

¹⁴ Zaa gu kù à kun àdi wé pā
gbē kù ò kù andunia gūnnɔla n pínki.

¹⁵ Àkū mé à gbē sīnda pínki swèè kè,
àdi n yākenanɔ dɔ pínki.

¹⁶ Kína ke dì zī ble a zīkari gbānanɔ yāiro,
zīkari ke dì bo a gɔsagbānake yāiro.

¹⁷ Sɔ náanikena à n mì sí bi ékeme,
bee kù a gbānakenao ani fɔ à gbē sura baro.

¹⁸ Dikiri wé kù a vīnakerinɔa,
gbē kù n wé dɔ a yenyīano.

¹⁹ Ani n bo ga léi,
ani n gwa nàgɔɔ.

²⁰ Ó wé dìgɔ dɔ Dikirii,
àkūme ó kpanyiri ũ kù ó sɛgbakoo.

²¹ Zaakū Dikirin ó pɔ dìgɔ nna kāao,
ó a tɔ kù à kù adona náani vī.

²² Dikiri, n tó n yenyī gɔ kù kūoo
lákū ó wé dɔnyī nà.

34

Dikiri manakenaa

Lè kù Dauda dà gɔɔ kù à a zīda dìte ìade ũ Abimeleki are, ari Abimeleki pèa
à tà.

¹ Manigɔ Dikiri tó sɛ lei lakanaa sari,

manigõ a tó kpá lákū gu ògõ dɔ nà.

² Manigõ ïa dā Dikiri yā musu,
takasidenɔ ni ma ò pɔnna ke.

³ À zõkõke dõ Dikirinε kūmao,
ò a tó bo lele.

⁴ Ma Dikiri ki wète, akū à wèma,
à ma bo ma vīnanɔ gūn.

⁵ Gbē kū n̄ wé dɔinɔ ãn nigõ werena,
wé'i ni n̄ kū zikiro.

⁶ Gbē takaside dí Dikiri sìsi, akū à wèa,
à a bò a warinɔ gūn pínki.

⁷ Dikiri Malaika ògõ kú a vīnakerinɔ sare,
àdi n̄ mì sí.

⁸ À lé ke à gwa, áni dõ kū Dikiri nna,
arubarikaden gbē kū à nài ũ.

⁹ Dikiri gbēnɔ, à vīna kene,
póke dì kīa à vīnakerinɔaro.

¹⁰ Nà dì músunɔ de, póble dì kīarūma,
ama pó mana ke dì kīa Dikiri ki weterinɔaro.

¹¹ Gbēnɔ, à mó à ma yā ma,
mà vīnakena Dikirinεe dadaáre.

¹² Ákõnɔ kū á ye á wèndi gõ mana
akūsõ á ye á kunna gõ nna,

¹³ à á lé kū kū yāvāni'onaaɔ,
àsun tó éke bo á lénlo.

¹⁴ À kpε li yā vāninε à yā mana ke,
à aafia zé wete àgõ téi.

¹⁵ Dikiri ògõ wé té gbē mananɔi,
àdi sã kpá n̄ sɔdɔnaai.

¹⁶ Dikiri dì kpε li yāvānikerinɔne,
de n̄ yā sún dɔ gbēkeguro yāi.

¹⁷ Tó gbē mananɔ lé zù Dikirii, àdi ma,
àdi n̄ bo n̄ warinɔ gūn pínki.

¹⁸ Dikiri káni kū gbē kū n̄ pɔ yàkanɔ,
àdi kpá gbē kū n̄ ãn sisinanɔi.

¹⁹ Wari ògõ gbē mana le gèn baaakõ,
ama Dikiri dì a bo a gūn pínki.

²⁰ Àdi a wánɔ dākpã pínki,
a ke dì éro, bee mèn do.

²¹ Kisira ni gbē vāninɔ dede,
yā ni vute gbē mana iberenɔa.

²² Dikiri dì a zõblerinɔ mì sí,
yā ni vute gbē kū à naiaro.

35

Gbē mana ɔ̀dɔna Dikirine

Dauda lɛɛ.

¹ Dikiri, ñ ibere sé kũ ma ibereɲɔ,
 ñ zĩ ká kũ gbē kũ òten zĩ ká kũmaonɔ.

² Ñ n sēgbako kũ n zĩkabɔɲɔ sɛte,
 ñ fute ñ kpámai.

³ Ñ n sári kũ n fēnɛdao sé dɔ,
 ñ gé ñ da gbē kũ òten pɛtemainɔɛ.

Ñ omene ma surabariime n ũ.

⁴ Gbē kũ òteni ma wete ò ma denɔ,
 ñ tó ò kpe li, wé'i n kũ.

Gbē kũ òten kisira gōgōmainɔ,
 ñ tó ò fua, mà n kpe e.

⁵ Ōgō de lán ése ũkã kũ ña sɛte bà,
 Dikiri Malaika pɛrĩma.

⁶ Ñ zé gō gusira ũ kũ guzãreɛɔ,
 Dikiri Malaika ɔ sōnyĩ.

⁷ Zaakũ ò wɛɛɛ yōmene pã,
 mádi yãke kɛñero, akũ ò bàa kpàkpaɛne.

⁸ Ñ tó kisira n le kãnto,
 ñ tó bà kũ ò kpàkpaɛne n kũ
 de ò léte wɛɛ kũ ò yṑ pìi gũn.

⁹ Ma pɔ ni gbasa à ke Dikiria nna,
 manì pɔnna ke kũ à ma sura bà yãì.

¹⁰ Mani pi kũ nɛɛdoo,
 Dikiri, dí mé à de lán n bàa?
 Ndì takasidenɔ sí gbãnamɔ̀nnerinɔ,
 ndì wɛ̀ndadenɔ bo n wɛ̀tãmmarinɔ ɔĩ.

¹¹ Sèeda ékedenɔ dì futɛmai,
 òdi yã kũ má a yã dōro lalama.

¹² Òdi yã mana fĩna bomenɛ kũ yã vãnio,
 akũ ma gō boado ũ.

¹³ Tó ò gyã kè sō, ma uta kasa dà,
 ma ma zĩda bùsa kũ léyĩnaao,
 ma adua kèñne lakanaa sari,

¹⁴ lákũ ò de ma gbɛnna ke ma danɛ ũ bà.
 Ma kure má mĩpetena kũ posirao,
 lákũ ma dan maten wɛ̀nda kenɛɛ bà.

¹⁵ Ama kũ ma gɛ̀ɛ sì,
 ò likamai kũ pɔnnao,
 ò ma ke pã ò lɛtema,
 ò ma yaka lakanaa sari.

¹⁶ Ò ma fobò pãsipãsi,
 ò saka pitima.

¹⁷ Dikiri, ñigō ma gwa ɛ ari bɔreɛ?
 Músu pìɲɔ teni ma ke yákiyaki,
 ñ ma símma màgō kú wɛ̀ndiio.

18 Mani n sáabu kpá pari kōkakarana gūn,
mani n tó kpá gbēnɔ wára.

19 Ñsun tó ma ibeɛnɔ ma yáa dɔro,
ñsun tó gbē kū ò zámagu pānɔ
ma gwa kū wé vānioro.

20 Yā nna dì bo í lénlo,
òdi yā di yāketesaridenɔa.

21 Òdi lé atē ò pi:
Èhē, èhē, ó wé è.

22 Dikiri, n wé è, ñsungõ yītenaro,
ma Dikiri, ñsungõ zà kūmaoro.

23 Ma Luda, ñ futē ñ zε kūmao,
ma Dikiri, ñ tó yā bo kūmao nna.

24 Ndì yā ke a zéa,
Dikiri ma Luda, ñ yā nna kpáma,
ñsun tó ò ma yáa dɔro.

25 Ñsun tó ò o í swèn ò ma nero,
ñsun tó ò pi ò ma mɔ bēnero.

26 Lákū òten pɔnna ke ma wétāmmanaa musu nà,
ñ tó wé'í í kū, mà í kpe e.

Lákū òten zōkōke mɔmene nà,
ñ wé'í daríma ñ í kpe bo.

27 Gbē kū ma bona mana dì keíne nnano
ñ tó ò pɔnna ke ò ayuwii ke.

Gbē kū ma bona aafiaa dì kángunɔ
ñ tó ògõ pi baala'í, Dikiri mé à zōkō.

28 Makū s̄s̄, mani n náani yā o,
manigõ n sáabu kpá gɔrɔ s̄inda pínki.

36

Bisásiri vāni

Dikiri zōbleri Dauda lèe.

1 Gbē vāni durunna yā dɔ ma swèèa,
à wé digõ Luda wé'í víro.

2 Zaakū àdigõ a zīda e gbē mana ūme,
àdi a durunna dō gbasa à zānlo.

3 Èke kū manafikio kú a lén,
à ñndõ kū manakenaaoo tò.

4 Àdi yā vāni laasun lé a wútekia,
àdi gí yā pásīro,
àdi a zīda da zé fayasariden.

5 Dikiri, n yenyī zōkō kà ludambea,
ñ náani ví manamana, à zō susunenɔa.

6 N manakena zōkō lán kpínɔ bà,
n yāzedeke lé víro lán ísira lòkotoo bà.

Dikiri, ndi bisásirinɔ kū nòbɔnɔ bo pínki.

7 Luda, n yenyī bèere ví fá,

bìsásirinɔ dì ute n orun.

⁸ Òdi n ɔn póbìle nísìde ble ò ká,
ndì n swa'ì pɔnnade kpámma ò mi.

⁹ Zaakū mɔkɔmmɛ wëndiboki ũ,
ó konna n gupuran mé à ó wé kè.

¹⁰ Ñgõ yenyĩ mɔ gbē kū ò n dɔnɔnɛ,
ñgõ nèsɛpuradenɔ sura ba ñgõ gé.

¹¹ Ñsun tó zĩdabirinɔ gèsɛ pétepetemaro,
ñsun tó yāvānikerinɔ ɔ sōmaĩro.

¹² Ñ gwa, manafikide pìnɔ lètɛ,
ò gò wutena sòrɔrɔ, oni fɔ ò futero.

37

Gbē mananɔ kū gbē vāninɔ ziakpɛ zĩ

Dauda lèɛ.

¹ Ñsun tó gbē vāninɔ yā n kū gbānaro,
ñsun yāvānikerinɔ gwena ni dero,

² zaakū ò kori kɛ tera lán sèɛ bàɛ,
ń manakɛna ni láka lán sèla ísi bà.

³ Ñ Dikiri náani kɛ, ñgõ yā mana kɛ,
ñgõ kú bùsu dín, ñgõ nna ma.

⁴ Ñ tó n pɔ gõ nna kū Dikirio,
ani pó kú n nèsɛ yei kpámma.

⁵ Ñ zɛ kū Dikirio ò a náani kɛ,
ani yā dínɔ kennɛ.

⁶ Ani tó yā bo kúnwo nna lán gudɔnaa bà,
ani tó ñ bo mana lán fānantɛ gupurakūnaa bà.

⁷ Ñ zɛ kū menao Dikiri arɛ ò a dá,
ñsun tó aruzekede yā n kū gbāna
gɔrɔ kú à bò kú a wézɛ vānioro.

⁸ Ñ pɔfɛ tó ñ m̀ kè pètɛa.

Ñsun tó yā birenɔ n kū gbānaro,
àdi su kū yāvānikenaaoɛ.

⁹ Zaakū gbē vāninɔ ni kakatɛ,
gbē kū ñ wé dɔ Dikiriinɔ mé ògõ bùsu vĩ.

¹⁰ À gò fítì kú gbē vāninɔ nigõ kun doro,
bee tó n ń wétɛ, ñni ń lero.

¹¹ Zĩdabusarinɔ mé onigõ bùsu vĩ,
onigõ pɔnna kɛ kú aafia zòkɔɔo.

¹² Gbē vāni dì yā vāni kpákpa gbē mananɛ,
àdi sakaa pítia.

¹³ Ama Dikiri ògõ a yáa dɔ,
zaakū à dõ kú a gɔrɔ ni papa.

14 Gbē vāninɔ dì fēnɛda woto,
 òdi n̄ kà kpá sála,
 de ò le ò takasidenɔ kũ wēndadenɔ dɛdɛo,
 ò gbē kũ n̄ yākɛna mananɔ kakatɛ.

15 N̄ zīda fēnɛda ni n̄ zō n̄ swèn,
 oni n̄ sánɔ é'énɛ.

16 Pó fíti kũ gbē mana vī
 de gbē vāni dasinɔ aruzɛkɛla,

17 zaakũ gbē vāninɔ gbāna ni m̀ dɛ,
 ama Dikirimɛ gbē mananɔ kũna ũ.

18 Dikiri taarisaridenɔ yā dō,
 n̄ bakaa digō de n̄ pó ũ gɔrɔ sīnda pínki.

19 Wé'i ni n̄ kũ yā pásī gɔrɔ zīro,
 bee tó n̄a kà, onigō kána.

20 Gbē vāninɔ sō oni kakatɛ,
 Dikiri ibɛrenɔ ni láka lán sēla b̀tɔɔ bà,
 ò gēte lán túsukpɛ bà.

21 Gbē vāni dì pó sākāńma à a fīna boro,
 gbē mana sō àdi gba da yōnkoyōnkɔ.

22 Gbē kũ Dikiri arubarikaa dāngunɔ mé ògō b̀su vī,
 gbē kũ à lé kēńnenɔ sō oni kakatɛ.

23 Dikiri mé àdi zémile kũ gbēnɛ,
 a pɔ digō nna a kunnaaa.

24 Bee tó à gēɛ s̀, ani léte sɔrɔrɔro,
 kũ Dikiri a kũna yāi.

25 Kefennan ma ũ yā, akũ ma zī kũ,
 mádi e Luda gbē mana z̀kũna zikiro,
 mádi e à n̄nɔ ten bara kero.

26 Àdigō gba da gɔrɔ sīnda pínki
 àdigō pó sākāńne,
 a n̄nɔ nigō de arubarikadenɔ ũ.

27 N̄ kpɛ li yā vāninɛ ògō yā mana kɛ,
 ñinigō kũ b̀su dín gɔrɔ sīnda pínki.

28 Zaakũ Dikiri ye yāzɛdei,
 ani a n̄anikerinɔ zukũnaro.

Onigō kun aafia gɔrɔ sīnda pínki,
 gbē vāninɔ sō oni kakatɛ.

29 Gbē mananɔ mé ògō b̀su vī,
 onigō kun gɔrɔ sīnda pínki.

30 Ɔndōyā dì bo gbē mana lén,
 a lé dì yāzɛde o.

31 A Luda doka kũ a swèn,
 a gbá dì sata pókearo.

32 Gbē vāni dì gbē mana kpákpa
de à le à a de,
33 ama Dikiri ni a tó a ɔĩro,
ani we yákpate a blero.

34 Ñ Dikiri dá ñgõ a yā kūna,
ani n kara de ñgõ bùsu vī,
ĩni gbē vāninɔ midena e.

35 Ma gbē pāsī gbānade ke è yā,
àten ɔ tá lán lí kū zíte kène nna bà.
36 Kū tá kà kūmao gwe, à kú gwe doro,
ma a wète, mádi a lero.

37 Ñ taarisaride yā gwa,
n wé pé gbē mana yāi,
zaakū nēseyídade burinɔ ni gõ buri ũ.
38 Durunnakerinɔ sõ oni kakate lēlelelele,
gbē vāninɔ buri ni mì de.

39 Dikiri mé ani gbē mananɔ sura ba,
anigõ deñne uteki ũ warikεgɔɔa.
40 Dikiri ni kpáyī à n bo,
ani n sí gbē vāninɔa à n sura ba
kū ò nài yāi.

38

Takaside aduakεnaa

Dauda lē.

¹ Dikiri, ñsun ma toto kū pɔfēoro,
ñsun ma sã fi kū pētēoro.

² N kànɔ ma papa,
n ɔ tōma.

³ Ma mē gbāna làka n pētē yāi,
ma wá aafiaro ma durunna yāi.

⁴ Ma taarinɔ dàmala,
ò tōma lán aso tìkisii bà.

⁵ Ma bònɔ lì fōnna ũ,
ò yagi kè ma yōnkòke yāi.

⁶ Má kuna, ma gõ zólòlò,
madigõ té ànsisiname gɔɔ sīnda pínki.

⁷ Ma kpεwa ten wí yápura,
ma mē gbāna vīro.

⁸ Má gbāna vīro, ma mē kè búgubugu,
maten wiki lé ma poyakana yāi.

⁹ Dikiri, n pó kū má yei dõ pínki,
ndi ma ndana ma sãnsã.

¹⁰ Ma kú ten vī gbì gbì, ma gbāna làka,
ma wé ten té ke doro.

¹¹ Ma gbēnnanɔ kū ma gbēnɔ dì gbātemene,

ma danɛnɔ dì bàa lémenɛ ma bònɔ yāi.

12 Gbē kū ò wete ò ma denɔ di bà kpákpaɛnɛ,
ma weterinɔ dì yā vāni kpákūsū kūmao,
òdigɔ manafikiyā gwa kū kɔɔ gɔɔ sīnda pínki.

13 Ma gɔ lán sāto bà, madì yā maro,
lán gbē kū a néné nàte bà, madì lé wēkɔaro.

14 Mǎ de lán gbē kū àdi yā maro bà,
madì weńmaro.

15 Dikiri, mǎkɔmmɛ ma wé dɔnyī,
ĩni ma yā ma, Dikiri ma Luda.

16 Ma pì, ñsun tó ò yǔgɔ kemaro,
ñsun tó ò ĩa dǎ ma satana yāiro.

17 Ma ka letena,
madigɔ kú yā'úmmanaa gūn.

18 Mani ma yā vāninɔ onne sà,
zaakū ma durunna yāin ma pɔ yakana.

19 Ma ibere pásīnɔn lé vīro,
gbē kū ò zǎmagu pǎpǎnɔn dasi.

20 Òdi yā mana fīna bomɛnɛ kū yā vānio,
yā manan má téi, akū ò ibere sè kūmao.

21 Dikiri, ñsun ma zukūnaro,
ma Luda, ñsungɔ kú kūmao zǎro.

22 Ñ mɔ ñ kpámai likalika,
ma Dikiri, ma surabarii.

39

Takaside ɔɔɔna Ludane

Dauda lèɛ.

1 Ma pì, manigɔ ma zīda kūna dɔ,
mani tó ma lé ma da durunnakɛnaa gūnlo.
Tó gbē vāni kú kūmao, mani ma lé kū.

2 Ma lé nakɔana, ma yīte kítikiti,
mádi yāke oro, bee yā mana se,
akū ma yā'úmmanaa èra à kàra.

3 Ma swèɛ puusu bò ma gūn,
kū ma laasunn lè, ma nèseɛ wà,
akū ma lé bò ma pì:

4 Dikiri, ñ tó mà a wèndigɔɔ lé dɔ
kū ma gɔɔ dasi léo.

Ñ tó màgɔ dɔ lákū ma wèndii ni láka nà araga.

5 N ma wèndi lé yò n ɔla lén,
ma kunna de wé kū yīola n kīnaaro.

Gbē sīnda pínki dì gēte lán ĩa bàme,
6 bisāsiri tena dìgɔ de lán uraa bàme.

Àdi ke gàragara à aruzekɛ kakara,

ama à d̄s ke dín ani ḡñero.

⁷ Tó l̄eme, b́ t̄amaan maniḡ v̄i?
M̄ok̄m̄me ma wé donȳi, Dikiri.

⁸ Ñ ma taarin̄ k̄ma,
ñsun tó ȳnk̄n̄ ma foboro.

⁹ Ma lé nak̄ana, mádi ma lé w̄k̄aro,
zaakū m̄ok̄n̄ mé n yā bire k̄e.

¹⁰ Ñsun ma lé doro,
n okū teni ma ká gaa.

¹¹ Ndi gb̄e toto ndi wé t̄aa a durunna yāi,
ndi a aruz̄eke ble lán blé bà.
Gb̄e s̄inda pinki di ḡete lán ia bàme.

¹² Ñ ma aduak̄ena sí Dikiri,
ñ s̄á kpá ma wikil̄enaaa.
Ñsun s̄á tata ma ́od̄naanero,
zaakū n nib̄on̄ ma ũ,
má de gb̄e ž̄it̄ ũ lán ma dizin̄ bà.

¹³ Ñ wé goma de ma p̄o le àḡō nna d̄o,
ari m̄aḡō gé andunia tó.

40

Dikiri s̄abukpanaa

Dauda l̄e.

¹ Ma wé d̄o Dikirii manamana,
akū à are d̄ma à ma ́od̄naa mà.

² À ma bo t̄ñ̄w̄ee ḡun,
à ma bo fokon.

À ma gbá p̄ete gb̄esi musu,
à ma ze gwe ḡingin.

³ À l̄e dufu d̄am̄ene ma lén
ó Luda s̄abukpana p̄o ũ.

Gb̄en̄ ni e dasi, v̄ina ni n̄ k̄ū,
ò Dikiri náani ke.

⁴ Arubarikaden gb̄e k̄ū à Dikiri náani v̄i ũ,
akūs̄ àdi are d̄o ž̄idabirin̄ k̄ū t̄anagbagbarin̄aro.

⁵ Dikiri ma Luda, n yābonsarekenan̄on̄ dasi,
oni f̄ō ò yā k̄ū nten p̄awere d̄od̄oro.

Tó maten babanne, à lé v̄iro,
mani f̄ō mà o p̄inkiro.

⁶ Ñ ye sa'op̄o ke gbairo,
akū n ma gba s̄á mà yā mao.

Ñdi sa'op̄o k̄ū òdi ká tén à té k̄ū
ke durunna k̄utekeb̄o gbekaro.

⁷ Akū ma pi: Makūme la,
ma su lákū à k̄ena takadan ma yā musu nà.

⁸ Má ye n p̄yenȳina keme, ma Luda,

n doka kú ma swèè gūn.

⁹ Mani yāzede baaru kpá pari kōkakaranaa gūn,
mani ma lé nakšaro, lákū n̄ dš nà Dikiri.

¹⁰ Mádi n yāzedeke uteńnero,
ma n náani kū n surabanaao yā ò.
Mádi gí n yenyī kū n yāpurao oi
pari kōkakaranaa gūnlo.

¹¹ Dikiri, n̄sun gí ma wēnda gwairo,
n yenyī kū n yāpurao gō ma dákpá.

¹² Zaakū yā vāni kū à likanamai lé vīro,
ma taarinō dāmala, maten gu ero,
à dasi de ma mikāla, swèè kèmagu.

¹³ Dikiri, n̄ sùru ke n̄ ma sura ba,
Dikiri, n̄ ke likalika n̄ mós n̄ kpámai.

¹⁴ Wé'i gbē kū òten wete ò ma denō kū,
ò n̄ m̄ péte.

Gbē kū ò ye mà kisira enō kpe li,
n̄ ān gō sisina.

¹⁵ Gbē kū òdi pimene, taare, taarenō,
wé'i n̄ kū ò gō ḡiri.

¹⁶ Gbē kū òteni n ki wetenō,
n̄ tò n̄ pō kemma nna ò yāa dō.

Gbē kū ò ye n surabanainō
gō pi Dikiri zōkō.

¹⁷ Takaside wēndademe ma ū,
n̄ laasun lé ma yāa, Dikiri.

Mōkōmmē ma kpanyīri ū kū ma m̄sirio,
ma Luda, n̄sun ḡi kero.

41

Gyāre aduakēnaa

Dauda lèe.

¹ Arubarikaden gbē kū àdi gbānasaride yā da ū,
Dikiri d̄i a bo warikenagōra.

² Dikiri ni à dákpá à a gba wēndi gbàna,
ani arubarika daagu a b̄usun,
ani a kpá a iberenōa ò n̄ poyeina kearo.

³ Dikiri ni ze kāao tó à wutena gyān,
ani tó à fute gyā pin aafia.

⁴ Ma p̄i: Dikiri, ma durunna kènne,
n̄ ma wēnda gwa, n̄ ma gba aafiaa.

⁵ Ma iberenō teni ma wete kū gao ò p̄i:
Boren ani ga de a tó sātēe?

⁶ Tó ò sù ma gwa, yā pān òdi omene,
òdi baaru vāni wete ma yā musu,
gbasa òdi fute ò gé ò yā p̄i fā bàai.

7 Ma zāngurinɔ dì ma kpákpa kũ yā vānio,
 ñ pínki òdi àlesi vāni dɔma ò pi:

8 Gagagyā mé à a lè,
 ani fute a wutena bire gūn doru.

9 Bee ma gbēnna kũ ma a náani kè,
 kũ odi ɔ kakara ta dokɔnɔ gūn bò ma kpe.

10 Mɔkɔn sɔ Dikiri, ñ ma wēnda gwa,
 ñ ma gba aafiaa de mà fina boíne.

11 Tó ma ibereɔ dí ma yǒgɔ kemaru,
 manigɔ dɔ sà kũ ma yā kangu.

12 Ñ ma kũna ma nēsemana yāi,
 ñ tò màgɔ kú n are gɔɔ sinda pínki.

13 Arubarikade Dikiri, Isarailanɔ Luda
 zaa káaku ari gɔɔ sinda pínki!
 Aami! Aami!

TAKADA PLADE

Zabura 42-72

42

Zìzɔ ɔɔdɔnaa

Kora burinɔ lèe.

1 Lákú zɔ dì swa sare ni de nà,
 len n ni dì ma de le, Luda.

2 Ma nini ten Luda ni de, Luda Wēndide pìi.
 Bɔren mani le mà gé daalee?

3 Wétē mé à gɔ ma pɔble ũ
 fānantē kũ gwāanio,
 òdigɔ pimene gɔɔ sinda pínki:

N Luda kú máa?

4 Ma nēsee wēnne, akũ yā díkīnanɔ dɔmagu,
 lákú madì gé pari gūn nà ari Luda ɔnn,
 gbēnɔ òdigɔ tété ma kpe kũ ayuwiiu,
 dikpekerinɔ dì dodomai kũ sáabukpanaa.

5 Bóyāin ma nēsee yàkaa?

À kè dera ma laakarìi fùtēe?
 Séde màgɔ wé dɔ Ludai,
 zaakũ mani era màgɔ à sáabu kpá,
 ma Surabari, ma Luda.

6 Ma nēsee yàka, akũ n yā dɔmagu
 zaa Miza kpigereei ari Yoda mìa,
 zaa Emɔ kpínɔ musu.

7 Ndi tó ísɔkena kīni gɔ dɔ,
 í lòkotonɔ ten lé zukɔi.
 N tò í ten damala,
 a sɔ ten tá kũmao.

8 Dikiri dì yenyī mɔmene fānantē,
 a lèe òdigɔ dɔ ma lén gwāani,

maten wé ke Luda kú à de ma wèndi ũa.

⁹ Madi pi Luda ma gbèsine:

Bóyáin ma yá sànguu?

À kè dera n tò màgõ té kú pɔsirao
ma ibere wétámmana yáii?

¹⁰ Ma waridɔmmarinɔ di ma sɔsɔ,
akū ma wáno digõ wí,
òdigõ pimene ɔrɔ sinda pínki:
N Luda kú máa?

¹¹ Bóyáin ma nèsee yàkaa?

À kè dera ma laakaríi fùtée?

Séde màgõ wé dɔ Ludai,
zaakū mani era màgõ a sáabu kpá,
ma Surabari, ma Luda.

43

¹ Ñ ma yá nna kpáma Luda,
n ze kúmao buri ludadɔrisarinɔ yá musu,
n ma bo gbé vāni manafikidenɔ ɔĩ.

² Luda, mɔkɔmme ma uteki ũ,
bóyáin n gimaii?

À kè dera n tò ma gõ té kú pɔsirao
ma ibere wétámmana yáii?

³ Ñ n gupura kú n yápuraɔ zĩma,
à domene are n kpi musu,
à gé kúmao ari n kúkia gwe.

⁴ Gbasa mà gé n gbagbakia Luda,
ma pɔ ni kemma nna, Luda ma pɔnna,
mani n tó kpá kú mɔrɔɔo,
Luda ma Luda.

⁵ Bóyáin ma nèsee yàkaa?

À kè dera ma laakaríi fùtée?

Manigõ wé dɔ Ludai,
zaakū mani era màgõ a sáabu kpá,
ma Surabari, ma Luda.

44

Isarailanɔ faaba wékenaa

Kora burinɔ lèe.

¹ Luda, yá kú n kè zaa gikena ó dizinɔ ɔrɔɔa,
ò òwene ó sã mà.

² N ɔ sɔ burinɔi n wari dɔmma,
n ó dizinɔ kate n gbèn,
n n kara ò dàgula.

³ Adi ke n feneda mé à n ká bùsu díaro,
n gàsã gbānan ò zli blèoro.

N zĩda gàsã gbāna mé à tò,
n are dɔmma kú n yeńyĩ yāi.

4 Mòkõmme ma Kína ũ ma Luda,
 ndì tó Yakubu burinɔ zì ble.
 5 N gáin odi ɔ s̄s̄ ó iberenɔi,
 kũ n t̄son odi gbá pétepete ó zāngurinɔa.
 6 Adi ke ma sá náanikenanlo,
 adi ke ma f̄neda mé àdi ma boro.
 7 Zaakũ mòk̄n mé ndì ó sí ó iberenɔa,
 ndì wé'i da ó zāngurinɔa.
 8 Luda, odìḡɔ n sáabu kpá ḡɔɔ s̄inda pínki,
 odìḡɔ n tó kpá lakanaa sari.

9 Bee kũ abireo n giwái n tò wé'i ó kũ,
 ndì bo kũ ó z̄ikarinɔ doro.
 10 N tò o boru kpe ó iberenɔne,
 n tò ó zāngurinɔ ó p̄nɔ nàk̄sa.
 11 N ní gbá zé ò ó dede lán s̄anɔ bà,
 n ó f̄ák̄sa burinɔ té.
 12 N n gb̄enɔ yla araga,
 ndi àre le a ḡunlo.

13 N tò ó gb̄edakenɔ ó s̄s̄s̄,
 gb̄ē kũ ò kú ó sarenɔ ó lalandii kè.
 14 N tò o ḡɔ baaru p̄ó ũ burinɔne,
 gb̄enɔ di ní m̄i ȳiḡawere.
 15 Madìḡɔ kú kũ wé'io ḡɔɔ s̄inda pínki,
 ma gasuu ḡò kpá ma wéi
 16 ma lalandikerinɔ kũ ma s̄s̄s̄rinɔ yāi
 kũ ma iberɛ kũ ò ye ò f̄ina bomanɔ yāo.

17 Abirekũ ó lé pínki,
 bee kũ n yā dí s̄aóguro,
 ódi n bàka kunna kũoo yā gbororo.
 18 Ó laasun dí k̄emmaro,
 ódi k̄ē n z̄éaro.
 19 N ó ké dúgudugu,
 n ó bùsu kè gb̄ēgbonnɔ kureki ũ,
 n gusira níkiniki dàóla.

20 Tó ó Dikiri tó s̄aógu yā,
 ke tó ó wé d̄ò buri z̄it̄nɔ t̄ananɔi,
 21 Luda ni gí ei yá?
 Zaakũ àkũ mé à ó n̄eseḡunyānɔ d̄s̄ pínki.
 22 N yāi ó kú ga léi zaa k̄onk̄o ari ɔk̄osi,
 òdi ó dite lán s̄a kũ oni ní k̄utu kpánɔ bà.

23 Ñ̄ vu Dikiri! À kè dera nten i oo?
 Ñ̄ fute! Ñ̄sun gíwái ḡɔɔ s̄inda pínkiro.
 24 À kè dera n k̄òk̄ɔɔ d̄òw̄ereɛ?
 Ó w̄endake kũ ó w̄ét̄ammanaao s̄angun yá?

25 O ḡɔ ȳina lukut̄ēn,

o gō wutena zīte.

²⁶ Ñ futε ñ kpáwái,
ñ mó ñ ó bo n yenyī yāi.

45

Kína nɔsena lèε
Yenyī lè kù Kora burinɔ dà.

¹ Yá nna ten pípi ma swèε gūn,
lákū maten lè díkína da kínane nà.
Ma lé nna lán takadakēri mana takadakēbɔɔ bà.

² N manake de gbē sīnda pínkila,
n légbεε digō nna,
arubarika kù Luda dàngu lakana vīro.

³ Mɔkɔn zìkari pásī, ñ n fēneda sé
ñ loko n kíkεgakuri sèeda ũ.

⁴ Ñ di sōa ñ gé zì ble n gakurike gūn
yāpura kù nèsedoo kù yāzεdeo yāi,
ñ yā náasidenɔ ke kù n ɔpla gbānao.

⁵ Kí, n kànɔ lé sōnte,
àdi gē à n ibεrenɔ swè zō,
burinɔ di léte n gbá sare.

⁶ Luda, ñigō vutena kpatan gɔrɔ sīnda pínki,
ñigō n kíkεgo kúna yāzede ũ.

⁷ Ñ ye yāmanakenaai, n zā a yāvānikenagu.
À yā mé à tò Luda, n Luda, n ka kín,
à pɔnna pìsimma de n gbēnɔla.

⁸ Lí'ɔ gbī nnanna pìsi n pókasanɔa,
mɔrɔ ũ di n pɔ ke nna
n kpé kù ò kèke kù wisa sakaao gūn.

⁹ Kína nénɔgbēnɔn kù n nɔ yenyīdenɔ té,
n nɔ dufu kù n ɔplai,
à Ofi bùsu wurapɔnɔ dana.

¹⁰ Nénɔkpare, ñ sã kpá ñ ma!
N de bε kù n gbēnɔ yā sún donne arero.

¹¹ N nɔmanake ten kína mēε luka,
ñ mì natεne, zaakú n dikirimε a ũ.

¹² Tayadenɔ ni su ò gba danne,
aruzekedenɔ ni n wé wete.

¹³ Kína nénɔkpare vutena kpéne gūn kù gakurio,
ò ɔzī kè a pókasanɔa kù wura bàao.

¹⁴ Òten su kāao kínane
kù a pókasa wānzāndenɔ dana.

Nénɔkpare zennerinɔ téi,
òten su kāao a kīnaa.

¹⁵ Òten gē kūńwo kínabea,
òten pɔnna ke kù ayuwiikenaa.

¹⁶ N négōgbēnɔ ni gō n denɔ gēne ũ,
ñni ñ ditedite kínano ũ andunia gūn pínki.

17 Mani tó n tó gō dō gbēnōgu lakanaa sari,
burinō nigō n sáabu kpá gōrō sīnda pínki.

46

Luda kú kūoo

Kora burinō lēε.

¹ Ludan ó uteki ū kū ó gbānao,
àdigō kpáwái gōrō sīnda pínki ó warikēnaa gūn.

²⁻³ A yā mé à tò bee tó andunia yàka
akūsō kpinō lēte ò sì ísiran,
bee tó í pì kīni kà à fùtaa bò
akūsō kpinō dēge kū kīnio,
swè̀ ni kḕóguro.

⁴ Swa ke kun kú a í dì su kú pōnnao Luda wēte gūn,
Luda Musude kúki kú à kú adonaa pìi.

⁵ Luda kú wēte pìi gūn, ani gō bezi ūro,
Luda ni kpái gudōo.

⁶ Burinō ten wiki lé, kpatanō ten yīgā,
Luda pūtā, akū andunia yò.

⁷ Dikiri Zīkaride kú kūoo,
Yakubu Ludan ó uteki ū.

⁸ À mó à Dikiri yākenanō gwa,
lákū à yā yā anduniaa nà.

⁹ Àkū mé àdi zīi mì de ari andunia lén,
àdi sánō é'ε àdi sárinō dúgu zō,
àdi té sō sēgbakonōa.

¹⁰ À ze teene àgō dō kú makūme Luda ū.
Burinō ni ma tó sé lei,
oni ma tó kpá andunia gūn pínki.

¹¹ Dikiri Zīkaride kú kūoo,
Yakubu Ludan ó uteki ū.

47

Ludame andunia pínki kína ū

Kora burinō lēε.

¹ Buri sīnda pínki, à okpa lé,
à pōnna wiki lé Ludane kú ayuwiiio.

² Zaakū Dikiri Musude naasi vī,
andunia pínki Kína zōkōōme a ū.

³ À tò o zīi blè burinōa,
à tò o gēsēε pēte gbēnōa.

⁴ À ó zīte bakaa kpàwá,
a yenyīde Yakubu burinō ìadābō ū.

⁵ Luda fūte, òten ayuwii ke,
Dikiri zēna, òten kuru pé.

⁶ À lè sí Ludane, à lè síne,

à lè sí ó Kínane, à lè síne.

⁷ Zaakū andunia pínki Kíname a ũ,
à lè síne kū dōnaao.

⁸ Luda ten kí ble burinɔa,
à vutena a kpata kū à kú adonaaa.

⁹ Burinɔ kpatablerinɔ ten kɔ kakara
gbē kū ò de Ibrahī Luda gbēnɔ ũ,
zaakū andunia kínanɔ bi Luda pómē.

À deńla n pínki.

48

Zaiš bi Luda wēteme

Kora burinɔ lēe.

¹ Dikiri zókɔ, à kà ò a sáabu kpá manamana
ó Luda wēte gūn a kpi kū à kú adonaa musu.

² Zaiš gbè katena mana,
à de andunia gbē sīnda pínkinē ponna ũ.
Kína zókɔ wēte pì kú kpi gugbānduru kpa.

³ Luda kú a gudākpákinɔ gūn,
à tò ò a dō aafialeki ũ.

⁴ Kū kínanɔ lédokōnɔ kè
de ò su ò létea leele,

⁵ kū ò wēte pì è le, akū à bò n sare,
vīna n kū, akū ò bàa lè.

⁶ Ò gō kū lukanaao
lán nɔgbē nɔwāwākerii bà.

⁷ N n kè dúgudugu
lákū ifāboki ĩa dì lagatarinɔ gó'iteno kakate nà.

⁸ Yā kū o maaan ó wé è
Dikiri Zikaride ó Luda wēte gūn.
Luda wēte pì kàte àgō kun gɔrɔ sīnda pínki.

⁹ Luda, ó kú n kpé onn,
óten laasun lé n yenyīkenaaa.

¹⁰ Luda, lákū n tó dàgula ari andunia lén nà,
len n sáabukpanaa dàgula le dɔ.

Ndì yā gōgō n gbēnɔne a zéa.

¹¹ Zaiš kpidenɔ ten ponna ke,
Yudanɔ bùsu wētedenɔ pɔ kè nna,
yākpate kū n kènɔ yāi.

¹² À dɔdɔkōa à lika Zaiši,
à a bīni dākpāki lei dasinɔ naro.

¹³ À a bīninɔ tàasi ká kū a zeki gbānanɔ
de à le à baba zadenɔne.

¹⁴ Zaakū Luda díme ó Luda ũ gɔrɔ sīnda pínki,
àdi dowerε are ari ò gé gao.

49

Aruzeke náanikena bi yōnkoyame

Kora burinɔ lɛɛ.

¹ Buri sīnda pínki, à yā díkīna ma,
andunia pínki, à sā kpá,

² kīnanɔ kū talakanɔ,
aruzekedenɔ kū takasidenɔ á pínki.

³ Ōndōyā kú ma lén,
dōna kú ma swèn.

⁴ Mani sá dɔ yáasi yāi
mà a bɔkɔte ke kū mɔɔlenaaɔ.

⁵ Mani vīna ke yā pásī gɔɔnɛro,
bee tó ma zāngurinɔ likanamai.

⁶ Ò ní aruzeke náani vī,
òdi ní ɔgɔda ãa dā.

⁷ Gbēke ni fɔ à gí a gbēdakenɛ ga kū ani gairo,
ani le à póke kpá Ludaa à a wèndi booro.

⁸ Zaakū gbē wèndi bona zī'ū,
aruzeke ni fɔ à bo zikiro.

⁹ Ani fɔ à tó àgɔ kun gɔɔ sīnda pínkiro,
ani fɔ à gíne àsun wé ke pla kū gyāwānworo.

¹⁰ Zaakū ò dō kū bee ōndōrinɔ dī ga,
mīsaridenɔ kū yōnkɔnɔ dī mī de le se,
òdi ní aruzeke tó gbē pāndenɔne.

¹¹ Bee kū ò ní tónɔ kpà būsunɔne yā,
ní mira nigɔ de ní be úme gɔɔ sīnda pínki,
anigɔ ní kúki ū ari ní buria.

¹² Bisāsiri kū a bèerekeo
dīgɔ kun gɔɔ sīnda pínkiro,
ani kakate lán nòbɔnɔ bàme.

¹³ Mīsaridenɔ lakanaan gwe,
leme à de le dɔ kū gbē kū ò té ní ágbainɔ.

¹⁴ Oni si gyāwānn lán sānɔ bà,
ga mé anigɔ de ní dāri ū,
gbē mananɔ ni kí bleńma gudɔɔ.

Ní mènɔ ni yagi kū miran,
gyāwān mé anigɔ de ní be ū.

¹⁵ Ama Luda ni ma wèndi sí gyāwānnwa
à gbānake kpámai.

¹⁶ Tó gbē ten gɔ aruzekede ū
akūsɔ a be tó ten bo nna,
n̄sun tó à kenne yāke ūro,

¹⁷ zaakū ani le à póke sé à táo a gagɔɔro,
a aruzekenɔ ni bó téiro.

¹⁸ Bee tó à a zīda dō arubarikade ū a wèndi gɔɔ
akūsɔ ò a sáabu kpà a nnamana yāi,

¹⁹ ani ká a dizinɔlame,

ani wé ke pla kú gupurao ziki doro.

²⁰ Bisāsiri kú a bèerekeo,
tó a wé dí kéro,
ani gēte lán nòbɔno bàme.

50

Donyĩkena yápura

Asafa lèe.

¹ Dikiri Luda Gbānasīndapinkide ten yā o,
àten lé zu andunia gbēni
zaa ifáboki kpa ari a léte kpa.

² Luda gakurí ten bi Zaiṣ,
wēte kú a manake papana.

³ Ó Luda ten su, anigō yītenaro.
Té kú àdi ní ble kú a are,
zàgaṛa pásí likai.

⁴ Àten musudeno sísi kú zītedenɔ
de à le à yákpate ke kú a gbēno.

⁵ À pì: À ma yāmarino kakaramene,
gbē kú ma bàka kú kúńwo sa'onaa gāino.

⁶ Ludame yákpatekeri ũ,
musudeno di a yākena a zéa kpàkpa ke.

⁷ À ma, ma gbēno, má yā vī mà oáre,
Isarailano, mani á dà bobo,
makūme Luda á Luda ũ.

⁸ Maten zuka kááí á sa'ona yairo,
ke sa'opo kú adigō ká tén à té kú.

⁹ Má zùsa kú à kú á kpàsan ni vīro,
kesō blè kú à kú á karaa gūn,

¹⁰ zaakū nòbɔsēnteno bi ma pónome
kú pókāde kpàsa kú ò kú sīsī dasino musuo.

¹¹ Má kpi musu bāno dō pínki,
sēnte pō keteno kun ma pō ũme.

¹² Tó nà teni ma de, mani oáero,
zaakū makūme má andunia vī
kú pō kú ò kunnɔ pínki.

¹³ Madì zùsa nòbɔ sòn yá?
Madì blèkofīni aru min yá?

¹⁴ À sa oma kennakūkō pō ũ,
à lé kú a gbē makū Luda Musudea fīna bo.

¹⁵ À ma sísi warikegɔɔa,
mani á bo, áni bèere límene.

¹⁶ Akū Luda pì yāvānikerinone:

À kè dera átēni ma yāditenano dɔdɔ?
Bóyāi ma bàka kunna kúńwo yā da á lénn?

¹⁷ Á ye ma yādannenaairo,
a ma yāno kpà kpe.

18 Tó a kpāni è, adì a ke á gbēnna ũme,
á bàkaa ògō kú kú zinakerinɔ.

19 Á légbēē vāni,

adì lénna keñne.

20 Adigō á gbēndo pi,

adì á da né éke bo.

21 A yā birenɔ kè, akū má yītena.

Áten da má de lán á bàme,
ama mani kpākēái mà á dà bobo.

22 Ákōnɔ kú ma yā sàágunɔ, à yā pì ma.

Tó len sōro, mani á ke yákiyaki,

gbēke ni fō à á símaro.

23 Gbē kú à kennakūkō sa òma zōkōke dōmenē,

àteni ma gba zé mà mōáre

lákū madì gbēnɔ sura ba nà.

51

Sùrukpana Luda

Lè kú Dauda dà gɔrɔ kú annabi Natā gèe a kīnaa a zinakena kú Basebao
gbera

1 Luda, ò ma wēnda gwa n yenyī gūn,

ò ma taarinɔ gogo n mana zōkō yāi.

2 Ò ma durunna kēma mà gō swáswa,

ò ma durunna kēma míómì.

3 Má a taarinɔ dō sà,
ma durunna ògō sāmaguro.

4 Mōkōmme ma durunna kēnne,

ma yā kú í yeiro kè.

Tó n yā ò, n yā nigō zé vī,

tó n yákpate kè kūmao, n yā nigō nna.

5 Zaa ma da nēsen má vāni,
má durunna vī zaa ma ina gɔrɔme.

6 Nēsemana mé àdi kángu,

ò òndō damene ma swèe gūn.

7 Ò ma zú o kú sakoo mà pu swáswa,

ò ma nēse pípimene mà gō púu táitai.

8 Ò tó mà pōnna ke kú yáadōnaao,

ò tó ma wá kú n bùsanɔ were.

9 Òsun ma durunnao yā daro,

ò ma yā vāninɔ bo ò zukūna pínki.

10 Luda, ò nēsepura damene,

ò era ò tó ma laakari gō kpatena.

11 Òsun ma zukūnaro,

òsun n Nini símaro.

12 Ò era ò tó ma pō ke nna

kú n ma sura bà yāi.

Ñ ma nini gba màgõ n yā ma,
 13 gbasà mà n yā dàdà yāvānikerinone,
 durunnakerinõ ni era ò are òmma.

14 Ñ ma bo gbēdena yān,
 Luda, Luda ma surabarii,
 mani lè sí n yākena a zéa musu.

15 Dikiri, ñ ma gba lé
 mà n sáabu kpá.

16 Sa'onaa ò kenne nnaro,
 tó lenlo de ma ò.
 Sa'opõ kù òdi ká tén à té kù di kánguro.

17 Sa kù maten ommame ma nèseyída ũ,
 ndì wēndade sùrude gya boro.

18 Luda, ñ arubarika da Zaiõgu
 n poyeina mana gūn,
 ñ Yurusalemu bini gba gbāna,
 19 gbasà sa'ona a zéa ni kángu
 kù sa'opõ kù òdi ká tén à té kùo,
 oni sa o kù zùsanenõ n gbagbakia.

52

Aruzeke de ìadānaa

Lè kù Dauda dà gõrõ kù à gèe Aimelèki bea, akù Edomu gbē Doegi gèe à ò
 Solunee

1 Gõsa gbāna, Luda gbēke kun gõrõ sīnda pínki,
 à kè dera nten ìa dà kù yā vānioo?

2 Ndigõ léfõtõ ke kù gbēnõ gõrõ sīnda pínki,
 n lé nna lán gē mibobõ bà,
 ndì gbēnõ gbákĩ zõo.

3 Ñ ye yā vānii de a manala,
 éketonaa ò kenne nna de yāpurala.

4 Ñ ye gbēkakatena yāi,
 manafikiyā mé à da n lén.

5 Luda ni n gbāna kò é ari gõrõ sīnda pínki,
 ani n kù à bo kúnwo n kpén,
 ani n bo gbē bēnenõ té.

6 Tó gbē mananõ è, vīna ni n kù,
 oni n lalandi ke ò pi:

7 Gbē kù adi Luda ke a uteki ũron dí!
 À náani kpà a aruzeke zõkõõa,
 à gõ gbānade ũ gbēkakatēnaa gūn.

8 Má de lán kù lásirade kù à kù Luda õnn bà,
 manigõ ze kù Luda yenyĩõ gõrõ sīnda pínkime.

9 Manigõ n sáabu kpá gõrõ sīnda pínki
 yā kù n kè yāi,
 mani n tó sé lei n yāmarinõ wára,
 kù n mana yāi.

53

Yōnkɔ yá'onaa

Dauda lèè.

¹ Yōnkɔ dì pi a swèn Luda kunlo.

Gběnɔ yàka, n̄ yākɛnaa vāni,
yāmanakeri ke kú n̄ téro.

² Zaa musu Luda dì bisāsirinɔ tàasi ká
à gwa tó gbēke ɔndɔ kà à a kīnaa wete.

³ Ó sâte n̄ pínki ò g̃ɔ̀ d̀rɔ̀ sari míómíɔ,
yāmanakeri ke kú n̄ téro, bee mèn do.

⁴ Yāvānikerinɔ d̃na vīroo?

Òdi ma gbēnɔ mómɔ lán ú bà,

òdi Luda sísiro.

⁵ Gwen vīna n̄ kūn manamana,
vīnapɔnɔn kú gwe s̃ro.

Luda tò gbē kú ò lètéáwanɔ g̃ɔ̀ katena gènɔ ũ,
a wé'i dàímma kú Luda g̃ínýī yāi.

⁶ Luda, n̄ bo Zaiš n̄ mós n̄ Isarailanɔ sura ba!

Tó Luda èra à sù kú a gbēnɔ n̄ gwena zīn,

Yakubu burinɔ ni pɔnna ke,

Isarailanɔ ni yáa d̃.

54

Gbē kú òten wé taa aduakɛnaa

Lè kú Dauda dà gɔ̀ kú Zifidenɔ gèè ò pì Solunɛ, Dauda utena n̄ bùsun.

¹ Luda, n̄ ma sura ba n̄ tó yāi,

n̄ yā símenɛ kú n̄ gbānao.

² Luda, n̄ ma aduakɛna ma,

n̄ s̃a kpá ma yá'onaai.

³ Zaakú buri pāndenɔ fùtemai,

gbē pásínɔ teni ma wè ò ma de,

òdi Luda yā daro.

⁴ Ludame ma kpanyīri ũ,

Dikiri mé à ma kūna.

⁵ N̄ ma zāngurinɔ vāni eraímma,

n̄ n̄ dúgu z̃ n̄ náani yāi.

⁶ Mani sa omma kú ma p̃oyeinaao,

mani n̄ tó bo Dikiri, zaakú n̄ mana.

⁷ À ma bo ma warinɔ gūn pínki,

à tò ma ỹg̃ kè ma iberenɔa.

55

Aduakɛna kunna wétammanaa gūn

Dauda lèè. Òdi sí kú guruminɔme.

¹ Luda, n̄ ma aduakɛna ma,

ñsun lá kú ma yálaro.

² Ñ sã wē ma yāi ñ wema,
ma laasun ma likara ma gō bídi gūn,
³ ma iberenɔ yá'ona yāi
kū gbē vāninɔ wēbirimanaao,
zaakū òten wari òmame,
ò ma kúna kū pɔfēo.

⁴ Swēε kèmagu,
ga vīna gèmagu.

⁵ Vīna ma kū, maten lukaluka,
ma nini vūra.
⁶ Tó má òmbere vī lán potēne bà,
de mani vura mà gé kámma bo,
⁷ mani bàa lé mà gé zàzā,
mani gé mà vute gbárannan.
⁸ Mani wā mà gé mà uteki wete,
de zàga'ia gbāna sún ma lero yāi.

⁹ Ñ ñ yā gboro, Dikiri, ñ ñ yā yákatēne,
zaakū ma è zuka kū fitiio kú wēte gūn.

¹⁰ Òdi kpáte ke bīni musu fānantē kū gwāanio,
yā vāni kú yā gbānao di wēte gūn.
¹¹ Gbēdedeyā mé à wēte pìi pà,
gbānamɔnnena kū manafikio di kē a batunlo.

¹² Tó ma ibere mé àteni ma sōsō yā, mani mena,
tó ma zānguri mé à fūtemai, mani utene.

¹³ Ama mɔkɔn, mɔkɔn kū ó sára léle,
ma gbēndo, ma gbēnna!

¹⁴ Odi fāai bo kū kōo yā nnanna,
odigō tékōi pari té Luda ɔnn.

¹⁵ Ga ni zāmba ke ma iberenɔne,
ò si gyāwān ñ gbānagɔrɔ,
zaakū vāni vuteki è ñ gūn.

¹⁶ Makū sō, madì Luda sísi,
akū Dikiri di ma sura ba.

¹⁷ Kɔnkɔ, fānantē kū ɔkɔsio
madigō ma yā'ummananɔ bɔtene kū ndanaao,
akū àdi ma yā ma.

¹⁸ Bee kū ma iberenɔn dasi,
àdi ma sí à ma bo fitin aafia.

¹⁹ Luda digō vutena kpatan gɔrɔ sīnda pínki,
ani ma yā ma, ani wé'i daríma,
zaakū òdi ñ dà litero, ò Luda vīna vīro.

²⁰ Ma gbē pìi fiti kè kū a gbēnɔo,
à bò lédokɔnɔ kū ò kè kū kōo kpe.

²¹ Àdi yā nna o lán zó bà,

ama fiti laasun kú a swèn.
 Àdi lénna keñne páipai,
 ama yáadómma bà da a bòkómme.

22 Ñ n yá'úmmanano tó Dikirine,
 anigõ n kúna,
 àdi tó gbě mana fu zikiro.
 23 Gbēderi náanisarideno ni ní goro dagura lero,
 Luda, ñni tó ò si gyāwān t̄n̄owēen.

Makū s̄, manigõ n náani v̄i.

56

Zidakpana Ludaa

Lè kú Dauda dà goro kú Filisitinin̄o a kú zaa Gata.

1 Ñ ma wēnda gwa Luda, òten péma,
 òdigõ z̄i ká kúmao ògõ wé t̄ama goro s̄inda p̄inki.
 2 Ma kpàkparino digõ péma goro s̄inda p̄inki,
 ní karambaani yāin òten z̄i ká kúmao.

3 Tó v̄ina teni ma kú, mani n náani ke.

4 Mani Luda tó kpá yā kú à ò yāi,
 má Luda náani v̄i, mani v̄ina kero.
 Bón bisāsiri ni f̄s̄ à kemenee?

5 Òdigõ ma yā lite kpedangara goro s̄inda p̄inki,
 òdigõ ma kpákpa kú yā v̄anio.

6 Òdi k̄ kakaramai ò natemene,
 òdi ma kpákpa ògõ ye ò ma de.

7 Luda, ñsun tó ní gběke boro,
 ñ burino ne kú p̄f̄eo.

8 Ñ ma warikena yā da,
 ñ ma wétēkotena ká n t̄uruu gūn.
 À kú n takada gūnloo?

9 Tó ma lé zù Ludai,
 ma ibereno ni boru kú k̄peo,
 manigõ d̄s̄ kú à yā s̄imene.

10 Mani Luda tó kpá yā kú à ò yāi,
 ee, mani Dikiri tó kpá yā p̄i ona yāi.

11 Má Luda náani v̄i, mani v̄ina kero.
 Bón bisāsiri ni f̄s̄ à kemenee?

12 Luda, mani lé kú ma gb̄enneno f̄ina bo,
 mani kennakūk̄so sa omma.

13 Zaakū n ma si ga léi,
 nídi tó ma ḡe s̄iro,
 de màgõ kure kūnwo
 gupura kú àdi w̄endi kpár̄ma gūn.

57

Wikilena Luda Musudei

Lè kù Dauda dà ɔɔɔ kù à bàa lè Solune à ùte gbèwèen.

¹ Ñ ma wēnda gwa Luda, ñ ma wēnda gwa,
zaakū məkōmme ma nanyĩ.

Ñ ma sɔɔ n orun ari ma bo ga léi.

² Maten wiki lé Luda Musudei,
Luda kù àdi yá kù à ò papamene pli.

³ Ani tó kpányĩ bo zaa musu à ma sura ba,
ani wé'i da gbē kù òten pémanɔa,
ani a gbēke kù a náaniyāo kemene.

⁴ Má kú músunɔ té,
ma ɔ wutena nòbɔ pāsĩnɔ dagura.

Gbē pìnɔ néne nna lán fēneda bà,
ń saka bi sárimé kù kàao.

⁵ Luda, ñ n zīda tó sé lei ari musumusu,
ñ tó n gakuri da anduniala pínki.

⁶ Ò tankute kpàkpamene ma zén,
akū ma ɔ wari ɔn,
ò wèee yō ma are, akū ò zù wèee pìn.

⁷ Ma laakari kpatena Luda, ma laakari kpatena,
mani lè sí mà n táaki lé.

⁸ Ñ vu, ma swē!
Ma mɔɔ kù ma gidigboo kú máa?
Mani gudɔ pá mīio.

⁹ Dikiri, mani n sáabu kpá burinɔ té,
mani n táaki lé gbēnɔne.

¹⁰ Zaakū n gbēke zōkɔ kà n kīnaa,
n náani ludambe luku lè.

¹¹ Luda, ñ n zīda tó sé lei ari músumusu,
ñ tó n gakuri da anduniala pínki.

58

Gbē vāninɔ tona kù Ludao

Dauda lèe.

¹ Gbānadenɔ, adì yá o a zéa sō yá?
Adì yākpate ke kù gbēnɔ sūsu yá?

² Adì yā vāni laasun lé á swèe ɔn,
adì gbāna mɔ gbēnɔne á būsun.

³ Gbē vāninɔn sātēna zaa ń ina ɔɔɔme,
ékedēnɔn yakana zaa ń da nēsēn.

⁴ ń légbē de lán mlē sewe bà,
ò de lán káre kù à a sā tātāa bà,

⁵ de mlēe pì sún a kōkō'ori úra ũ maro,
de àsun a dabukeri gonike ero.

⁶ Luda, ò ò saka é'èíne ò lén,
Dikiri, ò músuu pìno saka sònteno é'èíne.

⁷ Ò tó ò gēte lán í bàasinaa bà.
Tó ò sá gà, ò ò kàno é'èíne.

⁸ Ò tó ò kori ke zén lán kònto lé'i bà,
ògō de lán nòbòtene kù adi ifántē ero bà.

⁹ Ari yàka té gō oro wā,
gbē vānino ni gēte kù ïao.

¹⁰ Gbē manano ni pōnna ke
zī kù Luda fīna bòíne gbē vānino,
kù ò ò gbá pipi ò aru gūn.

¹¹ Gbēno ni pi: Gbē manano láada vī fá!
Luda kun, àdi yákpate ke andunia gūn.

59

Ò ma sí ma íbereno

Lè kù Dauda dà goro kù Solu gbēno zì ò a dādā a bea ò a de.

¹ Ma Luda, ò ma sí ma íbereno,
ò ma bo gbē kù ò fùtemaino òí.

² Ò ma sí yāvānikerino,
ò ma bo gbēderino òí.

³ Ò gwa, òteni ma kpákpa,
gbē pásino ten fiti ke kúmao.
Dikiri, mádi taari ke durunna keínero,

⁴ mádi záíne yákearo,
akù ò kù kù soruo ò nakarama.

Ò ma wēnda gwa ò fute ò mó ò kpámai!

⁵ Mòkōn Dikiri Luda Zìkaride, Isarailano Luda,
ò fute ò wé tá buri kùno ò pínki.

Òsun bonkpède vāni kùno wēnda gwaro.

⁶ Òdi era ò su okosi do,
òdi likara zō wēten,
òdi hūu kema lán gbēno bà.

⁷ Ò gwa, ò lé'i ten to,
fēne kpá ò lén,
òdi pí gbēke teni ò maro.

⁸ Mòkōn sō Dikiri, ndi ò yáa do,
ndi buri pino lalandi ke ò pínki.

⁹ Luda ma gbāna, ma wé donyī,
mòkōmme ma aafialeki ū.

¹⁰ Luda ni domene are a gbēke gūn,
ani tó mà yōgō ke ma zāngurino.

¹¹ Dikiri ó sēgbako, òsun ò dedero,
de ò yā sún sá ma gbēnoguro yāi.

Ò tó ò likara zō ò ò kóte kù n gbānao.

12 Yā kū àdi bo n lén bi durunna yāme.

N tó n karambaanikena n kū,
zaakū òdi éke to òdi gbē ká.

13 N n kakate kū pɔfēo,
n n dúgu zɔ, òsungɔ kun doro,
gbasa ògɔ dɔ ari andunia léa
kū Luda ten kí ble Yakubu burinɔa.

14 Òdi era ò su ɔkɔsi dɔ,
òdi likara zɔ wēte gūn,
òdi hūu ke lán gbēnɔ bà.

15 Òdi likara ògɔ pɔble wete,
tó odi káro, òdi wiki lé.

16 Makū sɔ, mani lè sí n gbāna yā musu,
mà ayuwii ke kɔnkɔ n gbēke yāi,
zaakū mɔkɔmme ma aafialeki ũ,
mɔkɔmme ma uteki ũ warikegɔɔa.

17 Luda ma gbāna, mani n táaki lé,
zaakū mɔkɔmme ma aafialeki ũ,
Luda kū àdi gbēke kemene.

60

Óni zì ble kú Luda gbānao

Lè kú Dauda dà gɔɔ kú à zīi kà kú Siria kú ò kú Mesopotamia būsun kú
Zoba būsuu gūnnɔ, akū Yoabu sù à Edɔmunɔ dèdè Guvute Wisiden gbēnɔn
dúbu kuri awεεpla.

1 Luda, n pɔ fēwái,
n ɔ gbàɛwái n ó zukūna.

N era n are dɔwá sà.

2 N tò ó būsuu yīgá ari à pàra.

N era n tata a gbèn,

zaakū à gɔ̀ kpámme.

3 N tò yā zī'ũ sù n gbēnɔa,

n ó káka kú í gbānao,

akū óten tātantatan ke.

4 Ama n tuta dɔ̀ n vīnakerinɔne,
de ò le ò bo gbēnɔ ságana léi.

5 N wewá n ó sura ba kú n gàsá gbānao
de ókɔnɔ n gbē yenyīdenɔ le ò bo.

6 Luda yā ò zaa a kúkia à pì:

Mani Sekemu kpaate kú kùwikio,
mani gba da kú Suko guvuteo.

7 Giliada būsui bi ma pómme,
Manase burinɔ būsui bi ma pómme,
Eflaimu burinɔ būsui bi ma mɔfuraame,
Yudanɔ būsui bi ma gòome.

8 Mɔabunɔ būsui bi ma ɔpipibɔɔme,
madi ma kyate káte Edɔmunɔ būsui,

madi kùwiki dɔ Filisitininɔ b̀usuua.

⁹ Dí mé ani gē kũmao wēte b̄nide gūnn?
Dí mé ani domene are ari Edmunɔ b̀usunn?

¹⁰ Luda, à de mɔkɔn mé n ɔ gbàrewái,
ndi bo kũ ó z̀karinɔ doroo?

¹¹ N̄ ɔ dawá ó iberenɔ yái,
zaakũ bisāsiri kpányĩ bi yā pāme.

¹² Óni z̀ ble kũ Luda gbānao,
àkũ mé ani gèse pétepete ó iberenɔa.

61

Kína aduakena

Dauda lèe.

¹ Luda, ñ sã kpá ma wikilenaai,

ñ ma aduakena ma.

² Kunna zaa andunialea ma wiki lèmma,
kũ ma wèndii gò leeke, akũ ma n sisi.

Ñ gé kũmao gbèsi kũ à lei demala kīnaa.

³ Zaakũ mɔkɔmmɛ ma aafiaeki ũ,
ma uteki gbāna ũ ma iberenɔ are.

⁴ Má ye màgɔ kú n ɔnn gɔɔ s̄inda pínki,
màgɔ sɔtɔna n orun.

⁵ Luda, zaakũ n lé kũ ma gbènne mà,
n n v̄nakerinɔ bakaa kpàma.

⁶ N̄ kína d̄s kũ aafiaao,
ñ tó à ká a gɔɔa.

⁷ Àgɔ kpata ble n d̄naa gūn gɔɔ s̄inda pínki,
ñ a dákpa n gbèke kũ n náanikenaao yái,

⁸ gbasa màgɔ n táaki lé lákũ gu ògɔ dɔ nà,
manigɔ lé kũ ma gbènne fina bo gɔɔ s̄inda pínki.

62

Ludame uteki ũ

Dauda lèe.

¹ Luda ado mé à tò ma laakari kpátɛna,
àkũ mé àdi ma sura ba.

² Àkũme ma gbèsi ũ ma surabari ũ,
madi gbāna lea, mani yīgā zikiro.

³ Gèn ũgban áni gɔ fute gbēaa?

Áni a ne lán gb̀ kũ à è à kpán
ke kara zĩ bàn yá?

⁴ A gona a tía lén áten kpákūsũ,
éketona mé àdi keáre nna.

Adi sa mana o gbènne kũ léome,
akũ adi n ká á swèe gūn.

⁵ Luda ado mé à tò ma laakari kpátɛna,

zaakū àkūme ma wé dɔi.

⁶ Àkūme ma gbèsi ũ ma surabari ũ,
madi gbàna lea, mani yīgā zikiro.

⁷ Ma aafia kū ma bèereɛo di bo a kīnaame,
àkūme ma gbèsi gbàna ũ, ma uteki ũ.

⁸ Gbēno, àgɔ a náani vī gɔɔ sīnda pínki,
à á swè wēne, àkūme ó uteki ũ.

⁹ Talakanɔn de lán lé'ĩa bàme,
gbānadenɔn kú pòke léiro.

Tó ò ñ yɔ kilooa,
ń pínki nigɔ de fáuunle.

¹⁰ Àsun gbēble'ɔgɔ náani kero,
àsun ìa dā kū kpāni póoro.

Tó á aruzekε ten kɔ,
àsun tó à á swè blero.

¹¹ Yā mèn don Luda ò,
yā mèn pla dínɔn ma mà:

Luda, mɔkɔn mé ń gbāna vī,

¹² Dikiri, mɔkɔn mé ń gbēke vī,
akū ndi fīna bo baadine a yākenaaa.

63

Luda nidēnaa

Lè kū Dauda dà gɔɔ kū à kú Yuda gbárannan.

¹ Luda, ma Ludame n ũ,
mateni n are wete,
ma nini yenyī, mateni lukanyī
lán zīte kori kú à ye íi bà.

² Ma n e n kúkia,
ma wé sì n gbāna kū n gakuriole.

³ Zaakū n gbēke manamene de wèndila,
n sáabukpana nigɔ da ma lén.

⁴ Manigɔ n tó kpá ari ma wèndi lén,
mani ɔ sé musu mà ñ sísi.

⁵ Ma nèse ni ká lákū òdi pó nna ble ò ká nà,
n táakilena nigɔ da ma lén kú ayuwiikenaa.

⁶ N yā di dɔmagu ma wútekia,
madi laasun lémma gwāani.

⁷ Ma sɔtɔna n orun, maten lè sí,
zaakū mɔkɔmme ma kpanyīri ũ.

⁸ Ma nini namma,
ń ma kúna n ɔplan.

⁹ Gbē kú òteni ma weno ni kakate,
ò gē zīte.

¹⁰ Luda ni tó ò ñ dede kú fēndaome,
ò gɔ gbēgbonno pòble ũ.

¹¹ Kína sɔ ani pɔnna ke kú Ludao.

Gbē kū òdi la da kū Ludaonɔ ni a sáabu kpá,
 ékedenɔ s̄s̄, n̄ lé niḡs̄ nak̄s̄ana.

64

N̄ ma sí gbē vāninɔ ɔĩ

Dauda l̄εε.

¹ Luda, n̄ ma ndana ma,
 n̄ ma bo ma ibere kū òteni v̄ina damainɔ ɔĩ.

² N̄ ma ute gbē vāni kū ò lé kpàkūsūmainɔε,
 yāvānikeri zukade pinɔ.

³ Òdi n̄ lé keke lán f̄ēneda bà,
 yā pās̄inɔ di bo n̄ lén lán kà sewede bà.

⁴ Òdi taarisaride dādā ò a pá,
 òdi a pá k̄anto, v̄ina di n̄ k̄uro.

⁵ Òdi té kákōgu n̄ vānikena gūn,
 òdi bàkpakpannena gusare yā ḡs̄ḡs̄
 òdi pi: Gbēke ni ó ero.

⁶ Òdi vānikena yā ḡs̄ḡs̄ ò pi,
 yā kū o a lé kpàkūsū papana.
 Bisāsiri n̄εεgūnyānɔ asiri z̄s̄k̄s̄.

⁷ Ama Luda ni n̄ pá kū k̄aao,
 ani n̄ k̄inna k̄anto.

⁸ Ani tó yā kū ò ò wí n̄ musu,
 gbē kū à n̄ é pínki niḡs̄ mì ke dékūdekū
 ò pi taare.

⁹ V̄ina ni gbē s̄inda pínki kū,
 oni Luda yākenanɔ baba,
 oniḡs̄ yā kū à k̄enɔ laasun lé.

¹⁰ Gbē mananɔ, àḡs̄ p̄onna ke Dikiri gūn ò nai,
 n̄εεpuradenɔ, àḡs̄ a táaki lé n̄ pínki.

65

Buri s̄inda pínki wé d̄o Ludai

Dauda l̄εε.

¹ Luda, à kū ò n̄ táaki lé Zaīs̄
 ò lé kū ò gb̄ēnnanɔ f̄ina bo.

² M̄ok̄s̄n̄ kū ndi aduakena ma,
 n̄ k̄inaan buri s̄inda pínki ni sun.

³ Ó yā vāninɔ ó fú,
 akū n̄ ó taarinɔ k̄ēwá.

⁴ Arubarikademe gbē kū n̄ s̄ε
 n̄ ḡε k̄aao n̄ ɔnn ū.

N̄ kpé p̄ó mananɔ m̄òwá,
 n̄ kpé kū à kú adona p̄i.

⁵ Ndi wewá kū yā mana naasidenɔ,
 Luda ó Surabari.

Andunia lézekidenɔ kú ísirabaradeno
wé dɔnyí n̄ pinki.

⁶ N gbāna dānla,
n kpino kè kú n ikoo.

⁷ Ndì ísira kú a sɔnɔ kīni kpáte,
ndì burinɔ zuka lákañne.

⁸ N daboyānɔ dì swè kē
gbē kú ò kú zíteleanɔn,
òdi ayuwii dɔmma zaa ifāboki kpa
kú a léte kpao.

⁹ Ndì laakari dɔ anduniaa, ndi a gba í,
ndì taaki ká zītene, n swanɔn pana kú ío,
ndì tó pówenɔ ke, zaakū len n òte le.

¹⁰ Ndì í dagula ari búgbanɔ pa,
ndì gunɔ foko fɔ kú legūo,
ndì arubarika da pɔ kú à b̀utenɔgu.

¹¹ Ndì arubarika da burazīn wè kú wèeo,
pɔble n̄side dì kóte n ágban.

¹² Pɔdádakinɔ sèla b̀òtɔ kú sènte,
s̄s̄s̄inɔ pɔnna dà uta ũ.

¹³ Pɔkādenu dāgula n̄ dādākinɔa,
pówɛ dāgula s̄s̄s̄igerɛi.
Òten pɔnna wiki lé, òten lè sí.

66

Luda sáabukpanaa

¹ Andunia gbē s̄inda p̄inki,
à ayuwii ke Dikiria.

² À lè sí a tɔ gakurike musu,
à a táaki lé à a tɔ bo.

³ À o Ludane: N yākenanɔn naasi vī,
n gbāna z̄skɔɔ dì tó n iberenɔ kã nate.

⁴ Andunia p̄inki dì kútenne,
òdi n táaki lé ò n tɔ bo.

⁵ À mɔ à Luda yākenanɔ gwa,
yā kú àdi ke bisāsirinɔne naasi vī.

⁶ À ísira lì gukori ũ,
ò swa bikù gèse.

Ò pɔnna ke a yā musu.

⁷ Àdigɔ k̄i ble kú a gbānao gɔrɔ s̄inda p̄inki,
a wé òdigɔ kú burinɔa.
Sāgbānadenɔ sún dɔke k̄aaoro.

⁸ Burinɔ, à ó Luda sáabu kpá,
a táakilena gɔ dɔ á lén.

⁹ À ó wèndi dākpāwɛɛ,
adi tó ó gbá sataro.

10 Luda, zaakū n ó lé n ó gwá,
n ó baasa lán andurufuu bà.

11 N ó ká kpésiran,
n aso tìkisii d̀iwere ó kpe.

12 N tò ò d̀iwá lán s̄s̄ bà,
ó wé té mà, í dàóla,
akū n su kúoo nnamana kīnaa.

13 Mani su n ɔnn mà sa'opɔ kū òdi ká tén à té kū o,
mani lé kū ma k̀mmanɔ fīna bo,

14 yā kū à bò ma lén ma warikεgɔɔa.

15 Mani sa omma kū p̄s̄ mèkpananɔ,
mani sákaronɔ kpátanne,
mani n gbagba kū z̀usanɔ kū blèkofīninɔ.

16 Ákɔnɔ kū á Luda vīna vīnɔ,
à mós à ma á pínki,
mani yā kū à k̀meme oáre.

17 Ma wiki lèa,
a táakilena da ma lén.

18 Tó ma yā vāni dà ma swèn,
de Dikiri g̀i ma yā mai.

19 Ama à ma yā mà,
akū à ma aduakena s̀i.

20 Arubarikademε Dikiri ũ,
adi g̀i ma aduakena mairo,
adi g̀i gb̀εε kemeneiro.

67

Arubarika gbekana Ludaa

Lè kū òdi sí kū guruminɔ.

1 Luda, n ó wēnda gwa,
n̄ ān werewá n̄ arubarika daógu,

2 de andunia pínki ḡs̄ n zé d̄s̄,
buri s̄inda pínki d̄s̄ lákū ndi gb̄ε sura ba nà.

3 Ò n táaki lé Luda,
gb̄ε s̄inda pínki n táaki lé.

4 Burinɔ p̄onna ke à ayuwii ke,
zaakū ndi yákpate ke kū gb̄ēnɔ a zéa,
ndi do andunia burinɔne are.

5 Ò n táaki lé Luda,
gb̄ε s̄inda pínki n táaki lé,

6 gbas̄a z̄ite p̄oble ke,
Luda ó Luda ni arubarika daógu.

7 Luda ni arubarika daógu,
andunia lézεkidenɔ ni vīna kene í pínki.

68

Luda z̄sk̄ske

Dauda lèe.

1 Luda fute, a ibereṅṅo fākōa,
a zāngurino baa léne.

2 Lákū túsukpe di gēte kū ĩao nà,
n tó ò gēte le.

Lákū zōsaa di yó té sare nà,
yāvānikerino ni kakate Luda are le.

3 Gbē manano sō ò ponna ke,
ò yáa do Luda are,
ò vīvī kū ponna zōkōo.

4 À lè sí Ludane à lé maa,
à di ludambe lukua, à a tó bo,
a tón Dikiri, à ponna wiki lé a are.

5 Kunna a kpé kū à kú adonaa gūn,
Luda bi tonenō demε,
gyaanōnō zekūnwodemε.

6 Luda di be ke gbē kū à gbē vīrone,
àdi purusunano bote à n da nnamanan,
sāgbānadenō sō onigō kú gu kori gūmmε.

7 Luda, kū n do n gbēnōne are,
gōro kū n taa ò kūwo gbārannan,

8 zīte yīgāyīgā, ludambe legū gbàre n are,
mōkōn Luda kū n yā ò Sinai kpi musu,
Luda, Isarailano Luda.

9 Luda, n mùseε pisi n būsuaa baala'i,
n n gbē busananō gbà gbāna.

10 N gbēnō vùte a gūn Luda,
akū n wēndadenō gbà pó n manake yāi.

11 Dikiri yā ò,
akū nōgbēnō gō a baarukparino ū dasi.

12 Kínano kū n zīkarino ten baa lé likalika,
nōgbē kū ò gō bēnō teni n pōnō kpaatete.

13 Bee kū a wute a kpàsa guragura,
andurufu í kú ma potēne dēmbereṅṅo,
a kānō ten té ke lán wuraa bà.

14 Kū Gbānasīndapinkide kínano fākōa,
ò kōte Zalano kpia lán legūgbεε bà.

15 Basā kpi gakuri vī,
Basā kpi mīsōntenōn dasi.

16 Ákōnō kpi mīsōntenō,
bóyāi átēn kpi kū Luda sè
a kibleki ū gwa kū nēsegōbaao?
Gwen Dikiri nigō kun gōro sīnda pínki.

17 Luda sōgonō lé vīro,
à kà dūbu leu ūgbangba,
Dikiri bōo zaa Sinai,
à sù à kipa a gu kū à kú adonan.

18 N fute n ta musu dona z̄ìz̄on̄one are,
n gba si gb̄en̄o ari k̄ū sāgb̄anaden̄o,
akū n vute gwe, Dikiri Luda.

19 Arubarikadem̄e Dikiri Luda ó surabari ũ,
àkūme àdiḡō ó ason̄o sena lākū gu òiḡō d̄o nà.
20 Ó Luda bi Luda k̄ū àdi n̄ sura bame,
Dikiri Luda mé àdi ó bo ga léi.

21 Luda ni a iberen̄o mì wíwiñne,
bisāsiri mikā d̄ore k̄ū ò té n̄ durunnaano.
22 Dikiri p̄i: Mani n̄ b̄ote Basā b̄usun,
mani n̄ b̄ote ísira l̄n,
23 de à á gbá ya á iberen̄o arun,
á gb̄edan̄o ni néne maten ò n̄ baka ble.

24 Luda, o n gb̄en̄o è ò t̄étek̄oi,
ma Luda ma Kína, òten su n kúkia.
25 L̄esirin̄on té are, batan̄on té n̄ kpe,
n̄okpare s̄eḡēs̄eḡēparin̄on té n̄ guragura.
26 À Luda t̄o bo pari k̄okakaranaa ḡun,
à Dikiri sáabu kpá ák̄on̄o Isaraila burin̄o.
27 Né kp̄ede Biliaminu burin̄on té are gwe,
abire gbera Yudan̄o k̄inen̄o k̄ū n̄ gb̄en̄o
k̄ū Z̄ebuluni buri k̄inen̄o
k̄ū Nafatali buri k̄inen̄o.

28 Luda, n̄ n gb̄ana m̄owere,
Luda, n̄ bo k̄ū n gb̄ana k̄ū n m̄owere yāo.
29 K̄inan̄o ni sunne k̄ū n̄ gban̄o
n kp̄é k̄ū à k̄ū Yurusalemu yāi.
30 N̄ kp̄ak̄ē Misila íten̄ob̄oi,
n̄ pata burin̄o z̄usan̄o k̄ū n̄ gb̄en̄o.
N̄ andurufu gò t̄óm̄ma,
n̄ gb̄ē k̄ū z̄ìkanaa òi kéne n̄nan̄o fāk̄ōa.
31 Misilan̄o ni z̄irin̄o gbar̄emma,
Etio pian̄o ni ò d̄omma, Luda.

32 Andunia kpatablerin̄o, à lè sí Ludane,
à Dikiri táaki lé,
33 àk̄ū k̄ū à di ludambe k̄ū à kun zaa z̄iz̄ia.
À ma, àten p̄ūtā gb̄anagb̄ana.
34 À Luda gb̄ana kp̄akpa ke,
ò a z̄ōk̄ōke d̄s̄ Isarailan̄o,
a gb̄ana k̄ū ludambea.
35 Luda, n̄ naasi v̄i n kúkia,
Isarailan̄o Luda òi gb̄ana k̄ū ikoo kpá a gb̄en̄o.

Arubarikadem̄e Luda ũ!

69

Wétammaṅa gūn aduakēnaa

Dauda lèè.

¹ Luda, ñ ma sura ba,
zaakū í ma kū ma wakale.

² Foko teni ma mó ma ka zà,
gèsepeteeki kunlo,
ma kpatε í lòkoton,
ísō ten damala.

³ Ma wiki lè ma kpasa,
ma kòtoo nà,
ma wé dò ma Ludai
ari ma wé ten sira kū.

⁴ Gbē kū ò zāmagu pānɔn
dasi de ma mikāla.
Ma iberenɔn lé vīro,
ò ye ò ma de pòke wínne sari.
Pó kū mádi a kpāni oron
ò pì mà kpáíma.

⁵ Luda, í ma yōnkoyānɔ dō,
ma taarinɔn utenannero.

⁶ Dikiri Luda Zīkaride,
gbē kū í wé donyīnɔ
ñsun tó wé'í í kū ma yāiro.
Isarailanɔ Luda,
gbē kū òdi n ki wetenɔ
ñsun tó í tó yaka ma yāiro.

⁷ Zaakū n yāin maten sōsōna fō,
akū ma gasuu gò kpá ma wéi.

⁸ Ma gō zītɔ ũ ma gbēnɔ té,
ma gō boado ũ ma da bedenɔ té.

⁹ N ɔn yā ma kū gbāna manamana,
gbēnɔ dōkena kūnwo gōmēne.

¹⁰ Tó ma lé yì pōsira gūn,
òdigō ma sōsō.

¹¹ Tó ma uta kasanɔ fīfīma,
òdigō ma lalandi ke.

¹² Gbē kū ò vutena gānuleanɔ di ma pi,
ígbanamirinɔ di lè da ma yāi.

¹³ Ama tó à gō ma yāi, Dikiri,
mōkōn manigō wé kemma a gōrɔa.
Ñ wema Luda n gbēke zōkō yāi,
ñ ma sura ba yāpura.

¹⁴ Ñ ma bo fokon,
ñsun tó mà vlēnlo.
Ñ ma bo í lòkoton,
ñ ma sí ma zāngurinɔa.

¹⁵ Ñsun tó ísō damalaro,

̀̀sun tó mà kpátε í lòkotonlo,
 ̀̀sun tó wèε tatamalero.
 16 ̀̀ wema Dikiri, zaakū n gbēke mana,
 ̀̀ are doma n sùru zòkòò gūn.

17 ̀̀sun mìkpeεε zu n zòbleriinero,
 ̀̀ wema likalika,
 zaakū ma gō kagura gūmmε.

18 ̀̀ namai ̀̀ ma mì sí,
 ̀̀ ma sura ba ma ibεεnna.

19 ̀̀ ma sōsōna dō
 kū ma wé'idammanaao kū ma kpebonaao,
 nten gbē kū ò ma kūna kū yāonò e.

20 Sōsōnaa ma swèε zò, ma gō gbāna sari,
 gbē kū ani ma wēnda gwan ma wèε,
 mádi lero,
 gbē kū ani ma nèε kpátεmenen ma wé d̀̀i,
 à kunlo.

21 ̀̀ εze vāni kàmenε pòblen,
 kū ími ma kū, ò sèwē kpàkpāa kpàma mà mi.

22 ̀̀ dikpekena gṓne tankute ũ
 à ní kū à yā lú́ne.

23 ̀̀ wé sira kū de òsun gu ero,
 ní wó gō kokona.

24 ̀̀ n pētē kipańma,
 ̀̀ n pofē pásí pisirńma.

25 ̀̀ bε gō bezī ũme,
 ní gbēke súnɡō kun de à vute ní kpén doro.

26 Zaakū òdi wé tā gbē kū n ní lénna,
 òdi gbē kū n ní kinnanò wāwā yā o.

27 ̀̀ ní yā sīnda pínki taari dińne,
 ní baka súnɡō kú n surabanaa gūnlo.

28 ̀̀ ní tó gogo wèndi takada gūn,
 ní tó súnɡō kú kú gbē mananò tóoro.

29 Luda, má kú wāwā kú yā'ūmmanaao gūn,
 ̀̀ ma sé lei de mà bo aafia.

30 Mani Luda tó bo lèsinaa gūn,
 mani a sáabu ke mà a tó sé lei.

31 Abirekū ní ká Dikirigu de sa'onaa kú zùuola,
 bee zùsane kú à bēne vī.

32 Takasidenò ní e ò ponna ke,
 ákōnò Luda ki weterinò nigō wèndi vī.

33 Zaakū Dikiri di wéndadenò yā ma,
 àdi a gbē kú ò de zìzò ũnò gya boro.

34 À a táaki lé musu kú zīteo,
 ísira kú pó kú ò kú a gūnnò pínki.

³⁵ Zaakū Luda ni Zaiš sura ba,
ani era à Yuda wēteno káte,
a gbēno ni vuten n̄ pó ũ.

³⁶ A zòbleri néno mé ògō vī,
gbē kū ò ye a tó nnaino nigō kún.

70

Wikilena surabarii
(Zab 40:14-18)

Dauda lèè.

¹ N yā nna Luda, n̄ ma mì sí,
Dikiri, n̄ ke likalika n̄ mō n̄ kpámai.

² N̄ tó wé'i gbē kū òteni ma we ò ma deno kū,
ò n̄ mì péte.

N̄ tó gbē kū ò ye mà sunyī leno kpe li,
n̄ an̄ gō sisina.

³ Gbē kū òdi omene, taare, taareno,
n̄ tó ò era kū wé'iyāo.

⁴ Gbē kū òteni n̄ ki weteno po kemma nna ò yáa do,
gbē kū ò ye n̄ surabanaaino gō pi Luda zōkō.

⁵ Takaside wēndademe ma ũ,
Luda, n̄ ke likalika.
Mōkōmme ma kpányiri ũ kū ma surabariio,
Dikiri, ñsun gi kero.

71

Mare zōkō aduakēnaa

¹ Dikiri, mōkōnn ma nanyī,
ñsun tó wé'i ma kū zikiro.

² N̄ ma bo n̄ ma mì sí n̄ manakēna yāi,
n̄ sá kpámai n̄ ma sura ba.

³ N̄gō de ma uteki gbē kū manigō gé uten ũ.
N̄ dite n̄ ma sura ba,
ma gbèsi kū ma zeki gbānaoome n̄ ũ fá!

⁴ Ma Luda, n̄ ma bo yāvānikerino oī,
n̄ ma sí gbē vāni pásīnoa.

⁵ Mōkōnn ma wé dōnyī, Dikiri Luda,
mōkōnn má n̄ náani vī zaa ma kefennakegoroa.

⁶ Ma gbāna lèmma zaa ma igoro,
mōkōn mé n̄ ma bo ma da nēsen.
N̄ táakin madigō lé.

⁷ Ma kunna de yābonsare ũ gbēnoe dasi,
zaakū mōkōmme ma uteki gbāna ũ.

⁸ N̄ táakilēna digō da ma lén,
madigō n̄ manake bo kōnkō kū okosio.

⁹ Ñsun pā kpámai ma zīkūkena yāiro,
ñsun ma zukūna ma gbāna lakana yāiro.

¹⁰ Zaakū ma ibereno teni ma pi,

ma weterinɔ ten lé kpákūsūmai ma wèndi bona yāi.

¹¹ Ò pì: Luda g̃ime, ò péa ò kù,
gbēke kun kù à a sura baro.

¹² Luda, ònsungō kù kūmao zàro,
ma Luda, ò ke likalika ò mō ò kpámai.

¹³ Ñ tó wé'i gbē kù òten yā dimanɔ kù
de ò kakate,
ñ tó s̃s̃na da gbē kù òten wé tãmanɔla
de ñ tó yaka.

¹⁴ Makū s̃s̃, ma wé nigō ònyĩ,
manigō n táaki lé màgō gé.

¹⁵ N manakena nigō da ma lén gɔɔ s̃inda pínki
kù n surabana kù má a lé d̃roo.

¹⁶ Mani su mà n z̃k̃keyānɔ o Dikiri Luda
n mèn do manaken mani da gbēnɔne.

¹⁷ N yā d̃amene zaa ma kefennakεgɔɔa,
Luda, ari tera mateni n yābonsarenɔ o'o.

¹⁸ Bee kù ma z̃i kù, ma m̃k̃a pura,
òsun ma tónlo, Luda,
de mà le mà n gbāna baba teradenɔne,
mà n gbānakεyā da gbē kù òten futenɔne ñ pínki.

¹⁹ Luda, n manakena z̃s̃ susunenɔa,
n yā z̃k̃k̃ kè, d̃in oni lek̃sa k̃unwoo?

²⁰ N tò wari pás̃i ma le dasidasi,
ama ñni era ò ma gba wèndii ò,
ñni era ò ma bo z̃l̃te.

²¹ Ñni ma bèere karamene,
ñni era ò ma laakari kpátεmene ò.

²² Ma Luda, mani n s̃abu kpá
kù m̃ɔɔɔ n náani yāi.
Isarailanɔ Luda kù ñ kù adona,
mani n táaki lé kù gidigboo.

²³ Ayuwii nigō ò ma lén,
makū kù n ma mù s̃i mani n táaki lé.

²⁴ Manigō n manakena o gɔɔ s̃inda pínki,
zaakū wé'i gbē kù ò ma wete kù ṽanionɔ kù,
ò g̃s̃ bídi g̃un.

72

Aduakena k̃inane

Sulemanu l̃ε.

¹ Luda, ò dada k̃inane à yākpate ke kù yāpuraο,
ñ tó k̃ina yā mana ke lákū ndi ke nà,

² de à do n gbēnɔne are a z̃éa,
à yā g̃ōg̃ talakanɔne s̃usu,

³ gbasa kp̃inɔ ni su gbēnɔne kù aafiaο,
s̃s̃inɔ ni tó òg̃ kù nnamanaa g̃un.

4 Kína ni tó yā bo kū talakanɔ nna,
ani takaside nénɔ sura ba,
ani gbānamɔnnerinɔ dúgu z̄s.

5 Aniḡs kun lākū ifāntē diḡs kun nà,
lán mɔvura diḡs kun nà wè kū wè̄eo.

6 Aniḡs de lán kabura legū bà,
lán mɔtɔ kū àdi pisi z̄tēaa bà.

7 Gbē mananɔ ni ɔ tá a gɔrɔa,
nnamana niḡs z̄sk̄s ari mɔ súniḡs kun doro.

8 Ani kí ble zaa ísira bara la kú bara direo,
sena zaa Yuflati ari gena andunia léa.

9 Buri kú ò kú gbáranna gūnnɔ ni su ò kútene,
a ibereɔ ni wúte kú kúaa a are.

10 Tasisi kína kú ísira bara kínanɔ ni táfe bone,
Seba kú Seba kínanɔ ni su ò gba dane.

11 Kínanɔ ni su ò kúte a are n̄ pínki,
buri s̄inda pínki ni donyĩ.

12 Zaakū ani wēndade kú n̄ wiki dɔnɔ bome,
ani takaside kú ò kpanyĩri v̄ironɔ sura ba.

13 Ani gbānasaridenɔ wēnda gwa,
ani takasidenɔ bo ga léi.

14 Ani n̄ bo gbānamɔnnerinɔ kú gbē pās̄inɔ ɔĩ,
zaakū à ye n̄ arukɔtenaairo.

15 Luda kína d̄s kú aafiaao!
Òḡs a gba Seba b̄usu wuraa,
òḡs wé keɔ Luda lakanaa sari,
òḡs sa mana one gɔrɔ s̄inda pínki.

16 N̄ tó burapɔnɔ ke a b̄usun manamana,
a lánɔ ḡs da s̄is̄inɔ musu sí,
ò né i ò pia lán Lebana lákpe bà,
ò gbā lán kàsapli bà s̄ente.

17 N̄ tó a tó ḡs kun gɔrɔ s̄inda pínki
lán ifāntē bà,
buri s̄inda pínki ni arubarika le a gāi,
oni a tó nna sí.

18 Arubarikaden Dikiri Luda, Isarailanɔ Luda!
Àkū mé àdi yābonsareɔ ke ado.

19 Òḡs a tó gakuride bo gɔrɔ s̄inda pínki!
À tó a gakuri da anduniala pínki!
Aami! Aami!

20 Yese né Dauda aduakena lén gwe.

TAKADA AAKɔDE

73

Yāvānikerinɔ nmananaa

Asafa lèɛ.

¹ Luda òdi yā mana ke Isarailanɔne yāpurame,
atēnsa nèsɛpuradenɔ.

² Makū sɔ, ma ka kāni letena,
ma gbá ye à satame yā.

³ Kū ma yāvānikerinɔ kunna mana è,
ma ïadārii pìnɔ gwena ni dè.

⁴ Yāke òdi kpáínero,
aafia mòm̄ma akūsò ò mèkpana.

⁵ Òdi wari ke lán dakenɔ bàro,
òdi gyā ke lán dakenɔ bàro.

⁶ Òdi ïadāna da ní wakan lán m̀wakare bà,
òdi pás̄ike da pókasa ũ.

⁷ Ní swèè kè gbāna kū yāvānikenaao,
yā bènè ní nèsɛɛ pà.

⁸ Òdi gbē lalandi ke òdi yā vāni lim̄ma,
òdi gbāna m̄n̄ne ní zókòke yāi.

⁹ Òdi pi: Luda kipa ò ɔsi ká,
akūsò ní yā mé àdi ble andunia gūn.

¹⁰ Abire yāi òdi era ní kpa,
òdi yā kū ò ò pínki sí yāpura ũ.

¹¹ Òdi pi: Luda d̄s̄ mámeɛ?
Luda Musude d̄s̄na kà le yá?

¹² Ní yāvānikerinɔ gwa, òdi yāke damu kero,
ní gwena d̄iḡɔ kara ḡɔɔ s̄inda pínki.

¹³ Ase ma nèsɛ pura pān yá?
Ma a ɔ b̀te taarin swáswa pāme yá?

¹⁴ Nd̄iḡɔ ma gbē ḡɔɔ s̄inda pínki,
nd̄iḡɔ ma s̄a ḡágamene lákū gu d̄iḡɔ d̄ɔ nà.

¹⁵ Tó ma ze kū yā dí taka onaa,
abirekū niḡɔ de bona n gbēnɔ kpɛ yā ũme.

¹⁶ Kū ma laasunn lè yā piia de mà d̄s̄,
à k̄emene z̄i'ũ.

¹⁷ Sé kū ma ḡɛ Luda kúkia,
gbasa ma wé kè lákū oni láka nà.

¹⁸ N ní dá guzāre kpa yāpura,
nd̄i ɔ s̄ón̄yī ò léte ò kakate.

¹⁹ Òdi ḡɔ kakatena p̄ɔ ũ k̄anto,
v̄inap̄ɔnɔ òdi ní le ò láka.

²⁰ Lákū nana òdi ḡɛte kū ïao nà tó gbē vù,
tó n fute Dikiri, n̄ tó ò ḡɛte le.

²¹ Kū ma nèsɛɛ yāka,

akũsõ ma pɔ sira kũ,
 22 ma ke yõnkɔ, má yáke dõro,
 ma gõnne lán nɔ̀bɔ̀sẽnte bà.

23 Bee kũ abireo madigõ kú kũnwo,
 ñ ma kũna ma ɔplaa.
 24 Ndì domene are kũ n lédammao,
 ñni láka ñ ma sí n gakuri gũn.
 25 Dín ma wé dɔi musu n baasii?
 N baasiro póke ni teni ma de andunia gũnlo.
 26 Bee tó ma mè kũ ma swẽeo ten láka,
 Ludame ma swẽ gbãnaleki ũ,
 àkũme ma baka ũ gɔɔ sĩnda pínki.

27 Gbẽ kũ ò kèmmannɔ ni láka,
 ñni gbẽ kũ ò bò n kpenɔ kakate.
 28 Luda, ma nanyĩna mé à kèmene nna,
 Dikiri Luda, ma n ke ma uteki ũ,
 mani n yákenannɔ babañne.

74

Wikilena Ludai a kpé kũ ò wì yáí

Asafa lèe.
 1 Luda, b́yáí n giwáí ari gɔɔ sĩnda pínkii?
 À kè dera n pètẽ ten fute n kpása sãncii?
 2 Ñ tó gbẽ kũ n ñ sí zaa zĩnɔ yã dɔngu,
 buri kũ n bò ò gõ n pó ũnɔ
 kũ Zaiõ kpi kũ n kè n kúki ũo.
 3 N ibereɔ n kúki wì ò dâte mámmam,
 ñ dɔdɔi ñ gwa, à gbòro pínki.

4 N zãngurinɔ zuka kàkara gu kũ odì danlen,
 ò ñ zĩda tutannɔ pète gwe sèeda ũ.
 5 O è, ñ kpása dɔ musu,
 òten ke lákũ òdigõ dàko gbẽ nà.
 6 Lí ana mana kũ ò nàna n kpé kpataaa,
 ò gbè ò gbòro kũ kpásao kũ adao.
 7 O té sõ n kúkia à kòte,
 ò tò kpé kũ n tó kúaa pìi gbàa lè.
 8 Ò ò ñ nèsen: Ó ɔ tõĩmma mámmam.
 Ò té sõ ó bùsu aduakεkpenɔa.
 9 N kpé sèedanɔ kun doro,
 annabi ke kun doro.
 Ónigõ kun le ari bɔremee?
 Ó gbẽke dõro.

10 Luda, ñni tó n ibereɔ gõ n yáa dɔ ari bɔremee?
 N zãngurinɔ nigõ n gya bo lakanaa sarin yá?
 11 B́yáin n ɔ kakũnnaa?
 Ñ ɔ go n kúaaa ñ ñ dede.

12 Ludame ma kína ũ zaa káaku,
 àkū mé àdi gbē sura ba andunia gūn.
 13 Mòkōn mé n ísira zòkōre kū n gbānao,
 n kwā kàsaraa mìnò wìwi í gūn.
 14 N Misilano kàkate gwe,
 n ñ gèno kpà gbáranna nòbònoa pòble ũ.
 15 N swano bò n zé wè ísèbokinone,
 n swa kū a í babana víro zòkōre.
 16 Fānantē kū gwāanio de n pò ũ,
 n mɔvura kū ifāntēo kúki kèñne.
 17 Mòkōn mé n andunia lézekino dà pínki,
 n sakare kū bunsireeo goro dìte.

18 N yá kū n iberenò dò yā dōngu Dikiri,
 yōnkono n tó gya bò.
 19 Ñsun n potēne kpá nòbo pāsinoaro,
 n gbē wēndadenò yā sún sānguro.
 20 Ñ laakari do n bàka kunna kūooa,
 zaakū ó bùsu gusarenò pāsì kū pínki.
 21 Ñsun tó ó gōnawēndadenò boru kpe kū wé'ioro,
 ñ tó wēndadenò kū takasidenò n táaki lé.
 22 Luda, ñ fute ñ gí kū n zīdao,
 ñ n yá kū yōnkono ten do zēnaa sari ma dé!
 23 Ñsun zuka kū n iberenò ten kányī kpá sākotoro,
 n zāngurinò kīni dīgō do lakanaa sari.

75

Ludame yākpatekeri ũ

Asafa lēe.

¹ O n sáabu kè Luda, o n sáabu kè.
 Tó ò n yābonsarenò bàba, ndīgō kú kāni.

² Luda pì: Ma goro dìte
 kū mani yākpate ke a zéa.
³ Tó andunia yīgā kū gbē kū ò kunnò ñ pínki,
 makū mé madì a gbègbano kū gíngin.
⁴ Madì o zīdabirinone òsun ía dāro,
 madì o yāvānikerinone òsun kua biriro.
⁵ Àsun kua biri ludambearo,
 àsun waka nonomairo.
⁶ Zaakū gbāna di bo ifáboki kpa ke a léte kparo,
 àdi bo gbárananno,
⁷ Ludame yākpatekeri ũ,
 àkū mé àdi gbē do lago à gbē do kara.
⁸ Toko kú Dikiri oī, í gbāna kán à pà,
 àten sén a pofē ũ fūuu.
 Àdi atē andunia yāvānikerinò ñ pínki,
 òdi mi à láka láí kú a gbòo.

⁹ Makū sō, manigō yā pì o gōrō sīnda pínki,
mani Yakubu Luda táaki lé.
¹⁰ Mani yāvānikerinō bēne é'ε,
gbē mananō bēne sō, mani sé musu.

76

Ludame zìblena gbāna ũ

Asafa lèe. Òdi sí kù guruminōo.

¹ Ò Luda dō Yudanō b̀summe,
a tó zōkō Isarailanō té.

² A bizakuta kú Salemu,
a kúki kú Zaiō.

³ Zaa gwen à kà wānanō é'en
kū sēgbakonō kū fēnedanō kū z̀kabōnōo.

⁴ Ndì gu pu ndìgō té ke,
n zōkōke de kpì kù ò kun gōrō sīnda pínkinla.

⁵ N kùgbānadenō gōkebōnō s̀m̀ma,
ò wutena kū ga'io,
gō gbāna pìnō doke dí fō à a ɔ sèro.

⁶ Yakubu Luda, n kpákēnyī,
akū sōdenō kū n sōnō gō katena gēnō ũ.

⁷ Mōkōn mé n naasi vī ndo,
tó n pō bō n yīn,

dí mé ani fō à ze n arεε?

⁸ Zaa musu n yákpate kē,
akū vīna andunia kù, à ỳte kítikiti,
⁹ zī kù Luda, n fute n yā gōgō anduniane
de n gbānasaridenō sura ba.

¹⁰ N pōfēna gbēnōi dì n tó bo,
n pōfē kpara dìgō dō n pi.

¹¹ À lé ke Dikiri á Ludaa à a fīna bo.
Ákōnō kū á likanawáinō, à mō
à Luda kū à de ògō a vīna vī gba pō.

¹² Àdi kpatablerinō ká kpáte,
àdi tó vīna andunia kīnanō kū.

77

Luda kpányī begekēna wari gūn

Asafa lèe.

¹ Ma lé zù Ludai ma a sisi,
ma wiki lè Ludaa de à ma yā ma.

² Kù má kú wari gūn ma Dikiri ki wète,
ma ɔ sè musu gwāani kámmabonaa sari,
ma laakari g̀ kpátei.

³ Kù ma laasun tà Luda kīnaa, akū ma á'á,
kù ma dō a yān, ma gō kpam lεεεε.

⁴ N tò ma wé tē i'onaa,
ma gō bídi gūn má dō deran ma ò nàro.

5 Ma do yā zīnɔn

kū wè kū ò gètenɔ.

6 Ma laasunn lè ma swèe gūn gwāani,
ma a zīda là mà wete mà dǎ.

7 Ma pi: Dikiri giwai sãnsãnn yá?

A po ni ke nna kūoo doroo?

8 A gbèke làka mámmann yá?

A yā nigō futena gɔɔ sīnda pínkin yá?

9 Ó wëndagwana yā sà Ludagun yá?

A po fèwái, ani wēnda kewere doroo?

10 Akū ma pi: Yā kū à ùman dí.

Luda Musude ɔ bùsawere.

11 Mani laasun lé Dikiri yábonsarenɔa,
mani do yā kū à kè yānɔn.

12 Mani n daboyākenanɔ laasun lé pínki,
mani n yāzōkōkenanɔ da ma swèn.

13 Luda, n zé kú adona.

Dikiri kpate zōkō mé à kà lán ó Luda bàa?

14 Mōkōmmē Luda yábonsarekeri ũ,
n n gbāna mō burinɔne.

15 N n gbēnɔ sura bà kū n gāsā gbānao,
ókōnɔ Yakubu kū Yusufu burinɔ.

16 Kū ísira wé sìnle Luda,
kū ísira wé sìnle, akū à kótɔ kpà,
à yìgāyīgā ari a lòkoton.

17 Ludambē í kòte,
surapatana kīni do musu,
n kànɔ ten fā legūpina ũ.

18 N pūtāna kīni do zàgā'ia gūn,
n legūpinaa andunia pù pínki,
zīte kè giri à yìgāyīgā.

19 N zé dà ísiran,
n gēki kè í zōkōnɔ dagura,
odi n gèsegbē ero.

20 N do n gbēnɔne are lán sã kpàsaa bà
Musa kū Harunao gāi.

78

Lè kū Isarailanɔ yā ó gbáo laakarīi

Asafa lèe.

1 Ma gbēnɔ, à ma yādannena ma,
à sã kpà ma yāi.

2 Mani yā oáre kū yáasio,
mani yā kū à utena zaa zī bōkoteáre,

3 yā kū o mà akūsō ó dǎ,
yā kū ó denɔ bàbawere.

4 Óni yā pì ute ó nénɔnero,
óni Dikiri táakilena da ó daikorenɔne,

a gbāna kŭ yābonsarε kŭ à kènɔ.

⁵ À yā dìte Yakubu burinɔne,

à a doka dà Isarailanɔne,

à dìte ó dizinɔne ò tó n̄ n̄n̄ɔ d̄s,

⁶ de à ḡs̄ n̄ buri kŭ ò kp̄énɔne futεokarayā ũ,

gbasa ò futε ò dada n̄ n̄n̄ɔne se,

⁷ de ò le ò Luda náani ke,

a yākenanɔ sún s̄ānguro,

ama oniḡs̄ a yāditenanɔ kŭna.

⁸ Òḡs̄ de lán n̄ dizinɔ bàro,

zaakŭ ò sāgbāna kè ò gi Luda yāi,

n̄ sw̄ē kŭ Ludaaro, ò yāpura vīnero.

⁹ Eflaimu burinɔ bi kàzurinɔme,

akŭ ò bòru kp̄ε z̄i gŭn.

¹⁰ Odi ze kŭ Luda bàka kunna kŭn̄wo yāoro,

ò gi té a dokaiii.

¹¹ A yākenanɔ s̄āngu

kŭ yābonsarε kŭ à mòńnenɔ.

¹² À daboyānɔ kè n̄ dizinɔ wára

Zoā w̄εte gŭn, Misila b̄usun.

¹³ À ísira z̄k̄ōre à bikŭ kŭn̄wo,

à tò í ḡs̄ zena lán b̄ini bà.

¹⁴ À dòńne are téluku gŭn fānantē,

gwāani s̄o kŭ té gupurao.

¹⁵ À gbèsi pàra gbárannan,

à í kp̄àm̄ma z̄k̄ō lán ísira'i bà.

¹⁶ À tò í bòńne gbèn,

à tò í bàa lè lán s̄εβεε bà.

¹⁷ Akŭ ò kp̄é òten durunna kene,

ò gi Luda Musude yā mai gbárannan.

¹⁸ Ò Luda lè ò gwà kŭ nèse plao,

ò n̄ p̄oyeina p̄oble gb̄ekaa.

¹⁹ Ò Luda vāni bò ò p̄i:

Luda ni f̄s̄ à ó gbá p̄oble gbárannan la yá?

²⁰ Bee kŭ à gb̄ε lè, í bò à dàgula,

ani f̄s̄ à p̄oble ke n̄bɔ kp̄áwá d̄o yá?

²¹ Kŭ Dikiri yā p̄i mà, à p̄o f̄ē,

akŭ té f̄ute à dà Yakubu burinɔla,

à p̄of̄ē k̄ipa Isarailanɔa.

²² Zaa kŭ odi Luda yā síro,

odi a surabana gbāna náani kero.

²³ Bee kŭ abireo à yā dìte ílukune,

à musu zé w̄ē,

²⁴ akŭ à mana k̄òteńne ò blè,

à p̄oble kŭ à bò musu kp̄àm̄ma.

²⁵ Ò malaikanɔ p̄oble blè,

à zānaa kèńne, à ḡē ɔla.

26 À tò ìa gbāna bò ifāboki kpa,
 à pè gèno mido ki kpa ìaa do kù a gbānao,
 27 akū à nòbòò kòtèíne dasi lán lukutē bà,
 bāno dàńla lán ísirale búsu'atē bà.

28 À tò ò kìpakipa ń b̀uran,
 ò g̃ kátè likana ń kpénòí.

29 Luda pò kù òtèni a ni dèno kpàńma,
 akū ò blè ò kà ǵngin.

30 De a ni kpé à bońma,
 goro kù pòble pì kpé da ń lén,

31 Luda pofè fùtèńyí,
 à Isaraila g̃ gbānanao dèdè,
 à ń kefennanao lè à nè.

32 Bee kù abireo ò kpé òtèn durunna ke,
 bee kù a yābonsarekenanao, odi a náani kero.

33 Akū à ń wèndii kèńne pā lán lé'ia bà,
 à tò sunyí ń lé.

34 Tó à ń gbèkeno dèdè, òdi a ki wete,
 òdi era ò are do a kù wānao.

35 Akū ò dòn sà kù Ludame ń gbèsi ũ,
 ò d̃ kù Luda Musudemè ń surabari ũ.

36 Goro kù sà òdi lé maa,
 òdi éke tone,

37 ń swè kúaro,
 ò a bàka kunna kúnwo yā gbòro.

38 Àpi s̃ à ń wènda gwà,
 à ń durunnao kèńma, adi ń kakatero.
 Àdig̃ a z̃da mile ble baala'i,
 àdi a pofèkipammao lago.

39 À ń bisāsirike d̃ńma,
 kù òdi g̃te sunaa sari lán ìa bà.

40 Ò s̃gbāna kène gbáranna g̃èn ũgbangbaa!
 Ò a pò yàkane sènte gwe à kè dasi.

41 Ò Luda lè ò gwà, ò Luda lè ò gwà,
 ò Isarailanao Luda kù à kú adonaa fè.

42 A iko gbāna s̃ńgu,
 lákū à ń sí ń íberenaa nà,

43 lákū à daboyāno kè Misila nà,
 akūs̃ à yābonsarenno kè Zoā búsun.

44 À ń swa íno lí aru ũ,
 akū odi f̃ ò a í mì doró.

45 À ífinino k̃ńgu, ò ń soso,
 kù kaso kù ò kisira kpàńyĩno.

46 À tò kwanò ń bú pòbleweno blè,
 à sutēno kà ń burapona.

47 À tò legūgbe ń geepi líkpeno kè búgubugu,
 zàga'ia ń kaka lino è'è.

70 Akū à a zòbleri Dauda sè,
à a bò sàkpasan.

71 À a bò sādānan, à dò Isarailanɔne are,
Luda gbē Yakubu burinɔ kiname.

72 Dauda n kpá a kpε kú nèsedoo,
à dòrine are kú a ɔ arubarikadeo.

79

Ɔɔɔna Yurusalemu wina yā musu

Asafa lèe.

1 Luda, burinɔ sìn n busun,
ò n kpé kú à kú adona yàka,
ò Yurusalemu wíwí ò dàte.

2 Ò n zòblerinɔ gèe kpà bāna,
ò n yamarinɔ mēe tò nòbɔ pāsīnɔne pòble ũ.

3 Ò n aru kòte lán í bà Yurusalemu bīnikpe,
gbēke kun à n vīro.

4 O gō sōsōna pō ũ ó saradenɔne,
o gō lalandi pō ũ gbē kú ò likawáinɔne.

5 Dikiri, ñigō pɔ fē kūoo ari bɔremee?
N pētē té nigō kú gɔɔ sīnda pínkin yá?

6 Ñ pɔfē kipa buri kú ò n dōronɔ,
gbē kú òdi n sísironɔ būsuna.

7 Zaakū ò Yakubu burinɔ blè,
ò n būsuu yàka.

8 Ñsun ó denɔ durunnanɔ wí ó musuro.
Ñ wēnda dōwεε likalika,
zaakū o busa o gō búgubugu.

9 Ñ kpáwái, Luda ó surabari,
n ó sura ba de n tó bo,
n ó durunnanɔ kēwá n tó yái.

10 Bóyái ñni tó burinɔ ó lá ò pi:

Ó Luda kú máme sée?
Ñ tó burinɔ gō dō ó wára
kú ndi n zòblerinɔ dedena fīna boríma.

11 Ñ tó zīzɔnɔ ɔɔɔna gē n sán,
n gbē kú ò kú ga léinɔ bo
kú n gāsā gbānao.

12 Ñ lalandi kú buri kú ò likawáinɔ kènne
fīna boríma gēn suppla, Dikiri.

13 Ókōnɔ n gbēnɔ, n kpàsa sánɔ,
ónigō n sáabu kpá gɔɔ sīnda pínki,
ónigō n tó babañne ari ó buria.

80

Isarailanɔ suna n gwena zīn aduakēnaa
Asafa lèe.

1 Ì sǎ kpá, Isarailanɔ Don'arede,
 mɔkɔn kũ ndi Yusufu burinɔ dǎ lán sǎ bà.
 Ì bo ò mós, mɔkɔn kũ ní vutena kerubunɔ dagura,
 2 ò do Eflaimu burinɔ are
 kũ Biliaminu burinɔ kũ Manase burinɔ.
 Ì fute kũ n gbānao, ò mós ò ó sura ba!

3 Luda, ò tó ò era ò su ó gwena zĩn,
 ò ǎn werewá, ní ó sura ba.

4 Dikiri Luda Zìkaride,
 ìni fē ò gí n gbēnɔ aduakena síi ari bɔremee?
 5 N wé'í dònne ní pómína ũ,
 n ní wé'í yònné a pò pà, ò mì.
 6 N tò o gò fobona pò ũ ó saradenɔne,
 ó ibereenɔ teni ó lalandi ke.

7 Luda Zìkaride, ò tó ò su ó gwena zĩn,
 ò ǎn werewá ní ò sura ba.

8 N geepi lí wò Misila,
 n pe burinɔa, akũ n lí pì pè ní gbèn.
 9 N gu kèkené à zĩni pète,
 akũ à ɔ tà à gu sì.
 10 A uraa dà kpínɔla,
 a gǎnɔ de sida lí zòkɔnɔla.
 11 À ɔ tà à gèe ari ísira léa,
 a ɔnenɔ kà ari Yuflati.

12 Bóyáin n a karaa gbòro
 de gbē kũ òten gētɔnɔ gò ɔ máte a néii?
 13 Sàkpanɔ dì lé kái ò bí,
 nòbòsèntenɔ dì su ò a lá ble.
 14 N yá nna! Luda Zìkaride, ò era ò are dɔwá!
 Zaa musu ò wé kpáte ò gwa!
 Ì laakari dɔ geepi lí día,
 15 pò kũ n pè kũ n ɔplao,
 né kũ n tütuu kè n zìdanee.

16 Ò n geepi lí pì zò ò té sàa,
 ò wé tēra pitimma de ò kakate.
 17 Ì ɔ kú gbē kũ à kú n ɔplaiia,
 bisásiri né kũ n sè n pò ũ pì,
 18 óni kēmma doró.
 Ì ó kunna kèkè ò kewere, óni n sísi.
 19 Dikiri Luda Zìkaride,
 ò tó ò su ó gwena zĩn,
 ò ǎn werewá ní ó sura ba.

81

Isarailanɔ dikpe læε

Aṣafa læε.

¹ À ayuwii ke Luda ó gbānaa,
à pɔnna wiki lé Yakubu burinɔ Ludaa.

² À lè dɔ à bata lé
kū mɔrɔ'ũ nnao kū gidigboo.

³ À kuru pé mɔ dufu bonaao,
à pé tó mɔ kè papana ó dikpeɔrɔ,

⁴ zaakū à de doka ũ Isarailanɔneme,
yā kū Yakubu burinɔ Luda diten gwe.

⁵ À yā p̄i dà Yusufu burinɔne
ɔrɔ kū à v̄i Misila būsula.
Ò kòto kū ò d̄sro mà à p̄i:

⁶ Ma aso gò á ḡaa,
ma á ɔ bò ēbona z̄in.

⁷ A s̄o d̄m̄ene warikεɔrɔa, akū ma á bó,
ma weáwa zaa legūv̄inaa gūn,
ma á lé ma á gwá zaa Meriba í k̄inaa.

⁸ À s̄a kpá ma gb̄enɔ, mani lé daáwa,
ák̄onɔ Isarailanɔ, tó áni ma yā ma dé!

⁹ Àsunḡo buri z̄it̄onɔ t̄ana v̄i á téro,
àsun k̄ute dikiri p̄anden̄ero.

¹⁰ Makūme Dikiri á Luda ũ,
ma á bóte Misila.
À á lé w̄e, mani tó à k̄a.

¹¹ Ama Isarailanɔ ḡi ma yā mai,
ma gb̄e p̄inɔ dí mì natem̄enero.

¹² Akū ma n̄ tó kū n̄ s̄agb̄anakεo,
ò té n̄ z̄ida p̄oyeinaai.

¹³ Tó ò pi Isarailanɔ ni ma yā ma,
tó ma gb̄enɔn té ma yāi,

¹⁴ de mani n̄ iberenɔ s̄p̄ete ḡn̄nḡonɔ,
mani ɔ s̄ n̄ z̄angurinoi.

¹⁵ Ma z̄angurino ni k̄a nate ma are,
n̄ w̄étamm̄ana niḡo lakana v̄iro.

¹⁶ Gbasa mà á gwa kū p̄oblewe manao,
mà era mà gb̄e z̄s̄'i kp̄ááwa à m̄áwa.

82

Yakpatεkena kū gb̄anadenɔ

Asafa læε.

¹ Luda vutena pari k̄okakaranaa gūn,
àten yākpate ke kū Ludanɔ à p̄i:

² Ari b̄oren áiniḡo yākpate keε a kp̄edangara
à yā sí yāv̄anikerin̄neε?

14 Lákū dākoo dì té kū nà,
kesō lákū té dì kpínò ble nà,

15 òn pétényī kū n zàga'īao,
n̄ tó n īa pāsī swè kēngu.

16 Òn tó n̄ gasu gō kpá n̄ wéi,
de ò n gbāna dō Dikiri.

17 Wé'i nigō n̄ kū gōrō sīnda pínki kū bídio,
ò boru kpe ò m̄i de.

18 Òn tó ògō dō kū n tón Dikiri,
m̄okōmm̄e Luda Musude ū andunia gūn pínki.

84

Luda on begekēnaa

Kora burinò l̄e.

1 N kúki mana fá, Dikiri Zīkaride!

2 Maten Dikiri on bege ke ari gu ten lima,
ma nini kū ma m̄eēo ten luka Luda Wēndidei.

3 Dikiri Zīkaride ma Kína ma Luda,
bee bāntoro sàa dà n gbagbaki sare,
Ludakibebā kpé bō gwe à a n̄énò kàn.

4 Arubarikaden̄m̄e gbē kū ò kú n onn̄n̄o ū,
òdigō n táaki lé gōrō sīnda pínki.

5 Arubarikaden̄m̄e gbē kū n̄ gbānan n̄ ūn̄o ū,
n on gena yā kú n̄ swèe gūn.

6 Tó òten gēte Baka guvutea,
àdi gō lán gu kū à ís̄bokinò vī bà,
pótōgōrō legū dì tó arubarika dagula.

7 N̄ genaa gūn n̄ gbāna òdigō karam̄e
ari ò gé káo n̄ kīnaa Zaiō.

8 Dikiri Luda Zīkaride, n̄ ma aduakēna sí,
n̄ s̄a kpá ma yāi, Yakubu Luda.

9 Luda, n̄ kína kū à de ó sēgbako ū gwa,
n̄ wé pé kína kū n̄ k̄aii.

10 Kunna n on gōrō do manam̄ene
de kunna gu pāndea gōrō wàa s̄ōrōla.

Ma Luda on zédākparike s̄i
de kunna on dokōn̄o kū yāvānikerin̄ola.

11 Dikiri Luda deñ̄e ifántē kū sēgbako ū,
Dikiri ò gbēke kēñ̄e kū bèereēo,
àdi gí p̄o mana kpá taarisariden̄airo.

12 Dikiri Zīkaride,
arubarikademe gbē kū àteni n̄ náani ke ū.

85

Aafia wékena Luda

Kora burinɔ lɛɛ.

¹ N arubarikaa dà n bùsun, Dikiri,
n su kũ Yakubu burinɔ ñ gwena zĩn.

² N n gbɛnɔ taarinɔ gòrĩma,
n ñ durunnanɔ kèrĩmma pĩnki.

³ N n pɔ kpàkpàa tò pĩnki,
n n pɔfɛ pàsĩ tò.

⁴ N su kũoo ó gwena zĩn, Luda ó Surabari,
n pɛtɛ kũ n kè kũoo lagoon.

⁵ N pɔ nigɔ fɛnawái gɔrɔ sĩnda pĩnkin yá?

Ĩnigɔ n pɔfɛgɔrɔ gága wè kũ wèɛon yá?

⁶ ĩni era n n gbɛnɔ kunna kɛkɛ n kɛĩnɛ do,
de ñ pɔ le à kɛmma nnaroo?

⁷ Dikiri, n n gbɛkɛ mɔwɛɛɛ,
n ó sura ba kũ n gbãnao.

⁸ Ma sã do Dikiri Luda yã'onaaaa,
zaakũ àdi aafia lé sé a yãmarinɔnɛ,
tó odi era ò sù ñ yònkɔyãnaroo.

⁹ A vĩakerinɔ surabanaa gɔrɔ zàro,
de a gakuri le àgɔ kú ó bùsun yãĩ.

¹⁰ Gbɛkɛ kũ náanio dì dakarɛ,
yãzede kũ aafiaao dì ɔ kpákɔa.

¹¹ Náani dì ɔ poro musu,
yãzede dì ɔ nɔnɔ zĩtɛ.

¹² Dikiri ni yã mana kɛwɛɛɛ,
ó zĩtɛ ni pɔble kɛ.

¹³ Yãzede digɔ té a arɛ,
àdi zé kɛkɛnɛ.

86

Kpányĩ wékena Luda

Dauda lɛɛ.

¹ Dikiri, n sã kpá ma yãĩ n wema,
zaakũ takaside wɛndaden ma ũ.

² N ma wèndi dákpá,
zaakũ má a zĩda kpãmma.

N makũ n zòbleri sura ba,
zaakũ mateni n náani kɛ,
mɔkɔmmɛ ma Luda ũ.

³ N sùru kɛ kũmao, Dikiri,
zaakũ madigɔ n sísi kɔnkɔ kũ ɔkɔsio.

⁴ N makũ n zòbleri pɔ kɛ nna,
zaakũ ma laakarĩi tà n kĩnaa, Dikiri.

⁵ N mana akũsɔ ñ sùru vĩ, Dikiri,
n gbɛkɛ zòkɔ n sisirinɔnɛ.

6 Dikiri, ñ sã kpá ma wékenaai,
 ñ laakari dɔ ma wɛnda wikia,
 7 Mani n sisi ma warikegɔrɔ zĩ,
 zaakū ndi wema.

8 Tana ke ni sí lekɔa kúnworo, Dikiri,
 gbɛke di fɔ à n kɛna kero.
 9 Buri kū n kɛnɔ ni su ò kútɛnnɛ,
 ò n tó bo í pínki.
 10 Zaakū n zɔkɔ akūsɔ ndi daboyānɔ ke,
 mɔkɔmmɛ Luda ũ ndo.

11 Ñ n zé mɔmɛnɛ, Dikiri, manigɔ táa o n yāpura gūn,
 ñ ma laasun kɛmɛnɛ do, de mágɔ n vīna vī.
 12 Mani n sáabu kpá kū nɛsedoo,
 Dikiri ma Luda, manigɔ n tó bo gɔrɔ sīnda pínki.
 13 Zaakū gbɛke kū n kɛmɛnɛ zɔkɔ,
 n ma wɛndii si gyāwān lɔn.

14 Luda, karambaanidenɔ ten futɛmai,
 gbɛ pásīnɔ teni ma wɛ, òdi n yā daro.
 15 Mɔkɔn Dikiri, Luda wɛndadɔnnɛrimɛ n ũ,
 n sùru vī akūsɔ n pɔ di fɛ likalikaro,
 n gbɛke kū n náanio zɔkɔ.
 16 Ñ arɛ dɔma ñ ma wɛnda gwa,
 ñ n zòbleri gba gbāna,
 ñ makū n zònkɔpare né sura ba.
 17 Ñ yāmanakɛna sèeda kɛmɛnɛ
 de ma zāngurinɔ e, wé'i n kū,
 zaakū Dikiri, n kpamai,
 n ma laakarīi kpàtɛmɛnɛ.

87

Zaiš bi Luda wɛtɛmɛ

Kora burinɔ lɛɛ.
 1 Luda a wɛtɛ kàtɛ
 kpi kū à kú adona musu,
 2 Dikiri ye Zaiš bīnilɛnɔ
 de Yakubu burinɔ wɛtɛ kparanɔla pínki.
 3 Luda wɛtɛ,
 Luda gakuriyā ò n musu à pì:
 4 Mani Misilanɔ kū Babilɔnudenɔ da
 gbɛ kū ò ma dɔnɔ té.
 Filisitininɔn kú a gūn dɔ
 kū Tayadenɔ kū Etioṗianɔ.
 Oni pi, ò gbɛ birenɔ ì gwemɛ.

5 Zaiš yā musu oni pi:
 Ò wāanɛ kū wāanɛo ì gwemɛ,
 Luda Musude mé àdi a zīni péte gíngin.
 6 Tó Dikiri ten gbɛnɔ tó da takadan,

ani pi: Ò gbě dí ì gwemε.

⁷ Lèsirinɔ kũ ũwárinɔ ń pínki ò pi:

Ó manakε pínki dì bo Zaiɔmε.

88

Kunna ga léi aduakεnaa

Ɖzera buri Emani lèε.

¹ Dikiri Luda ma Surabari,
maten wiki lémma fánantē kũ gwāanio.

² Ñ tó ma aduakεna kámma,
n sã kpá ma ɔɔɔnaai.

³ Zaakũ yá'úmmana ma nèsee pá,
ma wëndii kú ga léi.

⁴ Ò ma da gbě kũ òten si gyāwānnnɔ té,
ma gɔ gbānasaride ũ.

⁵ Ò pã kpãmai ò ma da gènɔ té
lán gbě kũ ò wutena miran sɔrɔrɔnɔ bà,
lán gbě kũ ń yá dɔngu doro
ń baka kú kũworonɔ bà.

⁶ N ma zu wèε lòkoton
ari zĩte tú t̃nɔwεε gusiran.

⁷ N pɔfē t̃ma,
a ís̃ɔ dàmala.

⁸ N tò ma gbēnɔ ma zukūna,
n tò ò ye ma kãiro.

Ò ma tata, boki kunlo,

⁹ warikena ma wé sira kũ.

Mateni n sísi zaa kɔnkɔ ari ɔkɔsi,
ma ɔnɔ dɔnanyĩ.

¹⁰ Gènɔn ndi yābonsarε keíne yá?
Gyāwāndenɔ mé òdi fute ò n sáabu kpá yá?

¹¹ Òdi n gběke baba mira gūnn yá?

Òdi n náanikena yá o gyāwānn yá?

¹² Ò n daboyānɔ d̃ɔ gusira gūnn yá?

N yāmanakenanɔ d̃na kú yāsānguki gūnn yá?

¹³ Dikiri, maten ɔɔ dɔnne,
ma aduakεna kɔnkɔ di ká n kīnaa.

¹⁴ B̃yái nten gímaii, Dikiri?

À kè dera n m̃kperε zùmenεε?

¹⁵ Má kú ga léi wëndawēnda zaa ma kefennakεgɔrɔa,
n yá pāsīnɔ t̃ma, ma gɔ sãii.

¹⁶ N pɔfēnamai dàmala,
n vīnɔpɔnɔ ma kakate.

¹⁷ Ò dàmala lán í bà zaa kɔnkɔ ari ɔkɔsi,
ò líkamai māmam.

¹⁸ N tò ma gbēnɔ kũ ma gbēnnanɔ ma zukūna,

gusira mé à gò ma kpàasi ù.

89

Luda lésena Daudane

Èzera buri Etani lèè.

¹ Dikiri, manigò lè sí n gbèke yā musu lakanaa sari,
manigò n náanikena kpàkpa ke wè kù wèèo.

² Mani o kù n gbèke lakana vīro,
n náanikena zīni petena n bea zaa musu.

³ N pì: Ma bàka kù kù gbè kù ma sèèo,
ma lé sè ma zòbleri Daudane.

⁴ Mani tó a buri gò kí ble goro sīnda pínki,
mani a kpata gba gbāna ari a buria.

⁵ Musudenò di n daboyānò sáabu kpá, Dikiri,
malaikanò di n náanikena yā o n kòkakaranaa gūn.

⁶ Zaakù gbèke kù musu kù à kà Dikiri ūro,
malaika ke ni sí lèkōa kāaoro.

⁷ Luda vīna di malaikanò kù n kòkakaranan,
à naasi vī de gbè kù ò likainola.

⁸ Dikiri Luda Zīkaride, dí mé à lèlè kúnwoo?
N gbāna kù náanio vī yā sīnda pínki gūn.

⁹ Ndì gbāna mò ísirane,
tó à sò fùte kù vīvīnaao, ndì a gbāna fō.

¹⁰ N Misilano dúgu zò, ò gò gènò ù,
n n zāngurino fàkōa kù n gāsā gbānao.

¹¹ Musu bi n pómè, zīte do bi n pómè,
n andunia kàte kù pò kù ò kù a gūnnò pínki.

¹² N gughānduru kù gènòmidòkio kè,
Tabo kù Emò gbènò di ayuwii ke kù n tóo.

¹³ N gāsā bi gbāna pómè,
n ò gbāna akūsò n òpla do musu.

¹⁴ Yāmanake kù yāzedekeoome n kpata zīni ù,
gbèke kù náanio mé à donne are.

¹⁵ Arubarikadenòme gbè kù ò ayuwiikemmanò ù,
kù òdigò táa o gupura kù à kù n kurunyī, Dikiri.

¹⁶ Òdigò ponna ke kù n tóo goro sīnda pínki,
òdi ía dá kù n manakeo.

¹⁷ Zaakù n gākuri kù n gbānaome n ù,
n zena kūoo di ó sé lei.

¹⁸ Ó kína bi Dikiri pómè,
ó sēgbako pì bi Isarailano Luda pómè.

¹⁹ N yā ò n yāmarinòne yā wégupu'ena gūn
n pì: Ma kpányī kè gōsaane,
ma kefenna sè musu a gbènò té.

²⁰ Ma a zòbleri Dauda lè,
ma a nísì kùma ma a òte.

- 21 Manigõ a kũna ma õĩ,
ma gàsá gbāna nigõ kú kāao.
- 22 Iberε ke ni fõ à táfe síaro,
gbē vāni ke ni le à gbāna m̄nerο.
- 23 Mani a weterin̄o m̄i de a are,
mani a zāngurin̄o ne.
- 24 Mani gbēke kenε kũ náanio,
oni a sé lei kũ ma t̄so.
- 25 Mani ísira nane a õĩ,
anigõ iko v̄i swan̄o.
- 26 Ani ma sísi à pi,
má de a De ũ kũ a Ludao,
a gbèsi ũ kũ a surabariio.
- 27 Mani a ke ma daudu ũ,
anigõ de andunia k̄inan̄o m̄ide ũ.
- 28 Manigõ gbēke v̄i kāao ḡor̄o s̄inda p̄inki,
ma bàka kũ à kú kāao gborona v̄iro.
- 29 Mani tó a buri gõ kí ble ḡor̄o s̄inda p̄inki,
a kpata nigõ kun lákũ ludambe digõ kun nà.
- 30 Tó a burin̄o p̄a kpà ma dokai,
akũsõ odi té ma yāditenan̄oiro,
- 31 tó ò bò ma yā kpe,
akũsõ ò ma yādannen̄o kũnaro,
- 32 mani gò t̄m̄ma n̄ taarin̄o yāi,
mani n̄ ke búgubugu n̄ vānikenaa musu.
- 33 Ama gbēke kũ má v̄i kāao ni lákaro,
mani fõ mà náanisariyā kero.
- 34 Mani ma bàka kunna kāao yā gbororo,
mani yā kũ à bò ma lén litero.
- 35 Ma sì kũ ma kunnao ḡèn do,
mani éke to Daudanero, kũ ma p̄i,
- 36 a buri nigõ kun ḡor̄o s̄inda p̄inki,
a kpata nigõ kun ma wára lán ifántē bà.
- 37 Lákũ m̄ovura de s̄èeda náanide ũ musu nà,
l̄en a kpata nigõ kun ḡor̄o s̄inda p̄inki le.
- 38 Bee kũ abireo n gi k̄ina kũ n kài,
n̄ o gbàrei n̄ p̄o f̄ē kāao manamana.
- 39 N n bàka kunna kũ n z̄òbleriio yā gbòro,
n a kífura gya bò n p̄àte z̄ite.
- 40 N a w̄ete b̄inin̄o gbòro,
n a zeki gbānan̄o k̄òte n d̄ate.
- 41 Gbē kũ òten ḡeten̄o n̄ baka bòn n̄ p̄inki,
à ḡò lalandi p̄ó ũ a buri daken̄oε.
- 42 N a weterin̄o ḡàa s̄è lei,
n tó a iberen̄o p̄onna k̄è.
- 43 N a f̄en̄eda gbāna è,
n̄di ze kāao z̄l̄i ḡunlo.
- 44 N a k̄ikegoo sia,

n a kpataa nè.

⁴⁵ N tò à zī kù a gbānan,
n wé'i dàa arukĩmba ũ.

⁴⁶ Dikiri, ìnigõ utenawere ari boremeε?
N pɔfɛ té nigõ kù gɔɔ sīnda pínkin yá?

⁴⁷ Ñ laasun lé ma wèndi kutukεa.
N bisāsiri kè pān yá?

⁴⁸ Dí mé anigõ kun à gí gaii?
Dí mé ani fɔ à a zīda sí mira gbānaaaa?

⁴⁹ Dikiri, gbēke kù n vī yā gèε máa?
N yenyī kù n a lé sè Daudanε kù náanio sō bi?

⁵⁰ Ñ tó n zòbleri fobona yā dɔngu,
burinɔ ma sōsō ò ma nèseε yàka.

⁵¹ N ibereɔ kina kù n kà lalandii kè
ari gu kù a gèseε pèten, Dikiri.

⁵² Arubarikaden Dikiri ũ ari gɔɔ sīnda pínki!
Aami! Aami!

TAKADA SIIKODE

Zabura 90-106

90

Luda kù bisasirio

Luda gbē Musa aduakεnaa.

¹ Dikiri, ó utekime n ũ wè kù wèεo.

² De n kpé n kpino ke,
de n kpé n zīte kù anduniaio káte,
Ludame n ũ zaa káaku ari gɔɔ sīnda pínki.

³ N dìte kù bisāsiri era zīte,
ndi piinne ò era bùsun.

⁴ Wè wàa sɔɔro denne lán gɔɔ do bà,
à denne lán gĩa ke gwāani zaka bà.

⁵ Ndi bisāsiri sé kù ga'io,
ò de lán sè yīda bà kɔnkɔ.

⁶ Àdi bute kɔnkɔ à gbā,
àdi yitoro kù ɔkɔsi à kori ke.

⁷ N pɔfɛ di ó kakate,
n patammanaa di swè kèógu.

⁸ Ó yā vāninɔn katena n are,
ó asiriyānɔ bò gupuran n kuru.

⁹ Ó gɔɔ di gète n pètē yāi,
ó wèndii di lāka kù ndanaao.

¹⁰ Ó wèε di ká baaakɔ akuri,
tó ó gbāna sō, basiikɔ.

Wari kù pɔsiraoon wèε pino di suowere,
òdi gète likalika, akū odì kpágui.

¹¹ Dí mé à n pɔfɛ gbāna lé dɔɔ?

n pētē zōkō kà vīna kū à de ò kenne ũ.

¹² Ñ dadawere ògō ó wèndi kutuke lé dō,
de ò ãndō le ó swèè gūn.

¹³ Dikiri, boren ïni n pofē kpátē?

Ñ n zòblerinō wēnda gwa.

¹⁴ Ñ tó n gbēke suwá lākū gu digō dō nà,
de ògō pōnna ke kū ayuwiikenaao ari ó goro lén.

¹⁵ Ñ ó pō ke nna o kū n tōwá goro lén,
wari kū o kè wè lén.

¹⁶ Ñ n yākenano mo ókōno n zòblerinōne,
n tó ó nēno n gbāna gakuri dō.

¹⁷ Dikiri ó Luda, n tó ò n pōnna le,

n tó ó zī àre le,
ee, n tó ó zī àre le.

91

Ludame ó dākpāri ũ

¹ Gbē kū à utena Luda Musude oĩ
nigō kú Gbānasīndapinkide uraai.

² Ani pi Dikirime a zeki gbāna ũ,
a Ludame a uteki ũ, á a náani vī.

³ Akū mé ani n sí kariia,
ani n sura ba kū gagagyāo.

⁴ Ani n soto a poten, ñigō utena a orun,
a náanikena mé ani n dākpā lán sēgbako bà.

⁵ Gwāani karino kū fānantē kà vīnlano
ní ke vīna ni n kūro,

⁶ ke gagagyā kū àdigō té gusiran
ke gyāgēwēte kū àdi ní le fānantē gbāna.

⁷ Bee tó gbēnon wàa soro ten léte n sare,
ke gbēnon dúbu kuri ten ga n oplai,
póke ni n lero.

⁸ Ìni wé sé ñ gwa,
ïni e lākū òdi wé tā yāvanikerinōa nà.

⁹ Tó n Luda Musude kè n uteki ũ,

tó n Dikiri kè n kúki ũ,

¹⁰ yā vāni ke ni n lero,

kisira ni gē n onnlo.

¹¹ Zaakū ani n yā o a malaikanōne,
de ò n dākpā gu kū nten gén pínki.

¹² Oni n sé ní oĩ
de ñsun gè sí gbèero yāi.

¹³ Ìni gèse ze músuua kū káreo,
ïni gèse pétepete sàbooa kū pitikoo.

¹⁴ Dikiri pi: Zaakū à nàmai, mani a bo,

zaakū à ma dō, mani ɔ kúa.

¹⁵ Ani ma sísi, mani wea,
tó yā nàkaraa, manigō kú káao,
mani a sura ba mà a kpe ta.

¹⁶ Mani a pɔ ke nna kú wèndi gbànao,
mani tó à e lákū madì gbē sura ba nà.

92

Luda sáabukpanaa

Kámmabogɔɔ lèe.

¹ À mana ò n sáabu kpá, Dikiri,
ò lè sí ò n tó bo, Luda Musude,

² ò n gbēke baba kɔnkɔ,

ò n náanikeyā o gwāani,

³ ò n táaki lé kú mɔɔɔɔ
kú gidigboo kú kontigiio.

⁴ N yākenanɔ dì ma pɔ ke nna, Dikiri,
madì ayuwii ke n ɔzīkenanɔa.

⁵ Dikiri, n yākenanɔn zōkō manamana,
n laasunnɔn zā à kè zōkō.

⁶ Yōnkɔ yā pì dōro,
mìsaride ni fō à dōro dōro.

⁷ Bee tó gbē vāninɔ fùte ò gbà lán sèe bà
akūsō yāvānikerinɔ karana lè n pínki,
n zia bi kakatena lakanasarime.

⁸ Mōkōn sō Dikiri,
ndìgō kú musu gɔɔɔ sīnda pínki.

⁹ N gwa, n ibereɔ ten láka,
vānikerinɔ ten fākōa n pínki.

¹⁰ N ma gba gbāna lán zūsente bà,
n nísí mana kú ma mīia.

¹¹ Ma wé sí ma weterinɔ letenale,
ma sã ma ibere vāninɔ wikilenaa mà dɔ.

¹² Gbē mananɔ ni gbā lán domina línɔ bà,
onì ke zōkō lán Lebana sida línɔ bà.

¹³ Ò pena Dikiri be gūn,
onì gbā ó Luda ɔnn.

¹⁴ Bee kú n zīkūkeo onigō né ime,
n lá nigō té ke síi plèple.

¹⁵ Ò pi, Dikirin mana,
àkūme ó gbèsi ũ, vāni ke kú a gūnlo.

93

Dikirime Kína ũ

¹ Dikiri mé àten kí ble,

à zōkōke dana uta ũ.

Dikiri zōkōke dana,

à gbāna dō a pì,

à andunia kàte gíngin,
ani yīgāro.

² N kpata petena zaa zīzī,
ń kun zaa káaku.

³ Í zōkō dāgula Dikiri,
í zōkō kīni dō,
í zōkō ten gāgā lé.

⁴ Dikirin kú musu, à zōkō,
a zōkō de í dasi kīnila,
a gbāna de ísira sō vīvīnala.

⁵ Dikiri, n yāditenanōn gborona vīro,
à kù n kpé gō kú adona ari gōrō sīnda pínki.

94

Ludame yākpatekeri ũ

¹ Dikiri Luda Mōrakari,
Luda Mōrakari, ñ bo gupuran!

² Andunia yākpatekeri, ñ fute,
ñ fīna bo zīdabirinōa ń yākenaaa.

³ Gbē vāninō nigō pōnna ke ari bōremee?
Ari bōremee, Dikiri?

⁴ Yāvānikerinō dì gōsa yā o,
òdi yā bōte òdi ía dā ń pínki.

⁵ Dikiri, òdi n gbēnō dúgu zō,
òdi gbāna mō gbē kù n ń sēnōne.

⁶ Òdi gyaanōnō kù bōasunō dēde,
òdi tonenō kakate.

⁷ Òdi pi Dikiri dí ń ero,
Yakubu burinō Luda laakari kúrīmaro.

⁸ Ákōnō yōnkōnō, à laakari ke!
Ákōnō mīsaridenō, áni ōndō kù bōremee?

⁹ Luda mé à sā pè, ani gí yā mai yá?

À wé kè, ani gí gu ei yá?

¹⁰ Àdi burinō toto, ani ń sā gágaro yá?

Àdi yā dañne, à dōna vīro yá?

¹¹ Dikiri bisāsiri laasun dō,
kù yā pāme.

¹² Arubarikademē gbē kù ndì toto
ñ n doka dadane ũ, Dikiri.

¹³ Ndì a laakari kpátene warikēgōrōa
ari ò gé wēe yō vānikeriine.

¹⁴ Dikiri ni pā kpá a gbēnōiro,
ani gbē kù à ń sé a pō ũnō zukūnaro.

¹⁵ Oni era ò yākpate ke a zéa,
nēsepuradenō nì zēo.

16 Dí mé ani futemene gbě vāninᵋaa?
 Dí mé ani ze kūmao yāvānikerinᵋo yā musuu?
 17 Tó adi ke Dikiri kpányī kēmenenlo,
 de má kú miran kítikiti kò.
 18 Kū ma pì guzāre teni ma sēte,
 n ma kū n gbēke gūn, Dikiri.
 19 Kū laasun pà ma swēn,
 n ma laakarīi kpātemene n ma pᵋ kè nna.
 20 N bàka nigᵋ kú kū yālekperεgᵋgᵋrinᵋo kpataao yá?
 N yāditenanᵋo dì suñne kū wario.
 21 Òdi lé kpákūsū gbě manai,
 òdi yā da taarisaridela ò a de.
 22 Dikirime ma zeki gbāna ũ,
 ma Ludame gbèsi kū madì uten ũ.
 23 Ani n vānikena eraruma,
 ani n buri bo n taarinᵋo yāi.
 Dikiri ó Luda ni n buri bo.

95

Luda táakilenaa

1 À mᵋ ò pᵋnna lè sí Dikirine,
 ò ayuwii dᵋ Gbèsi kū àdi ó sura baa.
 2 Ò su a are ò a sáabu kpá,
 ò lè sí ò a táaki lé.
 3 Zaakū Dikiri bi Luda kū à zᵋkᵋme.
 Kína zᵋkᵋme, à de dikiri sīnda pínkila.
 4 Zīte lòkoto kú a ɔĩ,
 kpi mīsᵋntenᵋo bi a pᵋme.
 5 Ísira bi a pᵋme, zaakū à kè,
 àkū mé à zīte í kàsa kū a ɔo.
 6 À mᵋ ò kúte ò donyī ke
 ò wúte Dikiri ó Kèri are.
 7 Zaakū àkūme ó Luda ũ,
 a kpàsa gbēnᵋme ó ũ,
 a sã kū àteni n dānᵋo ũ.
 Tó a a kòtoo mà gbāra,
 8 àsun sāgbāna ke lākū á dizinᵋo kè nà zaa Meribaro
 ke Masa gᵋrᵋo kū ò kú gbārannan.
 9 Bee kū ò ma yākenanᵋo è,
 ò ma le ò ma gwa gwe.
 10 Akū ma pᵋ fè gbě pìnᵋo ari wè bupla,
 ma pì gbě sāsānanᵋme n ũ,
 ò ma zénᵋo dᵋro.
 11 Akū ma la dà ma pᵋfè gūn ma pì,
 oni gē ma kammabokinlo.

96

Dikirimε Kína zōkō ũ

- 1 À lè dufu sí Dikirinε,
andunia gbē sīnda pínki, à lè sí Dikirinε.
- 2 À lè sí Dikirinε à a tó bo,
àgō a surabana baaru kpá lákū gu ògō dō nà.
- 3 À a gakturikεyā o burinōne,
à a yābonsarēno baba gbē sīnda pínkinε.
- 4 Dikirin zōkō, à kà ò a táaki lé,
à kù ò vīna kenε de tānanōla ní pínki.
- 5 Burinō tānanō bi pō ginanōme,
ama Dikiri mé à musu kē.
- 6 Zōkōkε kù bēereεo kúa,
gbāna kù gakturio kú a kúkiame.
- 7 À gakuri kù gbānao dō Dikirinε,
būsu sīnda pínki gbēno, à dō Dikirinε.
- 8 À Dikiri tó gakuri dōne,
à mó kù gbao à gēo a onn.
- 9 À donyī ke Dikirinε a kúadona manaken,
zītedeno, àgō luka a are á pínki.
- 10 À o burinōne, Dikiri ten kí ble.
Andunia katena gíngin, à yīgāna vīro,
ani yākpate ke kù gbē sīnda pínki a zéa.
- 11 Musudenō, à pōnna ke,
zītedeno, à vī kù pōnnao,
ísira kù pō kù ò kunnō, à kīni ke.
- 12 Sēnte kù pō kù ò kunnō, à pōnna wiki lé,
lí kù ò kú dàkoo gūnnō, à ayuwii ke á pínki.
- 13 Oni pōnna ke Dikiri are, zaakū àten su,
àten su yākpate ke kù anduniao.
Ani yākpate ke kù anduniao a zéa,
à yā gōgō gbēno kù yāpurao.

97

Dikiri sunaa

- 1 Dikiri mé àten kí ble,
zītedeno pōnna ke,
ísirabaradeno gō kù pōnna gūn.
- 2 Legū luku kù gusira níkinikio likai,
manake kù yāzedeome a kpata zīni ũ.
- 3 Té ògō kù a are,
àdi ibere kù ò likainō kpata.
- 4 A legūpinaa ò zīte pu,
tó andunia è, àdi luka.
- 5 Kpinō ò yó lán zósaa bà Dikiri are,
andunia pínki Dikiri are.
- 6 Musudenō ò a manake kpàkpa ke,

huri sında pínki dî a gakuri e.

⁷ Wé'i dî tãnagbagbarinɔ kũ n pínki,
gbē kũ òdi ãa dā kũ pó ginanɔ.
Tãnanɔ ni donyĩ keɛ n pínki.

⁸ Zaiɔdenɔ mà ò pɔnna kè,
Yuda wētedenɔn kũ pɔnna gũn
n yãkpatekenanɔ yái, Dikiri.

⁹ Zaakũ n kũ musu de andunia pínkila,
Dikiri, n de tãnanɔla n pínki.

¹⁰ Dikiri ye gbē kũ ò zà yã vãninnɔi,
àdigɔ a yãmarinɔ wèndi dákpã,
àdi n bo yãvãnikerinɔ ɔĩ.

¹¹ Gu dî dɔ gbē mananɔa,
nèsepuradenɔn pɔnna vĩ.

¹² Gbē mananɔ, à pɔnna ke Dikiri gũn,
à a tɔ kũ à kũ adona bo.

98

Dikiri suna táakilenaa

¹ À lè dufu sí Dikirine,
zaakũ à yãbonsarenɔ kè,
à zĩi blè kũ a ɔpla kũ à kũ adona gbãnao.

² Dikiri tò ò a surabanaa dɔ,
à a manakɛnaa mò burinɔɛ.

³ Gbēke kũ náani kũ à vĩ kũ Isarailanɔ dòn,
andunia lézekidenɔ ó Luda surabanaa è n pínki.

⁴ Andunia pínki, à pɔnna wiki lé Dikiria,
à kakũn kũ ayuwiikenaao.

⁵ À mɔɔɔlɛna ũ dɔ Dikirine,
à mɔɔɔ léne kũ lèsinaao

⁶ kũ kákákipɛnaao kũ kuru yĩsãmpanaao.
À pɔnna wiki lé Dikiri ó Kínane.

⁷ Ísira kũ pó kũ ò kunnɔ kĩni ke,
andunia kũ gbē kũ ò kunnɔ n pínki.

⁸ Swanɔ ɔkpa lé Dikiri are,
kpinɔ ayuwii ke lɛlɛ,

⁹ zaakũ àtɛn su yãkpatɛ ke zĩtɛmɛ,
ani yãkpatɛ ke kũ anduniao a zéa,
ani yã gɔgɔ gbɛnɔɛ kũ yãpurao.

99

Luda kũ à kũ adonaa

¹ Dikiri ten kí ble, burinɔ luka,
à vutɛna kerubunɔ dagura,
andunia yĩgã

² Dikirin zókɔ Zaiɔ,

à de buri sīnda pínkila.

³ Ò a tó zōkō à naaside bo,
à kú adona.

⁴ Kína pì gbāna vī, à ye yāzedei,
àkū mé à yākpatekena a zéaa dà,
à yā gōgō Yakubu burinone a zéa.

⁵ À Dikiri ó Luda tó sé lei,
à kúte a tintin are,
à kú adona.

⁶ Musa kū Harunao kú a gbàgbarino té,
Samuelime a sīsirinō doke ũ,
ò a sīsì, akū à wèmma.

⁷ Zaa tēluku gūnn à yā òñne,
ò a doka kū a yādannenano kūna.

⁸ Dikiri ó Luda, n weńma,
mōkōmme Luda kū àdi ní taari kēńma ũ,
bee kú abireo n ní yā vāninō wi ní musu.

⁹ À Dikiri ó Luda tó sé lei,
à donyī kene a kpi kū à kú adona musu,
zaakū Dikiri ó Luda kú adona.

100

Dikiri sáabukena

Sáabukena lèè.

¹ Andunia pínki, à ponna wiki lé Dikiria.

² À donyī ke Dikirinē kū ponnao,
à mó a kīnaa kū ayuwiikenaao.

³ À dō kū Dikirime Luda ũ,
àkū mé à ó ké, ó de a pó ũ,
ó de a gbēno ũ, a kpasa sáno ũ.

⁴ À gē a onlen kū sáabukenaao,
à gē a onn kū a táakilenaao,
à a sáabu ke à a tó sé lei.

⁵ Zaakū Dikiri mana, a gbēke lakana vīro,
àdigō náani vī goro sīnda pínki.

101

Kína lésena Ludane

Dauda lèè.

¹ Mani lè da gbēke kū yāzedeo musu,
mani lè sínne, Dikiri.

² Mani laakari ke mágō kun taari sari,
boreń ñni sumaa?
Manigō kú ma onn kū nēsepura.

³ Ma wé nigō kú pó ginaaaro,
mani zā yāđoro sarikenan, ani namaro.

⁴ Ma nēse nigō manafiki vīro,
ma bàka nigō kú kū yā vānioro.

⁵ Mani gbē kū àdi a gbēdake yaka a kpe kakate,
mani sùrù f̄s kū karambaanidenɔ kū zīdabirinɔoro.

⁶ Ma wé niḡs kú ma búsu náanidenɔa,
de òḡs kú kúmao,
gbē kū àdiḡs kú taari sari niḡs de ma zīkeri ũ.

⁷ Mani we gbēsāteri ḡs kú ma bearo,
mani tó manafikide ze ma arero.

⁸ Maniḡs ma búsu gbē vāninɔ láka lākū gu òḡs dɔ nà,
maniḡs yāvānikerinɔ buri bo Dikiri wēte gūn.

102

Gbānasaride aduakēnaa

Wēndade gbānasaride kū àteni a yā'ūmmananɔ bote Dikirinēe ad-
uakēnaa.

¹ Dikiri, ñ ma aduakēna ma,
ñ tó ma wiki n ki le.

² Nsun wé utemene ma warikegɔɔaro,
ñ sã kpámai,
tó ma n sisi, ñ wema likalika.

³ Zaakū ma gɔɔ ten gēte lán túsukpe bà,
ma mè ten puusu bo lán téȳsɔ bà.

⁴ Ma nèsee yàka, ma ḡs lán sè kori bà,
ma sã póbleyān.

⁵ Ma ndana gbāna mé à tò
ma ḡs wàakuu ũ.

⁶ Ma ḡs lán gbāranna tiongo bà,
lán bezi kóro bà.

⁷ I òḡs ma wénlo,
ma ḡs lán bá kū à di kpé musu ado bà.

⁸ Ma iberenɔ òḡs ma s̄s̄s̄ gɔɔ s̄inda pínki,
ma foborinɔ òḡs ká kū ma tóo.

⁹ Túbume ma póblee ũ,
ma wé'i òḡs ká ma ímibɔn

¹⁰ n p̄fē kū n pētēo yāi,
zaakū n ma se n ma zukūna.

¹¹ Ma gɔɔ ten gēte lán uraa bà,
akū maten kori ke lán sèe bà.

¹² Mɔk̄s̄n s̄s̄ Dikiri,
ndiḡs kú kpatan gɔɔ s̄inda pínki,
n tó ni garo ari ó buria.

¹³ Ìni fute ñ Zaiš wēnda gwa, zaakū gɔɔ kà,
gɔɔ kū n òḡs kà, kū Ìni a pɔnna wete.

¹⁴ A gbènɔ kè n zòblerinɔne mana,
a gborona búsuu òḡs ká wēnda.

¹⁵ Buri s̄inda pínki ni vīna kenne, Dikiri,
andunia kīnanɔ ni n kīke d̄s̄ n pínki.

¹⁶ Zaakū Dikiri ni Zaiš keke à bo dɔ,
ani bo à suríma kū gakurio.

¹⁷ Ani takasidenɔ aduakēna sí,
ani ñ wékena kpá sákotoro.

18 Ò yā dí kē kpēdeno yāi
de gbē kū ò kpénò Dikiri táaki lé.

19 Dikiri zīte gwà zaa a kúkia,
zaa musu à wé kpàte zīte,

20 de à gbēno zòble ɔɔ do ma
à n bo ga léi yāi.

21 Oni Dikiri tó bo Zaiɔ,
oni a táaki lé Yurusalemu,

22 zī kū b̀usu s̀inda pínki gbēno ni kò kakara gwe,
kū kpatablerino ò donyī kene.

23 À ma gbāna b̀usa zégbān,

à ma ẁendi kè kutu,

24 akū ma pì: Ma Luda,

̀nsun ma ẁendi bo gugbānlo,

m̀okɔn kū n kun ari ó buria.

25 N andunia zīni p̀ete zaa káaku,
m̀usu bi n ɔzīme.

26 N pínki ni g̀ete, ama ̀inigɔ kun,

oni zī kū lán pókasa bà,

̀ini n lite lán uta bà n n zukūna.

27 M̀okɔn s̀o n kunnaa digɔ dokɔno,
n g̀oro lakana v̄iro.

28 N zòblerino ǹeno nigɔ kun aafia,
n burino ni zīni p̀ete n kuru.

103

Luda gbēke

Dauda l̀e.

1 Ma swē, n Dikiri sáabu kpá,
ma gu s̀inda pínki, n a tó kū à kú adona bo.

2 Ma swè, n Dikiri sáabu kpá,
̀nsun sá a yámanakena kenlo.

3 Àdi ma taarinò kēma pínki,
àdi ma werek̀sa kū ma gyāno pínki.

4 Àdi ma ẁendi bo gyāwān,
àdi a nna diramene a gbēke kū a ẁendaoo gūn.

5 Àdi tó pó mana kū má yeino móma,
de ma kefennake le àgɔ dufu lán v̄au pó bà.

6 Dikiri d̀i yā ke a zéa,
àdi tó yā bo g̀onawēndadenò nna.

7 À tò Musa a poyeina yā d̀ò,
à a yābonsarenò mò Isarailanone.

8 Dikiri s̀uru v̄i kū ẁendaoo,
a pò d̀i f̀e likaro, a gbēke dasi manamana.

9 Ani n taari le g̀en baaak̀oro,
ani pof̀e da a ǹesen g̀oro s̀inda pínkiro.

10 Àdi yā kewere lán ó durunnanon de nàro,

àdi fīna bowá lán ó sātēnanon de nàro.

¹¹ Lákū ludambē lei de nà kū zītēo,
len à gbēke zōkō kū a vīnakerinō le.

¹² Lákū ifaboki zākōne kū a léte kpao nà,
len àdi ó taarinō kēwá le.

¹³ Lákū de dì a nēnō wēnda gwa nà,
len Dikiri dì wēnda dō a vīnakerinōne le.

¹⁴ Zaakū à dō pō kū à ó kéo,
à dōn kū būsuumē ó ũ.

¹⁵ Bisāsiri wēndi kutu lán sēē bà,
àdigō gakuri vī gōō pla lán lávu bà.

¹⁶ Tó ía pàa, àdi gēte,
gu kū à kunn pīi dì dō a yān dorō.

¹⁷ Dikiri dìgō gbēke vī kū a vīnakerinō
zaa káaku ari gōō sīnda pínki,

àdi yā mana ke n nēnōne kū n daikorenō,

¹⁸ gbē kū ò zē kū a bàka kunna kūńwo yāo
akūsō ò yā kū à dītēnō kūnanō.

¹⁹ Dikiri a kpataa dīte musu,
à gbāna vī gbē sīnda pínkia.

²⁰ À Dikiri sáabu kpá, ákōnō a malaikanō,
ákōnō gbānade kū adì a yā ma à zī keanō.

²¹ À Dikiri sáabu kpá, ákōnō ludambē zīkarinō á pínki,
ákōnō a zīkeri kū adì a pōyenyīna yā kenō.

²² À Dikiri sáabu kpá, ákōnō a pōkenanō á pínki
gu kū àtēn kí blennō pínki.

Ma swè, n Dikiri sáabu kpá.

104

Dikiri Póšīndapinkikeri táakilenaa

¹ Ma swè, n Dikiri sáabu kpá.

Dikiri ma Luda, n zōkō manamana,
n gakuri dana pókasa ũ, àtēn té ke,

² n gupura kùnla lán biza bà,
n musu kpàte lán pēē bà,

³ n bē bō ínola musu.
N ludambē luku kē n sōgo ũ,
ndì dī ía oa.

⁴ Ndì ía ke n zīrinō ũ,
ndì tévura ke n zīkerinō ũ.

⁵ N andunia kàte, n a zīni pēte,
à yīgāna vī zikiro.

⁶ N ísira kùa arukĩmba ũ,
í pīi dà kpínola.

⁷ N kpākē í pīi, akū à bàa lē,
n pataa, akū à nāgui.

⁸ Kpinō bō gupuran, guvutēnō sīkūn,

30 Tó n n Nini gbàre, pónò dì wèndi le,
ndì tó zīte era à ke dufu.

31 Ò tó Dikiri gakuri gō kun goro sīnda pínki,
ò tó Dikiri pò ke nna a yākenanò.

32 Àkū mé àdi zīte gwa, akū àdi yīgā,
àdi ò na kpina, akū túsukpe dì bo.

33 Mani lè sí Dikirine ari ma wèndi lén,
mani ma Luda táaki lé ari ma goro lén.

34 Ì tó ma laasun kánne, Dikiri,
lákū maten ponna ke kúnwo ná.

35 Durunnakerinò mì de andunia gūn,
yāvānikerinò súnḡ kun doru.

Ma swè, ì Dikiri sáabu kpá.
Aleluya!

105

Luda a gbēnò surabanaa

1 À Dikiri sáabu ke à a tó kpá,
à tó burinò a yākenanò dō.

2 À lè sí à a táaki lé,
à a yābonsarekenanò baba pínki.

3 À ìa dā kū Dikiri tó kū à kú adonaa,
ákōnò Dikiri kiweterinò à ponna ke.

4 À Dikiri ki wete à gbāna wé kea,
àḡō a are wete lakanaa sari.

5 À tó yābonsare kū à kènò dōágu,
a daboyākenanò kū a yākpatēkenanò,

6 ákōnò Dikiri zōbleri Ibrahī burinò,
ákōnò Yakubu buri kū à á sēnò.

7 Àkūme Dikiri ó Luda ũ,
a yākpatēkena kú andunia gūn pínki.

8 A bàka kunna kūo yā dì sāagu zikiro,
yā kú à òte nigō kun ari ó buria.

9 A bàka kú kú Ibrahīo,
à era à sī kú a kunnaao Isaakune dō.

10 A yā pī pāpa Yakubune dokayā ũ,
akū à kú kú Isarailanò ari goro sīnda pínki.

11 À pī áni Kanaanò būsū kpámma,
anigō de ñ baka ũ kú òḡō vī.

12 Goro birea ò dasiro, òdi ñ yā daro,
ò kú Kanaanò būsūn bōasunò ũme.

13 Òdigō líkara zō buri kú burionò té,
òdigō kure būsū kú būsūo.

14 Adi we ò gbāna mōñero,

à kpàkè kínanoi ní yá musu à pì,
 15 òsun ɔ na gbē kū a ní sɛnɔaro,
 òsun wé tã a annabinɔaro.

16 Akū à tò nàa gè būsuu pìn,
 à tò ní zànaa làka pínki.
 17 Akū à Yusuflu gbàre à dònne ní are,
 ò a yia zò ũ.

18 Ò mòkpatii kpà a gbáa,
 ò mòkakɔanaa kà a wakale
 19 ari yá kú à gĩnake à òo gēe à pàpao,
 akū yá kú Dikiri dàneε tò yá bò kãao nna.
 20 Kú kína gbē zì, akū ò a gbàre,
 būsuu gbē zòkɔ pì a kè.
 21 À a dīte a būsuu don'arede ũ,
 à tò à iko vī a aruzekenɔa pínki.
 22 Yusuflu a kínanenɔ tòto a poyeinaaa,
 à òndɔ dàda a ibanɔne.

23 Akū Yakubu sù Misila,
 Isarailanɔn kun nibɔnɔ ũ Hamu burinɔ būsuu.
 24 Dikiri tò a gbēnɔ kò gwe manamana,
 à tò ò dasi kú de ní iberenɔla.
 25 À ní ibereε pìnɔ sã vùrĩne, akū ò zà a gbēnɔgu,
 de ò òndɔ ke a zòblerinɔne.
 26 À a zòbleri Musa zìmma
 kú Haruna kú à a sēεo.
 27 Ò dabodabonɔ kè Misilanɔne,
 ò yãbonsarenɔ kè Hamu burinɔ būsuu.
 28 À gusira gbàreímma, gu sì ní būsuu,
 kú ò gí a yá mai yái.

29 À ní ínɔ lì aru ũ,
 akū ní kpònɔ gàga.
 30 Kasonɔ dà ní būsula
 kú ní gbãnadenɔ wutekinɔ pínki.
 31 À yá ò, akū ífininɔ dàńla,
 sàanɔ sì ní té ari ní būsuu lén pínki.
 32 À legūgbēε kòteńne legū gēne ũ,
 surapatanaa dà ní būsula pínki.
 33 À ní geepi línɔ è'ε kú ní kakapura línɔ,
 à ní būsuu línɔ kè búgubugu.
 34 À yá ò, akū kwanɔ dàńla,
 kwa zékɔnɔ kà ò lé vīro.
 35 Ò ní būsuu sè kú láo blè ò nè,
 ò ní burapɔnɔ blè pínki.
 36 À ní būsuu daudunɔ dède ní pínki,
 ní né daudu kú ò ò ní kefennakegɔrɔanɔ.

37 À bò kú Isarailanɔ,
 ò andurufu kú wuraaɔ sɛna,

ń buri gbēke dí gè sí zénlo.

³⁸ Kū ò bòte, Misilano pò kè nna,
kū vīna ń kū Isarailano yā musu.

³⁹ À téluku dà a gbēnola,
à kè té ũ gwāani à gu pùrīne.

⁴⁰ Ò wé kèa, akū à sùnne kū kpekperewino,
à musu pòble kpàmma, ò mòmma.

⁴¹ À gbèsi pàra, akū í bòn,
í bàa lè gbàrannan gwe lán swa'ì bà.

⁴² Zaakū à dò lé kū à sè
a zòbleri Ibrahīne yān.

⁴³ À bò kū a gbēno, òten ponna ke,
gbē kū à ń sēno ten ayuwii do.

⁴⁴ À burino būsuu kpàmma,
ò zī kū dakeno kèe àree blè,

⁴⁵ de ò le ògò a yāditenano kūna,
ò a dokayāno da.

Aleluya!

106

Isarailano ń durunnano ona Ludane

¹ Aleluya!

À Dikiri sáabu ke, zaakū à mana,
a gbēke lakana vīro.

² Dí mé ani fò à Dikiri yāzòkòkenano oo?

Dí mé ani fò à a táaki lé pinkii?

³ Arubarikadenon gbē kū òdi yā ke a zéano ũ,
kū òdi yā mana ke goro sīnda pínki.

⁴ Tó nteni a nna ke n gbēnoe,

ń tó ma yā gò dnggu, Dikiri,
tó nteni ń sura ba, ń ma wé gwa,

⁵ de ma baka le àgò kú n gbēno nmananan,
mà ponna ke kū buri kū n ń sēno,

de mani n táaki lé n gbē pino té.

⁶ O durunna kè lán ó dizino bà,
o taari kè o yā vāni kè.

⁷ Kū ó dizino kú Misila,
odi Dikiri daboyákenano yā daro,

gbēkeyā dasi kū à kènneno sàngu,
akū ò sàgbāna kè Isira Tēra sare.

⁸ Bee kū abireo à ń sura bà a tó yāi,
de à a gbāna zòkò mōnne.

⁹ À kpàkē Isira Tērai, akū gukori bò,
à gè kūrwo a wēen, ò bikù lán ò pi gbàrannan bà.

¹⁰ À ń bó ń ibereño òi,
à ń sí ń zāngurino gbānaa.

¹¹ Í dà ń weterinola,

bee n̄ gbě mèn do adi boro.

¹² Akū ò a yā kū à òo s̄i,
ò a táaki lè.

¹³ Ama a yākenan̄ s̄ángu ḡñ̄o,
akū odi ze de à lé darímaro.

¹⁴ Ò pób̄le p̄ande ni dè gbárannan,
akū ò Dikiri lè ò gwà s̄ènte gwe.

¹⁵ À p̄ó kū ò wé kèawa kp̄ámma,
akū à mè'ibabagyā z̄ír̄ma.

¹⁶ Ò ḡs̄ba kp̄à kū Musao bùran
kū Haruna kū à kú adona Dikirin̄ēo.

¹⁷ Z̄íte p̄ara à Datani m̄ò,
à n̄àk̄sa Abiramua kū a gb̄en̄o.

¹⁸ Té f̄ùte n̄ iban̄o té,
tévuraa kùte gb̄e v̄anin̄o à n̄ blé.

¹⁹ Ò m̄ò p̄i zaa Orebu lán z̄ùsane b̄òr̄o bà,
ò donyī kè n̄ tána kū ò p̄ine.

²⁰ Ò Luda gakuride lilin kè
kū z̄ù s̄èsorii takao.

²¹ Ò s̄às̄a Luda n̄ surabari yān,
kū à yā z̄ók̄n̄o kèñ̄e zaa Misila,

²² kū à daboyān̄o kè Hamu burin̄o bùsun,
kū à naasiyān̄o kè Isira T̄ēra léa.

²³ Abire yāin à p̄i áni a gb̄en̄o kakate,
akū Musa kū à a s̄èe kp̄āne,
à tò a p̄o kp̄āte, adi n̄ kakatero.

²⁴ Ò bùsu nide kù gya bò,
ò ḡi Dikiri yā náani kei.

²⁵ Ò yāvunu kà n̄ bizakutan̄o ḡūn,
odi do Dikiri yāiro.

²⁶ Akū à o p̄āte à la dàñ̄e à p̄i,
áni tó ò gaga gbárannan,

²⁷ áni tó n̄ burin̄o gaga burin̄o té
áni n̄ f̄āk̄sa bùsun̄o ḡūn.

²⁸ Ò dò Peo t̄ānai,
ò p̄ó kū ò sa òo p̄ogen̄oaa blé.

²⁹ N̄ yākenan̄o Dikiri p̄o f̄è,
akū gagagyā ḡèñ̄gu.

³⁰ Fineasi f̄ùte à yā p̄i té dè,
akū gyā p̄i zè.

³¹ Akū Dikiri tò yā bò k̄āo nna,
a bàka kú k̄āo ari a buria.

³² Ò Dikiri p̄o f̄è Meriba í k̄naa,
akū yā bò kū Musao v̄āni n̄ yāi.

33 Zaakū ò a nèsee yàka,
akū à yā ò laasunn sari.

34 Odi b̀supidenɔ kakate
lákū Dikiri d̄iteńne nàro.

35 Ò kè k̄s gb̄enɔ ũ k̄ buri p̄inɔ,
ò ní futeokara ágba sè.

36 Ò dò ní t̄ananɔi,
akū yā p̄i ḡńne tankute ũ.

37 Ò ní néḡs gb̄enɔ kè sa'opɔ ũ,
ò sa ò t̄ananɔa k̄ ní n̄enɔgb̄enɔo.

38 Ò taarisaridenɔ k̄utu kp̄akpa,
ní néḡs gb̄enɔ k̄ ní n̄enɔgb̄e p̄inɔ.
Ò sa ò k̄ńwo Kanaanɔ b̀usu t̄ananɔa,
akū ní b̀suu p̄i gb̄aa lè.

39 Ò gb̄aa lè ní yākenanɔ yāi,
ò ḡs̄ n̄aanisaridenɔ ũ ní yākenanɔa.

40 Akū Dikiri p̄of̄e k̄pańma,
à ye gb̄e k̄ à ní s̄enɔ k̄ai doro.

41 À ní kp̄a burinɔa,
akū ní z̄angurinɔ k̄i blè ní musu.

42 N̄ ib̄erenɔ gb̄ana m̄ńne,
ò ɔ t̄ńma.

43 Adiḡs̄ ní bo ḡen baaak̄s̄,
ama ò zè k̄ ní s̄gb̄anakenaa,
akū ò vl̄e ní durunna ḡun.

44 Bee k̄ abireo tó à ní wiki mà,
àdi ní warikena yā da.

45 N̄ yāi àdi d̄o a bàka konna k̄ńwo yān,
àdi a nèse lite a gb̄eke z̄k̄s̄ yāi.

46 À tò gb̄e k̄ ò ní k̄k̄u z̄l̄z̄ ũnɔ
ní w̄enda gwà.

47 Dikiri ó Luda, ò ó sura ba,
ò ó b̄ote burinɔ té ò ó kakara,
de ò n t̄ó k̄ à k̄ adona bo
ò ãa d̄a k̄ n táakilenaa.

48 Arubarikade Dikiri, Isarailanɔ Luda
zaa k̄aku ari ḡoɔ s̄inda p̄inki!
Gb̄e s̄inda p̄inki pi aami!
Aleluya!

TAKADA S̄ORODE

Zabura 107-150

107

Dikiri s̄abukena

¹ À Dikiri s̄abu ke, zaakū à mana,

a gbēke lakana vīro.

² Gbē kū à n̄ bó n̄ iberen̄ ɔ̄n̄.
gbē kū à n̄ bó n̄ iberen̄ ɔ̄n̄.

³ Gbē kū à n̄ bó b̄usu kū b̄usuuo à n̄ kakara
bona ifāboki kpa kū a l̄ete kpao
kū gūgbānduru kpao kū ḡen̄mid̄oki kpaon̄.

⁴ N̄ gbēken̄o likara z̄ò gbārannan,
odi w̄ete kū oni gé vuten z̄é d̄ōro.

⁵ Nà n̄ dé, ími n̄ kū,
n̄ w̄endii ḡò leekeε.

⁶ Akū ò wiki l̄è Dikiria n̄ warikēnan,
akū à n̄ bó n̄ w̄ét̄era gūn.

⁷ À n̄ dá z̄é s̄usun
ar̄i ò k̄a w̄ete kū oni vuten.

⁸ Ò Dikiri s̄áabu ke a gbēke yāi
kū yābonsare kū àdi ke gb̄en̄neεo.

⁹ Zaakū àdi ímid̄erin̄o k̄oto ȳida kūíne,
àdi p̄o mana kpá n̄aderin̄o ò k̄a.

¹⁰ N̄ gbēken̄o kú ga gusiran,
òten wari ke ȳina kū m̄òkak̄ōanaao.

¹¹ Zaakū ò ḡi Luda yā mai,
ò Luda Musude l̄édamma gya bò.

¹² À tò ò n̄ búsa kū z̄i gbānao,
ò ḡèε s̄i ò l̄ete, kpanyīri kunlo.

¹³ Akū ò wiki l̄è Dikiria n̄ warikēnan,
akū à n̄ bó n̄ w̄ét̄era gūn.

¹⁴ À n̄ bó ga gusiran,
à n̄ m̄òkak̄ōanan̄o ḡa à k̄èk̄e.

¹⁵ Ò Dikiri s̄áabu ke a gbēke yāi
kū yābonsare kū àdi ke gb̄en̄neεo.

¹⁶ Zaakū àdi b̄in̄ile gbà kū ò p̄i kū m̄ògot̄eo gboro,
àdi m̄osi gbāngo z̄étatab̄on̄o é'ε.

¹⁷ N̄ gbēken̄o likara n̄ s̄āgbāna yāi,
ò w̄ét̄amma l̄è n̄ taarin̄o yāi.

¹⁸ P̄óble ni bò n̄ p̄on,
ò k̄a gana.

¹⁹ Akū ò wiki l̄è Dikiria n̄ warikēnan,
akū à n̄ bó n̄ w̄ét̄era gūn.

²⁰ À a yā z̄íma, akū ò w̄èrek̄ōa,
à n̄ bó ga léi.

²¹ Ò Dikiri s̄áabu ke a gbēke yāi
kū yābonsare kū àdi ke gb̄en̄neεo.

²² Ò kennak̄ūk̄ō sa oa,
ò a yākenan̄o baba kū ayuwiikēnaao.

²³ N̄ gbēken̄o di ísira musu gó gūn,
òten laga tá í z̄òk̄ōla.

- 24 Ò Dikiri yákenanò è,
kū yābonsare kū àdi ke í daguranò.
- 25 À yā ò, akū zàga'īa gbāna kàka,
ísira s̄s̄ à fūte musumusu.
- 26 Òten fute musu, òten su zīte,
ò kú kari léi, akū swēe kēngu.
- 27 Gó yīgāyīgā kūnwo,
ò tātantatan kè lán wēderii bà,
íte'ond̄s̄ s̄inda pínki lakaŋma.
- 28 Akū ò wiki lè Dikiria n̄ warikenan,
akū à n̄ bó n̄ wētēra gūn.
- 29 À īa gbāna zè, à gò īa fēēē ū,
à ís̄ kpatē, akū í zè kítikiti.
- 30 Kū gu yī, n̄ p̄ kè nna,
akū à gēē kūnwo gódoki kū òten wete kpa.
- 31 Ò Dikiri sáabu ke a gbēke yāi
kū yābonsare kū àdi ke gbēn̄n̄ēē.
- 32 Ò a tó bo dasi kōkakaranaa gūn,
ò a táaki lé don'arēdenò kakaranan.
- 33 À swa ídenò kè gbáranna ū,
à tò ísēbokinò gò gukori ū.
- 34 À zīte arubarikade lì guwiside ū
gbē kū ò vutenò yāvānikena yāi.
- 35 À gbáranna lì sēbe ū,
à tò gukori gò ísēbokinò ū.
- 36 À nāderinò kàte gwe,
akū ò wēte kàte ò vūten.
- 37 Ò burap̄n̄ t̄s̄, ò geepi línò bà,
akū à né línē manamana.
- 38 À arubarikaa dàngu, ò kè dasi manamana,
adi tó n̄ pókādenò lāgoro.
- 39 Akū à n̄ lago d̄, ò bùsa
gbānam̄n̄ēna kū kisirao kū p̄sirao yāi.
- 40 À wé'i dà kīnēna,
à tò ò likara zò gukori zēsaride gūn.
- 41 Ama à wēndadenò bò takasiken à n̄ sé lei,
à tò n̄ òndenò kè dasi lán kpàsap̄n̄ bà.
- 42 Tó gbē mananò è, òdi p̄nna ke,
gbē vāninò s̄s̄ òdi n̄ lé nak̄sa.
- 43 Ònd̄de laakari d̄ yā p̄n̄a,
à Dikiri gbēke gwa lākū à de nà.

108

Luda mé àdi tó ò zì ble
Dauda lē.
¹ Ma laakari kpatēna, Luda,

gbē pānde gō a gēne ũ.

⁹ Ñ tó a nénō gō de sari,
a nanō gō gyaano ũ.

¹⁰ A nénō gō likarazōrinō ũ ògō bara ke,
ògō ñ kpake ñ be zīinō gūn.

¹¹ A fīnade a pōnō nakōa pīnki,

buri zītōnō a zī àre sía.

¹² Gbēke sūn gbēke kenero,

òsun wēnda dō a né kū à tònōnero.

¹³ Ñ tó a burinō láka,

ñ tó súngō kú buri kú oni futenō téro.

¹⁴ A dizinō vānikena yā gō dōngu, Dikiri,

ñsun tó a da durunna kēa zikiro.

¹⁵ Ñ durunna gō dōngu, Dikiri,

ñ yā sā gbēnōgu andunia gūn.

¹⁶ Zaakū adi dōn à gbēke ke gbēkenero,
àdi wé tã takasidenōa kú wēndadenō
kú pōsiradenōo ari gyāwān.

¹⁷ À ye sa vāni onnenaai,

ñ tó à wí a musu.

Sa mana onnenaai dī kánero,

ñ tó arubarika ke kãao zà.

¹⁸ À lékennenaai dà lán uta bà,

à a mēe yàku lán í bà,

à gē a wánōn lán nísi bà.

¹⁹ Kanaa pì gō daala lán uta bà,

àgō dō a pì lán asa bà.

²⁰ Dikiri fīna bo ma yādimmarinōa le
kú gbē kú òdi yā vāni o ma musunōo.

²¹ Dikiri Gbānasīndapinkide,

ñ ma wēnda gwa n tó yāi,

ñ ma bo n manake kú n gbēkeo yāi.

²² Zaakū takaside wēndademe ma ũ,
ma pō yàka búgubugu.

²³ Maten gēte lán òkōsi uraa bà,

má de lán kwa kú ìa ten sé bà.

²⁴ Léyīnaa tò ma gbá dī sí sé doro,

ma fēfē ma gō wàakuu.

²⁵ Ma gō yáadōnapō ũ ma yādimmarinōne,
òdi ma gwa ò mì gbāke.

²⁶ Ñ kpámai, Dikiri ma Luda,

ñ ma sura ba n gbēke yāi,

²⁷ de ò dō kú n ò mé à kè,

mōkōn Dikiri, n kēnaame.

²⁸ Bee tó ò ma ka, ìni arubarika damagu,

tó ò fùtemai, wé'i ni ñ kú,

makū n zōbleri mani pōnna ke.

²⁹ Tó vāni ni gō ma yādimmarinōne uta ũ,

oni wé'i darúma lán arukĩmbaa bà.

³⁰ Mani Dikiri sáabu kpá kũ kòto gbānao,
mani a táaki lé dasi kòkakaranaa gūn.

³¹ Zaa kũ àdi ze kũ wēndadenɔ,
àdi n̄ sí gbē kũ òdi yā vúterĩmanɔa.

110

Arumasihu kíkè

Dauda lèe.

¹ Dikiri pì ma dikiriine à vute a ɔplai
ari àgɔ a iberenɔ kene a tintin ũ.

² Dikiri ni tó n iko dagula,
ĩni kí ble n iberenɔa zaa Zaiɔ.

³ N gbēnɔ ni n̄ zida kpámma zĩkagɔɔ
kpi kũ à kú adona musu,
n kefennanɔ ni su n kĩnaa lán gudɔ plíkpanaa bà.

⁴ Dikiri la dà, ani lé sukparo à pì:
Ĩnigɔ de sa'ori ũ ari gɔɔ sĩnda pínki
lán Melekizedeeki bàme.

⁵ Dikiri kú n ɔplai,
ani kínanɔ dúgu zɔ a pɔfēgɔɔ.

⁶ Ani yákpate ke kũ burinɔ,
n̄ gènɔ nigɔ kpá,
ani andunia pínki kínanɔ dúgu zɔ.

⁷ Ani í mi swai zé léa,
abire yáin a mì nigɔ dana íla.

111

Dikiri tɔbonaa

¹ Aleluya!

Mani Dikiri sáabu kpá kũ nèsedoo
gbē mananɔ kòkakaranaa gūn.

² Dikiri yákenanɔn zɔkɔ,
gbē kũ a yā kēñne nnanɔ dì a laasun lé.

³ A yákenanɔn bèere vī kũ gakurio,
a yámanakena lakana vīro.

⁴ Dikiri tò a yābonsarēkenanɔ d̀òógu,
à s̀uru vī kũ wēndao.

⁵ Àdi p̀òble kpá a vīnakerinɔa,
àdigɔ d̀ɔ a bàka kunna kũñwo yān.

⁶ À a yákenanɔ gbāna mò a gbēnɔne,
à buri pāndenɔ b̀usunɔ s̀i à kpámma.

⁷ A yákenanɔn náani vī akūsɔ à zé vī,
a yádannenanɔn yāpura vī pínki.

⁸ Yā p̀inɔ z̀ini petena gɔɔ s̀inda pínki,
àdi yā ke a zéa kũ náanio.

⁹ À surabarii zì à a gbēnò bò,
a bàka kú kùńwo gɔrɔ sīnda pínki.
A tó kú adona, à naasi vī.

¹⁰ Vīnakena Dikirineme ɔndɔ zīni ũ,
gbē kú ò a vīna vīnɔme asānsīnideno ũ.
A táakilena nigɔ lakana vīro.

112

Gbē kú à Dikiri vīna vī

¹ Aleluya!

Arubarikademe gbē kú à Dikiri vīna vī ũ,
akusɔ Dikiri yāditenanɔ dì káne manamana.

² A néno nigɔ gbānadeno ũ ní būsun,
nèsepurade burinɔ nigɔ de arubarikadeno ũ.

³ Ɔgɔ kú aruzekɛo di a bea,
a yāmanakena lakana vīro.

⁴ Bee gusiran gu dì pu gbē manane,
nèsepurade kú à sùru kú wēndao vī.

⁵ Gbē kú àdi ɔ poro, kú àdi pɔ sākāńne,
akusɔ àdi yā ke a zéa, yā dì bo kāao nna.

⁶ Pɔke ni gbē mana lá ble zikiro,
a yā nigɔ dɔńgu gɔrɔ sīnda pínki.

⁷ Baaru vāni dì a vīna kūro,
a laakarii digɔ kpatena, àdigɔ Dikiri náani vī.

⁸ A kùu dì vīro, vīna dì a kūro
ari à gé à yògɔ ke a iberenɔa.

⁹ Àdi pɔ fā takasidenɔne,
a yāmanakena lakana vīro,
a gbāna digɔ kara kú bèereeo.

¹⁰ Gbē vāni dì a e à pɔ fē,
àdi saka kakūn à nagui,
gbē vāni poyeinaa dì ke pā.

113

Dikiri táakilena

¹ Aleluya!

Dikiri zòblerinɔ, à a táaki lé,
à Dikiri tó bo!

² Ò Dikiri sáabu kpá
zaa tera ari gɔrɔ sīnda pínki.

³ Ò Dikiri tó bo
zaa ifāboki kpa ari a léte kpa.

⁴ Dikiri zòkɔ de buri sīnda pínkila,
a gakuri dana musula.

⁵ Dí mé à kà Dikiri ó Luda ũu?

À vutena kpatan zaa musu,
⁶ àdi wé zu zīte

à musu kũ zĩteo gwa.

⁷ Àdi gbānasaridenɔ bo b̄usu té à n̄ fute,
àdi wēndadenɔ bo tuburan à n̄ sé lei.

⁸ Àdi n̄ da ḱinanenɔ té,
buri kũ à sè ḱinanenɔ.

⁹ Àdi para kara a ben,
àdi a ke nérande p̄nnade ũ.
Aleluya!

114

Vĩna dikpe lèe

¹ Kũ Isarailanɔ b̄o Misila,
kũ Yakubu burinɔ b̄o gb̄ẽ zĩtɔnɔ té,

² Yudanɔ b̄usu ḡò Dikiri kúki ũ,
Isarailanɔ b̄usu ḡò a ḱibleki ũ.

³ Isira Tēra wé s̄ir̄le à bà lè,
Yoda í era kpe.

⁴ Kpinɔ v̄ĩv̄ĩ lán s̄ákaronɔ bà,
s̄is̄inɔ k̄ɔɔ lè lán s̄ānenɔ bà.

⁵ Ísira, bó mé à n le n bàa lèe?
Yoda, à kè dera n era kpeε?

⁶ Kpinɔ, b̄oyāin a v̄ĩv̄ĩ lán s̄ákaronɔ bàa?
S̄is̄inɔ, à kè dera a k̄ɔɔ lè lán s̄ānenɔ bàa?

⁷ Andunia, n̄ yīgāyīgā Dikiri are,
Yakubu Luda are.

⁸ À gb̄esi kè íkateki ũ,
à gb̄epu l̄i is̄eboki ũ.

115

Dikiri mé àdi arubarika daṅgu

¹ Àdi ke ók̄ɔn̄n̄lo Dikiri,
adi ke ók̄ɔn̄n̄lo,
m̄ok̄m̄me n̄ de ò n t̄s̄ bo
n gb̄eke kũ n n̄ānio yāi.

² À kè dera burinɔ d̄i ó la
ò pi ó Luda kú máa?

³ Ó Luda kú musu,
pó kũ à yein àdi ke.

⁴ Ó n̄ t̄ānanɔ pi kũ andurufuuo kũ wuraa,
bis̄āsiri ɔz̄ĩme.

⁵ Ò lé v̄ĩ, ama òdi yā oro,
ò wé v̄ĩ, ama òdi gu ero.

⁶ Ò s̄ā v̄ĩ, ama òdi yā maro,
ò ȳĩ v̄ĩ, ama òdi pó gb̄ĩ maro.

⁷ Ó ɔ v̄ĩ, ama òdi pó kũro,

ò gbá vī, ama òdi táa oro,
òdi kòto kekero.

⁸ N̄ pirin̄on leelee kũnwome
kũ gbē kũ òteni n̄ náani ken̄o n̄ pínki.

⁹ Isarailan̄o, à Dikiri náani ke!

Àkũme á kpanyĩri ũ kũ á sēgbakoo.

¹⁰ Haruna burin̄o, à Dikiri náani ke!

Àkũme á kpanyĩri ũ kũ á sēgbakoo.

¹¹ Dikiri v̄inak̄erin̄o, à Dikiri náani ke!

Àkũme á kpanyĩri ũ kũ á sēgbakoo.

¹² Dikiri d̄ò ó yān,
ani arubarika daógu.

Ani arubarika da Isaraila burin̄ogu,

ani arubarika da Haruna burin̄ogu,

¹³ ani arubarika da a v̄inak̄erin̄ogu,
né f̄iti gbē z̄ók̄o.

¹⁴ Dikiri á buri kara,
ák̄on̄o kũ á n̄en̄o.

¹⁵ Dikiri arubarika daágu,
musu kũ z̄ĩteo K̄erii.

¹⁶ Musu bi Dikiri p̄óme,
ama à z̄ĩte nà bisāsirin̄one n̄ ɔĩ.

¹⁷ Adi ke ḡen̄o mé òdi Dikiri táaki léro,
kes̄o gbē kũ n̄ lé ȳiten̄o.

¹⁸ Ók̄on̄o, óniḡo Dikiri sáabu kpá
zaa tera ari ḡor̄o s̄inda pínki.

Aleluya!

116

Gbē kũ à bò ga léi Dikiri sáabukpanaa

¹ Má ye Dikiri, zaakū à ma yā mà,
à ma wikilenaawa mà.

² Maniḡo a s̄isi ari ma w̄endi lén,
kũ à s̄a kp̄amai yāi.

³ Ga bàa f̄ik̄amai yā,
mira w̄awā t̄òma,
w̄ét̄amm̄ana kũ p̄osirao dàkala.

⁴ Akū ma Dikiri s̄isi ma p̄i:
Dikiri, n̄ yā nna, n̄ ma m̄i sí.

⁵ Dikirin s̄uru v̄i akūs̄o à mana,
ó Luda w̄enda v̄i.

⁶ Dikiri d̄i gb̄anasariden̄o d̄ākp̄a,
kũ ma busa, à ma sura bà.

⁷ Ma sw̄è, n̄ keke n̄ kp̄áte,
zaakū Dikiri yā mana k̄enne.

8 Dikiri, n ma bo ga léi,
 n wé'i wàramene, ndi tó ma gè síro,
 9 de màgō té n arε gbē bēnenɔ kukia la.
 10 Bee kŭ wari tōma ma gō búgubugu,
 má kpé a náanikena, akŭ ma yā ò.
 11 Bídi ma kŭ ma pì:
 Gbē sīnda pínki bi ékedenɔme.

12 Bón mani fīna boo Dikirine
 yā mana kŭ à kēmenε pínki musuu?
 13 Mani Dikiri surabana toko sé musu,
 mani a sísisio.
 14 Mani lé kŭ ma kè Dikirianɔ papa
 a gbēnɔ wára n pínki.

15 Dikiri yāmarinɔ gana bèere vīne.
 16 Dikiri, n yā nna, n zòbleriime ma ũ,
 nɔgbē kŭ à zòò blēnne néme ma ũ,
 n ma bo bàn.

17 Mani kennakŭkō sa omma,
 mani n sísisio, Dikiri.
 18 Mani lé kŭ ma kè Dikirianɔ papa
 a gbēnɔ wára n pínki
 19 a kpé ɔnn Yurusalemu gŭn.
 Aleluya!

117

Dikiri táakilena

1 Ákōnɔ buri sīnda pínkinɔ à Dikiri tó kpá,
 ákōnɔ bùsu sīnda pínki gbēnɔ à a táaki lé.
 2 Zaakŭ gbēke kŭ à vī kŭoo kè zōkō,
 Dikiri náani vī gɔɔ sīnda pínki.
 Aleluya!

118

Gena Dikiri ɔnn kŭ sáabukena

1 À Dikiri sáabu ke, zaakŭ à mana,
 a gbēke lakana vīro.

2 Isarailanɔ o:
 A gbēke lakana vīro.
 3 Haruna burinɔ o:
 A gbēke lakana vīro.
 4 A vīnakεrinɔ o:
 A gbēke lakana vīro.

5 Ma lé zù Dikirii ma warikena gŭn,
 akŭ à wèma à ma gba mēporokí.
 6 Dikiri kú kŭmao, vīna ni ma kŭro.
 Bón bišāsiri ni fō à kēmenεε?
 7 Dikiri kú kŭmao ma kpanyĩri ũ,

mani yǎḡḡ ke ma ibeɛnɔa.

⁸ Nana Dikirii mana de bisāsiri náanikenala.

⁹ Nana Dikirii mana de gbānadeno náanikenala.

¹⁰ Buri sīnda pínki likamai, akū ma n kakaɛ kū Dikiri tso.

¹¹ Ò likamai kpa sīnda pínki, akū ma n kakaɛ kū Dikiri tso.

¹² Ò fīma lán zónɔ bà, akū ò làka lán káni tékūnaa bà, ma n kakaɛ kū Dikiri tso.

¹³ Ò ɔ sǒmai kpe, má ye mà léte, akū Dikiri kpāmai.

¹⁴ Dikiri mé à ma gbāna ũ, a táakin madì lé, àkū mé à ḡḡ ma surabari ũ.

¹⁵ À ma, ponna wiki dɔ gbē manano bùran, Dikiri ɔpla zī zǎkɔ kè.

¹⁶ Dikiri ɔpla kú musu, Dikiri ɔpla zī zǎkɔ kè.

¹⁷ Mani garo, manigḡ kun, manigḡ Dikiri yākenano baba.

¹⁸ Dikiri ma toto manamana, ama adi tó ga ma sero.

¹⁹ À zé mana gbàno wēmene, de mà ḡḡ mà Dikiri sáabu kpá.

²⁰ Dikiri on zén dí, gbē manano mé òdi ḡn.

²¹ Ma n sáabu kè Dikiri, zaakū n wema, n ḡḡ ma surabari ũ.

²² Gbè kū kpéborino pā kpài mé à ḡḡ kpé kusuru gbè mīde ũ.

²³ Dikiri mé à abirekū kè, akū à kèwewe yābonsare ũ.

²⁴ Goro kū Dikiri diten dí, ò ponna ken ó nèse ke nna.

²⁵ N yā nna Dikiri! Ñ ó sura ba!

Ñ sùru ke Dikiri! Ñ tó ò sa'a le!

²⁶ Arubarikademe gbē kū àten su kū Dikiri tso ũ, zaa Dikiri onn óten gbānake kpányĩ.

²⁷ Dikirime Luda ũ, à gu pùwewe.

À zà lá kpákpa àḡḡ téo dikpekeringi ari sa'oki bēnenɔ kīnaa.

28 Ma Ludame n ũ, mani n sáabu ke,
ma Luda, mani n tó sé lei.

29 À Dikiri sáabu ke, zaakū à mana,
a gbēke lakana vīro.

119

Luda yā sɛna lei

1 Arubarikadenɔme gbē kū ò kun taari sari
ò Dikiri doka kūnanɔ ũ.

2 Arubarikadenɔme gbē kū ò Dikiri yā kūna
ò a ki wete kū nèsedoonɔ ũ.

3 Òdi yā kpɛdangara kero,
òdi táa o a zé gūn.

4 N n ɔɔki m̀wɛɛ,
de ògɔ t́i kū laakariio.

5 Má ye màgɔ kú ma d̀rɔɔa
m̀gɔ n ỳadannɛnanɔ kūna.

6 Tó má n ỳaditenanɔ kūna pínki,
abirekū ni tó wé'i ma kūro.

7 Gɔrɔ kū mateni n dokayā mananɔ dada,
mani n sáabu kpá kū nèsepurao.

8 Manigɔ n ỳadannɛnanɔ kūna,
̀nsun ma tón s̀ans̀anlo.

9 Deran kefenna ni fɔ àgɔ kun gbásĩ sari ǹa?
Séde a ỳakena kɔ sé kū n ỳao.

10 Mateni n ki wete kū nèsedoo,
̀nsun tó mà z̀a n ỳaditenanɔaro.

11 Ma n ỳa dà ma sẁɛɛ gūn
de màsun durunna k̀ennɛro ỳai.

12 Arubarikademe m̀okɔn Dikiri ũ,
̀n n ỳaditenanɔ damɛnɛ.

13 Dokayā kū ò b̀o n l̀ɛnnɔ pínki,
mani babaíne kū ma léo.

14 Madì p̀onna ke kū n ỳanɔ
l̀ákū òdi ke kū aruzekɛ z̀ɔkɔɔo ǹa.

15 Madì laasun l̀é n ɔɔkia,
ma wé kú n z̀énɔa.

16 Ma p̀ò k̀è nna n ỳaditenanɔa,
n ỳa ni s̀amaguro.

17 Ñ ỳa mana ke makū n z̀ɔbleriine
de màgɔ kun kū ẁèndiio, màgɔ n ỳa kūna.

18 Ñ ma wé k̀ɛmɛnɛ
de mà wé si ỳabonsarenɔle n dokan.

19 Nibɔɔme ma ũ andunia gūn,
̀nsun n ỳaditenanɔ utemɛnɛro.

20 N dokayānɔ nidɛna baala'i
ma sẁɛɛ blè.

21 Ndì kpákè karambaanide kū l̀é ǹ k̀unɔi,

gbě kũ ò zà n yāditenanɔnɔ.

22 Ñ ma bo s̄s̄ɔnan kũ gyabonaaɔ,
zaakũ má n yānɔ kũna.

23 Bee kũ kɪnanenɔ vùte ò lé kpàkūsūmai,
ma laasun niḡɔ kũ n yādannenanaɔ.

24 N yānɔ ò di ma pɔ ke nna,
n yā pì di lé dama.

25 Ma ḡɔ wutena zĩte,

ò ma wèndi dākpā lākũ n ò nà.

26 Ma a yākenanɔ d̄d̄ɔnne, akũ n wema,
ò n yādannenanaɔ damene.

27 Ñ tó mà n ɔɔkinɔ d̄ɔ,
ma laasun niḡɔ kũ n yābonsarenɔa.

28 Ma pɔ sira à kè z̄ɔk̄ɔ,
ò ma gba gbāna lākũ n ò nà.

29 Ñ ma bo manafiki zéa,
ò ma gba zé mà ze kũ n dokao.

30 Ma yāpura zé sè,
ma swèè ò ò ò kũ n dokaa.

31 Má n yānɔ kũna ɔplapla,
òsun tó wé'i ma kũro, Dikiri.

32 Madì wā n yāditenanɔ zéi,
zaakũ n ma laakarìi kpàtemene.

33 Dikiri, ò n yādannenanaɔ zé m̄m̄ene
de màḡɔ kũna ari ma wèndi lén.

34 Ñ ma gba ɔnd̄ɔ màḡɔ n doka kũna,
màḡɔ zĩ kea kũ nèsedoo.

35 Ñ ma da n yāditenanɔ zén,
zaakũ abirekũ mé àdi kámagu.

36 Ñ tó ma swè tá n yānɔa,
àsun tá bĩni zénlo.

37 Ñ ma wé go p̄ɔ pānɔa,
ò ma wèndi dākpā lākũ n ò nà.

38 Ñ yā kũ n ò papa makũ n z̄ɔbleriine,
lé kũ n sè n v̄inakarinene.

39 Ñ tó s̄s̄ɔna kũ madì a v̄ina ke goma,
zaakũ n dokayānɔn mana.

40 Má ye n ɔɔkii fá,
ò ma wèndi dākpā n manake gūn.

41 Dikiri, ò m̄ɔ ò gběke kemene,
ò ma sura ba lākũ n ò nà,

42 gbasà mà yā we ma s̄s̄ɔrinɔa,
zaakũ mateni n yā náani ke.

43 Ñsun yāpura yā sí ma lénlo,
zaakũ n dokayānɔn ma wé òi.

44 Maniḡɔ n doka kũna

ari gɔɔ sɪnda pɪnki.

⁴⁵ Manigɔ tɛ aafia,
zaakū ma n ɔɔɔki wɛtɛ.

⁴⁶ Mani n yānɔ o kinanɔ arɛ,
wɛ'i ni ma kūro.

⁴⁷ N yāditɛnanɔ di ma pɔ gba,
zaakū má yei.

⁴⁸ Ma gāa sɛ n yāditɛna kū má yeinɔnɛ,
madi laasun lé n yādannɛnanɔa.

⁴⁹ N̄ dɔ yā kū n ò n zòbleriinen,
zaakū n tò ma wé dɔi.

⁵⁰ Yā kū àdi ma laakari kpátɛ ma warikɛnan dí,
n lésena mé àdi ma wèndi dākpā.

⁵¹ Karambaanidenɔ teni ma fobo lakanaa sari,
bee kū abireo madi zā n dokaaro.

⁵² Madi dɔ n dokayā kū à kú zaa zɪnɔn,
akū òdi ma nèse yīda kūmɛnɛ, Dikiri.

⁵³ Madi pɔ fɛ manamana,
kū yāvānikerinɔ di pā kpá n dokai yāi.

⁵⁴ Madi lè sí n yādannɛnanɔ musu
ma kunna andunia díkīna gūn.

⁵⁵ N yā digɔ dɔmagu gwāani, Dikiri,
madigɔ n dokayānɔ kūna.

⁵⁶ Ma dónɛ kè kū yā birenɔ,
zaakū madigɔ n ɔɔɔki gwa.

⁵⁷ Dikiri, mɔkɔmmɛ ma baka ũ,
ma lé sè kū mani n yā ma.

⁵⁸ Madi kúte kennɛ kū nèsedoo,
n̄ sùru kɛ kúmao lákū n ò nà.

⁵⁹ Ma a yākenanɔ laasunn lè,
akū ma era n dokayānɔa.

⁶⁰ Mani wā, mani zɛzɛro,
de mà n yāditɛnanɔ da.

⁶¹ Bee kū gbɛ vāninɔ bàa fīkāmai,
n dokayānɔ ni sāmāguro.

⁶² Madi fute mà sáabu kennɛ lizāndo
n dokayā mananɔ musu.

⁶³ N vīnakeri pínki gbɛnname ma ũ,
gbɛ kū òdi n ɔɔɔki gwanɔ.

⁶⁴ Dikiri, n gbɛkɛ andunia pà,
n̄ n yāditɛnanɔ damɛnɛ.

⁶⁵ N a mana kè makū n zòbleriine,
lákū n ò nà, Dikiri.

⁶⁶ N̄ wézɛ kū dōnaao damɛnɛ,
zaakū ma n yāditɛnanɔ sɪ.

⁶⁷ De n̄ kpé n̄ ɔ tōma, má sātɛname,
ama tera sà má n yā kūna.

⁶⁸ N̄ mana, akūsɔ n yākenanɔn mana,

̀n n yāditenanɔ damenɛ.

69 Bee kũ karambaanidenɔ yāsira nàma,
madigɔ n ɔɔki gwa kũ nèsedoo.

70 N̄ sã ò, àdi yã maro,
makũ sɔ ma pɔ nna n dokaa.

71 N̄ ɔtɔmanaa kèmenɛ mana,
de mà le mà n yādannenɔ dada.

72 Doka kũ à bò n lén manamenɛ
de wura kũ andurufu mèn dúbu ũgbangbanɔla.

73 N̄ ɔ ma í kàsa à ma ke,
̀n ma gba ɔndɔ mà n yāditenanɔ dada.

74 N̄ vīnakerinɔ ni ma e ò pɔnna ke,
zaakũ n yān ma wé òi.

75 Dikiri, má ðɔ kũ n dokayānɔn mana,
kũ n̄ náani vī yāin n ɔ tɔma.

76 N̄ gbèke kèmenɛ de ma nèse le à yīda kũ,
lákũ n ò makũ n zòbleriine nà.

77 N̄ mɔ n̄ wènda ðɔmenɛ de màgɔ kun,
zaakũ n dokayānɔmɛ ma pɔnna ũ.

78 N̄ tó wé'i karambaanide kũ ò taari kèmenɛ pānɔ kũ,
makũ sɔ mani laasun lé n ɔɔkia.

79 N̄ tó n vīnakerinɔ su ma kīnaa,
gbè kũ ò n yānɔ ðnɔ.

80 N̄ tó ma nèse gɔ yāke vīro n yānɔ musu
de wé'i sún ma kũro yāi.

81 N̄ surabana yā teni ma swè ble,
n yān ma wé òi.

82 Ma wé ðɔɔnɔ n lésenaai ari ma wé wò,
bɔren̄ ìni ma nèse yīda kūmenɛɛ?

83 Má de lán bára bòkɔ kũ à túsukpe màa bà,
bee kũ abireo n yāditenanɔ ði sāmaguro.

84 Makũ n zòbleri manigɔ n ða ari bɔreɛ?

Bɔren̄ ìni wari ðɔ ma wétāmmarinɔaa?

85 Karambaanidenɔ ði wèe yōmenɛ mà zun,
n̄ yā ði kɔ sé kũ n dokaoro.

86 N̄ yāditenanɔ pínki náani vī,
̀n kpámai, zaakũ òten wé tãma pãme.

87 À gò fíti kũ oni láka kũmao andunian,
makũ sɔ mádi pã kpá n ɔɔkinero.

88 N̄ ma wèndi ðákpã n gbèke yāi,
mani n yānɔ da.

89 Dikiri, n yā ðigɔ kun gɔrɔ sīnda pínki,
a zīni petena zaa musu.

90 N̄ náani vī wè kũ wèeɔ,
n andunia kàte, akũ à kpé kun.

91 Pó sīnda pínki kpé kun gbāra n doka yāi,
zaakũ pó sīnda pínki ði donyī.

92 Tó n dokame ma ponna ũ yáro,
de ma laka ma warikena gūn.

93 N ɔɔki ni sámagu zikiro,
zaakū a gáin n ma wëndii dákpā.

94 N pómē ma ũ, ñ ma sura ba,
zaakū ma n ɔɔki wētē.

95 Gbē vāninɔ teni ma dā ò ma de,
ama ma laakari kú n yānɔa.

96 Ma è kú pó mana sīnda pínki zaka lé kumme,
ama n yáditenanɔ zókó lé vīro.

97 Má ye n dokai à kè zókó fá,
madigō laasun léa zaa kɔnkɔ ari ɔkɔsi.

98 N yáditenanɔ ò tó ma ɔndō gō de ma ibereɔ póla,
zaakū à kú ma swēn gɔrɔ sīnda pínki.

99 Ma wézē de ma yádannerinɔ póla n pínki,
zaakū ma laasun digō kú n yānɔame.

100 Ma ɔndō de mareɔ póla,
zaakū madigō n ɔɔkinɔ gwa.

101 Madì m̀ kē zé vāni sīnda pínkia
de mà le màgō n yā kūna yāi.

102 Mádì kē n dokayānɔaro,
zaakū mɔkɔn mé n dāmene.

103 N yānɔn nnamene à kè zókó,
à nna de zóla ma lén.

104 N ɔɔki ò ma gba laakarii,
abire yāi ma zā sātēna zé sīnda pínkin.

105 N yāme fitila ũ ma gbáne,
àdi gu pumene zén.

106 Ma la dà ma zεo
kū manigō té n dokayā mananɔi.

107 Ma wētāmmanaa kè zókó, Dikiri,
ñ ma wëndi dákpā lākū n ò nà.

108 Ñ ma sáabukpana sí,
gbasa ñ n dokayānɔ damene, Dikiri.

109 Madigō ma zīda da kariii gūn,
bee kú abireo n dokayānɔ ò sámaguro.

110 Yāvānikerinɔ tankute kpàkpamene,
ama mádi zā n ɔɔkiaro.

111 N yānɔme ma túbi ũ ari gɔrɔ sīnda pínki,
mɔkɔnɔme ma ponna ũ.

112 Ma swē kú n yádannenanɔa
ari ma wëndi lén.

113 Ma zā nēsēpladenɔn,
má ye n dokai.

114 Mɔkōmmē ma uteki kú ma sēgbakoo ũ,
n yān ma wé òi.

115 À gomala ákɔnɔ yāvānikerinɔ
de màgō ma Luda yáditenanɔ kūna.

116 Ñgõ ma kũna lákũ n ò nà, manigõ kun,
 ñsun tó tãmaa ma nero.

117 Ñ ma sé musu de mà bo aafia,
 ma wé nigõ pé n yãdannenana.

118 Ndì gí gbẽ kũ ò zà n yãdannenanaanci,
 ñ manafikikena bi pãme.

119 Ndì andunia yãvãnikerino kóte lán m̀ogbõõ bà,
 abire yãin má ye n yãnci.

120 Ma m̀e di fute n vĩna yã,
 n dokayãnci naasi vĩme.

121 Ma yã kè a zéa súsu,
 ñsun ma tó ma wétãmmarinero.

122 Ñ zenkpeke sé makũ n zòbleriine de mà bo mana,
 ñsun tó karambaanidenõ ma wé tãro.

123 Ma wé dõ n surabanaai ari ma kpasa,
 mateni n léseña mana dã.

124 Ñ yã kemene n gbẽke gũn,
 ñ n yãdannenana da makũ n zòbleriine.

125 Ñ zòbleriime ma ù, ñ ma gba laakarri
 de mà n yãnci d̀rõ dõ.

126 Yãkena g̀rõ kà, Dikiri,
 zaakũ òten bo n doka kpe.

127 Má ye n yãditenanci de wurala,
 bee wura baasanaa.

128 Ma è n òdõki mana,
 abire yãi sãtena zé pínki di kemenero.

129 N yãnci demene yãbonsare ù,
 abire yãi má kũna ma swèn.

130 N yã b̀kõtenaa di gu puñe,
 àdi ǹesedodenõ gba laakarri.

131 Ma lé wẽna, maten wesa bo f̀eekuu,
 zaakũ n dokayãnci ni teni ma de.

132 Ñ are dõma ñ sùru ke kũmao,
 lákũ ndi ke gbẽ kũ ò ye n tóinone nà.

133 Ñ ma da zéa lákũ n ò nà,
 ñsun tó yã vãni ke kí blemaro.

134 Ñ ma bo gbẽ takikerino õ
 de mà n òdõki gwa.

135 Ñ an were makũ n zòbleriia,
 ñ tó mà n yãdannenana dõ.

136 Wé'i ten pla ma wén
 kũ ò n doka kũnaro yãi.

137 Dikiri, ñ mana,
 n dokayãnci zé vĩ.

138 N n yãnci dite a zéa,
 ò náani vĩ manamana.

139 Ma ibereñõ sã n yãn,
 akũ ñ yã ma kũ gbãna manamana.

140 Ò n yā yǝ ò gwà à sǎnkara ke vīro,
makū n zǝbleri, má yei manamana.

141 Pǝken ma ūro, òdi ma gya bo,
bee kū abireo n ɔɔki dì sǎmaguro.

142 N yāmanakena lakana vīro,
n doka yāpura vī.

143 Wari kū yā'ūmmanaao ma le,
ama n yāditenanɔme ma pɔnna ū.

144 N yānɔn mana gɔɔ sīnda pínki,
n ma gba laakari de màgɔ kun.

145 Madì n sísi kū nèsedoo Dikiri,
n wema, manigɔ n yāditenanɔ kūna.

146 Madì lé zunyī n ma sura ba,
manigɔ n yānɔ kūna.

147 Madì futε gudɔo mà wiki lémma,
n yān ma wé dɔi.

148 I dì na ma wéa gwāaniro
de mà le mà laasun lé n yāa yāi.

149 N ma yā ma n gbēke yāi, Dikiri,
n ma wēndi dǎkpǎ lǎkū n yāzedeke de nà.

150 Gbē kū òdi lé kpákūsūmainɔ kǎni kūmao,
ama ò zǎ kū n dokao.

151 N kū kūmao kǎni Dikiri,
n yāditenanɔ pínki yāpura vī.

152 Zaa gikena ma dǝ n yānɔa
kū n dìte àgɔ kun gɔɔ sīnda pínki.

153 N ma warikena gwa n ma sura ba,
zaakū n doka dí sǎmaguro.

154 N ze kūmao n ma bo,
n ma wēndi dǎkpǎ lǎkū n a lé sè nà.

155 N surabanaa zǎ kū yāvānikerinɔ,
zaakū òdi n yādannenanɔ wetero.

156 N wēnda zǝkɔ, Dikiri,
n ma wēndi dǎkpǎ lǎkū n yāzedeke de nà.

157 Ma ibere kū òdi wé tǎmanɔn dasi,
ama mádi zǎ n yānɔaro.

158 Má ye n náanisaridenɔ kǎiro,
kū ò n yā kūnaro yāi.

159 N gwa lǎkū má ye n ɔɔkii nà.
Dikiri, n ma wēndi dǎkpǎ n gbēke yāi.

160 N yā sīnda pínki bi yāpurame,
n dokayānɔn mana ò lakana vīro.

161 Gbānadenɔ di wé tǎma pǎ,
ama n yā vīna dì ma kū.

162 Madì pɔnna ke kū n léseanao,
lǎkū ma aruzeke zǝkɔ sète zǝi gūn bà.

163 Ma zā manafikin, má ye a yāiro,
 n dokan má yei.
 164 Madìgō n táaki lé gōrō do gèn supplapla
 kū n dokayānōn mana yāi.
 165 Gbē kū ò ye n dokainō aafia zōkō,
 yāke dì tó ò furo.
 166 Ma wé doi ò ma sura ba, Dikiri,
 madì té n yāditenanōi.
 167 Má n yānō kūna,
 zaakū má yei manamana.
 168 Madì n ɔɔki gwa madì n yānō ma,
 zaakū ma yākenā sīnda pínki kú n ɔime.

169 Ñ tó ma wikilena n kīnaa le, Dikiri,
 ò ma gba laakari lākū n ò nà.
 170 Ñ tó ma aduakēna n ki le,
 ò ma sura ba lākū n lé sè nà.
 171 N táakilēna gō da ma lén,
 zaakū ndi n yādannenānō damēnē.
 172 Mani lè sí n lésēnaa musu,
 zaakū n yāditenanōn mana pínki.
 173 Ñgō kú kú soruo ò ɔ dama,
 zaakū ma zē kú n ɔɔkio.
 174 Mateni a ni dē ò ma sura ba, Dikiri,
 n dokamē ma pōnna ũ.
 175 Ñ tó màgō kun, manigō n táaki lé,
 ò tó n dokayānō gō ma kūna.
 176 Ma zā zēa lán sā kú à sàte bà,
 ò makū n zòbleri wete,
 zaakū n yādannenānō dí sāmāguro.

120

Kunna yāketedenō té

Gēna Yurusalemu lèē.

¹ Ma warikēnaa gūn ma Dikiri sisi,
 akū à wēma.
² Ñ ma sí yāsiradenō ɔi
 kú manafikidenō léo.

³ Manafikide, deran Luda ni kē nà kūnwoo?
 Ke bōn ani kēnnēē?
⁴ Ani wé tāma kú gōsa kà lé nnanō
 kú sē lí sīsī wānao.

⁵ Waiyoo makū kú má kú Mēsēkinō té,
 má vutēna Kedanō bizakutan.
⁶ Ma vutē à gi kē manamana
 kú gbē kú ò zā aafianō.
⁷ Vutēna aafiaan má yei,
 ama tó ma yā ò, fitiin òdi futeomai.

121*Dikiri ó Dákpárii*

Gená Yurusalemu lèè.

¹ Ma wé dɔ sɪ̄sɪ̄nɔ kpa,
gu kú ma kpányĩ dì bon.

² Ma kpányĩ dì bo Dikiri kĩnaame,
àkú mé à musu kú zítèoo kè.

³ Ani tó n gbá sataro,
n dákpári ni idekú dero.

⁴ Isarailanɔ dákpári ni idekú dero fá,
ani i o sero.

⁵ Dikirimè n dákpári ũ,
Dikiri denne ura ũ n ɔplai.

⁶ Ifantè ni n lé fānantēro,
kesɔ mɔvura gwāani.

⁷ Dikiri ni n sí kisira sīnda pínkia,
ani n wèndi dákpānne.

⁸ Dikiri ni n dákpá n genaa gūn kú n sunaao
zaa tera ari gɔɔ sīnda pínki.

122*Dauda aduakena Yurusalemune*

Gená Yurusalemu lèè.

¹ Kú ò pìmenè ò gé Dikiri ɔnn,
ma pɔ kè nna.

² Ó zena n bīnilea sà Yurusalemu.

³ Ò Yurusalemu kàte nanakōana gíngin.

⁴ Gwen Isaraila burinɔ dì gēn,
buri kú Dikiri sèè pìnɔ.

Òdi gé Dikiri sáabu kpá
lákú à dìtēne nà.

⁵ Gwen yāgɔgɔrinɔ gbànɔn kátēn,
Dauda burinɔ kpata gbànɔ ũ.

⁶ À aafia wé kè Yurusalemune à pi:
Luda tó gbē kú ò yenyĩnɔ arubarika le!

⁷ Aafia gɔ kú n bīninɔ dagura,
n gudákpákinɔ gɔ katena nna.

⁸ Ma gbēnɔ kú ma gbēnnanɔ yāi mani pi,
Luda n gba aafia.

⁹ Dikiri ó Luda kpé yāi
mani yā mana wé kenne.

123*Wédna Ludai*

Gená Yurusalemu lèè.

¹ Ma wé sè, mateni n ki gwa,

məkōn kũ n kpata kú zaa musu.
 2 Lákũ zò wé ògō dɔ pói a bede ɔĩ nà
 akūsò zònɔgbē wé ògō dɔ a dai,
 len ó wé ògō dɔ Dikiri ó Ludai le
 ari à gé ó wēnda gwao.

3 Ñ ó wé gwa, Dikiri, ñ ó wé gwa,
 zaakũ gbēnɔ ó gyabona ó kpasa manamana.
 4 O zĩdabirinɔ lalandikēnaa f̃s manamana
 kũ karambaanidenɔ gyabonaao.

124

Dikiri ó zεkũnwode

Gena Yurusalemu lè kũ Dauda dàa.

1 Tó Dikiri kú kũoo yāro,

Isarailanɔ o:

2 Tó Dikiri kú kũoo yāro

gɔrɔ kũ ò fùtewái,

3 de ò ó mɔmɔ bēne kũ ò pɔ f̃ewái,

4 de ò dàóla lán í zók̃sò bà,
 de ò ó sète ò tà kũoo lán swa panaa bà,

5 de ò ó wára lán swa'i kũ à f̃ε bà.

6 Arubarikademe Dikiri ũ,
 kũ adi tó ò ó ke yákiyakiro.

7 O bo tankuten lán bā bà,
 bàa k̃è, o pitimma.

8 Ó kpányĩ dì bo Dikiri kĩnaame,
 àkũ mé à musu kũ zĩteoo k̃è.

125

Luda gbēnɔ konna aafia

Gena Yurusalemu lèε.

1 Dikiri náanikerinɔn de lán Zaiō kpi bà,
 à yīgāyīgāna vīro, àdigō kun gɔrɔ s̃inda pínki.

2 Lákũ kpínɔn likana Yurusalemui nà,
 len Dikiri likana a gbēnɔi le
 zaa tera ari gɔrɔ s̃inda pínki.

3 Gbē vāninɔ ni le ògō kí ble
 gbē mananɔ b̃usun ògō géro,
 de gbē mananɔ sún ɔ da vānikenanlo yāi.

4 Dikiri, ñ yā mana ke gbē mananɔne,
 gbē kũ ñ ñε puranɔ.

5 Gbē kũ ò zé kotinaa s̃enɔ s̃ɔ,
 Dikiri ni ñ wara kũ vānikerinɔme.

Luda Isarailanɔ gba aafia!

126

Isarailanɔ suna ní gwena zīn

Gená Yurusalemu lèè.

¹ Kū Dikiri ó bó zòblen à sù kūoo Zaiɔ,
à dewere lán nana bàme.

² O vī kū yáadoo o ayuwii kè,
akū burinɔ pikɔne,

Dikiri yā zòkɔ kèwewe.

³ Dikiri yā zòkɔ kèwewe,
akū óten ponna ke.

⁴ Dikiri, ò su kūoo ó gwena zīn,
lákū ndi su kū ío gbàrannan nà.

⁵ Gbè kū ò pɔ tɔ̀ kū wé'ionɔ,
adenɔ ni keke kū ayuwiikenaome.

⁶ Gbè kū à bò kū sódoo kū pówé burio kūna,
ade ni era à su kū ayuwiikenaao
kū ése bàkaao sena.

127

Pɔ sīnda pínki bi Luda gbame

Gená Yurusalemu lè kū Sulemanu dàa.

¹ Tó adi ke Dikiri mé à kpé boro,
a bòrinɔ ten zī pā keme.

Tó adi ke Dikiri mé à wēte dàkpāro,
a dàkpārinɔ ten ibēne ke pāme.

² Futena kɔnkɔkɔnkɔ, wutena lizāndo,
zíkēna bàmbām póble yāi bi pāme,
zaakū Dikiri dì a gbè yenyīdenɔ gba ĩampanaa.

³ Néǵǵgbēnɔ bi Dikiri gbame,
nénɔ bi a láadame.

⁴ Lákū kànɔn de nà zìkari ɔĩ,
len kefennakegrɔ néǵǵgbēnɔn de le.

⁵ Arubarikaden gbè kū a gbàta pana kúńwo ũ,
tó a iberenɔ a lè gānulea, wé'i ni a kūro.

128

Yá mana kū Dikiri vīnakerii dì le

Gená Yurusalemu lèè.

¹ Arubarikademe gbè kū à Dikiri vīna vī
akūsɔ à té a zén ũ.

² ĩni n zī àre ble,
ĩnigɔ arubarika vī, ĩnigɔ kun aafia.

³ N nɔ nigɔ kú n ɔnn
lán geepi lí né'irii bà,
n néǵǵgbēnɔ nigɔ lika n teburuu
lán kú lí ketenɔ bà.

⁴ Len gbè kū à Dikiri vīna vī
dìgɔ arubarika vī le.

⁵ Zaa Zaiṣ Dikiri arubarika dangu
ari n wèndi lén.

À tó ò wé sí Yurusalemu nmanale,
⁶ à tó ò n daikorenṵ e kũ wéó.

Dikiri Isarailanṵ gba aafia!

129

Isarailanṵ sa vāni ona ní iberenṵne
Gena Yurusalemu lèè.

¹ Zaa ó néfitikegṵrṵ ò wé tàwá a lé vīro.
Isarailanṵ o:

² Zaa ó néfitikegṵrṵ ò wé tàwá a lé vīro,
ama òdi fṵ ò ó fúro.

³ Ò ó kpɛdagura bú kpàte,
ò a dṵrṵrṵ kè gbànagbāna.

⁴ Dikirin mana,
à gbè vāninṵ bàa zṵwɛɛ.

⁵ Gbè kũ ò zà Zaiṣnno
era kpɛ kũ wé'iyāo.

⁶ Ògṵ de lán sè kũ à bùte kpé musu bà,
ari àgṵ gbā à kori kè.

⁷ Ani sèkèri okũ paro,
ani bàka ke à sí yī ò da gānlo.

⁸ Gbè kũ òten gētenṵ sún pi,
Dikiri arubarika daṅguro,
ke ò arubarika daṅgu kũ Dikiri tóo.

130

Wédṵna Dikirii
Gena Yurusalemu lèè.

¹ Zaa í lòkoton ma wiki lè Dikiria ma pì,

² Dikiri, ò ma yā ma,
ò sá kpá ma wikilenaai ò ma wé gwa.

³ Dikiri, tó ndi ó durunnanṵ kè ò dìteme,
Dikiri, dí mé ani boo?

⁴ Mṵkṵn mé ò durunnakēmmana zé vī,
abire yāin òdi vīna kenne.

⁵ Ma wé ògṵ dṵ Dikirii, mateni a dā,
a yā nānin má vī.

⁶ Lákũ gudākpārinṵ wé ògṵ dṵ gudṵnaai nà,
ma wé ògṵ dṵ Dikirii deṅla,
ee, à de gudākpārinṵ wédṵna gudṵnaaila.

⁷ Àkṵnṵ Isarailanṵ, à wé dṵ Dikirii,
zaakũ Dikiri gbèke vī,
à surabana gbāna vī papana.

⁸ Àkũ mé ani Isarailanṵ bo

ń durunnano ɔ̃n pínki.

131

Nana Dikirii

Gená Yurusalemu lè kú Dauda dàa.

¹ Dikiri, madì ma zīda biro,

madì wé matéñyíro,

madì ɔ̃ ká yā kú à demalairo

kesō yā kú à zī'ūmēne.

² Lenlo! Ma a nēsēe dà dokōno,

ma a laakarīi kpàte

lán né yōmiri kú à kú a da ɔ̃i bà,

ma nēsēe de lán né yōmiri pó bà.

³ Ákōno Isarailano, á wé gō do Dikirii

zaa tera ari ɔ̃ro sīnda pínki.

132

Dauda burino vutena kpatan Zaiš

Gená Yurusalemu lèe.

¹ Dikiri, ń tó Dauda yā gō dongu

kū wari kú à kēno pínki.

² À la dà Dikirine,

à lé sè Yakubu Luda gbānadene à pì,

³ áni gē kpénlo,

áni wúte a gádoaro,

⁴ áni we à idekū dero,

áni tó i na a wéaro,

⁵ ari à gé gu leo Dikirine

à kpé bo Yakubu Luda gbānadene.

⁶ O a baaruu mà Eflata būsun,

o boa Yarimu bura.

⁷ Ó gé a kúkia,

ò kúte a tìntin are.

⁸ Dikiri, ń fute ń su n kipakia,

mākōn kú n gbānake àkpatiio.

⁹ N gbàgbarino manake da uta ũ,

n yāmarino ayuwii gō do.

¹⁰ Ñsun mìkperē zu kína kú n kàanero

n zòbleri Dauda yāi.

¹¹ Dikiri sī kú a kunnaao Daudane,

à náani vī, ani lé lítero, à pì:

Mani n burino doke ká n kpatan.

¹² Tó n burino ma bàka kunna kúnwo yā dà,

tó ò yā kú ma dàñneño kúna,

ń burino nigō vute n kpatan ɔ̃ro sīnda pínki.

¹³ Zaakū Dikiri Zaiš sè,

à ye agō de a vutēki ũ, à pì:

14 Gu dín manigõ kun gɔɔ sɪnda pínki,
lan manigõ vutena, zaakū à ma pɔ gbàmɛ.

15 Mani arubarika dan manamana,
mani pɔble kpá a takasidenɔa à mómma.

16 Mani surabana da a sa'orinɔne uta ũ,
ma yāmarinɔ ayuwii nigõ dɔ.

17 Gwen mani Dauda buri kína gbānade bon,
gwen kína kū ma kà té nigõ kún.

18 Mani wé'i da a iberenɔa,
a kífura nigõ pí a m̀ia.

133

Kunna kū k̄so kū lédok̄ɔnɔ

Gena Yurusalemu lè kū Dauda dàa.

1 À gwa lákū à mana nà akūs̄ à nna,
tó Luda gbēnɔ kun kū k̄so kū lédok̄ɔnɔ.

2 À de lán sakena nísi
kū ò kū Haruna m̀iaa bà,
kū à plà a lékāsai ari à kà a uta léa.

3 À de lákū ò pi
Emɔ plí mé àten kpá Zaiš kpinɔa bà.
Gwen Dikiri a arubarikadangunaa ditɛn
ẁendi lakanasari ũ.

134

Dikiri sáabukpana gwāani

Gena Yurusalemu lèɛ.

1 Ák̄ɔnɔ Dikiri z̄ikerinɔ,
à Dikiri sáabu kpá á pínki,
ák̄ɔnɔ kū áten z̄i ke Dikiri ɔnn gwāaninɔ.

2 À á ɔ sé musu Dikiri kúki kpa,
à a sáabu kpá.

3 Zaa Zaiš Dikiri arubarika daágu,
ákū mé à musu kū z̄it̄eoo kè.

135

Dikiri táakilenaa

1 Aleluya!

À Dikiri tó bo!

À Dikiri sáabu kpá, ák̄ɔnɔ a z̄ikerinɔ!

2 Ák̄ɔnɔ kū adì z̄i ke Dikiri beanɔ,
á gbē kū adìgõ zena ó Luda ɔnnnɔ.

3 À Dikiri tó bo, zaakū à mana,
à a táaki lé, zaakū abirekū mé à nna.

4 Dikiri Yakubu burinɔ sè a pɔ ũ,
à Isarailanɔ dite a gbē yenyidenɔ ũ.

5 Má d̄s kū Dikirin z̄sk̄s,

ó Luda mé à de tǎnanɔla ń pínki.

⁶ Dikiri dì yǎ kǔ à yei ke
musu kǔ zíteo,
ísira gǔn kǔ a ònɔ.

⁷ Àdi tó legǔ sisi ari andunia lézekia,
àdi tó legǔ ma kǔ a pinaao,
àdi bo kǔ zàga'íao a pókatekin.

⁸ À Mísila daudunɔ dède
kǔ pókáde né káakunɔ pínki.

⁹ À sèedanɔ kǔ daboyǎnɔ kè Misila,
à wé tà Firi'auna kǔ a ìbanɔa ń pínki.

¹⁰ À burinɔ làka dasi,
à kína gbānadenɔ dède,

¹¹ Amɔrinɔ kína Siṣ
kǔ Basā kína Oguo
kǔ Kanaanɔ bǔsu kínanɔ ń pínki.

¹² À ń bǔsu sì à kpà
a gbē Isarailanɔa túbi ũ.

¹³ Dikiri, n tó dìgṣ kun gɔrɔ sǐnda pínki,
Dikiri, n yǎ nigṣ dɔ gbēnɔgu ari ó buria.

¹⁴ Zaakǔ Dikiri ni tó a gbēnɔ bo mana,
ani a zòblerinɔ wēnda gwa.

¹⁵ Burinɔ ń tǎnanɔ pì kǔ andurufuuo kǔ wuraaɔ,
bisāsiri ɔzínɔmɛ.

¹⁶ Ò lé vī, ama òdi yǎ oro,
ò wé vī, ama òdi gu ero,

¹⁷ ò sǎ vī, ama òdi yǎ maro,
òdi wesa boro.

¹⁸ Ń pìrinɔn lèlè kǔn'wome
kǔ gbē kǔ òteni ń náani kenɔ ń pínki.

¹⁹ Isarailanɔ, à Dikiri sáabu kpá!
Haruna burinɔ, à Dikiri sáabu kpá!

²⁰ Levi burinɔ, à Dikiri sáabu kpá!
Dikiri vīnakerinɔ, à Dikiri sáabu kpá!

²¹ Arubarikademɛ Dikiri ũ zaa Zaiṣ,
àkǔ kǔ à kú Yurusalemu.
Aleluya!

136

Dikiri sáabukɛnaa

¹ À Dikiri sáabu ke, zaakǔ à mana,
a gbēke lakana vīro.

² À Luda kǔ à de tǎnanɔla sáabu ke,
a gbēke lakana vīro.

³ À Dikiri kǔ à de dikirinɔla sáabu ke,
a gbēke lakana vīro.

⁴ Àkǔ mé àdi daboyā zṣkṣnɔ ke ado,

a gbêke lakana víro.

⁵ À musu kè kù a òndò,
a gbêke lakana víro.

⁶ À zíte kpàte í musu,
a gbêke lakana víro.

⁷ À pógupuri zòkòkè,
a gbêke lakana víro.

⁸ À ifántè kè à kí ble fánantè,
a gbêke lakana víro.

⁹ À mɔvura kù susunenò kè ò kí ble gwāani,
a gbêke lakana víro.

¹⁰ À Misila daudunò dède,
a gbêke lakana víro,

¹¹ À Isarailanò bòte ní té,
a gbêke lakana víro.

¹² À a gāa pòro kù a iko gbānao,
a gbêke lakana víro.

¹³ À Isira Tēra zòkòre pla,
a gbêke lakana víro.

¹⁴ À tò Isarailanò gète a dagura,
a gbêke lakana víro.

¹⁵ À Firi'auna kù a zìkarinò kà Isira Tēran,
a gbêke lakana víro.

¹⁶ À dò a gbēnòne are gbárannan,
a gbêke lakana víro.

¹⁷ À kína zòkòkè lè à nè,
a gbêke lakana víro.

¹⁸ À kína gbānadenò dède,
a gbêke lakana víro.

¹⁹ Amòrinò kína Siò,
a gbêke lakana víro.

²⁰ Kù Basā kína Oguo,
a gbêke lakana víro.

²¹ À ní bùsuu si à gba dào,
a gbêke lakana víro.

²² À kpà a zòbleri Isarailanò a túbi ũ,
a gbêke lakana víro.

²³ À dò ó yān ó gwena vānin,
a gbêke lakana víro.

²⁴ À ó bó ó ibereenò oĩ,
a gbêke lakana víro.

²⁵ Àdi pòble kpá pò sīnda pínkia,
a gbêke lakana víro.

²⁶ À Luda Musude sáabu ke,
a gbêke lakana víro.

¹ Kū o vute Babilonu swano sare,
Zaiṣ yā dḡogu, akū o ɔḡ dḡ.

² O ó mɔɔɔnɔ tò lokona luba línɔa gwe.

³ Gwen gbē kū ò ó kúnano pì ò lè sííne,
ó wétámmarinɔ ye ò kḡkḡ oíne,
ò Zaiṣ lèno doke sííne.

⁴ Deran óni Dikiri lèno sí nà
buri pāndenɔ būsuu gūnn?

⁵ Tó n yā sāmágu Yurusalemu,
ma ɔpla ga.

⁶ Tó Yurusalemu yā dí dɔmaguro,
tó mádi a dite ma pɔnnakena mède ūro,
ma néne nate.

⁷ Dikiri, ñ dɔ yā kū Edɔmunɔ kèn
zī kū ò yā mò Yurusalemune
ò pì: À wíwi,
à wíwi à date manamana.

⁸ Babilonudenɔ bi pó kakatenanɔme!
Arubarikademe gbē kū ani yā kū a kèwɛɛ fīna boáɛ ū,
⁹ kū ani á néno kúkū à ñ pápa gbèea.

138

Dikiri sáabukpana a gbēke yāi

Dauda lèe.

¹ Mani n sáabu kpá kū nèsedoo,
mani n táaki lé gbānadeno are.

² Mani kúte mà are dɔ
n kpé kū à kú adona kpa,
mani n tó bo n gbēke kū n náanio yāi,
zaakū n n tó kū n yāoo sè lei de pó sīnda pínkila.

³ Kū ma n sisi, n wema,
ñ ma kù ke gbāna, ñ ma swè kpáte.

⁴ Tó andunia kínano yā kū n òo mà,
oni n sáabu kpá ñ pínki, Dikiri.

⁵ Oni lè sí Dikiri yákenano musu,
zaakū Dikiri gakuri zḡkḡ.

⁶ Bee kū Dikiri kunnamusukɛo,
àdi gbē kínanano wēnda gwa,
àdi wé tá zīdabirinɔla.

⁷ Bee tó wétámmanaa likamai,
ndi ma wēndi dákpá,
ndi ma iberenɔ pɔfē kpáte,
ndi ma sura ba kū n gà gbānao.

⁸ Dikiri ni yā kū à ò papamene.
Dikiri, n gbēke lakana vīro,
ñsun makū kū n ma ke tóro.

139

Dikiri yā sīnda pínki dō

Dauda lèe.

¹ Dikiri, n ma yā gwàgwa n dō,

² í ma vutena kū ma futenaao dō,

zaa zázā í ma laasunnō dō.

³ Ndi ma taa'ona kū ma wutenaao tàasi ká,
n kō dō kū ma yāno pínki.

⁴ Ari yā gō bo ma lén,

Dikiri, í dō sānsān.

⁵ Í likamai kpε kū arεo,

n ɔ kúmala.

⁶ Dōna bire demεne daboyā ũme,

à demala, ma ɔndō dí káaro.

⁷ Mán mani gén mà kē n Niniaa?

Mán mani bàa sí mà gén mà kuranyĩ?

⁸ Tó ma fute ma γε musu, í kú gwe!

Tó ma wuteki kē gyāwān, mɔkōmmε gwe!

⁹ Tó ma fute ma γε ifáboki kpa,

tó ma γε vute ísira bara ifálete kpa,

¹⁰ bee gwemε má na n ɔí,

ĩnigō ma kūna kū n ɔplao.

¹¹ Tó ma pì gusira damala,

ke gupura kū à likamai li gwāani ũ,

¹² gu ògō sirannεro,

gwāani ògō denne lán fānantē bàme,

gupura kū gusirao ògō lεεlennεme.

¹³ Mɔkōn mé n ma gūn kē,

n ma í kàsa ma da nēsεn.

¹⁴ Ma n saabu kē kū ma kεna naasi vī
akūsō à yābonsare vī.

N yākenano di bo í sare,

má dō sānsān ma nēsεn.

¹⁵ Gɔro kū n ma í kàsa né'isɔɔ gūn,

ma wá ke utenannεro.

Kú ma mè ten li asiri gūn gwe,

¹⁶ n wé sì ma négbīnile.

Lákū n ma gɔro òtε nà pínki,

a lé kú n takadan

zaade a ke dí naaro.

¹⁷ Luda, n laasunn bèεre vīmεne manamana,
a lé vīro fá!

¹⁸ Tó má ye mà naro,

í dasi de bùsu'atēla,

tó ma vu,

madigō kú kūnwo ari tera.

¹⁹ Luda, tó ĩni gbē vānino dεdε dé?

À gomala, ákõnɔ gbēderinɔ!

²⁰ N iberenɔ dì n yá o kũ nèse vānio,
n tó bèere vī n lénlo.

²¹ Dikiri, madì zā gbē kũ ò zāngunɔguroo?
Madì gí gbē kũ ò fūtenyīnɔ kái.

²² Má yáke vīnnero, se zāngu,
madì n dite ma iberenɔ ũme.

²³ Luda, n ma gwagwa n ma nèse dõ,
n ma yõ n ma gwa n ma laasun dõ.

²⁴ N̄ gwa tó má laasun vāni ke vī,
n ma da zé kũ àdigõ kun gɔɔ sīnda pínkiaa gūn.

140

Aduakena gbē vāninɔ musu

Dauda lèe.

¹ Dikiri, n ma sí gbē vāninɔa,
n ma dākpā gbē pāsīnɔ yāi.

² Òdi yā vāni laasun lé n̄ swèe gūn,
fitiin òdigõ wete gɔɔ sīnda pínki.

³ Òdi n̄ lé keke lán mlèe bà,
n̄ légbè bi pitiko sɛweme.

⁴ Dikiri, nsun tó gbē vāninɔ ɔ namaro,
n ma sí gbē pāsīnɔa,
òdi lé kpákūsū de ò ma pāte.

⁵ Zīdabirinɔ wèee yõmene,
ò tankute kpàkpamene,
ò bàa kpàmene zén.

⁶ Dikiri, ma pìnne: Ma Ludame n ũ,
n sã kpá ma wēnda wikii, Dikiri.

⁷ Dikiri Luda, ma surabari gbāna,
mɔkõn kũ ndi ɔ kúmala zīlan,

⁸ nsun tó gbē vāninɔ n̄ poyeina zé lero,
Dikiri, nsun tó n̄ lékpákūsūna kō séro.

⁹ Gbē kũ ò likamainɔ,
n tó yā vāni kũ òteni ma kpákpao wí n̄ musu.

¹⁰ N̄ tó téyõ wāna kúmama, n tó ò n̄ zu tén,
n tó ò si wèe kũ oni bonlo gūn.

¹¹ N̄sun tó gbēyakarinɔ zeki le andunia gūnlo,
n tó kisira gõ gbē pāsīnɔ we zēnaa sari.

¹² Má dõ kũ Dikiri dì yā nna kpá wēndadenɔa,
àdi yā keke takasidenɔne a zéa.

¹³ Yāpura, gbē mananɔ ni n tó bo,
nèsepuradenɔ nigõ kú n are.

141*Surabana aduakɛnaa*

Dauda lɛɛ.

¹ Dikiri, maten wiki lényĩ, ò kɛ likalika,
tò ma n sisi, ò sã kpá ma yã.

² Ò tò ma aduakɛna ká n kĩnaa
lán turaretiti túsukpɛ bà.

Ò tò ma ɔ dɔna musu gɔ denne
sa ɔkɔsi ona ũ.

³ Dikiri, ò lɛsɔ damɛnɛ ma léne,
ò tò mà a lé fɔ.

⁴ Òsun tò yã vãni ma swɛ̀ gátero,
de màsun kakara kũ yãvãnikerinɔ
ń yãvãnikɛnaa gũnlo,
de màsun ń pɔ nnanɔ ble kũńworo.

⁵ Tò gbɛ mana ma le, à gbɛke kɛmɛnɛmɛ!
Tò à kpàkɛmai, mani gíiro,
nísi kũ a kpèoomɛ.

Madigɔ adua kɛ baala'i
de gbɛ vãninɔ yãkɛna gboro.

⁶ Tò ò ń gbãnadɛnɔ kà sɛ̀sĩgororo wɛɛn,
yãvãnikerinɔ ni sí kũ ma yã mé à nna.

⁷ Lákũ òdi yàkaa para a bùru fãkɔa nà,
lɛn ń wá nigɔ fãkɔana ń mira léa le.

⁸ Dikiri Luda, mɔkɔmmɛ ma wé dɔnyĩ,
ma nanyĩ, òsun ma kpá gairo.

⁹ Ò ma bo tankute kũ ò kpàkpamɛnɛnɔn,
bà kũ yãvãnikerinɔ kpàkpamɛnɛnɔ.

¹⁰ Ò tò gbɛ vãninɔ si ń zĩda bàa gũn,
makũ sɔ mani gɛ̀te aafia.

142*Aduakɛna gbɛ̀wɛɛn*

Dauda aduakɛna gɔɔ kũ à kũ gbɛ̀wɛɛn.

¹ Maten ɔ gbãna dɔ Dikirinɛ,
maten wɛ̀nda wiki lé Dikiria.

² Mateni ma yã'ũmmana bɔtɛnɛ,
mateni ma warikɛna gbãnɛ.

³ Tò ma nɛ̀sɛɛ yàka manamana,
mɔkɔn, ndigɔ ma gɛ̀sesɛna dɔ.

Ò tankute kpàkpamɛnɛ ma zén.

⁴ Ò wé sé ò ma ɔpla gwa,
gbɛ̀ke dì ma yã daro.

Má naki vĩ doro,
gbɛ̀ke dì ma aafiaa gbekaro.

5 Dikiri, maten wiki lémma ma pì:
 Mòkòmmè ma uteki ũ,
 mòkòmmè ma baka ũ andunian.
 6 Ñ sá kpá ma wikilenaai,
 zaakū ma gō múkumukumè.
 Ñ ma sí gbē kū òten pémanɔ,
 zaakū n gbāna demala.
 7 Ñ ma bo kagura díkīnan,
 de mà n tó bo,
 gbasa gbē mananɔ likamai
 kū n yā mana kèmenè yāi.

143

Kunna ibereɔ ɔ̃ aduakena

Dauda lèc.

1 Dikiri, ñ ma aduakena sí,
 ñ sá kpá ma wènda wikii,
 ñ wema n náani kū n manao yāi.
 2 Ñsun yákpate ke kū makū n zòbleriioro,
 zaakū gbēke taari sari n kīnaaro.

3 Ma ibere pètemai à ma ne,
 à tò má kú gusiran
 lán gbē kū à gà zaa gikenaa bà.
 4 Akū ma nèseè yàka manamana,
 ma sɔpète vāni.

5 Yā zīzīnɔ dòmagu,
 madi laasun lé n zīkenanɔ,
 madi n yākenanɔ da.
 6 Ma a ɔ dɔnyī,
 madi n ni de lán gukori dì í ni de nà.

7 Ñ wema likalika Dikiri,
 ma gbāna làka.
 Ñsun mìkperè zumenero,
 de màsun gō lán gbē kū ò sì gyāwānɔ bàro.

8 Ñ n gbēke mòmene kɔnkɔ,
 zaakū mòkòmmè má n náani vī.
 Ñ ma da zé kū à de mà séa,
 zaakū mòkòmmè ma a swèè kpàmma.

9 Ñ ma sí ma ibereɔ, Dikiri,
 mòkòmmè ma nanyī.

10 Mòkòmmè ma Luda ũ,
 ñ n pɔyenyīna yā damene.

Ñ tó n Nini mana domene are gusaran.

11 Ñ ma wèndi dákpá n tó yāi, Dikiri,
 ñ ma bo yā ũmmanaa gūn n manao yāi.

12 Ñ ma ibereɔ láka n gbēke yāi,
 ñ ma zāngurinɔ dede n pínki,

zaakū n zòbleriime ma ũ.

144

Aduakena surabana yá musu

Dauda lèe.

¹ Arubarikademe Dikiri ma gbèsi ũ,

àdi zìkana dadamene,

àdi ma ɔ tùtu ke zìkana yāi.

² Àkūme ma uteki ũ, àdi gbēke kemene,

à de ma zeki gbāna ũ, àdi ma sura ba.

À de ma sēngbako ũ kū madì nai,

àdi tó burinɔ mì natemene.

³ Dikiri, bón bisāsiri ũ

kū a yā dīgō dōnguu?

Bón a ũ kū ndi laakari dɔaa?

⁴ Bisāsiri de lán kása plí bāme,

a wèndii dì gēte lán uraa bà.

⁵ Dikiri, ñ musu natè ñ kipa,

ñ ɔ na kpina de ò túsukpe bo.

⁶ Ñ tó legū pí ñ gbēnɔ fākōa,

ñ kà fā ñ té ò lekōa.

⁷ Ñ ɔ bo zaa musu ñ ma kū,

ñ ma bo í zókɔ gūn,

ñ ma sí buri zītɔna.

⁸ Éketona ñ lé pà,

òdi ɔ pāte kū lépāgbēnaao.

⁹ Luda, mani lè dufu sínne,

mani n táaki lé kū mɔɔ bà mèn kurideo,

¹⁰ mɔkɔn kū ndi tó kɔnanɔ zì ble,

ndi n zòbleri Dauda bo fēneda pásī léi.

¹¹ Ñ ma sí ñ ma bo buri zītɔnɔ ɔī,

éketona ñ lé pà,

òdi ɔ pāte kū lépāgbēnaao.

¹² Ó négōgbēnɔ ni fute í kefennakegɔɔa

lán lí kū à nna màa bà,

ó nēnɔgbēnɔ gō de

lán kɔnabe gbēgba kú ò zā blèaa bà.

¹³ Ó dōnɔ ni pa kū pó buri sīnda pínkio.

Ó sãnɔ ni kō leu wàa do,

oni ká úgbangba ó kpàsan.

¹⁴ Ó zùnɔ nigō de nérandenɔ ũ,

nòbotena nigō kunlo,

lagona nigō kunlo,

wēnda'úɔdɔna nigō kú gānulearo.

¹⁵ Arubarikadenɔme gbē kú í konna de lenɔ ũ,

arubarikadenᵋme gbē kū Dikiri de n̄ Luda ũᵋ ũ.

145

Dikiri táakilena a manakena yāi

Dikiri táaki kū Dauda lèe.

¹ Mani n táaki lé, ma Luda ma Kína,
manigᵋ n tᵋ bo gᵋᵋ s̄inda pínki.

² Manigᵋ n sáabu kpá lákū gu ògᵋ ᵋᵋ nà,
manigᵋ n táaki lé lakanaa sari.

³ Dikiri zᵋkᵋ, à kà ò a táaki lé,
a zᵋkᵋke lé v̄iro.

⁴ Kp̄ainᵋ n̄ n yákenanᵋ sáabu kpá Wurenᵋne,
oni n yāzᵋkᵋkenanᵋ kpàkpa ke.

⁵ Oni n manake zᵋkᵋ gakuride yā o,
mani n yābonsarᵋkenanᵋ laasun lé.

⁶ Oni n yákena naasi gbāna yā o,
mani n zᵋkᵋke gadi keñe.

⁷ Oni n manake zᵋkᵋ baaru kpá,
oni ayuwii ke n yāzᵋdekenanᵋ yāi.

⁸ Dikiri s̄uru v̄i kū wēndao,
àdi pᵋ f̄e likaro, à gbēke v̄i zᵋkᵋ.

⁹ Dikiri òi yā mana ke gbē s̄inda pínki,
àdi a pᵋ kū à k̄enᵋ wēnda gwa n̄ pínki.

¹⁰ Pᵋ kū n k̄enᵋ ni n sáabu kpá n̄ pínki,
n yāmarinᵋ ni n tᵋ sé lei, Dikiri.

¹¹ Oni n kpata gakuri gadi ke,
oni n iko gbāna yā o,

¹² de gbē s̄inda pínki n yāzᵋkᵋkenanᵋ ᵋᵋ
kū n kpata mana gakuride yāo.

¹³ N kpata bi kpata lakanasarime,
ñigᵋ de kína ũ ari ó buria.

Dikirin náani v̄i yā kū à ò musu pínki,
à s̄uru v̄i kū pᵋ kū à k̄enᵋ n̄ pínki.

¹⁴ Dikiri òi gbē kū òten lét̄enᵋ kū,
àdi gbē kū wari t̄òmmanᵋ fute.

¹⁵ Pᵋ s̄inda pínki wé ᵋnyī,
ndi pᵋble kpám̄ma a gᵋᵋa.

¹⁶ Ndì ᵋ poroñne pᵋ m̄óm̄ma,
ndi pᵋ s̄inda pínki p̄oyeina b̄okᵋtene.

¹⁷ Dikiri yákenanᵋn mana pínki,
à gbēke v̄i a yā s̄inda pínki kēnaa gūn.

¹⁸ Dikiri k̄āni kū a s̄isirinᵋ n̄ pínki,
gbē kū òdi a sísi kū yāpuraonᵋ.

¹⁹ Àdi a v̄inakerinᵋ p̄oyeina b̄okᵋteñe,
àdi n̄ wikilena ma à n̄ sura ba.

²⁰ Dikiri òi gbē kū ò yeainᵋ ᵋkp̄ā n̄ pínki,
ama ani yāvānikerinᵋ kakate.

21 Dikiri táakilena nigõ da ma lén,
pó sînda pínki gõ a tó kù à kú adona bo
gɔɔ sînda pínki.

146

Dikiri laakaridɔna wëndadensa

1 Aleluya!

Ma swè, ò Dikiri táaki lé.

2 Manigõ Dikiri táaki lé ari ma wëndi léa,
manigõ lè sí ma Ludanɛ ari ma kunna léa.

3 Àsun náani kpá gbānadenɔaro,
surabaŋa kú bisāsiri kīnaaro.

4 Tó ñ wëndii tà, òdi era ò gē būsun,
zī birean yā kù òten péa dì láka.

5 Arubarikademe gbē kù Yakubu Luda de a kpanyīri ũ ũ,
kù à wé dɔ Dikiri a Ludai.

6 Akū mé à musu kù zītɛo kè,
ísira kù pó kù ò kú a gūnnɔ pínki.

Dikiri náani vī gɔɔ sînda pínki,

7 àdi yā sí kù gbē kù òten gbāna mɔ́nɛnɔo,
àdi póble kpá nàderinɔa.

Dikiri dì bàa poro gbē kù ò yīnanɔa,

8 Dikiri dì vīnanɔ wé wēínɛ,

Dikiri dì gbē kù wari tòmmanɔ fute,

Dikiri dìgõ ye gbē mananɔi.

9 Dikiri dì bòasunɔ gwa,

àdi ɔ da gyaanɔnɔa kù tonɛnɔo,

ama àdi zé yákatɛ gbē vāninɔnɛ.

10 Dikiri dìgõ kí ble gɔɔ sînda pínki,
Zaiɔdenɔ, á Luda dìgõ kun ari á buria.

Aleluya!

147

Pó sînda pínki kú Luda ɔ

1 Aleluya!

Lèsina ó Ludanɛ mana,

à nna akūsõ à kù ò a táaki lé.

2 Dikiri ten Yurusalemu fute dɔ,

à Isaraila zìzɔnɔ kàkara àten era à su kūńwo.

3 Àdi gbē kù ñ nèsee yàkanɔ laakari kpáteínɛ,
àdi ñ bò pípiínɛ.

4 À susunɛnɔ lé dõ,

àdi ñ baadi sísi a t́a.

5 Ó Dikiri zókõ, à iko vī manamana,
a ɔndõ lé vīro.

6 Dikiri dì zīdabusarinɔ gba gbāna,
ama àdi ɔ tõ yāvānikerinɔa ari zītɛ.

7 À lè sí Dikirine kū a sáabukenaao,
à ó Luda táaki lé kū mɔɔɔɔ.

8 Àdi tó legū sisi,
àdi zĩte gba legū,
àdi tó sè bute s̄s̄ĩna.

9 Àdi p̄s̄ble kpá n̄b̄n̄na
kū kākāanna n̄n̄n̄, tó òten wiki pé.

10 Àdi ke s̄s̄ gbānake mé àdi kánero,
adi ke ḡs̄s̄agbānake mé àdi ken̄ero.

11 Gbē kū ò a v̄ĩna v̄ĩn̄o mé àdi káne,
gbē kū n̄ wé d̄o a gbēk̄eĩn̄o.

12 Yurusalemuden̄o, à Dikiri tó bo,
Zaīs̄den̄o, à á Luda táaki lé.

13 Zaakū àdi arubarika daágu,
àdi á w̄ete b̄ĩnilen̄o gbāna karaáre.

14 Àdi á gba aafia ari á b̄usule lén,
àdi p̄sburi mana kpááwa à k̄a.

15 Àdi yā o à kp̄ázā z̄ĩtene,
a yā dì ká ḡn̄nḡn̄o.

16 Àdi tó legūgb̄e k̄óte p̄úu lán buu bà,
àdi tó pl̄i kpá lán túbu bà,

17 àdi legūgb̄e f̄a lán gb̄èk̄ōs̄ō bà.
Dí mé ani f̄s̄ à ze a ĩa ȳĩdaii?

18 Àdi yā o à kp̄ázā, legūgb̄ee dì yó,
àdi ĩa gbare, a í dì bàa lé.

19 Àdi tó Yakubu burin̄o ḡs̄ a yā d̄s̄,
àdi doka kū à diten̄o da Isarailan̄o.

20 Àdi abirekū ke buri p̄ānde ken̄ero,
ò a yāditenan̄o d̄s̄ro.
Aleluya!

148

Dikiri p̄s̄ kū à k̄en̄o a táakilenaa

1 Aleluya!

À Dikiri táaki lé, a beden̄o!

À a táaki lé zaa musu!

2 À a táaki lé, a malaikan̄o á p̄ínki!

À a táaki lé, a ìban̄o á p̄ínki!

3 À a táaki lé, if̄āntē kū m̄ovuraao!

À a táaki lé, susune ìnnan̄o p̄ínki!

4 À a táaki lé, sarapura musumus̄u p̄óno
kū í kū à kú ludamb̄elan̄o.

5 Ó Dikiri tó bo,
zaakū à yā ò, akū ò kun.

6 À n̄ p̄epe n̄ pépek̄ia
de òḡs̄ kú gwe ḡōr̄o s̄ĩnda p̄ínki,

à doka dìteńne, oni f̄ ò v̄ialaro.

7 À Dikiri táaki lé, p̄ó k̄ú ò k̄ú z̄iten̄o,

kp̄ò gb̄ènt̄en̄o k̄ú ísira l̄òno

8 k̄ú leḡüpinaao k̄ú leḡúgb̄eεo k̄ú leḡüsisinaao

k̄ú z̄àga'ia k̄ú àdi m̄i nate a ȳāneεo,

9 k̄ú kp̄in̄o k̄ú s̄is̄in̄o p̄ínki

k̄ú lí né'irin̄o k̄ú sida l̄in̄o p̄ínki,

10 k̄ú n̄òb̄s̄ent̄en̄o k̄ú p̄ók̄aden̄o p̄ínki

k̄ú p̄ó k̄ú òdi táa o k̄ú k̄uāon̄o k̄ú b̄ān̄o,

11 k̄ú andunia k̄ínan̄o k̄ú burin̄o p̄ínki

k̄ú k̄inan̄en̄o k̄ú b̄usu gb̄ānaden̄o ń p̄ínki,

12 k̄ú kefennan̄o k̄ú n̄okparen̄o ń p̄ínki

k̄ú gb̄ē z̄ōk̄ōn̄o k̄ú né f̄itin̄o.

13 Ò Dikiri t̄ó bo,

zaak̄ū a m̄èn do t̄ó mé à z̄ōk̄ō,

a gakuri de musu k̄ú z̄iteola.

14 À k̄ina k̄à a gb̄ēn̄o,

k̄ú a ȳāmarin̄o òdi a táaki lé,

Isaraila k̄ú ò k̄āni k̄āon̄o.

Aleluya!

149

Dikiri gb̄ēn̄o ȳākpatekena k̄ú burin̄o

1 Aleluya!

À l̄è dufu sí Dikirine,

à a táaki lé a gb̄ēn̄o k̄ōkakaranaa ḡūn.

2 Isarailan̄o p̄o ke nna ń K̄ēriia,

Zaiōden̄o p̄onna ke k̄ú ń k̄inao.

3 Ò ū w̄ā ò a t̄ó bo,

ò a táaki lé k̄ú m̄ōr̄o k̄ú s̄ēḡēs̄ēḡēo.

4 Zaak̄ū Dikiri gb̄ēn̄o ȳā òdi k̄āagu,

àdi surabana f̄ura k̄ú z̄idabusearin̄o.

5 Dikiri ȳāmarin̄o p̄onna wiki lé ń z̄iblena ȳāi,

ò ayuwii ke ń wuteb̄o musu.

6 Luda táakilena ḡō da ń l̄én,

f̄ēn̄eda lékp̄ap̄lade ḡō na ń ōi,

7 de ò m̄ōra k̄āo burin̄o,

ò b̄usu s̄inda p̄ínki gb̄ēn̄o wé t̄āo,

8 de ò ń k̄inan̄o ȳīȳī k̄ú m̄ōk̄ak̄ōanan̄o,

ò m̄ò k̄á ń k̄inen̄o,

9 de ò ȳā dańla l̄ākū à k̄ēna takada ḡūn n̄a.

Gakuri k̄ú Dikiri ȳāmarin̄o ni len gwe.

Aleluya!

150

Dikiri táakilenaa

¹ Aleluya!

À Luda táaki lé a kúkia,
à a táaki lé sarapura zṣkṣṣ gūn.

² À a táaki lé a gbānake yāi,
à a táaki lé kũ a zṣkṣ deñla yāi.

³ À a táaki lé kũ kurupenaao,
à a táaki lé kũ mṣrṣṣṣṣ kũ gidigboo.

⁴ À a táaki lé kũ gāgāo kũ ūwānaao,
à a táaki lé kũ gugeo kũ úrao.

⁵ À a táaki lé kũ sḡḡḡpanaao,
à a táaki lé kũ sḡḡ ṽ gbānao.

⁶ Pṣ bēne sīnda pínki, à Dikiri táaki lé!
Aleluya!